

EGG OR AT

THE EGG OR AT
THE EGG OR AT

THE EGG OR AT
THE EGG OR AT

THE EGG OR AT
THE EGG OR AT

THE EGG OR AT
THE EGG OR AT

THE EGG OR AT
THE EGG OR AT

THE EGG OR AT
THE EGG OR AT

S A N C T I
G R E G O R I I
P A P Æ I.
COGNOMENTO MAGNI,
OPERA OMNIA,

J A M O L I M

AD MANUSCRIPTOS CODICES ROMANOS,
Gallicanos, Anglicanos emendata, aucta, & illustrata notis,

*Studio & Labore MONACHORUM Ordinis Sancti Benedicti,
e Congregatione Sancti Mauri:*

Nunc autem a JOHANNÉ BAPTISTA GALLICCIOLLI Sacerdote Veneto, ad Codices præsertim
MARCIANOS iterum exacta, atque novis accessionibus locupletata.

T O M U S Q U I N T U S,
C O M P L E C T E N S

HOMILIARUM in EZECHIELEM Librum II. necnon HOMILIAS
in EVANGELIA.



V E N E T I I S, M D C C L X I X.

S U M P T I B U S C A R O B O L I, E T P O M P E A T I.

S U P E R I O R U M P E R M I S S U, A C P R I V I L E G I I S.



Digitized by the Internet Archive
in 2013

<http://archive.org/details/sanctigregoriipa05greg>

^a IN EZECHIELEM
PROPHETAM
HOMILIARUM
LIBER SECUNDUS.
PRÆFATIO.

*Job. Diae.
l. 4. n. 67.*



Uoniam multis curis prementibus, Ezechielis prophetæ librum coram caritate vestra totum per ordinem perferutari non licuit, bonis vestris desideriis placuit petere, ut saltem extrema ejus visio, quæ ei facta est de ædificio in monte constituto, quæ & cunctis est visionibus ejus obscurior, exponi debuisset. Et quidem voluntati vestræ me parere necesse est: sed duo sunt, quæ hac in re perturbant animum meum. Unum, quod hæc eadem visio tantæ obscuritatis nebulis tegitur, ut vix in ea aliquid intellectu ^b interlucente videatur. Aliud, quod jam Agilulphum Langobardorum Regem ad obsidionem nostram summopere festinantem, ^c Padum transisse cognovimus. Unde pensate, fratres carissimi, ^d in caliginosis ac mysticis sensibus penetrare quid valeat

*Supra hom.
II. n. 26. &
l. 5. ep. 40.*

^d

mens misera, timoris sui perturbationibus occupata. Quanto enim circa terrena ^e plus angitur, tanto in his quæ sunt cœlestia, minus videt: & pro eo quod curis suis extra se ducitur, valde intus minor est, quia sicut scriptum est: *Deprimit* ^{Sup. 9. 15} *terrena inhabitatio sensum multa cogitantem*. Quæ enim superiora penetrare etiam collecta non sufficit, pensate quid agere poterit divisa? Scimus autem, scimus omnes, quia & fluvius qui in multis rivis dividitur, a suo alveo exsiccat. Sed tamen inter hæc adest superna gratia. Et si mentem meam cogitationum mearum pondera deprimunt, vestrorum hanc pennæ desideriorum levant. Obscurum quidem valde est opus quod aggredimur; sed ponamus in animo, quia nocturnum iter agimus. Restat ergo, ut hoc palpando carpamus.

^e

^a In MSS. legitur: *Incipit liber secundus homeliarum Sancti Gregorii Papæ urbis Romæ, in extremam partem Ezechielis Prophetæ, quæ sunt numero decem.*


^b Val cl interlucere. Ceterum de obscuritate prophetiæ Ezechielis consule quæ di-

ximus in præfatione.

^c Norm. *Padum transire.*

^d Codex antiquissimus Ecclesiæ Laudanensis & alii, in *caligosis* Ebroid. & Lyrano. in *lectionibus mysticis*.

^e Vulgati, *plus satagit*.



a

HOMILIA PRIMA.

In explicatione trium priorum Versuum Cap. 40. Ezechielis, & quarti inchoati, de Christo & Ecclesia, de electis, & de occultis erga eos Dei judiciis, praesertim differtur.

Ezech. 40.
Vers. 1.



N^o vigesimo & quinto anno transmigrationis nostrae, in exordio anni, decima mensis, quartodecimo anno postquam percussa est civitas, ipsa hac die facta est super me manus Domini, & adduxit me illic.

Quando &
quot annis
Ezechiel
propheta-
verit.

b

1. ^b Dicturus mystica, narrationem historicam praemittit, ut figat ex tempore, quod credatur ex revelatione. Notandum vero quod in exordio libri hujus, quo anno prophetare coeperit, indicavit: in fine vero inseruit, quo extremam visionem vidit, itaut cognosci valeat in quot annis prophetiae suae librum ^c duxerit. Tempus namque quo prophetare coepit, in locutionis suae initio posuit, dicens: *Aperti sunt caeli, & vidi visiones Domini in quinta mensis: ipse est annus quintus transmigrationis regis Joachin*. Nunc vero loquitur, dicens: *In vigesimo & quinto anno transmigrationis nostrae*. Idem namque Propheta in captivitate prima cum Joachin rege fuerat ^d in Babyloniam transductus. Nam de secunda Jerofoly-

Ezech. 1. 1

d

morum captivitate subjungit: *Quartodecimo anno postquam percussa est civitas*. Undecim quippe annis, Sedecias post captivitatem primam in qua Ezechiel Propheta cum Joachin rege ductus est ^e in Babylonem, in Jerofolymorum urbe regnaverat. Post captivitatem vero ejusdem Sedeciae, ^f quae jam secunda erat urbis captivitas, quartodecimo anno Propheta visionem ultimam videbat. Undecim itaque & quatuordecim simul juncti, faciunt viginti & quinque. Si igitur visionem primam quinto captivitatis prioris anno locutus est, atque hanc ultimam vigesimo & quinto anno factam fuisse describit: profecto patet quod in viginti annis locutionis suae moras ^g usque ad ultimae visionis suae verba tetenderit. Nec movere quempiam debet quod in medio prophetiae suae volumine, cum de Babylonico rege loqueretur, vigesimi ac septimi anni memoriam facit. Quo in loco cum nihil de tempore suae captivitatis interferit, aperte demonstrat, quia ejus Regis tempora describat, de quo ^h ut pro-

e

f

g

h

^a In editis, repugnantibus MSS. *homilia decima tertia*.

^b Editi praeter Gassanvil. *dicturus mysticam narrationem historicam praemittit*. Prae-
lucent nobis MSS. Anglic. &c.

^c Norm. omnes, quibus concinunt edit. Parisi. 1502. 1518. 1571. & Vatic. *dixerit*. Cod. Longip. *digesserit*.

^d Val-cl. cum Norm. *in Babylonem*. Hic & ubique deinceps legitur tam in MSS. quam in editis, si Gassan. excipias, *Joachin*. Sed scribendum *Joachia*, aut *Joachin*, ut in

Hebraicis, Graecis, ac Latinis exemplaribus Ezech. Proph. & lib. 4. Regum legitur; si-
que distinguitur a patre Joachin dicto.

^e Omititur *in Babylonem*, in Norm.

^f Editi omnes, *qua etiam*.

^g In vet. editis, *usque ad ultimum vi-
sionis suae verba*. Recent. *usque ad ultima*. Favent MSS. Norm. & Val-cl. Nobis vero Laud. & Suesl. & Longip.

^h Val-cl. concinentibus Norm. *prophetare coeperat*.

Fructuum
spiritua-
lium Scri-
pturæ sa-
cræ radix
est litera.

Deus simul
Pœnitentes
consolatur,
& perver-
sas percu-
tit.

2

Verf. 1. &
2.

In Scriptu-
ris quæ jux-
ta litte-
ram veri-
tate carent,
allegorice
sunt intel-
ligenda.

b

prophetaret acceperat. Quod ve-
ro ait: *In exordio anni, decima-
mensis*, tempus simpliciter expri-
mit: ut ex ipso quoque tempore in
corda audientium juxta litteram ver-
bi radicem figat, ex qua spirituales
fructus postmodum proferat.

2. Notandum vero quod ait:
*Quartodecimo anno postquam percus-
sa est civitas, ipsa hac die*. Quid
est enim quod per hanc visionem
ultimam omnipotens Deus ea ipsa
die dignatus est promissionis suæ
misericordiam facere, qua die in
perculsa civitate iram justitiæ im-
plevit: nisi ^a quod illa divinitatis
vis, quæ in diversitatis motum &
mutabilitatem non ducitur, ea ipsa
luce justitiæ, afflictos ac pœnitentes
vivificat, qua superbientes ac ri-
gidos percutit? Præmissio itaque vi-
sionis suæ tempore, subjungit:

*Facta est super me manus Domi-
ni, & adduxit me illuc in visio-
nibus Dei: adduxit me in terram
Israel, & dimisit me super mon-
tem excelsum nimis, super quem
erat quasi ædificium civitatis vergen-
tis ad Austrum.*

3. Cujus videlicet civitatis ædifi-
cium accipi juxtalitteram nullatenus
potest. Nam paulo post subdit hoc
ipsum ædificium calamo sex cubito-
rum & palmo, portam vero ^b ejus-
dem ædificii quatuordecim cubitis
mensuratam; cujus portæ frontes
esse perhibet sexaginta cubitorum.
Quæ cuncta stare juxta litteram nul-
latenus valent. Quomodo enim to-
tum simul ædificium calamo, id est
sex cubitis & palmo mensuratur; &
portæ ædificii in quatuordecim cu-

bitis, frontes vero portarum in se-
xaginta cubitis extenduntur? Por-
ta enim in civitate est, frontes ve-
ro in portis. Et nulla recipi ratio
permittit, quia minus est hoc quod
continet, ab eo quod continetur.

In Scriptura autem sacra & ea quæ
accipi secundum historiam possunt,
plerumque spiritualiter intelligenda
sunt: ut fides habeatur in veritate
historiæ, & spiritualis intelligentia
capiatur de mysteriis allegoriæ. Si-
cut illud quoque novimus quod

Psalmistæ ait: *Quoniam videbo cælos
tuos, opera digitorum tuorum; lu-
nam & stellas, quas tu fundasti.*

Ecce enim in exteriori descriptio-
ne stat sermo rationis, quia & cœ-
li opera Dei sunt, & luna ac
stellæ ab eo creatæ atque fundatæ
sunt. Sed si hoc Psalmistæ juxta
sola exteriora opera, & non etiam
secundum intellectum mysticum as-
ferit; qui cælos opera Dei esse pro-
fessus est, dicturus lunam & stel-
las, cur non etiam solem, quem
scimus quia ejus opus est, pariter
enumeravit? Si enim juxta solam
litteram loquebatur, dicturus lumi-
nare minus, prius luminare majus
dicere debuit, ut ante solem, &
post lunam atque stellas fundatas
esse perhiberet. Sed quia juxta in-
tellectum mysticum loquebatur, ^c
ut lunam sanctam Ecclesiam, &
stellas Sanctos omnes accipere debe-
remus, solem nominare noluit,
quia videlicet ipsi æterno Soli lo-
quebatur, de quo scriptum est:

*Vobis autem qui timetis Dominum,
oriatur sol justitiæ.* De quo reprobi
in fine dicturi sunt: *Sol justitiæ
non ortus est nobis.* Dicendo ergo,

Lu-

Pater. in
Psa. c. 18.
Et Excerpt.
in Psa. 8.

Psal. 8. 4.

c

Malach. 4. 2.

Sap. 5. 6.

^a Ita Sueff. Laud. & alii antiq. Editi
cum aliis MSS. quod illa divinitas.

^b Excusi, ejusdem civitatis, absque MSS.
auctoritate. Ceterum propositæ difficultatis
nodum haud difficile est solvere, dicendo
mensurandæ civitati calamum quidem sex
cubitorum & palmi fuisse adhibendum, idque

dicere Prophetam; eam vero minime, nisi
pluries repetitum adæquasse.

^c Gussanvil. corrupte, ut unam omnes
accipere debemus &c. Legitur ut Lunam in
duobus German. & cet. MSS. Neque vero
aliter, legi posse orationis series satis de-
monstrat.

*Lunam & stellas quas tu fundasti , & tamen tacendo solem qui factus est , indicavit quia illi Soli locutus est , qui non solum solem & lunam atque stellas corporaliter , sed etiam lunam Ecclesiam , atque stellas Sanctos omnes spiritualiter fecit . Si ergo ^a cum aliquid deest historiæ , aperta ratione ducimur ad intellectum allegoriæ ; quanto magis illa spiritualiter accipienda sunt , in quibus juxta rationem litteræ nihil historicum sonat ? *Facta est super me manus Domini , & adduxit me illuc in visionibus Dei : adduxit me in terram Israel .* Quod dixerat , *Adduxit me illuc* , hoc replicans subdidit : *Adduxit me in terram Israel .* Ait enim : *Facta est super me manus Domini , & adduxit me illuc in visionibus Domini .* Manus etenim virtutem potestatis , visiones vero ipsam quam acceperat revelationem significant ; Manus quippe in visione , est virtus in contemplatione . Quibus verbis quid aperte indicat , nisi quia nihil de civitate quam viderat , ^b juxta litteram dicat ? Nam spiritualiter de ea loquitur , quam spiritualiter contemplatur .*

Mantis potestatem , visio revelationem significat .

Mons excelsus Jesus Christus .

Quantum ex divinitate emineat .

^c Pater . in Isai . c . 10 .
^d

4. *Et dimisit me super montem excelsum nimis .* Quem ergo significat mons excelsus , nisi Mediatorem Dei & hominum hominem Christum Jesum ? Qui de terra quidem , sed ultra terram est : quia caro ejusdem Redemptoris nostri de imis habet materiam , se in summis præeminet ex potestate . Quem minus erat ut excelsum diceret , nisi adderet *nimis* : quia non solum homo , sed ex ejusdem humanitatis conceptione quæ ab eo assumpta est , ^c Deus homo : non solum homo ultra homines , sed homo etiam ^d su-

per angelos factus . Hinc enim de illo per Isaiam dicitur : *In die illa erit fructus terræ sublimis .* Creator etenim noster quia pro nobis incarnatus est , fructus terræ factus est nobis . Sed jam fructus terræ sublimis est , quia homo natus in terra , super angelos regnat in cœlo : quia juxta David & Pauli vocem , *Omnia subjecit sub pedibus ejus .* In eo enim quod ei subjecit omnia , nihil dimisit non subjectum ei . Mons ergo iste est & excelsus , & nimis , quia etsi de terra est per substantiam humanitatis , ^e incomprehensibilis tamen est ex altitudine divinitatis . Hinc est enim quod eundem Dominum cum Isaias Propheta prospiceret ^f in carne esse venturum , per prophetiæ spiritum sublevatus , ait : *Et erit in novissimis diebus præparatus mons domus Domini in vertice montium .* Domus enim Domini Israeliticus populus fuit . Mons itaque domus Domini ille appellatus est , qui ex Israelitico populo incarnari dignatus est . Fuerunt autem in eodem populo sancti viri , qui montes jure vocarentur , quia per vitæ meritum ad cœlestia propinquaverunt . Sed incarnatus unigenitus istis montibus æqualis non fuit , ^g quia naturam , vitam , merita omnium ex sua divinitate transcendit . Unde & recte mons super verticem montium dicitur : quia excelsus ex divinitate sua inventus est , etiam super cacumina Sanctorum : ut hi qui multum in Deo profecerant , ejus vestigia vix potuissent tangere ex vertice cogitationis . Qui ergo illic mons super verticem montium dicitur , ipse hic mons excelsus

Isai . 4 . 2 .

Psal . 8 . 8 .

Pater . in Isai . c . 5 .

Isai . 2 . 2 .

Mons est super verticem montium .

codicibus .

^d Longip . ultra Angeles .

^e Ebroic . Lyr . Val . cl . incomparabilis .

^f Laud . & Lyran . incarnandum esse venturum .

^g Laud . & Longip . quia natura , vita . Suell . quia naturam , vitæ merita .

^a Laud . cum aliquid de historiæ aperta ratione dicimus .

^b Laud . & Longip . juxta historiā .

^c Removimus hinc conjunctionem & , ab edit . adjectam , *Deus & homo* ; & paulo supra restituvimus particulam *ex* , ante *ejusdem* , repertam in omnibus melioris notæ

sus nimis esse perhibetur. Sequitur:

Spiritualis
civitatis
ædificium
quale sit.

5. *Super quem erat quasi ædificium civitatis vergentis ad Austrum.* Notandum est quod non dicitur, Super quem erat ædificium, sed *quasi ædificium*: ut videlicet ostenderetur, quod non ^a de corporalis, sed de spiritualis civitatis ædificio cuncta dicerentur. Qui enim non se ædificium, sed quasi ædificium, vidisse perhibet, cor audientium ad spiritalem fabricam mittit; sicut per

Ps. 121. 3.

Psalmistam dicitur: Jerusalem quæ ædificatur ut civitas. Quia etenim

Pater. in
1. Petr. 6. 2.

illa internæ pacis visio ex sanctorum civium congregatione construitur, Jerusalem cœlestis ut civitas ædificatur. Quæ tamen in hac peregrinationis terra dum flagellis percutitur, tribulationibus tunditur, ejus lapides quotidie quadrantur. Et ipsa est civitas, scilicet sancta Ecclesia, quæ regnatura in cœlo adhuc laborat in terra. Cujus civibus

1. Pet. 2. 5.

Petrus dicit: *Et vos tamquam lapides vivi superædificamini.* Et

2. Cor. 3. 9.

Paulus ait: *Dei agricultura, Dei ædificatio estis.* Quæ videlicet civitas habet hic in Sanctorum moribus magnum jam ædificium suum. In ædificio quippe lapis lapidem portat, quia lapis super lapidem ponitur: & qui portat alterum, portatur ab altero. Sic itaque, sic in sancta Ecclesia unusquisque & portat alterum, & portatur ab altero. Nam vicissim se proximi tolerant, ut per eos ædificium caritatis surgat. Hinc enim Paulus admonet, dicens: *Invicem onera vestra portate, & sic adimplebitis legem Christi.* Cujus legis virtutem

Galat. 6. 2.

denuntians, ait: *Plenitudo legis caritas.* Si enim ego vos portare negli- go in moribus vestris, & vos me tolerare contemnitis in moribus

Rom. 13. 10.

meis: caritatis ædificium inter nos unde surgit, quos vicaria dilectio per patientiam non conjungit? In ædificio autem, ut prædiximus, lapis qui portat, portatur: quia sicut ego jam mores eorum tolero qui adhuc in conversatione boni operis rudes sunt, ita ego quoque ab illis toleratus sum, qui me in timore Domini præcesserunt & portaverunt, ut portatus portare discerem. Sed ipsi quoque a majoribus suis portati sunt. Lapides vero qui in summitate atque extremitate fabricæ ponuntur, ipsi quidem portantur ab aliis, sed alios nequaquam portant: quia & hi qui in fine Ecclesiæ, id est in extremitate mundi nascituri sunt, tolerantur quidem a majoribus, ut eorum mores ^b ad bona

Portatus
portare di-
scat.

b

Lapidum
omnium
fundamen-
tum Chri-
stus.

1. Cor. 3.
11.

c

A nemine
portatur.

Quo sensu
laboret su-
stinens.

Jer. 6. 11.

la

^a Laud. & Longip. de corporali, sed spiritali.

^b Laud. & Longip. ad bona merita:

^c Plur. fundamentum autem . . . quod positum est Christus Jesus.

8 Sancti Gregorii Homiliarum in Ezechielem

la fatigatio contingit: sed verbis humanis loquens, ipsam suam circa nos patientiam, laborem vocat.

Auster Spiritum sanctum, Aquilo diabolum significat.

6. Et notandum, quod eandem civitatem quam Propheta conspexit, ad Austrum vergentem vidit. Auster enim ventus quia in sancti Spiritus typo poni solet, hi qui in sacro eloquio studiosi sunt recognoscunt, sicut e contrario per Aquilonem sæpe diabolus designatur; quia & ille relaxat in calore, & iste constringit in frigore. Et Veritas dicit: ^a *Abundabit iniquitas, & refrigescet caritas multorum*. Propheta quoque de Iudæa asserit, dicens: *Sicut frigidam facit cisterna aquam, sic frigidam fecit malitiam suam*. Hinc enim diabolus, Propheta eodem attestante, dixisse perhibetur: *Sedebō in monte Testamenti, in lateribus Aquilonis*. At contra hæc civitas ad Australem partem vergit, quia torporem mentis sancti Spiritus gratia relaxat. Hinc Psalmista ait: *Converte Domine captivitatem nostram, sicut torrens in Austro*. Captivitas enim nostra, quæ torporis frigore ad sequendum Deum pigra remanserat, per calorem sancti Spiritus relaxatur, ut currat in amorem Dei. Unde & nunc dicitur, quod civitas quæ in monte constituta est, ad Austrum vergit: quia electorum Ecclesia cogitationes suas ^b in afflatu sancti Spiritus aperit, atque ab omni superbix suæ vertice descendens, in Deo, cui credit, amoris calorem concipit: ut nihil ei libeat, nisi ejus gratiæ submitti, ^c dilectione calefieri, ejus afflatus semper munere repleti. Unde & valido amore

^a Matt. 24. 12. *Abundabit iniquitas, & refrigescet caritas multorum*.

Jerem. 6. 7. *Sicut frigidam facit cisterna aquam, sic frigidam fecit malitiam suam*. Hinc enim diabolus, Propheta eodem attestante,

Isa. 14. 13. *Sedebō in monte Testamenti, in lateribus Aquilonis*. At contra hæc civitas ad Australem partem vergit, quia torporem mentis sancti Spiritus gratia relaxat. Hinc Psalmista ait: *Converte Domine captivitatem nostram, sicut torrens in Austro*. Captivitas enim nostra, quæ torporis frigore ad sequendum Deum pigra remanserat, per calorem sancti Spiritus relaxatur, ut currat in amorem Dei. Unde & nunc dicitur, quod civitas quæ in monte constituta est, ad Austrum vergit: quia electorum Ecclesia cogitationes suas ^b in afflatu sancti Spiritus aperit, atque ab omni superbix suæ vertice descendens, in Deo, cui credit, amoris calorem concipit: ut nihil ei libeat, nisi ejus gratiæ submitti, ^c dilectione calefieri, ejus afflatus semper munere repleti. Unde & valido amore

Ps. 123. 4. *Converte Domine captivitatem nostram, sicut torrens in Austro*. Captivitas enim nostra, quæ torporis frigore ad sequendum Deum pigra remanserat, per calorem sancti Spiritus relaxatur, ut currat in amorem Dei. Unde & nunc dicitur, quod civitas quæ in monte constituta est, ad Austrum vergit: quia electorum Ecclesia cogitationes suas ^b in afflatu sancti Spiritus aperit, atque ab omni superbix suæ vertice descendens, in Deo, cui credit, amoris calorem concipit: ut nihil ei libeat, nisi ejus gratiæ submitti, ^c dilectione calefieri, ejus afflatus semper munere repleti. Unde & valido amore

B

c

Psal. 34. 9. *succensus contemplator dicebat: Anima mea exultabit in Domino, &*

^a Longip. *abundavit*; & Laudun. *refrigescit*.

^b Laudun. *in affectu*.

^c Solus Guffanvil. hic addit, *ad bona opera elevari, ejus &c.* Unde hoc sit accertum non indicat; quapropter rescindendum

delectabitur super salutari ejus. Qui enim Latine salutaris, ipse Hebraice Jesus dicitur. Propheta igitur quia vias ejus atque miracula, redemptionis quoque nostræ mysterium per prophetiæ spiritum contemplantur, exultare se in Domino ^d & delectari super Jesu perhibet: quia inde gaudium in mente conceperat, unde per amorem fortiter ardebat. Pensemus itaque si mentes spiritualium patrum in illo delectatæ sunt qui necdum venerat, sed prævidebatur; cujus reatus sit ejus vias, ejus exempla, ejus monita postquam venit, & redemptionem exhibuit, non amare. Hæc ergo civitas ad Austrum vergere dicitur, ac si aperte diceretur, quod prior illa civitas, scilicet synagoga, in infidelibus suis ad Aquilonem stetit, quæ in frigore perfidiæ ^e duravit. Sancta vero Ecclesia, quæ caritatem fidei concepit, per calorem ad Austrum vergit, & quasi calido vento innititur: quia non in sui fiducia, sed in dono spiritualis gratiæ lætatur. Sequitur:

Et introduxit me illuc.

Vers. 3.

7. Cœlestis civitatis ædificium ille intrat, qui in sancta Ecclesia bonorum vias imitando considerat. Intrare quippe est ædificium super montem, electos sanctæ Ecclesiæ in virtutum culmine constitutos, qualiter in Domino proficiant, amando considerare. Iste enim vitam conjugio ligatam ducit, propriis rebus contentus est, aliena non diripit, de suo quidquid prævalet indigentibus largitur, peccata sine quibus quotidiana vita a conjugatis duci non potest, flere non negligit. Pro eo enim quod ipsa familiaris cura animi

Quinam cœlestem civitatem intrant, qui vero ejus ædificium foris conspiciant.

judicavimus. Ibid. Laud. & Sueff. habent, *ejus delectatione*.

^d Laud. & Longip. *& delectare*.

^e Longip. *duravit*. Norm. cum Val cl. *manere curavit*.

Veteres Patres in Christo venturo mire delectati, torporis arguunt Christianos in ejus amore non flagrantes.

num conturbat, sese ad lacrymas excitat. Ille vero jam cuncta quæ sunt mundi, deseruit, nil ejus habere appetit, ^a solius contemplationis exercitatione pascitur, spe præmiorum cœlestium cum fletibus lætatur, transcendit ipsa etiam, quæ haberi concessa sunt, quotidianum cum Domino habere secretum quærit, nulla ejus animum prætereuntis mundi cura perturbat, mentem semper in expectatione cœlestium gaudiorum dilatat. Alius vero jam hujus mundi cuncta deseruit, ejusque mens in contemplationem cœlestium sublevarur: sed tamen pro ædificatione multorum, locum regiminis tenens, qui rebus prætereuntibus ex desiderio non succumbit, ad eas aliquando propter proximorum compassionem reflectitur, ut ex earum cura indigentibus misereatur: verbum vitæ auditoribus prædicat, animabus simul & corporibus necessaria ministrat. Et qui propter se ad cœleste desiderium jam per contemplationem evolat, adhuc tamen ^b pro provectu & utilitate proximorum in rebus temporalibus defudat. Quisquis ergo in sancta Ecclesia considerare solícite studet, ut aut in bonorum conjugatorum vita, aut in arce continentium, & omnia quæ sunt hujus mundi derelinquentium, aut etiam in prædicatorum summitate proficiat, jam civitatis in monte posite ædificium intravit. Nam qui considerare meliorum vitam ut proficiat negligit, adhuc extra fabricam stat. Et si honorem quem jam sancta Ecclesia in mundo habet, admiratur, quasi ædificium foris conspicit, & obstupefcit. Et quia exterioribus solis intentus est, intus ingressus non est. Sequitur:

Et ecce vir, cujus erat species quasi species æris.

8. Ipse signatur in viro, qui figuratur in monte. Vir autem iste metiri ædificium dicitur. Et recte Dominus per virum signatur & montem, quia & ipse omnia intra sanctam Ecclesiam judicando disponit, & ipse eandem sanctam Ecclesiam portat, & portando ad cœlestia sublevat. Sic in sancto quoque Evangelio idem Redemptor noster loquitur, dicens: *Qui intrat per ostium, pastor est ovium.* Et paulo post: *Ego sum ostium.* Atque iterum post pauca subjungit: *Ego sum pastor bonus.* Si igitur ipse Pastor & ipse ostium, & intrat Pastor per ostium; cur non hoc loco & ipse mons, & ipse vir intelligitur, qui ædificium metitur in monte?

9. Sed quærendum nobis est cur de hoc viro dicitur, *Cujus species erat quasi species æris?* Cuncti autem novimus, fratres, metallum æris valde esse durable, atque omnimodo sonorum. Quid est ergo quod aspectus Mediatoris Dei & hominum, speciei comparatur æris, nisi hoc quod aperte novimus, quia unigenitus Filius formam servi accipiens, fragilitatem carnis humanæ per resurrectionis suæ gloriam vertit in æternitatem, quia in eo caro facta est jam sine fine durabilis? Nam *surgens a mortuis jam non moritur, mors ei ultra non dominabitur.* Quid est autem, quo ipsa ejus incarnatio sonoro metallo comparatur, nisi quod per eandem assumptionem humanitatis nostræ, ^c insonuit omnibus gloria majestatis suæ? Et quasi aspectum æris ^d habet in corpore quia Deus mundo innotuit ex carne.

Un-

Christus in Ecclesia omnia disponit.

Johan. 10. 1.

Ibid. v. 7.

Ibid. v. 11.

Fragilitatem carnis humanæ vertit in æternitatem.

Rom. 6. 9.

^a Laudun. solius contemplatione pascitur.
^b Ita Laud. Suell. Longip. Val-cl. Editi omiserunt pro, ad complendum sensum necessariam.

^a Laud. & Longip. insonuit omnibus gloriam.

^b Al. habet ex corpore, quod exhibent vulgati.

10 Sancti Gregorii Homiliarum in Ezechielem

Ajoc. 19. 16. Unde & per Johannem dicitur: *Habebat in vestimento & in femore suo scriptum: Rex regum, & Dominus dominantium.* Quid enim vestimentum ejus est, nisi corpus ^a quod assumpsit ex Virgine? Nec tamen aliud ejus vestimentum est, atque aliud ipse. Nam nostrum quoque vestimentum caro dicitur, sed tamen ipsi nos sumus caro, qua vestimur. Hoc autem vestimentum illius longe ante Isaias aspiciens per crucem passionis, sanguine cruentatum, dixit: *Quare rubrum est indumentum tuum, & vestimenta tua quasi calcantium in torculari?* Cui ipse respondit: *Torcular calcavi solus, & de gentibus non est vir mecum.*

Pater. in 1. Sai. c. 78. & in Apoc. c. 42.

Isai. 63. 2.

Idem 3.

Solus enim torcular in quo calcatus est, calcavit qui sua potentia eam quam pertulit, passionem vicit. Nam qui usque ad mortem crucis passus est, de morte cum gloria surrexit. Bene autem dicitur: *Et de gentibus non est vir mecum*; quia hi pro quibus pati venerat, passionis ejus esse participes debebant; qui pro eo quod illo tempore necdum crediderant, de ipsis in passione queritur, quorum vita in illa passione quærebatur. Per femur vero propagatio carnis est. Quia ergo per propagationem generis humani, sicut generationum ordines Matthæo vel Luca narrantibus describuntur, in hunc mundum venit ex virgine, & per incarnationis suæ mysterium quia Rex esset & Dominus, cunctis ubique gentibus indicavit, in vestimento & femore scriptum habuit: *Rex regum, & Dominus dominantium.* Unde enim in

Prædicatio ejus ex carne, quasi sonus ex ære.

b

mondo innotuit, ibi de se lectionis ^b scientiam infixit. Prædicatio ergo ejus ex carne, quasi quidam sonitus ex ære est. Dicatur igitur recte: *Cujus species quasi species æris.* Sequitur:

Et funiculus lineus in manu ejus.

Idem.

10. In Septuaginta interpretibus funiculus lineus non habetur, sed *funiculus cæmentariorum.* Quorum si in hoc versu translationem ad exponendum tenemus, quid aliud cæmentarios, quam sanctos doctores accipimus, qui loquendo spiritalia, ad cœleste ædificium vivos lapides, id est electorum animas componunt? Quidquid enim antiqui patres, quidquid Prophetæ, quidquid Apostoli, quidquid Apostolorum successores locuti sunt, quid aliud fuit quam compositio lapidum in hac quæ quotidie construitur fabrica Sanctorum? In funiculo autem cæmentariorum hoc agi solet, ut cognosci æqualitas vel rectitudo surgentis parietis valeat: & si lapis intus est, foras ejiciatur; si exterius prominet, interius revocetur. Et certe quotidie hoc agit prædicatio doctorum, ut unaquæque anima, cui regiminis onera suscipere fortasse non expedit, etiamsi foris apparere appetat, interius revocetur. Et rursum, quæ latere vult, & sui tantummodo curam gerere, si sibi ac multis esse utilis potest, etiam cum latere desiderat, exterius producat, ut appareat. Sicque fit, ut sanctorum lapidum ordo teneatur, dum sæpe & volens ad honorem venire, repellitur; & honorem fugiens, in sacri ordinis arce sublevatur. Sed quia, ut per interpretem nostrum didicimus, Hebræorum historia non habet *cæmentariorum*, sed *funiculus lineus in manu ejus*: hoc quod apud nos certius habetur, exponere debemus. Scimus autem quod funiculus lineus subtilior est quam si funiculi fiant aliunde. Et quid in funiculo lineo, nisi subtiliorem prædicationem, ^d id est spiritalem debemus accipere? Censura etenim Legis, funiculus

Cœlestis ædificii lapides sunt cœlesti. A quibus disponantur.

c

Prædicatio Legis, carnalis est; Evangelii, spiritualis.

d

a Laud. Longip. Lyran. quod assumpsit.

b Sueff. lectionis sententiam.

c In Laud. semper legitur, cimentario-

rum.

d Laudun. id est spiritalem debemus accipere censuram. Etenim Lex funiculus.

fuit, sed lineus non fuit: quia rudem populum non subtili prædicatione coercuit, in quo ^a per pœnæ sententiam non peccata cogitationis, sed operis refecavit. At postquam per semetipsum Dominus etiam cogitationes hominum prædicando religavit, & perfectum esse peccatum etiam in corde innotuit, funiculum lineum in manu tenuit. Ait enim: *Audistis, quia dictum est antiquis:*

Matth. 5. 27.

Exod. 20. 14.

Non mæchaberis: ego autem dico vobis, quia qui viderit mulierem ad concupiscendum eam, jam mæchatus est eam in corde suo. Funiculus ergo lineus prædicatio est subtilis, quæ mentem audientis ligat, ne se vel in misera cogitatione dissolvat. Et notandum, quod dicitur, quia ei funiculus in manu est, id est prædicatio in operatione. ^b In se enim ostendit omne quod docuit, sicut scriptum est:

Matth. 1. 1.

Quæ cepit Jesus facere & docere. Et quia ipsa quæ dixit, etiam scripturæ tradidit ut ad posteros mandarentur, recte subjungitur:

Ibidem.

Et calamus mensuræ in manu ejus.

Una est doctrina veritatis, sed ejus discipulorum variis profectus.

Isai. 35. 7.

* Lib. 29.

Moys. n. 52.

pater. in

Isai. c. 43.

II. De sancta Ecclesia per Prophetam alium Dominus pollicetur, dicens: *Orietur in ea viror calami & junci.* Quod * in loco alio exposuisse me memini, ut per calamus scriptores, per juncum vero debeant auditores intelligi. Sed quia ad humorem aquæ & juncus & calamus nasci solet, & ex una eademque aqua utraque proficiunt, & calamus quidem ad scribendum assumitur, cum junco vero scribi non potest: quid in junco & calamo accipere debemus, nisi quod una est doctrina veritatis, quæ multos auditores irrigat? Sed irrigati alii ad hoc usque proficiunt in verbo Dei, ut etiam scriptores fiant, videlicet

tamquam calami: alii verbum vitæ audiunt, bonæ spei & rectorum operum viriditatem tenent, sed tamen ad scribendum proficere nullatenus possunt. ^c Hi quid in aqua Dei, nisi quidam, ut ita dicam, junci sunt? Qui quidem viridescendo proficiunt, sed litteras exprimere nequaquam possunt. Redemptor igitur noster, quia verba quæ dixit, etiam per doctorum studium scribi largitus est, in manu calamus tenuit. Qui calamus mensuræ dicitur: quia in ipsa doctorum studia sub quadam occulti judicii dispensatione detinentur, ut & aliis legentibus prosint, & aliis legentibus prodesse non possint. Unde sancti Apostoli cum ^d magistrum veritatis sibi apertius loquentem requirerent, cur turbis in parabolis loqueretur, audierunt: *Quia vobis datum est nosse mysterium regni cælorum, illis autem non.* Vel certe calamus mensuræ est, quia in ipso sacro ejus eloquio, quod nobis conscriptum est, occultas esse dispensationes ejus agnoscimus. Nam per incomprehensibile ejus iudicium & alter intra mensuram electorum mittitur, & alter foras relinquitur, ut nullo modo ad electorum numerum ^e pertinere mereatur. Habet ergo funiculum, habet in manu calamus mensuræ. Qui enim funiculo locum metitur, alibi funiculum trahit, aliunde retrahit: & huc ducit, quem aliunde subducit. Sic nimirum, sic Redemptor noster in collectione hominum facit, dum alios a suis iniquitatibus educit, alios in sua iniquitate derelinquit. In his enim quos colligere dignatus est, occultæ mensuræ funiculum traxit: & ab his quos derelinquendos esse judicavit, quid aliud nisi funiculum retraxit? ut & boni intra mensuram

Matth. 13. 11.

Occultæ Dei dispensationes.

B 2

cœ-

* Ebroic. & Lyr. quibus suffragantur Sueff. & Longip. per penitentiam.

b Ita melius MSS. Laud. Sueff. Longip. Beccensis, quam ed. ipse enim; quibus tamen nonnulli favent MSS.

c Longip. hi inquam, quid nisi.

d Laud. & Longip. magistrum veritatem.

e Norm. cum Val cl. pervenire. Sueff. peringere.

cœlestis fabricæ teneantur, & mali extra fabricam. In quibus bona quæ æstimantur, non sunt, quasi sine mensura remaneant.

Prædicare
aliis jubet,
aliis prohibet.

Pater. in
Aff. 6. 25.

Aff. 16. 9.
a

12. Hunc funiculum & mensuræ calamus in manu sua Redemptor noster tenuit, cum Paulum Apostolum per apparentem virum Macedonem admonere dignatus est, itaut idem Macedo vir diceret: ^a *Transiens adjuva nos*. Et tamen volentes Apostolos ad prædicandum ire in Asiam, non permisit Spiritus Jesu. Quid est quod sancti Apostoli, & ibi vocantur ire, ubi fortasse pergere non cogitabant, & illuc ubi desiderabant pergere, ire prohibentur: nisi quia occulti iudicii funiculus & mensuræ calamus tenetur in manu, ut & alii verba vitæ audiant, & alii audire nullatenus mereantur? Funiculus ergo mensuræ est, qui alio tractus est, aliunde retractus.

Invitos aliquid
quando trahit,
volentes repellit.
Matt. 8. 19.
Ibid. v. 20.

Ibid. v. 21.
et 22.

b

13. Sancto quoque Evangelio testante didicimus, quod venit qui diceret: *Magister, sequar te quocumque ieris*. Cui responsum est: *Vulpes foveas habent, & volucres cœli nidos; filius autem hominis non habet ubi caput suum reclinet*. Venit alter qui diceret: *Magister, sine me primum ire, & sepelire patrem meum*. Cui dicitur: ^b *Sine mortuos sepelire mortuos suos, tu autem me sequere, & annuntia regnum Dei*. Quid est quod ille promittit se ire, & deferitur: iste domum vult redire, & tamen ut sequi debeat jubetur? Ille non suscipitur, iste nec ad horæ momentum ab obsequio relaxatur? ^c Interna ergo occulti iudicii dispensatione funiculus & mensuræ calamus ducitur, in quo & iste trahitur, & ille relinquitur, ut

c

cœlestis fabrica non sine pio & iusto examine construatur.

14. Potest etiam calamus mensuræ Scriptura sacra pro eo intelligi, quod quisquis hanc legit, in ea semetipsum metitur vel quantum in spiritali virtute proficit, vel quantum a bonis quæ præcepta sunt longe disjunctus remansit; quantum jam assurgat ad bona facienda, quantum adhuc in pravis actibus prostratus jaceat. Sequitur:

Scriptura
sacra calamus
mensuræ, ad quam
nos metiamur.

Stabat autem in porta.

Ibidem.

15. Quisquis in porta stat, ex quadam parte intus est, ex quadam vero foris: quia aliud ejus foris aspicitur, aliud intus absconditur. Redemptor itaque noster pro nobis misericorditer incarnatus, ante humanos oculos quasi in porta stetit: quia & per humanitatem visibilis apparuit, & sese invisibilem in divinitate servavit. Hinc enim Judæi qui hunc ex Prophetarum promissione sustinuerant, perfidiæ suæ confusione turbati sunt: quia eum quem ad creptionem suam venire crediderant, mortalem videbant. Qui igitur in porta stat, sicut superius dictum est, ex quadam parte foris, ex quadam vero parte intus videtur. Unde nec ipsa Judæorum perfidia sine divinæ virtutis ostensione est derelicta. Nam miracula ejus videntes trahebantur ut crederent, sed rursus passionibus illius perpendentes dedignabantur Deum credere, quem carne mortalem videbant; unde factum est ut de ejus cognitione dubitarent. Videbant enim esurientem, sitientem, comedentem, bibentem, ^d lassescentem, dormientem; & putrum hunc hominem esse æstimabant.

Christus ex
parte visibilis,
& ex parte
invisibilis.

d

^a Longip. *transiens in Macedoniam adjuva*.

^b Laud. Norm. Longip. *sine mortuos sepeliant*, & Val-cl. *sine mortuos ut sepeliant*.

^c Hic variant MSS. Laud. habet, *In terra ergo occulti iudicii*. Suefs. *In ira*. Val-cl. *Interna ergo occulti iudicii*.

^d Laud. *lassescentem*.

bant. Videbant mortuōs suscitantem, leprosos mundantem, cecos illuminantem, dæmonia ejicientem; & esse hunc ultra homines sentiebant. Sed ipsa ejus miracula in eorum corde cogitata, humanitas perturbabat. Unde sancta Ecclesia sub sponsæ voce hunc aperte jam vide-

Cant. 2. 9. re desiderans, ait: *En ipse stat post*

Pater. in parietem nostrum. Qui enim humanis oculis hoc quod de mortali natura assumptum, ostendit; & in seipso invisibilis permansit; in aperto se videre quærentibus, quasi post parietem stetit, quia videndum se manifestata majestate non præbuit. Quasi enim post parietem stetit, qui humanitatis naturam quam assumpsit, ostendit; & divinitatis naturam humanis oculis occultavit. Unde & illic subditur: *Respiciens^a per fenestras, prospiciens per cancellos.* Quisquis enim per fenestras, vel per cancellos respicit, nec totus latet, nec totus videtur. Sic sic nimirum Redemptor noster ante dubitantium oculos factus est: quia si miracula faciens nil pertulisset ut homo, plene eis apparuisset Deus: & rursus humana patiens, si nulla fecisset ut Deus, purus putaretur homo. Sed quia & divina fecit, & humana pertulit, quasi per fenestras vel per cancellos ad homines prospexit, ut Deus & appareret ex miraculis, & lateret ex passionibus: & homo cerneretur ex passionibus, sed tamen esse ultra hominem ex miraculis agnosceretur. Sed quia vir iste stare in porta dicitur, ^b quærendum nobis est utrum facie interius, & tergo exterius? Qua in re si ea quæ sunt præmissa & subjuncta conspiciamus, citius qualiter steterit invenimus. Prius enim dicitur: *Erat quasi æ-*

discium civitatis vergentis ad Austrum, & introduxit me illuc. Et paulo post de eodem viro subditur: *Stabat autem in porta.* Statimque subjungitur:

Et locutus est ad me idem vir.

16. Qui enim introducto Propheta in ædificium, stans in porta locutus est, profecto constat quia facie interius, & tergo exterius stetit. Sed introductus Propheta, cui vir stans in porta locutus est, proculdubio faciem ad portam tenebat, unde verba loquentis audiebat. Quid est ergo, quod vir interius aspicit, Propheta foris? Quid est quod ejusdem viri facies ad ædificium, Propheta vero oculi ad portam sunt: nisi quod Unigenitus Patris idcirco incarnatus est ut nos ad spirituale ædificium, id est ad sanctæ Ecclesiæ fidem introduceret? Cujus oculi ædificium suum semper aspiciunt: quia quantum quisque in virtutibus proficiat, indefinenter attendunt. Propheta vero ad portam respicit, quia qui verba Dei audit, semper oculos cordis ponere ad exitum debet, & sine cessatione meditari quando a præsentī vita exeat, atque ad æterna gaudia pertingat. Propter hoc quippe incarnatus est Deus, ut nos introducat ad fidem, ^c & reducat ad speciem visionis suæ. Unde quoque in sancto Evangelio Veritas loquitur, dicens: *Per me si quis introierit, salvabitur, & ingredietur & egredietur, & pascua inveniet.* Ingre-

Vers. 4.
Dei filius
ut nos ad
Ecclesiæ
fidem in-
troduceret,
incarnatus.

Mors semper cogitanda.

Johan. 10. 9.

Ps. 120. 8.

Pater. in Ps. cap. 255.

^a Edit. excepta Paris. 1502. *per fenestram.*

^b In vet. ed. ante Gussanvil. *quæ . . . utrum facie interius stetit. Quæ.* Gussanvil. post, & tergo exterius addit *an tergo*

interius & facie exterius stetit. Stamus pro MSS.

^c Ita MSS. Norm, Val-cl, &c. In edit. *& educat.*

trat ad fidem, & exitum quoque quo exit ad speciem: ut neque intrans Ecclesiam erroribus supplantetur, neque ab hac temporali ad æternam exiens, ab antiquo hoste rapiatur. Propter hunc vero egressum nostrum quem quotidie debemus mente meditari, Apostolus de Redemptore nostro loquitur, dicens: *Ut sanctificaret per suum sanguinem populum, extra portam passus est. Exeamus igitur ad eum extra castra, improprium ejus portantes. Non enim hic habemus manentem civitatem, sed futuram inquirimus.* Vir itaque qui apparuit, in porta stetit, atque ita locutus est: quia Mediator Dei & hominum Christus Jesus in ipso quoque passionis suæ tempore, præcepta vitæ discipulis dedit: ut hi qui in eum credunt, ad portam semper respiciant, & passionem ejus sollicita consideratione pensantes, a suo quoque exitu, cordis oculos non avertant. Nos quoque cum jam claustra carnis despiciere, mortalitatis nostræ angustias per immortalitatis desiderium transire, ad supernæ lucis libertatem tendere, ad cœlestis patriæ gaudia anhelare cœperimus, ad portam oculos tenemus: quia dum a sacramentis temporalibus transire ad æterna cupimus, quasi jam præsentis vitæ terga dedimus, & cordis faciem in desiderio nostri exitus habemus. Scriptum quippe est: *Corpus quod corrumpitur, aggravat animam, & deprimit terrena inhabitatio sensum multa cogitantem.* Sic itaque per contemplationem jam mente extra carnis angustias tendimus; adhuc tamen in sacramentis quæ cognovimus, ipsa carnali angustia intra portam tenemur.

17. Sæpe namque animus ita in

divina contemplatione suspenditur, relabentis angustia. ut jam se percipere de æterna illa libertate, quam oculus non vidit, nec auris audivit, aliquid per quamdam imaginem lætetur: ^b sed tamen mortalitatis suæ pondere reverbatus, ad ima relabatur, & quibusdam pœnæ suæ vinculis ligatus tenetur. Portæ igitur intendit, qui veræ libertatis suæ gaudia conspicit, jamque exire concupiscit, sed adhuc non valet. Hinc est quod Hebraicus populus de Ægypti servitute liberatus, cum loquente Deo columnam nubis cerneret, unusquisque in tabernaculi sui foribus stabat, & adorabat. De quibus paulo superius dicitur: *Cum egrederetur Moyses ad tabernaculum, surgebat universa plebs, & stabat unusquisque in ostio papilionis sui.* ^c Ibi etenim stamus, ubi mentis oculos figimus. Unde Elias ait: *Vivit Dominus, in cuius conspectu sto.* Ibi utique stabat, ubi cor fixerat. Quid est autem populum columnam nubis aspicere, & in tabernaculi sui foribus stare atque adorare, nisi quod humana mens cum superiora illa atque cœlestia utcumque in ænigmate conspicit, jam claustra habitationis corporæ per sublevatam cogitationem exit, atque illum humiliter adorat, ^d cuius etsi videre substantiam non valet, jam tamen ejus potentiam per illuminationem spiritus ^e miratur? Et cum Moyses tabernaculum ingreditur, ejus terga populus aspicit, & in papilionum suorum ostiis consistit: quia cum sanctus quisque prædicator alta de Deo loquitur, supernæ habitationis jam utcumque tabernaculum ingreditur. Cujus prædicationis infirmi quique quasi virtutem plene pensare non possunt, ^e tamen velut terga aspiciunt: quia po-

Hilr. 13.
Vers. 12. 13.
& 14.

a
Sic præsentis
vitæ terga
vertuntur.

Sup. 9. 15.

Anima ad
æterna
fascinantis
sed ad ima
mortalitatis
pondere

a Sueff. a sarcinis temporalibus.

b Norm. & Val-cl. sed tamen dum mortalitatis . . . quibusdam.

c Lyran. ibi itaque.

d Ebroic. & Lyran. rimatur.

e Longip. vel terga, hoc est saltem.

Pater. in
Exod. c. 56.

Exod. 33.
8.

3. Reg. 17. 1.

1

pestrema quæ prævalent, per intellectum sequuntur. ^a Sed & in ipsis quoque minimis quæ capere sufficiunt, jam de suis papilionibus quasi exeunt, atque in ostiis stant: quia & habitacula carnis relinquere, & ad illa æternæ vitæ gaudia quæ audiunt, progredi conantur. Hinc est etiam quod Elias cum vocem Domini secum loquentis audiret, in speluncæ suæ ostio steterisse describitur, & faciem velasse: quia cum per contemplationis gratiam vox supernæ intelligentiæ sit in mente, totus homo jam intra speluncam non est; quia animam carnis cura non possidet, sed stat in ostio; quia mortalitatis angustias exire meditatur.

*Puter. in 3.
Reg. c. 11.*

Ad contemplationem evectus, humilitate faciem vellet.

b

18. Sed jam qui in ostio speluncæ consistit, & verba Dei in aure cordis percipit, necesse est ut faciem velet: quia dum per supernam gratiam ad altiora intelligenda ducimur, ^b quanto subtilius levamur, tanto semper per humilitatem nosmetipsos in intellectu nostro premere debemus, ne conemur plus sapere, quam oportet sapere; sed sapere ad sobrietatem: ne dum nimis invisibilia discutimus, aberremus; ne in illa natura incorporea corporei luminis aliquid quæramus.

^a Ita magno consensu Laud. Longip. Valcl. Ebroic. aliique MSS. Editi tamen tum recent. habent: *sed in ipsis quoque qua mi-*

Aurem enim intendere & faciem operire, est ^c vocem interioris substantiæ audire per mentem, & tamen ab omni specie corporea oculos cordis avertere: ne quid sibi in illa corporale animus fingat, quæ ubique tota & ubique incircumscripta est. Nos itaque, fratres carissimi, qui jam per Redemptoris nostri mortem ac resurrectionem, atque ad cælos ascensionem, gaudia æterna didicimus, qui in testimonium divinitatis ejus apparuisse exterius cives nostros angelos illius scimus, concupiscamus Regem, desideremus cives quos cognovimus; atque in hoc sanctæ Ecclesiæ edificio stantes oculos in porta teneamus: demus terga mentis huic corruptioni vitæ temporalis, intendamus cordis faciem ad cœlestis patriæ libertatem. Sed ecce adhuc multa sunt, quæ nos de cura vitæ corruptibilis premunt. Quia ergo perfecte exire non possumus, saltem in speluncæ nostræ ostio stemus, exituri quandoque prospere per gratiam Redemptoris nostri: Qui vivit & regnat cum Patre in unitate Spiritus sancti Deus, per omnia secula seculorum. Amen.

c

nus capere.

^b Solus Guffanvil. *quanto sublimius.*

^c Norm. *vocem superioris.*



H O L I L I A II.

In duobus Cap. 40. Versibus, quarto videlicet ac quinto explicandis, de activa & contemplativa vita fuse differit sanctus Doctor; & plurima, suo more, documenta moralia inspergit.

Humilitate
duce Gre-
gorius al-
tiora Seri-
pturæ sa-
cræ inve-
stigavit.

1.



E quidam me fortas-
se tacita cogitatione
reprehendant, quod
Ezechielis Prophetæ
tam profunda my-

steria a magnis expositoribus inten-
tata discutere præsumo; qua mente
id faciam, agnoscant. Non enim
hoc temeritate aggredior, sed hu-
militate. Scio enim, quia plerum-
que multa in sacro eloquio quæ so-
lus intelligere non potui, coram
fratribus meis positus intellexi. Ex
quo intellectu & hoc quoque intel-
ligere studui, ut scirem ex quorum
mihi merito intellectus daretur. Patet
enim quia hoc mihi pro illis datur,
quibus^a mihi præsentibus datur. Ex
qua re, largiente Deo, agitur ut & sen-
sus crescat, & elatio decrescat, dum
propter vos disco, quod inter vos do-
ceo: quia (verum fateor) plerum-
que vobiscum audio, quod dico.
Quidquid ergo in hoc Propheta
minus intellexero, mea cæcitas est:
si quid vero intelligere apte potue-
ro, ex divino munere vestræ vene-
rationis est. Sæpe autem per omni-
potentis Domini gratiam, in ejus e-
loquio quædam intelliguntur melius,
cum sermo Dei secretius legitur,
atque animus culparum suarum con-
fiscus, dum recognoscit quod audie-
rit, doloris se jaculo percutit, &
compunctionis gladio transfigit, ut
nihil ei nisi flere libeat,^b & fluen-
tis sietuum maculas lavare. Inter
quæ etiam aliquando ad sublimiora

contemplanda rapitur, & in eorum
desiderio suavi fletu cruciatur. Do-
let se hic esse anima, ubi adhuc
prostrata per infirmitatem jacet; at-
que illic adhuc non esse, ubi illu-
minata fortiter vigeat, & jam men-
tis oculum ad mortalitatis tenebras
non reducat. Hinc itaque, hinc ar-
dor nascitur in mente, luctus obo-
ritur ex ardore. Et quia in-
hærere cœlestibus necdum valet, fer-
vore suo, in lacrymis fessa requie-
scit. Sed aliud est cum de unius
profectu res agitur, aliud cum de
ædificatione multorum. Ea itaque
doctrinæ sermone, largiente Deo,
proferenda sunt, quæ vitam audien-
tium moresque componunt. Nunc
ergo quidquid nos ad studium bonæ
operationis ædificet, in Prophetæ
verbis, sicut cœpimus, exsequamur.

Fili hominis, vide oculis tuis, & auribus tuis audi.

Ezech. 40.
Vers. 4.

2. Ad testimonium spiritualium re-
rum deducto quid est quod cum di-
citur, *Vide oculis*, additur *tuis*, &
cum subditur, *Audi auribus*, adjun-
gitur *tuis*? Sed sciendum quia ocu-
li atque aures corporis adsunt
etiam carnalibus, eisque sunt in u-
su rerum quæ corporaliter videntur.
Oculi vero atque aures cordis so-
lummodo spiritualium sunt, qui invi-
sibilia per intellectum vident, &
laudem Dei sine sono audiunt. Has
omnipotens Dominus aures quære-
bat, cum diceret: *Qui habet aures*

Aures &
oculi spiri-
tuales, a
carnalibus
quantum
discrepent.
Pater. in
Matth. c. 65.

au-

^a Ebroic. *mibi præstantibus.*

^b Sic legendum ex MSS. Locum hunc
corruperant editores ante Guffanvil. scriben-
do, & *fluentes sietuum maculas*. Cui cor-

ruptelæ ut mederetur Guffanvil. inconstans
MSS. pro *fluentes* legendum putavit, me-
liori sane sensu, *fonte*, Val-cl. habet, &
fluente fletu.

^a
Quæ a Deo
accipit
Concionan-
tor, suis
auditoribus
debet.

Sacræ le-
ctionis
utilitas.

b

audiendi, audiat. Quis namque in illo populo esse tunc poterat, qui aures corporis non haberet? Sed cum dicitur: *Qui habet aures audiendi, audiat*; aperte monstratur quod illas aures quæreretur, quas omnes habere non poterant. Dicatur ergo: *Fili hominis, vide oculis tuis, & auribus tuis audi.* In priori autem ^a locutionum nostrarum parte jam diximus cur Propheta, quoties ad videnda spiritalia ducitur, filius hominis appellatur. Sed ne hoc mente excesserit, breviter replico: quia hac appellatione memoratur semper quid est ex infirmitate, ne extollatur de contemplationis magnitudine. Et notandum, quia diversa sunt ut dicatur, *Oculis tuis vide, auribus tuis audi*, & tamen filius hominis vocatur. Sed per hæc verba quid ei aliud aperte dicitur, nisi spiritalia spiritaliter ^b aspice, & tamen carnales infirmitates tuas memorare?

3. Hinc est etiam, quod plerumque qui plus in contemplatione rapitur, contingit ut amplius in tentatione fatigetur: sicut quibusdam sæpe contingere bene proficientibus solet, quorum mentem dum aut compunctio afficit, aut contemplatio super semetipsam rapit, statim etiam tentatio sequitur, ne de his ad quæ rapta est, extollatur. Nam compunctio vel contemplatione ad Deum erigitur, sed tentationis suæ pondere reverberatur ad semetipsam: quatenus tentatio aggravet, ne contemplatio inflet; & item contemplatio eleve, ne tentatio demergat. Si enim sic contemplatio attolleret, ut tentatio funditus deesset, in superbiam animus caderet. Et si sic tentatio premeret, ut contemplatio non elevarer, ^c plene in culpam laberetur. Sed

mira dispensatione, in quodam medio anima libratur; ut neque in bonis superbiat, neque in malis cadat. Unde & per beatum Job de Domino dicitur: *Et aquas appendit mensura.* Aquas quippe Deo mensura appendere, est inter prospera & adversa, inter dona & tentationes, inter summa & infima animarum sensum in humilitate custodire. Sic Elias ignem de cælo deposuerat, aquas cælo ligaverat, & tamen pavore unius mulieris territus, per desertum fugiebat. Apparet fugienti Angelus, cibum præbet, quia longum iter restat prædicit, & tamen timorem de corde non excutit: quia in Prophetæ mente magna erat custodia fortitudinis, illa infirmitas timoris. Sequitur:

Pone cor tuum in omnia quæ ego ostendam tibi: quia ut ostendantur tibi, adductus es huc. Annuntia omnia quæ tu vides, domui Israel.

4. *Pone cor tuum.* Ac si dicatur: Considera. *Quia ut ostendantur tibi, adductus es huc: & annuntia omnia quæ vides.* Id est, ideo adductus es, ut videas: & ideo vides, ut annunties: quia quisquis spiritalia videndo proficit, oportet ut hæc loquendo etiam aliis propinet. Videt quippe ut annuntiet, qui in eo quod in se proficit, etiam de profectu proximi prædicando curam gerit. Unde & alibi scriptum est: *Qui audit, dicat: Veni.* Cui enim jam vox vocantis Dei efficitur in corde, necesse est ut proximis per prædicationis officium erumpat in voce; & idcirco alium vocet, quia jam ipse vocatus est. Unde & sponsus quoque in Canticis canticorum loquitur, dicens: *Quæ habitas in hor-*

Donorum
spiritua-
lium &
tentatio-
num mita
dispensatio-
ne in bonis
superbia-
mus, aut
in malis
cadamus.
Job 22. 25.

vers. 4.

Qui ad in-
telligenda
spiritalia
proficit,
ea ceteris
propinet.
Apoc. 22.
17.
Pater. in
Apoc. 8. 53.

Cant. 2. 11.

^a Hoc est, homiliarum, seu homeliarum; quæ Græce idem significant, quod sermones aut locutiones Latine.

^b Ebroic. & Lyr. accipe.

Tom. V.

^c Ita MSS. omnes Anglic. Norm. & alii, aut plane; quod habent pauciores. Recentiores ed. prætulerunt *pene*, quod sensum a Gregorio intentum evertit.

^a hortis, ^a amici auscultant, fac me
^{Pater. in} audire vocem tuam. In hortis enim
^{Cant. c. 48.} sancta Ecclesia, in hortis unaquæque
^b anima habitat, ^b quæ jam viriditate
 spei est & bonorum operum caritate
 repleta. Sicca quippe spes est
 hujus seculi, quia omnia quæ hic
 amantur, cum festinatione marcescunt : & Petrus nos Apostolus festinare admonet, dicens : *In hereditatem incorruptibilem, incontaminatam, immarcescibilem*. Quæ ergo jam in hortis habitat, oportet ut sponsum suum vocem suam audire faciat, id est ^c canticum bonæ prædicationis emittat, in qua ille delectetur quem desiderat : quia amici auscultant, videlicet omnes electi, qui ut ad cœlestem patriam reviviscant, verba vitæ audire desiderant. Sed jam Propheta ea nobis ^d quæ videt, aperiat. Sequitur :

vers. 5. Et ecce murus forinsecus in circuitu domus undique.

^{Christus} 5. Plerumque in sacro eloquio ex
^{nobis murus.} protectionis suæ munimine, murus dici ipse incarnatus Dominus solet, sicut de sancta Ecclesia per Prophetam dicitur : *Ponetur in ea murus, & antemurale*. Ipse enim nobis murus est, qui nos undique custodiendo circumdat. Antemurale autem muri nostri Prophetæ omnes fuerunt, qui priusquam Dominus appareret in carne, ad construendam fidem prophetando missi sunt. In sancta ergo Ecclesia Dominus murus nobis, & Prophetæ ejus antemurale sunt positi : quia ad nos, quos ipse perfecte protegit, etiam Prophetarum verba in fidei constructione venerunt. Unde & bene prius murus, & post antemurale ponitur : quia vocati ex Gentibus, nisi prius

Dominum cognosceremus, Prophetarum illius dicta minime suscepissemus. Et notandum quod iste murus spiritualis ædificii esse forinsecus dicitur. Murus quippe qui ad munitionem ædificii construitur, non interius, sed exterius poni solet. Quid ergo necessarium fuit ut diceretur forinsecus, cum nunquam poni murus intrinsecus soleat? quia necesse est, ut exterius positus, ea quæ intus sunt, defendat. Sed in hoc verbo quid aperte nisi ipsa Dominica incarnatio demonstratur? Murus enim nobis intus est Deus : murus vero foris est Deus homo. Unde ei per quemdam Prophetam dicitur : *Existi in salutem populi tui, ut salvos facias christos tuos*. Ille etenim murus incarnatus, videlicet Dominus, murus nobis non esset, si forinsecus non fuisset : quia intus nos non protegeret, si exterius non appareret. Sed neque hoc negligenter prætereundum est, quod idem murus positus dicitur in circuitu domus undique. Domus quippe Dei non solum Angeli sancti, de quibus Psalmista ait : *Domine dilexi decorem domus tue, & locum tabernaculi gloriæ tue* : sed etiam nos sumus, quorum mentes inhabitare dignatur. Et murus iste undique in circuitu domus est ; quia Unigenitus Patris, qui sursum est firmitas Angelorum, ipse deorsum factus est redemptio hominum. Illis fortitudo ne cadant, nobis adjutorium ut surgamus post casum.

6. Si vero per domum Dei hoc loco sola redemptorum hominum multitudo signatur; undique nobis Dominus & per circuitum murus est ; quia ut nos perfecte custodiret, omnia quæ docuit, ostendit, sicut scriptum est :

Quæ

^a Ed. omnes neglectis MSS. (nam lectio nostra est omnium Norm. Laud. Vatel. Longip.) habent, *amica auscultat*. Quæ lectio a textu Græco & ab omnibus ejus versionibus reprobatur ; imo ab ipsomet Greg. nam paulo post legitur : *quia amici*

auscultant videlicet omnes electi.

^b Suetl. quæ jam viriditate & specie bonorum operum repleta est. Nostra lectio est MSS. Anglic. & fere omnium.

^c Laud. *cantum*.

^d Laud. & Longip. *quæ didicit*.

Murus nobis intus Deus, foris Deus homo.

Habac. 3. 13.

Psal. 25. 8.

Sursum Angelos firmavit, deorsum homines redemit.

Quanta Christus pro nobis egerit & passus sit.

17. 1. 1. *Quæ cepit Jesus facere & docere.* Quia enim vocare nos ad cœlestem patriam venit, nimirum despiciere nos bona transitoria docuit, & mala temporalia non timere. Unde & opprobria non despexit, injurias pertulit, mortem non timuit, crucis patibulum non refugit; & cum hunc voluissent rapere, & regem constituere, statim fugit: quid nobis aliud his exemplis innuens, nisi ut debeamus hujus mundi & adversa non metuere, & prospera vitare? quia plus plerumque ejus bona occupant animum, quam mala perturbant. Ante passionem vero suam contumelias audivit, nec tamen contumelias reddidit: traditorem suum diu tacitus pertulit, eique fidei salutanti dare osculum non recusavit: suscepit mortem, ne mori timeremus: ostendit resurrectionem, ut nos resurgere posse crederemus. Post passionem quoque suam de his qui se crucifixerant, ad fidei gratiam vocavit, donum pro iniquitate reddidit. Qui ergo nos exemplo suo de omnibus instruxit, murus nobis per circuitum & undique factus est. Sequitur:

Ibidem.

Sacra Scriptura monumentum regule.
* Hom. sup. num. 17.

Et in manu viri calamus mensuræ sex cubitorum & palmo.

7. * Præterita lectione jam diximus, quia per calamum Scriptura sacra signatur. Qui calamus mensuræ esse dicitur: quia in ipsa omnem vitæ nostræ actionem metimur, ut scilicet videamus vel quantum proficimus, vel quantum longe a profectu distamus. Nam sæpe aliquid agentes, jam cujusdam meriti esse nos credimus; sed cum ad verba Dei recurrimus, præcepta sublimia audimus, ibi cognoscimus^a quantum a perfectione minus habeamus. Calamus ergo mensuræ est; quia per manus scribebantur vita mensuratur auditorum. Qui ca-

lamus in manu viri esse dicitur: sive quia sacrum eloquium in potestate est Mediatoris Dei, & hominum, hominis Christi Jesu: seu certe quia hoc quod scribi voluit, operando complevit. Idem vero calamus sex cubitorum & palmo esse describitur. Duæ etenim vitæ sunt, in quibus nos omnipotens Deus per sacrum eloquium erudit: activa videlicet, & contemplativa. Et per sex cubitos quid aliud quam activa vita exprimitur? quia sexto die perfecit Deus omnia opera sua. Palmus vero, qui super sex cubitos esse dicitur, jam de septimo est, sed tamen cubitus non est. Activa ergo vita signatur per sex cubitos, contemplativa per palmum: quia illam opere perficimus, de ista vero etiam^b cum contendimus, vix parum aliquid attingere valemus.

In utraque vita, activa & contemplativa. Vide Morel. l. 6. n. 610.

b

8. Activa enim vita est, panem esurienti tribuere, verbum sapientiæ nescientem docere, errantem corrigere, ad humilitatis viam superbientem proximum revocare, infirmantis curam gerere, quæ singulis quibusque expediant dispensare, & commissis nobis qualiter subsistere valeant providere. Contemplativa vero vita est; caritatem quidem Dei & proximi tota mente retinere, sed ab exteriori actione quiescere, soli desiderio conditoris inhærere, ut nil jam^c agere libeat, sed calcatis curis omnibus, ad videndam faciem sui Creatoris animus inardescat: ita ut jam noverit carnis corruptibilis pondus cum mœrore portare, totisque desideriis appetere illis hymnidicis Angelorum choris interesse, admisceri cœlestibus civibus, de æterna in conspectu Dei incorruptione gaudere. In palmo itaque manus & digiti tenduntur. Sed parum quid de mensura cubiti per palmum contingitur, quia quantolibet amore a-

Activæ vitæ officia.

Et contemplativæ.

c

C 2 nimus

^a Val-cl. quantum ad perfectionem.

^b Omnes editt., cum cor tendimus. Se-

quimur MSS. Norm. Val-cl. & plur.

^c Longip. habere libeat.

nimus ardeat, quantalibet virtute se in Deum^a cogitatione tetendit, non jam quod amet perfecte videt, sed adhuc incoat videre quod amat: quia sicut fortissimus prædicator dicit: *Videmus nunc per speculum in ænigmate, tunc autem facie ad faciem.* Et, *Nunc cognosco ex parte, tunc autem cognoscam sicut & cognitus sum.* De septimo ergo cubito palmum tangimus, quia in hac vita positi, contemplationis intimæ sola initia degustamus. Activa enim vita quia perfecte teneri potest, & sexto die homo est conditus, qui bona debet operari, sex cubitos calamus habet.

9. Bene has utraque vitas duæ illæ mulieres signaverunt, Martha videlicet & Maria: quarum una satagebat circa frequens ministerium, alia vero sedebat ad pedes Domini, & audiebat verba de ore ejus. Cumque contra sororem Martha quereretur quod se adjuvare negligeret, respondit Dominus, dicens: *Martha occuparis & satagis circa multa; porro unum est necessarium. Maria autem optimam partem elegit, quæ non auferretur ab ea.* Ecce, pars Marthæ non reprehenditur, sed Mariæ laudatur. Neque enim bonam partem elegisse Mariam dicit, sed optimam, ut etiam pars Marthæ indicaretur bona. Quare autem pars Mariæ sit optima, subinfertur cum dicitur: *Quæ non auferretur ab ea.* Activa etenim vita cum corpore deficit. Quis enim in æterna patria panem esurienti porrigat, ubi nemo esurit? Quis potum tribuat sitienti, ubi nemo sitit? Quis mortuum sepeliat, ubi nemo moritur?

Cum præsentī ergo seculo vita auferatur activa: contemplativa autem hic incipitur, ut in cœlesti patria perficiatur: quia amoris ignis qui hic ardere incoat, cum ipsum quem amat, viderit, in amore ipsius amplius ignescet. Contemplativa ergo vita minime auferatur: quia subtrahitur præsentī seculi luce perficitur.

10. Has utraque vitas, * sicut & ante nos dictum est, duæ beati Jacob mulieres signaverunt, Lia videlicet & Rachel. Lia quippe interpretatur Laboriosa: ^b Rachel vero Ovis, vel Visum principium. Activa autem vita laboriosa est; quia desudat in opere: contemplativa vero simplex ad solum videndum principium anhelat, videlicet ipsum qui ait: *Ego principium, propter quod & loquor vobis.* Beatus autem Jacob Rachel quidem concupierat, sed in nocte accepit Liam: quia videlicet omnis qui ad Dominum convertitur, contemplativam vitam desiderat, quietem æternæ patriæ appetit: sed prius necesse est ut in nocte vitæ præsentis operetur bona quæ potest, ^c desudet in labore, id est Liam accipiat, ut post ad videndum principium in Rachel amplexibus requiescat. Erat autem Rachel videns, sed sterilis: Lia vero lippa, sed secunda: ^d Rachel pulchra & infecunda: quia contemplativa vita speciosa in animo est; sed dum ^e quiescere in silentio appetit, filios non generat ex prædicatione. Videt & non parit: ^f quia dum quietis suæ studium diligit, minus se in aliorum collectione succendit: & quantum introrsus conspicit, aperire aliis prædicando non sufficit. Lia vero lippa &

Ac per
Liam &
Rachelem.
* Ab Aug.
lib. 22. con-
tra Fan-
sum c. 54.
& 55.
Pater. in
Gen. c. 63.
b

Johan. 8.
25.

c

d

e

f

^a Absit, cogitatione, a Laud. Ebroic. Sagiensi.

^b Val-cl. Rachel vero quies vel ovis.

^c Val-cl. & in labore activam, id est Liam accipiat.

^d In ed. Vatic. & Gassanvil. hic infer-tum legitur: quia nimirum mens, cum contemplando otia appetit, plus videt, sed

minus filios Deo generat: cum vero ad la-borem se prædicationis dirigit, minus vi-det, sed amplius parit. Rachel &c. Hæc in MSS. nostris & in vet. ed. ignota sunt, atque haud dubie pro assamento habenda.

^e Ebroic. & Lyr. crescere.

^f Laud. & Suefl. quia quietis suæ studio intenta, minus &c.

1. Cor. 13.
22.

Nidem.

Utraque
per Mar-
tham &
Mariam si-
gurata.
Later. in
Luc. c. 26.

Luc. 10. 41.
& 42.

& fecunda est; quia activa vita dum occupatur in opere, minus videt: sed dum modo per verbum, modo per exemplum ad imitationem suam proximos accendit, multos in bono opere filios generat. Et si in contemplatione mentem tendere non valet, ex eo tamen quod agit exterius, gignere sequaces^a valet. Recte ergo in mensura calami prius sex cubiti, & postmodum palmus dicitur: quia ante activa agitur, ut ad contemplativam postmodum veniatur.

a

Utriusque
vitæ ordo.

11. Sed sciendum est, quia sicut bonus ordo vivendi est, ut ab activa in contemplativam tendatur; ita plerumque utiliter a contemplativa animus ad activam reflectitur, ut per hoc quod contemplativa mentem accenderit, perfectius activa teneatur. Debet ergo nos activa ad contemplativam transmittere, & aliquando tamen ex eo quod introrsus mente conspeximus, ^b contemplativa melius ad activam revocare. Unde & idem Jacob post Rachelis amplexus ad Liæ rediit; quia & post visum principium, laboriosa vita boni operis non est funditus deferenda.

b

Quanta in
contempla-
tiva vita
mentis
contentio.
Pater. in
Gen. c. 66.

12. Est autem in contemplativa vita magna mentis contentio, cum sese ad cœlestia erigit, cum in rebus spiritalibus animum tendit, cum transgredi nititur omne quod corporaliter videtur, cum sese angustat, ut dilatetur. Et aliquando quidem vincit, & reluctantes tenebras suæ cæcitatæ exsuperat, ut de incircumscripto lumine quiddam furtim & tenuiter attingat: sed tamen ad semetipsam protinus reverberata revertitur, atque ab ea luce, ad quam

respirando transit, ad suæ cæcitatæ tenebras fuspisando redit. Quod bene sacra historia designat, quæ beatum Jacob cum Angelo luctatum narrat. ^c Cum enim ad parentes proprios rediret, in via Angelum invenit, cum quo in luctamine magnum certamen habuit. Is enim qui certat in luctamine, aliquando superiorem se, aliquando vero eum cum quo contenderit, inferiorem invenit. Designat ergo Angelus Dominum, & Jacob qui cum Angelo contendit, uniuscujusque perfecti viri, & in contemplatione positi animam exprimit. Quæ videlicet anima cum contemplari Deum nititur, velut in quodam certamine posita, modo quasi exsuperat, quia intelligendo & sentiendo de incircumscripto lumine aliquid degustat, modo vero succumbit, quia & degustando iterum deficit. Quasi ergo vincitur Angelus, quando intellectu intimo apprehenditur Deus.

c

13. Sed notandum, quod idem victus Angelus nervum femoris Jacob ^d tetigit, cumque marcescere statim fecit, atque ab eo tempore Jacob uno claudicavit pede: quia scilicet omnipotens Deus cum jam per desiderium & intellectum cognoscitur, omnem in nobis voluptatem carnis arefacit. Et qui prius quasi duobus pedibus innitentes, & Deum videbamus quærere, & seculum tenere, post agnitionem ^e suavitatis Dei unus in nobis pes sanus remanet, atque alius claudicat; quia necesse est ut debilitato amore seculi, solus convalescat in nobis amor Dei. Si ergo tenemus Angelum, uno claudicamus pede: quia dum crescit in

Deus per
contempla-
tionem co-
gnitus car-
nis volu-
ptatem
extinguit.

d

e

no-

^a In Vatic. & Guilanvil. valet. Post Liæ ergo complexum ad Rachelis Jacob pervenit, quia perfectus quisque ante activa vita ad fecunditatem jungitur, & post contemplativa ad requiem copulatur. Recte. Quæ in MSS. non contineri fatetur Guilanvil. Sane in nullis reperimus nec in vet. excusis.

^b Suesl. ad activam melius contemplativam revocare. Ebroic. & Lyr. a contemplativa.

^c Post verba hæc in Iaud. & Suesl. scriptum: ex qua re Jacob luctatur cum Angelo, uno claudicatur pede, cum enim.

^d Plur. renuit.

^e Iaud. & Suesl. suavitatis intima.

nobis fortitudo ^a amoris intimi, infirmatur proculdubio fortitudo carnis. Omnis quippe qui uno pede claudicat, soli illi pedi innititur, quem sanum habet: quia cui desiderium terrenum jam arefactum fuerit, in solo pede amoris Dei tota virtute se sustinet. Et in ipso stat, quia pedem amoris seculi quem ponere in terra consueverat, jam a terra suspensum portat. Et nos ergo si ad parentes proprios, id est ad spirituales patres redimus, teneamus in via Angelum, ut suavitate intima apprehendamus Deum. Contemplativæ etenim vitæ amabilis valde dulcedo est, quæ super semetipsam animam rapit, ^b cœlestia aperit, terrena autem debere esse contemtui ostendit, & spiritalia mentis oculis patefacit, corporalia abscondit. Unde bene Ecclesia in Canticis canticorum dicit: ^c

Ego dormio, & cor meum vigilat. Vigilanti etenim corde dormit, quia per hoc quod interius contemplando proficit, ^d ab inquieto foris opere quiescit.

14. Sed inter hæc sciendum est, quia quamdiu in hac mortali carne vivitur, nullus ita in contemplationis virtute proficit, ut in ipso jam incircumscripto luminis radio mentis oculos infigat. Neque enim omnipotens Deus jam in sua claritate conspicitur, sed quiddam sub illa speculatur anima, unde ^e refota proficiat, & post ad visionis ejus gloriam pertingat. Sic namque Isaias cum se Dominum vidisse fateatur, dicens: *Anno quo mortuus est rex Ozias, vidi Dominum sedentem super solium excelsum & elevatum, protinus adjunxit: Et ea quæ sub eo erant, implebant templum.* Quando Ozias rex superbus ac presumptor moritur, Dominus videtur: quia

cum mundi hujus elatio a desiderio mentis occiditur, tunc ipsa mens Dei gloriam contemplatur. Et notandum, quod Dominus super solium excelsum & elevatum sedet. Quid namque est ejus solium, nisi creatura angelica vel humana, cui per intellectum quem dedit, præfidel? Quod videlicet solium excelsum & elevatum dicitur; quia & natura humana ad cœlestem gloriam elevata proficit, & creatura angelica dum multis spiritibus cadentibus jam solidata est in cœlo ne cadat, inde elevata est, unde & confirmata. Templum vero ejus, hoc est quod solium; quia æternus Rex ibi habitat, ubi sedet. Nos ergo templum illius sumus, in quorum mentibus habitare dignatur. Sed ea quæ sub eo erant; implebant templum: quia quidquid de illo modo conspicitur, adhuc non est ipse, sed sub ipso est. Sic Jacob Angelum vidit, & vidisse se Dominum fatetur: quia cum ministeria ejus conspiciamus, jam multum est quod super nosmetipsos levamur. Notandum vero quod dicitur: *Implebant templum*, quoniam etsi Angelus apparet, infirmæ tamen mentis desiderio satisfacit; ut si adhuc majus non potest, jam tamen minus quod videt admiretur. Ea ergo quæ sub eo sunt, implent templum; quia sicut dictum est, & cum mens in contemplatione profecerit, non jam quod ipse est, sed id quod sub ipso est, contemplatur. In qua videlicet contemplatione jam quietis internæ gustus contingitur. Cujus quia quædam quasi pars est, & perfecta nunc esse non potest, recte in Apocalypsi scriptum est: *Factum est silentium in cœlo, quasi media hora.* Cœlum quippe est anima iusti, sicut per Prophetam Dominus di-

Contemplationis dulcedo.

Cant. 5. 2.

Nemo in hac vita Deum ipsum videt.

Pater. in Isai. c. 14.

Isai. 6. 1.

Apoc. 8. 1.
Pater. in Ap. c. 19.

^a Laud. amoris Dei. Norm. & Val c'. ibidem, infirmatur. . . - fortitudine carnis.

^b Anglic. consentientibus Norm. cœlestibus appetit.

bus appetit.

^c Laud. ego dormivi.

^d Vatic. & Guffanvil. a pravo.

^e Norm. & Val. cl. reflecta.

Isai. 66. 1. *dicat, Cælum mihi sedes est. Et, Cæli enarrant gloriam Dei.* Cum ergo quies contemplativæ vitæ agitur in mente, silentium fit in cælo: quia terrenorum actuum strepitus quiescit a cogitatione, ut ad secretum intimum ^a aurem animus apponat. Sed quia hæc quies mentis esse in hac vita perfecta non potest, nequaquam hora integra factum in cælo silentium dicitur, sed quasi media hora; ut neque ipsa media hora plene sentiatur, cum præmittitur *quasi*, quia mox ut se animus sublevare cœperit, & quietis intimæ lumine perfundi, redeunte citius cogitationum strepitu, de semetipso confunditur, & confusus cæcatur. Vita igitur contemplativa quæ illic hora quasi media dicitur, apud Ezechielem Prophetam non cubitus, sed palmus appellatur. Ecce fratres carissimi, dum uniuscujusque vitæ causas exprimere ^b cupimus, paulo latius per excessum locuti sumus. Sed bonis mentibus, quibus utraque eadem vita est ad agendum amabilis, esse non debet ad audiendum gravis. Sequitur:

Ibidem Et mensus est latitudinem ædificii calamo uno, altitudinem quoque calamo uno.

15. Omnipotens Deus qui nec in magnis tenditur, nec in minimis angustatur, sic de tota simul Ecclesia loquitur, ac si de una anima loquatur. Et sæpe quod ab eo de una anima dicitur, nil obstat si de tota simul Ecclesia intelligatur. Latitudo itaque ædificii ad caritatem pertinet, de qua Psalmista dicit: *Latum mandatum tuum nimis*: Nil enim latius, quam omnes in sinu amoris recipere, & nullas odii angustias sustinere. Sic quippe lata est caritas, ut in amplitudine dilectionis suæ ca-

pere etiam inimicos possit. Unde & præcipitur: *Diligite inimicos vestros*, *benefacite eis qui oderunt vos*. Considerandum quoque nobis est, quia latitudo in æqualitate, altitudo vero in sublimitate tenditur. Latitudo ergo pertinet ad caritatem proximi, altitudo ^c ad intelligentiam Conditoris. Sed latitudo & altitudo ædificii uno calamo mensuratur; quia videlicet unaquæque anima quantum lata fuerit in amore proximi, tantum & alta erit in cognitione Dei. Dum enim se per amorem ^d juxta dilatat, per cognitionem se superius exaltat: & tantum super semetipsam excelsa fit, quantum se juxta se in proximi amorem tendit. Et quia ædificium quod inhabitet Deus, ex angelica simul & humana natura perficitur: per hoc quod angelica creatura sursum est, & humana adhuc deorsum, potest per latitudinem atque altitudinem ædificii, utraque hæc creatura significari; quia ista adhuc in imis degit, illa vero in sublimibus permanet. Sed uno calamo mensuratur utraque, quia humilitas hominum quandoque ad æqualitatem perducitur Angelorum. Unde scriptum est: *Neque nubent neque nubentur, sed erunt sicut Angeli Dei in cælo*. Et unde per Johannem dicitur: *Mensura hominis quæ est Angeli*. Quia usque ad illam altitudinem gloriæ homo perducitur, in qua solidatos se Angeli latentur. Latitudo ergo ædificii tanta est, quanta & altitudo; quia electi quique qui modo in imis laborant, quandoque illis beatissimis spiritibus non erunt inæquales.

Sed nos inter hæc redeamus ad mentem, ac totis medullis cordis Deum diligamus & proximum. Dilatemur in affectu caritatis, ut exaltemur in

^a Vatic. & Gussanvil. *auris animum apponat*. Refelluntur ex MSS. nostris & Anglic.

^b Ebroje. & pl. Norm. *capimus*.

^c Val-cl. cum Norm. *ad intelligentiam contemplationis*.

^d Lyr. *amorem justî dilatat*.

Nulla
mentis
quies aut
perfecta,
aut diu-
tarna.

Latitudo
spiritualis
ædificii
caritas.

Pf. 118. 96.
Pater. in
Psal. c. 244.

Pater. in
Ap. 6. 50.


Mat. 22. 30.

Apoc. 21. 17

in gloria celsitudinis. Compatiamur per
 amorem proximo, ut jungamur per
 cognitionem Deo. Condescendamus
 fratribus minimis in terra, & coæque-
 mur Angelis in cœlo: quia vir qui sua
 imagine Redemptorem signat, men-
 sus est latitudinem ædificii calamo
 uno, altitudinem quoque calamo

uno. Nunc igitur metitur mores;
 pensat opera, cogitationes conside-
 rat, ut sine fine postmodum retri-
 butionem reddat. Iesus Christus U-
 nigenitus Patris: qui cum eo vi-
 vit & regnat in unitate Spiritus
 sancti, per omnia secula seculorum,
 Amen.





H O M I L I A III.

*In trium Versuum explicatione potissimum describitur Ecclesiæ
adificium ex omnibus sub utroque Testamento
justis constructum.*

2

1.



I R^a cui calamus
mensuræ in manu es-
se describitur:

*Venit ad portam quæ
respicebat ad viam Orientalem.*

Ezech. 40.
Vers. 6.

Qui Chri-
stus per
semetipsum
ad nos
intret.

Joh. 14. 6.

Quis vero alius portæ hujus ap-
pellatione signatur, nisi ipse Domi-
nus ac Redemptor noster, qui nobis
janua factus est regni cœlestis? Sicut
ipse ait: *Nemo venit ad Patrem,*
nisi per me? Sed cum eundem virum
lineis indutum figuram Domini te-
nere dixerimus, quærendum nobis
est qua ratione conveniat, ut idem
Dominus & per virum designari va-
leat, & per portam, dum vir ve-
niat ad portam? Numquidnam ipse
venit^b ad semetipsum? An ita est,
quia & in Evangelio ipse testatur,
dicens: *Qui non intrat per ostium*
in ovile ovium, sed ascendit aliunde,
ille fur est & latro? Qui autem in-
trat per ostium, pastor est ovium.
Et paulo post dicit: *Ego sum o-*
stium. Atque iterum subjungit: *Ego*
sum pastor bonus. Si ergo pastor in-
trat per ostium, & ipse est o-
stium, ipse pastor: ipse proculdubio
intrat per semetipsum. Ecce dum
Ezechielis sensum enodare cupimus,
de Evangelio etiam quæstionem^c
ligamus. Quærendum nobis itaque
est qualiter & ipse intret: & per
semetipsum intret. Dominus enim
ac Redemptor noster, cum sancta Ec-
clesia quam redemit, secundum car-

nem una substantia est, Paulo at-
testante qui ait: *Adimpleo ea quæ* Coloss. 2. 24.
desunt passionum Christi in carne mea
pro corpore ejus, quod est Ecclesia.
Hujus capitis corpus Ecclesia est,
& hujus corporis caput Christus.
De quo suo capite exultat corpus,
id est sancta Ecclesia, cum per Psal-
mistam dicit: *Nunc autem exalta-* Psal. 26. 6.
vit caput meum super inimicos meos.
Quia enim quandoque ipsa etiam
exaltanda est, jam nunc caput
suum super inimicos suos exalta-
tum gaudet in cœlis. Cum ergo
electi quique ad vitam perveniunt,
quia membra ejus per eum intrant
ad eum, ipse per se intrat ad se.
Ipse enim in suis membris est qui
intrat, ipse caput ad quod intrantia
membra perveniunt. Quod Ezechiel
Propheta multipliciter insinuat, qui
virum venisse dicit ad portam, &
quæ eadem porta sit ostendit, di-
cens: *Quæ respiciebat ad viam*
Orientalem. Ipse etenim nobis est
via, qui dixit: *Ego sum via, veri-* Johan. 14. 6.
tas, & vita. Ipse etiam Orientalis
via, de quo scriptum est: *Ecce* Zach. 6. 11.
vir, Oriens nomen ejus. Porta ergo
viam Orientalem respicit, quia il-
lum signat qui nobis iter ad ortum
fecit luminis.

2. Potest etiam portæ nomine,
unusquisque prædicator intelligi: ^{Pater. in}
quia quisquis nobis januam regni ^{Apoc. c. 39.}
cœlestis ore suo aperit, porta est. ^{Portæ no-}
Unde & duodecim portæ vel in Jo- ^{mine intel-}
han- ^{ligantur}
^{prædicato-}
^{res.}

^a Sic legendum ex MSS. non, ut in e-
ditis habetur, *vir cujus calamus mensura*
in manu ejus describitur.

^b Longip. ad semetipsum per semetipsum,
an non ita est.

^c Laud. legamus, non sequendus.

Scripturæ
sacrae scien-
tia.

Fides.

hannis Apocalypsi, vel in extrema hujus Prophetæ visione describuntur. Potest etiam portæ nomine, Scripturæ sacrae scientia non inconvenienter intelligi: quæ dum nobis intellectum aperit, cœlestis regni januam pandit. Possumus portæ nomine & fidem accipere, quam primam contingimus, ut ad virtutum ædificia intremus. Unde hic aperte subjungitur.

Ibidem. Et ascendit per gradus ejus.

Virtutes
gradus sunt
per quos
ascendimus.
Pater in
Psalm. c. 107.

3. Quid enim gradus sunt hujus portæ, nisi merita virtutum? Sive enim in cognitione Mediatoris Dei & hominum hominis Jesu Christi, seu in scientia divini eloquii, seu in ipsa fide quam de illo accepimus, quibusdam gradibus ad altiora incrementa pervenimus. Nemo enim repente fit summus, sed in bona conversatione a minimis quisque incoat, ut ad magna perveniat. De his gradibus per Psalmistam dicitur: *Deus in gradibus ejus dignoscetur dum suscipiet eam.* Dum enim sanctam Ecclesiam Dominus suscipit, in gradibus ejus dignoscitur, quia ejus gloria per illius incrementa declaratur. Quantum enim sancta Ecclesia ascendendo profecerit, tantum Deus hominibus ex ejus virtutibus innotescit. De his quoque gradibus beatus Job loquitur, dicens: *Per singulos gradus meos pronuntiabo illum.* Omnipotentem quippe Dominum per singulos gradus suos pronuntiat, qui per incrementa virtutum quæ accipit, ei semper laudem suæ pietatis reddit. Si quidam gradus in cordis ascensione non essent, Psalmista non diceret: *ambulabunt de virtute in virtutem.*

Virtutum
gradus, ini-

^a Plur. mss. *auge*.

^b Laud. Lon. ip. & plerique, *si jacet*.

^c Omissum in Vatic. & Gussanvil. *deinde spicam*, revocavimus ex mss. & vet. ed. necnon ex Evangelii textu.

virtutem gradus sunt, quando unaquæque virtus quasi quibusdam gradibus augetur, & sic per incrementa meritum ad summa perducitur. Aliud namque sunt virtutis exordia, aliud provectus, aliud perfectio. Si enim ipsa fides ad perfectionem suam non quibusdam gradibus ducetur, sancti Apostoli minime dixissent: ^a *Adauge nobis fidem.* Et quidam venit ad Jesum, qui curari voluit filium suum, sed requisitus an crederet, respondit: *Credo Domine, adjuva incredulitatem meam.* Pensate rogo, quod dicitur. Si credebat, cur incredulitatem dicebat? Si vero incredulitatem habere se noverat, quomodo credebat? Sed quia per occultam inspirationem gratiæ, meritum suorum gradibus fides cre-scit, uno eodemque tempore is qui necdum perfecte crediderat, simul & credebat, & incredulus erat.

^a *Luce. 17. 5.*

Marc. 9. 23.

5. Hos nimirum gradus Dominus sub melis nomine describit, dicens: *Sic est regnum Dei, quemadmodum si jaciatur homo semen in terram, & dormiat, & exsurgat nocte ac die, & semen germinet & crescat, dum nescit ille. Ultro enim terra fructificat primum herbam, deinde spicam, deinde plenum frumentum in spica. Et cum se produxerit fructus, statim mittit falcem, quoniam adest tempus messis.* Semen homo jactat in terram, cum cordi suo bonam intentionem ^e inserit. Et postquam semen jactaverit, dormit; quia in spe boni operis quiescit. Nocte vero exsurgit ac die; ^f quia inter adversa & prospera proficit. Et semen germinat & crescit dum nescit ille: quia & cum adhuc metiri incrementa sua non valet, se-

De his gradibus explicata seminis parabola.
Marc. 4. v. 26. &c.

^b

^c

^d

^e

^f

^d Ita mss. Laud. Longip. Norm. &c. cum in excusis legatur; *Et cum ex se produxerit fructus.*

^e Laud. *miserit*, sano sensu.

^f Laud. & Longip. *quia in adversa.*

femel concepta virtus ad provectum ducitur. Et ultro terra fructificat: quia præveniente se gratia, mens hominis spontanee ad fructum boni operis assurgit. Sed hæc eadem terra primum herbam, deinde spicam, deinde plenum frumentum producit in spica. Herbam quippe producere, est incoationis bonæ adhuc teneritudinem habere. Ad spicam vero herba pervenit, cum se virtus animo concepta, ad provectum boni operis pertrahit. Plenum autem frumentum in spica fructificat, quando jam tantum virtus proficit, ut esse robusti & perfecti operis possit. At cum se produxerit fructus, statim mittit falcem; quoniam adest tempus messis. Omnipotens enim Deus producto fructu falcem mittit, & messem suam desecat; quia cum unumquemque ad opera perfecta perduxerit, ejus temporalem vitam per emissam sententiam incidit, ut granum suum ad cœlestia horrea perducatur. Cum igitur desideria bona concipimus, semen in terram mittimus. Cum vero operari recta incipimus, herba sumus. ^a Cum autem ad provectum boni operis crescimus, ad spicam pervenimus. Cumque in ejusdem boni operis perfectione solidamur, jam plenum frumentum in spica proferimus.

6. Herba etenim Petrus fuerat, quia passionis tempore per amorem Dominum sequens, hunc confiteri ante ancillæ vocem timebat. Erat enim jam viriditas in mente, quia credebatur omnium Redemptorem, sed valde adhuc flexibilis pede conculcatur timoris. Jam in spicam surrexerat, quando eum quem moriturum confiteri timuerat, nuntiante Angelo, in Galilæa viventem videbat. ^b Sed tunc plenum granum in

spicam pervenerat, quando veniente desuper Spiritu, & suam mentem in illius amore roborante, ita solidatus est, ut vires persequentium cæsus despiceret, & Redemptorem suum libere inter flagella prædicaret. Nullus itaque, qui ad bonum propositum adhuc in mentis teneritudine esse conspicitur, despiciatur; quia frumentum Dei ab herba incipit, ut granum fiat. Vir ergo vestitus lineis, venit ad portam: quia Dominus ac Redemptor noster membris suis intransibilibus perducitur ad se. Et ascendit per gradus ejus: quia nobis proficientibus, eo nobis amplius exaltatur, quo altus & incomprehensibilis esse cognoscitur. In virtutum quippe nostrarum gradibus ipse ascendere dicitur, quia tanto ipse sublimior nobis ostenditur, quanto noster animus a rebus infimis separatur. Sequitur:

Et mensus est limen portæ calamo uno in latitudinem, id est limen unum calamo uno in latitudinem. ^{Ibidem.}

7. Cur postquam dictum est, *Limen portæ*, statim subiungitur, *Limen unum*: nisi quia aperte innuit, quod adhuc inferius limen aliud dicatur? Porta autem a limine surgit, ut porta sit. Si igitur porta Dominus, quis hujus portæ limen est, nisi illi antiqui patres, ex quorum progenie Dominus incarnari dignatus est? Sicut per Paulum dicitur: *Quorum patres, ex quibus Christus secundum carnem, qui est super omnia Deus benedictus in secula.* Notandum vero est in hac Pauli sententia, quod dii & ceteri hominum sunt vocati, sicut Moysi dicitur: *Ponam te in deum Pharaoni.* ^{Exod. 7. 1.} Et per Psalmistam dicitur: *Ego dixi, dii estis.* Et rursus: *Deus stetit in synagoga eorum.* ^{Ps. 134. 6. 134. 7. 1.} Sed aliud est

D 2 nun-

stris.

^b Suefi. sed ad plenum granum in spicam.

^c Val-cl. limen unum.

Frumentum Dei ab herba incipit, ut granum fiat.

Veterum Patrum ex quibus Christus, perfectio.

Rom. 9. 5.

Exod. 7. 1.

Ps. 134. 6.

134. 7. 1.

Per hos gradus Petrus crevit.

^a Correctores Rom. ad hunc locum allatum De pœnit. dist. 2. c. 15. admonent deesse in originali, cum autem ad provectum boni operis crescimus, ad spicam pervenimus. Extant tamen in omnibus n. fl. no.

a
Christus
Deus super
omnia.

nuncupative, aliud ^a naturaliter dici Deum. Et si Moyses in deum Pharaoni est positus, sed deus intra omnia, non Deus super omnia dicitur. Qui vero est intra uterum Virginis incarnatus, Deus super omnia vocatur. Itaque limen portæ, sunt antiqui patres, ex quibus ille natus est, qui nobis aditum regni cœlestis aperuit. Limen autem portæ uno calamo mensuratur; quia ipsi antiqui patres, qui potuerunt Redemptorem nostrum & prophetando & bene vivendo prædicare, tamquam sex cubitos in perfectione operis, & palmum in incoatione contemplationis habuerunt. Quia enim eorum vitam in unitatem fidei & perfectæ operatio, & incoata contemplatio sublimem reddidit, in uno calamo mensura liminis fuit. Sequitur:

Verf. 7. *Et thalamum uno calamo in longum, & uno calamo in latum.*

Animæ cœlesti sponso junctæ amor & pia desideria.

8. Consideremus quid agi in thalamo soleat, atque exinde hoc quod in sancta Ecclesia agitur colligamus. In thalamo quippe sponsus & sponsa fœderantur, sibi que in amore junguntur. Quid ergo sunt in sancta Ecclesia thalami, nisi eorum corda in quibus anima per amorem sponso invisibili jungitur, ut ejus desiderio ardeat, nulla jam quæ in mundo sunt concupiscat, præsentis vitæ longitudinem pœnam deputet, exire festinet, & amoris amplexu in cœlesti sponsi visione requiescere? Mens itaque, quæ jam talis est, nullam præsentis vitæ consolationem recipit, sed ad illum quem diligit, medullitus suspirat, fervet, anhelat, anxietur. Vilis ei sit ipsa salus corporis, quia transfixa est vulnere amoris: unde & in Canticis canticorum dicit: *Vulnerata caritate ego sum*. Mala autem salus est cor-

Cant. 2. 5.
sec. lxx.
Ex caritatis
vulnere
sanitas.

a Laud. essentialiter.

b Editi omnes ante Gudianvil. faventibus

dis, quæ dolorem hujus vulneris nefcit. Cum vero anhelare jam in cœleste desiderium, & sentire vulnus amoris cœperit, fit anima salubrior ex vulnere, quæ prius ægrotabat ex salute.

Mentis de
hujus vitæ
mora dolentis
quæ
consolatio.
b

9. Menti autem sponsum suum fortiter amanti, ^b de mora vitæ præsentis una solet esse consolatio, si per hoc quod ipsa ab ejus visione differtur, aliorum animæ ejus verbo proficiant, & ad cœlestem sponsum amoris facibus inardescant. Mœret, quia differri se conspicit; triste est ei omne quod aspicit; quia illum adhuc non videt, quem videre concupiscit. Sed est, ut dixi, non parva consolatio, si cum fervens anima differtur, per eam multæ colliguntur, ut tarde eum cum multis videat, quem sola videre citius volebat. Unde rursus in Canticis canticorum sponsa dicit: *Fulcite me floribus, & stipate me malis, quia amore languo*. Quid namque sunt flores, nisi animæ bonum jam opus incoantes, & desiderium cœleste redolentes? Quid mala de floribus, nisi perfectæ jam bonorum mentes, quæ ad fructum perveniunt boni operis de initio sanctæ propositionis? Quæ ergo amore languet, fulciri querit floribus, & stipari malis: quia si illum desiderat, & videre adhuc non permittitur, magna est ei consolatio si de aliorum provectibus lætetur. Anima ergo sancto amore languida, floribus malisque fulcitur, ut requiescat in bono opere proximi, quæ adhuc contemplari non vallet vultum Dei.

Cant. 2. 5.
Pater. 17.
Cant. c. 8.

10. Pensamus rogo, qualis thalamus Pauli mens fuerat, qui dicebat: *Mibi vivere Christus est, & mori lucrum*: omnipotenti Deo in quantum se amore conjunxerat, qui sibi vitam Christum tantummodo, & mori lucrum esse deputabat? Hinc est

In exemplum adductus Paulus.
Philip. 1. 21.

msl. Norm. de amore vita. Manifesta est hallucinatio.

Ibid. v. 23. est quod iterum dicit: *Desiderium habens dissolvi, & cum Christo esse multo magis melius.* Sed ecce qui dissolvi desideras, quo amore langucas videamus. Quia interim differri te conspicias, fulciri quæso floribus non requiris? Quæris plane, *Ibid. v. 24.* nam sequitur: *Permanere autem in carne necessarium propter vos.* Et *1. Thess. 2. 19.* proficientibus discipulis dicit: *Quæ est enim nostra spes, aut gaudium, aut corona gloriæ? Nonne vos ante Dominum nostrum Jesum Christum?*

Eadem est longanimitatis & caritatis mensura.

II. Hinc est quod idem thalamus uno calamo in longum, & uno calamo in latum dicitur mensus. Longitudo quippe ad longanimitatem expectationis pertinet, & latitudo ad amplitudinem caritatis. Tantum ergo unusquisque thalamus habet in longitudinem, quantum & in latitudinem habere potuerit: quia mens ^a cœlesti desiderio succensa, quantum amorem habuerit ad colligendum proximum, tantum & longanimitatem exhibet ad expectandum Deum: & patienter ^b portat moras longitudinis, quia se in propectu proximi dilatat amplitudo caritatis. Potest etiam ipsa longitudo longanimitatem patientiæ quæ exhibetur proximo, designare. Et quia latitudo caritatem signat, quæ sinum mentis aperit, & amicos simul atque inimicos in amorem recipit, tanta est longitudo thalami, quanta latitudo: quia quantum lata mens fuerit, per amorem, tantum erit & patiens per longanimitatem. Nam tantum quisque portat proximum quantum amat. Si enim amas, portas: si desistis amare, desistis tolerare. Quem enim minus diligimus, minus etiam toleramus: quia irruente fastidio, citius facta proximi adducuntur in gravedinem ponderis, quæ nobis non levigat penna caritatis. Sequitur:

Et inter thalamos, quinque cubitos. *Ibidem*

12. Unum supra thalamum dixit, & postmodum quinque cubitos esse inter thalamos narrat: ea videlicet ratione, qua multi thalami unum faciunt; sicut & multæ Ecclesiæ una Ecclesia vocatur. Unde & in Johannis Apocalypsi septem Ecclesiis scribitur, per quas una Catholica designatur. Hi itaque qui in sancta Ecclesia, sicut diximus, ferventi amore Deum videre sitiunt, eique jam per desiderium conjunguntur, thalami vocantur. Sed tamen sunt in ea quidam, qui penetrare subtilia non valentes, & quinque adhuc corporis sensibus depressi, tanto minus amant eum qui fecit omnia, quanto amplius in his quæ facta sunt, illigantur. Et jam quidem exercere se in timore Domini, & amore proximi tendere student, bona opera corporaliter agere, elemosynis peccata redimere: sed quia amore intimo ardere ad cœleste desiderium nesciunt, quasi adhuc devincti corporeis sensibus tenentur. Isti itaque thalami non sunt, sed tamen inter thalamos continentur; quia per eorum ducatum qui visionem Dei perfecte diligunt, & ipsi ad propectum mentis diriguntur. Inter thalamos ergo, quinque sunt cubiti; quia hi qui ab exterioribus quinque sensibus adhuc ad intellectum non assurgunt, dum inter eos sunt qui spiritu amoris fervent, velut manentes inter thalamos in fidei constructione proficiunt, & a mensura cœlestis ædificii disjuncti non sunt. Nam & paulisper se ab appetitu corporalium sensuum subtrahunt, & dilatato mentis spatio, imitantes caritatem quam conspiciunt, hinc inde ad thalamos extenduntur. Quod ergo non per sex cubitos, sed per quinque descripti sunt,

^a Laud. cœlesti amore conjuncta.

^b Val. c. portat de compassione proximi

moras longitudinis.

sunt, ipsa adhuc eorum imperfectio designatur.

Cœlestis
ædificii
partes
sunt.

13. Sed tamen per bonum desiderium in mensura spiritualis ædificii esse memorantur, quia & voce sanctæ Ecclesiæ per Psalmistam dicitur: *Imperfectum meum viderunt oculi tui, & in libro tuo omnes scribebuntur.*

Psalm. 138. 16.
13.

Hinc iterum idem Psalmista dicit: *Benedit omnes timentes se Dominus, pusillos cum majoribus.* Hi itaque etsi perfecti sunt & pusilli: in quantum tamen cognoscere prævalent, & Deum & proximum diligunt, atque ideo bona quæ possunt, non negligunt operari. Qui etsi necdum ad spiritalia dona proficiunt, ut vel ad perfectam operationem, vel ad succensam^a contemperationem animam exerant; tamen ab amore Dei & proximi, in quantum animo capere prævalent, non recedunt. Unde fit, ut ipsi quoque etsi minori loco, in sanctæ tamen Ecclesiæ ædificatione sint positi: quia & si ad doctrinam, si ad prophetiam, si ad miraculorum gratiam, si ad contem-

a

tum mundi plenius exsequendum fortasse minores sunt, tamen in timoris & amoris fundamento sunt, in quo solidantur: quia etsi igne cœlestis desiderii non ardent, in ipsis exterioribus quæ exercere sufficiunt, vapore caritatis animantur, & inter proximorum præcellentium ædificia continentur. Unde & recte sponsa in Canticis canticorum loquitur, dicens: *Ferculum fecit sibi rex Salomon de lignis Libani, columnas ejus fecit argenteas, reclinatorium aureum, ascensum purpureum, media caritate constravit propter filias Jerusalem.* Neque enim credendum est Salomonem tantæ magnitudinis regem, qui sic immensis divitiis affluebat, ut pondus auri

Modo timoris & amoris fundamento sustineantur.

Cant. 3.
Vers. 9. &
10.

Pater. in
Cant. c. 24

ejus æstimari non posset; & argentum in diebus illis pretium non haberet, quia ferculum sibi ligneum fecit. Sed est Salomon videlicet pacificus noster, qui sibi de lignis Libani ferculum fecit. Libani quippe ligna cedrina valde sunt imputribilia.

14. Ferculum itaque Regis nostri sancta Ecclesia est, quæ de fortibus patribus, id est^b de imputribilibus mentibus est constructa. Quæ recte ferculum dicitur, quia ipsa tertio quodidie animas ad æternum convivium Conditoris sui. Cui ferculo columnæ argenteæ factæ sunt: quia prædicatores Ecclesiæ^c sanctæ, eloquiis luce resplendent. Est autem cum columnis argenteis reclinatorium aureum: quia per hoc quod a sanctis prædicatoribus lucide dicitur, mentes audientium^d fulgorem claritatis intimæ, in qua reclinantur, inveniunt. Per hoc enim quod luculente & aperte audiunt, in illud quod clarescit in corde, requiescunt. Columnæ ergo ejus argenteæ, & reclinatorium aureum factum est; quia per lucem sermonis invenitur apud animum claritas quietis. Ille quippe fulgor internus mentem irradiat, ut per intentionem ibi requiescat, ubi prædicationis gratia non quærat. De eadem quippe sancta Ecclesia scriptum est: *Pennis columba deargentata, & posteriora dorsus ejus^e in specie auri.* Quæ enim hic spiritu mansuetudinis impleta quasi columba pennas deargentatas habet, in posteriora dorsus ejus speciem auri continet: quia hic prædicatores suos sermonis luce induit; in posteriori autem seculo fulgorem in se claritatis ostendit. Sed ad hoc quod clarum intus ostenditur, qualis sit ascensus adjungit, cum de

Ecclesiæ
constructio
& varæ
partes.
b

c

d

Columnæ
argenteæ,
& reclinatorium
aureum.

Psalm. 67.
15.

e

Ascensus
purpureus.

^a Lyr. contempl. a caritatis tamen & bonorum operum studio, quantum animo capere prævalent, non recedant.

^b Laud. & S. e. l. quasi de lignis cedrinis, id est de imputribilibus.

^c Laud. sancti eloquiis.

^d Editi invitis missi. Anglie. Norm. & al. fulgorem caritatis. Legendum claritatis, satis probant quæ sequuntur.

^e Swell, in pallore.

CANT. 3. 10.

de eodem ferculo protinus subdit : *Ascensum purpureum*. Vera quippe purpura, quia de sanguine tingitur; non immerito in colore sanguinis videtur. Et quia maxima multitudo fidelium in exordio nascentis Ecclesiæ per martyrii sanguinem pervenit ad regnum, Rex noster ascensum purpureum fecit in ferculo: quia ad clarum quod intus aspicitur, per tribulationem sanguinis pervenitur.

In hoc edificio infirmis nobis quæ pars?

15. Quid ergo nos miseri atque ab omni fortitudine destituti, quid acturi sumus? Ecce in hoc ferculo columnæ esse non possumus, quia in nobis nec fortitudo operis, nec lumen emicat prædicationis. Reclinatorium aureum non habemus: quia necdum sicut oportet, per intellectum spiritalem, requiem internæ claritatis aspiciamus. Ascensus purpureus non sumus: quia pro Redemptore nostro fundere sanguinem non valemus. Quid ergo de nobis agendum est? Quæ spes erit, si nullus ad regnum pervenit, nisi qui summis virtutibus præditus fuerit? Sed adest quoque nostra consolatio. Amemus in quantum possumus Deum, diligamus & proximum, & simul quoque nos ad Dei ferculum a peruenimus; quia sicut illic scriptum est: *Media caritate constravit*. Habe quippe caritatem, & ibi sine dubio b pervenis, ubi & columnæ argenteæ eriguntur, & ascensus purpureus tenetur. Nam quia hoc propter nostram infirmitatem dicitur, aperte monstratur, cum illic protinus subdidit; *Propter filias Jerusalem*. Sermo etenim Dei qui non filios, sed filias dicit, quid aliud per sexum femineum, quam mentium infirma signavit? Quod ergo illic inter columnas argenteas, reclinatorium aureum, & ascensum purpureum, inesse media caritas di-

citur propter filias Jerusalem; hoc hic inter thalamos per quinque cubitos designatur: quia & qui in virtutibus infirmantur, si ipsi bonæ possunt facere cum caritate non negligunt, a Dei edificio alieni non sunt. Sequitur:

Et limen portæ juxta vestibulum portæ intrinsecus, calamo uno.

Ibidem.

16. Dum limen quod modo describitur, juxta vestibulum portæ intrinsecus esse memoratur, aperte ostenditur, quia limen quod prius descriptum est, extrinsecus fuit. Sed si porta est Dominus, quod sit limen portæ intrinsecus & extrinsecus requiramus. Per limen etenim portam unusquisque ingreditur. Et quæ sunt duo hæc limina, nisi patres Testamenti veteris, & patres Testamenti novi? Non solum quippe hi de quibus Dominus incarnari dignatus est, sed omnes Testamenti veteris patres portæ hujus limen fuerunt: quia hi qui eum prædicare & in eo sperare meruerunt, cunctis ad eum venientibus aperuerunt aditum fidei; & omnes qui per hos crediderint Dominum, quasi jam portam hujus liminis intraverunt. Sed cur ante limen exterius, & post limen interius dicitur, nisi quia prius Testamenti veteris patres, & postmodum novi Testamenti doctores fuerunt? Recte autem limen exterius Testamenti veteris patres designat, quia per eorum prædicationem opera perversa punita sunt. Per dicta vero novorum patrum, uniuscujusque animus etiam ab illicitis cogitationibus coercetur, dum reatus esse perfectus & in deliberatione cordis ostenditur. Illi quippe a flagitiis, a crudelitatibus, a rapinis auditorum animas prohibere curaverunt: isti vero dum non solum perversa opera, sed etiam illicita cogitationum

Ecclesiæ limen exterius, veteris Testamenti; interius, novi Testamenti patres.

Pater. in Matih. c. 13. Verus Testamentum prava opera, nonum etiam cogitationes illicitas punit.

a Ebroic. & Lyr. *pervenimus*. Laud. *pervingemus*.

b Ita Laud. Sæss. Longip. Ebroic. In U-

ticensi olim sic legebatur, sed jugulata obelo voce *pervenis*, nunc superscriptum legitur *partines*, quod habent editi.

num refecant, quid nobis aliud, nisi limen intrinsecus facti sunt?

Unde & ipsa Veritas loquitur, dicens: *Audistis quia dictum est anti-*

Matth. 5. v.
21. & 22.

quis: Non occides, qui autem occiderit, reus erit iudicio. Ego autem dico vobis, quia omnis qui irascitur fratri suo^a sine causa reus erit

Pater. in
Exod. c. 45.

iudicio. Recte quoque exterius limen illos patres designat, qui ab ipsa incarnatione Redemptoris nostri per intervalla temporum longius constiterunt. Et quidem ab Abel sanguine, passio jam coepit Ecclesiae: & una est Ecclesia electorum praecedentium atque sequentium. Sed tamen quia discipulis dicitur: *Multi reges & prophetae voluerunt videre quae vos videtis, & non viderunt; antiquis patribus quasi foris stetitisse est, Redemptoris nostri praesentiam corporaliter non vidisse. Exterius igitur, sed tamen non divisi a sancta Ecclesia fuerunt; quia mente, opere, praedicatione, ista jam fidei sacramenta tenuerunt, istam sanctae Ecclesiae celsitudinem conspexerunt, quam nos non adhuc praestolando, sed jam habendo conspiciamus. Sicut enim nos in praeterita passione Redemptoris nostri, ita illi per fidem in eadem ventura sunt salvati. Illi ergo foris non extra mysterium, sed extra tempus.*

Per fidem in
Christi passione
veres patres
salvati.

In constructione
tabernaculi
qui paxilli
arei, qui
columnae.
Par. ibid.

17. Unde & in constructione tabernaculi, ut columnae argenteae interiorius starent, paxilli aerei figi per circuitum exterius iussi sunt, in quibus religatum tabernaculum teneretur. Columnae itaque argenteae interiorius, paxilli vero aerei^b exterius figuntur, atque in ipsis funes ligati sunt, ut tabernaculum fixum maneret: quia videlicet ut sancti Apo-

^a Absit, *sine causa*, a mss. Norm. Longip. Val-cl.

^b Vulgati omnes, *in circuitu figuntur*, reluctantibus mss. nostris.

^c Solus Gussanvil. *ibi religatus*. Ad columnam referendum *religata*. Ibid. post *in fide*. Vatic. & Gussanvil. adtexunt: *Scriptura autem prophetici sermonis in tenebris vi-*

stoli in luce sermonis sui solidi starent, ut totum tabernaculum, id est sancta Ecclesia in fidei integritate consisteret, tamquam paxilli aerei patres Testamenti veteris ac Prophetarum exterius fixi sunt, qui verborum suorum funibus praedicatorum mentes in soliditate stringerent, atque hoc Dei habitaculum in statu fidei ligarent. Extra ergo paxilli sunt, qui ante tempus huius sanctae Ecclesiae fuerunt. Sed tamen eos ligant qui in ipsa sunt; quia dum coelestia mysteria ventura praedicant, haec postquam ostensa sunt, credibilia omnibus fecerunt. Ut ergo intus columnae immobiles stent, foris paxilli funes continent: quia ut sancti Apostoli perfecte incarnationis Dominicæ mysterium crederent, illorum praedicatione obtinuit, qui hoc priusquam fieret, & videre & praedicare potuerunt. Unde recte quoque ipse primus Apostolorum, magna scilicet columna veri tabernaculi, loquitur dicens: *Habemus firmiorem propheticum sermonem, cui bene facitis intendentes, quasi lucernae lucenti in caliginoso loco.* Quibus verbis indicat, quia quamvis ad altiora surrexerit ex culmine, ^c ibi religata persistat in fide. Quae tamen lucerna prophetici sermonis jam quidem intelligentibus lucet, sed adhuc non intelligentibus cooperta allegoriarum obscuritatibus permanet. Unde etiam per Psalmistam de iisdem dictis Prophetarum dicitur: *Tenebrosa aqua in nubibus aeris; quia videlicet occulta est scientia in Prophetis. Nec immerito columnae argenteae, paxilli vero aerei facti sunt: quia quod clare jam Apostoli praedicant, hoc Prophetarum sub intellectu mystico obscure*

Quid ad fidem dei soliditatem veteres Patres conferant.

Prophetici sermo firmior.
Pater. in 2. Pet. c. 3.

2. Pet. 1. 19.

Ps. 17. 12. Sed obscurior.

ta praesentis facta est nobis lucerna, & lumen itineris; unde Psalmista dicit; Lucerna pedibus meis verbum tuum Domine, & lumen semitis meis. Quae tamen &c. Unde haec eruta sint non indicant editores. Fateatur Gussanvil. abesse a mss. & a quibusdam impressis. Videtur esse nota quaedam, quae ex margine in textum irrepsit.

scire locuti sunt. Recte ergo per
 æris metallum signati sunt, qui
 clari in suis prædicationibus non
 fuerunt. Sancti vero Apostoli, ^a quia
 de Redemptoris nostri mysterio lu-
 cem prædicationis habuerunt, argenti
 columnis expressi sunt. Et notandum,
 quod argentum sonat & lucet, æs ve-
 ro sonat & non lucet: quia prædica-
 tores novi Testamenti aperte locuti
 sunt, quæ etiam monstrare potue-
 runt. Prædicatores vero Testamenti
 veteris quia per allegiarum umbras
 de cœlesti mysterio obscura dicta pro-
 tulerunt, quasi sine luce sonitum
 dederunt. Quod ergo illic per pa-
 xillos & columnas, hoc hic per limen
 exterius & limen interius designatur.

18. Si vero portam, Scripturam
 sacram hoc in loco accipimus, ipsa
 quoque duo limina habet, exterius
 & interius, quia in litteram divi-
 ditur & allegoriam. Limen quippe
 Scripturæ sacræ exterius, littera: li-
 men vero ejus interius, allegoria.
 Quia enim per litteram ad alle-
 goriam tendimus, quasi a limine
 quod est exterius, ad hoc quod
 est interius venimus. Et sunt in
 ea permulta, quæ ita juxta litteram
 mentem ædificant, ut per hoc quod
 exterius ^b agitur, audientis mens in-
 terius trahatur. Ibi quippe invenimus
 prædicamenta operis & exempla vir-
 tutis: ibi jubetur quid agere e-
 tiam corporaliter debemus: ibi hoc
 quod ad operandum præcipitur, in
 sanctorum virorum ac fortium actio-
 ne monstratur: ut postquam nos a-
 pertiora præcepta atque exempla ju-
 storum ad bonam operationem in-
 struunt, tunc ad limen interius, idest
 ad intellectum mysticum intimæ con-
 templationis tendamus, si possumus,
 pedem mentis. Studete quæso, fra-
 tres carissimi, Dei verba meditari,
 nolite despiciere scripta nostri Re-

demtoris, quæ ad nos missa sunt.
 Multum valde est, quod per ea
 animus refricatur ad calorem, ne
 iniquitatis suæ frigore torpescat.

19. Cum illa præcedentes justos
 fortiter egisse cognoscimus, & ipsi
 ad fortitudinem bonæ operationis ac-
 cingimur, sanctorum exemplorum
 flamma animus legentis incenditur.
 Videt quæ fortia ab eis facta sunt,
 & valde indignatur sibi, quia talia
 non imitatur. Unde recte sponsi voce
 ad sponsam dicitur in Canticis can-
 ticorum: *Sicut turris David collum tuum, quæ ædificata est cum propugnaculis suis. Mille clypei pendent ex ea, omnis armatura fortium. In collo etenim guttur, in gutture vox est.*

Veterum
 justorum
 exempla
 quid nobis
 præsent.

Cant. 4. 4.

20. Quid ergo per collum sanctæ
 Ecclesiæ, nisi sacra ejus eloquia de-
 signantur? In qua dum mille cly-
 pei dependere memorantur, per hunc
 perfectum numerum numerus uni-
 versus ostenditur, quia universa no-
 stra munitio in sacro eloquio con-
 tinetur. Ibi quippe sunt præcepta
 Dei, ibi exempla justorum. Si e-
 nim torpet animus a Conditoris
 sui desiderio, audiat quod dicitur:
Diliges Dominum Deum tuum ^c *ex*
tota mente tua, & ex tota virtute
tua. ^d In odio fortasse labitur pro-
 ximi? Audiat quod dicitur: *Diliges*
proximum tuum, sicut te ipsum. Res
 alienas concupiscit? Audiat quod illic
 scriptum est: *Non concupisces rem pro-*
ximi tui. De injuria quæ proximi
 ore vel facto illata est, ad iram
 mens accenditur? Audiat quod di-
 citur: *Non quæres ultionem, nec*
memor eris injurie civium tuorum.
 In carnis concupiscentiam male san-
 ciata mens accenditur? Ne sequatur
 oculus mentem, audiat quod pau-
 lo ^{*} superius dictum est: *Qui vide-*
rit mulierem ad concupiscendum eam,
 jam

Scripturæ
 sacra iis
 quæ exhibet præcep-
 tis & ex-
 emplis nos
 munit.

Matth. 22.

37.

c

d

Ibid. v. 39.

Levit. 19.

18.

Matth. 5. 28.

* In tota

hom. locus

hic non

^a Ex his verbis male lectis, edit. confe-
 cerunt, qui ob redemptoris nostri mysterium.
^b Laud. dicitur.

Tom. V.

^c Lyr. ex toto corde tuo.

^d Longip. odio, omisso in.

laudatur. : *jam mœchatus est eam in corde suo.*
nisi dicamus unum eundem-que con-
textum constari ex
his verbis,
& ex super-
rioribus :
 Audistis quia dictum est antiqu.
Matth. 5.
& seq. jam adductis
Luc. 6. 35.
Ibid. 12. 33.
Matth. 6. 24.

a

Pater. in
Luc. c. 42.

Luc. 11. 27.

Ad ea con-
 fugere, &
 mores
 componere
 debemus.

b

Contra inimicum forsitan quisquam animum suum relaxare disponit in odium? Audiat quod illic scriptum est; *Diligite inimicos vestros, benefacite his qui oderunt vos.* Sed is qui aliena jam non rapit, adhuc forsitan sua inordinate retinet? Audiat quod illic dicitur: *Vendite quæ possidetis, & date eleemosynam.* Infirmantis animus perfrui desiderat Deo simul & seculo? Audiat quod illic scriptum est: *Nemo potest duobus dominis servire.* Alius non ad necessitatem stipendii, sed ^a ad voluntatem desiderii possessa retinet? Audiat quod illic scriptum est: *Qui non renuntiaverit omnibus quæ possidet, non potest esse meus discipulus.* Quidam enim relinquunt omnia, multi autem etiam possidendo renuntiant, quia sic ad usum possessa retinent, ut eis ex desiderio non succumbant. Torpere quisquam appetit, & laborem subire pro Domino etiam cum prævalet, refugit? Audiat quod illic scriptum est: *Qui mecum non colligit, spargit.* In collo ergo Ecclesiæ id est in sacri eloquii prædicatione, quod pro sua munitione & altitudine, turri David simile dicitur, mille lypei dependent: quia quot illic præcepta sunt, tot etiam pectoris nostri munimina.

21. Ad servandam itaque innocentiam etiam læsi a proximo perdurare in humilitate festinamus? Abel ante oculos veniat, qui & occisus a fratre scribitur, & non legitur relictus. Mentis inmunditia etiam ^b in conjugali copula eligitur? Enoch debet imitari, qui & in conjugio positus ambulavit cum Deo, & non inveniebatur, quia transtulit illum Deus. Præcepta Dei festinamus præ-

senti nostræ ^c utilitati præponere? Noe ante oculos veniat, qui ^d cura domestica postposita, ex iussione omnipotentis Domini, per centum annos ad arcæ fabricam vixit occupatus. Subire obedientiæ virtutem nitimur? Aspicere Abraham debemus, qui relicta domo, cognatione, patria, obedivit exire in locum quem accepturus erat in hereditatem: & exiit nesciens quo iret: qui paratus exstitit, ut pro æterna hereditate dilectum quem acceperat, occideret heredem. Et quia unicum Domino offerre non distulit, universam multitudinem Gentium in semine accepit. Morum simplicitas placet? Isaac ad mentem veniat, quem in omnipotentis Dei oculis vitæ suæ tranquillitas ornavit. Laboriosa fortitudo, ut obtineri debeat, quæritur? Jacob ad memoriam deducatur, qui postquam scivit fortiter servire homini, ad eam quoque virtutem perductus est, ut non potuisset a luctante Angelo superari. Conamur carnis illecebram vincere? Joseph ad memoriam redeat, qui tentante se domina studuit carnis continentiam etiam cum vitæ periculo custodire. Unde factum est, ut quia membra sua bene noverat regere, ^e regendæ quoque omni Ægypto præficeretur. Mansuetudinem atque patientiam obtinere quærimus? Moysen ante oculos deducamus, qui exceptis parvulis ac mulieribus, sexcenta millia armatorum regens, mitis fuisse describitur super omnes homines qui habitabant super faciem orbis terræ. Rectitudinis zelo contra vitia accendimur? Phinees ante oculos deducatur, qui coeuntes gladio transfigens, ^f castitati populum reddidit, & iram Dei iratus placavit. De spe omnipotentis Dei

^a Laud. Val-cl. Longip. *ad voluptatem desiderii.*

^b Laud. *cum conjugali.*

^c Idem cod. *humilitati*, quod minime recipiendum quantavis auctoritatem huic rodici conciliet antiquitas.

^d Beccensis & Lyr. *qui curando mystica.*

^e Laud. *regendo.*

^f Rotomag. & Lyr. *castitatem populo reddidit.*

c
d

e

f

Dei præsumere in dubiis quærimus? Josue ad memoriam revocemus, qui dum dubia ^a certamina certa mente subiit, ad victoriam sine dubietate pervenit. Jam mentis ^b inimicitias ponere cupimus, in benignitate animi dilatare? Samuel in cogitationem deducatur, qui de principatu dejectus a populo, cum idem populus peteret, ut pro eo Domino preces effunderet, respondit dicens: *Abstine a me hoc peccatum in Domino, ut cesses orare pro vobis*. Culpam quippe vir sanctus perpetrare se credidit, si eis quos adversarios pertulerat usque ad dejectionem, benignitatem gratiæ non reddidisset in prece. Qui rursus cum jubente Domino mitteretur ut David ungeret in regem, respondit: *Quomodo vadam? Inveniet enim me Saul, & occidet me*. Et tamen quia iratum Deum eidem Sauli cognoverat, in tanto se luctu afflixerat, ut ei per se Dominus diceret: *Quousque tu Saulem luges, cum ego illum abjecerim?* Pensamus ergo ejus animum quantus ardor caritatis incendat, qui & illum flebat a quo timebat occidi. Cavere autem volumus quem timemus? Sollicita nobis mente pensandum est, ne si locum fortasse reperimus, malum pro malo reddamus ipsi quem fugimus. David ergo ad memoriam redeat, qui persequentem se regem & invenit ut potuisset occidere, & tamen in ipsa ferendi potestate positus, elegit bonum quod ipse deberet facere, non autem malum quod ille merebatur pati, dicens: *Abstine a me ut mittam manum meam in Christum Domini*. Et cum idem Saul post ab hostibus fuisset interemptus, eum quem persecutorem dum viveret pertulit, flevit occisum. Errantibus hu-

jus mundi potentibus libere loqui discernimus? Johannis auctoritas ad animum reducat, qui Herodis nequitiam reprehendens, pro verbi rectitudine occidi non timuit. Et quia Christus est veritas, ipse ideo pro Christo, quia pro veritate, animam posuit. Carnem jam nostram pro Deo ponere in morte festinamus? Petrus ad mentem veniat, qui inter flagella gaudet, qui cæsus principibus resistit, qui vitam suam pro vita despicit. Cum mortis appetitu disponimus adversa contemnere? Paulum ante oculos deducamus, qui non solum alligari, sed & mori paratus pro Christo, non facit pretiosorem animam suam, quam se. Succendi cor nostrum igne caritatis quærimus? Johannis verba pensamus, cujus omne quod loquitur, caritatis igne vaporatur.

22. Quia ergo in voce sacri eloqui, cujuslibet dum quærimus munimen virtutis invenimus; mille clypei pendent ex ea, omnis armatura fortium. Si enim pugnare contra spiritalia nequitiae volumus, in collo Ecclesiæ, quæ nobis sicut David turris erecta est, id est in divino eloquio protectionis arma requiramus, ut ex discretione præcepti, contra vitia sumatur virtus adjutorii. Ecce enim contra aereas potestates festinamus fortes existere? In hac turri armaturam nostræ mentis invenimus, ut inde præcepta Conditoris, inde sumamus exempla præcedentium, per quæ contra adversarios nostros inexpugnabiliter armemur. Dum enim quamlibet virtutem subire appetis, & hanc illic a patribus jam impletam vides, ibi armaturam tuam invenis, per quam contra spiritalia bella muniaris. Dependent in ea quippe mille

Scriptura
sacra turris
ex qua mil-
le clypei
pendent.

E 2 cly-

^a Ebroic. Rotomag. Lyr. certamina certamini addidit.

^b Mendose in editis, inimicitias punire. Hic error etiam crassus, a prima edit. in aliis omnibus propagatus est, nemine editorum

attendente ad benignitatem quæ hic proponitur, non pertinere inimicitias punire, neque hoc Samuelis exemplo suaderi. Laud. habet inimicitias postponere.

^c Plur. Norm. quomodo vado?

clypei: si quis pugnare appetit, assumat, & ex ea virtute pectus muniat, & verborum jacula emit-
tat.

Hæc turris
cum propu-
gnaculis æ-
dificata cur-
dieatur.

23. Et notandum, quia ædificata cum propugnaculis suis dicitur. Hoc quippe agunt propugnacula, quod clypei, qui utraque pugnantem muniunt. Sed inter utraque hoc distat, quia clypeum pro nostro munimine ubicumque volumus, movemus: propugnaculo autem defendere nos possumus, sed hoc movere non possumus. Clypeus in manu est, nam propugnaculum non tenetur. Quid ergo inter propugnacula & clypeos distat, nisi quod in sacro eloquio patrum præcedentium & miracula legimus, & virtutes bonorum operum audimus? Ibi namque cognoscimus, quod alius potuit mare dividere, alius solem figere, alius mortuum suscitare, alius paralyticum verbo erigere, alius umbra ægrotos curare, alius ^a per sua semicinctia febribus obviare. Qui tamen omnes & patientiæ longanimitate mites, & zelo rectitudinis ferventes fuerunt; verbi prædicatione divites, simul & misericordiæ largitate. Hi itaque quam vera de Deo dixerint testantur miracula, quia talia per illum non facerent, nisi de illo vera narrarent. Et quam pii, quam humiles, quam benigni extiterint, eorum testantur operationes. Si igitur de fide tentamur, quam ex illorum prædicatione concepimus, loquentium miracula conspiciamus, & in fide quam ab eis accepimus, confirmamur. Quid ergo illorum miracula, nisi nostra sunt propu-

Ea sunt
Sanctorum
miracula,
quibus ro-
boramur.

^a Ita omnes mss. Solus cod. Rotomag. pro diversa lect. exhibet in margine annotatum, *per suam sententiam*; quam amplectuntur edit. Parisienses 1502. 1518. 1571. & Vatic. Gussanvil. habet, *per suam præsentiam*.

gnacula? Quia & muniri per illa possumus, & tamen hæc in manu nostri arbitrii non tenemus: nam talia facere non valemus. Clypeus vero in manu est, & defendit: quia virtus patientiæ, virtus misericordiæ, præcedente nos gratia, & in potestate est arbitrii, & ^b a periculo protegit adversitatis. Turris itaque nostra cum propugnaculis suis ædificata est, in qua mille clypei dependent: quia in Scriptura sacra & sub miraculis patrum a jaculis adversitatis abscondimur, & conversationis sanctæ munimina etiam in manu operis tenemus. Notandum vero, quod limen portæ uno calamo mensuratur. Calamus autem in sex cubitis & palmo tenditur: quia videlicet in Scriptura sacra, & doctrina perfectæ operationis & initium supernæ contemplationis invenitur. Sin vero porta hoc loco unusquisque prædicator accipitur; limen exterius in porta est vita activa; limen vero interius, vita contemplativa. Per illam quippe ambulatur in fide, per hanc vero festinatur ^c ad speciem. Illa exterius ducit, ut unusquisque bene vivere debeat: ista interius perducit, ut ex bona vita ad gaudia æterna pertingat. Hæc nos hodie tractasse sufficiat. Quia enim transeuntes ad alia, diu per excessum locuti sumus, ea quæ subjuncta sunt, lectioni alteri reservemus, reparandi per silentium, sperantes in Verbo, quod vivit & regnat cum Patre in unitate Spiritus sancti, per omnia secula seculorum. Amen.

^b Longip. *a periculi adversitate*.

^c Species ut hic opponitur fidei, significat visionem & comprehensionem, ab antiquo verbo *spicio*; unde *aspicio*; *conspicio* &c.

H O M I L I A IV.

Quatuor Versibus a nono ad duodecimum allegorice aut moraliter explicatis, absolvitur.

Ezech. 40.
Vers. 9.

I.



IR, cuius erat species quasi species æris, *Mensus est vestibulum portæ octo cubito-*

rum, & frontem ejus duobus cubitis. Ac ne hoc vestibulum extra portam esse crederemus, subditur:

Ibidem.

Vestibulum autem portæ erat intrinsecus.

Post præsentis vitæ angustias, æternæ latitudo.

Quid autem per interius vestibulum, nisi æternæ vitæ latitudo signatur, quæ modo inter angustias vitæ præsentis jam per spem mente concipitur? De qua per Psalmistam dicitur: *Intrate portas ejus in confessione, atria ejus in hymnis confessionum.*

Psal. 99. 4.

Pater. in Psal. c. 203.

^a

Cum enim peccata nostra per lacrymas confitemur, ^a angustæ vitæ portam ingredimur. Sed cum post hæc ad æternam vitam perducimur, portæ nostræ atria in confessionum laudibus intramus; quia ibi jam angustia non erit, cum nos lætitia perpetuæ ^b festivitatis exceperit. Propter confessionis nostræ angustiam Veritas dicit: *Intrate per angustam portam.* Et cum se Psalmista ^c recipi in latitudinem gaudii æterni præsumeret, dicebat: *Statuisti in loco spatioso pedes meos.* Ad atrium ergo per portam tenditur, quia ad latitudinem solemnitatis pertingitur ab angustia confessionis. Illa itaque gaudia quæ apud David atria, apud Ezechielem vestibulum intrinsecus vocantur. Unde & hoc ipsum vestibulum octo cubitis dicitur mensuratum. Ibi enim omnes recipiendi sunt, qui nunc & in exercitio operis laborant, & ad

^a Val-cl. angusta via.

^b Ebroic. felicitatis.

^c Vatic. cum superior. edit. recipere . . . gaudia æterna. Favet mss. Laud.

æterna gaudia per contemplationis gratiam suspirant.

2. Nec immerito mensura vestibuli in octo cubitis ponitur; quia septem diebus universum tempus evolvitur. Æterna etenim dies, quæ expleta septem dierum vicissitudine sequitur, scilicet octava est. Unde etiam psalmista resurrectionis diem considerans, quia de extremi judicii districtione erat locuturus, præmisit titulum, dicens: *In finem Psalmus David pro octava.* Ut enim quam octavam diceret demonstraret, diem illam tremendi terroris, in Psalmi incoatione secutus est, dicens: *Domine, ne in ira tua arguas me, neque in furore tuo corripas me.* Modo enim quisquis per flagella corripitur, & correptionibus emendatur, in mansuetudine corripitur, non in ira. In districto autem illo examine omnis argutio atque ^d correptio furor & ira est; quia venia post correptionem non est. Hujus octonarii numeri causa est, quod post Sabbatum Dominus voluit a morte resurgere. Dies quippe Dominicus, qui tertius est a morte Dominica, a conditione dierum numeratur octavus, quia septimum sequitur. Unde & ipsa vera Redemptoris nostri passio, & vera resurrectio, figuravit aliquid de suo corpore in diebus passionis suæ. Sexta enim feria passus est, Sabbato quievit in sepulcro, Dominico autem die resurrexit a morte. Præsens etenim vita nobis adhuc sexta est feria, quia ^e in doloribus ducitur, & in

Æternitatis dies cur octava dicta.

Pater. in Ps. c. 10. & Excer. in Ps. 6.

Ps. 6. 1.

Ibid. 2.

^d

^e

^a Norm. correptio in furore & in ira est.

^e Rotomag. & Lyr. in laboribus.

angustiis cruciatur. Sed Sabbato quasi in sepulcro quiescimus, quia requiem animæ post corpus invenimus. Dominico vero die, videlicet a passione tertio, a conditione ut diximus octavo, jam corpore a morte resurgimus, & in gloria animæ etiam cum carne gaudebimus. Quod ergo mire Salvator noster fecit in se, hoc veraciter signavit in nobis; ut nos & dolor in sexta, & requies in septima, & gloria excipiat in octava. Hinc per Salomonem dicitur: ^a *Da partem septem, necnon*

^a
Ecc. II. 2.

& octo; quia ignoras quid mali futurum sit super terram. Partem etenim septem simul & octo damus, quando sic ea quæ septem diebus evolvuntur disponimus, ut per hæc ad bona æterna veniamus; ut dum modo caute agitur, postmodum venientis tremendi iudicii ira devitetur. Octo itaque cubitis vestibulum mensuratur intrinsecus; quia per lucem quæ post septem dies sequitur, latitudo nobis æternitatis aperitur.

Ad illam
per dupli-
cem carita-
tem per-
venitur.

3. Sed nemo ad illam venit, nisi qui hic dilectionem Dei ac proximi devota mente tenuerit. Unde & subditur: *Et frontem ejus duobus cubitis.* Frons etenim portæ, est bonum meritum vitæ præsentis. Sicut enim vestibulum intrinsecus æterna requies debet intelligi, ita per frontem portæ necesse est qualitatem visibilis vitæ signari. Frons ergo portæ duobus cubitis mensuratur; quia quisquis hic dilectionem Dei ac proximi servare studuerit, ipse ad æternitatis atrium pertinget. Vita igitur nostra ut duobus cubitis sit mensurata, tendi quotidie per caritatem debet in amorem Dei simul & proximi. Non est enim caritas vera si minus a duobus cubitis habet. Unde Moyses cum per colores vestium, electorum virtutes exprimeret, in ornamento Pontificis bis

tinctum coccum jubet adhiberi. Quid namque per coccum, nisi caritas designatur, quæ semper per flammam amoris accenditur? Sed coccus bis tingitur, quando non solum ex amore Dei, sed etiam proximi nostra caritas inflammatur. Nam quisquis sic amat Deum, ut commissi sibi proximi curam relinquat, adhuc in eo coccus semel tinctus est. Et quisquis sic amat proximum, ut imminuat desiderium quo flagrare debet ad Deum, non est adhuc in eo color tincturæ geminatus. Debemus ergo & amare eos, cum quibus vivimus, & ad illum totis desideriis anhelare, in quo veraciter vivamus. Ecce etenim ad fidem atque ad audiendum verbum omnipotentis Domini nos qui religioso induti habitu videmur, ex diversa mundi qualitate convenimus, atque ex dissimilibus iniquitatibus in sanctæ Ecclesiæ concordiam congregati sumus, ita ut jam patenter factum esse videatur, quod de promissione Ecclesiæ per Isaiam dicitur: *Habitabit lupus cum agno, & pardus cum hædo accubabit.* Nam per sanctæ caritatis viscera lupus cum agno habitat; quia hi qui in seculo raptores fuerunt, cum mansuetis ac mitibus in pace conquiescunt. Et pardus cum hædo accubat; quia is qui peccatorum suorum maculis varius fuit, cum eo qui se despicit & peccatorem fatetur, humiliari consentit. Ubi & subditur. *Vitulus & leo & ovis simul morabuntur:* quia is qui per contritum cor ad quotidianum se Deo sacrificium præparat, & alius qui tamquam leo ex crudelitate severiter seviebat, & alter qui velut ovis in innocentia suæ simplicitate perdurat, in caulis sanctæ Ecclesiæ convenerunt. Ecce qualis est caritas, quæ diversitates mentium accendit, concremat, conflatur & quasi

Pater. in
Isai. c. 25.

Isai. 11. 6.

Isai. 11. 6.

Caritas
diversas
mentes in
unam con-
flat.

^a Editi omnes, *da partes; infra: partes etenim septem.* Sequimur unanimem mss. consensum, cui favet Vulgata cum aliis ver-

sionibus & ipso textu Hebr. Sensus est: *da partem, seu portionem, illis septem.*

& quasi in unam auri speciem reformat. Sed in eo quod se electi sic amant, ad illum necesse est ut festinent, quem æterno gaudio in cœlis videre mercantur. Unus est etenim Dominus ac Redemptor noster, qui & hic electorum suorum corda ad unanimitatem ligat, & ad supernum amorem per interna desideria semper stimulat. Unde & illic subditur: *Et puer parvulus minabit*

Ibid.

Ibid. 9. 6.

eos. Quis iste est puer parvulus, nisi de quo scriptum est: *Puer natus est nobis, filius datus est nobis?* Qui simul habitantes minat; quia ne in terrenis rebus corda nostra inhæreant, hæc per internum desiderium quotidie inflamat. Et hoc ipsum ejus minare, est ad suum nos amorem incessanter accendere: ne cum nos vicissim diligimus, mente in hoc exilio remaneamus: ne quies hujus vitæ sic placeat, ut ad oblivionem patriæ perducatur; ne delectata mens prosperis torpeat. ^a

^a Cur Deus donis suis flagella permisceat.

Unde & donis suis flagella permiscet, ut nobis omne quod nos in seculo delectabat, amarescat; & illud incendium surgat in animo, quod nos semper ad cœleste desiderium ^b inquietet, excitet, atque ut ita dicam, delectabiliter mordeat, suaviter cruciet, hilariter contristet. Puer ergo nos parvulus minat, quia is qui paulo minus quam Angeli minoratus est, per caritatem quam nobis tribuit, in hoc nos mundo mentem figere non permittit. Bis tinctus itaque in nobis coccus est, si & hic proximos nostros sicut nos diligimus, & ad auctorem omnium cum ipsis quos diligimus, festinamus. Si igitur vita nostra de perfecta caritate bis tingitur, frons in nobis portæ duobus cubitis mensuratur. Sive igitur doctor, seu sacrum eloquium, vel certe fides portæ nomine signetur, in mensura

^a Ebroic. & Val-cl. unde & Dominus suis.

^b Laud. & Longip. inquietet & excitet,

utriusque cubiti caritas non inconvenienter accipitur; quam ille vere prædicat, qui Dei ac proximi amorem docet: & ipsa est certa scientia, quam caritas ædificat: & fides robusta est, quæ se in dilectione Dei ac proximi exercet. Sequitur:

Porro thalami portæ ad viam Orientalem, tres hinc, & tres inde, & mensura una trium.

4. Quid thalami, quid via Orientalis designet, jam ^{*} superius diximus, nec replicare ea latius necessarium putamus. Sed quærendum nobis est quid est quod dicitur, *Tres hinc, & tres inde.* Thalami quippe juxta viam Orientalem, sunt corda ferventium in amore Dei. Et sive hi qui electi in Testamento veteri fuerunt, sive qui in Testamento novo secuti sunt, nimirum constat quia omnes ex amore Trinitatis accensi sunt. Neque enim vere Deum diligerent, si ejusdem Trinitatis, quæ Deus est, gratiam non accepissent. Juxta viam ergo Orientalem, tres hinc, & tres inde sunt thalami, quia dum inter veteres & novos patres Dominus incarnari dignatus est, quasi in medio thalamorum via Orientalis apparuit, qui thalami ad veram virtutum speciem in Trinitatis sunt cognitione decorati. Sin vero ad virtutes electorum eundem numerum referamus, tres sunt virtutes, sine quibus is qui aliquid operari jam potest, salvari non potest, videlicet fides, spes, caritas. Et quia eadem fides, spes, & caritas in antiquis patribus, ^c quæ in novis doctoribus fuit, juxta Orientalem viam tres hinc, & tres inde thalami describuntur.

Amore sanctæ Trinitatis accensi electi etiam sub veteri Testamento.

^{*} Sup. hom. 3. n. 8. & seq.

Quibus non minus quam Christianis fides, spes, & caritas ad salutem fuerint necessaria.

^c

5. Vel certe quia tres patrum veterum distinctiones fuerunt, tres quoque novorum sub gratia sequuntur. Vetus quippe populus habuit

Tres in utroque Testamento salvandorum ordines.

pa-
atque. In omnibus excusis, in quiete excitet, atque; reluctantibus nihil.

^c Laud. atque novis doctoribus.

patres ante Legem, ac deinde in Lege, & postmodum Prophetas. In novo autem populo prius Hebræorum primitiæ crediderunt, postmodum plenitudo Gentium in fide secuta est, ac deinde in fine seculi Hebræorum reliquiæ salvantur. Quia ergo incarnatio Domini & ex superiori parte patres ante Legem, patres in Lege, atque ad extremum Prophetas habuit; & ex posteriore fideles ex Hebræis, fideles ex Gentibus, ac postmodum Hebræorum reliquias colliget, Orientalis via tres hinc & tres inde thalamos habere memoratur. Sed hoc quoque non inconvenienter accipimus, si tres esse fidelium ordines dicamus. Sive namque in veteri, seu in novo Testamento, alius est ordo prædicationis, alius continentium, atque alius bonorum conjugum. Unde & idem Propheta in superiori parte tres viros liberatos vidit: Noe, Daniel, & Job. In quibus videlicet tribus prædicatores, continentes, & conjugati signati sunt. Nam Noe arcam in undis rexit, atque ideo figuram rectorum tenuit. Daniel in aula regia abstinentiæ deditus fuit, & idcirco vitam continentium signavit: Job vero in conjugio positus, & curam domus propriæ exercens placuit Deo, per quem digne bonorum conjugum ordo figuratur. Quia ergo etiam ante Mediatoris adventum, & prædicatores, & continentes, ac boni conjugati fuerunt, qui eundem ejus adventum præstolati sunt, & magna hunc siti desiderii videre cupierunt; & postmodum prædicatores, & continentes, ac boni conjugati, sicut cernimus, existunt, qui Redemptorem nostrum non jam desiderant incarnandum, sed in majestatis suæ gloria contemplandum: Orientalis via tres hinc, & tres inde thalamos habet, juxta Psalmistæ vocem, qui de eadem via, videlicet

Redemptore nostro, dicit: *In circuitu ejus^a tabernacula ejus.* Psalm. 17. 12.

6. Sed pensandum nobis est sollicita intentione, quod dicitur, quia *mensura una trium*. Cum enim longe sit a continentibus, & tacentibus excellentia prædicatorum, & valde a conjugatis distet eminentia continentium, quid est quod una mensura dicitur trium? Conjugati quippe quamvis & bene agant, & omnipotentem Deum videre desiderant, domesticis tamen curis occupantur, & necessitate cogente, in utroque mentem dividunt. Continentes autem ab hujus mundi ^b actione remoti sunt, & voluptatem carnis etiam a licito conjugio restringunt: nulla conjugis, nulla filiorum cura, nullis noxiis ab difficultatibus rei familiaris cogitationibus ^c implicantur. Prædicatores vero non solum se a vitiis coercent; sed etiam alios peccare prohibent, ad fidem ducunt, in studio bonæ conversationis instruunt. Quomodo ergo una eorum mensura est, quorum vitæ æqualitas una non est? Sed mensura una trium est, quia etsi in eis meritum magna est diversitas, tamen distantia in fide in qua tenduntur non est. Nam eadem fides quæ istos solidat in maximis, illorum infirmitatem continet in parvis. Vel certe ^{Una vita beatitudinis.} trium una mensura est, quia in retributione ultima quamvis eadem dignitas omnibus non sit, una tamen erit omnibus vita beatitudinis. Unde & per semetipsum Dominus dicit: *In domo^d Patris mei mansiones multæ sunt.* Joh. 14. 2. Sed tamen qui in vineam ducti sunt, quamvis diversis horis venerint, unum denarium perceperunt. Qua itaque ratione conveniant mansiones multæ cum uno denario, nisi quia diversæ quidem beatorum civium dignitates erunt, sed tamen una quies æternæ retributionis? Nam etsi dispar erit meritum singulorum, non erit di-

ver-

^a Editi, tabernaculum.

^b Plat. mss. occupatione.

^c Ebroici & Lyran. occupantur.

veritas gaudiorum : quia etsi alter minus atque alius amplius exsultat, omnes tamen unum gaudium de Conditoris sui visione lætificat.

7. Hoc quoque est, sive de veteribus, seu de novis patribus sentiendum : quia Orientalis via cum tres hinc, & tres inde thalamos habeat, mensura una trium est, quoniam ipsa fides atque ipsum meritum tenuit corda præcedentium, quæ replevit corda sequentium sub Testamento novo positorum, sicut & per Paulum dicitur : *Habentes autem eundem spiritum fidei, sicut scriptum est: Credidi, propter quod locutus sum: & nos credimus, propter quod & loquimur.* Spiritales quippe illi patres omnipotentem Deum Trinitatem ita esse crediderunt, sicut eandem Trinitatem novi patres aperte locuti sunt. Isaïas namque audivit angelica agmina in cælo clamantia : *Sanctus, sanctus, sanctus Dominus Deus sabaoth.* Ut enim personarum Trinitas monstraretur, tertio *sanctus* dicitur : sed ut una esse substantia Trinitatis appareat, non Domini sabaoth, sed *Dominus Deus Sabaoth* esse perhibetur. Quod David quoque similiter sentiens, ait : *Benedicat nos Deus, Deus noster, benedicat nos Deus.* Qui cum tertio dixisset Deum, ut unum esse hunc ostenderet, subdidit : *Et metuant eum omnes fines terræ.* Paulus quoque loquitur, dicens : *Quoniam ex ipso, & per ipsum, & in ipso sunt omnia.* Ex ipso, videlicet ex Patre : per ipsum, per Filium : in ipso autem, in Spiritu sancto. Qui cum ipsum tertio dixisset, adjunxit : *Ipsi gloria in secula seculorum. Amen.* Qui enim non dixit, *ipsis*, sed *ipsi*, dicendo ter ipsum, ^a distinxit personas, & subjungendo, *Ipsi gloria*, non divisit substantiam. Quia itaque una est

veterum ac novorum patrum fides, recte thalamorum describitur mensura una trium. Quod verbis aliis replicatur cum subditur :

Et mensura una frontium ex utraque parte.

8. Ex utraque enim parte est una mensura frontium ; quia patres nostri vel prius a veteri, vel nunc a novo Testamento venientes, in una Mediatoris fide conveniunt. Qui pro eo quod caritate pleni sunt, carnem suam abstinentia edomant, corda audientium prædicationis lumine illustrant, signa faciunt, virtutes operantur : per hoc quod eorum bona nobis foris innotescunt, non immerito hujus cœlestis ædificii frontes vocantur. Omne enim quod nunc in aperto ostenditur, frons est : ut illud sit vestibulum ædificii, quod nobis interiorius reservatur. Unde & sanctæ Ecclesiæ in Canticis canticorum dicitur : *Sicut cortex mali punici genæ tuæ, absque occultis tuis.* Genæ quippe sunt sanctæ Ecclesiæ spirituales patres, qui nunc in ea miraculis coruscant, & velut in ejus facie venerabiles apparent. Cum enim videmus multos mira agere, ventura prophetare, mundum perfecte relinquere, cœlestibus desideriis ardere, sicut cortex mali punici sanctæ Ecclesiæ genæ rubent. Sed quid illud est omne quod miramur, in illius rei comparatione de qua scriptum est, *Quod oculus non vidit, nec auris audivit, nec in cor hominis ascendit, quæ præparavit Deus diligentibus se ?* Bene ergo cum miraretur genas Ecclesiæ, subdidit : *Absque occultis tuis.* Ac si aperte diceretur : Ea quidem quæ in te non latent, magna sunt, sed illa ^b valde ineffabilia, quæ latent.

Sequitur :

Et

^a In editis, *distinxit per personas* ; ubi per, redundat.

^b Vatic. & Gassanvil. *ineffimabilia.*

In iustis
tam veteris,
quam
novi Testamenti.

2. Cor. 4.
23.
Psalm. 119.
1.

Utrisque
Trinitatis
fides revelata.

Isai. 6. 3.

Psalm. 66. 7.

Rom. 11. 36.

Ibidem

a

Ibidem.

Utrique in
Mediatoris
fide conveniunt.

Cur cœlestis
ædificii
dicuntur
frontes.

Cant. 6. 6.

Pater. in
Cant. 6. 33.

1. Cor. 2. 9.
Isa. 64. 4.

b

vers. 11.

Et mensus est latitudinem liminis portæ decem cubitorum, & longitudinem portæ tredecim cubitorum.

Quantum
novum Te-
stamentum
veteri præ-
cellat.

9. Multa superius de portæ significatione jam diximus: sed unum tenere aliquid debemus, per quod possit & cetera lectoris prudentia penetrare. Dictum quippe est, per portam Scripturam sacram posse figurari. Sed hoc nobis modo laboriose discutendum est, cur latitudo liminis portæ decem cubitis, & longitudo portæ tredecim mensuratur. Hoc autem loco longitudo portæ altitudo dicitur, sicut nos longæ staturæ dicimus, quem altum videmus. Nam longitudo portæ dici in transversum non potest, cujus latitudo ^a per decem cubitos demonstratur. Quid ergo latitudo liminis portæ, nisi Lex Testamenti veteris fuit: & longitudo portæ, nisi gratia Testamenti novi? Quia videlicet Scriptura sacra dum per Testamentum vetus crimina operum compescuit, dari decimas præcepit, quasi per mandata humilia in liminis latitudine jacuit. Sed dum per Testamentum novum cogitationes pravæ coercuit, derelinqui omnia, & pro Deo vitam corporis iussit cum præsentī seculo despici, quasi porta nostra in longitudinis altitudinem surrexit. Minora quippe præcepta Israelitico populo per Legem data sunt: unde & eidem populo Moyses in campo locutus est. Altiora Dominus sanctis Apostolis dedit: unde & eos de mandatis vitæ in monte docuit. Dum vero Redemptor noster per Evangelium dicit: *Nolite putare quoniam veni solvere Legem aut Prophetas; non veni solvere, sed adimplere.* Adimplere enim venerat Legem, qui Legis iustitiæ gratiam addidit, ut quod illa jubebat in minimis, ipse perfici adjuvaret in summis: & quod

illa coercebat ab opere, ipse refecaret a corde. Intellecta ergo Lex, quæ in latitudine jacuit, in altitudinem surrexit. Ipsa enim Dei cognitio quæ apud illam in spiritualibus patribus fuit, nota omni Hebræorum populo non fuit. Nam omnipotentem Deum, sanctam videlicet Trinitatem cum Prophetæ prædicarent, populus ignorabat; solum Decalogum ^b tenebat in Lege, fidem Trinitatis nesciens. Mensuratur ergo latitudo liminis portæ decem cubitis; quia durus ille populus ^c subtilitatem fidei ignorans, mandatis serviebat Decalogi. Mensuratur vero longitudo portæ tredecim cubitis; quia per Testamentum novum in corde fidelis populi super mandata Decalogi quæ verius custodit, ^d cognitio Trinitatis crevit. Et eo mandata Legis perficit, quo Trinitatem esse omnipotentem Dominum credit.

b

c

d

10. Ubi & quæri rationabiliter potest, cur istam latitudinem liminis portæ, quam superius dixerat uno calamo mensurari, inferius subjunxit quod decem cubitis mensuretur; ac deinde subditur, quod longitudo portæ tredecim sit cubitis mensurata. Unus etenim calamus, sicut jam sæpe dictum est, sex cubitos habet, & palmum; decem vero cubiti jam mensuram suam super calamum tenent; tredecim vero amplius quam decem. Quid est ergo, quod prius uno calamo limen portæ, postmodum latitudo ejus decem cubitis, ad extremum quoque longitudo portæ tredecim mensuratur; nisi quod sancti patres, quos per sanctam Scripturam ante Legem fuisse cognoscimus, unum quidem omnipotentem Deum, sanctam videlicet Trinitatem esse noverunt, sed eandem Trinitatem quam cognoverunt, aperte minime

Veteris Testamenti
patres,
Trinitatis
mysterium
prædicaverunt.

^a Pater. in
Matth. c. 13.

Matth. 5. 17.

^a Laud. per decem cubita.

^b Edit. omnes, tenebat in fide legem Trinitatis, adversantibus mss. Anglic. Norm.

&c. immo ipso sensu.

^c Val cl. cum Norm. sublimitatem.

^d Ebroic. cognitionem Trinitatis credit.

nime prædicaverunt? Qui ejus justificationibus obedientes, & vitæ munditiam conservantes, quasi in sex cubitis calami habuerunt perfectionem operis, & sæpe Angelos videntes habuerunt palmum contemplationis. Data autem Lege, rudis ille Hebræorum populus mandata Decalogi servare conatus est, sed tamen de cognitione sanctæ Trinitatis eruditus non est. Et quamvis hanc spirituales patres perfecte cognovissent, multitudo tamen magna synagogæ nec invenire mysterium Trinitatis potuit, nec quærere ^a scivit.

^a Quod Christianis omnibus innotuit.

11. Superveniente autem gratia per Testamentum novum, omnis fidelis populus unum Deum Trinitatem esse cognovit, & virtutem Decalogi in ejus agnitione complevit. Prius ergo limen portæ mensuratur calamo uno, postmodum latitudo ejus cubitis decem, atque ad extremum longitudo portæ cubitis tredecim: quia & sanctis patribus ante Legem activa & contemplativa vita non defuit, & sub Legis Decalogo populus ^b divinæ substantiæ mysterium nesciens, in mandatorum latitudine servivit. Et nunc sub gratia, custoditis verius Decalogi præceptis, omnis qui ad fidem venerit, sanctæ Trinitatis mysterium cognoscit.

Varia in antiquis patribus divina doctrinæ incrementa.

^a Pater. in Dan. 6. ult.

12. Qua in re hoc quoque nobis sciendum est, quia & per incrementa temporum crevit scientia spiritualium patrum. Plus namque Moyses, quam Abraham; plus Prophetæ, quam Moyses; plus Apostoli, quam Prophetæ in omnipotentis Dei scientia eruditi sunt. Fallor si hæc ipsa Scriptura non loqui-

tur: *Pertransibunt, inquit, plurimi, & multiplex erit scientia.* Sed hæc eadem, quæ de Abraham, Moyse, Prophetis & Apostolis diximus, ex ejusdem Scripturæ verbis, si possumus, ostendamus. Quis enim nesciat, quia Abraham cum Deo locutus est? & tamen ad Moysen Dominus dicit: *Ego sum Deus Abraham, Deus Isaac, & Deus Jacob, & nomen meum Adonai non indicavi eis.* Ecce plus Moysi quam Abrahæ innotuerat, qui illud de se Moysi indicat, quod se Abrahæ non indicasse narrabat. Sed videamus si Prophetæ plus quam Moyses divinam scientiam apprehendere potuerunt. Certe Psalmista dicit: *Quomodo dilexi legem tuam Domine! tota die meditatio mea est.* Atque subjunxit: *Super omnes docentes me intellexi; quia testimonia tua meditatio mea est.* Et iterum: *Super seniores intellexi.* Qui ergo Legem meditari se memorat, & super omnes docentes se ac super seniores intellexisse testatur, quia divinam scientiam plus quam Moyses acceperat, manifestat. Quomodo autem ostensuri sumus, quia plus sancti Apostoli edocti sunt, quam Prophetæ? Certe Veritas dicit; *Multi reges & prophete voluerunt videre quæ videtis, & audire quæ auditis, sed non viderunt.* Plus ergo quam Prophetæ de divina scientia novērunt; quia quod illi solo spiritu viderunt, isti etiam corporaliter viderunt. Impleta itaque est ea, quam superius diximus, Danielis sententia: *Quia pertransibunt plurimi, & multiplex erit scientia.* Mensura ergo calami, qui est sex cubitorum & palmi, ducatur ad cubitos decem;

Dan. 12. 4.

Exod. 3. 6.

Ibid. 6. 3.

Psal. 118.

97.

Ibid. v. 99.

Luc. 10. 24.

F 2 est

^a Val-cl. studuit.

^b Sueff. divina cognitionis. Porro quod hic S. Doctor div. substantiæ mysterium appellat, Trinitas est quam sic revelatam Patriarchis supra docuit num. 7. ut tamen a populo Judaico ignoraretur. Vide num. 9. sup. & 10. seq. Hinc quando num. 4. ait, omnes electos etiam veteris Test. ex amore

Trinitatis accensos esse; explicandus est de gratia utrisque electis, per Trinitatem, etiam non explicite cognitam ab omnibus, collata, ut amore ferverent. Patet S. Doctoris meus ex verbis immediate sequentibus: *neque enim vere Deum diligere, si ejusdem Trinitatis quæ Deus est, gratiam non accepissent.*

& mensura decem cubitorum ad extremum surgat in tredecim: quia quanto mundus ad extremitatem ducitur, tanto nobis æternæ scientiæ aditus largius aperitur. Sequitur:

Verf. 12.

Et marginem ante thalamos cubiti

Ad amorem, nisi prius habita fides, non pervenitur.

unius.

13. Sicut sæpe diximus, thalami corda electorum sunt, omnipotentis Dei amore ferventia. Quid ergo per marginem ante thalamos, nisi fides exprimitur? quia nisi prius ipsa teneatur, nullo modo ad spiritalem amorem pertingitur. Non enim caritas fidem, sed fides caritatem præcedit. Nemo enim potest amare quod non crediderit. Margo itaque est ante thalamos, fides ante ardorem caritatis: quia sicut dictum est, nisi ea quæ audis credideris, ad amorem eorum quæ audieris, nullatenus inflammaberis. Sed margo ante thalamos cubiti unius est; quia tunc fides corda audientium in amore Deo copulat, quando per errores & schismata divisa non est, sed in unitate perdurat: ut videlicet margo unius cubiti audientis animum ad thalamum perducatur, quia ^a cælestis sponsi speciem quam hic prædicat, postmodum in cælestibus demonstrat: Ubi & bene subditur:

^a

Ibidem.

^b

Utriusque Testamenti finis Christus.

Et cubitus unus, ^b finis utrinque.

14. Utrique autem dicitur, ac si dicatur utrique, scilicet limini & portæ. Per latitudinem quippe liminis, & longitudinem portæ, vetus ac novum Testamentum diximus designari. Ad extremum vero additur, quod cubitus unus sit finis utrinque; quia videlicet & Testamentum vetus unum nobis Mediatorem Dei & hominum nuntiavit, & Testamentum novum eundem no-

bis nuntiat in æterna claritate venturum, quem jam pro nobis cognovimus incarnatum. Cubitus ergo unus ^c finis utrorumque est: quia & quem Lex prædixit, in carne apparuit, & ipse quem nunc Testamentum novum loquitur, in gloria majestatis apparebit. Et tunc utrorumque finis erit, cum visus in divinitatis suæ potentia, omnia quæ sunt prædicta compleverit. Scriptum namque est: *Finis Legis Christus ad justificationem omni credenti.* Finis videlicet, non qui consumit, sed qui perficit. Tunc etenim Legem perfecit, cum sicut Lex prædixerat, incarnatus apparuit. Sed adhuc de ejus judicio multa novum Testamentum loquitur, adhuc multa de regno illius narrat, quæ necdum videmus impleta. Ecce quotidie Evangelium legitur, ventura vita prædicatur. Tunc ergo erit & novi Testamenti finis, cum ea quæ de se promisit, Dominus compleverit.

Rom. 10. 4.
Non qui consumit, sed qui perficit.

15. Finietur vero Testamentum novum, quia perficietur. Nam cum ipse de quo loquitur visus fuerit, ejusdem Testamenti verba cessabunt. Unde & sanctæ Ecclesiæ veri luminis diem quasi tempus vernale præstolanti, per sponsi vocem dicitur: *Surge, propera, amica mea, columba mea, formosa mea, & veni.* Jam enim hiems transiit, imber abiit & recessit, flores apparuerunt in terra. Sive enim sancta Ecclesia, seu unaquæque electa anima, cælesti sponso est amica per amorem, columba per spiritum, formosa per morum pulchritudinem. Quæ cum jam de corruptione carnis educitur, ei proculdubio hiems transit, quia præsentis vitæ torpor abscedit. Imber quoque abit & recedit: quia cum ad contemplandum in sua substantia-

Finietur novum Testamentum, quia perficitur.

Cant. 2. v. 10. & 11.

^a Excusis, cælestis spiritus. Quibus contradicunt omnes nisi nostri.

^b Laud. & Longip. finis utrumque. Utriusque autem. Fortasse utrumque, pro ut-

trorumque, ut in excusis.

^c In plur. Norm. & al. pro utrorumque; legitur, utraque hic & infra.

stantia omnipotentem Deum educitur, jam verborum guttæ necessariæ non erunt, ut pluvia debeat prædicationis infundi. Nam quod minus audire potuit, amplius videbit. Tunc apparent flores in terra; quia cum de æternæ beatitudinis vita quædam suavitatis primordia prægustare anima cœperit, quasi jam in floribus odoratur exiens, quod postquam egressa fuerit, in fructu uberius habebit. Unde & illic subditur: *Tempus putationis advenit.* In putatione quippe sarmenta sterilia reciduntur, ut ea quæ prævalent, uberius fructum ferant. Nostræ itaque putationis tempus tunc advenit, quando infructuosam ac noxiam corruptionem carnis deserimus, ut ad fructum animæ pervenire valeamus. Qui fructus nobis erit uberrimus, visio unius. Cubitus ergo unus est finis utrinque; quia unus est ille qui dixit: *Singulariter sum ego donec transeam.* Qui solus cum Patre & sancto Spiritu præsidet in cælo, sicut passer unicus in ædificio. Quemadmodum implevit Legem per mysterium incarnationis & perfectæ humanitatis suæ, ita Testamenti novi promissa impleturus est per ostensam gloriam claritatis suæ.

16. Hunc unum nobis cubitum mensura quoque arcæ locuta est. Arca enim quæ trecentis cubitis fieri in longitudine iussa est, sexaginta vero in latitudine, triginta autem in altitudine, in uno est cubito consummata. Quid enim per arcam, nisi sancta Ecclesia figuratur, quæ inferius ampla est, superius angusta? Quæ a trecentis, & sexaginta, ac triginta cubitis ad unum cubitum colligitur; quia ab ea latitudine quam sancta Ecclesia in membris suis adhuc infirmantibus habet paulisper angustata, & in altum

proficiens, ad unum tendit. Ipsa enim ratio exigit, ut credamus quod illa arcæ latitudine omnes bestię, cuncta quadrupedia atque reptilia in inferioribus fuerunt, homines atque volatilia nimirum in superioribus. Juxta superiorem etenim partem fenestra fuit in latere, de qua corvum & columbam dimisit homo, ut si jam diluvii transissent aquæ, cognosceret. Et quia arca eadem in uno fuit cubito consummata, homines & volatilia juxta cubitum fuerunt. Recte itaque per arcam universa Ecclesia designatur, quæ adhuc in multis suis carnalibus lata est, in paucis spiritualibus angusta. Et quia ad unum hominem, qui est sine peccato, colligitur, quasi in uno cubito consummatur.

17. Videmus etenim multos intra ejusdem sanctæ Ecclesiæ sinum in superbia erigi, in carnis voluptate dissolvi, acquirendis terrenis rebus inhiare, imperante avaritia maria transire, deservire iracundiæ, jurgiis vacare, proximos quos prævalent, lædere. Sed quia eos adhuc sancta Ecclesia tolerat ut convertantur, quasi in arcæ latitudine deorsum bestię morantur. Videmus alios jam aliena non quærere, illatam injuriam æquanimiter portare, rebus propriis esse contentos, humiliter vivere. Sed quia isti jam pauci sunt, angustatur arca. Alios autem conspiciamus etiam possessa relinquere, nullum terrenis rebus studium dare, inimicos diligere, carnem a cunctis voluptatibus domare, motus omnes sub rationis judicio premere, per cœlestē desiderium contemplationis pena sublevare. Sed quia tales quique valde rari sunt, jam arca juxta cubitum ducitur, ubi homines & volatilia continentur. Quæratur tamen si quis in eis esse valeat sine pec-

In ea carnales deorsum, tamquam in arca bestię continentur.

Spirituales sursum.

Ibid. 2. 12.

visionis unius Dei uberrimus fructus.

Psalm. 140. 16.

Arca Noe Ecclesiæ typus.

Pater. in Genes. 6. 36.

^a Ita omnes mss. a quibus excusi recedentes habent, in arca juxta cubitum ducantur.

Nullus ho-
minum sine
peccato est,
nisi qui
peccatū ex-
pers est
conceptus.

peccato, & nullus invenitur. Quis itaque homo sine peccato est, nisi ille qui in peccatis conceptus non est? In uno ergo cubito consummatur arca, quia unus est auctor & Redemptor sanctæ Ecclesiæ sine peccato, ad quem & per quem omnes proficiunt, qui se esse peccatores noverunt: Dicatur itaque de limine & porta: *Et cubitus unus, finis utrinque*: quia cum unus Mediator Dei & hominum homo Christus Jesus in maiestate sua apparuerit, omnia utriusque Testamenti quæ prædicta & promissa sunt, completur.

Dei visio fi-
dem finit,
& caritatem
perficit.

18. Sin vero utraque hoc loco marginem ac thalamos memorat, neque hoc ab hac sententia abhorret: quia cum maiestas Redemptoris nostri nobis fuerit ostensa, finitur fides, cum jam cœperit videre homo quod credidit. Et ad finem suum perveniunt thalami; quia corda fidelium incomparabiliter longe quam modo sunt, in amore illius perficiuntur. Cubitus ergo unus finis utrinque est; quia unius Domini & Salvatoris visio in electis suis fidem finit, & caritatem perficit.

Quantum
Deo debito-
res existit
Christiani.

19. Considerare libet, qui nos sumus qui ista tractamus. Certe ex Gentibus venimus, certe parentes nostri lignorum ac lapidum cultores fuerunt. Unde ergo hoc nobis, ut ea quæ nunc usque ^a Hebræi nesciunt, Ezechielis Prophetæ tam profunda mysteria rimemur? Agamus ergo gratias uni, qui cuncta quæ de eo in sacro eloquio scripta sunt, opere implevit, ut quæ intelligi audita non poterant, visa panderentur. Ibi quippe incarnatio, ibi passio, ibi mors, ibi resurrectio, ibi ascensio illius continetur. Sed quis nostrum hæc audi-

^a Obscuritatem Ezechielis Prophetæ, maxime in visione hic explicata, fatentur Hebræi, ut in præfatione attingimus num. 2.

ta crederet, nisi facta cognovisset? Signatum ergo librum, sicut in Johannis Apocalypsi legitur, quem aperire & legere nemo poterat, leo de tribu Juda aperuit; quia omnia ejus nobis mysteria in sua passionis ac resurrectionis patefecit. Et per hoc quod infirmitatis nostræ mala pertulit, suæ nobis potentiæ & claritatis bona monstravit.

20. Caro enim factus est, ut nos spirituales faceret: benigne inclinatus est, ut levaret: exiit, ut introduceret: visibilis apparuit, ut invisibilia monstraret: flagella pertulit, ut sanaret: opprobria & irrisiones sustinuit, ut ab opprobrio æterno liberaret, mortuus est, ut vivificaret. Agamus ergo gratias vivificanti, & mortuo, & ideo amplius vivificanti, quia mortuo. Unde bene salutem nostram, & passionem illius Isaias contemplantus ait: *Ut faciat opus suum, alienum opus ejus: ut operetur opus suum, peregrinum est opus ejus ab eo*. Opus etenim Dei est animas quas creavit colligere, & ad æternæ lucis gaudia revocare. Flagellari autem atque sputis ^b illini, crucifigi, mori, atque sepeliri, non hoc in sua substantia opus Dei est, sed opus hominis peccatoris, qui hæc omnia meruit ^c per peccatum. *Sed peccata nostra ipse pertulit in corpore suo super lignum*. Et qui in natura sua manet semper incomprehensibilis, in natura nostra comprehendendi dignatus est, ac flagellari: quia nisi ea quæ erant infirmitatis nostræ susciperet, nunquam nos ad suæ fortitudinis potentiam sublevaret. Ut ergo faciat opus suum, alienum opus ejus: & ut operetur opus suum, peregrinum est opus ejus ab eo: quia incarnatus Deus ut nos ad suam justitiam collige-

Per Verbi
incarnatio-
nem colla-
ta nobis
beneficia.

Pater. in I-
sai. c. 36.

Isai. 28. 21.

b

c


1. Pet. 2. 24.

^b Ita melius mss. quam editi qui habent, *illiniri*.

^c Val-cl. cum Norm. *pro peccato*.

ligeret, dignatus est pro nobis tamquam peccator homo vapulare. Et alienum opus fecit ut faceret proprium, quia per hoc quod infirmans mala nostra sustinuit, nos qui

creatura illius fumus, ad fortitudinis suæ gloriam perduxit: In qua vivit & regnat cum Deo Patre in unitate Spiritus sancti Deus, per omnia secula seculorum. Amen.



H O M I L I A V.

Ab extrema duodecimi Versus parte ad decimum-septimum, Ezechielis Cap. quadragesimum exponitur, ac de contemplatione presertim differitur.

Ex fidelibus
alii Deum
amant &
contem-
plantur: alii
ad contem-
plationem
non assur-
gunt.



MEMORATIS superius thalamis, Propheta subjungit, quia thalami sex cubitorum erant hinc & inde. Qua in re magna nobis quaestio generatur, cur superius thalamum uno calamo mensuratum dixit, quem videlicet calamum sex cubitos & palmum habere perhibuit, atque inferius thalamos, sex solummodo dicit cubitis mensurari? Si enim non calamo, sed sex cubitis mensurantur, palmus deest, qui superius in mensura calami dicebatur adesse. Sed si thalami sunt sensus atque cogitationes fidelium, in quibus castae animae Conditori suo in amore junguntur, & per sex cubitos perfecta operatio, per palmum vero incoatio contemplationis exprimitur; sanctae universalis Ecclesiae debemus membra conspiceret, & citius invenimus, quia sunt in ea thalami uno calamo, & sunt alii, sex tantummodo cubitis mensurati. Nam fideles quidam in illa omnipotentem Deum ita amant, ut & in opere perfecti sint, & in contemplatione suspensi. Hi profecto calamum in mensura habent; quia & sex cubitos operationis, & palmum contemplationis possident. Quidam vero omnipotentem quidem Deum dili-

gunt, & perfecte in bonis operibus exercentur; sed tamen contemplari ejus magnitudinem subtiliori intellectu nesciunt. Amant autem, sed investigare gaudia ejus claritatis ignorant. Hi itaque sex cubitos habent, & palmum non habent; quia ei jam per amorem juncti sunt, sed ex contemplatione disjuncti. Qui tamen thalami post commemorationem cubiti unius, hinc & inde esse referuntur: quia videlicet in amore auctoris ac Redemptoris nostri fideles animae, & ex Judaico populo & ex Gentilitate convenerunt.

2. Unde & idem Redemptor noster cum *Asellum sedens, Jerusalem tenderet*, sicut Evangelista testatur, *multi vestimenta sua straverunt in via: alii autem frondes cadebant de arboribus, & sternerant in via; & qui praebant, & qui sequebantur clamabant, dicentes: Hosanna, benedictus qui venit in nomine Domini*. Salvator enim noster asellum sedens, Jerusalem tendit, quando uniuscujusque ^a fidelis animam regens, videlicet jumentum suum, ad pacis intimae visionem ducit. ^b Jumentum sedet etiam, cum sanctae Ecclesiae universaliter praesidet, eamque in supernae pacis desiderium accendit. Multi autem vestimenta sua in via sternunt; quia corpora sua per abstinentiam domant, ut ei iter ad men-

Christi ingressus in Jerusalem, quid moraliter significet.

Marc. II. v. &c. Pater. in Matth. 23.

^a Vitiose vulgati omnes, *fidelis anima, regens*. Juxta quam lectionem anima non regitur a Christo, quod dicere scopus est S. Doctoris, sed ipsa regit; sicque rari comparatio ducta a Christo super asinum sedente. Ceterum hic modus loquendi, *sedens asellum*, Gregorio familiaris est. Vide l. 1. Moral. num. 22. & notam. Restituimus

hunc locum ex omnibus mss. nostris & Anglie.

^b Hujus phrasid Gregorianae jam meminimus in notis ad lib. 1. Moral. num. 23. Quam trita sit apud sanctum Doctorem, patet vel ex hoc loco, ubi iter adhibetur; nam supra legimus: *cum asellum sedens*, &c. & paulo post, *Salvator enim noster asellum sedens*.

mentem parent, vel exempla bona sequentibus præbeant. Alii autem ramos vel frondes de arboribus cædunt & sternunt in via: quia indoctrina veritatis, verba atque sententias patrum ex eorum eloquio decerpunt, & hæc in via Dei ad auditoris animum venientes, humili prædicatione submittunt. Quod indigni quoque & nos modo facimus. Nam cum patrum sententias in sermone exhortationis assumimus, frondes de arboribus cædimus, ut has in via Dei omnipotentis sternamus. Sed qui præbant & qui sequebantur, clamabant: *Hosanna*. Præcessit quippe Judaicus populus, secutus est Gentilis: & quia omnes electi, si ve qui in Judæa esse potuerunt, si ve qui nunc in Ecclesia existunt, in Mediatorem Dei & hominum crediderunt & credunt, qui præeunt, & qui sequuntur, *Hosanna* clamant. *Hosanna* autem Latina lingua, Salva nos dicitur. Ab ipso enim salutem & priores quæsierunt, & præsentem quærunt: & benedictum qui venit in nomine Domini confitentur, quoniam una spes, una fides est præcedentium atque sequentium populorum. Nam ^a sicut illi exspectata passione ac resurrectione ejus sanati sunt, ita nos præterita passione illius ac permanente in secula resurrectione salvamur. Quem enim priores nostri ex Judaico populo crediderunt atque amaverunt venturum, hunc nos & venisse credimus & amamus, ejusque desiderio accendimur, ut eum facie ad faciem contemplemur. Thalami ergo ejus hinc & inde sunt; quia corda amantium, fidem quæ in illo est, & a priori parte seculi, & ab ultima complectuntur. Sequitur:

Vers. 13. *Et mensus est portam a tecto thalami usque ad tectum ejus, latitudinem viginti & quinque cubitorum.*

lami usque ad tectum ejus, latitudinem viginti & quinque cubitorum.

3. Sæpe jam diximus, portam fidem, & per eandem fidem ipsum Dominum ac Redemptorem nostrum, Mediatorem Dei & hominum Jesum Christum posse signari: quia per fidem quæ in eo est, introitus ad vitam patet. Sed etiam Scripturam sacram, quæ nobis eandem ipsam fidem in Redemptoris nostri intellectum aperit, non immerito portam accipimus; quia ea ut oportet cognita, ad intelligenda invisibilia intramus. Si igitur hoc in loco, ut prædiximus, porta Scriptura accipitur, quærendum est quid per tectum thalami, quid per tectum portæ signetur. Sed habet thalamus tectum; quia operta est mens amantium, & adhuc fervor amoris in occulto est. Habet quoque & porta tectum; quia Scriptura tota quidem propter nos scripta est, sed non tota intelligitur a nobis.

4. Multa quippe in illa ita aperte scripta sunt, ut pascant parvulos; quædam vero obscurioribus sententiis velantur, ut exerceant fortes, quatenus cum labore intellecta plus grata sint. Nonnulla autem ita in ea clausa sunt, ut dum ea non intelligimus, agnoscetes infirma nostræ cæcitatæ, ad humilitatem magis, quam ad intelligentiam proficiamus. Sunt enim quædam quæ ita de cælestibus loquuntur, ut solis illis supernis civibus in patria sua persistentibus pateant, necdumque nobis peregrinantibus referentur. Nam si quis ad urbem incognitam pergens, multa de illa in via audiat, quædam quidem ex ratione colligit, quædam vero quia necdum videt, nullo modo cognoscit: ipsi vero cives qui in ea sunt,

Scriptura sacra intellecta difficilis.

Patet, ut pascant parvulos: ut exerceant fortes, velatur.

Solis cæli civibus, nonnullis aperta.

^a Ebroic. & pler. Norm. quibus consentiunt omnes pene editi; sicut illorum (vel illis) peccata sanata sunt. See Tom. V.

quimur Longip. Val cl. & alios cum Gufsanvil. Favet antithesis Passionis &c. expectata & præterita.

& quæ de illa tacentur vident, & quæ de illa dicuntur intelligunt. Nos igitur in via adhuc sumus, multa de illa cœlesti patria audimus, alia jam per spiritum & rationem intelligimus, quædam vero non intellecta veneramur. Unde & de eodem sacro eloquio scriptum est:

Psalm. 103. 2.

*Inter, in
Psalm. c. 207.*

Extendens cælum sicut pellem, qui regis in aquis superiora ejus. Cælum quippe sicut pellis extenditur, quia per ora mortalium Scriptura sacra nobis in expositionibus explicatur. Sed sunt aquæ in cœlo, superiores videlicet multitudines, id est Angelorum agmina, in quibus ejusdem cœli teguntur superiora; quia ea quæ in sacro eloquio altiora & obscuriora sunt, angelicis solummodo spiritibus patent, & nobis adhuc incognita perdurant. Habet ergo thalamus tectum: quia nescit adhuc proximus, quantum amatur a proximo. Porta quoque, id est sacrum eloquium habet tectum: quia necdum omnia penetrare intellectu possumus, quæ de cœlestibus audimus.

*Solis etiam
Angelis.*

*Ex his quæ
intelligimus,
promovere in
caritate
curemus.*

5. Restat ergo, ut in his quæ intelligimus, in profectu quotidie caritatis ambulemus. Et quamvis in nobis proximi quoque nostri non videant quantum diligantur a nobis, atque in sacro eloquio ea quæ necdum intelligimus, humiliter veneremur: in his tamen, ad quæ intelligendo pervenimus, dilatari per bonam operationem debemus. Unde & dicitur; *Et mensus est portam a tecto thalami, usque ad tectum ejus, latitudinem viginti & quinque cubitorum.* Quinque enim carnis sensibus præditi sumus, videlicet visu, gustu, olfactu, auditu, atque tactu. Idem vero quinquarius numerus per semetipsum multiplicatus, ad vigesimum & quintum numerum surgit. Operari autem exterius quiddam de mandatis cœlestibus sine istis

corporeis quinque sensibus non valemus. His quippe officiis suis iudex animus interius præsidet, & quid exterius agere iuste vel misericorditer possit, quasi eisdem officiis renuntiantibus ac deservientibus agnoscit. Cum ergo timore omnipotentis Domini animus impletur, necesse est ut quinque nostri sensus nobis velut subiecta officia in bona operatione deserviant. Per quos cum aliquid agere misericorditer cœperimus, plus se quotidie ipsa misericordia aperit, & quasi quidam sinus boni operis expandit. Quinque igitur sensus multiplicantur in se, dum hoc quod per ipsos agitur, in bono quotidie opere per profectum multiplicatur. Unde & latitudo esse viginti & quinque cubitorum dicitur; quia timor, tenacia, & pigredo, angustia est. Quisquis enim ideo indigenti dare panem metuit, ne sibi desit; adhuc in angustia timoris est. Quisquis ideo vestimentum argenti non porrigit, quia hoc solus habere concupiscit; adhuc tenaciæ suæ angustia coarctatur. Quisquis ideo bonum non agit, quia tepore animi ^a pigrescit; ipse ei suus torpor angustia est. Respicere autem inopem, exaudire precem, largiri stipem, præbere defensionem, atque pro ejusdem defensione pauperis, adversantis cujuslibet inimicitias non timere, magna mentis latitudo est. Mensuretur ergo inter thalamum & portam ea quæ interjacet latitudo, cubitis viginti & quinque: quia in exteriorum sensuum operatione probatur & cognoscitur, quæ intrinsecus largitas bonitatis habeatur. ^b Nam quid jam de Scriptura sacra didiceris & quantum proximum tacitus ames, in latitudine boni operis ostendis.

Misericordiam operanti sinum expandit misericordia.

^a *Caritatis latitudo.*

^b *Caritatis certum argumentum bona operatio est.*

d. didiceris.

^c *Laus in latitudine.*

^a *Al. torpescit, ut in editis legitur.*

^b *Norm. & al. a Gussanvil. inspecti, nam quid dicam de Scriptura sacra. Quantum*

mum

^c

mum & portam: quia inter caritatem & scientiam testis est bona operatio. Quæ si fortasse defuerit, profecto certum est nec cognovisse te Deum, nec diligere proximum; id est, nec portam sacri eloquii, nec amoris thalamum habere. Et notandum est, quod a tecto thalami, usque ad tectum portæ dicitur mensuratum. Per ea enim quæ nobis in sacra Scriptura cooperta sunt, nostra humilitas approbatur: quia quidquid in illa non intelligimus, non superbe reprehendere, sed venerari humiliter debemus. Unde & de Domino scriptum est:

*Frater. in
Epsal. c. 27.*

Ps. 101. 5.

*Frater. ex cetera
pt. in Ps.
101. 5.*

a

*Temporis
mortis
ignoratio,
ut bene
operari festinemus
admonet.*

7. Potest etiam porta, ipse jam aditus regni cœlestis intelligi. Habet nunc thalamus tectum, habet

a *Lyr. cordis nostri.*

b *Sucll. ad ipsam vocationem.*

& porta tectum: quia & quanta sit nostra caritas in Deum & proximum, non cognoscitur, & quando de hoc seculo ad æternæ vitæ requiem introducatur, ignoratur. Esse enim nobis Conditor noster diem mortis nostræ incognitum voluit, ut dum semper ignoratur, semper esse proximus credatur: & tanto quisque ferventior sit in operatione, quanto & incertus est de vocatione. Unde & latitudo viginti & quinque cubitorum a thalamo ad portam tenditur: quia per caritatem quam semel in Deo & proximo concepimus, usque ad ingressum regni debemus omne quod possumus multipliciter atque incessanter operari. A tecto itaque thalami usque ad tectum portæ magna latitudo est: quia ex gratia qua incoamus Deum diligere, usque^b ad ipsam dilectionem quæ nobis aditus regni cœlestis aperit, debemus nosmetipsos in magna bonorum operum actione dilatare, adversa patienter perpeti, c bona libenter impendere, ipsos etiam quos patimur, amare, habita tribuere, non habita non ambire, proximos sicut nosmetipsos diligere, eorum bona nostra credere, eorum mala quasi propria deslere. In tali ergo mente magna latitudo est, in qua angustia odiorum non est. Quam profecto latitudinem ex Dei & proximi amore concepimus, & per sacra mandata cognovimus. Nam & ipsos latitudinis viginti & quinque cubitos non inconvenienter intelligimus, si eos juxta sacrum eloquium discutere velimus. Sex enim cubitis mensuratos thalamos dixerat, & sexto die homo est conditus: eo quoque die Dominus perfecisse opera sua describitur. Unde etiam pro perfectione poni senarius numerus solet. Et quia omnem operationem bonam per quatuor sancti Evangelii libros agnovimus, si

b

c

G 2

sex

c *In editis, benigna impendere, aut benigna caritatis obsequia.*

sex quater ducimus, ad viginti & quatuor pervenimus. Cui monas additur, ^a quia unus est per quem bene omnes operantur. Viginti ergo & quinque cubitis latitudo hæc explicari debuit: quia omnis bona operatio per quatuor sancti Evangelii, ut diximus, libros agnoscitur, & in unius Dei cognitione & confessione completur. Sequitur:

Vers. 13.

Per aditum fidei pervenitur ad Dei visionem.

Et ostium contra ostium.

8. Hoc loco, *contra*, non ad aduersitatem ponitur, sed ad rectitudinem. Ostium enim contra ostium est, cum recto itinere ab exteriori ad interioriorem aditum pervenitur. In cognitione vero omnipotentis Dei primum ostium nostrum fides est, secundum vero species illius, ad quam per fidem ambulando pervenimus. In hac etenim vita hanc ingredimur, ut ad illam postmodum perducamur. Ostium ergo contra ostium est; quia per aditum fidei aperitur aditus visionis Dei. Si quis vero utraque hæc ostia in hac vita velit accipere, neque hoc a salubri intelligentia abhorret. Nam sæpe volumus omnipotentis Dei naturam invisibilem considerare, sed nequaquam valemus; atque ipsis difficultatibus fatigata anima, ^b ad semetipsam redit, sibi que de seipsa gradus ascensionis facit: ut primum semetipsam, si valet, consideret, & tunc illam naturam quæ super ipsam est, inquantum potuerit, investiget. Sed mens nostra si in carnalibus imaginibus fuerit sparsa, nequaquam vel se vel animæ naturam considerare sufficit: quia per quot cogitationes ducitur, quasi per tot obstacula cæcatur.

b

Varii ad Dei contemplationem gradus.

9. Primus ergo gradus est, ut se ad se colligat. Secundus, ut videat qualis est collecta. Tertius,

ut super semetipsam surgat, ^c ac se contemplationi auctoris invisibilis intendendo subjiciat. Sed se ad se nullatenus colligit, nisi prius didicerit terrenarum atque cœlestium imaginum phantasmata ab oculis mentis compescere, quidquid de visu, quidquid de auditu, quidquid de odoratu, quidquid de tactu & gustu corporeo cogitationi ejus occurrerit, respuere atque calcare, quatenus talem se quærat intus, qualis sine istis est. Nam hæc quando cogitat, quasi quasdam umbras corporum introrsus versat. ^d Abigenda ergo sunt omnia manu discretionis ab oculis mentis, quatenus talem se anima consideret, qualis sub Deo super corpus creata est, ut a superiore vivificata, vivificet inferius quod administrat. Quæ & sic infusa est corpori, ut non per membrorum partes partibus sit divisa. Nam si in quolibet loco pars corporis percutitur, tota dolet. Mi-
ro autem modo una eademque vivificatione membris prædens, cum ipsa per naturam non diversa sit, per corpus tamen agit diversa. Ipsa quippe est quæ per oculos videt, per aures audit, per nares odoratur, per os gustat, per membra omnia tangit, & tangendo lene ab aspero discernit. Et cum tam diversa per sensus operatur, non hæc diversa, sed una illa in qua creata est ratione disponit. Cum ergo seipsam sine imaginibus corporis cogitat anima, jam primum ostium intravit. Sed ab hoc ostio ad aliud tenditur, ut de natura Dei omnipotentis aliquid contempletur. Anima itaque in corpore, vita est carnis: Deus vero qui vivificat omnia, vita est animarum. Si igitur tantæ est magnitudinis ut comprehendi non possit
vita

Anima natura simplex, quam diversa in corpore operetur.

^a Ita omnes mss. nostri; cujus lectionis loco in excusis legitur: *in uno semper Deo bene omnes operamur.*

^b Laud, ad semetipsam recidit.

^c Plur. Norm. & Val-cl. ac se in contemplatione, aut, in contemplationem.

^d Ibidem, aspicienda.

vita vivificata, quis intellectu comprehendere valeat, quantæ majestatis sit vita vivificans? Sed hoc ipsum considerare atque discernere, jam est aliquatenus intrare: quia ex sua æstimatione anima colligit quid de incircumscripto spiritu sentiat, ² qui ea incomprehensibiliter regit, quæ incomprehensibiliter creavit.

Major Dei
simplicitas
& in ope-
rando di-
versitas.

10. Conditor etenim noster longe incomparabiliter creaturæ suæ præsidet, & quædam operatur ut sint, nec tamen vivunt: quædam vero ut sint & vivant, nec tamen discernere aliquid de vita valeant: quædam autem ut sint, vivant, atque discernant. Et operatur unus omnia, sed in omnibus non divisus. Est enim vere summus & nunquam sibi dissimilis. Anima autem etsi per naturam sibi metipsi diversa non est, per cogitationem tamen diversa est, Eo enim ^b momento & ictu quo de visu cogitat, de auditu cogitare obliviscitur: & eo momento & ictu quo de auditu, vel gustu cogitat, de odoratu, vel tactu cogitare non prævalet: quia per intentionem & oblivionem fit semper sibi metipsi dissimilis, ut nunc hoc, nunc illud cogitatione teneat. Omnipotens autem Deus, quia sibi metipsi dissimilis non est, ea virtute videt, qua audit omnia: ea virtute creat, qua judicat creata. Ejus ergo & videre simul omnia, administrare est; ^c & administrare, conspiciere. Nec alia cogitatione justos sæduvat, atque alia injustos damnat; sed una eademque vi naturæ singularis, sibi semper indissimilis dissimilia disponit. Cur autem hoc de potentia Creatoris admiremur, qui virtutis ejus vestigia

& in creaturis conspiciamus? Natura quippe luti & ceræ diversa est. Solis vero radius non est diversus, & tamen cum diversus non sit, diversa sunt quæ in luto operatur & cera: quia uno eodemque sui ignis calore lutum durat, & ceram liquat. Sed fortasse hoc in natura luti vel ceræ est, non ipsa solis substantia, quæ in naturis diversis diversa videtur operari. Omnipotens autem Deus in semetipso habet sine immutatione mutabilia dispendere; sine diversitate sui diversa agere; sine cogitationum vicissitudine dissimilia formare. Longe ergo dissimiliter operatur dissimilia nunquam sibi dissimilis Deus, qui & ubique est, & ubique totus est. Ait enim: *Cælum mihi sedes est, terra autem scabellum pedum meorum.* Et de ipso scriptum est: *Qui cælum metitur palmo, & terram pugillo concludit.*

Isa. 60. 1.

Ibid. 40. 12.

11. Ex qua re considerare necesse est, quia is qui cælo velut sedi præsidet, super & intus est. Et qui cælum palmo, & terram pugillo concludit, & exterius, superius, & inferius est. Ut ergo indicaret omnipotens Deus interioriorem se esse, & superiorem omnibus, cælum ipse sibi sedem esse perhibuit. Ut vero se ostenderet omnia circumdare, cælum metiri palmo, & terram se asserit pugillo concludere. Ipse est ergo interior & exterior: ipse inferior, & superior: regendo superior, portando inferior: replendo interior, circumdando exterior. Sicque est intus, ut extra sit: sic circumdat, ut penetret; sic præsidet, ut portet; sic portat, ut præfideat.

Sic Deus
intus est, ut
extra sit.

^a Omnes Norm. cum Longip. & Val-cl. qui eam... regit, sc. animam, & infra, quam... creavit. Legendum tamen videtur ea, &, qua, cum hic enumerentur omnia creaturarum genera.

^b Laud. & Longip. momenti ictu; quod repetitur inferius in Laud.

^c Ita optimo sensu Laud. Sueti. Longip.

Norm. In editis legitur, & administrata conspiciere, vel ut habet Gullanvil. & administrando. Minus ad S. Doctoris mentem, qui hic docet idem omnino Deo esse & videre, & administrare creaturas, ita ut cum conspiciat, administret; cum administret, conspiciat.

fideat. Cum ergo elevata ad seipsam anima suum modulum intelligit, & quia corporalia omnia transcendat, agnoscit, atque ab intellectu suo se ad auditoris intellectum tendit: quid jam hæc, nisi ostium quod est contra ostium aspicit? Unde & auctori omnium Propheta dicit: *Mirabilis facta est scientia tua ex me*: quia quantumlibet intenderit, semetipsam anima perfecte non sufficit penetrare; quanto magis illius magnitudinem, qui potuit & animam condere? Cumque in scientia Dei intellectu laboraret, lassescens ac deficiens subdidit: *Confortata est, nec potero ad eam*. Sed cum conantes atque tendentes quiddam jam de invisibili natura conspiciere cupimus, lassamur, reverberamur, repellimur: & si interiora penetrare non possumus, tamen jam ab exteriori ostio interius ostium videmus. Ipse enim considerationis labor ostium est: quia ostendit aliquid ex eo quod intus est, etsi adhuc ingrediendi potestas non est. Sequitur.

Psalm. 138. 6.

Ibidem.

Verf. 14.

Et fecit frontes per sexaginta cubitos: & ad frontem atrium porte undique per circuitum.

Senarii numeri perfectio, & mysteria. * *Hom. 2. 2. lib. no 7. & seq.*

Pater. in Marc. c. 2.

12. Sæpe * jam diximus senario numero perfectionem boni operis designari, non illud sequentes quod conati sunt hujus seculi sapientes adstruere, dicentes idcirco senarium numerum esse perfectum, quia suo ordine numeratus perficitur: ut cum unus, duo, tres dicuntur, senarius numerus impleatur: vel quia in tribus partibus dividitur, id est sexta, tertia, & dimidia, videlicet in uno, duobus, & tribus: sed idcirco senarium numerum dicimus esse perfectum, quia sicut paulo ante dictum est, sexto die perfecit Deus

omnia opera sua. Quoniam vero peccatori homini Legem dedit, quæ in decem præceptis scripta est, & sex decies ducta in sexagenarium surgunt, recte per sexaginta cubitos, bonorum operum perfectio designatur. Quod aperte etiam Dominus in Evangelio designat, qui cum parabolam seminantis exponeret, dixit: *Aliud cecidit in terram bonam, & dabit fructum ascendentem & crescentem, & afferebat unum triginta, & unum sexaginta & unum centum*. Fructus etenim terræ bonæ triginta affert, cum mens perfectionem fidei, quæ est in Trinitate conceperit. Sexaginta affert, cum bonæ vitæ opera perfecta protulerit. Centum vero affert, cum ad æternæ vitæ contemplationem profecerit. Sinistra enim nostra, est vita præsens; dextera vero, est vita ventura. Et recte per centenarium numerum æternæ vitæ contemplatio designatur: quia cum post triginta ac sexaginta ad centesimum numerum computando pervenimus, idem centenarius numerus ^a in dexteram transit. Fides atque operatio adhuc in sinistra est: quia hic adhuc positi, & credimus quod non videmus, & operamur ut videamus. Cum vero jam se animus in contemplationem æternæ vitæ suspenderit, quasi ad dexteram manum ^b computus pervenit. Fecit itaque frontes per sexaginta cubitos. Quia enim per sexagenarium numerum perfectio: quid per frontes ædificii, nisi ipsa opera designantur quæ exterius videntur? Prædicationis enim verbum tribuere, alimenta esurientibus, vestimenta algentibus dare, & pro bono opere patienter adversa sustinere, quid aliud quam frontes sunt ædificiis cœlestis? quia pulchritudo operum exte-

Matth. 13. 8. Marc. 4. 8. Luc. 8. 8.

Modus computandi veterum.

^a

^b

^a Alludit ad morem computandi veterum. Olim quippe numeri omnes sinistrae digitis aut erectis, aut varie inflexis significabantur usque ad centenarium; ad quem ubi perven-

tum esset, de sinistra transferebatur ad dexteram. Qua de re consule Cælium Rhodigium *Lectiōnum antiqui lib. 23. c. 11. & 12.*

^b *Laud. compositis.*

a teriorum ornat^a habitaculum Dei, quod adhuc latet intrinsecus. Sed istæ frontes habent atrium undique per circuitum; quia in hoc magna sunt opera, si hæc in mente dilatatur amplitudo caritatis. De caritate quippe scriptum est: *Latum mandatum tuum nimis*. De hac iterum Psalmista ait: *Statuisti in loco spatiofo pedes meos*.

Pater. in Matth. c. 34. Ps. 118. 96.

Ps. 30. 9.

Via Dei incipientibus angusta, perfectis lata.

Mat. 7. 13.

Ps. 16. 4.

Mat. 11. 30.

13. Sed ecce, dum loquor, animo occurrit quomodo lata est caritas? Si per caritatem pertingitur ad Deum, & per semetipsam Veritas dicit: *Intrate per angustam portam*. Et rursus Psalmistam audio dicentem: *Propter verba labiorum tuorum ego custodiui vias duras*. Atque in Evangelio Dominus dicit: *Jugum enim meum suave est, & onus meum leve*. Quomodo ergo aut lata caritas, si angusta porta? aut quomodo jugum suave est & onus leve, si in præceptis Dei viæ duræ sunt quæ custodiuntur? Sed hanc nobis quæstionem citius b ipsa caritas solvit; quia via Dei & incoantibus angusta est, & perfecte jam viventibus lata. Et dura sunt quæ contra consuetudinem spiritaliter animo proponimus, & tamen onus Dei leve est, postquam hoc ferre cœperimus: ita ut pro amore ejus etiam persecutio c placeat, & omnis pro eo d afflictio in mentis dulcedine veniat; sicut sancti quoque Apostoligaudebant, cum pro Domino flagella tolerabant. Ipsa ergo angusta porta amantibus lata fit, ipsæ viæ duræ spiritaliter currentibus molles & planæ fiunt, e dum enim scit animus, se pro temporalibus doloribus gaudia æterna recipere, & hoc incipit quod affligitur amare. Atrium ergo ante

frontes ejus, est in perfectione operis latitudo dilectionis.

14. Et notandum quod dicitur, *Undique per circuitum*; ut videlicet homo per omne quod agit, semper se in caritatis amplitudine dilatet, ne hunc aut timor, aut odia angustent. Si quis ergo de verbo Dei loquitur, & caritatem quam prædicat, in mente non servat, ædificii frontem habet, sed atrium ante frontem non habet. Si quis eleemosynam indigentibus largitur, & per hanc fortasse in corde extollitur, nec ex caritate proximi inopiæ subvenit, sed se elatione tacita extollit, frontem quidem in ædificio ostendit, sed juxta frontem atrium non fecit. Si quis illatas a proximo contumelias tolerat, & mala objecta tacitus portat, magna est patientia quam demonstrat; sed si dolorem in corde non habeat, si lucrari ad tranquillitatem mansuetudinis etiam ipsum qui male excesserat, quærat. Nam si patientiam exterius adhibens, intus dolorem tenet, nec amat eum quem sustinet, habet quidem frontem in ædificio, sed ante frontem atrium non habet: quia is qui se angustiarum odiorum subdidit, profecto caritatis latitudinem amisit. Nam sicut in superiori parte jam diximus, patientia ea vera est, quæ & ipsum amat quem portat. Nam tolerare, sed odisse, non est virtus mansuetudinis, sed velamentum furoris. Et notandum, quod hoc ipsum atrium portæ dicitur. Porta quippe nostra est aditus ad regnum. Et Deum ac proximum perfecte amare, jam ad ingressum regni est tendere. In quantum enim quisque amat, intantum ad ingressum propinquat. In quantum vero ama-

In omnibus operibus caritas nos munit.

Vide hom. 9. maxime n. 22. & seq.

^a Lyr. & nonnulli, *tabernaculum*.

^b Sic legere cogunt omnes mss. nostri. Editoribus autem satius visum est scribere, *ipsa veritas*.

^c Laud. *valeat*.

^d Sic legendum ex omnibus mss. non af-

fectio, ut habent omnes editi. Vox superior *persecutio*, satis innuit hic agi de afflictione.

^e Restitutione voculæ *enim*, huic periodo gratiam & perspicuitatem reddimus.

amare negligit, in tantum ingredi recusat: quia nec studet videre quod appetit. Tunc ergo habemus atrium portæ, quando ex latitudine caritatis, ad supernam vitam quam adhuc contingere minime possumus, jam per desiderium intramus. Itaque cum bonum opus erga proximum agitur, restat ut ejusdem boni operis intentio discernatur, si non præsentis gratiæ retributionem quærit, sed spem suam animus ad futuram promissionem tendit, ut ex temporalibus æterna, ex terrenis cœlestia speret. Spes enim cœlestium mentem solidat, ne concutiat fluctibus tumultuum terrenorum. De qua & per Paulum dicitur: *Quam sicut anchoram habemus a anime tutam ac firmam, & incedentem usque ad interiora velaminis.* De quibus interioribus hic quoque subjungitur:

Hebr. 6. 19.

a

Vers. 15.

Quinquagenarius numerus æternam requiem significat.

b

Et ante faciem portæ quæ pertinebat usque ad faciem vestibuli portæ interioris, quinquaginta cubitos. 15. Hoc quod hoc loco dicitur, *Ante faciem portæ*, non exterior, sed interior ante portam locus describitur, dum usque ad faciem vestibuli portæ interioris pertingere perhibetur. Unde & idem locus quinquaginta cubitis dicitur mensuratus. Per quinquagenarium enim numerum requies æterna signatur. Habet enim septenarius numerus perfectionem suam, quia eo die dierum numerus est completus. Et per Legem ^b Sabbatum in requiem datum est. Ipse autem septenarius numerus per semetipsum multiplicatus, ad quadraginta & novem ducitur; cui si monas additur, ad quinquagenarium pervenitur: quia omnis nostra perfectio in illius unius

contemplatione erit, in cuius nobis visione jam minus aliquid salutis & gaudii non erit. Hinc etiam Jubilæus, id est annus quinquagesimus in requiem datus est: quia quisquis ad omnipotentis Dei gaudia æterna pervenerit, laborem & gemitum alterius non habebit.

16. Notandum vero, quia locus qui describitur per quinquaginta cubitos tendi, ad faciem vestibuli portæ interioris pertingere memoratur. Non ergo hoc loco Propheta jam ipsum vestibulum portæ interioris, ^c sed locum interius qui tendit ad vestibulum portæ interioris, narrat. Per quem locum utique, sicut diximus, spes nostra signatur, quæ dum æternam requiem quærit, mentem ad vestibulum portæ interioris ducit. Hoc ipsum enim, quod desideramus cœlestia, quod ad promissa gaudia suspiramus, quod æternæ vitæ requiem quærimus, jam ad interioris vestibuli faciem propinquamus. Signetur ergo per portam fides, per atrium caritas, per locum vero qui ad faciem vestibuli portæ interioris propinquat, figuretur spes: sine quibus virtutibus quisquis jam uti ratione potest, ingredi ^d ad cœlestæ ædificium non potest. Habeatur ergo fides in porta, quæ introducit ad intelligentiam; caritas in atrio, quæ mentem dilatat in amorem: spes in loco qui quinquaginta describitur cubitis, quia ^e per desideria atque suspiria introducit animum ad secreta gaudia quietis. De qua quiete etsi adhuc, ^f sicut est, veritatis lumen non cernimus, jam tamen ^g per rimas intelligentiæ aliquid videmus. Unde & hic subditur:

Sine fide, spe, & caritate nullus adultus salvus.

Et

^a Abest anima a mss. Norm. Exstat in textu Græco & in Vulgata.

^b Laud. Sabbatus... datus est.

^c Longip. sed locum exterius. Sic fieri debet constructio: sed locum qui interius ducit ad vest. Frequen e. in Gregorio transpositiones observare licet.

^d Val-cl Longip. & Norm. ad cœlestæ ædificii portam.

^e Val cl. per desideria ad secreta gaudia quietis pervenitur.

^f Laud. Suesl. Longip. sicut veritas est, lumen.

^g Ebroic. & Lyr. per sensus.

vers. 16. Et fenestras obliquas in thalamis.

Mentis,
ex contem-
platione,
dilatatio.

17. In fenestris obliquis pars illa per quam lumen intrat, angusta est; sed pars interior quæ lumen suscipit, lata: quia mentes contemplantium quamvis aliquid tenuiter de vero lumine videant, in semetipsis tamen magna amplitudine dilatantur. Quæ videlicet & ipsa quæ conspiciunt, capere pauca vix possunt. Exiguum quippe valde est quod de æternitate contemplantes vident, sed ex ipso exiguo laxatur sinus mentium in augmentum fervoris & amoris: & inde apud se amplæ fiunt, unde ad se veritatis lumen quasi per angustias admittunt. Quæ magnitudo contemplationis, quia concedi non nisi amantibus potest, in thalamis obliquæ fenestræ esse perhibentur, vel in his quæ juxta thalamos non jam extrinsecus, sed esse intrinsecus dicuntur. Nam de eisdem fenestris subditur:

Ibidem. Et in frontibus eorum quæ erant intra portam undique per circuitum.

Exteriora
immodera-
tius cogi-
tantes,
contempla-
tioni non
apti.

a

b

c

Ad eam
quam ne-
cessaria hu-
milis.

18. Erant enim in thalamis, erant & in frontibus eorum, quæ intra portam undique per circuitum fuerant constructa, quia qui^a cor intus habet, ipse quoque lumen contemplationis suscipit. Nam qui adhuc exteriora immoderatus cogitant, quæ sint de æterno lumine^b rimæ contemplationis ignorant. Neque enim cum corporearum rerum imaginibus illa infusio incorporeæ lucis capitur: quia dum^c sola visibilia cogitantur, lumen invisibile ad mentem non admittitur. Sed quisquis jam lumini contemplationis intendit, curare magnopere debet, ut mentem semper in humilitate custodiat, nunquam se de gratia qua infunditur, extollat; & ipfas quæ

^a Longip. cor intus latum habet; quod infra repetitur.

^b Idem codex, rimæ cogitationis.

Tom. V.

mentes contemplantium signant, quales sint obliquæ fenestræ consideret. Per obliquas etenim fenestras lumen intrat, & sur non intrat: quia hi qui vere speculatores sunt, semper sensum^d in humilitate deprimunt, atque ad eorum mentes intelligentia contemplationis intrat, sed jactantia elationis non intrat. Et patent itaque fenestræ, & munitæ sunt: quia & aperta est in mentibus eorum gratia qua replentur, & tamen ad se adversarium ingredi per superbiam non permittunt.

d

19. Notandum vero, quod intra portam undique per circuitum fenestræ obliquæ esse memorantur. Non enim contemplationis gratia summis datur, & minimis non datur, sed sæpe hanc summi, sæpe minimi, sæpius^e remoti, aliquando etiam conjugati percipiunt. Si ergo nullum est fidelium officium, a quo possit gratia contemplationis excludi, quisquis cor intus habet, illustrari etiam lumine contemplationis potest: quia intra portam undique per circuitum fenestræ obliquæ constructæ sunt, ut nemo ex hac gratia quasi de singularitate gloriatur. Nullus se donum veri luminis æstimet habere privatum: quia in eo quod se habere præcipuum putat, sæpe alter est ditior, quem habere apud se boni aliquid non putabat. Unde hic quoque adhuc apte subjungitur:

Nulli fide-
lium condi-
tioni con-
templatio
denegata.

e

Similiter autem erant & in vestibulis fenestræ per gyrum intrinsecus.

Ibidem.

20. Postquam dixit, fenestras in frontibus, adjungit fenestras in vestibulis per gyrum intrinsecus: quia non solum alta sanctæ Ecclesiæ membra quæ præeminent, habent contemplationis gratiam, sed plerumque hoc

Ne iis qui-
dem qui ia-
mis ja-
cent.

^c Miss. Norm. non admittunt sola.

^d Laud. & Longip. per humilitatem.

^e Scil. Anachorite vel Monachi. E. V.

H

hoc donum etiam illa membra percipiunt, quæ etsi jam per desiderium ad summa emicant, tamen adhuc per officium in imo jacent. Nisi enim & his qui despecti videntur, omnipotens Deus lumen contemplationis infunderet, fenestræ in vestibulis non fuissent. Videmus itaque alios in summis locis sanctæ Ecclesiæ constitutos alta de cœlestibus loqui, miro studio in quantum illustrata mens sufficit, supernæ patriæ secreta rimari: fenestræ sunt in frontibus. Alii vero in sanctæ Ecclesiæ sinu continentur, & despecti humanis oculis videntur, sed apud se sapientiæ studiis vacant, ad cœlestia anhelant, atque in quantum prævalent, quæ sint gaudia æterna considerant: fenestræ itaque obliquæ sunt, sed in vestibulis.

In contemplatione per inquisitionem proficimus.

a

b

Investiganda Sanctorum exempla.

c

Isai. 26. 6.

21. Bene autem dicitur, *Per gyrum*, quia omnis inquisitio secretarum rerum gyrum habet, dum in cogitatione sua dicit animus: Putasne hoc? putasne illud est? Quasi circuit, ut inveniat quod quærit. Cui cum incircumscriptum lumen erumpere ^a in cognitione cœperit, quasi per obliquam fenestram radius veritatis venit. Sic quippe in contemplatione nostra multa cogitationibus circumundo ^b proficimus, sicut exempla bonorum sæpe quærimus, ut in moribus proficiamus. Nam cum jam cogitat animus ad meliora transire, quidquid melius de aliis audire possit exquirat, nunc hujus, nunc sancti alterius vitam ventilat. Unde & electus quidam, qui ^c in expanso sinu sanctæ Ecclesiæ per universum mundum mentis oculos miserat, bonorum vitam ad imitationem requirens, dicebat: *Circuibō & immolabo in tabernaculo Dei hostiam jubila-*

tionis. Ecce ut immolaret jubilationis hostiam, circuibat: quia nisi animum huc illucque ad honorum vitam exquirendam mitteret, ipse usque ad jubilationis sacrificium non perveniret. Cum vero sancti viri intra sanctam Ecclesiam ad loca summa perducuntur, eorum vita quasi in speculo ponitur, ut cuncti videant bona quæ debeant imitari. Unde & adhuc apte subjungitur:

Et ante frontes pictura palmarum.

22. Quid per palmas, nisi præmia victoriæ designantur; ipsæ quippe dari vincentibus solent. Unde & de his qui in certamine martyrii antiquum hostem vicerant, & jam victores in patria gaudebant, scriptum est: *Et palmæ in manibus eorum, & clamabant voce magna, dicentes: Salus Deo nostro, qui sedet super thronum, & Agno.* Palmas quippe in manibus habere, est victorias in operatione tenuisse. Cujus operationis palma ibi retribuitur, ubi jam sine certamine gaudetur. Unde & hic non dicitur: Palmæ ante frontes, sed *ante frontes pictura palmarum*. Ibi enim victoriæ palma videbitur, ubi jam sine fine gaudebitur. Nam hic plerumque sanctos viros aspicimus mira agere, virtutes multas facere, leprosos munda-

Pater. in Apoc. 6. 17.

Apoc. 7. 9. 10.

Pater. in Johan. c. 23. Miracula non sunt certa sanctorum virtutis argumenta.

d

re, dæmonia ejicere, tactu ægritudines corporum ^d fugare, prophetiæ spiritu ventura prædicere. Cuncta hæc necdum palmæ sunt, sed adhuc pictura palmarum: nam hæc aliquando dantur & reprobis. Unde & per Evangelium Veritas dicit: *Multi dicent mihi in die illa: Domine, Domine, nonne in nomine tuo prophetavimus, & in tuo nomine dæmonia ejecimus, & in tuo nomine virtutes multas fecimus? Et tunc*

Matth. 7. 22. & 23.

^a Ita mss. vel, in agnitionem. Editi, in cogitatione.

^b Laud. & Sueff. requirimus.

^c Vulgati, in expanso vivo. Quibus codicibus mss. auctoribus, nos latet, cum in o-

mnibus legatur, *sinus*.

^d Mutarunt excusi, *fugare in sanare*; quod nullis in mss. offendimus. Certe morbi proprie non sanantur; cum morbus & sanitas contradictoria sint.

^a tunc confitebor illis, quia ^a nunquam novi vos: discedite a me qui operamini iniquitatem. Unum vero signum electionis est soliditas caritatis, sicut scriptum est: In hoc scietur quia discipuli mei estis, si dilectionem habueritis ad invicem. Hæc autem miracula cum electi faciunt, longe dissimiliter ^b a reprobis faciunt: quia quod electi ex caritate, hoc reprobi student agere per elationem. Sed eisdem electis & ipsa miracula per caritatem faciunt, non jam palmæ, sed adhuc pictura palmarum: quia de eis foris ostenditur, quales apud omnipotentem Dominum intus habeantur. Ibi autem eis palma erit, ubi jam mortis contentio non erit. Nam prædicator egregius tunc aspexit palmam veram vincentibus dari, cum resurrectionem prævidit mortuorum fieri, sicut dicit: Oportet enim corruptibile hoc induere incorruptionem, & mortale hoc induere

Johan. 13. 35.

Aliter a Sanctis, & a malis fiunt.

1. Cor. 15. 53. 54. 55.

re immortalitatem. Cum autem mortale hoc induerit immortalitatem, tunc fiet sermo qui scriptus est: Absorpta est mors in victoria. Ubi est mors victoria tua? ubi est mors stimulus tuus? Tunc ergo erit perfecta victoria, cum mors plene fuerit absorpta. In omne autem quod modo mirabiliter de signis agi conspiciamus, non jam ipsam victoriam, sed adhuc imagines victoriæ videmus. Quia ergo plerumque Sanctis etiam & in locis sublimioribus positus, ut ad bona opera alii provocentur, virtutes & signa dantur; ante frontes interioris ædificii palmarum pictura ostenditur. Hæc hodierno die ^c tractata sufficiant, ut ad ea quæ subjuncta sunt, valentiores, adjuvante Domino nostro Jesu Christo veniamus: qui vivit & regnat cum Deo Patre in unitate Spiritus sancti Deus, per omnia secula seculorum. Amen.

^a Rotomag. non novi vos.

^b Editi, reluctantibus omnibus mss. no.

^c Aris, a reprobis fiunt.

^c Longip. dictata.



H O M I L I A VI.

*Tres dumtaxat Versus explicantur, & quanta in Christianis,
maxime vero in Apostolis perfectio eluxerit, ostenditur.*

Perfectiori
contempla-
tione viden-
tur quæ
lingua fari
non potest.

I.



Ostquam de contem-
plationis gratia obli-
quas fenestras infi-
nuans Propheta mul-
ta locutus est, edu-
ctum se exterius dicit, & gazophy-
lacia vidisse commemorat. In qui-
bus gazophylaciis quid aliud quam
doctorum scientia designatur? Sed
recte hac in re quæri potest, cum
doctores sancti spiritalia atque in-
terna doceant, cur Propheta edu-
ctum se exterius dicit, & gazophy-
lacia foris vidisse? Sed sciendum
est, quia alia est contemplatio quæ
tantum videt, quantum dicere non
valet: alia vero scientia atque do-
ctrina, quæ tantum videt, quantum
exprimere per linguam possit. ^a In
comparatione quippe illius luminis,
quod voce exprimi non potest, quasi
hoc totum foris est, quod exprimi
voce potest. Ait itaque:

Exech. 40.
Vers. 17.

*Et eduxit me ad atrium exterius,
& ecce gazophylacia, & pavimen-
tum stratum lapide in atrium per cir-
cuitum.*

Qui recte
vivit & p. a.
dicat, in
domo Dei
gazophyla-
cium est.

b

2. Quia sermone Græco ^b φυλάτ-
την fervare dicitur, & gazæ lingua
Persica divitiæ vocantur, gazophy-
ladium locus appellari solet quo di-
vitiæ servantur. Quid itaque per
gazophylacia designatur, nisi, ut
prædiximus, corda doctorum sapien-
tiæ atque scientiæ divitiis plena?
1. Cor. 12. 2. Quia juxta Pauli vocem: *Alii da-
tur per spiritum sermo sapientiæ,
alii sermo scientiæ in eodem spiritu.*

^a Laud. & Sueff. in contemplatione enim
veri luminis qua.

^b Ebraic. & Sag. φυλάττει.

Sunt enim quidam, qui per donum <sup>sapientiæ
& scientiæ
discrimen</sup>
gratiæ & ipsa intelligunt quæ ex-
poni a doctoribus non audierunt: hi
videlicet sermonem sapientiæ perce-
perunt. Et sunt quidam qui per se-
metipsos intelligere audita nequeunt,
sed ea quæ in expositoribus legerint,
retinent, atque scienter proferunt
quæ lecta didicerunt. Unde itaque
illi, nisi sermone scientiæ pleni sunt?
Quamvis hoc intelligi & aliter pos-
sit, quia sapientia ad vitam, scien-
tia vero pertinet ad doctrinam. Qui <sup>illa ad mo-
res, hæc ad
doctrinam
pertinet.</sup>
igitur bene vivit, & prudenter præ-
dicat, gazophyladium spiritalis ædi-
ficii recte nominatur: quia ab ejus
ore cælestes divitiæ dispensantur.
His divitiis abundare discipulos idem
magister Gentium viderat, cum di-
cebat: *Divites facti estis in illo, in* <sup>1. Cor. 1. 5.
Pater. in
Matth. 6. 66.</sup>
omni verbo & omni scientia. Sunt
itaque in sanctæ Ecclesiæ edificio con-
structa gazophylacia, quia abundat
divitiis scientiæ lingua doctorum. Has
veras esse divitias ipsa per se Veri-
tas denuntiat, cum de transitoriis
divitiis dicit: *Fallacia divitiarum* <sup>Matth. 13.
22.</sup>
suffocat ^c verbum. Sapientia etenim
atque scientia doctrinæ spiritalis, ve-
ræ sunt divitiæ, in quarum compa-
ratione, quæ transire possunt, falsæ
nominantur. De his divitiis per Sa-
lomonem dicitur: *Thesaurus deside-* <sup>Prov. 21.
20.</sup>
rabilis requiescit in ore sapientis.
Excepto autem eo, quod ad æter-
nam patriam divitiæ spirituales du-
cunt, est eis a terrenis divitiis ma-
gna distantia: quia spirituales divitiæ
erogata proficiunt, terrenæ autem
divi-

^c In editis, *verbum scientiæ*, quæ ultima
vox abest ab omnibus mss. nostris, nec ha-
betur in Græco textu aut in Vulgata.

divitiæ aut erogantur, & deficiunt : aut retinentur, & utiles non sunt. Qui ergo has in se veras divitias continent, recte gazophylacia dicuntur.

Sacri gazophylacii pavementum fide-
lium humi-
litas, cari-
tas, & fidei
fortitudo.

3. Et habent ipsa gazophylacia pavementum per circuitum : quia eis adhæret ac subjacet humilitas auditorum. Quod pavementum recte stratum lapide in atrium dicitur ; quia in latitudinem caritatis vicissim ^a sibi junctæ sunt animæ fideles. Quæ & lapides appellantur in fortitudine fidei, & strata in pavimento sunt in compage humilitatis. Has fidelium mentes Petrus Apostolus fortes in fide conspexerat, cum dicebat : *Et vos tamquam lapides vivi superedificamini*

^a *domus spiritalis*. De his lapidibus sanctæ Ecclesiæ Dominus per Isaiam dicit : *Ponam jaspide[m] propugnacula tua, & portas tuas in lapides* ^c *sculptos, universos terminos tuos in lapidib[us] desiderabiles : omnes filios tuos doctos a Domino*. Omnipotens enim Deus sanctæ Ecclesiæ propugnacula jaspide[m], qui lapis viridis coloris est, posuit ; quia prædicatorum illius mentes internæ viriditatis amore solidavit, ut transitoria cuncta despiciant, nihil in hoc mundo qui sine clauditur, appetant, cuncta ejus gaudia velut arida contemnant. Unde & ipse pastor Ecclesiæ, auditores suos ad pastua æternæ viriditatis vocans, de

1. Petr. 2. 5.

^b *Deo loquitur, dicens. Secundum magnam misericordiam suam regeneravit nos in spem vivam, per resurrectionem Jesu Christi ex mortuis, in hereditatem incorruptibilem & incontaminatam & immarcescibilem, conservatam in cælis*.

Isai. 54. 12.

^c *Hujus sanctæ Ecclesiæ portæ in sculptos lapides ponuntur : quia hi, per quorum nos vocem ad vi-*

1. Petr. 1. 3. & 4.

Portæ Ecclesiæ sculptæ sunt.

^a Sag. & Longip. *subiecta sunt*.

^b Vulgati, *domus spirituales*, quod abhorret a sensu, nec legitur in fonte Græco vel in Vulg.

tam æternam ingredimur, sancta opera quæ divinitus præcepta sunt, dum in semetipsis ostenderent, quasi in se sculpta tenuerunt. Portæ etenim non sculptæ, sed puræ essent, si vocem quidem promerent, sed sancta in se opera non demonstrarent. At ubi secundum hoc se ostendunt vivere quod loquuntur, & portæ sunt, quia intus ducunt ; & sculptæ, quia vivendo custodiunt quæ aliis loquuntur. Hujus sanctæ Ecclesiæ universos terminos in lapides desiderabiles positos videmus, dum in ea fideles quosque fortes in fide & caritate conspiciamus. Qui, ut quos dixerit lapides demonstraret, adjunxit : *Omnes filios tuos doctos a Domino*. Quod ergo Isaias universos terminos Ecclesiæ lapides desiderabiles vidit, hoc Ezechiel pavementum lapide stratum per circuitum esse perhibuit ; qui adhuc de gazophylaciis subdit.

Pater. in
Isai. c. 67.

Isai. 54. 13.

Triginta gazophylacia in circuitu pavimenti.

Ibidem.

5. Denarius numerus pro perfectione semper accipitur, quia in decem præceptis Legis custodia continetur. Activa etenim ac contemplativa vita simul in Decalogi mandatis conjuncta est, quia in eo & amor Dei, & amor servari proximi jubetur. Amor quippe Dei ad contemplativam, amor vero proximi pertinet ad activam. Sed unusquisque doctor, ut in activam vitam plene se dilatet, atque in contemplativam vigilanter surgat, in sanctæ Trinitatis fide debet esse perfectus. Unde & eadem gazophylacia triginta esse commemorantur, ut cum denarius ter ducitur, vita & lingua doctoris in Trinitate solidetur.

Que tri-
ginta in
circuitu
pavimenti
gazophyla-
cia.

6. Sed hac in re illud nobis est vigilanter intuendum, quod Prophe-

Auditores
ex prædica-
torum
doctrina,

^c Laud. *sculptos*. Contextum hunc in Gussanvil. media ex parte mutilum restitui-
mus tum ex mss. Germ. ac aliis, tum ex an-
tea vulgatis.

& prædicatores ex auditorum vita proficiant.

ta dum gazophylacia descripsisset, adjunxit: *Pavimentum per circuitum*. Atque inferius subjunxit: *Gazophylacia in circuitu pavimenti*. Quatenus & gazophylacia in circuitu pavimenti, & pavimentum in circuitu gazophylaciorum esse videatur. Pavimentum quippe & gazophylacia eo sunt ordine distincta, ut gazophylacia inter pavimentum, & pavimentum inter gazophylacia fuerit stratum. Non hoc, fratres, sine magno mysterio est, quod in circuitu gazophylaciorum dicitur esse pavimentum, & in circuitu pavimenti narrantur esse gazophylacia. Habet enim pavimentum in circuitu gazophylacia, quia vitam audientium erudit quotidie & custodit lingua doctorum. Doctores etenim boni in sanctæ eruditionis verbis modo sementis dulcedinis, modo asperitate increpationis invigilant, ut auditorum suorum vitam a vitiis defendant. Sed habent ipsa quoque gazophylacia in circuitu pavimenti: quia sæpe etiam doctorum cor, vitiorum tentationibus tangitur, ut modo elevetur ^a jactationis superbia, modo iræ stimulis inflammetur. Sed cum bonorum auditorum vitam considerant, eamque profecisse suis exhortationibus pensant, erubescunt tales non esse, quales auctore Deo per se conspiciunt alios factos esse, ^b & ante se in mente stabiliunt, quam plene in culpam labantur. Nam cum ipsa sua doctoribus verba ad memoriam redeunt, erubescunt non servare quod dicunt. Unde per Salomonem quoque dicitur: *Anima laborantis laborat sibi, quia compulit eum os suum*. Os enim nostrum nos compellit ad laborem, quando per hoc quod dicimus, a vitiis refrenamur: quia turpe nimis est, ibi nos negligendo cadere,

unde prædicando conati sumus alios levare. Habent ergo gazophylacia in circuitu pavimentum; quia doctorum magna custodia est vita venerabilis auditorum. Et suus eis sermo fit in adjutorium, quia erubescunt pulsantibus vitiis non resistere, qui contra vitia alios armaverunt.

7. Quia enim quamdiu in hac vita vivimus, contra malignos spiritus quid aliud quam in acie stamus? sicut prædiximus, doctoris animus forsitan aliqua elatione pulsatur. Sed si ne ipse pereat, si ne per exemplum suum alios ad perditionem trahat, vigilanter se & festine circumspicit, in cogitationibus remordet: adducta auditorum suorum vita ad memoriam, semetipsum humiliat, & quibus prævalet modis agit ne elatio princeptur in mente, ne dominetur in opere. Scriptum quippe est: *Initium omnis peccati superbia*. Quis ergo erit ante Dei oculos fructus boni operis, si ex radice putruit elationis? Sæpe, ut prædictum est, ejus animus tentatur ex ira; sed citius se ad se circumspiciendo recolligit, & disciplinæ se pondere deprimens agit ne motus animi transeat in sermone, ne erumpat in voce. Fitque ut ira perturbati animi, ubi per negligentiam oritur, ibi per judicium suffocata moriatur. Qua ex reagitur, ut ex concepta culpa animus virtutem pariat; quia cisi se fortiter custodire noluit ne ad motum surgeret, se tamen in commotione fortiter vicit. Unde bene per Salomonem dicitur: *Melior est patiens viro forti; & qui dominatur animo suo, expugnatore urbium*. Recte autem expugnatore urbium patiens præfertur: quia in illa actione vi-

In hac vita, tamquam in acie stamus. Quomodo contra elationem qui alios docet, pugnare debeat.

Eccli. 10. 15. Et contra iram.

Prov. 16. 32.

cto.

^a Laud. & Longip. jactatione superbia.

^b Ita emendavimus recent. edit. Gussanvil. Rom. Gilot. &c. ex mss. maxime Laud. & Suesl. ac ex vet. exculis, Prius legebatur, & tanto se in mente stabiliunt quanto plene

(Gussanvil. pene) in culpam labebantur. In ult. legitur ut apud Gussanvil. & alios recent. sed secundis curis, at antiqua manu, & fortasse eodem atramento. Ib. Laud. habet, dolores verba ad memoriam revocant.

Erubescunt non servare quod dicunt.

Prov. 16. 26.

etorix, homo victor est hominum, in hac autem mansuetudine patientix, animus victor est sui. Sequitur :

Verf. 18.

Et pavementum in fronte portarum secundum longitudinem portarum erat inferius.

Doctores
auditoribus
quantum
antecellere
debeant.

8. Si portarum longitudinem ad locum referimus in quo portæ fuerant constructæ, secundum longitudinem portarum pavementum erat inferius: quia quantum tenere locus portarum poterat, tantum tendebatur & pavementum quod erat inferius. Longitudo ergo pavimenti a portis non erat dissimilis, sed tamen æqualitas pavimenti non erat cum portis. Quid est ergo quod pavementum cum portis longum similiter erat, sed æquale non erat, nisi quod longe distat vita populorum a vita docentium? Quia etsi ad regna cœlestia tendentes, eandem longanimitatem spei habent, eadem tamen vivendi studia non habent. Tendatur ergo pavementum similiter in longum: quia ipsam fidem, ipsam spem in se retinent auditores, quam habere certum est prædicatores. Sed pavementum inferius jaceat, ut omnes auditores, prædicatores suos longe a suis meritis excellere cognoscant. Sin vero longitudinem portarum ipsam, sicut superius diximus, earum altitudinem intelligere debemus, dum, sicut paulo post scriptum est, ad portas gradibus ascendebatur, tanto pavementum jacet inferius, quanto unaquæque porta surgit in altitudinem. Quia quanto sanctior est vita doctoris, tanto sit humilior sensus audientis. Et semetipsum despicit,

Auditores
inde ad humilitatem
provocantur.

dum prædicatoris sui vitam in magnam surgere altitudinem perpenderit. Imitari etenim bona ejus alia forsitan potest, alia non potest. In quibus prævalet, proficit; in quibus minime prævalet, ad humilitatem crescit. Et hoc ipsum ergo ei in provectu est, quod ei imitabile ad provectum non est.

9. Ecce enim si prædicatorum nostrorum ea quæ legimus dicta & facta pensamus, in quantam altitudinem surrexerint portæ cognoscimus. Ut enim taceamus de ostensione signorum, loquamur de virtutibus cordium. Certe Paulus, qui se Legi mortuum per Legem dicit, quia ut in Christum crederet, ei hoc & Lex ipsa prædicavit, magno fidei ardore succensus præcepta Legis tenere carnaliter noluit, circumcisionem in Gentibus fieri vetuit. Et cum Petrus Apostolus servari adhuc in circumcisione Legis consuetudinem vellet, ei in faciem restitit, eumque hac in re fuisse reprehensibilem dicit. Et hoc ejus studium discipulis loquens, non solum culpam, sed quod est majus, hypocrisim, id est simulationem nominat, dicens: *Cum venisset Petrus Antiochiam, in faciem ei restiti, quia reprehensibilis erat.* Et paulo post: *Et simulationi ejus consenserunt ceteri Judæi.* Idem vero Apostolorum primus cum multa discipulos admonet, atque a quibusdam detrahi de Pauli scriptis agnosceret, dicit: *Sicut carissimus frater noster Paulus secundum datam sibi sapientiam scripsit vobis, loquens in eis de his, in quibus sunt quedam difficilia intellectu, que indocti & instabiles depravant, sicut*

Apostolorum
in dictis præstantia.

c

d

e

Galat. 2. 11.

Ibid. v. 1.
Petr. in 2.
Petr. c. 5.

f

2. Petr. 3. 15.
& 16.
Petrus corripientem se inferiorem laudat.

^a Excusi pene omnes, tenebatur. Corrigitur ex mss. Anglic. & nostris.

^b Longip. ipsi.

^c Idem cod. forte pro porta.

^d Laud. teneri, quod melius congruit Apostolo, quid facto opus sit docenti. Unde etiam infra: *circumcisionem... fieri vetuit.*

rat,

At quo minus ita legamus obstant alii mss. ^e Amovimus hinc particulam, in, ante, studium, quam adhibuerunt ed. invicis mss.

^f Carent editi particula de, quam suppeditarunt mss. maxime Laud. Nonnulli habent, detrahi scripta.

ceteras scripturas, ad suam ipsorum perditionem. Ecce Paulus in epistolis suis scripsit Petrum reprehensibilem, & ecce Petrus in epistolis suis asserit Paulum in his quæ scripserat, admirandum. Certe enim nisi legisset Petrus Pauli epistolas, non laudasset. Si autem legit, quia illic

a ipse reprehensibilis diceretur ^a invenit. Amicus ergo veritatis laudavit etiam quod reprehensus est, atque ei & hoc ipsum placuit, quia in his non placuerat, quæ aliter quam debuerat, sensit. Seque etiam minori fratri ad consensum dedit, atque in eadem re factus est sectator minoris sui, ut etiam in hoc præiret: quatenus qui primus erat

b
Primus in apostolatus culmine, prior est in humilitate.

b in Apostolatus culmine, esset primus & in humilitate. Pensate ergo fratres carissimi, in quo mentis vertice stetit, qui illas epistolas laudavit, in quibus scriptum se vituperabilem invenit. Quæ illa mansuetudo tanta esse potuit, quæ quies animi, quæ soliditas mentis, atque c imperturbatio cogitationis? Ecce a minore suo reprehenditur, & reprehendi non dedignatur. Non ad memoriam revocat quod primus in Apostolatum vocatus sit, non quod peccata quæcumque in terra solveret, essent soluta & cælo, non quod in mare pedibus ambulavit, non quod paralyticos in Jesu nomine jubendo erexerat, non quod ægros corporis sui umbra sanaverat, non quod mentientes verbo occiderat, non quod mortuos oratione suscitabat. Ne igitur increpationis verba dedignaretur audire, omnia dona quæ acceperat, quasi a memoria repulit, ut unum fortiter humilitatis donum teneret. Quis rogo nostrum si vel extremum aliquod signum fecisset, a minori fratre increpatus, increpationis verba patienter audi-

ret? Nihil enim signi fecimus: & si quis nos fortasse de actione nostra reprehenderit, statim intumescimus, magnos quosdam nos tacite cogitamus, virtutes nobis ad animum reducimus, etiam quas non habemus. At contra Petrus cum virtutibus humilis in reprehensione permansit, sed porta surrexit in altitudinem. Hanc autem tantam mansuetudinem nos imitari non possumus; sed quia pavementum sumus, longe inferius jacemus.

10. Sunt vero nonnulli, qui non Petrum Apostolorum principem, sed quemdam alium eo nomine, qui a Paulo sit reprehensus, accipiunt. Qui si Pauli studiosius verba legis- sent, ista non dicerent. Dicturus etenim Paulus: Cum venisset Petrus Antiochiam, ei in faciem restiti: ut de quo Petro loqueretur, ostenderet, in ipso suæ narrationis initio præmisit, dicens: Creditum est mihi E- vangeliū praputii, sicut Petro circum- cisionis. Qui enim operatus est Petro in Apostolatum circum- cisionis, operatus est & mihi inter Gentes. Patet ergo de quo Petro Paulus loquitur, quem & Apostolum nominat, & præfuisse Evangelio circum- cisionis narrat.

Eorum qui alium quam Petrum Apostolum a Paulo correptum fin- gunt, confu- tatio.

Gal. 2. 11:

1b. v. 7. & 2.

11. Et fuerunt quidam, qui secundam Petri epistolam, in qua epistolæ Pauli laudatæ sunt, ejus dicerent non fuisse. Sed si ejusdem epistolæ verba pensare voluissent, longe aliter sentire potuerant. In ea quippe scriptum est: Voce delapsa ad eum hujusmodi a magnifica gloria: Hic est filius meus dilectus, in quo mihi ^d complacui. Atque subjun- gitur; Et hanc vocem nos audivi- mus, cum essemus cum ipso in monte sancto. Legant itaque Evange- lium, & protinus agnoscent, quia cum vox ista de cælo venit, Petrus

Pater. in 2. Petr. 1. 2. Et illorum qui S. Petro secundam epistolam abjudicant.

2. Petr. 1. 17.

1bid. v. 18.

Apo-

a Gullanvil. invenitur, reluctantibus miss. & aliis ed.

b Laud. & Longip. in apostolatus voca-

tus.

c Val-cl. cum Norm. imperturbata.

d Plerique Norm. complacuit.

a

Apostolus a in monte cum Domino stetit. Ipse ergo hanc epistolam scripsit, qui hanc vocem in monte de Domino audivit.

Pauli mansuetudo.

12. Sed quia pauca de Petro diximus, nunc si placet, ad Pauli mansuetudinem convertamur, & pensamus si possumus, ille qui tanti ardoris est in zelo prædicationis, ut Apostolorum quoque primo non parceret, quantæ fuerit mansuetudinis in studio longanimitatis. Taceamus autem quod tervirgis cæsus est, quia semel lapidatus est, quia ter naufragium fecit, quia nocte ac die in profundo maris fuit, quia a Judæis quinquies quadragenas unum minus accepit. Minus enim animum ad iracundiam commovent ea mala, quæ nobis ab apertis adversariis irrogantur: hoc plus solet b dolere, quod a propriis patimur. Unde & per Psalmistam ipsa Veritas contra traditorem suum loquitur, dicens:

Psalm. 54. 13. Quoniam si inimicus meus maledixisset mihi, supportassem utique. Tu vero unanimis dux meus, & notus meus, qui simul mecum dulces capiebas cibos. Pensamus ergo, si possumus, Paulus Apostolus qui tantum patiens inter persecutores, quantum mansuetus inter discipulos fuerit. Certe c Corinthum veniens, ab idolorum servitio Corinthios retraxit, quis esset verus Deus innotuit, & æternæ eis vitæ gaudia prædicavit. Et cum magnam multitudinem populi in fide collegisset, tantam illic inopiam pertulit, ut victus sui gravi necessitate laboraret. Et panem terræ a discipulis non accepit, quibus panem cœli prædicavit. Insistebat verbo pro vita audientium, insistebat labori manuum pro vita corporis sui.

b

c

De terris quoque aliis stipendia ei a discipulis mittebantur, ut Corinthiis prædicare sufficeret. Ipse quippe ad eosdem Corinthios post per epistolam loquitur, dicens: Cum essem apud vos, & egerem, nulli onerosus fui: nam quod mihi deerat, suppleverunt fratres, qui venerunt a Macedonia. Quibus ad magnum quoque improprium præmisit, dicens: Alias Ecclesias spoliavi, accipiens stipendium ad ministerium vestrum. Pensamus ergo, si possumus, cujus hoc mansuetudinis fuerit, panem spiritus prædicare, & panem carnis non accipere; corda audientium de divitiis æternis instruere, & inter eosdem discipulos fideles & abundantes fame laborare; inter satiatos pati inopiam, nec tamen quod patiebatur dicere; quæ patiebatur non dicere, nec tamen dolere; videre dura erga se corda auditorum tenacium, nec a prædicatione desistere. Nam sicut Apostolorum Acta testantur, anno & sex mensibus continue in eadem civitate prædicavit. Cumque ab eisdem Corinthiis recessisset, ad eos postmodum scripsit quod apud eos positus pertulit. Quare autem hoc eis cum inter eos viveret, nunquam dixit? Ne scilicet quod erga eum factum ex bona voluntate non fuerat, fieret ex iussione: & cum innotesceret d eorum misericordia, remaneret voluntas ignota. Quare autem hoc postmodum longe positus scribit? Ne omnimodo discipuli incorrecti remanerent, & quales magistro in tenacia fuerant, aliis quoque fratribus tales essent. Vere in hoc Paulus, verè magister Gentilium, sua negligens, aliena curans, implevit quod prædicaverat:

2. Cor. 11. 5

Ibid. v. 8.

d

Ne-

a Omisissas in editis voces, in monte, supplevimus ex MSS. Laud. Sueff. Longip. Norm. & Anglic.

b Longip. melius, laderet. Verum ad unius codicis fidem, alias non antiquissimi, nihil mutare audemus; maxime cum constet

Tom. V.

Gregorium aliquando improprie locutum. Ibid. Norm. omnes habent, quod a proximis.

c Laud. & Longip. Corinthi veniens.

d Editi, eorum miseria, invitis MSS.

1. Cor. 10. 24.

Nemo quod suum est, querat, sed quod alterius. Et non quæ sua sunt, singuli cogitantes, sed ea quæ aliorum. Quanta itaque ista mansuetudinis virtus est? Quanta tranquillitas spiritus? Quis autem nostrum, si unum hujus mundi divitem ad omnipotentis Dei servitium convertisset, seque egere conspiceret, & illum sibi vitæ subsidia non præbere, non protinus de ejus vita desperasset? Quis non incassum laborasse se diceret? Quis non ab ejus exhortatione obmutesceret, quem in semetipsum primum ferre fructum boni operis non videret?

Hac mansuetudine Corinthios ad misericordiam perduxit.

2. Cor. 9.

1. & 2.

a

13. Sed Paulus per mansuetudinem in virtutum vertice solidatus perstitit, prædicavit, dilexit, & bonum quod cœperat, explevit, atque portando & persistendo discipulorum corda ad misericordiam perduxit. Nam eorum profectum postmodum scire se indicans, in eadem epistola scribit: *De ministerio, quod fit in sanctos, a ex abundantia est mihi scribere vobis. Scio enim promptum animum vestrum, pro quo de vobis gloriator apud Macedonas, quoniam Achaia parata est ab anno priore, & vestra emulatio provocavit plurimos.*

2. Cor. 8. 10.

De quibus rursus ait: *Qui non solum facere, sed & velle cœpistis ab anno priore. In quibus enim non tam opera, quam pia vota requirebat, in eis proculdubio plus laudat pia vota, quam opera. Notandum tamen est, quia habet improprium hæc ipsa consolatio, cum dicitur: Ab anno priore. Bonum quidem sed tarde fecerant, atque ideo hoc magister non sine reprehensione laudabat. Medicus quippe est: medicamentum vulneri apponit, quod & ea quæ purgata sunt, refovet, & ea quæ putrida inveniuntur, mordet. Sed hæc tolerando atque præ-*

dicando, explevit quod cœpit: Et mira longanimitatis virtute discipulorum duritiam emollivit ad misericordiae viscera, quia longitudo portæ surrexit in altitudinem. Sed infirmi nos ad imitandum tantæ mansuetudinis longanimitatem idonei non sumus, quia videlicet pavementum sumus, & despecti in nostris moribus jacemus.

14. Ecce autem dum de duobus ducibus cœlestis exercitus loquor, S. Stephanus, quos dure increpavit, quantum dilexit. martyr quoque Stephanus memoriæ occurrit, qui tentus pro Creatoris sui nomine, & in medium persecutorum deductus, imperterritus stetit, fiducialiter docuit, & ex zelo veritatis persecutores suos fortiter increpavit, dicens: *Vos semper Spiritui sancto resististis. Cumque illi ad lapides currerent, & eum lapidibus necarent, flexo genu pro eisdem persecutoribus oravit, dicens: Domine, ne statuas illis hoc peccatum.* Quæ itaque ista virtus est, sic zelo fervere, ut eis a quibus tenebatur, perfidiæ suæ impropria fiducialiter diceret; & sic diligere, ut in morte quoque pro eis a quibus moriebatur, oraret? Sic quippe ex zelo inferbuit, ac si mansuetudinis nihil haberet: & sic mansuetus in eorum dilectione perstitit, ac si contra eos fervoris nihil habuisset. Pensemus inter hæc ubi nostræ conscientiae reatus jacet. Quis enim nostrum si saltem verbi contumeliam a proximo acceperit, non statim contumeliam reddit, b non funditus commove- tur, non ad odium erumpit, non præceptum dilectionis obliviscitur? Sed hoc beatus Stephanus ex omnipotentis Dei gratia potuit; c quia surgens in altitudinem porta fuit. Hoc nos miseri nostra virtute imitari non possumus, quia longe inferius sicut pavementum jacemus.

S. Stephanus, quos dure increpavit, quantum dilexit.

Act. 7. 51.

Ibid. v. 59.

b

c

15.

intendens in cæl. vidit gl. Dei & Jes. st. a dext. & ait: ecce vid. cæl. ap. & Jesum st. a dext. Dei, quia surgens. Merum amanuensis otiosi assumentum.

a Norm. & Val-cl. ex abundanti.

b Longip. non cor funditus commovetur. Laud. commover. Paulo post, prorumpit.

c Edit. Rom. qui cum esset plen. Sp. f.

Antiqui pa-
tres prio-
rum Eccle-
siaz ducum
præcitam
sanctitatem
admirati
sunt.

Psalm. 138.
17.

Johan. 15.
14.

Isai. 60. 8.

2. Cor. 10. 3.
Pater. in
Isai. 6. 76.

a

b

15. Quid autem nos in vita San-
ctorum de nostra admiratione dici-
mus, cum ipsi quoque antiqui pa-
tres prædicatorum sanctæ Ecclesiæ
vitam considerantes, valde admirati
sunt? An non eorum vitam Psal-
mista admiratus est, cum dicebat:
*Mibi autem nimis honorati sunt ami-
ci tui Deus, nimis confortatus est
principatus eorum?* Quod de quibus
ejus amicis dicat, Evangelium in-
terroga, in quo Veritas prædicato-
ribus dicit: *Vos amici mei estis*. I-
saïas quoque eorum vitam intuens,
ait: *Qui sunt isti qui ut nubes vo-
lant, & quasi columbæ ad fenestras
suas?* Recte autem prædicatores san-
cti nubes appellati sunt: quia ver-
bis pluunt, miraculis coruscant. Qui
volare quoque ut nubes dicuntur:
quia & in terra viventes, extra ter-
ram fuerunt per omne quod ege-
runt. Unde & per quamdam nu-
bem dicitur: *In carne enim ambulan-
tes, non secundum carnem militamus*.
Priores enim patres conjugii ute-
bantur, filios procreabant, substan-
tias possidebant, curis rei familiaris
intendebant. Istos autem per pro-
phetiæ jam spiritum ^a prævidentes
substantias deferere, conjugia non
appetere, filios non procreare, nil
in terra quærere, nihil possidere,
non eos per terram velut homines
ambulantes, sed ut nubes volantes
nominant. Volant etenim, quia
mente ea quæ sunt cœlestia, con-
templantur. Qui terram quasi non
tangunt; quia in ipsa nil appetunt.
Qui & ad fenestras suas quasi co-
lumbæ sunt; ^b quia per mansuetu-
dinis suæ spiritum in hoc mundo
per oculos nil concupiscunt. Consi-
deremus ergo quantæ altitudinis istæ
spiritualis ædificii portæ sunt, quas
& spiritales patres admirantur. Quan-

tum itaque nos in earum admira-
tione humiliari necesse est, qui pa-
vimentum sumus? Sed quia sub lon-
gitudinis appellatione altitudinem
portarum audivimus, nunc aliquid
de earum latitudine cognoscamus.
Sequitur:

Et mensus est latitudinem a facie *vers. 19.*
portæ inferioris, usque ad frontem
atrii interioris extrinsecus, centum
cubitos ad Orientem & ad Aquilo-
nem.

16. In quibus verbis si portam
aditum accipimus, quo ad cognitio-
nem Domini intramus; porta infe-
rior fides est, atrium vero interius
contemplatio. Habet autem porta
inferior latitudinem in facie; quia
videlicet fides per caritatis suæ am-
plitudinem habet eam, quæ videtur
a proximis operationem. Quam dum
fortiter a perfectioribus agi conspi-
cimus, nos qui in bonis actibus
angustamur, exempla per eos ma-
gnæ operationis accipimus. Et una-
quæque sancta actio quasi quædam
nobis fit latitudo itineris, quæ prius
erat angustia difficultatis. Habet quo-
que atrium interius frontem; quia
contemplativa vita per quædam si-
gna desideriorum & gemituum o-
stendit, quantum intus videat, quæ
tantum amat. Denarius autem nu-
merus per semetipsum multiplica-
tus, in centenarium surgit. Unde
recte per centenarium magna per-
fectio designatur, sicut de electis
Veritas dicit: *Omnis qui relinquit do-*
num, vel fratres, aut sorores, aut pa-
trēm, aut matrem, aut uxorem, aut
filios, aut agros propter nomen meum,
centuplum accipiet, & vitam æter-
nam possidebit. Neque etenim sanctus
quisque ideo terrena deserit, ut hæc
possidere in hoc mundo multiplicius

Fidei &
contempla-
tionis di-
scrimen.

Pater. in
Marth. c. 22.

Marth. 19.
29.

I 2 pos-

inter homines, habet, velut homines; con-
sistentibus Anglic.

^b Ita omnes MSS. editis habentibus,
pro mansuetudinis suæ spiritum.

^a Recent. edit. *prævidens*, contradicen-
tibus omnibus MSS. nostris, & Angl. quos
forsitan emendare voluerunt, ut quod hic
dicitur non ad priores patres, sed ad so-
lum Isaiam referrent. Ioid. Val-cl. pro,

possit : quia quisquis terreno studio terram relinquit, terram non relinquit sed appetit. Nec qui unam uxorem deserit, centum recepturus est; sed per centenarium numerum perfectio designatur, postquam etiam vita æterna promittitur : quia quisquis pro Dei nomine temporalia atque terrena contemnit, & hinc perfectionem mentis recipit, ut jam ea non appetat quæ contemnit, & in sequenti seculo ad æternæ vitæ gloriā pervenit. Centies itaque recipit quod dedit, qui perfectionis spiritum accipiens, terrenis non indiget, etiam si hæc non habet. Ille enim pauper est, qui eget eo quod non habet. Nam qui & non habens, habere non appetit, dives est. Paupertas quippe in inopia mentis est, non in quantitate possessionis. Nam cui cum paupertate bene convenit, non est pauper. Mensus est ergo vir latitudinem a facie portæ inferioris usque ad frontem ^a atrii interioris extrinsecus, centum cubitos : quia Redemptor noster quotidie per magistros atque doctores in mensura perfectionis metitur vitam fidelium, ^b vel in specie boni operis per fidem, vel in sanctis desideriis per contemplationem.

17. Multi etenim videntur in fide positi magna operari, sed in centum cubitis non mensurantur ; quia per ipsa quæ faciunt, terrenam gloriā quærunt. Et quidam videntur per abstinentiam cruciari, gemitibus insistere ; sed eorum mensura ad centum cubitos minime ^c ducitur ; quia in his quæ agunt, ab humano iudicio favores requirunt. Qui ergo est qui per centum cubitos mensuratur, nisi is, cuius bona operatio recta intentione utitur, ut in eo quod agit, non ad terrena lucra appetenda, aut ad laudes transitorias reflectatur?

18. Ecce enim misericordiam proximis exhibere, possessa largiri, cum celeritate indigenti tribuere, latitudo in facie portæ inferioris est. Sed si tua dans, aliena non appetas, si terrenam gloriā de ipso bono opere non requiras, recte in centenario numero, id est in perfectione mensuraris. Nam qui videtur dare misericorditer propria, & rapit forsitan violenter aliena, iste adhuc quæ sit via perfectionis ignorat, nec cognovit unde ad perfectionem tenditur, quia nec ipsum ejus initium invenit. Prius enim appetitum evellere a mente debuit, & postea, quæ jure possidet, largiri. Unde scriptum est : *Declina a malo, & fac bonum*. Quid enim potest esse boni quod facit, qui necdum a malo declinavit? Et sunt quidam, qui, sicut dictum est, ab alimentis abstinent, carnem cruciant, sed tamen si pulsati fuerint, cognoscuntur quia ad mundi gloriā anhelent. Isti frontem atrii interioris ostendunt, sed per centum cubitos non mensurantur.

19. Hi ergo in numero perfectionis sunt, de quibus per Paulum dicitur : *Qui carnem suam crucifixerunt cum vitiis & concupiscentiis*. Et notandum, quia non dicitur quod intrinsecus, sed extrinsecus ista mensurantur : quia videlicet Redemptor noster cum per nos facta hominum vel approbat, vel judicat, non intrinsecus sed extrinsecus metitur. Unde & per Evangelium dicit : *Ex fructibus eorum cognoscetis eos*. Qui enim per hoc quod videmus, cognoscimus operantis animum quem non videmus, siue latitudinem quæ in facie portæ est inferioris, siue frontem atrii interioris extrinsecus metimur. Cum enim alios conspiciamus largiri eleemosynam, afflictiis ^d concurrere, oppressis subvenire, nihil

Qui ea quibus indiget non appetit, dives est.

Hypocritarum labores irriti.

Recta intentio bonis operibus prælucent.

Prius declinandum a malo, quam bonum fiat.

1. s. 36. 27.

Qui perfecti dicendi sunt. Galat. 5. 24.

Mat. 7. 16.

^a Laud. atrii interioris.

^b Idem cod. vel in exhibitione.

^c Longip. perducitur, Et Val-cl. de his

qua, pro in his.

^d Laud. & Longip. occurrere.

hil eos in hoc mundo gloriæ quærere, nullis hujus mundi compendiis inhiare; atque alios videmus carnem domare, lacrymis insistere, verbis cœlestibus occupari, nihil transitorii honoris appetere; quid aliud debemus nisi eos perfectos credere, sanctos æstimare? Quia ergo per hoc quod aspiciamus, eos perfectos videmus, eorum vitam per centum cubitos extrinsecus metimur.

Per Orientem Judæa, per Aquilonem Gentilitas designatur.

20. Et quia multi in Judæa, plerique vero in Gentilitate positi, ad hanc perfectionis summam pervenerunt, recte subjungitur: *Ad Orientem & ad Aquilonem*. Judaicus etenim populus Oriens jure dictus est, de cujus carne ille est natus, qui Sol justitiæ vocatur. De quo per Prophetam dicitur: *Vobis autem qui timetis Dominum, oriatur Sol justitiæ*. Per Aquilonem vero Gentilitas figuratur, quæ diu in perfidiæ suæ frigore torpuit, & in cujus corde ille regnavit, qui attestante Propheta, apud semetipsum dixit: *Ponam sedem meam ad Aquilonem*. Quia itaque incarnatus omnipotens Deus alios perfectos ex Judæa, alios ex Gentilitate perfectos intra sanctam Ecclesiam fecit, centum cubitos non solum ad Orientem mensus est, sed etiam ad Aquilonem.

Malac. 4. 2.

Isai. 14. 13.

Effusa in Gentiles Dei misericordia.

Pater, in Isai. c. 38.

21. Sed quia sub Aquilonis nomine de Gentilitate sermo se intulit, considerare libet quantum super nos effusa sunt viscera Creatoris nostri. Omnes enim nos ex Gentilitate venimus. Antiqui parentes nostri lignis & lapidibus fervierunt, & derelinquentes Deum a quo facti sunt, deos venerati sunt quos fecerunt. Nos autem per omnipotentis Dei gratiam ad lucem de tenebris educti sumus. Recolamus ergo de quibus tenebris venimus, ut de luce quam accepimus, gratias agamus. Neque enim divinam misericordiam intelligit, qui suæ miseræ memor

non est. Unde & per Psalmistam Deo dicitur: *Mirifica misericordias tuas Domine, qui salvos facis sperantes in te*. Tunc enim nobis Dei misericordiæ miræ sunt, cum nobis ad memoriam miseræ nostræ revocantur: quia recolentes quid fuimus, intelligimus cui debemus quod sumus. Cantemus itaque cum gaudio Creatori nostro, quia de servitio creaturæ colla mentis excussimus. Gaudeamus in nobis impletum esse quod per Isaiam dictum est: *Et frenum erroris quod erat in maxillis populi, canticum erit vobis, sicut vox sanctificatæ solemnitatis*. Frenum quippe erroris maxillas populi constrinxerat, quando idolorum errore obligata Gentilitas, Deo vero confessionis laudem dare nesciebat. Sed hoc ipsum erroris frenum jam nobis in canticum versum est, cum gaudentes psallimus atque cantamus: *Omnes dii Gentium demonia, Dominus autem cælos fecit*. Et rursum: *Simulacra Gentium argentum & aurum, opera manuum hominum: os habent, & non loquentur; oculos habent, & non videbunt; aures habent, & non audient; nares habent, & non odorabunt; manus habent, & non palpabunt; pedes habent, & non ambulabunt*. Qui itaque hæc omnipotenti Domino psallendo dicimus, ipsum erroris nostri frenum, quod a laude Dei ora nostra ligaverat, vero Domino canticum fecimus. Bene autem dicitur: *Sicut vox sanctificatæ solemnitatis*; quia dum confessionis laudem Deo reddimus, in sanctificata solemnitate gaudemus. Respondeamus ergo moribus tantæ misericordiæ Redemptoris nostri, & qui lucem cognovimus, pravorum operum tenebras declinamus.

Ps. 16. 7.
Pater. Excerpt. in ps. 16. 7.

Isai. 30.
v. 28. & 29.

Ps. 95. 5.

Psalm. 113.
v. 4. & c.

6.

22. Quid est jam, rogo, quod in hoc mundo libeat? Ubique luctus aspiciamus, undique gemitus audimus. Destructæ urbes, eversa sunt castra,

Romæ ac
Italix, miserabilis
status.

de-

depopulati agri, in solitudinem terra redacta est. Nullus in agris incolae, pene nullus in urbibus habitator remansit: & tamen ipsa parva generis humani reliquiae adhuc quotidie & sine cessatione feriuntur. Et finem non habent flagella caelestis iustitiae, quia nec inter flagella correctae sunt actionis culpae. Alios in captivitatem duci, alios detrunchari, alios interfici videmus. Quid est ergo quod in hac vita libeat, fratres mei? Si & talem adhuc mundum diligimus, non jam gaudia, sed vulnera amamus. Ipsa autem quae aliquando mundi domina esse videbatur, qualis remanserit Roma, conspicimus. Immensis doloribus multipliciter attrita, desolatione civium, impressione hostium, frequentia ruinarum: ita ut in ea completum esse videamus, quod contra urbem Samariam per hunc eundem Prophetam longe superius dicitur: *Pone ollam, pone, inquam, & mitte in ea aquam, & congere frusta ejus in ea.* Et paulo post: *Effervuit coctio ejus, & discocta sunt ossa illius in medio ejus.* Atque iterum: *Congere ossa, quae igne succendam: consummentur carnes, & coquetur universa compositio, & ossa tabescent.* Pone quoque eam super prunas vacuum, ut incalcescat, & liquefiat as ejus. Tunc enim nobis olla posita est, cum haec est civitas constituta. Tunc in eam aqua missa est, & frusta ejus congesta sunt, quando ad eam undique populi confluebant, qui velut aqua calens actionibus mundi fervere, & quasi frusta carniū in ipso suo fervore liquarentur. De qua bene dicitur: *Effervuit coctio ejus, & discocta sunt ossa ejus in medio illius:* quia prius quidem in ea vehementer incaluit actio gloriae secularis,

sed postmodum ipsa gloria cum suis sequacibus defecit. Per ossa etenim potentes seculi, per carnes vero populi designantur: quia sicut carnes portantur ossibus, ita per potentes seculi infirmitas regitur populorum. Sed ecce jam de illa omnes hujus seculi potentes ablati sunt; ossa ergo excocta sunt. Ecce populi defecerunt, carnes ejus liquefactae sunt. Dicatur itaque: *Congere ossa, quae igne succendam: consummentur carnes, & coquetur universa compositio ejus, & ossa tabescent.* Ubi enim senatus? Ubi jam populus? Contabuerunt ossa, consumtae sunt carnes, omnis in ea secularium dignitatum fastus extinctus est. Excocta est universa compositio ejus. Et tamen ipsos nos paucos qui remansimus, adhuc quotidie gladii, adhuc quotidie innumeratae tribulationes premunt. Dicatur ergo: *Pone quoque eam super prunas vacuum.* Quia enim senatus deest, populus interiit, & tamen in paucis qui sunt, dolores & gemitus quotidie multiplicantur, jam vacua ardet Roma. Quid autem ista de hominibus dicimus, cum ruinis crebrescentibus, ipsa quoque destrui aedificia videmus? Unde apte de civitate jam vacua subditur: *Increscat, & liquefiat as ejus.* Jam enim & ipsa olla consumitur, in qua prius & carnes & ossa consumebantur: quia postquam defecerunt homines, etiam parietes cadunt. Ubi autem sunt qui in ejus aliquando gloria latabantur? Ubi eorum pompa? Ubi superbia? Ubi frequens & immoderatum gaudium?

23. Impletum est in ea quod contra destructam Niniven per Prophetam dicitur: *Ubi est habitaculum leonum, & pascua catulorum*

leo-

Longip. coquentur. Universa compositio ejus & ossa tabescent. Sic etiam legitur supra, ubi idem contextus laudatur.

e Editi, dignitatum ordo.

Senatus
Romae ab-
latus.

d

e

Populus
peste aut
gladio su-
blatus.

Aedificia
collapsa.

Romani or-
bem prius
depradati,
omnibus
gentibus in
praedam da-
ti sunt.
Nahum 2.11.

a Laud. & Val cl. actiones culpa.

b Idem cum Longip. conspiciatis.

c Val cl. consentientibus Norm. plur. in ipsa, id est, Roma.

d Idem codices, succedantur. Paulo post

In mundi
ruinis a-
mantur non
gaudia, sed
vulnera.

Ezech. 24.
4.

Ibid. v. 5.

Ibid. v. 10.
& 11.

c

leonum? An ejus duces ac principes leones non erant, qui per diversas mundi provincias discurrentes, prædam sæviendo & interficiendo rapiebant? Hic leonum catuli inveniebant pascua: quia pueri, adolescentes, juvenes seculares, & secularium filii huc undique concurrebant, cum proficere in hoc mundo voluissent. Sed jam ecce desolata, ecce contrita, ecce gemitibus oppressa est. Jam nemo ad eam currit, ut in hoc mundo proficiat: jam nullus potens & violentus remansit, qui opprimendo prædam diripiat. Dicamus ergo: *Ubi est habitaculum leonum, & pascua catulorum leonum?* Contigit ei quod de Judæa novimus per

Mich. 1. 16. Prophetam dictum: *Dilata calvitium tuum sicut Aquila.* Calvitium quippe hominis in solo capite fieri solet, calvitium vero Aquilæ toto infit corpore: quia cum valde senuerit, plumæ ejus ac pennæ ex omnibus membris illius cadunt. Calvitium ergo suum ^a sicut Aquila dilatat, quia plumas perdidit, quæ populum amisit. Alarum quoque pennæ ceciderunt, cum quibus volare ad prædam consueverat: quia omnes potentes ejus extincti sunt, per quos aliena rapiebat.


Mandus in suo casu saltem despicendus.
b

24. Hæc autem quæ de Romanæ urbis contritione dicimus, ^b in cunctis facta mundi civitatibus scimus.

^a Longip. sicut aquila Roma dilatat.
^b Laud. jam pene in cunctis. Verius, quam absolute, in cunctis.

Alia etenim loca clade desolata sunt, alia gladio consumpta, alia fame cruciata, alia terræ hiatibus absorpta. Despiciamus ergo ex toto animo hoc præsens seculum vel extinctum: finiamus mundi desideria saltem cum mundi fine: imitemur bonorum facta quæ possumus. Apud Orientem enim & Aquilonem multi sunt, qui pro perfectione vitæ centum cubitis mensurantur. Ex Judæa etenim & Gentilitate, sicut dictum est, ad sanctitatis culmen excreverunt. Quamvis intelligi per Orientem & Aquilonem, etiam justi & peccatores possint. Oriens quippe non immerito justis nominantur, qui sicut in luce fidei nati sunt, in innocentia perseverant. Per Aquilonem vero recte peccatores accipimus, qui mentis frigore dilapsi sub peccati sui umbra torpuerunt. Sed quia omnipotentis Dei misericordia etiam tales ad pœnitentiam revocat, compunctione & lacrymis lavat, virtutibus ditat, & usque ad perfectionis gloriam sublevat, non solum ad Orientem centum cubiti, sed etiam ad Aquilonem ducuntur, dum cum justis etiam peccatores per dona & pœnitentiam ad perfectionem veniunt; ^c largiente Domino nostro Jesu Christo, qui cum Patre & Spiritu Sancto vivit & regnat Deus per omnia secula seculorum. Amen.

^c Carent hæc clausula Val-cl. & pler. Norm.



H O M I L I A VII.

Al. XIX.

Septem Versuum a 20. ad 27. explicationem complectitur, plurimaque simul exhibet præcepta moralia, de Spiritus sancti donis, gradibusque ad ea ducentibus, de vera perfectione, ac de bonorum operum necessitate.

Qua discretionem in legendis sacris Scripturis opus sit,



Agna legentium debet esse discretio, ut in sacro eloquio cum quilibet unus sermo dicitur, non

semper unam eandemque rem significare credatur: sicut aliquando Sol in bono, aliquando vero accipitur in malo. Solis etenim nomine aliquando ipse Redemptor noster signatur, aliquando persecutio. Attestante enim libro Sapientiae, in inferno impii dicturi sunt: *Erravimus a via veritatis, & sol iustitiae non luxit nobis.* Et de jactis seminibus Dominus dicit; *Orto sole aruerunt*: quia videlicet facta persecutione, in reproborum cordibus prædicationis verba siccantur. Sic leo Dominum signat. Unde scriptum est: *Vicit leo de tribu Juda.* Sic leonis nomine diaboli similitudo exprimitur, sicut per primum pastorem dicitur: *Adversarius vester* ^a *diabolus, sicut leo rugiens, circuit querens quem devoret.* Sic bovis nomine sapiens designatur. Unde scriptum est: *Non junges bovem & asinum*, id est, sapientem cum stulto in prædicatione non socias. Sic per bovem fatuus figuratur, sicut de eo qui ^c in turpitudine amoris captus est, dicitur: *Statimque eam sequitur, quasi bos ductus ad victimam*; id est, sicut fatuus trahitur

ad mortem. Hæc igitur dixi, ne quia portam significare Dominum, vel prædicatores, vel Scripturam sacram, vel fidem exposui, ubicumque jam in hoc Propheta porta legitur, signare aliud non credatur. Cum enim de una porta ^d Propheta loqueretur, recte fides intellecta est, quia una est omnium electorum fides. Cum verò aliæ portæ nominantur, ^e intelligi ora prædicatorum possunt, per quæ vera vita cognoscitur, & per quæ ascenditur ad sacramentorum spiritualium cognitionem. Nam porta per quam significari fidem diximus, notandum nobis est quia inferior appellatur. In hac enim vita dum sumus, quasi in imo positi adhuc inferius tenemur. Et recte inferior porta fides est, quia nobis in terra positis aperit cognitionem Dei. Itaque nunc dicitur:

Portam quoque quæ respiciebat ^{vers. 20. 21. & 22.} *viam Aquilonis atrii exterioris, mensus est tam in longitudine, quam in latitudine. Et thalamos ejus tres hinc, & tres inde; & frontem ejus, & vestibulum ejus secundum mensuram portæ prioris: quinquaginta cubitorum longitudinem ejus, & latitudinem viginti & quinque cubitorum. Fenestra autem ejus, & vestibulum, & sculptura secundum*

^a Rotomag. & Iyr. *adversarius noster*.
^b Laud. & Longip. *non jungas*. Paulo post *Laud. non socias*.
^c Val-cl. cum Norm. in *amore turpitudinis*.

^d Suesl. Valcl. & quinque Norm. *Propheta diutius loqueretur*.
^e Laud. & Suesl. *intelligi, sicut & longe superius dictum est; ora &c.*
^f Laud. & *sculptura*.

mensuram portæ, quæ respiciebat ad Orientem : & septem graduum erat ascensus ejus, & vestibulum ante eam.

Pastores
quam sedu-
lo suas oves
inspiciant
& cogno-
scent.

2. De porta quæ respiciebat viam Aquilonis atrii exterioris, ea ipsa replicantur quæ jam de porta alia superius dicta sunt, atque alia subjunguntur, quæ de prædicta porta Propheta tacuerat. Ut ergo de his latius disseramus, quæ necdum discussa sunt, debemus ea quæ jam dicta sunt, sub brevitate replicare. Porta enim viam Aquilonis respicit, cum prædicator quisque vitam peccatoris agnoscit, eique interiora vitæ per verbum prædicationis aperit. Quæ porta atrii exterioris dicitur. Exterioris quippe est atrium vita præsens, in qua omne quod corporaliter agitur, corporaliter etiam videtur. Quæ tam in longitudine, quam in latitudine mensuratur; quia cum ad fidem peccator ducitur, necesse est ut ejus doctor consideret, vel quantum in longitudinem spei, vel quantum in latitudinem caritatis ex ejus admonitione proficiat. Qui enim ad Deum convertitur, si adhuc bona vitæ præfentis sperat, longitudinem non habet, quia brevis est vita in qua spem posuit. Si per terrenarum rerum concupiscentiam, & adhuc per proximi odium coangustatur, latitudinem non habet: quia nescit vel transitoria contemnere, vel se in proximi amore dilatare. Cum vero conversus quisque æternæ vitæ gaudia longanimiter sperat, proximorum molestias cum caritate tolerat, & ea quæ non habet, concupiscere contemnit: longitudinem & latitudinem porta habet, quia gloria prædicatoris, est profectus

auditoris. Unde quibusdam per magnum prædicatorem dicitur: *Gaudium meum & corona mea.* Et rursum: *Ecce nunc vivo, si vos statis in Domino.* Atque iterum: *Quæ est nostra spes aut gaudium? Nonne vos ante Dominum?* Longitudo ergo & latitudo portæ est quæ ad Aquilonem respicit: quia cum infidelem quempiam in peccati sui frigore torpentem prædicator ad fidem converterit, per hoc quod cum in longitudinem spei ^a tendit, & in amplitudinem caritatis dilatat, ejus gloriam suam facit. Et quia in cognitione sanctæ Trinitatis ex verbo prædicationis auditores quique in ejusdem Trinitatis amore proficiunt, habet ^b hæc eadem porta thalamos tres hinc, & tres inde: quia omne quod per Testamentum novum ^c de Trinitate Conditor loquitur, hoc etiam de Testamento veteri ostendit. Et cor audientium in amore cœlestis patriæ ^d proficit, ut anima inhærens Deo, quasi sponsa cum sponso in quodam jam thalamo sedeat, atque se a terrenis desideriis funditus avertat.

^{1.} *Thess. 3.*

^{8.} *Ibid. 2. 19.*

a

b

c

d

3. Vel certe, ut longe superius dictum est, quia tres sunt ordines bene viventium, bonorum scilicet conjugatorum, continentium, atque prædicatorum: & quia alii etiam in conjugiiis positi, amore cœlestis patriæ anhelant: alii autem spe æterni gaudii etiam carnem macerant, omnesque actus terrenos refugunt, & in cura hujus seculi implicari contemnunt: alii vero & terrena bona despiciunt, & cœlestia ^e gaudia prædicant, quæ cognoverunt: quid isti nisi in spiritali ædificio thalami sunt, in quorum cogitatione & meditatione anima cœlesti sponso so-

Tres bene
viventium
sunt ordi-
nes.
Sup. hom.
2. nunt. 5.

e

cia-

Longitudo
spei, & la-
tutudo cari-
tatis obser-
vandæ.

^a Sueff. tenet.

^b Non legitur, hæc eadem porta, in Gemet. Utic. & al. Norm.

^c Val-cl. consentientibus Norm. de tri-
Tom. V.

nitare Conditoris.

^d Recent. ed. perficit.

^e Ebroic. bona.

Anima sancta coelesti sponso sociatur.

ciatur? Quos tres bonorum ordines, quia non solum Ecclesia ex Gentibus habet, sed aliquando etiam synagoga habuit, dum magna multitudo spiritualium Redemptoris gratiam ardentem expectavit, porta aedificii coelestis tres hinc, & tres inde thalamos habet: quia praedicator quisque, cum ^a ad supernam patriam auditorem provocat, & novos patres & veteres anhelasse coelesti desiderio demonstrat. Plus enim plerumque exempla quam ratiocinationis verba compungunt: & cum praedicator dicit quales alii in conjugio, vel in continentia, vel in praedicatione erga omnipotentis Dei amorem in novo Testamento fuerint, vel alii quales in veteri, porta quae loquitur, ternos ex utroque latere habere se thalamos ^b ostendit. Quae porta habet & frontem; quia sunt in praedicatoris vita aperta opera quae videntur. Habet & ante frontem vestibulum: quia priusquam bona opera insinuet, praedicat fidem, per quam anima humiliter veniens, ad bonorum actuum altitudinem sublevetur. Quae cuncta secundum mensuram portae prioris sunt, juxta hoc quod subditur:

Verf. 21.

Quia mensus est quinquaginta cubitorum longitudinem ejus, & latitudinem viginti quinque cubitorum.

Jubilaeus annus quinquagesimus requiem significat.

c

Hom. 9. c. 2.

4. Hae jam superius latius me dixisse meministis. Per quinquagenarium enim numerum requiem diximus figurari: quia & quinquagesimus annus veteri populo ^c in requiem datus est, quia appellatus est Jubilaeus: & septenarius numerus, per quem hoc omne tempus evolvitur, septies multiplicatus, ad quadraginta & novem ducitur. Cui monas additur, quia in unius contem-

platione requies aeterna perficitur. Idem ergo quinquagenarius numerus nobis in longitudinem est: quia pervenire ad illam requiem non potest, nisi qui ad eam, spem suam modo tendere longanimiter potest. Quia enim per quinquagenarium numerum ad aeternam requiem provocamur, etiam hoc nos omnino instruit, quod in tabernaculo decem cortinae iussae sunt fieri, quae haberent ansulas quinquagenas, & circulos aureos quinquagenos a latere & summitate. ^d cortinae etenim tabernaculi, sancti omnes sunt, qui ex diversis virtutum coloribus in sanctae Ecclesiae ornamento proficiunt. Qui & interiora velant, & exteriora omnimodo exornant: quia eorum vita in quantum videtur, ornamentum est; & eorum intellectus intus absconditur, dum coelestia quae in mente servant, & dicere non possunt, in eis aliquo modo velantur. Recte autem decem cortinae sunt, quia ^e per Decalogi custodiam, ipsa Sanctorum corda profecerunt. Hyacinthiniae vero ansulae cortinarum fieri quinquaginta praecepta sunt. Hyacinthus caeli speciem habet. Ansulae ergo cortinarum sunt praecepta coelestia, in quibus ligantur animae, ut ab inferioribus sublevatae, superius pendeant. Quae videlicet ansulae habent & circulos aureos, intellectum scilicet vera sapientia fulgentem. Qui intellectus, quia esse debet per omnia circumspectus, & caute sollicitudinis vigilantia munitus, recte per circulos designatur.

5. Et notandum quod a latere & summitate jubentur ansulae, vel circuli in cortinis fieri: quia praecepta coelestia, & intellectus spiritualis, non solum debet nos sursum in Dei

Ad quam spei longanimitate tendendum.

d Ecclesiae ornamentum ex variis Sanctorum virtutibus.

e

In Dei amorem suspendi debemus, & proximo in caritate sociari.

^a Laud. ad superna provocatus.

^b Laud. rendit.

^c Laud. Longip. Gemet. & al. Norm. sic legendum suadent. In vet. edit. in requiem datur, qui appellatus. Alii, in requiem

datus, appellatus est.

^d Sag. & Ebroic. decem etenim cortinae. Ubique Laud. habet, curtinae.

^e Editi mutarunt custodiam, in studium, quod in omnibus legitur.

amo-

amorem suspendere, sed etiam proximo in caritate sociare. In eo enim quod Conditorum nostrum diligimus, quasi per superiores ansulas in aere pendemus. In eo vero quod sicut nosmetipsos proximos amamus, ansulas & circulos a latere habemus, ut cortinae tabernaculi, id est fidelium animae per caritatem conjunctae sint, & non per discordiam divisae. Unde & hic post longitudinem quinquaginta cubitorum, protinus latitudo subjungitur viginti & quinque cubitorum: quae videlicet latitudo ad caritatem proximi pertinet. Ipsa enim in fratrum amorem se dilatat, atque erga eos omnes quod potest boni operis exercet. Cuncta autem bona opera quae corporaliter fiunt, per quinque corporis sensus exhibentur, videlicet per visum, auditum, tactum, gustum, odoratum. Quinarius vero numerus per semetipsum ductus ad vicissimum & quintum pervenit; quia bona opera cum agi coeperint, per fervorem animum ad augmentum excitant, & per semetipsa multiplicantur. Unde & latitudinem a menti faciunt, ut non sit angusta b per teporem, sed expansa in bonis actibus per caritatem. Omnis enim torpor teporis, angustia est: omnis vero benignitas caritatis, magna latitudo. Nam etsi res desunt, quae fortasse indigenti proximo praebentur, ampla est substantia voluntatis bonae, quae sufficit ad regni retributionem, sicut scriptum est: *In terra pax hominibus bonae voluntatis*. Sequitur:

Bonorum operum exercitio mens dilatatur.

a

b

Patet. in Luc. c. 11.

Bonae voluntatis ampla substantia.

Luc. 2. 34.

Verf. 22.

Fenestra autem ejus, & vestibulum, & sculpturae secundum mensuram porte quae respiciebat ad Orientem.

a Longip. in mente.

b Idem per teporem.

c Vulgati tardare, invitis MSS. Laud. Val cl. Longip. &c.

d Longip. juncti sunt.

5. Cuncta haec jam superius latius dicta sunt, & ideo sermo non debet morosa expositione tardari. Hoc tamen magnopere notandum est, quod porta ad Aquilonem ea omnia habere perhibetur, quae porta ad Orientem: fenestras scilicet contemplationis, vestibulum humilitatis, sculpturam bonae operationis. Omnes enim qui per hoc quod Deo in conversatione d nati sunt, in innocentia perfluerunt, portam ad Orientem habent; quia eis coelestis regni aditus patet e a lumine quod acceperunt. Et omnes qui in peccatis postmodum lapsi, torporis sui frigore sunt depressi, sed dum per poenitentiam redeunt, ad amorem coelestis patriae recalescunt, portam ad Aquilonem habent; quia eis etiam post peccati sui frigus coelestis regni aditus per misericordiam patet. Ea ergo habere dicitur porta ad Aquilonem, quae habet porta ad Orientem; quia & conversi peccatores sic ditantur virtutibus, sicut illi sunt divites, qui cadere f in peccatum vitaverunt. Unde & Psalmistae voce per Dominum dicitur: *Cinerem sicut panem manducabam*; quia sic poenitentes recipit ut justos. Scriptum quippe est de peccatoribus: *Olim in cilicio & cinere poenitentiam egissent*. Cinis ergo sicut panis comeditur, quando ad auctoris sui gratiam peccator per poenitentiam sicut innocens revocatur. Porta igitur ad Aquilonem habet fenestras, habet vestibulum, habet sculpturas: quia cum peccator ad vitam post culpas reducit, saepe lumen contemplationis accipit, atque de ipsa memoria iniquitatis suae, gratiam magnae humilitatis, bonae quoque operationis efficaciam sumit; ut omne quod fieri praeci-

Innocentiae meritum adaequat vera poenitentia.

c

d

e

f

Psal. 131. 10.

Matth. 23. 21.

K 2 pitur,

e Norm. ad lumen. Editi, ex lumine.

f Vatic. & recent. excepto Gussanvil. in peccati poenitentiam. Contradicunt MSS. cum Anglic. tum Gallic.

pitur, in vita ejus quasi sculptum esse videatur.

Ibid.

Septem vero graduum erat ascensus ejus, & vestibulum ante eam.

Septem Spiritus sancti donis tamquam totidem gradibus ascendendum.

Pater. in Isai c. 20.

2

Isai. 11. 2.

7. Septem gradibus ad portam ascenditur, quia per sancti Spiritus septiformem gratiam aditus nobis vitæ cœlestis aperitur. Quam septiformem etiam Isaias in ipso nostro capite, vel in ejus corpore, quod nos sumus, enumerans dicit: *a* *Requiescet super eum spiritus sapientiae & intellectus; spiritus consilii & fortitudinis, spiritus scientiae & pietatis, & replebit eum spiritus timoris Domini.* Quos gradus, de cœlestibus loquens, descendendo magis quam ascendendo numeravit: videlicet sapientiam, intellectum, consilium, fortitudinem, scientiam, pietatem, timorem. Et cum scriptum sit: *Initium sapientiae timor Domini*; constat proculdubio, quia a timore ad sapientiam ascenditur, non autem a sapientia ad timorem reditur; quia nimirum perfectam habet sapientia caritatem. Et scriptum

Prov. 9. 10.

1. Johan. 4. 12.

Eorum ordo & concatenatio.

est: *Perfecta caritas foras mittit timorem.* Propheta ergo, quia de cœlestibus ad ima loquebatur, cœpit magis a sapientia, & descendit ad timorem. Sed nos qui a terrenis ad cœlestia tendimus, eosdem gradus ascendendo enumeremus, ut a timore ad sapientiam pervenire valeamus. In mente etenim nostra primus ascensionis gradus est timor Domini: secundus, pietas: tertius, scientia: quartus, fortitudo: quintus, consilium: sextus, intellectus: septimus, sapientia. Est enim timor Domini in mente. Sed qualis est iste timor, si cum eo pietas non est? Qui enim misereri proximo ignorat, qui compati ejus tribulationibus dissimulat; hujus timor ante omnipotentis Dei oculos nullus est, quia non sublevatur ad pietatem. Sed sæpe pietas per inordinatam misericordiam

errare solet, si fortasse pepercerit quæ parcenda non sunt. Peccata enim quæ feriri Gehennæ ignibus possunt, disciplinæ verbere sunt corrigenda. Sed inordinata pietas cum temporaliter parcat, ad æternum supplicium pertrahit. Ut ergo vera & ordinata sit pietas, ad gradum est alium sublevanda, id est ad scientiam: ut sciat vel quid ex judicio puniat, vel quid ex misericordia dimittat. Sed quid si sciat quid agere quisque debeat, virtutem vero agendi non habeat? Scientia ergo nostra crescat ad fortitudinem, ut cum videt quid agendum sit, hoc agere per mentis fortitudinem possit, ne timore trepidet, & pavore collapsa, non valeat bona defendere quæ sentit. Sed sæpe fortitudo si improvida fuerit, & minus contra vitia circumspecta, ipsa sui præsumptione *b* in casum ruit. Ascendat ergo ad consilium, ut prævidendo præmuniat omne quod agere fortiter potest. Sed esse consilium non potest, si intellectus deest: quia qui non intelligit malum quod agentem gravat, quomodo potest bonum solidare quod adjuvat? Itaque a consilio ascendamus ad intellectum. Sed quid si intellectus magno quidem acumine vigilet, & moderari se nesciat per maturitatem? Ab intellectu ergo ascendatur ad sapientiam, ut hoc quod acute intellectus invenit, sapientia mature disponat. Quia igitur per timorem surgimus ad pietatem, per pietatem ad scientiam ducimur, per scientiam ad fortitudinem roboramur, per fortitudinem ad consilium tendimus, per consilium in intellectum proficimus, per intellectum ad maturitatem sapientiæ pervenimus; septem gradibus ad portam ascendimus, per quam nobis aditus vitæ spiritalis aperitur.

8. Bene autem dicitur, quia vestibulum erat ante eam: quia nisi quis

Ad hæc ascendendum per humilitatem.

a Laud, requiescit . . . & replevit.

b Longip. incassum laborat.

quis prius humilitatem habuerit, ad hos gradus donorum spiritualium non ascendit, sicut scriptum est: *Super quem^a requiescet spiritus meus, nisi super humilem & quietum, & tremementem sermones meos?* De quo

Isai. 66. 2. *per Psalmistam dicitur: Ascensus in corde ejus disposuit in convalle lacrymarum.* Convallis quippe humilis locus est; & peccator quisque dum se in lacrymis humiliter affligit in corde,

psal. 33. 6. *b* per ascensum virtutum proficit. Qui rursus ait: *Emittit fontes in convallibus;* quia omnipotens Deus dona spiritualis gratiæ humilibus præstat.

Et per fidem. 9. Potest quoque per vestibulum fides intelligi. Ipsa quippe est ante

Pater. in Act. c. 20. gradus & portam: quia prius ad fidem venimus, ut postmodum per spiritualium donorum gradus, cœlestis vitæ aditum intremus. Non enim per virtutes venit ad fidem, sed per fidem pertingitur ad virtutes.

Nulla, sine fide in verum Deum, opera bona. Cornelius enim Centurio, cujus elemosynæ ante baptismum Angelo testante laudatæ sunt, non operibus venit ad fidem, sed fide venit ad opera. Nam & ei per Angelum dicitur: *Orationes tuæ & eleemosynæ ascenderunt in conspectum Dei.* *c*

Si enim Deo vero & ante baptismum non crediderat, quem orabat? vel quomodo hunc omnipotens Deus exaudierat, si non ab ipso se in bonis perfici petebat? Sciebat igitur Creatorem omnium Deum, sed quod ejus omnipotens Filius incarnatus esset, ignorabat. Neque enim poterat bona agere, nisi ante credidisset. *d*

Hebr. 11. 6. Scriptum namque est: *Sine fide impossibile est placere Deo.* Fidem ergo habuit, *d* cujus orationes & elemosynæ placere Deo potuerunt. Bona au-

tem actione promeruit, ut Deum perfecte cognosceret, & incarnationis ejus mysterium crederet, quatenus ad sacramenta Baptismatis perveniret. Per fidem ergo venit ad opera, sed per opera est solidatus in fide. Vestibulum itaque antegradus est: quia qui prius credidit, ipse post virtutum gradibus ad portæ aditum ascendit. Sequitur:

Et porta atrii interioris contra portam Aquilonis, & Orientalem. *vers. 23.*

10. Hoc loco contra, non pro adversitate ponitur, sed pro rectitudine: ita enim porta interioris atrii posita monstrabatur, ut porta Aquilonis & Orientis recto ad eam aditu tenderet. Quid est ergo quod porta interior recto itinere posita contra portam Orientis & Aquilonis ostenditur, nisi hoc, quod aperte datur intelligi, quia sive Judaico & Gentili populo, seu iustis & peccatoribus, sed post peccata conversis, æque aditus regni cœlestis aperitur? Larga est enim misericordia Creatoris nostri. Et porta interior non solum portam Orientis respicit, sed etiam Aquilonis: quia non solum his qui in innocentia permanent, sed etiam peccatoribus peccata sua pœnitendo damnantibus aperiuntur interioris atrii gaudia: ut ineffabilia mysteria patriæ cœlestis agnoscant, agnoscendo sitiant, sitiendo currant, currendo perveniant. *e* Hæc interni gaudii secreta cognoverat, qui dicebat: *Sititit anima mea ad Deum vivum, quando veniam & apparebo ante faciem Dei?* Prædicator Gentium ad hunc aditum regni cœlestis anhelabat, cum dicebat: *Cupio dissolvi,* *philipp. 1. 23.*

Per bona opera in fide proficimus.

Non solis innocentibus, sed etiam pœnitentibus, cœlum patet.

ps. 41. 3.

philipp. 1. 23.

a Laud. requiescit.

b Val-cl. consentientibus Norm. *per ascensum ad virtutem.*

c Editi dissentientibus MSS. Sueff. Laud. Val-cl. Longip. & Norm. omnibus, *si enim Deum vere ... non crediderat, quid*

orabat? Ex Germ. unus favet editis; alter communem aliorum MSS. lectionem habet.

d In excusis, *operationes*; secus in MSS. Anglic. & nostris.

e Editi, *hæc æterni.*

- ^a *esse cum Christo*. Hæc ^a exultationis occultæ secreta cognoverat sponsa, quæ dicebat: *Dilectus meus misit manum suam per foramen: & venter meus intremuit ad tactum ejus*. Dilectus etenim manum per foramen mittit, quando virtute sua Dominus nostrum animum per subtilem intellectum pulsat. Et venter in tactu illius contremiscit, quia infirmitas nostra per hoc quod cœlestis gaudii intellectu tangitur, ipsa sua exultatione turbatur, & fit in mente pavor cum lætitia; quia jam sentit quid de cœlesti gaudio diligit, & adhuc metuit, ^b ne non recipiat, quod vix tenuiter sentit. Quid igitur restat, nisi ut se ad perfectionis vitæ cursum dirigant omnes, qui illa gaudia patriæ cœlestis agnoscunt? Unde & hic apte subjungitur:

Cant. 5. 4.
De adipsenda cœlesti gloria spes pavoris non expers.
Pater. in Cant. c. 34.

Ibidem.

Ad perfectionem quo studio contendendum.
* *Hom. 6. n. 16.*

^c

Et mensus est a portæ usque ad portam, centum cubitos.

II. * ^c Centenarium numerum, quia decies per denarium ducitur, jam superius diximus esse perfectum. Is itaque qui aditum atrii interioris videt, profecto necesse est ut per vitam perfectionis currat, & a porta incoationis usque ad consummationis ingressum perveniat. Mensuretur ergo atrium interius, quod a portis exterioribus usque ad portam interiorem tenditur, centum cubitis: ut qui intrare amando cœpit, latitudinem perfectionis habeat in mente; quatenus in eo quem diligit, hunc nec adversa coangustent, nec prospera elevent; sed transitoria cuncta despiciens, quousque ad gaudia secreta perveniat, per atrium

perfectionis currat. Sunt etenim multi, qui jam in septem gradibus aditum portæ exterioris intraverunt, juxta quemdam supernæ dispensationis modum, per timorem Dei humiles, per pietatis studium misericordes, per scientiam discreti, per mentis fortitudinem liberi, per consilium cauti, per intellectum providi, per sapientiam maturi; sed adhuc quibusdam necessitatibus obligati, hujus mundi curis inserviunt: & unde jam ex magna parte excusserunt animum, ibi adhuc tenentur inviti. Cumque superimposita terrenæ occupationis portant onera, minus in præceptis cœlestibus exercentur. ^d Anhelare medullitus ad æternam patriam non vacat, ipsa in eis sua aliquo modo desideria languescunt: ^e quia nimirum curis temporalibus præpeditum vera gaudia, quæ cognovit, amare non tantum licet, quantum libet. Hi plerumque a jugo mundi colla mentis excutiunt, omnia deserunt, terrenæ curæ pondera deponunt, atque ut ad cœleste desiderium latius animi sinum laxent, vitam remotam petunt, & in sanctis precibus intenti, sacris meditationibus dediti, quotidiano se fletu afficiunt, & vetustatem cordis igne amoris conflant, atque ad cœleste gaudium accendendo se innovant. Hi plerumque in ipso suo desiderio accensi, exire jam de carne concupiscunt, atque ad vitam præsentem redire post fletum nolunt. Sed tamen differuntur, ~~ut~~ dilatus amor ex ipsa sua dilatione proficiat, & ardenti desiderio quasi quod negatur, crescat. Sic in regione Gerasenorum qui

Qui Chris secularibus illigantur, ad eam non sunt expectati.

^d

^e

^a Val-cl. & alii a Gassianvil. laudati exspectationis.

^b Ita MSS. quotquot consuluimus, vel, ne non plene recipiat, aut percipiat. Ubi editi habent, ne non perant, quæ duplex negatio sensum contrarium proposito S. Gregorii efficit.

^c Ebroic. Gemet. ac alii Norm. centena-

rius numerus qui decies per denarium ducitur, pro perfectione semper accipitur.

^d Excusi, & dum anhelare, invitis MSS.

^e Ita plerique MSS. In Laud. quia animo . . . præpedito . . . qua cognovit. Consentit Guss. mutato cognovit, in cognoverunt. Vatic. & al. præpediti . . . qua cognoverunt.

Luc. 8. 30. qui liberatus a legione dæmonum fuerat, jam cum Domino ire volebat, sed tamen ei dicitur: *Revertere in domum tuam, & narra quanta fecerit tibi Dominus.* Sic sponsa in Canticis Canticorum sanctis desideriiis anxia loquitur, dicens: *In lectulo meo per noctes quasi vi quem diligit anima mea. Quasi vi illum, & non inveni.* In lectulo enim dilectum quærit, quando in ipso suo otio & vacatione quam appetit, jam videre anima Dominum concupiscit, jam ad eum exire desiderat, jam carere præsentis vitæ tenebris anhelat. Sed quærit illum, & non invenit: quia quamvis magno amore desiderat, adhuc tamen ei non conceditur videre quem amat.

Quam longe absint a perfectione plurimi, qui eam adpropinquantes se blandiuntur.

Eam tamen, si pro sua infirmitate humilientur aliquando, assecuturi.

12. Tales itaque Sanctorum mentes quid aliud in hoc desiderio faciunt, nisi quod jam a portis exterioribus per atrium interius ad portam currunt? Quibus sæpe evenit, ut cum se viderint magno cœlestis gratiæ munere compunctos, jam se perfectos existiment, & obediētes putent; sed quia nullus est qui dura præcipiat: patientes esse se credant, sed quia nemo eos per contumelias & adversitates pulsatur. Et plerumque contingit, ut spiritale ministerium vel inviti suscipiant, atque ad gubernationem fidelium deducantur. Qui cum magnis tribulationibus fuerint hinc inde pulsati, turbati mente, sese imperfectos inveniunt, qui non pulsati, perfectos se esse crediderunt. Qua ex re agitur, ut se ad semetipsos colligant, & apud se tacite opprobrium suæ infirmitatis erubescant, atque ex ipsa sua confusione ^a roborati, contra adversa patientiam opponant, & ex tribulatione proficiant, qui

^a Sueff. revocati.

^b Excusi contra MSS. omnium Anglic. & Gallic. fidem habent, *deseruntur*; & infra *dilectione*, pro *dilatione*. magno sensus detrimento: hic senim significatur fideles a statu perfectionis differri, ut suæ infirmita-

prius in otio ex ipsa sua securitate torpebant. Et veraciter esse tales incipiunt, quales se esse prius inaniter putaverunt. Hi itaque cum a portis exterioribus usque ad interiorē portam per boni studii atrium ^b differuntur, hoc ipsum in eis atrium centum cubitis mensuratur; quia dilatione & exercitatione sancta quotidie ad perfectionem proficiunt. ^c Per quotidiana enim desideria in mente proficere, quasi centum est cubitis interius atrium mensurari. Idcirco ergo a portis usque ad portam centum sunt cubiti; ut quasi quædam mora eundi sit ipsa dilatio vivendi, per quam quotidie in virtutibus crescitur, ut ad interiorē aditum perfectius perveniatur. Sequitur:

b

c

Et eduxit me ad viam Australem, & ecce porta quæ respiciebat ad Austrum: & mensus est frontem ejus, & vestibulum ejus juxta mensuras superiores: & fenestras ejus, & vestibula in circuitu, sicut fenestras cæteras, quinquaginta cubitorum longitudinem, & latitudinem viginti-quinque cubitorum. Et in gradibus septem ascendebatur ad eam: & vestibulum ante fores ejus.

Vers. 24. 25. & 26.

13. Cuncta hæc in Orientis & Aquilonis porta jam dicta sunt, & congruum non est, ut ea quæ semel ac secundo exponentes diximus, sæpius replicemus. Notandum tamen nobis est, quia in spiritali edificio alter aditus ad Orientem, alius ad Aquilonem, atque alius ad Austrum patet. Sicut enim Aquilonis frigore peccatores, ita per Australem viam ferventes spiritu designantur: qui calore sancti Spiritus accensi, velut in meridiana luce virtutibus ^d excre-

Per Orientem, Aquilonem & Austrum qui fidei status designati.

d

tis conscii, humilientur: qua dilatione fit ut per quotidiana desideria proficiant.

^c Ebroic. & dum quotidiana desideria in mente proficiunt, quasi centum cubitis interius atrium mensuratur.

^d Longip. exarcentur.

crescunt. Pateat itaque porta ad Orientem, ut hi qui sacramenta fidei bene incoaverunt, & in nulla postmodum vitiorum profunditate demersi sunt, ad gaudia secreta perveniant. Pateat porta ad Aquilonem, ut hi qui post incoationem caloris & luminis in peccatorum suorum frigore & obscuritate dilapsi sunt, per compunctionem poenitentiae ad veniam redeant, & quæ sit internæ retributionis vera lætitia cognoscant.

a Pateat porta ad Meridiem, ut hi^a qui sanctis desideriis in virtutibus fervent, per spiritalem intellectum quotidie interni gaudii mysteria penetrent. Inter hæc autem quæri potest, cum quatuor hujus mundi partes sint, cur in hoc ædificio^b exterioris atrii non quatuor, sed tres portæ esse memorantur? Quod recte quærendum fuerat, si Propheta non spiritale, sed corporale ædificium vidisset. Sancta enim Ecclesia, id est spiritale ædificium, ut ad secreta gaudia pertingat, tres solummodo portas habet, videlicet fidem, spem, atque caritatem: unam ad Orientem, aliam ad Aquilonem, tertiam ad Meridiem. Porta quippe ad Orientem est fides, quia per ipsam lux vera nascitur in mente. Porta ad Aquilonem spes; quia unusquisque in peccatis positus, si de venia^c desperaverit misericordiam funditus perdit. Unde necesse est, ut qui per suam iniquitatem extinctus est, per spem^d misericordiae reviviscat. Porta ad Meridiem caritas, quia igne amoris ardet. In meridiana etenim parte sol in altum ducitur, quia per caritatem lumen fidei in Dei & proximi dilectione sublevatur. Tribus igitur portis ad interius atrium tenditur,

quia per fidem, spem, atque caritatem ad gaudia secreta pervenitur. Alia quoque quæstio oritur, cur porta atrii interioris posita contra portam Orientis & Aquilonis dicitur, & quod ad Australem portam pateat, tacetur. Sed quia per Orientem incoantes, per Aquilonem lapsos diximus designari, dignum fuit ut vel de incoantibus, quibus adhuc sol in tepore est, vel etiam de lapsis, sed^e per conversionem redeuntibus, aperte diceretur, quod eis porta atrii interioris pateat, quatenus ex ipsis nos certos faceret, de quibus dubitari potuerat. Hoc autem de porta Australi dicendum non erat; quia eos ad gaudia interna pertingere, qui fervore spiritus in virtutibus permanent, nullus ignorat.^f (Uusus quippe est sacri eloquii, ea de quibus dubitari poterat aperte dicere, & ea quæ constant tace-^{Ps. 105. 16.} re: sicut per Psalmistam dicitur: *Irritaverunt Moysen in castris, Aaron sanctum Domini*. Aaron quippe, exigente populo, idolum fecerat; & recte poterat de vita ejus dubitari. Moyses ergo sanctus non dicitur, quia sanctus esse ab omnibus scitur; & Aaron sanctum Domini nominat, ut nobis de vita illius dubietatem tollat.) Sequitur:

Et cælatæ palmæ erant, una hinc; Vers. 26. & altera inde in fronte ejus.

14. Quid hoc est, quod prius in frontibus pictura palmarum, nunc autem cælatæ palmæ in fronte esse memorantur? In cælatura quippe lapidum foris opera esse videntur. Sed, sicut jam superius diximus, pictura palmarum est ostensio signorum. Nunc vero cælatura palmarum-

^a Laud. Sueff. Longip. qui post accepta lucis initium, sanctis &c.

^b Sueff. hæc exteriores non quatuor, sed tres.

^c Ita MSS. Anglic. Norm. & pene omnes, ac potiores. In vulgatis legitur, desperaverit, funditus perit.

^d Laud. & Sueff. ad misericordiam reviviscat.

^e Gemet. & alii e Norm. per confessionem.

^f Inclusa uncinis restitimus ex MSS. Laud. & Longip. Absant a Norm.

Bona opera signis præstantiora.

marum dicitur, ut bonorum operum demonstratio designetur. Ipsi enim summis prædicatoribus dicitur: *Videant opera vestra bona, & glorificent Patrem vestrum qui in cælis est.* Qui igitur in vita sua impressa esse sancta opera demonstrant, palmas in fronte cælatas habent: quia quanta illos in posterum victoria sequatur, jam nunc in sanctis suis operibus ostendunt. Vel certe quia fidem per Orientis, spem per Aquilonis, caritatem vero per Australem portam diximus designari; notandum nobis est, quia in Orientis porta pictura palmarum, ^a in Aquilonis vero & Meridiei, cælatura esse perhibetur: quia contingit sæpe, ut hi qui adhuc incoantes sunt, necdum se in operibus solidis ac magnis exerceant: hi vero qui post iniquitates ad virtutes redeunt, plerumque ut culpas suas ante omnipotentis Dei oculos tegere valeant, in magnis operibus exercentur. Et qui jam fervore spiritus in virtutibus excreverunt, ^b quasi Meridies in sanctis actibus inardescunt. In Orientis ergo porta pictura est, in Aquilonis vero & Meridiei, cælatura: quia signum victoriæ quod in incoantibus ostenditur, hoc in revertentibus atque ferventibus jam solidius & robustius tenetur.

^a In bonis operibus aliquando poenitentes innocentibus alacrior.

15. Notandum quoque magnopere est, quod dicitur: *Hinc & inde.* Omnes enim qui ad vitæ aditum tendimus, & ex dextro & ex sinistro latere habere palmam debemus. Quod enim hinc & inde dicitur, latus utrumque signatur. A dextro igitur palmam habet is, quem prospera non extollunt: a sinistro palmam habet is, quem adversa non dejiciunt. Quasi ex utraque parte portabat Paulus palmam

cum diceret: *Per armam justitiæ a dextris & a sinistris, per gloriam & ignobilitatem, per infamiam & bonam famam: ut seductores, & veraces.* Non hunc adversa frangebant, non prospera in mentis tumorem sublevabant. Hinc inde ergo gestabat palmam, quia & in adversitate fortis, & in prosperitate humilis permanebat. Quisquis enim de prosperis extollitur, habere in dextera parte palmam nescit. Quisquis in adversitatibus frangitur, portare palmam a sinistro latere ignorat. Ut ergo hinc & inde palma gestetur in fronte, adesse semper nostris mentibus debet & in adversis fiducia, & in prosperis timor: ne aut adversa in desperationem pertrahant, aut prospera animum in sui fiduciam extollant. Hinc est quod idem egregius prædicator dicebat: *Scio & humiliari, scio & abundare: ubique & in omnibus institutus sum. Et satiari & esurire, & abundare & penuriam pati: omnia possum in eo qui me confortat.*

^a Ars hæc quanto adnifu addiscenda.

16. Nunquidnam, fratres, ars est aliqua, humiliari & abundare, satiari & esurire, abundare & penuriam pati: ut pro magno se ista scire tantus prædicator insinuet? Ars omnino, & mira disciplinæ scientia, quæ toto nobis cordis est adnifu discenda. Quem enim penuria sua non frangit, a gratiarum actione non retrahit, in rerum temporalium desiderium non accendit, scit humiliari. Hoc enim loco Apostolus humiliari, dicit penuriam pati. Nam statim e contrario subjungit: *Scio & abundare.* Qui enim acceptis rebus non extollitur, qui eas ad usum vanæ gloriæ non intorquet, qui solus non possidet quod accepit, sed hoc cum indigentibus misericorditer dividit, scit abundare. Qui

acce-

^a Scilicet portis. Ubi emendandi vulgati qui habent, *Aquilone vero & meridie.*

Tom. V.

^b Longip. & Val-cl. *quasi in meridie.*

L

acceptis alimentis non ad ingurgitationem ventris utitur, sed ad reparationem virtutis, nec plus carni tribuit, quam necessitas petit, scit satiari. Qui alimentorum inopiam sine murmuratione tolerat, nec pro necessitate victus agit aliquid unde anima peccati laqueum incurrat, scit esurire. Quem ergo nec in abundantia superbia elevat, nec in necessitate cupiditas irritat, novit abundare, novit penuriam pati. Qui cum statim subderet, *Omnia possum*; ne elationis esse verba crederemus, ad-

a

Quomodo
latis &
adversis
rebus uten-
dum.

17. Discamus itaque, fratres, non solum in prosperis, sed in adversis quoque gratias agere. Pater enim nobis ex pietate sua factus est Conditor noster, nosque adoptivos filios ad hereditatem regni cœlestis nutrit. Et non solum donis reficit, sed etiam flagellis erudit. Discamus igitur abundare, ut cuncta quæ ab eo accepimus, cum indigentibus partiamur. Et mentem abundantia non eleve, ne fortasse gaudeat quia hoc adest sibi, quod deest alteri, & non jam communi bono, sed proprio lætetur. A privato gaudio Veritas^b ad commune discipulos revocat, cum eos de prædicatione redeuntes, & de subjectione dæmonum lætantes admonet, dicens:

Pater. in
Luc. c. 23.

b

^a Deest in quo, in omnibus ed. Legitur in MSS. Laud. Val-cl. Gemet. ac aliis Norm.
^b Plerique Norm. consentiente Val-cl. ad commune bonum.

Nolite gaudere super hoc, sed potius gaudete & exultate, quia nomina vestra scripta sunt in cœlo. Non enim omnes electi dæmonia ejiciunt, sed tamen electorum omnium nomina cœlo tenentur adscripta. Admonentur ergo^c discipuli privatam lætiti-
am deponere, de communi autem & perpetua felicitate gaudere. Quis-
quis itaque in eo gaudet quod alter non habet, ex ipsa sua abundantia deterior factus, ^d gaudium
privatum habet. Contra hujus nos appetitum abundantiae Johannes ad-
monet, dicens: *Nolite diligere mun-
dum, neque ea quæ in mundo sunt.* Qui mox rationem subdidit, quare:
*Si quis diligit mundum, non est caritas Patris in eo. Nemo enim po-
test duobus dominis servire, quia non valet simul transitoria & æterna diligere.* Si enim æternitatem diligimus, cuncta temporalia in usu, non in affectu possidemus. Qui eamdem rationem protinus subdidit, dicens: *Quia omne quod in mundo est, concupiscentia carnis est, & concupiscentia oculorum, & superbia vitæ.*

Pater. in
1. Job. c. 3.
1. Johan. 2.
15.

Ibidem.

Matt. 6. 24.

1. Johan. 2.
16.

18. Ideo enim habere aliquid homines, & ultra quam necesse est, concupiscunt, ut habendo superbiant: & quia hoc alius non habet, se in cogitationibus extollant. Quisquis itaque talis est, adhuc ad portandam abundantiam doctus non est. Sæpe autem quod avaritia ex appetitu suggerit, necessitatem putat: & cum minora sufficiant, dolet majora deesse; atque incautus animus quamdam quasi necessitatem patitur quam parit. Et cum nimia sint quæ desiderat, suam sibi avaritiam aliquo modo excusat. Abundantia itaque superbiæ^e vicina est. Quam
si quan-

Avaritiæ &
superbiæ
affinitas.

^c Longip. electi discipuli.

^d Ebroic. & Lyr. gaudio privato hoc habet.

^e Vel, e vicino est, ut habent plur. MSS.

^a
Non solum
vicina sed
remota vi-
ria sunt
cavenda.

In via^a ad
patriam
paupertas
fida comes.

Satiari di-
scimus &
esurire.

si quando etiam cupiditas intercept, hanc, ut ita dixerim quasi ^a peregrina captivitas invasit. Si igitur abundandi artem scire volumus, necesse est, ut non solum ea quæ vicina sunt, sed ea etiam quæ de longinquo veniunt, vitia fugiamus. Discamus penuriam pati, nec ea quæ non habemus, habere etiam cum culpa requiramus; nec felices putemus, quos rebus onustos cernimus. Nimia valde sunt ea, quæ sibi quasi in sumtus vitæ præsentis præparant. Multa portant, sed in via brevi magna est nobis in hoc itinere sociâ paupertas, quæ animum non angustat, cum deest terrena substantia de qua æterno judici rationes ponamus. Liberius ad patriam tendimus, quia quasi in via pondere caremus.

19. Discamus satiari, ne in sumendis alimentis corporis, gulæ magis quam necessitati serviamus. Plus enim concupiscentia quam necessitas petit. Et sæpe dum carnis inopiæ satisfacere curamus, voluptas subrepat, modum refectionis excedit. Unde fit, ut culpa transeat ad culpam: quia plerumque inde alia tentatio carnis nascitur, dum carni immoderatus in refectione servitur. Ex peccato etenim primi hominis infirmante natura in hoc mundo cum nostris tentationibus nascimur. Et caro nobis aliquando adjutrix est in bono opere, aliquando autem seductrix in malo. Si igitur ei plus quam debemus, tribuimus, hostem nutrimus. Et si necessitati ejus, quæ debemus, non reddimus, civem necamus. Satianda itaque est caro, sed ad hoc usque, ut in bono nobis opere famulari sufficiat. Nam quisquis ei tantum tribuit, ut superbiat, satiari penitus ignorat. Ars

itaque magna est satiari, ne unusquisque per satietatem carnis ad iniquitatem prorumpat turpitudinis. Discamus esurire, ut nobis propter abundantiam sequentem nostra hic inopia placeat, ne nos ventris ^b necessitas ad culpam trahat, ne peccatum menti ipsi indigentia suggerat: & dum caro fame afficitur, ad cupiditatem animus irritetur, & quærat cum culpa providere, unde carni valeat in necessitate satisfacere: ne cor in indignationem profiliat, & linguam in murmurationis amaritudinem accendat. Qui igitur in carnis suæ inopia se hinc inde circumspicit, atque a peccati laqueo custodivit, novit esurire.

20. Nos itaque, fratres carissimi, iram atque avaritiam in adversitate fugientes, & elationem & immoderata gaudia in prosperitate declinantes, quia per fidem, spem, atque caritatem, interioris vitæ atrium tribus portis intrare concupiscimus, palmas hinc & inde teneamus. Libet adhuc ^c alterum civem cœlestis patriæ ad mentem reducere, & qualiter hinc inde palmam teneat, demonstrare. Beatus etenim Job cum esset viris Orientalibus ditior, & ei prospera cuncta suppeterent, ^d filii pollerent, familia cresceret, greges exuberarent, in tanto omnipotentis Dei timore perstitit, ut inter custodiam disciplinæ, inter acta justitiæ, inter multa humilitatis obsequia, misericordiæ operibus intentus, sacrificiis offerendis deditus, holocausta Domino pro singulis filiis immolaret, ne quis eorum saltem in corde peccasset. Pensamus ergo, quanta ei erat custodia boni operis, qui in filiis suis expiabat sacrificiis culpas cordis. Sed quam justus esset, in prosperitate innotue-

Ira & avaritia in adversitate
elatio & immoderata lætitia in prosperitate cavenda.

Exemplum
Job.

L 2 rat:

^a Ebroic. peregrini captivitas.

^b Lyran. ingluviens.

^c Gemet. & alii quatuor Nerm. alterum

quidem . . . militiam ad mentem.

^d Vulgati habent, filiis polleret, ex una nimi MSS. consensu castigandi.

rat : valde autem ignotum erat si perseverare justus & inter flagella potuisset. Tangendus ergo erat verberare, ut vir ille sanctus in prosperis, interrogaretur adversis: ut qui notus erat omnipotenti Domino, notus per flagella fieret nobis & sibi metipsi. Disponente itaque Domino consumti sunt greges, interfecti custodes, eversa domus, extincti filii, percussa caro a planta pedis usque ad verticem. Remansit uxor incolumis, quæ verborum jaculis vulnera augeret. Sed hanc vir sanctus in tentatione, sanus in vulnere prudenter docet, eique respondet, dicens: *Si bona accepimus de manu Domini, mala quare non suscipiamus?* Amici quoque ad consolandum veniunt, ad contumelias prorumpunt, & in dolore vulnere, addunt adhuc vulnera verborum. Im-misericordem dicunt, raptorem nominant, violentum denuntiant, oppressorem pauperum fatentur. Quid igitur miles Dei faceret inter dolentia vulnera & amara verba ^adeprehensus? Ecce flagella Dei & verba hominum simul afflictum animum ad desperationem premunt: sed virtute spiritus plenus, carnis vulneribus jacens, mentis robore stans, contra desperationis impulsu rediit ad memoriam bona quæ egerat. Quia misericors fuerat, dicit: *Oculus fui cæco, & pes claud.* Et rursus: *Pater eram pauperum.* Quia & disciplinæ custos & benignus, dicit: *Cumque sederem quasi rex,* ^b*circumstante me exercitu, eram tamen mærentium consolator.* Quia humilis fuerit, dicit: *Si contemsi subire iudicium cum servo meo & ancilla mea, cum disceptarent adversum me.* Quia hospitalis fuerit, fatetur: *Si despexi prætercuntem, eo quod non habuerit indumentum.* Quia largus

in donis, dicit: *Si non benedixerunt* *ibid. v. 20.* *mibi latera ejus, & de velleribus ovium mearum calefactus est.* Quia violentus non fuerit testatur, dicens: *Si levavi super pupillum manum* *ibid. v. 21.* *meam, cum viderem me in porta superiorem.* Quia de inimici periculo nunquam exultaverit, dicit: *Si ga-* *ibid. v. 29.* *visus sum ad ruinam ejus qui me oderat.* Quia patiens fuit, & etiam suorum malitiam æquanimiter pertulit, dicit: *Si non dixerunt viri* *ibid. v. 31.* *tabernaculi mei: Quis det de carnis ejus ut saturemur?* Quid est ergo, quod vir sanctus tot suas virtutes inter flagella enumerat? Quid est, quod ore suo opera quæ fecerat, laudat: nisi quia inter vulnera & verba quæ hunc ad desperationem trahere poterant, ad spem animum reformat? Et qui in prosperitate humilis fuit, revocatis bonis suis ad memoriam, infractus in adversitate permansit. Cujus enim animum inter tot flagella, illa verba ad desperationem non impellerent, nisi sibi ad memoriam bona quæ fecerat revocasset? Vidit igitur sanctus vir mentem suam auditis tot malis ad desperationem concuti, & mirabiliter studuit in spe certa ex bonis suis actibus solidari. Sic impletur quod scriptum est: *In die bonorum ne immemor sis malorum, & in die malorum ne immemor sis bonorum.* Si enim cum bona habemus, malorum reminiscimur, quæ aut jam passi sumus, aut adhuc pati possumus: accepta bona mentem non elevant, quia eorum gaudium timor memoriæ malorum premit. Et si cum mala habemus, bonorum reminiscimur, quæ aut jam accepimus, aut adhuc nos posse accipere speramus, malorum pondus animum in desperationem non deprimit, quia hunc ad spem memoria bonorum le-

^a Ita Laud. & omnes alii MSS. nostri. Editis magis placuit, *depressus*.

^b Excusi, *circumspectante me exer.*

levat. Si itaque fratres carissimi, sic per præcepta Dominica & per Sanctorum exempla gradimur, ut nos nec prosperitas elevet, nec adversitas frangat, habere nos ante omni-


potentis Dei oculos palmas hinc & inde monstramus. ^a Cui est honor & gloria, in secula seculorum. Amen.

^a

^a Additur in Laud. Sueff. Longip. Latemur ergo in ejus adjutorio, qui in suis nobis sequacibus, omnia quæ præcepit ostendit omnipotens Redemptor noster, qui vivit

in regnat cum Patre in unitate Spiritus sancti Deus per omnia secula seculorum. Amen.





al. xx.

HOMILIA VIII.

*Versus 27. ac reliqui usque ad 38. inclusive plerique cursim, alii
fufius exponuntur, & dogma de Resurrectione
potissimum adstruitur.*

In exposi-
tione sacrae
Scripturae
repetitio-
nes cavean-
tur.

I.



Rophetæ verba, quæ largiente Domino hodie caritati vestræ loquenda sunt, lectione magis indigent, quam expositione. Ea enim in tribus portis interioribus replicantur secundo iam, vel tertio de exterioribus dicta quæ sunt. Pauca vero in earum descriptione permutantur. Unde necesse est ea nos quæ jam dicta sunt, legendo transcurrere, ut ea quæ necdum dicta sunt, licentius possimus enodare. Itaque nunc dicitur:

^a Et porta atrii interioris ^a in viam Australem: & mensus est a porta usque ad portam in via Australi, centum cubitos. Et introduxit me in atrium interius ad portam Australem: & mensus est portam juxta mensuras superiores, thalamum ejus, & frontem ejus, & vestibulum ejus eisdem mensuris: & fenestras ejus, & vestibulum ejus in circuitu quinquaginta cubitos longitudinis, & latitudinis viginti quinque cubitos, ^b & vestibulum per gyrum.

* Maxime
tem. supe-
riori.

Cuncta hæc * superius dicta atque exposita esse meministis. Necdum vero est dictum quod de eodem vestibulo subditur:

Vers. 30.
& 31.

Longitudine viginti & quinque cu-

^a In editis, in via australi.

^b Plur. MSS. & vestibulum ejus per gyrum.

^c Laud. cum Longip. per eam.

bitorum, & latitudine quinque cubitorum: & vestibulum ejus ad atrium exterius.

Atque iterum hoc quod jam superius dictum fuerat, replicatur, cum dicitur: *Et palmas ejus in fronte*. Et statim quod adhuc dictum non fuerat, subditur: *Et octo gradus erant in quibus ascendebatur ad eam*. Hoc quoque quod de Australi porta scriptum est, de Orientali quoque porta in eodem ordine narratur. Nam protinus subinfertur:

Ibidem.

Ibidem.

C

Et introduxit me in atrium interius per portam Orientalem: & mensus est portam secundum mensuras superiores, thalamum ejus, & frontem ejus, & vestibulum ejus sicut supra: & fenestras ejus, & vestibula ejus in circuitum longitudine quinquaginta cubitorum, & latitudine viginti quinque cubitorum. Et vestibulum ejus, id est ^d atrii interioris, & palmæ cælatæ in fronte ejus hinc & inde, & in octo gradus ascensus ejus.

d

Ea quoque, quæ de Australi porta & Orientali dicta sunt, in eisdem verbis etiam de porta quæ ad Aquilonem respicit, replicantur. Nam subditur:

Et introduxit me ad portam quæ ^{Vers. 35. 36.} ref- & 37.

^d Longip. continentibus Laud. & Sueff. atrii exterioris; quod emendandum putamus.

respiciebat ad Aquilonem, & mensus est secundum mensuras superiores, thalamum ejus, & frontem ejus, & vestibulum ejus, & fenestras ejus per circuitum, longitudine quinquaginta cubitorum, & latitudine viginti quinque cubitorum. Et vestibulum ejus respiciebat in atrium exterius, & calatura palmarum in fronte illius hinc & inde, & in octo gradibus ascensus ejus.

Legis opera exteriora, veteris Testamenti patres præcipiebant; cordis custodiam, novi doctorum.
* Sup. hom. 6. & 7.

2. Quid itaque interiori atrio, quid thalamo, quid frontibus, quid vestibulo, quid fenestris, quid longitudine & latitudine, quid palmarum calatura signetur, late jam ^a superius diximus: nec oportet ut in eisdem iterum, sed in his solummodo quæ necdum dicta sunt, occupemur. Nunc ergo quærendum nobis est, quæ istæ tres portæ interiores sint: vel quid est quod earundem portarum vestibula viginti quinque cubitis in longitudine, & quinque cubitis in latitudine metiuntur: vel cur ad eas non septem, sicut de portis exterioribus dictum fuerat, sed octo gradibus ascenditur. Porta enim ^a atrii interioris quæ superius dicta est, de his tribus portis interioribus non est: quia illa contra Orientis & Aquilonis portam respicere dicitur, istæ autem singulæ interiorius ad Austrum vel Orientem & Aquilonem positæ esse memorantur. Unde recte ^b per illam aditus interior designatur; quia sicut præcedenti locutione jam dictum est, vel Judæis & Gentilibus, vel incoantibus atque in bono ^c perseverantibus, vel a bono cadentibus, sed post culpas per poenitentiam surgentibus patet. Nunc autem postquam singulæ in Oriente & Aquilone & Austro portæ descri-

ptæ sunt, cur interioris atrii rursum portæ singulæ in Austro & Oriente atque Aquilone describuntur? Aspirante Domino, magna intentione opus est sinum tantæ profunditatis indagare. Si enim portarum nomine sanctos prædicatores accipimus: sciendum nobis est, quia una est Ecclesia in prædicatoribus Testamenti veteris ac novi. Portæ autem, septem vel octo gradus habent: quia sancti Spiritus septiformem gratiam concorditer prædicant: ^d octavo vero gradu annuntiant præmium retributionis æternæ. Unde scriptum est: ^e *Da partem septem, necnon & octo.* Quid itaque dicere possumus exteriores portas, nisi antiquos patres fuisse, qui per præcepta Legis noverant opera populi magis, quam corda custodire? ut interiores portas prædicatores sanctæ Ecclesiæ debeamus accipere, qui spiritalibus monitis discipulorum corda custodiunt, ne malis, quæ non faciunt, vel in cogitationibus delectentur. Per illas enim septem gradibus ascendi dicitur, istarum vero octo graduum ascensus esse perhibetur: quia & in veneratione Legis dies septimus fuit, & in novo Testamento octavus dies in sacramento est: is videlicet, qui Dominicus appellatur, qui tertius a passione, sed octavus a conditione est, quia & septimum sequitur.

d
e
Eccle. 11. 2.

3. Sin vero portarum nomine solos intelligimus sanctos Apostolos designari, qui videlicet primi nobis sunt sanctæ Ecclesiæ prædicatores, & nos fidem, spem, atque caritatem summopere tenere docuerunt: ipsi itaque nobis in his virtutibus portæ sunt, qui nos per easdem virtutes ad interiorum intellectum æter-

Non incipientibus, sed perfectis mysticis & alta prædicaverunt Apostoli.

^a Suesl. atrii exterioris, sed mendose.
^b Laud. per illas... qui sicut &c.
^c Addunt, opere, Gemet. cum aliis Norm. & Longip.
^d Laud. Suesl. Longip. Val-cl. octavum vero gradum annuntiant retributionis æter-

na.
^e Vulgati, da partes. Sequimur MSS. Laud. Longip. Norm. &c. Vide quæ supra observavimus nota a pag. 38. ad hom. 4. olim decimam sextam, num. 2.

æternæ sapientiæ perducunt. Sed si ipsi exteriores portæ sunt, ^a quos accipimus interiores? Si vero ipsi interiores sunt, quos intelligimus exteriores? Qua in re intelligi utiliter potest, quia ipsi nobis exteriores simul & interiores portæ sunt. Cum enim adhuc incoantibus non alta & mystica, sed quædam quæ capi prævalent, prædicant, portæ exteriores sunt: cum vero perfectis ^b profunda & mystica loquuntur, portæ interiores. Videamus qualiter porta exterior pateat: *Non potui vobis loqui quasi spiritualibus, sed quasi carnalibus, tamquam parvulis in Christo lac vobis potum dedi, non escam.* Videamus qualiter porta interior pateat: *Sapientiam loquimur inter perfectos.* Videamus utrum ipsa eadem sit porta interior & exterior:

1. Cor. 3, 1.

Ibid. 2. 6.

Rom. 1. 14.

2. Cor. 5. 13.

Non in se-
prio vir-
tutis gradu
standum
est, sed ad
octavum
pervenien-
dum.

c

4. Unde & per septem gradus prius ascensus earum describitur, & postmodum per octo. Per octavum etenim gradum illius vitæ mysteria signantur, quam in secretis suis ^c perfecti intelligunt, quia jam cuncta temporalia mente transcendere noverunt, qui præsentem vitam

quæ septem dierum curriculo evoluitur, plene despiciunt, qui de intima contemplatione pascuntur. Habent igitur portæ spiritualis ædificii septem gradus: quia timorem Domini, pietatem & scientiam, fortitudinem & consilium, intellectum & sapientiam suis auditoribus prædicant. Sed cum jam omnia dimitti præcipiunt, cum nihil in hoc mundo diligi admonent, ^d nil per affectum teneri, cum contemplationi cœlestis patriæ intendi, atque in ejus suadent mysteriis delectari, gradum addunt, & ad interiora trahunt. Iste gradus docente Veritate cuidam ostensus est, cui cum Legis præcepta dicerentur, respondit: *Hæc omnia custodivi a juventute mea.* Quasi enim jam in septem gradibus stabat, cum a juventute sua omnia custodisse se diceret. Sed ei mox dicitur: *Adhuc unum tibi deest: Si vis perfectus esse, vade, vende omnia quæ habes, & da pauperibus, & habebis thesaurum in cœlo, & veni sequere me.* In quibus verbis octavum quidem gradum vidit, sed ascendere noluit, quia tristis abscessit. Quisquis itaque contentis rebus temporalibus æternitatis contemplatione pascitur, cœlestis regni gaudia rimatur, post septem gradus quos timendo & operando atque intellectu sapientiæ succrescendo tenuit, octavo gradu interioris portæ aditum intravit.

Matth. 19. 21.

Ibid. v. 21.

5. Per octavum quoque numerum & dies æterni judicii, & carnis resurrectio designatur. Unde & Psalmus, qui ^e pro octava scribitur, a pavore judicii est incoatus, cum dicitur: *Domine, ne in ira tua arguas me, neque in furore tuo corripas me.* Nunc enim tempus est misericordiæ, in illo autem judicio dies iræ. In quo videli-

Pater. Excc.
in Is. 6.
Per octa-
vum nume-
rum, judi-
cium extre-
mum & re-
surrectio
designan-
tur.

e
Ps. 6. 1.

a Laud. quos aspiciamus.

b Sueh. summa & mystica. Laud. profunda summa & mystica.

c Ebroic. & Sagenf. perfecte.

d Ebroic. nil imperfectum tenere.

e Multi sunt qui pro octava inscribuntur. At ille primus est,

licet die, omne hoc tempus finitur quod septem diebus evoluitur. Quia autem post septem dies sequitur, jure octavus appellatur. In quo & caro nostra resurget ex pulvere: ut sive bona, sive mala quæ egit, recipiat a Veritate. Unde & per Legem quoque octavo die fieri circumcisio jubetur. Nam per membrum quod circumciditur, mortalis propagatio generatur, decedentium quoque & succedentium numerus augetur. Sed quia in resurrectione mortuorum nec carnis jam propagatio agitur, & decessio atque successio nulla erit, quia sicut scriptum est: *Neque nubent, neque nubentur, sed erunt sicut Angeli in celo*; octava die præcipitur præputium incidi. Ibi enim locum jam carnis propagatio non habet, ubi resurgens caro perseverantiam æternitatis habet. ^a Per hoc membrum mater virgo descendit, quæ Deum in utero sine virili admixtione concepit, qui primus nobis æternæ patriæ gloriam in sua resurrectione monstravit:

Matth. 22.
30.

Rom. 6. 9.

De resurrectione,
Gregorii
temporibus,
quidam dubi-
tauerunt.

6. Sed quia de carnis resurrectione nobis sermo se intulit, triste nimis & valde lugubre est, quod quosdam in Ecclesia stare, & de carnis resurrectione dubitare cognoscimus. Hanc autem antiqui patres venturam esse certissime crediderunt, etiam cum nullum ad-

huc ejusdem resurrectionis exemplum tenerent. Qua igitur damnatione digni sunt, qui & exemplum jam Dominicæ resurrectionis acceperunt, & tamen adhuc de sua resurrectione diffidunt? Pignus tenent, & fidem non habent. Ecclesiam replent, sed quia de resurrectione sua dubitant, mente vacua stant. De hac resurrectione per beatum Job dicitur: *Scio quod Redemptor meus* ^{Job. 19. v.} *vixit, & in novissimo die de terra* ^{25. &c.}

Resellatur.

resurrexurus sum, & rursum circumdabor pelle mea, & in carne mea

videbo Deum: quem visurus sum ego ipse, & oculi mei conspiciuntur

b

sunt, & non alius. Hinc etiam per Psalmistam dicitur: *In conspectu ejus*

Psal. 21. 30.

procidunt universi qui descendunt in terram. In terra enim mortui non spiritu, sed corpore descendunt.

c

In conspectu ergo Domini procidunt qui in terram descendunt: quia resurgendo ad judicium veniunt, qui nunc in pulvere putrescunt. Hinc iterum dicit: *Sitit in te anima*

Ps. 62. 2.

mea, quam multipliciter & caro mea. Sitit ^d anima ut Deum videat: caro

d

quid sitit, nisi ut resurgat? Hinc rursus ait: *Aufer spiritum eorum,*

Psal. 103.

& deficient: & in pulverem suum

29.

revertentur. Moxque de carnis resurrectione subjungit: *Emitte spiritum tuum, & creabuntur, & renovabis faciem terræ.* Hinc iterum dicit: *Exsurge Domine in requiem tuam,*

Psal. 137. 9.

tu & arca sanctificationis tuæ. Exsurrexit enim Dominus in requiem suam, cum carnem suam de sepulcro suscitavit. Post hunc quoque exsurgit & arca: quia resurgit Ecclesia. Hinc per eundem Prophetam

Ibid. v. 10.

de

cum Val-cl. procedunt. Quæ lectio non abhorret a Gregorii proposito; sed a textu Hebr. Vulgata, ceterisque versionibus respuitur.

^d Vulgati, *anima mea*. Redundare videtur *mea*, abestque a MSS. Laud. Val-cl. & plur.

^a Editi ante Gussanvil. per hoc verbum. Emendantur ex MSS. Anglic. & nostris.

^b Lyr. *videbo Deum salvatorem meum*. Ceterum quæ de resurrectione in dubium adducta hic dicuntur, etiam leguntur I. 14. Moral. n. 70. Lege nostram Præfationem in Dialogorum libros num. x.

^c Gemet. Rotomag. & plerique Norm.

Tom. V.

*Ezech. 37.
v. 4. &c.*

de quo loquimur, scriptum est :
*Ossa arida audite verbum Domini .
Hæc dicit Dominus Deus ossibus his :
Ecce ego intromittam in vos spiritum,
& vivetis . Et dabo super vos nervos,
& succrescere faciam super vos car-
nes , & superextendam in vos cutem ,
& dabo vobis spiritum , & vivetis .*

a

osee 6. 3.

b

Hinc est quod Propheta alius ^a per
resurrectionem Domini humanum
genus vidit in fine suscitari, atque
ait : ^b *Vivificabit nos post duos dies,
in die tertia suscitabit nos , & vive-
mus in conspectu ejus .* Hinc est ,
quod cum de semetipso Dominus

*Johan. 5.
v. 28. & 29.*

c

loqueretur, adjunxit : *Nolite mirari
hoc , quia venit hora in qua omnes
qui in monumentis sunt , audient ^c
vocem filii Dei . Et procedent qui
bona fecerunt , in resurrectionem vi-
tæ : qui vero mala egerunt , in re-
surrectionem judicii .* Hinc Paulus

Philip. 3. 20.

*1. Thess. 4.
13.*

ait : *Unde etiam salvatorem expecta-
mus Dominum Jesum Christum , qui
reformabit corpus humilitatis nostræ ,
configuratum corpori claritatis suæ :
Hinc iterum dicit : Si enim credi-
mus quod Jesus mortuus est & resur-
rexit , ita & Deus eos qui dormierunt
per Jesum , adducet cum eo .* Qui

*1. Cor. 15.
20.*

rursus ait : *Primitiæ dormientium
Christus . Si enim nos a mortis so-
mno non surgimus , quomodo re-
surrectionem Dominicam primitias
habemus ?*

*f Futuram
resurrectio-
nem utrum-
que Testa-
mentum
prædicat .*

7. Ecce veteres ac novi patres u-
no sibi spiritu de carnis resurrectione
concordant . Ecce ipsa per se Ve-
ritas prius voce docuit , quod de
resurrectione carnis postmodum o-
pere demonstravit : & tamen adhuc
quorundam infirmitas fidem non ha-

bet in domo fidei stans . Sed mira-
ri solent qualiter caro reviviscere
possit ex pulvere . Mirentur igitur

*Adversario-
rum obje-
ctis respon-
detur .*

d

^d altitudinem cæli , molem terræ ,
abyssos aquarum , omnia quæ in
mundo sunt , ipsos quoque angelos
creatos ex nihilo . Minus est valde
aliquid ex aliquo facere , quam o-
mnia ex nihilo fecisse . Ipsa no-
bis elementa , ipsæ rerum spe-
cies , resurrectionis imaginem præ-
dicant . Sol enim quotidie nostris
oculis moritur , quotidie resur-
git . Stellæ matutinis horis no-
bis occidunt , vesperi resurgunt . Ar-
busta æstivis temporibus ^e plena fo-
liis , floribus , ac fructibus videmus ,

*Sol quoti-
die oritur
& moritur .*

c

quæ hiemali tempore nuda foliis ,
floribus , ac fructibus , & quasi ari-
da remanent ; sed vernali sole re-
deunte , cum a radice humor surre-
xerit , suo iterum decore vestiun-
tur . Cur ergo de hominibus diffi-
ditur , quod fieri in lignis videtur ?
Sed sæpe pulverem putrescentis car-
nis aspiciunt , & dicunt : Unde ossa
& medullæ , unde caro vel capilli
poterunt in resurrectione reparari ?
Hæc itaque requirentes , parva se-
mina ingentium arborum videant ,
atque si possunt dicant : Ubi in eis
latet tanta moles roboris , tanta di-
versitas ramorum , tanta multitudo ,
& viriditas foliorum , tanta species
florum , ^f tanta ubertas , sapor at-
que odor fructuum ? Numquidnam
semina arborum odorem vel sapo-
rem habent , quem ipsæ post arbo-
res in suis fructibus proferunt ? Si
ergo ex semine arborum , quod vi-
deri non potest , produci potest ,
cur de pulvere carnis humanæ dif-
fidi-

*Arbores
quotannis .*

*Arboris ex
semine pro-
ductio ,
quantum
miraculum .*

f

a Al. in resurrectione Domini , ut habe-
tur in plerisque Norm. & in Val-cl.

b Laud. vivificavit . . . suscitavit .

c Ita Gemet. Beccensis Lyr. Utic. Ro-
tomag. &c. consentiente Evangelico textu.
Editi, vocem ejus .

d Idem cod. suffragante Ebroic. amplitu-
dinem .

e Ita legendum ex MSS. Norm. & An-

glic. Laud. non habet floribus . Deest e-
tiam in vulgatis , ubi pro fructibus , legi-
mus frugibus . Infra ubi extat : nuda foliis ,
floribus , ac fructibus , legitur simpliciter
in Ebroic. Sag. & Lyr. & hyeme quasi a-
rida remanent .

f Suecl. & Longip. tanta ubertas sapo-
rum atque &c.

Homini
generatio
inajus mi-
raculum,
quam re-
surrectio.

fiditur, quia ex eo reparari forma
valeat, quæ non videtur?

8. Sæpe autem objicere inanem
quæstiunculam solent, qua dicunt :
Carnem hominis lupus comedit, lu-
pum leo devoravit, leo moriens ad
pulverem rediit, cum pulvis ille su-
scitatur, quomodo caro hominis a
lupi & leonis carne dividitur? Qui-
bus quid respondere aliud debemus,
nisi ut prius cogitent qualiter in
hunc mundum venerint, & tunc in-
venient qualiter resurgant? Certe
tu homo qui hoc loqueris, aliquan-
do in matris utero spuma sanguinis
fuiſti: ibi quippe ex patris femine,
& matris sanguine parvus ac liqui-
dus globus eras. Dic rogo, si no-
ſti, qualiter ille humor feminis in
ossibus duruit, qualiter in medullis
liquidus remansit, qualiter in nervis
solidatus est, qualiter in carnibus
crevit, qualiter in cute extensus est,
qualiter in capillis atque unguibus
distinctus, ita ut capilli molliores
carnibus, & ungues essent tenerio-
res ossibus, carnibus duriores. Si
igitur tot & tanta ex uno femine
per species distincta sunt, & tamen
in forma remanent conjuncta; quid
mirum si possit omnipotens Deus in
illa resurrectione mortuorum, car-
nem hominis distinguere a carne be-
ſtiarum, ut unus idemque pulvis &
non resurgat in quantum pulvis lu-
pi & leonis est, & tamen resurgat
in quantum pulvis est hominis? Vi-
de itaque homo, qualiter ad vitam
venisti, & nequaquam dubites ad
vitam qualiter redeas. Cur au-
tem ratione vis comprehendere
quomodo redeas, qui ignoras quo-
modo venisti? Da potentia Crea-
toris tui quod comprehendere non
vales de temetipſo. Certe enim quia
tu ex terra factus es, terra vero
ex nihilo, tu es creatus ex nihilo.
Ne ergo de carnis tuæ resurrectio-

ne desperes, perpende prudenter,
quia minus est Deo reparare quod
erat, quam fecisse quod non erat.

9. Sed si non potes resurrectionis
effectum ratione comprehendere,
perpende quam multa sunt quæ non
intelligis qualiter sunt, & tamen
esse non dubitas. Dic rogo si noſti
^a gyros cæli, terræ cardines, a-
quarum abyſſos, ubi finiuntur, ubi
suspensi sunt? Scimus autem, quia
quod ex nihilo factum est, pendet
in nihilo. Sed si est aliquid quod
dicitur nihilum, jam nihil non est.
Si autem nihil est nihilum, nusquam
mundi moles dependet, nec est ubi
sit quod creatum est ut sit. Quo-
modo ergo nusquam est quod no-
vimus quia est? Sed hæc fortasse ad
te multa sunt: ad temetipſum ho-
mo revertere. Certe ex spiritu es
creatus & limo: uno invisibili, al-
tero visibili: uno sensibili, & alte-
ro insensibili. Quomodo ergo per-
misceri in te potuit spiritus & li-
mus, atque ex diverso fieri res non
diversa, ita ut in tanta convenien-
tia misceretur spiritus & limus: ut
cum caro atteritur, spiritus mar-
ceat; & cum spiritus affligitur, ca-
ro contabescat? Sed forsitan necdum
prævalet discutere temetipſum. Per-
pende, rogo, si vales, quomodo
Rubrum mare virga diviſum est:
quomodo petrae duritia percussione
virgæ undas emanavit: quomodo
Aaron virga sicca floruit: quomo-
do ex ejus genere veniens Virgo
concepit: quomodo ^b & in partu
virgo permansit: quomodo quatri-
duanus mortuus jussione suscitatus,
^c ligatis manibus ac pedibus de se-
pulcro exiit, quem postmodum sol-
vi Dominus per discipulos jussit:
quomodo idem Redemptor noster in
vera carne atque ossibus resurgens,
clausis ostiis ad discipulos intravit.

10. Ecce hæc investigare non

M 2 va-

Multa in
rerum na-
tura non
minus nos
latent,
quam resur-
rectio.

a

b

c

Citra re-
surrectionis
fidem cetera
frustra cre-
duntur.

^a Excusi, MSS. invitis, gyrus cali...:
abyſſus.

^b Val-cl. cum sex Norm. post partum.

^c Editi, ligatus.

a vales, & tamen credis. Cur ergo ^a de resurrectionis gloria disputando & discutiendo dubitas, qui tam multa mysteria sine discussione credidisti? Qui tamen si resurrectionem carnis non credis, omnia sine causa credidisti: quia in hoc angelorum spectaculo videris quidem velociter currere; sed postquam cursum peregeris, ne bravium accipias averfari. Unde per Paulum dicitur:

1. Cor. 9. 24. *Sic currite ut comprehendatis.* Qui

1. Cor. 15. 19. rursus ait: *Si in hac vita in Christo tantum sperantes sumus, miserrabiliores sumus omnibus hominibus.* Divinae autem virtutis mysteria quae comprehendendi non possunt, non intellectu discutienda sunt, sed fide veneranda. Sciendum itaque nobis est, quia quicquid ratione hominis comprehendipotest, mirum esse jam non potest: sed sola est in miraculis ratio, potentia facientis. Ecce dum ^b de resurrectione carnis loquimur, ab expositionis ordine paululum digressi sumus. Adea ergo quae coepimus, redeamus.

Boni auditoris doctores.

11. Habent autem interiores portae vestibula; quae viginti & quinque cubitis in longitudinem metiuntur. Si enim octo ter ducimus, ad viginti & quatuor pervenimus. Cui unus additur, ut viginti & quinque teneamus. Auditores etenim boni, qui quasi quaedam vestibula sunt portarum, aeternae spei longanimitatem tenent, octavum diem in Trinitatis fide sustinent. Quae Trinitas ^c quia unus est Deus, octo quidem per tria ducunt, sed in unius Dei ^d confessione solidantur. Plana sunt vestibula; quia humilia sunt corda bonorum auditorum. Habent longitudinem, quia in spei perseverant longanimitate. Viginti & quinque cubitis earum longitudo mensuratur; quia resurrectionem carnis in octava per Trinitatem credunt, & eam-

dem sanctam Trinitatem unum esse Deum fatentur. Habent quoque quinque cubitos in latitudinem: quia per vitam simplicem quae quinque sensibus ducitur, circa amorem proximi dilatantur. Et notandum, quia postquam portarum vestibula superius alia dicta sunt, postmodum vestibulum quod quinque cubitos habet in latitudinem exterius respicere dicitur: quia nimirum sunt auditores alii, qui intellectum interioris vitae magis virtutibus proficundo penetrant; & sunt quidam simplices, qui bene quidem, sed juxta sensus corporeos vivunt. Unde & exterius respicere dicuntur. Quasi anima extra respiciunt, quia juxta sensus corporeos vivunt. Sed tamen & exterius respicientes intus sunt; quia etsi sensus corporeos intelligendo transcendere nesciunt, fidem tamen atque caritatem humiliter tenent. Et intus ergo sunt in spiritali edificio per amorem, & quasi foris respiciunt per simplicitatem.

12. Potest per vestibulum quod exterius respicit, fides incoantum designari: & per vestibulum quod est interius, fides perfectorum, qui jam per eam in signis & virtutibus emicant. Possunt etiam per vestibulum interius praecepta altiora: per vestibulum vero quod respicit exterius, praecepta adhuc minima figurari. Per vestibulum quippe itur ad gradus & ad portam: quia per praecepta praedicationis pertingitur ad virtutes, atque aditum gratiae coelestis. Cum vero jubetur aliis in cogitatione sua aeterna meditari, coelestia sapere; eisque dicitur in psalmis & hymnis & canticis spiritalibus vivere, quasi interius vestibulum ostenditur, quod quinquaginta cubitis longitudine, & vigintiquinque latitudine mensuratur. De quibus

Alia fides incoantum, alia perfectorum. Praecepta alia altiora, alia minima.

^a Laud. ad marg. de resurrectione carnis.

^b Suess. de resurrectionis gloria.

^c Abest, quia, a Longip. & Val cl.
^d Laud. Longip. & Suess. visione.

1. Cor. 7. 3.

numeris nunc tacemus: quia ex his jam multa superius diximus. Cum vero aliis præcipitur, *Uxori vir debitum reddat, similiter autem & uxor viro*; quasi vestibulum quod exterius respicit, designatur. Quod quamvis extra respiciat, tamen intus est: quia rudis auditor & adhuc agit quod carnis est, & tamen a bonorum numero alienus non est.

Quid per orientis portam, quid per Austri & Aquilonis designetur.

2

13. Potest autem & per Orientis portam Dominus, & per Austri Judæa, per Aquilonis vero conversa Gentilitas designari. (^a Portam autem Dominum dicimus, quia per ipsum intramus ad ipsum. Portas vero Judæam & Gentilitatem non incongrue nominamus, quia prius Hebræis, & postmodum patribus ex Gentilitate venientibus aditum ædificii cœlestis agnovimus.) Sed hac in re quæstio animum pulsat, cur in superiori narratione Prophetæ, prius Orientalis, postmodum Aquilonis, ac deinde Austri porta descripta est. Cumque easdem portas in interiori atrio narraret, prius portam Austri, deinde Orientis, & tertio in loco descripsit Aquilonis. Cur autem non eundem ordinem quem cœperat, tenuit, sed hunc in portarum descriptione permutavit: ut & prius diceret Orientis portam, Aquilonis, & Austri: & postmodum Austri, Orientis & Aquilonis? Sed si Aquilonis nomine Gentilitas designatur, cunctis studiosè legentibus liquet, quia ante synagogam Gentilitas fuit. Nam Hebræi ipse, a quo Hebræi appellati sunt, ex Gentibus est electus. Dicatur ergo porta Orientalis ante portam Aquilonis & Austri: quia in divinitate sua Dominus ante Gentilitatem & Judæam natus est, qui & ante omnia secula.

A quo Hebræi appellati.

Dicatur vero narratione subsequenti porta Austri, Orientis & Aquilonis: quia Redemptor noster in humana natura inter Judæam & Gentilitatem nasci dignatus est: quia & ^b in fine synagogæ venit, & ante initium Ecclesiæ, quam ex Gentibus collegit. In prima ergo descriptione sit Orientalis porta ante portam Aquilonis & Austri: & in secunda autem inter portam Austri & Aquilonis, Orientis porta nominetur, quia & ex divinitate antecessit omnia, & ex humanitate venit inter omnia: qui & ^c decedentis Judææ finis factus est, & subsequenter Gentilitatis initium. Igitur quia ea quæ necdum dicta fuerant, ut, Domino largiente, potuimus, rimati sumus, & ea quæ sapius sunt replicata, transcurrimus: nunc ad ea veniamus quæ sic jam per ordinem dicuntur, ut in eis pene nihil de his quæ dicta sunt, replicetur:

b

c

Et per singula gazophylacia ostium vers. 38. *in frontibus portarum.*

14. Gazophylacia * superius diximus corda doctorum, quæ scientiæ divitias servant. Frontes autem portarum sunt verba atque opera prædicatorum, in quibus eos foris agnoscimus, quales apud se intrinsecus vivant. Est autem ostium per gazophylacia singula in frontibus portarum: quia unusquisque doctor in corde auditoris intellectum aperit in dictis & operibus patrum. Cum enim Petri Apostoli prædicationem discutimus, cum Pauli verba perscrutamur, cum Johannis Evangelium investigamus, atque ex eorum verbis auditores nostros ad interiorum intellectum trahimus, quid aliud agimus, nisi ostium in portarum frontibus aperimus? Dicatur

* Hom. 6. olim 12. num. 1. & seq. Ex dictis & operibus sanctorum patrum auditores erudiendi.

cr-

^a Intra uncinos comprehensa restituimus ex MSS. Laud. Sueff. & Longip.

^b Ita Laud. Longip. & Norm. cum Anglic. Val-cl. cui consentiunt editi, in fide.

Melius in fine synagogæ, propter antithesin initii Ecclesiæ.

^c Longip. decedentis.

ergo : Per singula gazophylacia ostium in frontibus portarum : Quia si doctor hoc quod loquitur, Apostolorum dictis minime confirmat, in frontibus portarum ostium non habet. Et si ostium non habet, dici jam gazophylacium spiritualis ædificii non potest : ^a quia si intellectum non aperit, doctor non est. Cum vero auditores boni per ora docentium, Apostolorum dicta & opera cognoscunt, culpas suas apud semetipsos ^b tacite reprehendunt, & lacrymis insequuntur omne quod se egisse inique meminerunt. Unde hic quoque de ostio quod est in frontibus portarum, subditur :

Ibidem.

Deo voto consecrati holocaustum sunt, quod lacrymis est lavandum.

Ibi lavabant holocaustum.
15. Qui enim se per fidem in conversatione sancta Domino devoverunt, holocaustum Domino facti sunt. Sed quia adhuc multa in se de corruptibili sua carne patiuntur ; quia adhuc in eis cordis munditia fordidis cogitationibus inquinatur, quotidie ad lacrymas redeunt, assiduus fletibus affliguntur. Sanctorum enim patrum dicta & facta considerant, & cum se indignos pensant, in portarum ostio holocaustum lavant. Ecce etenim ^c quis pro timore omnipotentis Domini esse patiens devovit, nulli convicium pro convicio reddere, omnia æquanimitate tolerare, & tamen cum hunc contumelia ab ore proximi illata subito percusserit, turbatus forte aliquid loquitur, quod loqui non debuit. Certe iste iam holocaustum est, sed adhuc inquinatum. Fortasse contra illatas contumelias patientiam exhibuit, tacitus permansit ; sed tamen contra easdem contumelias quas portat, dolore tangitur, ejusque animus in caritate sauciatur. Patientia enim vera est, quæ & ipsum amat quem portat. Nam to-

Pleraque opera bona inquinantur.

lerare, sed odisse, non est ^d virtus mansuetudinis, sed velamentum furoris. Hic itaque sæpe in cogitatione sua se judicat, reprehendit semetipsum quia dolet, nec tamen apud se prævalet obtinere ne doleat. Jam ergo per bonam devotionem holocaustum est, sed tamen per dolorem quo tangitur, adhuc inquinatum. Alius ea quæ possidet apud semetipsum decrevit indigentibus cuncta tribuere, nil sibi met reservare, vitam suam soli supernæ gubernationi committere : sed dum præbet pauperibus quæ habet, fortasse ^e cogitatio menti subrepat quæ dicit : Unde vives, si cuncta dederis ? Nec tamen desistit tribuere : sed quod lætus dare cœperat, postmodum tristis præbet. Quid hujus mens, nisi misericordiæ holocaustum est ? sed tamen per tristitiam cogitationis inquinatum. Aut enim deliberare summa non debuit, aut post deliberationem nullo modo dubitare. Alius, contempta mundi superbia, honores atque dignitates hujus sæculi decrevit vitare : ultimum appetit inter homines locum tenere, ut tanto excelsior inveniat in permanenti gloria, quanto humilior aspicitur in transeunte vita. Is fortasse cum subito se a proximo despicere agnoscit, dedignatur cur despicitur. Vult quidem esse in loco humili, sed tamen videri contemptibilis non vult. Hunc jam devotio elevat, sed adhuc infirmitas gravat. Jam ergo per devotionem holocaustum est, sed adhuc ex infirmitate inquinatum. Hi itaque qui in eis quæ optime devoverunt, in aliqua infirmitatis suæ culpa tanguntur, cum per verba doctorum dicta patrum intelligunt, & in quantâ culpa jaceant, agnoscunt, seque ipsos pœnitentiæ lamentis afficiunt,

d

c

Lamentis pœnitentiæ sunt lavanda.

^a Plur. quia si de his intellectum.

^b Vel, taciti, ut habent Laud. & Longip.

^c Laudun. & Sueff. qui se.

^d Sueff. non est veritas.

^e Lyran. cunctatio.

ciunt, holocaustum in ostio portarum lavant.

Quinam Deo sacrificium offerant, qui holocaustum?

16. Sciendum vero est, quia hoc inter sacrificium atque holocaustum distat, quod omne holocaustum sacrificium est, sed non omne sacrificium holocaustum. In sacrificio etenim pars pecudis, in holocausto vero totum pecus offerri consueverat. Unde & holocaustum Latina lingua Totum incensum dicitur. Pensamus ergo quid est sacrificium, quid holocaustum. Cum enim quis suum aliquid Deo vovet, & aliquid non vovet, sacrificium est. Cum vero omne quod habet, omne quod vivit, omne quod sapit, omnipotenti Deo voverit, holocaustum est. Nam sunt quidam qui adhuc mente in hoc mundo retinentur, & tamen ex possessis rebus subsidia egentibus ministrant, oppressos defendere festinant. Isti in bonis quæ faciunt, sacrificium offerunt: quia & aliquid de actione sua Deo immolant, & aliquid sibimetipsis reservant. Et sunt quidam qui nihil sibimetipsis reservant, sed sensum, linguam, vitam, atque substantiam quam perceperunt, omnipotenti Domino immolant. Quid isti, nisi holocaustum offerunt; immo magis holocaustum fiunt? Israeliticus etenim populus primum sacrificium in Ægypto obtulit, secundum vero in eremo. Qui itaque adhuc mentem habet in seculo, sed boni jam aliquid operatur, Deo sacrificium obtulit in Ægypto. Qui vero præsens seculum deserit, & agit bona quæ valet, quasi jam Ægypto derelicta sacrificium præbet in eremo: quia repulso carnalium desideriorum^a strepitu, in mentis suæ quiete atque solitudine Deo immolat quidquid operatur. Quamvis ergo, sicut dictum est, sacrificium sit etiam holocaustum, majus tamen est holocaustum

sacrificio: quia mens quæ hujus mundi^b delectatione non premitur, totum in omnipotentis Dei sacrificio incendit quod habet.

b

17. Sed sciendum nobis est, quia sunt quidam qui etiam seculum relinquentes, totum quidem quod habent, offerunt, sed tamen in bonis quæ agunt, minime compunguntur: & quidem bonum, quod agunt, holocaustum est; sed quia flere ac semetipsos dijudicare nesciunt, seque ex amore ad lacrymas non accendunt, perfectum eorum holocaustum non est. Hinc per Psalmistam dicitur: *Memor sit Dominus omnis sacrificii tui, & holocaustum tuum pingue fiat*. Holocaustum quippe siccum, est bonum opus quod orationis lacrymæ non infundunt. Holocaustum vero pingue est, quando hoc quod bene agitur, corde humili etiam per lacrymas irrigatur. Unde rursus dicitur: *Holocausta medullata offeram tibi*. Quisquis enim bonum opus agit, sed ex omnipotentis Dei amore atque desiderio flere nescit, holocaustum habet; sed medullam in holocausto non habet. Qui vero bona operatur, & visioni jam Creatoris sui inhiat, atque ad æternæ contemplationis gaudia pervenire festinat, seque ipsum ex amore quo accenditur, in fletibus mastrat, holocausta Domino medullata dedit. Studendum ergo nobis est & mala funditus relinquere, & bona quæ sufficimus, operari, atque^c in ipsis bonis quæ agimus, amore æterni luminis compungi. Ipse enim cordis tenebras discutit amor lucis, ut subtilius videre valeamus, nequa in bonis quæ agimus, prava misceantur. Considerandum nobis quippe est opus nostrum quale sit, quæ cogitatio in opere, quæ intentio in cogitatione. Et cum nostro bono operi admixtum

Quorum holocaustum non sit perfectum.

Pater. Excerpt. in. ps. 19. 4.

Psal. 19. 4.

Qui pingue fiat & medullatum?

Ps. 65. 15.

Qui in Ægypto; qui in deserto.

a

c

^a Ebroic. cum cet. Norm. tumultu.

^b Laud. & Val-cl. dilectione,

^c Laud. atque ut in ipsis . . . compungamur.

tum aliquid malitiæ, vel prævæ delectationis agnoscimus, redeamus ad lacrymas, lavemus holocaustum.

Peccata
præterita
perfecti de-
flectant.

18. Sunt autem quidam, qui semetipsos in magnis actionibus Domino devoverunt, atque ad tantam perfectionem perveniunt, ut ab eis nulla unquam difficultate flectantur, ^a quatenus deliberatione castitatis nequaquam caro in prævæ cogitationis delectatione animum sternat. Nam & si quando per suggestionem pulsatur, surgere non permittitur, quia vigore iudicii calcatur. In deliberatione quoque patientiæ non sermo inordinatus ab ore prodeat, nec dolor tacitus animum premat: ut in largitate elemosynæ nulla inopiæ suspicio tristitiam generet: ut in deliberatione humilitatis nullus ^b despectus animum mordeat. Sed cum jam in his quæ recte devoverunt, sese fortiter exhibent, priora tamen peccata quæ ab ipsis ante bonam deliberationem perpetrata sunt, ad memoriam reducunt, & plangunt quidquid illicite se egisse meminerunt. Hi itaque per vitam quam tenent, holocaustum sunt, sed per vitam quam ante tenuerunt, inquinatum. Lavant ergo holocaustum in ostio portarum: quia in intellectu quem perceperunt de dictis patrum, lamentis se quotidianis afficiunt, & mendant vitam lacrymis, quam pravis aliquando actibus inquinaverunt. Nos itaque inter hæc ad vitam præteritam mentis oculos reducamus, reminiscamur ^c qui fuimus, cum mundi hujus concupiscentias sequeremur. Et si jam Domino toto corde servimus: quia nos peccasse meminimus, ^d desicamus; in fletibus lavemus holocaustum.

Involuntarii
vitiis
motus poenitentia
ca-
stigandi.

19. Ecce omnipotenti Deo devovimus castitatem nostram: sed si ad-

huc immunda cogitatio mentem inquinat, redeamus ad lacrymas, lavemus holocaustum. Ecce patientiam nos servare decrevimus. Sed si adhuc ira perturbat, si mentem tacitus dolor excruciat, redeamus ad lacrymas, lavemus holocaustum. Ecce, jam novimus possessa tribuere, atque in hoc mundo humilem locum tenere: si qua adhuc animi inopiæ suspicio deprimit, si despectus proximi in aliqua nos indignatione confundit, redeamus ad lacrymas, lavemus holocaustum. Magnus est enim Creatori nostro ad recipiendos ^e fletus humilium, misericordiæ sinus. Ubi enim innumera- bilium hominum fletus suscepti sunt, ibi locum suum inventuræ sunt & lacrymæ nostræ. Pensemus quid per alium Prophetam dicitur: *Et* ^f *erit qui offenderit ex eis in illa die quasi David, & domus David quasi Dei, sicut Angelus Domini in conspectu ejus.* Hæc est dies misericordiæ nobis quæ de adventu Redemptoris nostri promissa est. Qui itaque offenderit, erit quasi David; quia peccator ad poenitentiam redit: domus autem David, quasi Dei; quia reversus quisque ad justitiam, habitatio efficitur Creatoris sui, ut sit sicut Angelus in conspectu ejus; quia misericordiæ viscera quæ in se expertus est, annuntiando & aliis propinat. Hinc etiam paulo post illic dicitur: *In die illa erit fons patens domus David habitantibus Jerusalem, in ablutionem peccatoris & menstruatæ.*

Pater. in
Zach. c. 7.
e

Zach. 13. 1.

20. Fons quippe occultus, est ^f Christus unigenitus Patris invisibilis Deus. Fons vero patens est idem Deus incarnatus. Qui fons patens recte domus David dicitur: quia ex David genere noster ad nos Redemptor processit.

Christus
fons mise-
ricordiæ
patens per
incarnatio-
nem.

^a In excusis, quatenus a deliberatione.

^b Longip. dolor.

^c Vel, quid fuimus, quod legitur in Genet. Ebrœic. &c.

^d Sueff. desquamus in fletibus.

^e Longip. fletus hominum.

^f Val-cl. consentientibus Norm. unicus Patris.

cessit. Jerusalem vero Visio pacis interpretatur. Hi autem Jerusalem habitant, qui in visionem pacis intimam mentem figunt. Peccator vero & menstruata, est vel is qui delinquit in opere, vel mens quæ labitur in prava cogitatione. Menstruata namque ista pollutio est: quia & aliena carne non tangitur, & sua carne inquinatur. Sic itaque, sic est omnis anima, quæ etsi malum opus non agit, polluta tamen ^a cogitatione sordescit. Unde etiam per Prophetam alium sub Judææ specie de anima immundis desiderii occupata dicitur: *Omnes qui querunt eam, non deficient, in menstruis ejus invenient eam.* Maligni quippe spiritus quærentes non deficient, cum inferre perditionem cupiunt, & nulla bonæ ^b cogitationis rectitudine repelluntur. Atque in menstruis suis animamveniunt, quando in pollutis cogitationibus positam facile ad perversam operationem trahunt.

Zach. 13. 1.

Dicatur ergo: *In die illa erit fons patens domus David habitantibus Jerusalem, in ablutionem peccatoris & menstruata: quia apertus jam nobis est fons misericordiæ Redemptor noster, qui in domo David incarnari dignatus est, ut peccatorem lavet a perverso opere, & menstruata mentem diluat ab immunda cogitatione. Patet igitur fons; curramus cum lacrymis, lavemur in hoc fonte pietatis.*

In hoc fonte loti David.

Pf. 50. 14.

21. In hoc fonte ipse quoque David lotus est, cum rediit ad lamenta pœnitentiæ post maculas gravis culpæ. Ipsum quippe invenire fontem quærebat, cum diceret: *Redde mihi lætitiā salutaris tui, &*

spiritu principali confirma me. Jesus enim Hebraice, Latine Salutaris dicitur. Et quid est, quod sibi lætitiā Jesu reddi postulabat, nisi quod hunc ante culpam contemplari consueverat, ejusque contemplationis gaudia in culpa perdiderat? Unde recte post pœnitentiā, visionis ejus lætitiā sibi reddi quærebat. In hoc fonte misericordiæ lota est Maria Magdalene, quæ prius famosa peccatrix, postmodum lavit ^c maculas lacrymis, deterfit maculas corrigendo morēs. In hoc fonte misericordiæ ^d coram omnibus lavit Petrus quod negaverat, quia flevit amare. In hoc fonte misericordiæ ^e in fine suo lotus est latro, qui semetipsum in morte reprehendens, a culpa sua ablutus est confessione veritatis.

Maria Magdalene.

Petrus & Latro.

Torpor ad pœnitentiā incrementum.

22. Cur igitur pigri sumus? cur torpentes & frigidi remanemus, qui in hoc fonte pietatis tantos jam se lavisse cognovimus? Ergone de emundatione nostra desperabimus, qui tot exempla misericordiæ in pignore tenemus? & cessamus veniam quærere, atque cum lacrymis fiduciam habere, qui tantorum jam emundationem spei nostræ pignus accepimus? Quærere enim misericordiæ fontem deberemus, etiam si clausus esset. Patet nunc, & negligimus. Mittamus oculos fidei in mundum universum, consideremus quanti peccatores diebus ac noctibus per lamenta in hoc fonte misericordiæ lavantur, quanti post tenebras ad lucem, quanti post maculas ad munditiā redeunt. Curramus ergo cum talibus post mortis tene-

^a Longip. in cogitatione.

^b Al. conversationis, ut est in Gemet. & al. Norm.

^c Laud. & Longip. maculas criminis. Hic sanctus Doctor Mariam Magdalenam, & peccatricem mulierem, quas e sanctis patribus distinguunt plurimi, unam & eandem esse supponit. De hac controversia le-

Tom. V.

gendus Tillemontius & alii sive sancti Evangelii interpretes, sive historiæ sacræ Scriptores.

^d Ita omnes mss. nostri, nisi quod Suesl. & Longip. habent, coram omnibus Apostolis.

^e Ebroic. Lyr. Val-cl. felix ille volutus est latro.

tenebras ad aquam vitæ: considerare
mus quantum peccavimus, quantum
quotidie peccavimus, atque ut ap-
pareamus mundi post culpas, lave-


mus holocaustum. ^a Ad hæc agenda
adest gratia Redemptoris nostri, qui
vivit & regnat in secula seculorum.
Amen.

2

^a Reliqua defunt in Norm. & in edit.
excepto Gussanv. Exstant in Laud. & Lon-
gip. ubi legitur: *qui vivit & regnat cum*

*Patre in unitate Spiritus sancti Deus per
omnia secula seculorum. Amen.*





Al. xxi.

H O M I L I A IX.

Quinque Versus a 39. ad 43. exponendi proponuntur, & vix tentato sensu litterali, spiritualis & moralis proferuntur, ac de Pastoris officio imprimis differitur.



Uid sumus de mysticis sensibus Ezechielis Prophetæ locuturi, qui ipsa ejus historiæ verba vix capimus? Ecce etenim dicit:

Vers. 39. 40.
& 41.

Et in vestibulo portæ, duæ mensæ hinc, & duæ mensæ inde: ut immoletur super eas holocaustum, & pro peccato, & pro delicto. Et ad latus exterius, quod ascendit ad ostium portæ quæ pergit ad Aquilonem, duæ mensæ: & ad latus alterum ante vestibulum portæ, duæ mensæ. Quatuor mensæ hinc, & quatuor mensæ inde per latera portæ. Octo mensæ erant, super quas immolabant.

Prophetiæ
Ezechielis,
quoad lit-
teralem
sensum ob-
scuritas.

1. In quibus videlicet verbis magna caligo dubietatis oboritur, utrum hæc de una porta qualibet, an de duabus, aut de singulis portis dicantur. Sed dum quaternæ mensæ per latera describuntur, ac postmodum in summa conclusionis dicitur: *Octo mensæ erant super quas immolabant*; patet quia hoc spiritus non de singulis portis quas superius descripserat, dicat: quia si portæ sex superius enarratæ, quaternas mensas per latera haberent, simul omnes non octo, sed quadraginta & octo dicerentur. Rursum si hoc de una dicitur, magno obstaculo nostra

intelligentia reverberatur, quod post descriptum portæ vestibulum, ubi duæ mensæ hinc, & duæ mensæ inde esse narratæ sunt, adhuc ad latus exterius, quod ascendit ad ostium portæ quæ^a pergit ad Aquilonem, duæ mensæ esse memorantur; atque subjungitur: *Et ad latus alterum ante vestibulum portæ duæ mensæ*. Si enim intra vestibulum portæ, binæ per latera mensæ erant, cum subditur: *Et ad latus exterius duæ mensæ, atque ad latus alterum ante vestibulum duæ mensæ*, inter quas etiam porta quæ respicit viam Aquilonis, esse memoratur: profecto patet aliud vestibulum intrinsecus, atque aliud extrinsecus fuisse: ^b quia & prius porta interior, & postmodum hoc in loco exterior Aquilonis porta describitur. Nam cum tres portas superius descripsisset; tres quoque alias interioris atrii esse memoravit, quarum extremam Aquilonis portam narraverat: sed ut prædictum est, atrii interioris. ^c Nunc ergo cum duæ mensæ hinc in portæ vestibulo, & duæ mensæ inde describuntur, adhuc de eadem interiori porta sermo contexitur; quippe cum protinus subinfertur, quia *ad latus exterius, quod ascendit ad ostium portæ quæ pergit ad Aquilonem, duæ mensæ: & ad la-*

a

b

c

N 2 tus

^a Ita Sueff. Longip. Val-cl. cum Norm. & Anglic. Hic mutili sunt codices Bece. & Rotomag. Editi, *pertingit*.

^b Laud. Sueff. Longip. *quia hoc in loco interior Aquilonis porta describitur, contra quam esse portam exterior ante vestibulum*

non dubitatur.

^c In Laud. Sueff. & Longip. hic & infra multa occurrunt a vulgata lectioe prorsus diversa; quæ, cum hoc loco retinere non possint, in præfatione prævia observavimus num. xi.

tus alterum ante vestibulum portæ, duæ mensæ. Porta ergo interior binas per latera in vestibulo mensas habere descripta est, & porta exterior similiter binas. Quatuor autem hinc, & quatuor inde mensæ pariter fiunt, dum per latera singula binæ in vestibulo portæ interioris, & binæ hinc & inde exterius in Aquilonis porta describuntur: quæ simul omnes octo sunt, in quibus immolatur. His itaque de exteriori narratione discussis, ad spiritalem intellectum sermo redeat: qui tanto jam esse, largiente Domino, facilius debet: quanto nos exterioris descriptionis ignorantia non angustat.

Idcirco fir-
mandus est
spiritualis
sensus.

2. Possunt etenim portarum nomine, sicut superius dictum est; sancti prædicatores intelligi, ut vestibulum portæ sit populus. Qui dum mente humili verba prædicationis suscipit, in eo mensæ ad sacrificium ex virtutibus construuntur. Rursum nihil obstat si portam accipimus hoc, quod nobis per ora prædicantium sacri eloquii intellectus aperitur; ut vestibulum portæ ejusdem nobis prædicationis verba sint, quæ prius humiliter accipimus, ut post ad sacri eloquii intelligentiam veniamus. ^a Sit itaque nobis porta interior Testamentum novum, porta vero exterior Testamentum vetus: quia & hoc spiritalem intellectum aperit, & illud rudibus adhuc mentibus in historia sacri eloquii litteram custodivit. Habet autem ^b porta interior in magna jam multitudine fidelium populorum duo latera; videlicet dilectionem Dei, & dilectionem proximi. Binæ autem mensæ sunt hinc & inde; quia in dilectione Dei necessario tenenda est fides ^c & vita; in dilectione autem proximi debet summo opere patientia

& benignitas custodiri. Est enim in dilectione Dei necessaria fides & vita; quia videlicet scriptum est: *Sine fide impossibile est placere Deo*. Et rursum scriptum est. *Fides sine operibus mortua est*. Est autem in dilectione proximi nobis patientia & benignitas conservanda; quia de eadem dilectione scriptum est: *Caritas patiens est, benigna est*. Patiens scilicet, ut illata a proximis mala æquanimiter portet; benigna autem, ut sua bona proximis desiderabiliter impendat. Habet quoque ^d porta exterior, videlicet Lex, duo latera; spiritales patres, & carnalem populum. In quibus singulis binæ mensæ sunt; quia habet in spiritualibus patribus doctrinam & prophetiam, habet in carnali populo circumcisionem & sacrificium. In his itaque octo mensis immolatur; quia quidquid fides credit, quidquid vita in exemplo boni operis ostendit, quidquid patientia humiliter tolerat, quidquid benignitas largiter ministrat, quidquid doctrina salubriter docet, quidquid prophetia in posterum præmonet, quidquid circumcisio ad mandatum exterius ligavit, quidquid sacrificium ex devotione offerentis egit, in omnipotentis Dei oculis hoc esse victimam ostendit. In Lege enim etiam per carnale sacrificium quid aliud populus, nisi devotionem sui cordis immolabat? Notandum vero quod quatuor mensæ solummodo ad holocaustum fuisse memorantur, quas videlicet vestibuli portæ interioris accipimus, ^e ut de reliquis quatuor sentiamus quia ad sacrificium constructæ fuerunt, non ad holocaustum. Holocaustum enim, sicut præcedenti jam locutione professus sum, Totum incensum dicitur. Et Lex quidem Deum ac proximum diligi, di-

Veteris &
novi Testa-
menti di-
scrimen.

a

b

c

d

e

^a Laud. Longip. & Sueff. consideremus itaque sanctam Ecclesiam & synagogam, & sit.

^b Laud. & Longip. vestibulum portæ interioris.

^c Sueff. Laud. visa munditia.

^d Laud. & Sueff. vestibulum portæ quod exterius.

^e Longip. ut de reliquis quatuor exterioris vestibuli.

divina mandata custodiri præcipit, ab alienarum rerum concupiscentia compescit; non tamen omnia dimitti jubet. In Testamento autem novo nos Veritas contestatur, dicens: *Nisi quis renuntiaverit omnibus quæ possidet, non potest esse meus discipulus.* Atque iterum dicit: *Qui vult post me venire, abneget semetipsum.* Mensæ ergo interioris portæ holocaustum habent: quia in virtutibus Testamenti novi quasi per holocaustum omnia incendimus, quando omnibus quæ hujus mundi sunt, renuntiamus. Mensæ vero ^a portæ exterioris sacrificium habent, sed holocaustum non habent; quia præcepta legalia decimas offerri jubent, sed dimitti omnia non jubent.

Luc. 14. 33.

Ibid. 9. 23.

a

Definitio peccati & delicti.

b

c

3. De interioris autem vestibuli quatuor mensis dicitur: *Ut immoletur super eas holocaustum, & pro peccato, & pro delicto.* Hoc etenim inter peccatum & delictum distat, quod peccatum est mala facere, delictum vero est bona derelinquere, quæ summopere ^b sunt tenenda. Vel certe peccatum in opere est, delictum in cogitatione. Recte ergo in interioris portæ quatuor mensis immolatur holocaustum, & pro peccato, & pro delicto, quia quicumque potuerit hoc præsens seculum pleniter contemnere, & derelinquens omnia, semetipsum Domino holocaustum dare, ipse jam perfecte novit & peccata operis plangere, & ^c delicta cogitationis, vel quod malum fecit, vel quod bonum quod debuit facere, non fecit. Qui etenim totum dimisit, culpas suas in fletibus jam liberius conspicit. Cumque ejus mentem terrena cura non præpedit, pro opere simul & cogitatione plangendo, mentem suam omnipotenti Domino quid aliud quam holocaustum dedit?

4. Neque hoc a ratione videtur extraneum, quod Propheta cum latus exterius diceret, & ostium portæ nominaret, addidit: *Quæ pergit ad Aquilonem.* In exteriori enim custodia litteræ Lex data tenebatur. Ostium vero portæ est ipse historicus intellectus Legis, qui ad Domini timorem ducit. Quæ portæ ad Aquilonem pergere dicitur; quia Lex eadem sub ^d timore mortis frigida Judaici populi corda constrinxit. Quasi enim per calorem ille populus curreret, si præcepta Dominica ex amore servasset. Sed quia sub timore mortis propositæ litteram custodivit, quasi in torpore frigoris remansit. Unde novis populis æterna præmia amantibus, non autem temporalia tormenta timentibus, atque jam calentibus dicitur: *Non accepistis spiritum servitutis iterum in timore, sed spiritum adoptionis, in quo clamamus, Abba, pater.* Dicitur autem: *Quatuor mensæ hinc, & quatuor mensæ inde per latera portæ.* Dum enim fides & vita, doctrina & prophetia in bonorum mentibus custoditur, porta nostra, id est intellectus sacri eloquii, quatuor ex latere mensas habet. Cumque in proficientibus populis sancta prædicatio patientiam & benignitatem servat, quæ prius in carnalibus circumcisionem & sacrificium custodivit, mensæ quoque quatuor quasi ex alio latere monstrantur. Quæ simul omnes octo ad immolandum fiunt, quatuor videlicet interiores ad holocaustum, quatuor vero exteriores ad sacrificium; quia & hi qui in sancta Ecclesia fidem, ^e vitam, patientiam atque benignitatem custodiunt, summis jam proculdubio virtutibus pollent: & hi qui in synagoga doctrinam & prophetiam, circumcisionem & sacrificium co-

Judæi timore ligati torpebant.

Christiani amore aguntur.

Rom. 8. 15.

e

^a Laud. vestibuli exterioris sacrificium.

^b Anglicani cod. consentiente Lyr. sunt ea vendit.

^c Lyr. & edit. pl. maxime 1502. peccata.

^d Val-cl. & Norm. timore minarum.

^e Laud. & Longip. vitæ mundiciam.

gnoverunt, alia offerendo, atque simetipsis alia retinendo, devotionis suæ victimam omnipotenti Domino dederunt. Sed quia superius dictum est, idcirco mensas quatuor^a interioris vestibuli constructas, ut immoletur super eas holocaustum & pro peccato & pro delicto, inde mensæ ipsæ constructæ sint, inferius aperitur, cum subditur:

vers. 42.

Quatuor autem mensæ ad holocaustum de lapidibus quadris exstructæ.

Sancti lapidibus quadris comparati.

5. Quos enim hoc loco lapides quadros accipimus, nisi quoslibet Sanctos, quorum vita in prosperitate atque adversitate novit fortiter stare? Lapis etenim quadrus æque stat, in quocumque latere fuerit versus. Quisquis ergo in prosperitate non extollitur, in adversitate non frangitur, suasionibus ad malum non trahitur, vituperationibus a bono opere non revocatur, lapis quadrus est. Et quasi ex omni latere statum habet, quia casum in qualibet permutatione non habet. Certe cum Judæorum populum Propheta a fide perire cognosceret, & sanctos Apostolos surgere in Ecclesia prævideret, per quos multi sunt ex Gentibus in fidei & vitæ^b fortitudine solidati, in magna consolatione locutus est, dicens: ^c *Lapides ceciderunt, sed quadris lapidibus edificabimus.* Videns quippe in sancta Ecclesia Apostolos, Martyres, atque Doctores surgere, de lapidum casu, id est de Judæorum perditione minus doluit: quia omnipotentis Dei ædificium, id est sanctam Ecclesiam de quadris lapidibus ædificari conspexit. Mensæ ergo quatuor

Pater. in Isai. c. 18.

b

c Isai. 9. 10.

a fidem cod. in interiori vestibulo esse constructas.
b Laud. certitudine.
c Laud. & Longip. lateres. Et infra; de laterum casu; consentiunt Hebr. textus, Vulgata, & altæ versiones. Favet intentus a Propheta sensus. Attamen in ceteris mss. præsertimque in Norm. legitur lapides, lapidum; quos sequuntur omnes edii. Po-

de quadris lapidibus construuntur: quia fides & vita, patientia & benignitas de vita Sanctorum in exemplum datæ sunt sequentibus populis; ut jam vestibulum mensas habeat, id est virtutes vitæ^d populus teneat, in quibus omnipotenti Deo orationis sacrificium in ara sui cordis incendat. Quidquid enim boni fideles sanctæ Ecclesiæ populi vel fecerunt, vel faciunt, hoc in exemplum de prædicatorum suorum vita susceperunt. Unde enim mensas hoc vestibulum haberet, nisi quadros lapides invenisset? Ut enim unum de quadris lapidibus breviter ad medium deducamus, vultis fratres carissimi, fidem videre? *Mibi vivere Christus est, & mori lucrum.* Vultis vitam cognoscere? *Mibi mundus crucifixus est, & ego mundo.* Vultis patientiam audire? *Usque in hanc horam & esurimus, & colaphis cedimur, & instabiles sumus, & laboramus operantes manibus nostris: maledicimur, & benedicimus, persecutionem patimur, & sustinemus: blasphemamur, & obsecramus.* Vultis benignitatem cognoscere? *Ego autem libentissime impendam, & superimpendar ipse pro animabus vestris.* Ac ne forsitan credamus quia^f eorum amor pro quibus impendi desiderat, debitor fuerit, mox ad eosdem discipulos subjungit, dicens: *Licet plus vos diligens, minus diligar.* ^g Cum ergo a populo fidei ad imitandas virtutes sanctorum prædicatorum vita cognoscitur, profecto in vestibulo de quadris lapidibus mensæ construuntur. Habuit vero & synagoga spiritales patres in doctrina atque prophetia, ex qui-

d

Præsertim Paulus.

Philip. 1. 21.

Galat. 6. 14

1. Cor. 4. v. 11. 12. 13.

2. Cor. 12. 15.

f

Ibidem.

g

tuit facile excidere Gregorio lapides dicere, pro lateres.

d Sueff. Laud. Longip. populus fidelis agnoscat per quas.

e Lyr. & sitimus, & colaphis.

f Deest, amor, in omnibus excusis. Reperitur in omnibus pene mss.

g Laud. & Longip. sed esto. Cum ergo.

quibus exemplum vitæ in virtutibus traheret. Sed rudis ejus populus magis per timorem serviens, quam per amorem sequens, vitam patrum noluit imitari, quam vidit; atque

a

Typicus
sensus.

b

c

d

Quatuor in
Ecclesia re-
gentium
sunt ordi-
nes.

Eph. 4. 11.

Recte gre-
gem Dei
pascit, qui
docet.

e

6. Porta etenim nostra in interiori vestibulo quatuor mensas habet; quia sancta Ecclesia (^b quatuor Evangelistarum prædicatione erudita est: per quorum doctrinam didicit cor in amorem Dei omnipotentis ^c ascendere, & suas ei in sacrificio cogitationes immolare. Quarum duæ hinc, & duæ inde esse referuntur; quia duo Evangelistæ ^d & quæ de Domino viderunt attestati sunt; & duo, illa narraverunt quæ præcedentium auditu didicerant. Vel certe quatuor mensæ sunt interioris vestibuli, hoc quod patenter aspicimus, quia sancta Ecclesia) ad eruditionem fidelium populorum, quatuor regentium ordines accipit, quos Paulus ex dono omnipotentis Dei enumerat, dicens: *Ipse dedit quosdam quidem Apostolos, quosdam autem Prophetas, alios vero Evangelistas, alios autem Pastores & Doctores*. Pastores vero & Doctores unum regentium ordinem nominat, quia gregem Dei ipse veraciter pascit, qui docet. Habuit quoque & ^e porta exterior mensas quatuor: quia videlicet synagoga, obsequii exterioris obser-

vantiam per principes sacerdotum & seniores populi, per Scribas atque Phariseos tenuit. Qui scilicet Pharisei, etiam Legis doctores vocati sunt. Sive autem exteriori, seu interiori portæ duæ mensæ hinc sunt, & duæ inde: quia in exordiis suis sancta Ecclesia Apostolos & Prophetas habuit. Prophetas autem dicimus non eos qui in veteri populo fuerunt, sed eos qui in sancta Ecclesia post Apostolos sunt exorti. Posteriori quoque tempore, quod nunc est, habet Evangelistas atque Doctores. Quia vero ^f Evangelium Bonum nuntium dicitur, Evangelistas utique appellamus, qui rudibus populis bona patriæ cœlestis annuntiant. Qui videlicet Evangelistæ atque Doctores & priori quidem tempore fuerunt, sed & nunc usque, Domino largiente, permanent: quia adhuc quotidie & infideles populos ad fidem trahi, & fideles quosque in bonos mores per Doctores erudiri cognoscimus. Apostoli vero & Prophetæ ab hoc tempore præsentī sublati sunt: atque ideo dicimus quia mensæ hæ portæ nostræ, id est sanctæ Ecclesiæ quasi in alio latere fuerunt.

Sublaris
Apostolis
& proph-
etis Evange-
listæ per
quos fides
propaga-
tur, reman-
serunt.

7. Habet & porta quæ pergit ad Aquilonem, duas mensas hinc, & duas inde: eosdem quos diximus, principes sacerdotum & seniores populi in majori auctoritate regiminis; Scribas quoque & Phariseos, qui rudi illi populo minori loco præfuerunt. ^g Sed hæ mensæ juxta portam sunt quæ ad Aquilonem pergit: quia

In synago-
ga quatuor
quoque
fuerunt or-
dines.

^a Laudati codices, vestibulum exterius porta.

^b Desiderantur in omnibus edit. excepta Gussanvil. quæ hic intra uncinos continetur. Omittuntur etiam in Sagienſi & Lyr. at in ceteris leguntur.

^c Guss. ascendere.

^d Sueſſ. ea quæ.

^e Laud. & Longip. vestibulum exterius. Et paulo infra: sive exteriori sive interiori vestibulo. Ubique pro porta legitur vestibulum.

^f Ebroic. & Lyr. Evangelista bonus nuntius.

^g Laud. Sueſſ. & Longip. sed hæ mensæ in exteriori sunt vestibulo constituta, quia ipsi synagoga ordines in verbis omnipotentis Domini nulla mystica, sed sola historica quaſerunt. Foris ergo constructa sunt quæ interiori intelligentia erudita non sunt. Quæ tamen habuerunt sacrificium quod juxta litteram solidam tenuerunt. Interiores autem mensæ.

cum quatuor isti ordines populo prae-
essent, synagoga in persecutione Redem-
toris nostri saeviens, ad torporem
perfidiae prorupit. Quae tamen mensae
habuerunt sacrificium, quod juxta
solam litteram tenuerunt: unde &
ad torporem frigoris lapsi sunt, quia
flamma spiritus succensi non sunt.
Interiores autem mensae holocaustum
habent, quia sive in cordibus
Apostolorum atque prophetarum,
seu in mente ^a Evangelistarum at-
que Doctorum, ignis spiritus & ar-
fit & ardet. Qui pro eo quod om-
nem eorum cogitationem in bono
opere absumit, flamma amoris Dei
quasi holocaustum, totum simul quod
invenit, incendit. Holocaustum e-
nim offerunt, qui sive in bono o-
pere, seu in sancta cogitatione me-
dullitus accenduntur.

8. Mensae vero hae ex quadris la-
pidibus factae sunt; quia dum quo-
tidie sacri eloquii in suis cordibus
verba meditantur, ad offerendum
Domino orationis holocaustum, qua-
si ex quadris lapidibus construuntur.
Verba etenim Scripturae sacrae lapi-
des quadri sunt, quia ubique stant;
quia ex nullo latere reprehensibilia in-
veniuntur. Nam in omne quod prae-
teritum narrant, in omne quod ven-
turum annuntiant, in omne ^b quod
moraliter praedicant, in omne quod
spiritaliter sonant, quasi in diverso
latere statum habent, quia repre-
hensionem non habent. Corda itaque
Sanctorum, mensae Dei sunt ad
holocaustum ex quadris lapidibus
constructae: qui Dei verba semper
cogitant, semetipsos Domino a car-
nali vita in cogitatione maculant.
^{Psal. 36. 31.} Unde scriptum est: *Lex Dei ejus
in corde ipsius, & non supplantan-
buntur gressus ejus.* Et unde rursum
^{Psal. 118. 11.} dicitur: *In corde meo abscondi eloquia
tua, ut non peccem tibi.* Sed quia

mensae hae unde sint constructae co-
gnovimus, etiam cujus mensurae sint
audiamus. Sequitur:

Longitudine unius cubiti & dimidii,
& latitudine cubiti unius & dimidii,
& altitudine cubiti unius. ^{vers. 42.}

9. Hunc locum ^c quidam expo-
suit, dicens: Longitudine & latitu-
dine habent mensae cubitum unum
& dimidium, id est per quadrum:
quae simul juncta tres cubitos fa-
ciunt. Qui tres cubiti habent in alti-
tudinem cubitum unum, ut myste-
ria Trinitatis unius cubiti, hoc est
divinae majestatis mensuram confer-
vent. Qui videlicet sensus exposi-
tionis idcirco non potest stare, quia
in illa summa Trinitate quae omnia
creavit, omnia continet, dimidium
nihil est, nec ex duobus dimidiis ali-
quid unum. Neque enim quidquam
imminutionis ac decisionis habet illa
substantia, quae semper incommutabilis
manens, nec detrimentum recipit, nec
augmentum. Saepae autem diximus
longitudinem ad longanimitatem spei,
latitudinem vero ad caritatis am-
plitudinem pertinere. Mensae ergo
quae ad holocaustum constructae sunt,
longitudinem cubiti unius & dimi-
dii metiuntur; quia sancti pa-
tres atque Doctores, qui se longa-
nimitate ad secreta spei intimae exten-
dunt, per hoc quod in virtutibus
vivunt, quantum ad humanam qui-
dem mensuram pertinet, valde per-
fecti sunt: quantum vero ad divina
illa mysteria quae plene ab homine
capi non possunt, quamdiu in hac
mortali carne subsistunt, perfecti
non sunt. In semetipsis ergo jam
cubitum habent, in Deo autem ad-
huc cubitum non habent: quia jam
quidem in virtutibus plene profici-
ciunt, sed tamen aliquid de Deo
adhuc ex parte cognoscunt. Ecce

Omnis de
divinis re-
bus scien-
tia imper-
fecta.

c

ite-

^a Laud. & Longip. Evangelizantum.

^b Gilot. Vatic. & Gussanvil. crasso erro-
re, quod mortaliter. Emendantur ex mss.
Anglic. & nostris.

^c Scilicet Hieronymus l. 12. in Ezech.
ad cap. 40. cujus nomini pepercit, senten-
tiam emendare coactus, quod modestiae Gre-
gorii insigne est argumentum.

Scriptura
sacra lapi-
dibus qua-
dris simi-
lis.

Etiam in
Paulo.
Philip. 3. 15.
Ibid. v. 13.
1. Cor. 13.
v. 9. & 10.
Ibid. v. 12.
a

iterum in mensura mensæ ad testi-
monium Paulus occurrit. Videamus
an ejus vita cubito integro mensure-
tur. Dicit enim: *Quotquot perfecti
sumus, hoc sapiamus.* Videamus si in
his quæ de Deo sentit, jam se ad
percipienda mysteria perfecte teten-
derit: *Ego me non arbitror com-
prehendisse.* Qui rursus ait: *Ex
parte cognoscimus, & ex par-
te prophetamus: cum autem venerit
quod perfectum est, evacuabitur
quod ex parte est.* Qui iterum di-
cit: *Nunc cognosco ex parte, tunc
autem cognoscam sicut & cognitus
sum.* Si ergo perfectus est, & ex
parte cognoscit, cubitum habet,
quantum ad se, sed tamen dimidium
super se. Tendatur ergo in lon-
ganimitate spei corda Sanctorum,
a tendantur in perfectione quam
habent, cubito uno. Sed quia ad-
huc plene videre non possunt, ubi
spei oculum mittunt, hoc quod su-
per unum cubitum habent, in di-
midio cubito recidatur, quatenus in
hac vita semper se imperfectos aspi-
ciant, & ardentius ad perfectionem
currant.

Caritas in
proximum
perfecta est
se potest;
secus in
Deum.

10. Habent quoque mensæ lati-
tudinem cubiri unius & dimidii:
quia Sanctorum corda in caritatis
amplitudine dilatata, juxta proxi-
mum quem diligunt & vident, ha-
bent cubitum. Possunt enim perfe-
cte diligere: quos perfecte valent
juxta aliquid scire. Omnipotentem
vero Deum medullitus diligunt,
medullitus sequuntur, sed tamen
tantum diligere non possunt, quan-
tum debent; quia adhuc non va-
lent videre quem diligunt; & men-
sura amoris minor est, ubi adhuc
mensura minor est cognitionis. Su-

a Val. cl. Rotomag. & alii Norm. ten-
duntur.

b Norm. Anglic. Val. cl. & alii a Guss.
lecti sic habent; ubi excusi, in amore.

c Sueff. consentientibus Norm. quod val-
de minus est in caritate cum proximo; &

Tom. V.

per unum ergo cubitum habent & dimidium: quia hoc eis jam ^b in
animo integrum est, ^c quod valde
minus est, id est caritas cum pro-
ximo; atque illud in eis quod val-
de majus est, id est amor Dei quem
non vident, adhuc integrum non
est. De hoc amore, qui hic inci-
pitur, ut ex visione Domini in æ-
terna patria perficiatur, recte Isaias
loquitur, dicens: *Vivit Dominus,
cujus ignis est in Sion, & caminus
ejus in Jerusalem.* Plus est autem
caminum esse, quam ignem: quia
esse ignis & parvus potest, in ca-
mino autem vastior flamma succen-
ditur. Sion vero Speculatio, Jeru-
salem autem Visio pacis dicitur.
Pacem vero nostram hic interim
speculamur, ut illic postmodum
plene videamus. Ex amore ergo
Domini in Sion ignis est, in Je-
rusalem caminus, quia hic amoris
ejus flammis aliquatenus ardemus,
ubi de illo aliquid contemplamur:
sed ibi plene ardebimus, ubi il-
lum plene videbimus, quem ama-
mus.

Mensura
dilectionis
est cogni-
tio.

b

c

Parer. in
Isai. c. 39.

Isai. 37. 2.
d

11. Altitudo vero mensarum est
cubiti unius. Quæ est enim altitu-
do Sanctorum, nisi fides invisibi-
lium? Per fidem enim creditur
quod non videtur: atque ideo per
hanc justorum ^e mens ad altitudi-
nem ducitur, ut cuncta visibilia de-
spiciat in terra, & ea quæ audit
invisibilia sequatur in cælo. Sed u-
num cubitum habet altitudo men-
sarum: quia unitas est fidei in cor-
de omnium Sanctorum. Unum
Deum esse Trinitatem & patres
Testamenti veteris, & prædicatores
professi sunt Testamenti novi. Al-
titudo itaque mensarum nil uno

Altitudo
Sanctorum
fides.

e

In veteri
Testamen-
to Trinitas
agnita.

cu-

infra Sueff. & Ebroic. *magis est in amore
Dei.* Stant pro nobis alii mss. præsertim
Anglic.

d Laud. & Longip. *dixit Dominus.*

e Editi omnes, reluctantibus mss. *justo-
rum mensa.*

O

cubito amplius, nil minus habet: quia in magna sibi unitate concordat omnium fides patrum. Sed hi qui jam in longanimitatem spei summis virtutibus proficientes, unum & dimidium cubitum habent, atque in latitudine caritatis uno ac dimidio cubito metiuntur, in altitudinem vero fidei uno cubito excrescunt, magni sunt, & summa admiratione venerandi. Debent ergo parvulorum animas in sinu suæ conversationis suscipere, atque eas in conspectu Domini, velut quoddam holocaustum ac sacrificium offerre. Unde aperte sequitur:

Qui fide, spe, & caritate præstant, admirandi.

Ibid.

Super quas ponunt vasa, in quibus immolatur holocaustum & victima.

Animæ fidelium vasa sunt, sive holocausti, sive sacrificii.

12. Quid enim sunt animæ fidelium, nisi vasa sancta, quæ verba pietatis capiunt, ut ex eorum mentibus holocaustum vitæ atque orationis imoletur? Hinc est enim quod Paulus cum adhuc rudis esset in fidei vocatione; quia jam Domini verba perceperat, & cœlesti gratia plenus erat, vas appellatur, cum dicitur: *Vas electionis mihi est.* Hinc pastores atque doctores Propheta admonet, dicens: *Mundamini qui fertis vasa Domini.* Ipsi etenim quasi mensæ, vasa Domini portant, qui vitam fidelium erudiendo tolerant, ut quandoque hanc Domino ad holocaustum & sacrificium perducant. Sed neque hoc negligenter intueendum est, quod in eisdem vasis holocaustum & victima dicitur immolari. Holocaustum enim, sicut & superius diximus, victima est, non tamen victima semper holocaustum; quia cum quid ex parte offertur, & ex parte retinetur, sacrificium quidem est, sed holocaustum non est. Sunt verò in multitudine magna fidelium alii, qui ea quæ mundi sunt omnia relinquunt, cuncta

Hem. Superiori.

Holocausti, si cuncta reliquerint.

quæ possident tribuunt, nil sibi met ipsis reservant, ad æternam patriam medullitus anhelant, seque ex toto corde in lacrymis macerant. Hi videlicet vasa super mensam sunt, in quibus immolatur holocaustum. Et sunt alii qui curam propriæ domus gerunt, de filiis cogitant, eisquæ hæreditatem servant, qui tamen æterni iudicii memores, misericordiam pauperibus impendunt, alimenta ac vestimenta eis ex parte qua decreverint tribuunt. Hi nimirum vasa super mensam sunt, in quibus victima immolata est, non holocaustum. Quia enim patientia & doctrina Sanctorum admonendo & sustinendo, suadendo atque terrendo, aliorum corda usque ad hoc erudiunt, ut omnia deferant, & totos se in amore Domini accendant: aliorum vero ad hoc usque instruunt, ut quia omnia relinquere non valent, vel ex parte qua prævalent, misericordes fiant, & carnis curam cum animæ cura partiantur; mensæ Domini de quadris lapidibus instructæ vasa portant, in quibus immolatur holocaustum & victima: quia & perfecti, sicut dictum est, cum omnia deferunt, totum cor in amorem Domini accendunt, & imperfecti sacrificium offerunt, quod ex parte devoverunt. Sequitur:

Sacrificii, si ex retentis facultatibus, pauperes refecerint.

*Et labia earum palmi unius, re- Vers. 43.
flexa intrinsecus per circuitum.*

13. Quid est hoc, quod mensarum labia palmo metiuntur, nisi quod palmo manus tenditur, & sancti patres atque doctores ea prædicant in quibus auditorum opera tenduntur? Quasi enim manum extendimus, cum opera nostra dilatamus. Loquatur ergo unusquisque doctor, cor audientis exerceat, otiosorum torporem excutiat. Quos dum ad bona opera tetenderit, palmum se habere^a in labiis ostendat. Pensandum

Sic agenda magna, ut minima non omitantur.

dum quoque, quia in palmo digitus major ac minimus tenditur. Quid vero in majori ac minimo digito, nisi magna & extrema actio designatur? Palmum ergo mensæ ^a in labiis habeant, quatenus in doctorum suorum ^b prædicatione magna opera faciat, ut agere & minima non omittat. Sic minimis intentus sit, ut piger in agendis maioribus non sit. Unde per Evangelium Veritas dicit: *Vae vobis Scribæ & Pharisei hypocritæ: quia decimatis mentam & anetum & cuminum, & relinquitis quæ graviora sunt Legis, iudicium, misericordiam, & fidem: hæc oportuit facere, & illa non omittere.* Per iudicium quippe, & misericordiam, & fidem, major digitus operationis ostenditur. Per mentam vero, & anetum, & cuminum, digitus proculdubio minimus figuratur. Hæc ergo oportuit facere, & illa non omittere: quia si opus nostrum palmo metiri volumus, sic necesse est ut tendatur minimus, quatenus major digitus non attrahatur.

14. Bene autem cum mensarum labia metiuntur, & mensura palmi dicitur, additur *unius*; ut ex doctorum prædicatione sicut unitas teneatur in fide, ita quoque unitas mentium servetur in opere; ne per opus bonum quod alter agit, alter ad discordiæ malum prorumpat. Ita etenim bona facere opera debemus, ut per hæc quoque cum his, cum quibus vivimus, unanimitem in quantum recte possumus, conserveamus, id est non deferendo quod agimus, sed præveniando bonis persuasionibus malum discordiæ quod timeamus. Sic in suis operibus unitatem palmi custodiens Paulus, discordiam generari prohibebat, cum

quemdam lapsum atque ab Ecclesia abjectum jam velle recipere Corinthios videret, dicens: *Si cui aliquid ^{2. Cor. 2. 10.} donastis, & ego. Nam & ego si quid donavi, propter vos in persona Christi, ut non circumveniamur a satana. Qui videlicet solet de bonis mala generare, & hoc quod caritate agitur, ad discordiam trahere. Unde & mox de ipso subiecit, dicens: Non enim ignoramus cogitationes ejus. Doctor autem, qui per bona quæ prædicat, in suis auditoribus rectam operationem format, si mentes operantium ^c ad unanimitem non ligat, in labiis palmum habet, sed eam, quæ dicta est, palmi unitatem non habet.*

15. Pensandum vero est valde quod dicitur, quia earundem mensarum labia interius sunt reflexa. Tunc enim mensarum labia intrinsecus reflectuntur, quando doctores ad conscientiam revocant tacita cogitatione quod dicunt, quando semetipsos subtiliter perscrutantur si faciunt quod loquuntur. Recte autem cum reflexa intrinsecus mensarum labia dicuntur, additur quoque *per circuitum*; ut non in una qualibet se parte considerent, ^d atque ex alia semetipsos perpendere prætermittant, sed ubique semetipsos inspiciant, & in quantum prævalent, studeant singula opere implere quæ docent: ne si prædicantes facere bona dissimulant, sui vastatores sint, cultores alieni. O Doctor, ecce jam mensa es, jam vasa portas, jam in vasis fidelibus pondus holocausti & victimæ sustines, sed intus reflecte labium, id est ad cor revoca sermonem. Audi quod dicis, operare quod prædicas. Si enim negligis implere quod prædicas, aliis messem feminas, & ipse a frumenti participatione je-

Ibid. v. 12.

Predicatores quæ docent, operari studeant.

Qui secus faciunt, sui vastatores sunt, & cultores alieni.

O 2 ju-

^a Laud. Longip. Val-cl. & Norm. in labio.

^b Suesl. cum Ebroid. aliisque Norm. prædicatione auditor exiguat, & sic eorum admonitione magna opera faciat.

^c Laud. cum Longip. ad unitatem.

^d Laud. & Lyr. atque alias in semetipsos. Ita Ebroid. in mutato in ex. Longip. habet, alia.

Matth. 23.
23.

In bonis operibus unitas mentium servanda.

Jeb 5. 5. junas. Unde scriptum est: *Cujus messem famelicus comedit*. Messem quippe doctoris qui bona loquitur, sed non operatur, famelicus comedit; quia is qui panem justitiæ esurit, operatur mandata quæ audit, & ipse fructum non habet, qui seminando laboravit. Hinc Salomon ait: *Abscondit piger manum suam^a sub ascella, nec ad os suum porrigit eam*. Nemo ita piger est, ut ad os manum vel comedendo reducere laborem putet. Sed piger nec ad os manum suam porrigit, qui nec hoc vult operari quod dicit. Hinc iterum de bene docentibus & male operantibus dicitur: *Filii^b Ephraim intendentes arcum, & mittentes sagittas, conversi sunt in die belli*. Intendunt arcum, atque sagittas mittunt, qui Scripturæ sacræ sententias proponunt, & verbis rectis auditorum vitia feriunt: sed convertuntur in die belli; quia post semetipsos redeunt in tentatione vitiorum, & pectus oppondere non volunt; quia in tentationum certamine non resiliunt. Hinc iterum dicitur: *Avertisti adjutorium gladii ejus, & non es auxiliatus ei in bello*. Gladius quippe doctoris, est sermo Dei. Unde per Paulum dicitur: *Et gladium spiritus, quod est verbum Dei*. Omnipotens itaque Deus cum doctorem respicit nolle operari quæ dicit, in die belli adjutorii ejus gladium avertit; quia^c in tentationum certamine non permittit ei esse in adjutorium doctrinæ verba quæ dedit. Habet igitur gladium, sed hunc in bello non adjuvat: quia cum adversitas tentationis eruperit, verbi obliviscitur quod docebat. Ecce enim de patientia forsitan sermo doctori est, doctrinæ suæ magisterio dicere cogitur qualiter contra illata damna, contra auditas contumelias patientia fervetur. Sed cum ipse vel damno, vel contumelia

fuerit lacesitus, oblitus quod docuerat, vel in læsione proximi, vel in reddenda gravius contumelia excedit. Inter hæc itaque cogitet quia mensa Dei est, labium intus reflectat, servet quod prædicat. Scriptum quippe est: *In patientia vestra possidebitis animas vestras*. Et rursus scriptum est: *Doctrina viri per patientiam noscitur*. Si itaque index doctrinæ patientia est, tanto quisque doctus ostenditur, quanto patiens fuerit. Hinc est enim quod bonus ille discipulus qui magistrum tolli in aera videbat, per magnæ caritatis affectum clamabat, dicens: *Pater mi, pater mi, currus Israel & auriga ejus*. Quid est, fratres carissimi, quod Elias currus Israel & auriga dicitur, nisi quia auriga agitatur, currus portat? Doctor ergo qui mores populi & per patientiam sustinet, & sacri eloquii verbis docet, & currus dicitur & auriga. Currus, quia tolerando portat: auriga, quia exhortando agitatur. Currus, quia mala sustinet: auriga, quia populum bonis admonitionibus exercet.

16. Fortasse autem contra vanam gloriam sermo doctori est, & mire insinuans qualiter debeat declinari, eisdem ipsis sermonibus vanam gloriam quærit, quibus contra eandem vanam gloriam disputat. Si igitur hoc appetit adipisci quod prohibet, mensa intus labium non reflectit. Tunc autem mensa Domini ex quadris lapidibus extructa habebit intus labium reflexum, si studuerit audire quod dicit. Scriptum quippe est: *Ne quid per contentionem, neque per inanem gloriam*. Atque eisdem rursus egregius prædicator dicit: *Nec quærentes ab hominibus gloriam, neque a vobis, neque ab aliis*. De prædicationis etenim labore laudem transitoriam quærere, quid est aliud quam rem magnam vili pretio venundare?

Sed .

^a Plerique edit. *sub axilla*. Sequimur unanimem mss. consensum.

^b Norm. *Ephrem*.

^c Longip. Ebroid. in *tentatione certaminis*.

Luc. 21. 19.

Prov. 19. 11.

Argumentum doctrinæ est patientia.

4. Reg. 2. 12.

Bonus prædicator currus est & auriga.

Prædicatores vanam gloriam aucupantes, rem magnam, vili pretio venundant.

Philipp. 2. 3.

1. Thess. 2. 6.

Quantum
ex audito-
rum plau-
su, prædi-
catori peri-
culum im-
mineat.

a

b

Pater. in
Jer. c. 14.

Jer. II. 16.

c

Ignis est
sermo adu-
latorius.

Prov. 27. 14.

Sed est ^a in doctrinæ verbis grave periculum; quia sæpe sermonem do- centium favores audientium sequun- tur: & cum doctores ab eo quod be- ne innotuerint, apparere ^b jam mi- nores in dictis nolunt, doctrinæ ver- bum quod pro acquirendis animabus auditorum ex omnipotentis Dei amore incoaverunt, in hoc postmodum pro acquirendis laudibus laborant. Et qui in verbis Dei quærebant prius lucra spiritalia, temporales postmodum fa- vores sequuntur. Unde sit ut sive recta quælibet opera, seu sanctæ doctrinæ verba, in omnipotentis Dei judicio pereant, cum per hæc quisque transitoriis favoribus an- helat. Hinc etenim per Propheta- m Judæ dicitur, quod in se ipsa in- cauta mens invenit, si saltem post culpam suas caute cogitationes ri- metur: *Olivam uberem, pulchram, fructiferam, speciosam vocavit Domi- nus nomen tuum. At vocem loquelæ grandis exarsit ignis in ea, & com- busta sunt ^c fruteta ejus*. Olivam quippe uberem & pulchram, fructi- feram & speciosam Dominus vocat, cujus vel efficaciam in operatione, vel sancta studia in verbis scientiæ ap- probat. Sed ad vocem loquelæ gran- dis exarsit ignis in ea: quia cum lau- dari quis cœperit, erubescit forsitan minor videri quam dicitur, & studet esse quod dicatur. Vox enim grandis loquelæ est, favor adulantis. Unde scriptum est: *Qui benedicit proxi- mo suo voce grandi de nocte consur- gens, similis est maledicenti*. Ad vo- cem ergo loquelæ grandis exarsit ignis in ea: quia in magnitudine favoris flamma in corde accenditur de amore laudis. Sed omnia olivæ fruteta com- buruntur: quia ante omnipotentis Dei oculos, vel quæ bene gesta vel quæ scienter sunt dicta depereunt,

cum jam non amore Domini, sed intentione transitoriæ laudis fiunt. Sic enim sæpe cogitationi bonæ co- gitatio sinistra subjungitur, ut vix ipse qui easdem cogitationes gene- rat animus cognoscat. Unde prædi- cator egregius, cum loquens sub- tiliter diceret: *Vivus est sermo Dei* ^{Hebr. 4. 12.} *& efficax, & penetrabilior omnigla- dio ancipiti, & pertingens usque ad divisionem animæ ac spiritus*; illico subjunxit: *Compagum quoque & medullarum, & discretor cogitatio- num & intentionum cordis*.

Subtiliter
subrept.

Hebr. 4. 12.

Ibidem.

17. ^d Distinguit enim Dei sermo compages & medullas; quia discer- nit cogitationes & intentiones cor- dis. Per compages quippe ossibus ossa junguntur. Et sæpe dum quid recta cogitatione agimus, sed subito in laudis amorem declinamus, atque hoc pro laude facimus, quod prius facere ^e pro veritate cœperamus; quia cogitationes cogitationibus ad- junguntur, quasi quædam in spiri- tu compages fiunt. Sed habent os- sa, quæ in compage juncta sunt, etiam medullas. Quod prædicator sanctus apertius intulit, cum sub- junxit: *Discretor cogitationum & intentionum cordis*. Compages e- nim nostræ, cogitationes sunt: medullæ autem, intentiones. Et sæpe aliud cogitamus, atque aliud est, ^f quod per cogitationem inten- dimus. Nam si quis proposito num- morum præmio, pupilli vel viduæ causam defendat, & fortasse Ecclesiam ingrediens, in suis precibus Deo di- cat: Tu vides quia causam pupilli & viduæ defendo; iste proculdubio quod cogitat, scit, sed quo intendat ejus cogitatio ignorat. Aliud quip- pe cogitat, atque ^g alio intendit. Non enim defensionem pupilli vel viduæ, sed mercedem nummorum quæ-

d
Latentem
intentio-
nem Deus
discernit.

e

f

g

^a Al. in doctrina verbi.

^b Val-cl. cum Norm. jam majores in di- ctis volunt.

^c Laud. Longip. & Val-cl. habent fruteta ejus, hic & infra.

^d Longip. præante Laud. distinguet . . . discernet.

^e Longip. pro Deo.

^f Lyan. quo pro quod.

^g Laud. consentiente Longip. aliud intendit.

quærit. Nam tolle temporale præmium, & pupillum ac viduam non defendit. Sermo itaque Dei discretor est cogitationum & intentionum cordis; quia non aspicit quid apud temetipsum cogitas, sed per medullam compagis, id est per intentionem cogitationis quid accipere requiras. Restat ergo ut doctor cum loquitur, quasi mensa Dei semper intus labium reflectat, ne aut mala intentione loqui incoet, aut cum bene cæperit, seductus favoribus, in appetitum alium declinet.

Quam disciplinæ regulam tenere debeat prædicator.

18. Fortasse autem de custodia disciplinæ sermo doctori est. Et sæpe etiam contingit ut disciplinæ regulam quam scit dicere, nesciat tenere; quia aut nimio zelo motus, minus se per mansuetudinem temperat; aut nimia mansuetudine placidus, minus se contra vitia in zeli stimulo inflammat. Magna enim consideratione debemus pensare quod scriptum est: quia ^a in vasis templi inter coronas & ^b plectas, boves & leones & Cherubim exsculpta sunt, & subter boves & leones lora dependentia. Coronæ quippe signum victoriæ, plectæ autem concordiæ unanimi-
a
b
tatem signant: Cherubim vero plenitudo scientiæ dicuntur. Sacerdotes enim atque doctores inter coronas & plectas, id est inter fortitudinem boni operis qua ad victoriam currunt, & caritatis concordiam, qua ^a se vicissim non discrepant, per boves & leones atque Cherubim designati sunt: quia in plenitudine scientiæ quam habent, necesse est ut & boum mansuetudinem teneant, & fervorem leonum, quatenus in disciplina quam prædicant, & ex sancto zelo accensi sint, & ex paterna dulcedine tranquillī. Quibus subter se lora dependeant, ut disciplinæ suæ retinacula quibus ipsi ligati

sunt, etiam subiectis suis solícite impendant. Subter eos enim lora dependere, est custodiæ vincula subditis tenere. Quæ tunc recte servantur, cum nec boum mansuetudo in zeli fervore amittitur, nec leonum terror in mansuetudine declinatur.

Tanta quippe debet esse discretio, ut nec disciplina nimia, nec misericordia sit remissa: ne si inordinate culpa dimittitur, is qui est culpabilis, in reatu gravius adstringatur: & rursus, si culpa immoderate retinetur, tanto qui corrigitur, deterior fiat, quanto erga se nil ex benignitatis gratia agi considerat. Exhibenda itaque pravis est asperitas in ostensione, caritas in mente; ut & dura ostensio delinquentem coerceat, & caritatis custodia mercedem mansuetudinis non amittat.

Nec rigor sit nimius, nec misericordia remissior.

19. Ecce dum loquor, Joseph animum pulsatur ut ad ostendenda quæ dico, ipse testis veniat. Certe somnium quod de profectu suo viderat, fratribus narrans, per hoc quod innocenter retulit, malitiæ contra se stimulos excitavit. Ab eisdem fratribus, Ismaelitis est venditus, in Ægyptum ductus, mira omnipotentis Domini dispensatione eidem Ægypto prælatus est. Cumque in terra Chanaan fames exurgeret, fratres ad Ægyptum venerunt, Joseph prælatum Ægypto repere-
c
runt, cumque submissis ad terram cervicibus adoraverunt. Et quia mutare Dei consilium non valuerunt, quem ideo vendiderant ne adorarent, adoraverunt quia vendiderunt. Tunc ipse vir Dei, spiritu discretionis plenus, cognovit ^c fratres non cognitus. Sed memor culpæ, & remissior injuriæ, mala fratrum nec reddere studuit, nec sine purgatione laxare. Nam suspecta voce protinus dixit: *Exploratores estis vos*, ^d *ut videatis* Gen. 42. 9. *infirmiora terræ venistis, jam nunc*

Discretionis huius exemplum in Joseph.

^a Sueff. Longip. Laud. quia in bases templi.

^b πλεῖν res implexa, contexta. E. V.

^c Laud. & Longip. addunt, ab eis, Val-

cl. & Norm. a fratribus non cognitus.

^d Lyr. nam infirmiora terræ considerare venistis.

experimentum vestri capiam. Per salutem Pharaonis non egrediemini hinc.

O jaculum in corde! Peregrini venerant, famis periculum fugiebant, frumenta quæ quærebant, non acceperant, ^a & feriri se insuper jactatione criminis videbant. Inter hæc ducuntur ad carcerem, & post triduum educti, adhuc in eadem asperitate terrentur. Jam reditur ad cor, jam culpæ memoria pulsatur animum, atque inter se invicem loquuntur: *Merito hæc patimur, quia peccavimus in fratrem nostrum, videntes angustiam animæ illius, eum deprecaretur nos, & non audivimus: idcirco venit super nos ista tribulatio.*

ibidem v. 21.

*Ex caritate
favit in
fratres.*

b

c

*Cruciat &
amat.*

In his autem cor Joseph amore vincitur, secessum petit, solvit flendo quod pietati debuit. Severus ad fratres revertitur, ^b ut cruciatus eorum animus a culpa liberaretur. Post hæc unus religatur in vinculis, dimittuntur ceteri cum frumentis, ^c ut unus frater veniat, quem minimum habere se dixerant. Venit postmodum frater. Vincebat mentem pietas, cum frater innocens videretur; sed permanebat in ostensione asperitas, ut fratres noxii purgarentur. Frumenta dantur, scyphus in sacco junioris fratris absconditur, furti post eos quæstio movetur. Mittitur ut reducantur: addici in servitutem decernitur, apud quem scyphus fuisset inventus. In sacco ultimi fratris invenitur. Tunc Benjamin reducitur, afflicti omnes fratres sequuntur. O tormenta misericordiæ! Cruciat, & amat. Reversi igitur, in terram cum lacrymis prostrati veniam postulant. Memores enim quid de illo pati promiserant,

mœrore intolerabili tabescebant. Tunc se ultra cohibere non valens pietas clausa prorupit ad medium, & excussit caritatis lacrymas de vultu severitatis. Deterfa est ira quæ apparebat, & non erat: ostensa misericordia quæ erat, & non apparebat. Sic vir sanctus facinus fratrum & dimisit, & vindicavit. Sic in vigore clementiam tenuit, ut delinquentibus fratribus nec sine ultione pius existeret, nec sine pietate districtus.

*Sub ire
specie late-
bat miseri-
cordia.*

20. Ecce hoc est magisterium disciplinæ, ^d ut culpas discrete novit parcere, & pie refecare. Qui autem discretionis spiritum non habent, aut sic dimittunt peccata, ut non corrigant: aut sic quasi corrigendo feriunt, ut non dimittant. Doctor ergo, cui de disciplinæ moderamine loqui necesse est, mensam Dei esse se sciat, atque intus labrum reflectat, ut quod docendo loquitur, hoc sub discretionis spiritu vigilanter operetur. Nec si quædam sibi deesse considerat, oportet ut ab eorum prædicatione conticescat. Locus quippe ejus exigit ut loquatur. Verbis ergo suis semetipsum conveniat: & si non ideo loquitur ^e quia non operatur, ideo operetur quia loqui compellitur. Ubi itaque se conspicit opere implere quod dicit, ibi auditores admoneat, eorumque animos ad studium bonæ operationis ^f accendat. Ubi autem necdum se videt implese quod loquitur, ad bona de quibus auditores admonet, se quoque pariter inflammet, ut ipse etiam simul discat in opere, quod per eum loquitur veritas in prædicatione. Sæpe enim quod vivendo

*Optimum
disciplinæ
magiste-
rium.*
d

e

f

ne-

^a Ebroic. cum cet. Norm. & Val-cl. consentiente edit. 1502. Et fieri super se objectionem criminis videbant.

^b Longip. ut cruciatus eorum animus a culpa liberetur.

^c Anglic. Lyr. & Val-cl. & jubet. Sag. & perit.

^d Ita Laud. Val-cl. Lyr. & Longip. Editi plur. habent, *culpis, & discrete novit parcere.*

^e Editi contra S. Greg. mentem, *quia operatur.*

^f Ita omnes mss. nostri, ed. vero, *accingat.*

a nescimus, compulsi locutione doctrinæ, loquendo discimus: ^a & dum cogitatione nostræ pigritiæ reatus nascitur in mente, eandem mentem compunctio subito oborta transverberat, & sua voce excitata evigilat in opere, quæ prius torpebat in otio sine voce. Ecce autem cum mensæ labium palmo tenditur, id est cum per doctoris os contra vitia disputatur, atque ad bona opera cor auditorum accenditur, multi qui ejus verba audiunt, quanta vel qualia mala perpetraverint, recognoscunt; atque ad eum confitentes veniunt, eumque pro peccatis suis intercessorem fieri cum fletibus petunt, ut ipse orando deleat culpas, quas prædicando manifestat. Unde & subditur:

Verf. 43.

Super mensas autem, carnes oblationis.

Pastores
orando
deleant
culpas, quas
prædicando
manifestant.

21. Doctores etenim sancti cum pro compunctis peccatoribus atque confitentibus omnipotenti Domino preces fundunt, per hoc quod veniam pro carnalium vita postulant, mensæ Domini carnes oblationis portant. Ut ergo sint pro quibus conversis & fletibus rogent, oportet ut eisdem prius in peccato positis prædicent; & cum jam cœperint peccata relinquere atque ad innocentiam festinare, necesse est, ut erga eos in ore doctoris incrementa prædicationis excrescant, & quibusdam doctrinæ suæ verbo tanto vehementius insistat, quanto eos gravius cecidisse considerat: videlicet sciens quod ipse tanto mercedem magnæ remunerationis accipiat, quanto verbis suis alios de profundioribus peccatis levat.

^cConversi
doctrinæ
sacra pabula
pascendi.

22. Libet inter hæc sancti Evangelii ad medium verba deducere, cujus sacra historia per hoc quod factum miraculum narrat, mira quæ

quotidie aguntur denuntiat. Nam cum ^{Pater. in Marc. c. 8.} fessi atque jejuni ad Dominum populi convenissent, discipulis Dominus dixit: *Miserere super turbam; quia ecce jam triduo sustinent me, nec habent quid manducent: & si dimisero eos jejunos in domos suas, deficient in via: quidam enim ex eis de longe venerunt.* Turba triduo Dominum sustinet, quando multitudo fidelium peccata quæ perpetravit, per pœnitentiam declinans, ad Deum se in opere, locutione, atque in cogitatione convertit. Quos dimittere jejunos in domum suam Dominus non vult, ne deficient in via: quia videlicet conversi peccatores in præsentis vitæ via deficiunt, si in sua conscientia sine doctrinæ sanctæ pabulo dimittantur. Ne ergo ^b lassentur in hujus peregrinationis itinere, pascendi sunt sancta admonitione. Valde autem pensanda est pia sententia, quæ processit ex ore Veritatis, qua dicitur: *Quidam enim ex eis de longe venerunt.* Est autem ^{Maxime qui de longe venerunt.} qui nihil fraudis & nihil carnalis corruptionis expertus, ad omnipotentis Dei servitium festinavit. Ille de longinquo non venit: quia per incorruptionem & innocentiam proximus fuit. Alius nulla impudicitia, nullis flagitiis inquinatus, solum autem conjugium expertus, ad ministerium spiritale conversus est. Neque iste venit de longinquo: quia usus conjunctione concessa, per illicita non erravit. Alii vero post carnis flagitia, alii post falsa testimonia, alii post facta furta, alii post illatas violentias, alii post perpetrata homicidia ad pœnitentiam redeunt, atque ad omnipotentis Dei servitium convertuntur: hi videlicet ad Dominum de longinquo veniunt. Quanto etenim quisque plus in pravo opere erravit, tanto ab omnipotente Domino longius recessit. Nam & pro-

^a Sic legitur in Val cl. & plur. mss. Alii cum Suell. & Longip. habent, *de cognitione*,

&c. Laud. *cognitione nostra pigritia.*

^b Laud. *luxentur.*


prodigus filius, qui patrem deseruit, abiit in regionem longinquam, in qua porcos pavit, quia vitia nutrit. Dentur igitur alimenta eis etiam qui de longinquo veniunt: quia conversis peccatoribus doctrinæ sanctæ cibi præbendi sunt, ut in Deum vires reparent, quas in flagitiis amiserunt. Qui sæpe a doctoribus tanto necesse est ut largioribus cibis doctrinæ satientur, quanto fessi majoribus vitiis venerunt. Et cum jam confiteri cœperint mala quæ commiserunt, atque confitendo relinquere & fletibus punire, necesse est ut doctores sancti pro eorum peccatis sollicitè exorent, qua-

tenus mensæ Domini carnes oblationis portent. Quod quoties agunt in hoc quod pro alienis peccatis interveniunt, sua ante Dei oculos amplius detergunt: quia ea ipsa caritate se justificant, qua miræ pietate pro alienis iniquitatibus se in lamentis mactant. Nec laboriosum debet esse doctoribus pro conversis peccatoribus lacrymas fundere, quando & ipse qui omnia creavit, homo factus, ^a pro nostris iniquitatibus in cruce sanguinem sudit: Qui vivit & regnat cum Patre in unitate Spiritus sancti Deus, in secula seculorum. Amen.

Pro eorum
peccatis
exorando,
sua deter-
gunt Pasto-
res.

a

• Idem, pro nobis.



Al. xxii.

H O M I L I A X.

Quatuor Versus a 44. ad 48. exponendo S. Doctor de fide, spe, caritate, ac de bonis operibus Deo in cordis altari offerendis liberius excurret, & hoc opus absolvit.

Scripturæ
sacrae mira-
biles sen-
sus.

2



ACRI eloquii mysticos sensus Prophetæ per aspirationem sancti Spiritus prudenter intelli-

Psal. 112.
129.
Ibid. v. 18.

gens, dicit: *Mirabilia testimonia tua; ideo scrutata est ea anima mea.*

Qui rursus ait: *Revela oculos meos; & considerabo mirabilia de Lege tua.* Qui enim necdum occulta de apertis intelligit, oculos velatos habet. Qui vero jam intelligit, revelatis oculis mirabilia de Lege Dei considerat; quia spiritualiter litteræ verba discutiens, quæ interius magnitudo lateat, pensat. An non est mirabile quando aliud auribus sonat, atque aliud exit ad intelligentiam quod non sonabat? Cui ergo verbum sacri eloquii, nisi lapidi simile dixerim, in quo ignis latet? Qui manu quidem frigidus tenetur, sed percussus ferro, per scintillas micat, atque hoc emittit ignem, qui post ardeat, quod prius manus frigidum tenebat. Sic etenim, sic verba sunt sacri eloquii, quæ quidem per narrationem litteræ frigida tenentur: sed si quis hæc, aspirante Domino, intento intellectu pulsaverit, de mysticis ejus sensibus ignem producit, ut in eis verbis post animus spiritualiter ardeat, quæ prius per litteram in se quoque frigidus audiebat. Ecce enim Prophetæ dicit:

silici ex
quo licet
frigido
ignis excu-
ritur, simi-
lis est.

Vers. 44.

Et extra portam interiorem gazo-

phylacia cantorum in atrio interiori, quod erat in latere portæ respicientis ad Aquilonem: & facies eorum contra^b viam Australem unam, ex latere portæ Orientalis quæ respiciebat ad viam Aquilonis.

b

2. In his itaque verbis litteræ, ad amorem Dei cujus animus infervescat; quin potius non ex ipsa eorum lectione tepefiat? Si autem latens in littera spiritualis medulla discutitur, per hoc scintillæ intellectus excunt, & incendunt quod prius cordis auribus frigidum sonabat. Nobis tamen, ut se aspirante Domino interior intellectus aperiat, ipsa prius narratio juxta litteram patefiat. Ait enim quia porta erat interior, atque extra hanc atrium, quod appellatur interior: ac deinde aliæ, id est Aquilonis, Austri, atque Orientis portæ describuntur, ut ipsum atrium^c quod esse extra portam interiorē dixerat, a portis exterioribus esse interior ostendat. Atrium ergo hoc & foris, & intus est: foris, quia extra portam interiorē; intus autem, quia intra portas exteriores. Gazophylacia quoque cantorum esse in hoc eodem atrio narratur, quæ a latere portæ posita dicuntur respicientis ad Aquilonem. Sed ipsa eadem gazophylacia ad Australem viam respiciunt. Et subditur: *Ex latere portæ Orientalis, quæ respiciebat ad viam Aquilonis.* In quibus verbis aperte intel-

Litteralis
sensus,
(spirituali
permitten-
aus.

c

^a Val-cl. Ebroid. Lyr. sacri eloquii mystici sunt sensus, ut Prophetæ.

^b Longip. & Val-cl. viam Orientalem.

^c Longip. cum Norm. quod ipse.

telligitur, quia cantorum gazophylacia inter latus portæ respicientis ad Aquilonem, & latus portæ Orientalis fuerant posita: quæ porta videlicet respiciebat ad viam Aquilonis. Facies itaque gazophylaciorum ^a contra viam Australem, sed positio inter portam erat Orientalis & Aquilonis. Porta ergo interior habebat ex latere portam Aquilonis, ex alio quoque latere portam Australem. In fronte vero vestibuli Orientalis porta surrexerat, ^b atque sic atrium quod erat extra portam internam, ut hoc quoque esset interius, portæ exterius ambiebant.

Litteralem transeunt Greg., ut mysticis immoretur.

3. Hæc de verbis litteræ sub brevitate transeunt, ut in eis sensus mysticos non breviter exquiramus. ^c In parte autem superiori tres portæ descriptæ sunt, id est Orientis, Aquilonis, & Austri: moxque interioris atrii alia narrata, id est Austri, Orientis, & Aquilonis, ac deinde porta atrii interioris dicta est, in qua mensæ de quadris lapilibus extructæ memorantur: & porta quæ respiciebat ad Aquilonem in qua mensæ essent ad sacrificium, non ad holocaustum. Unde in interiori diximus significari Ecclesiam, in exteriori Synagogam. Sed his expletis, rursus Propheta incipit internam portam, atque tres alias, id est Aquilonis, Austri, & Orientis describere, & in earum atrio interiori, quod erat extra portam internam, esse ^d gazophylacia, can-

tores, sacerdotes, templum, altare, sacrificia perhibet. In quibus verbis quia de sanctæ Ecclesiæ institutione narrare alia ab eis quæ prius dixerat, cepit, patet quod interioris portæ intellectum mutavit. Si enim sub uno intellectu omnia diceret, novo ordine ipsa atque alia non replicaret. Nam quomodo possumus ^e extra portam internam, atrium, gazophylacia, cantores, sacerdotes, templum, altare, sacrificia dicere, si per eandem portam internam hoc loco sancta Ecclesia designatur? Cum enim cuncta hæc intra ipsam sint, quomodo extra portam internam sunt, si extra Ecclesiam non sunt? Intelligi ergo porta interior potest ea, de qua jam longe superius locuti sumus, quæ contra portam Aquilonis & Orientalem dicitur posita, per quam figurari diximus aditum, qui nobis ad interiora gaudia patriæ cœlestis aperitur: ut hic quoque per portas quæ circa vestibulum narrantur, sancta Ecclesia; per portam vero internam, cœlestis regni aditus figuretur. Sed ne quis me verba sancti Spiritus æstimet ad intellectum meum violenter inflectere, & dicat quia de porta interiori significationem sanctæ Ecclesiæ quam semel dixi, mutare non debui, insulgente Dei omnipotentis gratia, ^f quæ cœpimus ipsa teneamus; ut & porta interior signet Ecclesiam, quæ nos ad interiora gaudia perducit; & gazophylacia, cantores, sacerdotes, tem-

^a Laud. & Longip. contra viam Orientalem.

^b Sueff. Laud. Longip. atque sic erat atrium extra portam internam, ut hoc quoque esset interius portis qua illud exterius ambiebant.

^c Sic legitur hic locus in Longip. Laud. & Sueff. In parte autem superiore tres portæ descriptæ sunt, id est Orientis, Aquilonis, & Austri. Tres alia narrata, id est Austri, Orientis, & Aquilonis. Qua videlicet porta interior ad Aquilonem respiciens

inter duo vestibula esse memoratur. Atque per eadem utraque vestibula, & veterem exterius & novum populum ex Gentibus, per hoc quod est interius, diximus figurari. Sed his expletis &c. ut in editis.

^d Norm. esse gazophylacia cantorum. Sane paulo post legitur sint gazophylacia cantorum.

^e Lyr. extra portam externam.

^f Laud. & Sueff. eundem intellectum quem de sancta Ecclesia typo diximus, sicut cœpimus, teneamus.

templum, altare, sacrificia sint in atrio quod est extra portam, & tamen extra Ecclesiam non sint. Si enim subtili investigatione perquirimus nil obstat intelligi ut interiorē portam, sicut dictum est, sanctam Ecclesiam sentiamus. De qua nunc dicitur: *Et extra portam interiorē gazophylacia cantorum in atrio interiori*. Duo sunt etenim quæ dicuntur: porta interior, atque extra hanc atrium interius; quatenus hoc ipsum atrium & exterius sit, & interius: a porta exterius; interius autem, sicut prædiximus, portis quas narrando subiunxit.

Duplex
fidelium
vita & sa-
crificium.

4. Sancta enim Ecclesia duas vitas habet: unam quam temporaliter ducit, aliam quam in æternum recipit. Unam qua laborat in terra, aliam qua remuneratur in cælo. Unam qua mercedes colligit, aliam vero in qua jam de receptis mercedibus gaudet, atque in utraque vita offert sacrificium. Hic videlicet sacrificium compunctionis, & illic sacrificium laudis. De hoc sacrificio dicitur: *Sacrificium Deo Spiritus contribulatus*. De illo autem scriptum est: *Tunc acceptabis sacrificium iustitiæ, oblationes & holocausta*. De quo rursus ait: *Ut cantet tibi gloria mea, & non compungar*. In utroque autem sacrificio carnes offeruntur: quia hic oblatio carnis est maceratio corporis, ibi oblatio carnis est in laudem Dei, gloria resurrectionis. Tunc quippe illic quasi in holocaustum offeretur caro, quando in æterna incorruptione permutata, nil contradictionis, nil mortalitatis habuerit: quia tota simul amoris ejus ignibus accensa, in laude sine fine permanebit. Porta ergo hæc interior,

Psalm. 50. 19.

Ibid. v. 21.

Psalm. 29. 13.

id est in sancta Ecclesia habeat interiora sua, illam videlicet vitam, quæ adhuc oculis nostris occulta est. Habeat extra eam atrium exterius, id est vitam præsentem, in qua omne bonum agitur, ut ad bonum sine fine perveniatur.

5. Sint ergo in interiori atrio, quod tamen extra portam est, gazophylacia cantorum: quia electi quique atque perfecti, qui adhuc in carne mortali subsistunt, & intra sinum sunt sanctæ Ecclesiæ, & adhuc extra secreta gaudia interioris vitæ.^a Sint gazophylacia cantorum interius & exterius: quia corda Sanctorum quæ omnipotenti Deo desiderium suum per magni ardoris amorem cantant, & jam intus sunt, & adhuc intus non sunt, quia in sanctæ Ecclesiæ sinu posita, & jam vident per spiritum quod intus fortiter ament, & tamen adhuc non vident perfecte quod amant. Sint itaque in interiori atrio gazophylacia, sed extra portam; ut jam & intus sint per desiderium & adhuc intus non sint per plenarium effectum. Quid sunt autem gazophylacia cantorum, nisi sancta desideria amantium? Qui præcepta divina quasi quasdam divitias custodiunt in mente; quas cantando servant, quia mandata Dei non ex timore, sed ex amore^b perficiunt: eisque ipsis sacri eloqui præceptiones cantabiles fiunt, quia non ex tristitia, sed ex desiderio semper operantur. Vultis cor iusti quasi cuiusdam cantoris gazophylacium audire? *Cantabiles mihi erant justificationes tuæ in loco incolatus mei*. Justificationes Dei dicimus præcepta divina, quæ nos iustos faciunt,^c si impleantur. Quæ

Sancti
nunc intus
sunt per
desiderium,
non per
fruitionem.

Non ex timore sed
ex amore
operando,
Dei præcepta cantando
servant.

Psalm. 118. 54.

tunc

^a Sueff. & Longip. sint ergo gazophylacia cantorum extra portam interiorē & intra portas exteriores, interius & exterius, quia.

^b Ibidem cum Laud. custodiunt. Cantare

quippe gaudens est; & eis ipsa sacri &c.

^c Additur in Laud. & Longip. a nobis.

tunc nobis in loco incolatus nostri cantabiles fiunt, quando in hac peregrinatione vitæ præsentis ipsa eadem mandata diligimus, & ex desiderio implemus. Hinc est quod idem Psalmista iterum ex cantorum gazophylacio se insinuat, qui ait: *Misericordiam & judicium cantabo tibi Domine.*

Psalm. 100. 1.

Misericordiam & judicium Deo cantare debet peccator.

6. Misericordiam Domini qua peccata laxantur, cantare etiam peccator debet, id est hanc cum gaudio dicere atque sperare. Sed quis ita justus est, ut ejus sibi æternum judicium ante mentis oculos revocet, & non contremiscat: ^a ac potius venire ad illud examen tanti judicis præsumat, festinet, & gaudeat? Quisquis ille est, magnus est: quia jam misericordia Domini & judicium cantando, omnipotentem Deum qui ejus peccata misericorditer relaxat, toto mentis affectu diligit, ac propterea ejus judicium non pertimescit. *Caritas* namque *perfecta*, ut Johannes Apostolus ait, *foras mittit timorem*. Cantat quippe judicium, ad quod intrare non trepidat. Sit ergo mens illius gazophylacium cantorum, ut per divitias misericordiæ quas accipit, lætus pergat ad judicium, quod jam non pertimescit. Videamus si placet, fratres carissimi, aliud quoque gazophylacium cantoris. Forsitan & ipse judicium cantat. Quid etenim dicit? *Ego enim jam delibor, & tempus meæ resolutionis instat. Bonum certamen certavi, cursum consummavi, fidem servavi; de reliquo reposita est mihi corona justitiæ, quam reddet mihi Dominus in illa die justus judex.* Qui laborum suorum conficius, memor certaminis quod egit, memor fidei quam servavit, esse sibi in judicio repositam coronam dicit, eamque sibi in illa die reddi potius quam donari; profecto patet quia

judicium cantat, quod venire desiderat. Unde etiam subdit: *Non solum autem mihi, sed & his qui diligunt adventum ejus.* Nemo enim adventum judicis diligit, nisi qui se habere causam in judicio bonam novit. Eorum ergo corda qui adventum ^b judicis diligunt, gazophylacia cantorum sunt: quia per præsumptionem gratiæ & vitæ, per virtutes sancti desiderii cantant justum judicium, quod omnes injusti pertimescunt.

b

7. Meminit autem caritas vestra, quod superiori locutione per portam Orientis, fidem; per Aquilonis, spem; per Austri autem, caritatem diximus designari. Hæc itaque gazophylacia inter portam Orientis & Aquilonis esse memorantur: atque ad viam Australem respicere: quia corda Sanctorum inter fidem & spem posita, Australem viam respiciunt, quoniam sanctæ caritatis ignibus exardescunt. Ipsa quoque Orientalis porta respicere dicitur ad viam Aquilonis, quia nobis per fidem quidem omnia in Baptismate peccata laxantur; sed tamen dum adhuc hic vivimus, etiam post fidem sæpius ad peccata declinamus. Et quasi Orientis porta viam Aquilonis respicit, cum vita nostra post perceptam fidem, adhuc aliquatenus in frigore culpæ torpescit. Quis enim in hac vita valeat post fidem sine culpa vivere, cum Johannes dicat: *Si dixerimus quia peccatum non habemus, ipsi nos seducimus, & veritas in nobis non est?* Cujus verbis Jacobus concordans, ait: *In multis enim offendimus omnes.* Si autem peccata præterita in fidei perceptione dimissa sunt, & adhuc post fidem ad peccata declinatur; quæ nobis erit præsumptio justitiæ, quæ spes vitæ permanentis; nisi ut nunc dum adhuc in

Inter fidem, & spem positi, tendamus ad caritatem.

1. Johan. 4. 12.

2. Tim. 4. 7. & 8.

1. Johan. 1. 2.

Jacob. 3. 2.

^a Ita omnes mss. Anglic. Norm. &c. In edicis legitur mutato sensu, *an potius*.

^b Norm. *justi judicis*.

inter portam Orientis & Aquilonis sumus, ad viam Austri mentis oculos levemus, quatenus ex sancta caritate ferventes, calor nos amoris liberet ^a a culpa torporis & frigoris? Sint ergo gazophylacia inter portam Orientis & Aquilonis; sed sicut dictum est, ad Australem viam facies intendant: ut inter hoc quod nati in fide sumus, & quod post ad peccata delapsi de spe ^b pietatis præsumimus, exerceamus nosmetipsos in ardore caritatis, & ibi tendamus oculos cordis, ubi accendimur ignibus amoris.

^a Qua ferventes a torpore liberemur.

^b

Per Aquilonem Gentilitas designata.

8. Potest autem per Aquilonis portam Gentilitas, per Austri viam Judæa, per Orientis autem portam ipse Dominus designari. Per Aquilonem quippe non immerito Gentilitas figuratur, quam ille in torporis frigore ^c possedit qui dixit: *Sedebo in monte Testamenti, in lateribus Aquilonis*. Per Australem quoque portam recte Judæa accipitur, in qua spirituales patres cœlesti amore fervuerunt. Quorum unus loquitur, dicens: *Converte Domine captivitatem nostram, sicut torrens in Austro*. Quæ etsi carnalem populum habuit in quo velut Aquilonis frigora portavit, in sanctis tamen suis doctoribus ac Prophetis ad Deum ac proximum calore caritatis arsit. Orientalis autem porta non immerito ipsum signat, de quo scriptum est: *Ecce vir, Oriens nomen ejus*. Et de quo Zacharias ait: *Visitavit nos Oriens ex alto*. Sint ergo gazophylacia cantorum ex latere portæ Aquilonis: quia non solum in Judæa fuerunt corda Sanctorum spiritualiter accensa, sed etiam in Gentilitatis multitudine ad sanctæ fidei sacramenta conversæ, ardent corda Sanctorum amo-

^c *Isai. 14. 13*

Judæa per Austriam. *Psal. 125. 4.*

Christus per Orientem. *Zach. 6. 12. Luc. 1. 78.*

re cœlestis patriæ, inhiant gaudiis æternis, suspirant ad societatem suorum civium in cœlo; sed tamen exempla hujus ardoris, quem dono sancti Spiritus acceperunt, a spiritualibus patribus synagogæ capiunt. Unde ipsa quoque gazophylacia & in Aquilonis latere posita; oculos ad viam Australem tendunt. Ecce enim in Gentibus venimus: sed in hoc quod per sancti Spiritus amorem calemus, Judææ patres aspicimus, qui nobis in suis dictis quotidie sancti desiderii exempla præbent.

9. An non quasi calore meridiani fervoris ardebat, qui æstuabat, dicens: *Sicut cervus desiderat ad fontes aquarum, ita desiderat anima mea ad te Deus. Sitivit anima mea ad Deum vivum: quando veniam & parebo ante faciem Dei?* Qui rursus ait: *Psallam & intelligam in via immaculata, quando venies ad me*. Hoc quoque ardore succensus fuerat qui dicebat. *Nunc ^d dimittis Domine servum tuum secundum verbum tuum in pace: quia viderunt oculi mei salutare tuum*. Quia ergo ex Gentilitate venimus, sed sanctos Judææ patres nobis in divini amoris imitatione proponimus, quasi quædam cantorum gazophylacia ex latere portæ quæ viam Aquilonis respicit, sumus; sed ad viam Austri facies tendimus.

Quanto amore succensus David. *Psal. 41. Vers. 2. & 3.*

Pf. 100. 2.

Luc. 2. 4. 29.

^d Et Simeon senex.

10. Et notandum, quod hæc eadem gazophylacia inter portam Aquilonis & Orientis esse perhibetur: quia videlicet post incarnationem Dominicam, multitudo Gentium ad fidem venit, atque inter ipsos fideles populos ^e & sacramenta Dominicæ incarnationis quam medullitus diligunt, corda amantium surgunt.

Quædam a nobis rolandenda sunt, & alia diligenda.

Hæc

^a Vulgati, a culpa torporis, in vitis mss. Anglic. Norman. Val cl. &c.

^b Laud. & Longip. misericordia.

^c Male vulgati, possidet; cogentibus mss.

& rei veritate legere, possedit.

^d Genet. assentientibus alius Norm. dimiserat, quod tert Græcus textus.

^e Longip. ex sacramentis.

2 Habeant ergo ^a sancta gazophylacia, hinc Orientis portam, & inde Aquilonis: quia inter ipsa redemptionis suæ myſteria quæ ſequuntur, & carnales quosdam quos & intra ſanctam Eccleſiam tolerant, multi in Deum forti amore proficiunt, virtutibus excreſcunt; æterni judicis adventum quærunt: & inter ea quæ amant, atque illa quæ tolerant, quaſi quædam gazophylacia, divitias ſpiritus in mente ſervant. Nec inter ſacramenta quæ diligunt, & quædam contraria quæ portant, deſciunt: quia ad Auſtralem viam facies intendunt. Quid enim patimur quod patres noſtri pro amore Domini antea non pertulerunt?

Chriſtus inter Judæos & Gentiles medius.

b

11. Notandum vero, quod inter portam Auſtri & Aquilonis, Orientalis porta eſſe deſcribitur: quia Dominus ac Redemptor noſter de Judæa eſt natus, moxque in fide ſua Eccleſiam ex Gentibus ^b traxit. Quaſi enim inter meridianam portam & Aquilonis apparuit; quia ex illa venit, & iſtam in ſuum ſervitium convertit. Unde & bene dicitur quod porta eadem Orientalis ad viam reſpicit Aquilonis: quia natus Dominus Synagogam deſcruit, & multitudinem Gentium collegit. Notandum quoque eſt, quod dum de gazophylaciis diceretur: *Et facies eorum ad viam Auſtralem*, aditum eſt, *unam*: ut videlicet aperte ſentiamus, quia non alia eſt via ad cœleſtem patriam nobis qui ex Gentilitate venimus, atque alia illis patribus qui fuerunt in Judæa: ſed hæc eadem una via eſt nobis & illis, quæ nos ad æterna gaudia ducit, quæ nobis per Evangelium dicit: *Ego ſum via, veritas, & vita*. De qua Pſalmiſta ait: *Ut cognoscamus in terra viam tuam, in omnibus gentibus ſalu-*

tare tuam. Quod enim Hebraice Jeſus, hoc Latine dicitur ſalutaris. In terra ergo via cognoscitur; quia Jeſus, Deus ante ſecula, & homo factus in fine ſeculorum, Gentibus eſt manifeſtatus. Una ergo eſt via & illis qui ab Auſtro ſunt, & his quia ab Aquilonis ^c parte reſpiciunt: quia electis Judæis & Gentibus Dominus ac Redemptor noſter expulſa pœna formidinis, ad Patrem factus eſt iter amoris, atque adiutorium perventionis. Sequitur: *Et dixit ad me*: *Verſ. 45.* *Hoc gazophylacium quod reſpicit viam meridianam ſacerdotum eſt, qui excubant in cuſtodiis templi*. Atque mox ſubditur:

Porro gazophylacium, quod reſpicit ad viam Aquilonis, ſacerdotum erit qui excubant ad miniſterium altaris. *Verſ. 46.*

12. In quibus Prophetæ verbis prius nobis quærendum eſt, qui ſint majoris ordinis ſacerdotes, utrum hi qui cuſtodiis excubant templi, an qui in miniſterio altaris. Sed quia paulo poſt ſubditur: *Altare erat ante faciem templi*; aperte oſtenditur illos eſſe majoris ordinis ſacerdotes, qui in cuſtodiis templi excubant, quia proſecto in altari quod eſt interius, miniſtrant. Hi autem qui ad altare quod ante faciem templi eſt excubant, tanto inferiores ſunt, quanto in exterioribus miniſtrant. Quærendum ergo nobis eſt, qui ſacerdotes ſint qui templum cuſtodiant, & qui ad miniſterium altaris excubare perhibentur. Magiſter Gentium fidelibus ſcribens, ait: *Templum Dei ſanctum eſt, quod iſtis vos*. Qui itaque ſacerdotes ſunt qui templum Dei cuſtodiant, niſi hi qui orando, prædicando, ſpiritualibus actibus vigilando, ſanctam Eccleſiam a malignorum ſpiri-

Quorum ſacerdotum ſit templum cuſtodire.

1. Cor. 3. 16.

Unusque ipſe eſt via.

Joh. an. 14. 6.

Ps. 66. 3.

^a Editi, *Sancti gazophylacia*. Reſelluntur ex omnibus mſs.

^b Val. cl. cum Norm. omnibus, *conſtru-*

xit.

^c Ita unanimiter mſs. At editi, *porta*.

rituum immissionibus, a pravorum suasionibus, ab hæreticorum erroribus defendunt? An non custos templi fuerat ^a qui labores suæ passionis enumerans, dicit: *In labore & ærumna, in vigiliis multis, in fame & siti, in jejuniis multis, in frigore & nuditate*: atque statim subdit: *Præter illa quæ extrinsecus sunt, instantia mea quotidiana, sollicitudo omnium Ecclesiarum*? Pensate quæso, custos templi quanta sollicitudine vigilet. Ecce enim in seipso inestimabilia patitur, & cordis sui sollicitudinem aliis impartitur. Cujus rogo virtutis est, plus de utilitate proximorum, quam de sua afflictione cogitare? Quis hoc digne æstimet? quis digne penset? Laborat, luget, esurit, sitit, alget, jejunat, vigilat: & tamen vigilando, de Ecclesiarum omnium sollicitudine cogitat. Ecce est solertissimus custos templi in exemplo propositus. Imitetur qui valet. Adversa etenim pro veritate pati, bona proximis impendere, circa animarum sollicitudinem vigilare, ne quis in perfidiam, ne quis in superbiam, ne quis in rapinam, vel immunditiam labatur, exquirere atque compescere; hoc est templum Dei, id est sanctam Ecclesiam custodire.

13. Sunt autem minoris ordinis sacerdotes, qui ad ministerium altaris excubant, qui videlicet ^b in adiutorium majorum, peccata delinquentium subtiliter investigant, & vitam carnalium corrigunt, atque ad hoc usque perducunt, ut per lamenta pœnitentiæ quasi incendunt carnem in sacrificio, quam prius vivere permiserant in peccato. Non enim hi qui sanctis Ecclesiis præsumunt, per semetipsos cuncta agere

prævalent. Sed dum ipsi causis spiritualibus occupantur, si qua prava ac carnalia perpetrantur, hæc aliis discutienda atque corrigenda committunt. Per quos dum carnalis vita corrigitur, & usque ad abstinentiæ atque orationis studium a proficientibus pervenitur, quasi in altari jam caro incenditur, ut in conspectu omnipotentis Domini inde sacrificium redoleat, unde prius culpa displicebat.

14. Sed hac in re quæstio oritur, cum superius dictum sit quod gazophylacia ad Australem viam facies haberent, qua ratione nunc dicatur, quia gazophylacium quod respicit viam meridianam, sacerdotum est qui excubant in custodiis templi: & gazophylacium quod respicit viam Aquilonis, sacerdotum qui excubant ad ministerium altaris. Si enim utraque, facies ad Australem viam ^c tendebant, quomodo nunc unum ad meridianam, atque aliud ad Aquilonis viam respicere dicitur? Sed in verbis agnoscimus, quod gazophylacium sacerdotum qui excubant in custodiis templi, ita positum fuerat, ut solam meridianam viam respiceret: gazophylacium vero sacerdotum qui excubant ad ministerium altaris, ita erat in atrio, ut & Australem viam & Aquilonis faciem tenderet, ^d quatenus & cum gazophylacio sacerdotum qui excubant in custodiis templi meridianam viam aspiceret, & tamen sine gazophylacio eorundem sacerdotum, gazophylacium sacerdotum qui excubant ad ministerium altaris, Aquilonis viam videret. Sed quid est hoc, fratres carissimi? quid in his verbis mysticum possumus intueri, nisi hoc quod secundum ea quæ præmissa sunt, jam spiritualis ^e audi-

Priores foliis spiritualibus studiis additi.

Quorum sit altari ministrare.

b

^a Long. qui laboris sui passiones.

^b Laud. in auditorum malorum. Longip. in auditorum suorum.

^c Laud. Longip. Rotomag. tenebant.

^d Lyr. & Longip. quatenus & gazophyl-

lacium sacerdotum qui. Laud. & cum gazophylacium.

^e Lyr. adiutor majoris ordinis queat intelligi; sicque olim lectum in Rotomag.

auditor intelligit : quia sacerdotes majoris ordinis , qui excubant in custodiis templi , solam meridianam viam respiciunt , quoniam solis studiis spiritualibus occupati , semper his quæ amoris Dei sunt , solícite intendunt : sacerdotes autem minoris ordinis , qui discutiendis peccatis delinquentium præsumunt , etiam ad Aquilonis viam oculos reflectunt , ut in mente peccantium , quæ sint torporis frigora videant , & hæc verbis correptionis usque ad pœnitentiæ gemitus perducunt , quasi carnes in altari Domini incendant ? Respiciunt etiam cum magnis sacerdotibus ad meridianam viam : quia quantum ad semetipsos est , fervent igne caritatis , & succensi sunt flammis amoris Dei . Sed quia peccata delinquentium crebro corrigunt , etiam ad Aquilonis viam oculos reducant . De utrisque autem sacerdotum ordinibus subditur :

Secus sacer-
dotes mino-
ris ordinis .

Ibidem .

Isti sunt filii Sadoch , qui accedunt de filiis Levi ad Dominum ut ministrent ei .

Cur filii Sa-
doch & Le-
vi dicun-
tur qui Deo
ministrent .
Ps. 118. 13.

15. Sadoch Latine dicitur Justus . Qui autem justus est , nisi ipse cui dicitur : *Justus es Domine , & re-
atum judicium tuum ?* Qui vero sunt filii justi , nisi hi de quibus scriptum est : *Quotquot autem a crediderunt in eum , dedit eis potestatem filios Dei fieri ?* Levi autem interpretatur Assumptus . Quis autem a Domino assumptus est , nisi populus fidelis : qui per sacramenta fidei est a perfidis segregatus ? Omnes ergo qui perseveranter spiritualibus actibus intendunt , filii sunt justi . Et de filiis populi assumpti accedunt ad Dominum ut ministrent ei ; quia de ipsis quoque fidelibus eliguntur , qui ad omnipotentis Dei ministerium veniant , & cœlestibus studiis pro eruditione populi intendant .

Johan. 1. 12.
a

a Lyr. addit , *vel receperunt eum .*
Tom. V.

16. Sed nobis solerter inquirendum est , qui sunt qui Domino ministrant . Neque enim omnes qui legunt , omnes qui prædicant , omnes qui propria tribuunt , omnes qui per carnis abstinentiam corpus castigant , Domino ministrant . Qui enim legendo atque prædicando , gloriam propriam quærunt , largiendo quæ habent , & corpus in abstinentia macerando , laudes recipere ab hominibus appetunt : sibi , non Domino ministrant . Quo contra per Psalmistam Dominus dicit : *Ambulans in via immaculata , hic mihi ministrabat .* Habet enim maculam in via , qui in bono opere quod agit , terrenæ gloriæ sibi præmium proponit : qui in hoc mundo recipere mercedem quærunt , & scædat in conspectu Dei speciem boni operis macula prævæ intentionis . Fortasse etenim quis disciplinæ studio intentus fervet , culpas delinquentium refecat : qui tamen ad hæc agenda si non ex omnipotentis Dei amore , sed zelo proprio ducitur , sibi in his , & non Domino ministrat . Alius ne aper esse videatur , multa leniter tolierat , quæ prave perpetrantur . Iste itaque quia videri pro Domino districtus non vult , per lenitatis suæ studium sibi & non Domino ministrat . Restat ergo ut sive in verbi ministerio fatigemur , sive indigentibus nostra largiamur , sive per abstinentiam carnem domemus , sive zelo moveamur , sive per patientiam aliquando leniter prava toleremus ; ut nos summopere debeamus intentionem nostram discutere , quatenus omne quod facimus , non nostro , sed Domini zelo faciamus : ne in his quæ agimus , nobis potius quam Domino ministremus . Non enim Domino , sed sibi ministraverant , de quibus Paulus dicebat : *Omnes quæ sua sunt quærunt , non quæ sunt Je-*

Qui non
recta inten-
tione bona
agunt , non
Deo sed sibi
serviunt .

Ps. 100. 6.

Phil. 2. 21.

Nemo sibi
vivat aut
moriatur,
sed Deo.
Rom. 14.
v. 7. & 8.

a

su Christi. Idem vero Paulus cum electis fratribus non sibi ministrare, sed Domino, & vivendo & moriendo festinabat, dicens: Nemo nostrum sibi vivit, & nemo sibi moritur. ^a Sive enim vivimus, Domino vivimus: sive morimur, Domini sumus. Sibi enim sancti nec vivunt, nec moriuntur. Sibi non vivunt, quia per omne quod agunt, ad lucra spiritualia anhelant: atque orando, prædicando, sanctis operibus insistendo cœlestis patriæ cives multiplicare desiderant. Sibi minime moriuntur, quia in conspectu hominum Deum de sua morte glorificant, ad quem pervenire etiam moriendo festinant. Pensamus itaque, in morte Sanctorum non quantum eorum opprobrium ab infidelibus fuit, sed quanta laus Domini in corde fidelium excrevit. Qui si suam laudem quærent, profecto pati tot opprobria in morte timuissent. Sed ^b nemo nostrum sibi vivit, & nemo sibi moritur: quia suam gloriam nec vivendo, nec moriendo quæsierunt. Videamus si ipse primus Pastor Ecclesiæ, qui sibi non vixit, sibi sit mortuus. Johannes ejus socius requiratur, & ex verbis Domini de morte Pastoris ejusdem dicat: *Hoc autem dixit significans qua morte clarificaturus esset Deum.* Non ergo sibi est mortuus, qui Deum clarificavit in morte. Discamus igitur, fratres mei, intentionem nostram in omne quod agimus, felicitate inquisitione discutere, & nostra non quærere, si omnipotenti Deo volumus ministrare. Sed quia ex fidei populo filios Sadoch ad omnipotentis Dei ministerium diximus ^c assumi, numquid in eodem populo non sunt multi, qui inveniantur in mandatis Dei vivere

perfecti? Sunt omnino; nam subditur.

Et mensus est atrium longitudine centum cubitorum, & latitudine centum cubitorum per quadrum. ^{vers. 47.}

17. Sæpe jam per longitudinem, longanimitatem spei: per latitudinem vero, caritatis amplitudinem diximus signari. Centenarius autem numerus in quo denarius decies ducitur, quod summam perfectionis signet, plene ^{*} superius dictum est. Quid est igitur atrium spiritualis ædificii, nisi amplitudo fidelium populorum? Ipsa autem longanimitas spei & latitudo caritatis vacua in cordibus fidelium non est: nam per fidem quidquid valet operatur. Unde per Paulum dicitur: *In Christo* ^{Galat. 5. 6.}

Jesu neque circumcisio aliquid valet, neque præputium, sed fides quæ per dilectionem operatur. Si ergo in vita fidelium juxta quemdam modum per singulos perfecta est longanimitas spei, perfecta latitudo caritatis, perfecta certitudo fidei, perfectum studium operationis; atrium templi per quadrum centum cubitos habet. In mensura autem quadri non aliud latius majus est, atque aliud minus, sed cuncta simul quatuor latera æquali spatio tenduntur: quia & ipsas easdem virtutes, quas diximus, fidem scilicet, spem, caritatem atque operationem, quamdiu in hac vita vivimus, æquales sibi esse apud nosmetipsos invenimus. Idcirco autem ^d major spe & fide caritas dicitur; quia postquam ad auctoris nostri speciem pervenitur, spes quidem & fides transiit, sed caritas permanet. Nam nunc & quantum credimus, tantum amamus; & quantum amamus, tantum de spe præ-

Fides, spes, caritas & boni operatio in eodem sint gradu.

* Hom. 6. olim 18. num. 16.

Joh. 21. 19.

^a Laud. & longip. sive morimur, Domino morimur. Sive ergo vivimus sive morimur, Domini sumus.

^b Edni, nemo illorum. Secus in omnibus

ms.

^c ta iidem mss. Vulgati habent, assumptos.

^d Longip. major spei & fidei.

1. Joh. 2. 4.

præsumimus. De fide quoque & operatione Johannes Apostolus fate-
tur, dicens: *Qui se dicit nosse Deum, & mandata ejus non custodit, mendax est.* Notitia quippe Dei ad fidem pertinet, mandatorum custodia ad operationem. Cum ergo virtus,
a tempus, & locus operandi suppetit, tantum quis operatur, quantum Deum noverit: & tantum se nosse Deum indicat, quantum pro Deo
b bona operatur. Metiantur ergo b fidelis populi virtutes in quadrum: quia unusquisque qui in activæ vitæ exercitio versatur, tantum credit,
c quantum sperat, & amat, & operatur: tantum sperat, quantum credit, operatur & amat: tantum amat, quantum credit, sperat & operatur: tantum operatur, quantum credit, amat, & sperat. Quia itaque in sanctæ Ecclesiæ populo multi sunt & robusti per fidem, & longanimes per spem, & ampli per caritatem, & efficaces per operationem, atrium templi centum cubitis in quadro mensuratur.

Quatuor virtutibus præfertim constat spirituale ædificium.

18. Nam ut aliquid quoque de eorum virtutibus loquamur, sæpe ex eis quosdam videmus prudentes per intelligentiam, fortes in adversitate, justos in operatione, temperantes a voluptatibus, atque in omni zelo discretionis se mensura moderantes. Qui dum prudentiam, fortitudinem, justitiam, atque temperantiam, vel sicut eas enumerare quibusdam placet, prudentiam, temperantiam, fortitudinem, atque justitiam tenent, mensuram spiritualis atrii in quadro habent. Ecce enim ipsæ virtutes, quas habere bonos ac fideles diximus, ita in quadro sunt, ut una aliam non excedat. Magna

quippe est prudentia; sed si minus est a voluptatibus temperans, minus in periculis fortis, minus in operationibus iusta, profecto minus est prudens. Magna est temperantia; sed si minus intelligit unde se temperet, si adversa sustinere per fortitudinem minus valet, atque in timore animum dejicit, si per præcipitationem suam aliquando ad injustitiæ opera prorumpit, minus est temperans. Magna est fortitudo; sed si minus intelligit quæ bona custodiat, quibus malis resistat; si minus a voluptatis appetitu se temperat, sed vincitur delectatione; si justitiæ opera minus tenet, atque aliquando in injustitiæ dominatione superatur, minus est fortis. Magna est justitia, sed si minus quam debet inter iusta & injusta opera discernit, d si minus cor a mundi delectatione temperat, si minus se contra adversa confortat, minus est iusta. Mensuretur ergo perfectorum fidelium vita per quadrum; & tantum habeat spiritualis atrii latus unum, quantum latera singula: quia unusquisque tantum prudens est, quantum temperans, fortis & iustus: tantum temperans, quantum prudens, fortis & iustus: tantum fortis, quantum prudens, temperans, & iustus: tantum iustus, quantum prudens, temperans, & fortis fuerit. Sunt tamen inter eos plurimi, qui adhuc carnaliter vivunt. Qui & si fortasse litteras ignorant, & præcepta Dei legere non valent: certe in multorum fidelium conversatione, bona quæ imitentur, vident. Ecce in Ecclesia voces sancti Evangelii atque Apostolorum sonant: ecce exempla bene viventium quotidie omnium

Quam necessario sibi sint connexæ.

Q 2 ocu-

a Ebroic. Sag. Rotomag. Lyr. tempus & locum operandi appetit.

b Longip. fideles populi.

c In Longip. quantum sperat, amat, & operatur; tantum sperat quantum credit & amat. Cetera desunt. In editis ante Gullan. qui hoc vita exercitio versatur, tantum cre-

dit quantum sperat & amat, & tantum operatur quantum credit, amat, & sperat. Quæ deerant supplevimus ex mss. Norm. & Anglic. Codex Laud. hic deficit.

d Val cl. & Norm. quibus consentiunt vet. ed. si minus curam mundi delectatione temperat.

oculis opponuntur. Nec in excusatione dicere poterunt: Non vidimus quod imitari deberemus. Unde & subditur:

videtur

Cor compunctionis igne succensum, altare est. 2. Cor. 3. 17.

Et altare ante faciem templi.

19. Quid est templum, nisi fidelis populus? sicut per Paulum Apostolum discipulis dicitur: *Templum enim Dei sanctum est, quod estis vos.* Et quid est altare Dei, nisi mens bene viventium? Qui peccatorum suorum memores, lacrymis maculas lavant, carnem per abstinentiam macerant, nullis se mundi huius actionibus miscent, quæ habent, indigentibus tribuunt, & habere quæ non habent, non concupiscunt. Recte igitur horum cor, altare Dei dicitur, ubi ex mœnore compunctionis ignis ardet, & caro consumitur. Et numquid non tales, fratres carissimi, quotidie in sancto hoc ^a fideli populo quasi in templi atrio videmus? Numquid non eorum vitam nobis ad exemplum propositam indefinenter aspicimus? Altare ergo ante faciem templi est, cum multi in sanctæ Ecclesiæ conspectu sunt positi, qui æterni iudicii memores, semetipsos quotidie Deo sacrificium in lamento compunctionis mactant. Qui ut prædictum est, corpora calligant, quatenus hoc quod per Magistrum Gentium dicitur, impleant: *Ut exhibeatis corpora vestra hostiam viventem, sanctam, Deo placentem.* Hostia quippe occiditur, ut offeratur. Sed hostia vivens, est corpus pro Domino afflictum. Quod & hostia dicitur, & vivens: quia vivit in virtutibus, & est a vitiis occisum. Hostia videlicet, quia jam huic mundo est a pravis actibus mortuum: vivens autem, quia cuncta quæ prævalet bona operatur.

Duz compunctionis sunt species.

20. Sed quia sub altaris nomine; de compunctionis flamma sermo se intulit, necessarium puto, quæ sit

diversitas ejusdem compunctionis ostendere. Alia quippe compunctio est quæ per timorem nascitur, alia quæ per amorem: quia aliud est supplicia fugere, aliud præmia desiderare. Unde etiam in tabernaculo per Legem duo altaria fieri jubentur: unum videlicet exterius, aliud vero interius: unum in atrio, aliud ante Arcam; unum quod ære coopertum est, aliud quod auro vestitur. Atque in altari æreo cremantur carnes, in altari vero aureo incenduntur aromata. Quid est hoc, fratres carissimi, quod foris concremantur carnes, intus aromata? nisi hoc quod quotidie videmus, quia duo sunt compunctionis genera, ^b quia alii adhuc per timorem plangunt, alii vero jam se per amorem in lamentis afficiunt. Multi namque peccatorum suorum memores, dum supplicia æterna pertimescunt, quotidianis lacrymis ^c affligunt. Plangunt mala quæ fecerunt, & incendunt vitia igne compunctionis, quorum adhuc suggestiones in corde patiuntur. Quid isti, nisi altare sunt æreum? in quo carnes ardent, quia adhuc ab eis carnalia opera planguntur.

21. Alii vero a carnalibus vitiis liberi, aut longis jam fletibus securi, amoris flamma in compunctionis lacrymis inardescunt, celestis patriæ præmia cordis oculis proponunt, supernis jam civibus interesse concupiscunt. Dura eis apparet servitus, longitudo peregrinationis suæ. Regem in decore suo videre desiderant, & flere quotidie ex ejus amore non cessant. Quid isti, nisi altare sunt aureum? in quorum corde aromata incensa sunt; quia virtutes ardent. Bene autem de eodem altari dicitur, quod ante velum Arcæ sit positum in Sancta sanctorum. Arca quippe Testamenti ipse nobis factus est: de quo scriptum esse novimus:

Qui ex caritate compunguntur, altare sunt aureum ante velum arcæ positum.

In

^a Val. cl. *feri populo.*

^b in Genet. & ab Norm. unum mem-

brum alteri præponitur.

^c Val. cl. *affligunt.*

Coloss. 2. 3. In quosunt omnes thesauri sapientiae & scientiae absconditi. Arca intra velum est, Redemptor noster in caelo. Altare vero aureum in quo thymiama

Arca est Christus.

a

incenditur^a ante velum, Sanctorum corda, quae cum magnis virtutibus in Dei amore succensa sunt, per sanctum desiderium in illo ardent, quem adhuc revelata facie videre non possunt. Inter Arcam quippe & altare velum est: quia hoc quod nos adhuc a visione Dei separat, corruptionis nostrae obstaculum remotum non est. Sed quousque ante velum sumus, oportet ut quasi thymiamatis incensum flamma amoris ardeamus. Per compunctionis autem lacrymas nil terrenum, nil transitorium quaerere debemus. ^b Solus ipse nobis sufficiat, qui fecit omnia. Transcendamus per desiderium omnia, ut mentem colligamus in unum. Non jam timore poenarum, non memoria vitiorum, sed amoris flamma succensi, ardeamus in lacrymis cum odore virtutum.

Qua sit electorum oratio.

Can. 3. 6.

22. Ista electorum oratio jam prospiciebatur, cum in sponsae laude diceretur: *Qua est ista quae ascendit per desertum sicut virgula fumi ex aromatibus myrrhae & thuris, & universi pulveris pigmentarii?* Sancta quippe electorum Ecclesia cum ab hoc mundo in sanctis precibus ardenti amore se erigit, per desertum quod deserit, ascendit. Qualiter vero ascendat, adjungit: *Sicut virgula fumi ex aromatibus.* Fumus de incenso nascitur, sicut per Psalmistam dicitur: *Dirigatur oratio mea sicut incensum in conspectu tuo.* Fumus excutere lacrymas solet. Itaque fumus

ibid.

Ps. 140. 2.

^a Sic restituendum duximus mss. auctoritate & ratione iteti. In vulgatis legitur: *ante velum, quia & noster corda.* Qua lectione se ui videtur Christum esse Arcam & Altare, contra S. Greg. mentem, qui Christum quidem dicit Arcam esse, corda vero fidelium caritate flagrantium, Altare aureum.

^b Excessi contra mss. omnium nostr. si.

est ex aromatibus, compunctio orationis concepta ex virtutibus amoris. Quae tamen oratio fumi virgula dicitur: quia dum sola caelestia postulat, sic recta progreditur, ut ad terrena atque temporalia^c petenda minime reflectatur. Et notandum, quod non virga, sed virgula nuncupatur: quia interdum in compunctionis ardore tantae subtilitatis est vis amoris, ut hanc nec ipse animus possit comprehendere, qui illuminatus meruit habere.

c

23. Bene autem dicitur, *Myrrhae & thuris.* Thus enim ex Lege Domino in sacrificio incenditur. Per myrrham vero corpora mortua condiuntur, ne a vermibus corrumpantur. Myrrhae ergo & thuris sacrificium offerunt, qui & carnem afficiunt, ne eis corruptionis vitia dominantur: & redolentem in conspectu Domini amoris sui hostiam incendunt, ^d seque ipsos Deo in sanctis virtutibus exhibent. Unde & illic subditur: *Et universi pulveris pigmentarii.* Pulvis est pigmentarii, virtus bene operantis. Et notandum, quod virtutes bene operantium non pigmenta, sed pulveres dicuntur. Cum enim quaelibet bona agimus, pigmenta offerimus. Cum vero ipsa etiam bona quae agimus, retractamus, & ne quid in his sinistrum sit, judicio retractationis attendimus, quasi ex pigmentis pulverem facimus, ut orationem nostram Domino per discretionem & amorem subtilius incendamus.

Myrrhae & thuris sacrificium offerre debent.

d

24. Ecce haec, ut Deo largiente potuimus, coram vobis, fratres carissimi, rimati sumus. Nemo autem

Qua fuerit Gregorio causa officii predicatoris intermittendi.

me

dem, *solus nobis desiderium perficit.* Et infra, *ut mente colligamur.*

^c Longip. appetendo, pro terreno studio minime reflectatur.

^d Additur in Longip. *myrrha itaque quia se cruciant, & cruciant. se a vitiis conservant. Ihas vero quia Dei visionem diligunt ad quam pervenire medullitus inardescunt, seque &c.*

a me reprehendat: ^a si post hanc locutionem cessavero: quia sicut omnes cernitis, nostræ tribulationes excreverunt: undique gladiis ^b circumfusi sumus, undique imminens mortis periculum timemus. Alii detruncatis ad nos manibus redeunt, alii capti, alii interemti nuntiantur. Jam cogor linguam ab expositione retinere: quia *tædet animam meam vita meæ*. Jam nullus a me sacri eloquii studium requirat: quia *versa in luctum cithara mea, & organum meum in vocem flentium*. Jam cordis oculus in mysteriorum discussione non vigilat: quia *dormitavit anima mea præ tædio*. Jam minus lectio animo dulcis est: quia *oblitus sum manducare panem meum*

a voce gemitus mei. Cui autem vivere non licet, de Scripturæ sacræ sensibus loqui mystica qualiter libet? Et qui cogor quotidie amare bibere, quando possum dulcia propinare? Quid igitur restat, nisi ut inter flagella quæ ex nostris iniquitatibus patimur, cum lacrymis gratias agamus? Ipse etenim qui nos creavit, etiam pater nobis factus est per adoptionis spiritum quem dedit. Et aliquando filios pane nutrit, aliquando flagello corrigit: quia per ^c dolores & munera ad hereditatem perpetuam erudit. Sit itaque gloria omnipotenti Domino nostro Jesu Christo, qui vivit & regnat cum Patre in unitate Spiritus sancti Deus, per omnia secula seculorum. Amen.

^a Longip. si post hac a locutione.
^b Ebroic. circumfossi.

^c Norm. per dolores innumeros. Val-cl. per dolores & vulnera innumera.



I N D E X

H O M I L I A R U M

I N E Z E C H I E L E M.

L I B E R P R I M U S.

- Præfatio. Sive Epistola ad Marianum. Tom. IV. pag. 125
- Homilia I. Prophetam expositorum S. Doctor de prophetia temporibus & modis præfatur. 126
- Homilia II. Prophetia Ezechielis quinque priores versus, juxta multiplicem sensum, allegoricum præsertim & moralem exponuntur. 134
- Homilia III. Exponuntur quatuor versus, a sexto ad decimum, de sanctis prædicatoribus, & de duplici eorum vita, activa & contemplativa. 144
- Homilia IV. In explicatione Versuum decimi, undecimi, & duodecimi incoati, multa præcepta moralia, præsertim de continua in Deum intentione, & ad se attentione proponuntur. 152
- Homilia V. In expositione trium Versuum ab duodecimo ad decimum quintum, docte differitur de Spiritu sancto, ejusque in Sanctis impulsu, motu & inhabitatione. 158
- Homilia VI. Explanantur versus 15. 16. 17. cum media decimi-octavi parte; deflexo ad sacræ Scripturæ, ad Evangelii præsertim commendationem, prophetici sermonis sensu. 165
- Homilia VII. Exponitur Versus 18. cum quinque sequentibus, maxime de sacræ lectionis utilitate, & de exhibendis ea cautione caritatis officiis, ut nobis potissimum per pœnitentiam intendamus. 176
- Homilia VIII. A Versu 24. quæ supersunt capitis primi explicantur, cum initio capitis secundi; & de Christi divinitate, de Verbi incarnatione, de prædicatione, de Ecclesiæ congregatione, multiplicatione, unitate, plurimis differitur. 188
- Homilia IX. Ezechielis Caput secundum explanatur: qua in expositione non solum multa moraliter explicantur, sed etiam non pauca de gratiæ prævenientis necessitate, de liberi arbitrii consensu & cooperatione, de sacræ Scripturæ obscuritate & interpretatione doctissime differuntur. 203
- Homilia X. In expositione priorum Versuum Capitis tertii usque ad quintum-decimum, commendat maxime Scripturam sacram, ejus assiduam lectionem, meditationem, & prædicationem. 218
- Homilia XI. Explanationem Capitis 3. Ezechielis prosequitur a Versu 15. ad 20. ubi de officio pastoralis, de peccatis prælatorum & subditorum invicem connexis, ac de mentis obsecratione præsertim differitur. 236


Homilia XII. *Quod residuum est Capitis tertii decurrit, & usque ad Versum 4. Capitis quarti suam explanationem perducit; quam ad varia sive praecepta sive consilia moralia pro praedicatoribus & auditoribus infleat.* 249

LIBER SECUNDUS.

- Homilia I. *In explicatione trium priorum Versuum Cap. 40. Ezechielis, & quarti incoati, de Christo & Ecclesia, de electis, & de occultis erga eos Dei judiciis, praesertim differitur. To. V. p. 4*
- Homilia II. *In duobus Cap. 40. Versibus, quarto videlicet ac quinto explicandis, de activa & contemplativa vita fuse differit sanctus Doctor; & plurima, suo more, documenta moralia inspergit.* 16
- Homilia III. *In trium Versuum explicatione potissimum describitur Ecclesiae aedificium ex omnibus sub utroque Testamento iustis constructum.* 25
- Homilia IV. *Quatuor Versibus a nono ad duodecesimum allegorice aut moraliter explicatis, absolvitur.* 37
- Homilia V. *Ab extrema duodecimi Versus parte ad decimum-septimum, Ezechielis Cap. quadagesimum exponitur, ac de contemplatione praesertim differitur.* 48
- Homilia VI. *Tres dumtaxat Versus explicantur, & quanta in Christianis, maxime vero in Apostolis perfectio eluxerit, ostenditur.* 60
- Homilia VI. *Septem Versum a 20. ad 27. explicationem completitur, plurimaeque simul exhibet praecepta moralia, de Spiritus sancti donis, gradibusque ad ea ducentibus, de vera perfectione, ac de bonorum operum necessitate.* 72
- Homilia VIII. *Versus 27. ac reliqui usque ad 38. inclusive plerique cursim, alii fusius exponuntur, & dogma de Resurrectione potissimum adstruitur.* 86
- Homilia IX. *Quinque Versus a 39. ad 43. exponendi proponuntur, & vix tentato sensu litterali, spiritualis & moralis proferuntur, ac de Pastoris officio imprimis differitur.* 99
- Homilia X. *Quatuor Versus a 44. ad 48. exponendo S. Doctor de fide, spe, caritate, ac de bonis operibus Deo in cordis altari offerendis liberius excurrit, & hoc opus absolvit.* 114

Explicit Index Homiliarum.


S A N C T I
G R E G O R I I
P A P Æ I.
COGNOMENTO MAGNI,
XL. H O M I L I A R U M
I N E V A N G E L I A
L I B R I D U O.



PP. MAURINORUM

ADMONITIO

In opus subsequens .

I.  IN subsequentes homilias longius præfari nos vetat, quæ ipsis præfationis vice præmittitur S. Gregorii Epistola, in qua fere quidquid ad illas scitu dignum occurrit, explicatur. Illas autem homiliis in Ezechielem ea ratione subjecimus, Cur homi-
lis in Eze-
ch. homi-
liz in E-
vang. post-
positæ.

qua in sacrarum Scripturarum serie, libris veteris Testamenti, Evangelia & quæque ad novum pertinent, postponuntur. Alioquin habitas illas fuisse, saltem aliquas, antequam S. Doctor Ezechielem Prophetam populo exponere inciperet, legenti primam statim constabit. Nimirum Pastor optimus, ut verbo simul & exemplo iis quibus præerat, proderet; statim ac Apostolicam cathedram conscendit, nullam verbi divini prædicandi vacationem etiamsi assiduis morbis vexaretur, innumerisque distraheretur curis, sibi indulgendam putavit. (1)

II. Mira aviditate statim exceptas illas homilias, mirabiliori modestia conquestus est humilis noster Ecclesiastes, in sua ad Secundinum Epistola mox subjienda. Certe quanto semper in pretio sint habitæ, inde liquet, quod omnes, una forsitan excepta aut altera, divinis officiis, præ ceteris Sanctorum Patrum homiliis jam olim fuerint insertæ. Nec immerito quidem, cum in ipsis litterali sensu prius breviter (1)
Qua avidi-
tate statim
exceptæ. exposito, fluat sententiarum ad mores spectantium uberissima copia: quarum sane plurimæ sunt, quæ aureis litteris describantur dignæ. Utinam vero humanis in cordibus assidua lectione ac meditatione insculpantur & incidantur. Ex his aliquas olim selegimus & observavimus in vita S. Doctoris gallice scripta lib. 4. cap. ult. num. 13. (2)

III. Neque vero solum Christianorum mores his in homiliis erudiuntur, sed etiam fidei dogmata confirmantur, & contra futuros præmuniuntur hæreticos. Incarnationis My- (2)
Quæ fidei
dogmata in
ipsis contra
heterodo-
xos asser-
ta.

Maxime
contra im-
pium Cal-
vini erro-
rem de
Christo in-
ferni pœnis
adducto.

sterium ab oppositis, invicemque pugnantibus Nestorianorum Eutychianorumque erroribus passim defenditur, sed potissimum hom. 38. num. 3. Quidquid fere Christianis in scholis de Angelis doceri solet, id ex hom. 38. eruitur, a num. 7. ad 15. De Confessionis & Absolutionis sacerdotalis necessitate agitur fuscè homil. 26. num. 5. & 6. necnon homil. 40. num. 2. sed præsertim impium dogma Calvinii Christum Dominum damnatorum pœnas perpeffum esse asserentis jugulatur hom. 21. Hæc sunt Calvinii verba lib. 2. Instit. capit. 16. §. 10. ubi probandum sibi proponit Jesum Christum *in locum sceleratorum sponforem, vadem, ideoque instar rei submissum: ut sciamus*, inquit, *non modo Corpus Christi in pretium redemptionis fuisse traditum; sed aliud majus & excellentius pretium fuisse, quod diros in anima cruciatus damnati (horresco referens) ac perditæ hominis pertulerit.* Hæc autem contumeliosa in Christum inferni mortisque debellatorem sententia validissime refellitur a nostro Gregorio, scilicet homil. 21. num. 7. ubi proposito Samsonis typo, docet Dominum liberum & victorem non solum ex inferno exiisse, sed ipsa etiam inferni claustra destruxisse. (3)

(3)
Ex iisdem
veteres Ec-
clesiæ ritus
adhuc apud
nos super-
stitiosè eru-
untur.

IV. Ex his & aliis longe plurimis mirum in modum Ecclesiæ causa contra impugnantes heterodoxos adjuvatur. Neque omittendum illas Evangeliorum sectiones quæ a Gregorio hic exponuntur, *Et inter sacra missarum solemnia certis diebus jam tunc ex more legebantur, easdem esse quæ fere iisdem adhuc diebus recitantur.* Unde patet quam tenax sit suorum rituum Ecclesia Romana. Inde etiam adstruitur antiqua Processionum & Stationum, publicarumque supplicationum in basilicis & cæmeteriis Martyrum, consuetudo. Quippe, ut observavit Johan. Diaconus lib. 2. vitæ S. Greg. cap. 18. & lib. 4. cap. 74. in illis Processionibus aut Stationibus vigilantissimus Pastor homilias in Evangelia aut pronuntiavit, aut pronuntiandas dictavit.

Verum Ec-
clesia S. Jo-
han. Bapti-
stæ olim
dicta Con-
stantiniana.

V. Porro in assignandis illis Stationibus nonnihil est controversiæ inter eruditos; neque MSS. codices ubique consentiunt. Codex enim Lateranensis nullibi designat Basilicam S. Johannis Bapt. quæ dicitur Constantiniana; quamvis in aliis optimæ notæ codicibus sæpissime occurrat, maxime in Corb. Germ. Belvac. Bigot. præsertim vero in codice Regi-
næ Sueciæ, ubi quoties in Lateranensi aut aliis legitur, *Basilica S. Salvatoris, quæ dicitur Constantiniana*, toties recurrit nomen S. Johannis Bapt. Contendit quoque Johannes Frontonius in prænotatis ad Calendarium Romanum pag. 80. nullam fuisse Basilicam Constantinianam præter Ecclesiam S. Salva-
toris:

Refellitur
Iohannes
Fronto.

toris: sed id minime probat vir doctissimus. Infirmum est enim quod ait Anastasium Biblioth. in vita Leonis Papæ qui sedit ann. 595. meminisse Ecclesiæ S. Johannis Bapt. *quæ ponitur juxta Patriarchium Lateranense*; at non appellasse Constantinianam; cum Basilicam S. Salvatoris semper Constantinianam dicat. Sed quid roboris habet illud argumentum negans contra tot MSS. clara & indubitata testimonia; nimirum Belvac. Bigot. Carnot. Gemet. Reg. Sueciæ, maxime vero Corbejenfis-Germ. qui ætate non est Anastasio posterior? Hoc in codice homilia 16. in Evangelium, *ductus est Jesus in des.* legitur habita ad populum, *in Basilica S. Johannis quæ appellatur Constantiniana*. Idem præmittitur hom. 22. 25. 39.

VI. Addit Johan. Fronto Basilicam S. Johannis Baptist. fuisse Monasterium. Porro in Monasteriorum oratoriis olim non fieri stationes & populi confluxus. Refellitur vir eruditus ipsius Gregorii auctoritate ad *septiformem Litaniam* seu supplicationem & processionem assignantis Ecclesiam S. Johannis Bapt. (non appellat oratorium) quo conveniret, & unde procederet Litania Clericorum: quod testimonio quoque confirmatur Johann. Diacon. lib. 1. cap. 41. & 42. Præterea Basilica S. Pancratii locus stationis erat S. Gregorii temporibus, ut ex hom. 27. ibidem habita manifestum est: atque postea stationem in ea perseverasse, ex antiquis Ecclesiæ monumentis constat. Ecclesia tamen S. Pancratii quam prius obtinebant presbyteri, his expulsis propter incuriam & negligentiam, Monachis cesserat jubente Sanctissimo Papa, ut palam fit ex epist. 18. libri alias 3. nunc 4. indict. 12. Denique homilia 3. est habita in Basilica S. Andreæ Apostoli ejusdem natalis die; nimirum in Ecclesia Monasterii quod Gregorius ipse condiderat. Ergo lex illa quæ Monachorum quieti prospiciens vetabat in eorum Ecclesiis stationes & populi concursus fieri, multis patebat exceptionibus.

VII. In eodem Calendario Rom. a Johanne Frontone edito non eadem ubique stationes, ac in Gregorianis homiliis videntur assignatæ; nec mirum. Primo enim Calendarium illud exaratum fuit, Johannis Frontonis judicio, seculo tantum octavo, circiter ann. 731. hoc est seculo integro & pene dimidio post habitas a Gregorio in Evangelia homilias: unde facile potuit tanto temporis intervallo aliquid in stationibus immutari. Secundo in homiliarum collectione indicatur quo in loco habitæ sint, & in Calendario stationis locus: at nihil cogit dicere, in loco stationis habitam semper fuisse concionem; quid enim credere vetat præmissam aliquando, maxime æstivo tempore, fuisse processionem? (4)

Quibusdam
in Mona-
steriis olim
stationes &
publicæ
supplicatio-
nes factæ.

Cur in
Rom. Ca-
lendario a-
liæ statio-
nes assigna-
tæ videan-
tur, quam
in his hom.

In hac edi-
tione quid
præstandum
susceperi-
mus.

VIII. Solutis omnibus quæ vel ex Calendario Rom. vel ex ejus editoris observationibus opponi poterant, difficultatibus, de hac novissima laudatarum homiliarum editione nunc pauca subjungenda & attexenda. Quamvis in antiquis MSS. & veteribus editis uno eodemque libro comprehenduntur homiliæ quadraginta, morem tamen gerendum duximus ipsimet Gregorio, qui in epist. ad Secundinum ait: *Easdem quoque homilias eo quo dictæ sunt ordine, in duobus codicibus ponere curavi; ut & priores viginti quæ dictæ sunt, & posteriores totidem quæ sub oculis dictæ, in singulis essent distinctæ corporibus.* Porro licet earum unus idemque non sit ordo nostris in MSS. (tres enim scilicet Lateran. Corb. & Reg. Sueciæ a ceteris & ab invicem discrepant) cum tamen alii omnes consentiant, iique vetustiores, eadem serie qua jam antea semper excusæ sunt, ipsas excudi curavimus.

Ut facilius quæ a sancto Ecclesiaste pertractantur, lector statim intelligat, singula brevibus notis in margine indicavimus & numeris distinximus. Alias columnis notas subjecimus, in quibus aut variæ lectiones continentur, aut restitutionum a nobis factarum, sane non paucarum nec contemnendarum rationes asserimus, aut aliquas S. Gregorii sententias illustramus, & si quid difficultatis occurrerit, enodamus.

Emenda-
tionum &
restitutio-
num a no-
bis facta-
rum speci-
mina.

IX. Ut ex locis a nobis emendatis, nonnulla commemoremus: In 2. Homilia quatuor sunt. Num. 1. *Cæcus quippe est genus humanum*, pro *cæcum est* &c. Num. 4. *sed quid ad hæc.* pro. *sed quid adhuc.* Num. 5. *Jesum menti figimus*, pro, *Jesum figimus.* Num. denique 7. *mente salvatum*, pro, *mente illuminatum.* Hom. 3. num. 3. *restituimus*, *obtinevit*, pro *sustinuit.* & num. 4. *nos in auram maledictionis impingimus*, pro, *nos injuriam maledictionis, in auram maledictoris, impingimus:* quod ab editoribus sine ulla causa fictum. Hom. 5. num. 4. nunc legitur, *nihil unquam appetere, nihil vel sine appetitu possidere: ubi prius legebatur, nihil unquam appetere, nihil etiam cum appetitu possidere, corrupto sensu.* Hom. 6. n. 2. *reposuimus, nec cujuslibet detractio in ira asperum faciebat*, pro, *nec cujuslibet detractio in ira asperum faciebat.* Num. 3. *expressione*, pro, *sanctitate.* Ibidem, *pilis contextis vestitus*, pro *pilis contextis vestibus*, quod vitiose legitur in Guffanvil. Hom. 7. num. 3. *non lavat*, pro, *non sanat;* & *sine tempore est a Patre generatus*, pro, *sine matre ante tempora est a Patre generatus.* Num. 4. in Guffanvil. legitur, *Israeliticum populum contradictione possidere*, pro, *sine ulla postmodum contradictione possidere.* Hom. 9. num. 3. in fine, magnam editionis Guffanv. Vatic. aliarumque recentiorum lacunam replevimus. Recentiores autem editiones appellamus,

mus, quæ a medio seculo decimo-sexto sunt adornatæ. Homil. 11. num. 3. restituiamus *ducta*, pro, *invieta*. Nimiis esse si cetera prosequerem. Unicum ergo locum ex tot a nobis sanatis addidisse sufficiet, homil. videlicet 21. ex cujus vitio error dimanare videtur contra Christi divinitatem. Scilicet num. 4. prius lectum in excusis: *non est hic*, (Christus) *dicitur, per præsentiam majestatis*. At ex MSS. legendum juxta sanam Ecclesiæ doctrinam: *non est hic, dicitur per præsentiam carnis, qui tamen nusquam deest per præsentiam majestatis*. Hinc, ni fallor, liquet quæ jam emissæ sunt editiones, iterum a nobis necessario fuisse recensendas, & ex MSS. codicibus emendandas. Codicum autem a nobis adhibitorum hic indicem accipe.

X. Codex pervetustus membraneus tabularii Basilicæ Constantinianæ S. Salvatoris, in Laterano inscriptus 1674.

Ad quos codices rursus recensitæ & purgatæ fuerint hom. illæ.

Codex Corbejenfis nunc in Bibliotheca S. Germ. a pratis asservatus, quem idcirco Corbejens-Germanensem appellamus, notatus 166. Hunc nono saltem seculo scriptum esse pene constat ex characterum forma. In eadem Bibliotheca duos alios veteres codices consulimus, quos vel Sangermanenses, vel simpliciter German. sumus appellaturi. Codicem Bibliothecæ Regiæ certis in locis tantum, non ex integro cum editis contulimus.

Codex Ecclesiæ Belvacensis nono seculo exeunte, aut decimo incipiente videtur exaratus. In fine leguntur carmina recentiori manu descripta de Rogerio Episcopo nuper defuncto, qui in fine decimi seculi, & initio undecimi Belvacensem Ecclesiam rexit.

Codex Corbejenfis num. 163. antiquitate cum omnibus superioribus contendit.

Cod. Turonensis insignis Ecclesiæ S. Martini non inferioris ætatis continet tantum 20. priores Homilias.

Codex Regiæ Sueciæ inscriptus 43.

Duo codices Monasterii S. Petri Carnut. sexcentorum annorum.

Cod. Bigotianus quingentorum annorum ætatem præfert.

Codex Gemeticensis non minoris ætatis videtur. Duo alii codices ejusdem celebris Monasterii vix trecentorum sunt annorum. Prior sæpe convenit cum antiquiori, secus alter.

Codex Monasterii Vallis Claræ Ord. Cisterciensis.

Codex Monasterii Longipontis ejusdem Ordinis.


His accedant quatuor exemplaria Anglicana, quorum variantes lectiones suppeditavit Thomas Jamezius.

Adhibendum quoque putavimus subsidium veterum edition-

tionum, Antuerpianæ ann. 1509. Rotomagensis apud Franciscum Regnaut (quæ mendose legitur facta ann. 1421.) Parisiense, annorum 1518. & 1571. aliarum denique recentiorum. (5)

(5)
Homiliarum
appendix.

XI. In calce addendum censuimus Sermonem a S. Gregorio habitum *de mortalitate* (sic in veteribus membranis inscribitur) postquam ad Romanam sedem fuisset electus. Jam editus fuerat inter Gregorianas Epistolas, ipso in limine libri alias XI. nunc XIII. Indiæ. VI. in vita ejusdem S. Doctoris auctore Johanne Diacono lib. 1. cap. 41. & 42. & inter Gregorii Turonici opera orationem hanc referentis lib. 10. hist. cap. 1. Eamdem denuo recensuimus & contulimus ad duos codices Bibliothecæ Bigotianæ apud Rotomagum, unum 40. Homilias in Evangelia complectentem, & alterum vitam S. Gregorii a Johann. Diac. conscriptam: ad unum codicem Uticensem seu S. Ebrulphi ejusdem vitæ: denique ad Corb. Germ. quadraginta Homiliarum in Evang. ad cujus calcem rejectus est hic sermo. Extat etiam in nonnullis codd. MSS. Registri ante omnes Epistolas, scilicet in duobus Tellerianis, qui nunc sunt Bibliothecæ Regiæ, & in Colbertino. Utere jam labore nostro, pie lector, & gratus hac in palæstra desudantibus nobis bene precari memineris.



(1) (1) **N**on omnibus æque facile videatur ex epistola S. Gregorii, quidquid fere scitu dignum occurrit de Homiliis, eruere. Ideoque ut vel utilitati vel curiositati legentium serviat, quædam sunt nobis diligentius rimanda.

Dum ergo scribit S. Doctor: *eo quo dictæ sunt ordine, in duobus codicibus ponere curavi: ut priores viginti, quæ dictatæ sunt, & posteriores totidem, quæ sub oculis dictæ, in singulis essent distinctæ corporibus*; sic intelligendum est, ut & earum quæ per se, & earum quæ per notarium dixit, in dispositione temporis quidem ordinem servaverit, non tamen priores viginti ita continenter per notarium sint recitatæ, quin aliquam interim per se habuerit S. Doctor. Immo uterque liber totum tempus metitur, intra quod has exposuit homilias. Ut patet ex 27. & 28.

Ordinem tamen ab ipso constitutum immaniter fuisse turbatum, evincunt variorum MSS. in assignandis Homiliis series diversæ. Quod forte accidere potuit vel propter diversos Ecclesiarum usus in illis legendis, vel propter turbatos codices temporis injuria. Quod liber secundus contineat eas, quas per se concionatus est noster Ecclesiastes, præter luculentissimum ejusdem testimonium, eruitur etiam ex brevitate Hom. 23. & 28. atque ex initio maxime 22. *Fractus longa molestia stomachus &c.*

Diem & annum suum cuique assignare prorsus impossibile nobis est ob MSS. dissidium. De tempore autem intra quod habitæ sunt universæ, aliquanto certius videtur posse disputari.

Homilia XIX. num. 7. narrans Theodori conversionem, ait se referre rem, quæ nuper contigit. Et mox: *Mense autem Julio nuper elapso, hujus quam nos, pestilentia clade percussus est*, inguinariæ videlicet. Eandem rem narrat Hom. 38. num. 16. aitque *ante biennium* contigisse. Cœpit lues inguinaria post Tiberis inundationem cum anno 590. quo ineunte Pelagius fato est functus, & S. Gregorius Pontifex consecratus mense Septembri. Ideoque Theodorus mense Julio ejusdem anni debuit corripì lue inguinaria: & Homilia 38. quæ inde biennium distat, recitari omnino debuit post Julium anni 592. quamvis incertum sit utrum recitata fuerit die 23. Novembris in natali Sancti Clementis, vel Dominica XX. post Pentecosten, ad quam illud Evangelium pertinebat, ut eruitur ex Capitulari Evangeliorum editum a Thomasio, de quo sæpe infra mentio recurret. Homilia autem XL. in Dominica II. post Pentecosten, debet ad annum proxime sequentem referri 593. in quo cum Pascha celebratum fuerit die 29. Martii lit. Dom. D. eruimus, quod Dom. II. post Pentecosten inciderit in diem 31. mensis Maji, ultra quem tempus Homiliarum non videtur protrahendum.

Id & aliud argumentum suadeat. Epistola enim ad Maximianum, in qua petit informationem de Miraculis transmitti sibi S. Gregorius, data est Indiæ. XI. mense Julio, ideoque anno 593. quando nec dum scripti erant Dialogi, qui tamen eodem anno absoluti videntur. Nam l. 4. c. 47. ait, *ante hoc triennium* se cum fratribus sepelisse quemdam monachum in cœmeterio sui Monasterii. Erat ergo Monachus adhuc S. Gregorius triennio antequam Dialogos scriberet, qui tamen exeunte anno 590. episcopus ordinatus est. Et l. 3. c. 19. *Ante hoc fere quinquennium*, inquit, *quando apud hanc Romanam urbem alveum suum Tiberis egressus est*. Id

accidisse mense Novembri anni 589. auctor est Greg. Turon. l. 10. c. 1. At enim ab anno 589. ad 593. inclusis extremis *ferè quinquennium* enumeratur. Rursus l. 4. c. 26. *in ea mortalitate*, inquit, *quæ ante triennium hanc urbem.... vastavit*. Duravit ea mortalitas annum & amplius; jam vero an. 593. verum erat dicere mortalitatem *ante triennium* urbem vastasse. Ex quibus liquet Dialogos an. 593. & cceptos & absolutos fuisse. At in Dialogis sæpe citat S. Doctorea, quæ vel in postremis dixerat Homiliis, ut l. 4. c. 14. 16. 36. 47. 55. ergo ante hos absolutæ probantur Homiliæ.

Jam de singularum quarundam tempore quid probabiliter dici possit, videamus. Ante tamen moneo Pascha anno 591. celebratum fuisse die 15. Aprilis lit. Dom. G. An. 592. die 6. Aprilis F. E. An. 593. die 29. Martii D.

Prima Homilia habita Dominica II. Adventus, pertinet ad annum 590. In ea enim inquit: *pestilentias sine cessatione patimur*. Lues enim inguinaria totum hunc annum grassata est, ad quem proinde pertinet ea Homilia. Recitata est autem die 10. Decembris. lit. Dom. A.

Homiliæ XI. & XII. habitæ sunt in festo S. Agnetis. Bis celebrabatur ejus festum ut apud nos. In Capitulari Evangel. apud Thomassium Evangelium *Thesauro* assignatur S. Agneti secundo, & Evangelium *decem Virginibus* in die natali ejusdem. Ex quo suspicari licet inverso ordine has Homilias in nostris codicibus legi. Certe codex Reginæ Sueciæ præfert XII. sub numero 36. XI. sub numero 37.

Homilia XIII. de S. Felice. Duo hujus nominis occurrunt: unus presbyter & confessor die 14. Januarii in eo quod edemus Sacramentario Gregoriano, sed 13. in Capit. Thomassii, cui Evangelistarium Vaticanum assignat Evangelium Homiliæ. Alter est Felix Papa & Martyr 28. Julii, vel 29. in Capit. Thomassii cum eodem Evangelio. Pro hoc secundo cum Sammarthano standum videtur.

Homilia XVII. Ad Episcopos. In quonam Episcoporum conventu habita fuerit determinare, omnino impossibile videtur. Synodi tres attribuantur S. Gregorio ab anno 590. ad annum 595. Prima pro mittenda de more Synodica, ex ep. 4. l. 1. Secunda in causa Severi episcopi Aquilejensis, aliorumque Schismaticorum ex ep. 16. ejusdem libri. Tertia anno 595. in causa Johannis presbyteri Chalcedonensis. Hæc posterior ad rem nostram non facit. Ad primam Synodum pertinere non potest: tum quia habita ea Synodus fuit statim ab ordinatione S. Gregorii, ut eruitur ex citata ep. 4. lib. 1. tum quia nullus codex ante 13. locum eam ponit; tum etiam quia in ea plura passim leguntur, quæ in Pastoralibus occurrunt, quare non videatur ante annum 591. potuisse recitari.

Secundam Synodum indictam quidem, nec tamen coactam fuisse credo. Nam ubi Schismatici resciverunt diem fuisse dictam Severo, ut *Romæ aggregata Synodo judicetur*, statim libello dato ad Imperatorem obtinuerunt, ut interea nihil contra se ageretur, quemadmodum liquet ex ipso libello, & rescripto Imperatoris ad Gregorium apud Baronium sub anno 590. n. 37. legendis. Hic obiter notandum, male in novissima Conciliorum Collectione notari, Stephani conversionem, de qua S. Gregorius lib. 1. ep. 14. loquitur, contigisse in Synodo coacta in causa Schismaticorum & Severi, cum nec coacta videatur, & ea epistola 16m. præcedat in qua Synodus memoratur. Nec etiam dici potest habitam fuisse hanc Homiliam in adventu Episcoporum Siciliæ: nam ex ep. 9. lib. 7. patet eos jamdiu Romam non advenisse. Cum autem ponatur inter Quadra-

dragesimales Homilias, facile crediderim recitatam fuisse in aliqua ordinatione habita a S. Gregorio, quod suadeat etiam collecta sive oratio, quæ in calce Homiliæ præter morem posita est. Certe unam ordinationem in Quadragesima fecisse S. Gregorium docet liber Pontificalis.

Ad titulum quod attinet: Exstat *de Fontibus Vaticanis* duplex carmen S. Damaso attributum: de quibus etiam fontibus fit mentio in vita ejusdem sancti Pontificis per Benedictum presbyterum conscripta. Veteres aquas fontium derivare consueverunt ad vestibula Ecclesiarum, in usum Baptismi & lotionis sive Cleri sive plebis, & substructionibus ornare. Sanctus Damasus Papa, ut ex citatis carminibus liquet, primus hujus fontis auctor, aquas ad Baptismi usum derivavit & collegit. An etiam aliquid simile fecerit circa fontes Lateranenses mihi non constat: ex iis tamen quæ diximus de usu fontium apud Ecclesias, quomodo ad eos concio haberi potuerit, nemo non videt. Ceterum suspicari quis possit S. Damasum saltem utrosque fontes ex parte construxisse, si attentius citata carmina inspiciat.

Homilia XIX. Ad annum pertinet 591. Lues enim inguinaris, quæ *menfe Julio* Theodorum aggressa est, cœpit anno 590. ineunte. Homilia igitur quæ habita sit Dominica in Septuagesima post mensem illum Julium, ad diem 11. Februarii anni 591. consignari debet.

Homiliæ XXVII. & XXVIII. Festum SS. Pancratii, Nerei & Achillei, eadem die celebrabatur, duodecimo nempe Maji. Ad diversos igitur annos pertinent, cum utraque eodem die dici non potuerit. Nulla potest pertinere ad annum 590. nec ulla probabiliter spectat ad annum 593. quia adhuc plures supersunt, quam ut intra paucos dies absolvi potuerint, præsertim si codd. alios attendamus. Ergo XXVII. commode ad annum 591. XXVIII. ad 592. revocanda est. XXXI. Nullatenus dubitandum quin ad Sabbatum quatuor Temporum Septembris pertineat: omnia enim Capitularia Evangeliorum pro illa die assignant Evangelium *Arborem fici*.

XXXII. Homilia in festo SS. Processi & Martiniani 2. Julii. In Capitulum Thomasi ea die aliud Evangelium assignatur, neque illud legebatur in Comm. plurimorum Martyrum. Recentius tamen Capitulare habet illud Evangelium.

Homilia XXXIII. Fer. 6. quatuor Temp. Septemb. Vetustiora Capitulum Evangel. non habent illud Evangelium ea die, omnia vero stationem ponunt *ad Apostolos*. Defunt illa verba *Feria sexta* &c. in plurimis MSS. aliis habentibus *S. Clementis die natalis ejus*; sed & sic discrepat Evangelium.

Homilia XXXIV. Numero 18. *rem*, inquit S. Gregorius, *refero, quam ... Maximiano ... nunc Syracusano Episcopo narrante cognovi*. Fuit, ut notat Boliandus ad diem 9. Junii, cum S. Gregorio Maximianus per annum in Palatio antequam Episcopus crearetur, & ferme triennium in Episcopatu transegit. Mense Novembri anni 594. accepit S. Gregorius nuncium de morte Maximiani lib. 5. ep. 17. Deme hoc fere triennium & incides in annum 591. sub cujus finem Maximianus Agathonem jam in episcopatum exceperat, ut constat ex ep. 7. l. 2. Homilia ergo habita post Pentecosten, & in qua Maximianus episcopus vocatur, pertinet ad annum 592. Error videtur in numero Dominicæ, quia illud Evangelium pertinebat ad Dominic. quartam post Pentecosten. Hic animadvertite male a Petro de Castro affirmari, Maximianum ante Gregorium Pontificem jam fuisse Episcopum, quod ad eum Pallium transmissum non legamus. Potuit enim illud ab ipso sancto Gregorio accipere antequam Palatium desereret. Rursus male fortasse consignari obitum S. Maximiani ad diem 9. Junii. Vix


etenim credi potest de illo nonnisi mense Novembri nuncium accepisse S. Gregorium, si incunte Junio accidisset.

Homilia XXXVI. Error hic quoque videtur in numero Domin. Evangelium namque illud Dom. III. legebatur. Unde merito hic titulus abest a Codd. Reg. Suec. & Gemet. Num. 13. ait S. Doctor ante triennium se fuisse Centumcellis. Post Ordinationem suam id factum minus probabile videtur. Ad tempus inguinarie pestis plausibilis ea absentia referatur. Quod si forte verum est, Homilia ad annum pertinebit 592.

Homilia XXXVIII. Pertinet ad annum 592. ut supra dictum est. A mense enim Julio anni 590. ad hanc Homiliam, biennium debet intercedere.

Cæteræ ad duos annos æque pertinere possunt. Mensem vero ac diem sub quavis hypothese quisque nullo negotio invenire potest, ex nota die Paschæ & litera Dominicali.

- (2) (2) Hinc fortasse factum est, ut S. Dalbulus l. de interp. c. xii. Gregorium nostrum cum Dione, Johanne, Severiano, Antiocho Græcis scriptoribus, qui Chrysostomi cognomine gaudent, comparans, dixerit intueri se in Occidente *Gregorium, quintum nomen Chrysostomi Græcis auferentem*.
- (3) (3) Insigne habemus in hanc rem testimonium apud Lequienium *Diff. 1. Damasc.* in epistola Monachorum montis Oliveti ad Leonem tertium. In qua ut ostendant processionem Spiritus sancti a Patre & filio, sic loquuntur: *Et in Homilia Sancti Gregorii, quam nobis Karolus Imperator dedit, in parabola Octavarum Paschæ, ubi dicit: sed ejus missio ipsa processio est, qui de Patre procedit & Filio*. Quæ verba leguntur in eadem Homil. n. 2. in fine.
- (4) (4) Basilicam S. Johannis Baptiste subinde dictam fuisse *Constantinianam*, non videtur in dubium revocandum. Cum enim vastato a Langobardis Monasterio montis Cassini, a Pelagio obtinuissent Monachi facultatem ædificandæ sibi Ecclesiæ, eam prope Basilicam S. Salvatoris juxta Patriarchium sive Episcopium Lateranensem construxerunt, sub titulo SS. Joh. Baptiste, Joh. Evangeliste atque Pancratii, quod eruimus ex auctore Miscellæ, ex Leone Ostiensi, ex Anastasio Bibliot. aliisque. De qua re videsis notam Muratorii ad caput XIII. l. IV. Pauli Diaconi p. 458. Ab eo tempore *Constantiniane* appellationem ea Basilica, quod prope *Constantinianam* & in *Laterano* esset, ut ab aliis distingueretur, obtinuisse dicitur. In libro Orationali apud Thomassium sæpe legimus. *Statio ad S. Johannem in Lateranis, hoc est in Basilica Salvatoris*. Nihilominus mihi facile persuadeo, tempore S. Gregorii titulos harum Homiliarum fuisse modo: *in Basilica quæ appellatur Constantiniana*; deinde explicationis & distinctionis gratia additum fuisse, ab aliis quidem *S. Joannis*, ab aliis vero *S. Salvatoris*, prout quisque melius arbitrabatur. Si autem quæras, in quam ex his duabus Basilicis revera habitæ fuerint; probabilis puto in Basilica S. Salvatoris. Id suadeat MS. Lateranensis vetustissimi auctoritas, in hac parte facile princeps: tum quod scite advertit Fronto, in Monachorum Ecclesiis rarius factæ fuerint Stationes & populi confluxus. Idem vero Fronto male affirmat nullam fuisse Basilicam *Constantinianam* præter S. Salvatoris: liber enim Pontificalis in S. Silvestro: *Eisdem temporibus Constantinus Augustus fecit Basilicam, via Lavicana inter duas lauros, Beato Petro, & Marcellino martyribus*.
- (5) (5) Has Homilias iterum cum MSS. Marcianis collatas hic exhibeo. Tribus usus sum membranaceis in folio maximo, sæculi circiter XIII. Videntur inservisse ad usum Ecclesiæ, nam varias continent variorum Homilias secundum festivitates anni dispositas. Hos Codd. 1. 2. 3. *Marc.* ad distinctionem appellabo.



S A N C T I
G R E G O R I I P A P Æ
X L. H O M I L I A R U M
I N E V A N G E L I A
L I B R I D U O

AD SECUNDINUM TAUROMENTIANUM EPISCOPUM.

Reverentissimo & sanctissimo fratri ^b Secundino Episcopo,
Gregorius ^c servus servorum Dei.



^d Nter sacra Missarum solemnia, ex his quæ diebus certis in hac Ecclesia legi ex more solent, sancti Evangelii quadraginta lectiones exposui. Et quarundam quidem dictata expositio, ^d assistente plebe est per notarium recitata: quarundam vero explanationem coram populo ipse locutus sum: atque ita ut loquebar, excepta est.

Sed quidam fratres, sacri verbi studio ferventes, antequam ad propositum modum ea quæ dixerim, subtilia emendatione perducerem, transtulerunt. Quos recte ego quasi quibusdam famelicis similes dixerim, qui prius escas edere appetunt, ^c quam plenius excoquantur. Hoc vero ubi scriptum est: *Ductus est Jesus in desertum a spiritu, ut tentaretur a diabolo*, prius quidem quasi sub quadam

Matth. 4. 1.

^a In mss. cod. variat titulus. In plerisque legitur: *Incipit liber Hom. B. Gregorii Papa urbis Roma, de diversis lect. Evangelii.*

^b Alius est a Secundino servo Dei ad quem duos Homil. codices transmissit Greg. ex epist. olim 54. l. alias 7. ind. 11. nunc lib. 9. epist. 52. Homilias in Evangelia Secundo seu Secundino missas fuisse asserit Johan.

Diac. lib. 4. cap. 74. In cod. Carnut. legitur *Patri Secundino*. Ad hunc Siciliæ Episcopum exstant plurimæ S. Greg. Epistolæ.

^c De hoc titulo dicemus in notis ad Epistolas.

^d Al. *Assistenti plebi* ut in ed.

^e C. Germ. & plerique, *quam cibi plenius excoquantur.*

dam ambiguitate exposui: sed eamdem dubitationem postmodum certa
^a notatione correxi. Easdem quoque
 Homilias, eo quo dictæ sunt ordine,
^b in duobus codicibus ponere curavi: ut & priores viginti, ^b quæ dictæ sunt, & posteriores totidem, quæ sub oculis dictæ, in singulis essent distinctæ corporibus. Quod vero quædam antepositæ sunt, quæ in Evangelio post leguntur; quædam vero postpositæ, quæ ante per Evangelistam scriptæ sunt, inveniuntur; nequaquam movere tuam fraternitatem debet: quia sicut ^a me diversis temporibus ^c dictæ sunt, ita quoque sunt ab ^d exceptoribus in codicibus affi-

xæ. Tua itaque fraternitas, sacris semper lectionibus intenta, si prædictum locum Evangelii invenerit sub dubietate prolatum; vel easdem Homilias reperit, ita ut prædixi, non esse dispositas; has in emendatas remansisse cognoscat: & juxta eas, quas per præsentem portitorem mittere studui, corrigat: nulloque modo illas sine emendatione remanere permittat. Editæ autem in scrinio sanctæ Ecclesiæ nostræ retinentur: ut si qui forte a tua fraternitate longe sunt, hic invenient, unde in his quæ emendatæ sunt, certiores fiant.

^a 1. Gemet. ac 2. Carnut. *emendatione*.
^b Corb. Germ. 3. Gemet. vet. edit. Antwerp. 1509. ac Paris. 1513. *quæ dicta sunt*.

^c Ita plerique mss. & vet. edit. non, *dictata*, ut in al. edit. legitur.

^d Æmiliano & Paterio: ut constat ex Joh. Diac. l. 2. c. 11.



LIBER PRIMUS

Lectio sancti Evangelii secundum Lucam.

Luca Cap. XXI. v. 25. 33.

^a **I**N illo tempore: ^a Dixit Iesus discipulis suis: Erunt signa in sole & luna & stellis, & in terris pressura gentium, præ confusione sonitus maris & fluctuum ^b arescentibus hominibus præ timore & expectatione, quæ supervenient universo orbi. Nam virtutes cælorum ^c movebuntur. Et tunc videbunt filium hominis venientem ^d in nubibus cum potestate magna & maiestate. His autem fieri incipientibus, respicite, & levate capita vestra, quoniam appropinquat redemptio vestra. Et dixit illis similitudinem: Videte ficulneam, & omnes arbores: cum producunt jam ex se fructum, scitis quoniam prope est æstas. Ita & vos, cum videritis hæc fieri, scitote quoniam prope est regnum Dei. Amen dico vobis: quia non præteribit generatio hæc donec omnia fiant. Cælum & terra transibunt: verba autem mea non transibunt.

HOMILIA PRIMA.

^e Habita ad populum ^e in Basilica S. Petri Apostoli, ^f Dominica secunda Adventus Domini.

Ab amore
se nescientis
mundi qui
Christus
nos deter-
reat.

^g **D**ominus ac Redemptor noster, fratres carissimi, paratos nos invenire desiderans, senescentem mundum quæ mala sequantur denuntiat; ut nos ab ejus amore compescat. ^h Appropinquantem ejus terminum quantæ percussiones præveniant, innotescit: ut si Deum metuere in tranquillitate non volumus, ⁱ vicinum ejus iudicium vel percussio- nibus attriti timeamus. Huic etenim lectioni sancti Evangelii, quam mo-

do vestra fraternitas audivit, paulo superius Dominus præmisit, dicens: *Exsurgat gens contra gentem, & regnum adversus regnum: & erunt terremotus magni per loca, & pestilentie, & fames.* Et quibusdam interpositis, hoc quod modo audistis, adjunxit. ⁱ *Erunt signa in sole, & luna, & stellis, & in terris pressura gentium, præ confusione sonitus maris & fluctuum.* Ex quibus profecto omnibus alia jam facta cernimus, alia

^a Geme. 1. dixit Dominus Iesus. Big. dixit Dominus Iesus Christus.

^b Codd. Marc. initia tantum Evangeliorum ponunt.

^c Belvac. Corb. Bigot. C. Germ. commovebuntur.

^d C. Germ. & Bigot. in nubibus cali.

^e Sic habent C. Germ. Bigot. duo priores Gemet. & omnes edit. In cod. Lateran. not. 2674. legitur, in Basilica S. Maria

ad præsepe. In cod. Reginae Suecicæ & in multis mss. non assignatur ubi sit habitæ hæc Hom.

^f In solo Gemet. 2. id habetur; tamen retinuimus, quod sit in edit. etiam antiquioribus.

^g 1. Carnut. a propinquantem ejus termino, sic & cod. Marc.

^h 2. Cod. Marc. saltem. Mox Et erunt s. in s.

ⁱ C. Germ. Belvac. & plur. & erunt.

alia e proximo ventura formidamus. Nam gentem super gentem exsurgere, earumque pressuram terris insistere, plus jam in nostris ^a temporibus cernimus, quam in codicibus legimus.

^b Quod terræmotus urbes innumeras ^b subruat, ex aliis mundi partibus scitis quam frequenter audivimus. Pestilentias sine cessatione patimur. Signa vero in sole & luna & stellis, adhuc aperte minime videmus: sed quia & hæc non longe sint, ex ipsa jam aeris immutatione colligimus. Quamvis priusquam Italia gentili gladio ferienda traderetur, igneas in cælo acies vidimus, ^c ipsum qui postea humani generis fusus est, sanguinem ^d coruscantem. Confusio autem maris & fluctuum necdum nova exorta est. Sed cum multa prænuntiata jam completa sint, dubium non est, quin sequantur etiam pauca quæ restant: quia sequentium rerum certitudo, est præteritarum exhibitio.

Italiae calamitates multa signa præcesserunt.

^c

^d

Ad timorem & vigilantiam expectatio iudicii nos compellit.

2. Hæc nos, fratres carissimi, idcirco dicimus, ut ad cautelæ studium vestræ mentes evigilent: ne securitate torpeant, ne ignorantia languescant, sed semper eas & timor sollicitet, & in bono opere sollicitudo confirmet, pensantes hoc quod Redemptoris nostri voce subjungitur: *Arescentibus hominibus præ timore & expectatione, quæ supervenient universo orbi. Nam virtutes cælorum movebuntur.* Quid etenim Dominus virtutes cælorum, nisi Angelos, Archangelos, Thronos, Dominationes, Principatus, & Potestates appellat, quæ in adventu districti iudicis tunc oculis visibiliter apparebunt, ut districtè tunc a no-

bis exigant hoc, quod nos modo invisibilis Conditor æquanimiter portat. ^e Ubi & subditur: *Et tunc videbunt filium hominis venientem in nubibus & cum potestate magna & majestate.* Ac si aperte diceretur: In potestate & majestate visuri sunt, quem in humilitate positum adire noluerunt: ut virtutem ejus tanto tunc districtius sentiant, quanto nunc cervicem cordis ad ejus patientiam non inclinant.

^e

^f

3. Sed quia hæc contra reprobos dicta sunt, mox ad electorum consolationem verba vertuntur. Nam & subditur: *His autem fieri incipientibus, respicite, & levate vos capita vestra, quoniam appropinquat redemptio vestra.* Ac si aperte Veritas electos suos admoneat, dicens: Cum plage mundi crebrescunt, cum terror iudicii virtutibus commotis ostenditur, levate capita ^g, id est exhilarate corda: quia dum finitur mundus, cui amici non estis, prope fit redemptio quam quæsitis. In Scriptura etenim sacra sæpe caput pro mente ponitur: quia sicut capite reguntur membra, ita & cogitationes mente disponuntur. ^h Levare itaque capita, est mentes nostras ad gaudia patriæ cælestis erigere. Qui ergo Deum diligunt, ex mundi fine gaudere atque hilarescere jubentur: quia videlicet eum quem amant, mox inveniunt, dum transit is quem non amaverunt. Absit enim ⁱ ut fidelis quisque qui Deum videre desiderat, de mundi percussione lugeat, quem finiri eisdem suis percussione non ignorat. Scriptum namque est: *Quicumque* ^{Jacob. 4. 4.} *voluerit amicus esse seculi hujus, inimicus Dei constituitur.* Qui ergo

Inde tamen fiducia electorum eligitur.

^g De fine mundi non dolent, nisi ejus amici.

^h

ⁱ

^a C. Germ. Corb. 1. Gemet tribulationibus. Consentiunt Anglic. & 1. Marc.

^b Edit. obrunt: invitis mss.

^c Marc. & ipsum.

^d Ita Corb. Germ. & plerique. Belvac. & 2. Carn. coruscant. Edit. coruscantes.

^e 2. Marc. Unde. Mox cæli in pot.

^f Gemet. ac Val cl. in potestate.

^g 2. Marc. vestra. Mox sicuti a capite... ita cogitationes.

^h Duo Carn. & duo priores Gemet. levare itaque est capita, mentes.

ⁱ Belvac. & 3. Gemet. ne fidelis. Paulo post zus Gemet. habet, persecutionibus, pro percussione.

go appropinquante mundi fine non gaudet, amicum se illius esse testatur, atque per hoc inimicus Dei esse convincitur. Sed absit hoc a fidelium cordibus, absit ab his qui & esse aliam vitam per fidem credunt, & eam per operationem diligunt. Ex mundi enim destructione lugere, eorum est qui radices cordis in ejus amore plantaverunt, qui sequentem vitam non quærunt, qui illam neque esse suspicantur. Nos autem qui cœlestis patriæ gaudia æterna cognovimus, festinare ^a ad ea quantocius debemus. Optandum nobis est citius pergere, atque ad illam breviorē viā pervenire. Quibus enim malis ^b mundus non urgetur? Quæ nos tristitia, quæ adversitas non angustat? Quid est vita mortalis, nisi viā? Et quale sit, fratres mei, perpendite, in labore viæ lassescere, & tamen eandem viam nolle finire. Quod autem calcari mundus ac despici debeat, Redemptor noster provida comparatione manifestat, cum protinus adjungit: *Videte ficulneam & omnes arbores, cum producunt jam ex se fructum, scitis quia prope est æstas. Ita & vos cum videritis hæc fieri, scitote quoniam prope est regnum Dei.* Ac si aperte dicat: Quia sicut ex fructibus arborum vicina æstas cognoscitur, ita ex ruina mundi prope esse agnoscitur regnum Dei. Quibus profecto verbis ostenditur, quia fructus mundi ruina est. Ad hoc enim crescit, ut cadat. ^c Ad hoc germinat, ut quæcumque germinaverit, cladibus consumat. Bene autem regnum Dei æstati comparatur: quia tunc mœroris nostri nubila transeunt, & vitæ dies æterni Solis claritate fulgescunt.

4. Quæ omnia sua magna cer-

titudine confirmantur, cum sententia subjungitur qua dicitur: *Amen dico vobis, quia non præteribit generatio hæc, donec omnia fiant. Cælum & terra transibunt, verba autem mea non transibunt.* Nihil enim in rerum corporalium natura cœlo & terra durabilius: & nihil in rerum natura tam velociter, quam sermo transit. Verba enim quousque imperfecta sunt, verba non sunt: cum vero perfecta fuerint, omnino jam non sunt; quia nec perfici nisi transeundo possunt. Ait ergo, *Cælum & terra transibunt, verba autem mea non transibunt.* Ac si aperte dicat: Omne quod apud vos durable est, sine immutatione durable ad æternitatem non est: & omne quod apud me transire cernitur, fixum & sine transitu tenetur; quia sine mutabilitate manentes sententias exprimit meus sermo qui transit.

5. Ecce, fratres mei, jam cernimus quod audiebamus. Novis quotidie & crebrescentibus malis mundus urgetur. Ex illa plebe innumera quanti remanseritis, aspicietis; & tamen adhuc quotidie flagella urgent, repentini casus opprimunt, novæ nos & improvise clades affligunt. Sicut enim in juventute viget corpus, forte & incolume manet pectus, torosa cervix, plena sunt brachia; in annis autem senilibus statura curvatur, cervix exsiccata deponitur, frequentibus suspiriis pectus urgetur, virtus deficit, loquentis verba ^d anhelitus intercudit; nam etsi languor desit, plerumque senibus ipsa sua salus ægritudo est: ita mundus in annis prioribus velut in juventute vigit, ad propagandam humani generis prolem robustus fuit, salute corporum viridis, opulentia rerum pinguis; at nunc ipsa sua se-

Quibus tunc flagellis mundus atteretur.

Juvenum vigor.

Languor senum.

Mundi juvenis, & senectus.

Fructus mundi ruina est.

Verborum Christi cœritudo.

^a 7. mss. ad eam.

^b Marc. jam. Mox qua non tristitia.... aperte diceret. Quia sicut ex fructu a. v. a. ita r. e. m. p. e. regnum Dei cognoscitur.

Tom. V.

^c In omnibus pene ed. quibus 'fayet' 3ua Gemet. additur: ad hoc cadit ut germinet.

^d Turon. anhelitus intercipit.

T

senectute deprimitur, & quasi ad vicinam mortem ^a molestiis crescentibus urgetur. Nolite ergo, fratres mei, diligere quem videtis diu stare non posse. Præcepta Apostolica in animo ponite, quibus nos admonet, dicens: *Nolite diligere mundum, neque ea quæ in mundo sunt: quia si quis diligit mundum, non est caritas Patris in eo.* Nudius tertius, fratres, agnovistis, quod subito turbine annosa arbuta eruta, destructæ domus, atque Ecclesiæ a fundamentis eversæ sunt. Quanti ad vesperum sani atque incolumes, aeturos se in crastinum aliquid putabant: & tamen nocte eadem, repentina morte defuncti sunt, in laqueo ruinæ deprehensi?

6. Sed considerandum nobis est, dilectissimi, quod ad hæc agenda invisibilis iudex venti tenuissimi spiritum movit: unius procellam nobis excitavit, & terram subruit, casura tot ædificiorum fundamenta concussit. Quid ergo iudex iste facturus est cum per semetipsum venerit, & in ultionem peccatorum ira ejus exarserit, si portari non potest cum nos per tenuissimam nubem ferit? In iræ ejus præsentia quæ caro subsistet, si ventum movit, & terram subruit, concitavit aera, & tot ædificia stravit? Hanc distractionem venturi judicis Paulus considerans, ait: *Horrendum est incidere in manus Dei viventis.* Hanc Psalmista exprimit, dicens: ^b *Deus manifeste veniet, Deus noster, &*

non silebit. Ignis in conspectu ejus ardebit, & in circuitu ejus tempestas valida. Distractionem quippe ^c tantæ justitiæ, tempestas ignisque comitantur, quia tempestas examinat, quos ignis exurat. Illum ergo diem, fratres carissimi, ante oculos ponite, & quidquid modo grave creditur, in ejus comparatione levigatur. De illo etenim die per Prophetam dicitur: *Juxta est dies Domini magnus, juxta & velocis nimis. Vox diei Domini amara, tribulabitur ibi fortis. Dies ira, dies tribulationis & angustiae, dies calamitatis & miseriæ, dies tenebrarum & caliginis, dies nebula & turbinis, dies tubæ & clangoris.* De hac die Dominus iterum per Prophetam dicit: *Adhuc semel & ego movebo non solum terram sed etiam cælum.* Ecce, ut prædiximus, aerem movit, & terra non subsistit: quis ergo ferat, cum cælum moverit? Quid autem terrores quos cernimus, nisi sequentis iræ præcones dixerimus? Unde & considerare necesse est, quia ab illa tribulatione ultima tantum sunt istæ tribulationes dissimiles, quantum a potentia judicis persona præconis distat. Illum ergo diem, fratres carissimi, tota intentione cogitate, vitam corrigite, ^d mores mutate, mala tentantia resistendo vincite, perpetrata autem fletibus punite. Adventum namque æterni judicis tanto securiores quandoque videbitis, quanto nunc distractionem illius timendo ^e prævenitis.

^a C. Germ. Corb. Bigot. & duo pr. Gemet. *molestiis crebrescentibus*. Longip. *molestiis crescentibus crebrius*. Consentit ed. Antwerp.

^b Corb. & duo Gemet. *Deus manifestus*. Sic & 1. Marc.

^c Ita Turon. cum decem al. mss. Editi habent, *tanti judicii*.

^d 1. Carnut. *mentes mutate*.

^e In omnibus fere mss. definit Hom. in his verbis, *timendo prævenitis*. Consentiant veteres ed. In aliis legitur, *præstante Domino* &c. In Pelvac. ipso *adjuvante qui vivit & regnat Deus*. In duob. pr. Gemet. *prævenitis, qui vivit & regnat per omnia secula seculorum. Amen*.

Lectio sancti Evangelii secundum Lucam.

Lucæ Cap. XVIII. v. 31. — 43.

IN illo tempore: Assumpsit Jesus duodecim discipulos suos, & ait illis: Ecce ascendimus Ierosolymam, & consummabuntur omnia, quæ scripta sunt per Prophetas de filio hominis. Tradetur enim Gentibus, & illudetur, & flagellabitur, & conspuetur. Et postquam flagellaverint, occident eum: & die tertia resurget. Et ipsi nihil horum intellexerunt. Erat autem verbum istud absconditum ab eis, & non intelligebant quæ dicebantur. Factum est autem, cum appropinquaret Jericho, cæcus quidam sedebat secus viam, mendicans. Et cum audiret turbam prætereuntem, interrogabat quid hoc esset. Dixerunt autem ei, quod Jesus Nazarenus transiret. Et exclamavit, dicens: Jesu fili David, miserere mei. Et qui præibant, increpabant eum, ut taceret. Ipse vero multo magis clamabat: Fili David, miserere mei. Stans autem Jesus iussit illum adduci ad se. Et cum appropinquasset, interrogavit illum, dicens: Quid tibi faciam? At ille dixit: Domine ut videam. Et dixit illi Jesus: Respice, fides tua te salvum fecit. Et confestim vidit, & sequebatur illum, magnificans Deum. Et omnis plebs ut vidit, dedit laudem Deo.

H O M I L I A II.

^a Habita ad populum ^a in Basilica S. Petri Apostoli,
Dominica in Quinquagesima.

Cur Christus morrem & resurrectionem suam prædixit.

1. **R**edemptor noster prævidens ex passione sua discipulorum animos perturbandos, eis longe ante & ejusdem passionis pœnam, & resurrectionis suæ gloriam prædicit: ut cum eum morientem, sicut prædictum est, cernerent, ^b etiam resurrecturum non dubitarent. Sed quia carnales adhuc discipuli nullo modo valebant capere verba mysterii, venit ad miraculum.

^a Ita cod. Reg. Sueciz, C. Germ. Belvac. & alii mss. pene omnes. In cod. Lateran. alius est ordo Homiliarum, & quæ hic est 2. in illo est 9. In 2. Gemet. ad-

Ante eorum oculos cæcus lumen recipit: ut qui cœlestis mysterii verba non caperent, eos ad fidem cœlestia facta solidarent. Sed miracula Domini & Salvatoris nostri sic accipienda sunt, fratres ^c carissimi, ut & in veritate credantur facta, & tamen per significationem nobis aliquid innuant. Opera quippe ejus & per potentiam aliud ostendunt, & per mysterium aliud loquuntur. Ecce enim

Infirmis concessa miracula.

^T ² quis dicitur, Dominica in quinquagesima, quod abest ab aliis.

^b Duo Carnut. etiam resurrectionem,

^c 2. Marc. fr. mei... insinuant.

quis juxta historiam cæcus iste fuerit, ignoramus: sed tamen quem per mysterium significet, novimus.

^a Cæcus quippe est genus humanum: quod in parente primo a paradisi gaudiis expulsum, claritatem supernæ lucis ignorans, damnationis suæ tenebras patitur: sed tamen per Redemptoris sui præsentiam illuminatur; ut internæ lucis gaudia jam per desiderium videat, atque in via vitæ boni operis gressus ponat.

Per Incarnationem
humana cæ-
citas est sa-
nata.

² Notandum vero est, quod cum Jesus Jericho appropinquare dicitur, cæcus illuminatur. Jericho quippe luna interpretatur: luna autem in sacro eloquio pro defectu carnis ponitur; quia dum mensuris momentis decrevit, defectum nostræ mortalitatis designat. Dum igitur Conditor noster appropinquat Jericho, cæcus ad lumen redit: quia dum divinitas defectum nostræ carnis suscepit, humanum genus lumen, quod amiserat, recepit. Unde enim Deus humana patitur, inde homo ad divina sublevatur. Qui videlicet cæcus recte & juxta viam sedere, & mendicans esse describitur: ipsa enim Veritas dicit: *Ego sum via*.

Johan. 14.6.

Qui ergo æternæ lucis claritatem nescit, cæcus est: Sed si jam in Redemptorem credit, juxta viam sedet: si autem jam credit, sed ut æternam lucem recipiat, rogare dissimulat, atque a precibus cessat, cæcus quidem juxta viam sedet, ^b sed minime mendicat. ^c Si vero & crediderit, & cæcitatem cordis sui cognoverit, & ut lumen veritatis recipiat, postulat: juxta viam cæcus sedet, & mendicat. Quisquis ergo cæcitatæ suæ tenebras agnoscit, quisquis hoc, quod sibi deest, lu-

b
c

men ^d æternitatis intelligit, clamet medullis cordis, clamet & vocibus mentis, dicens: *Jesu fili David, miserere mei*. Sed quid clamante cæco subjungitur, audiamus: *Et qui præibant, increpabant eum, ut taceret*.

³ Quid autem designant isti qui Jesum venientem præcedunt, nisi desideriorum carnalium turbas, tumultusque vitiorum? qui priusquam Jesus ad cor nostrum veniat, tentationibus suis cogitationem nostram dissipant & voces cordis in oratione perturbant. Sæpe namque dum converti ad Dominum post perpetrata vitia volumus, dum contra hæc eadem exorare vitia quæ perpetravimus, conamur, occurrunt cordi phantasmata peccatorum quæ fecimus, mentis nostræ aciem reverberant, confundunt animum & vocem nostræ deprecationis premunt. Qui præibant ergo, increpabant eum, ut taceret: quia priusquam Jesus ad cor veniat, mala quæ fecimus, cogitationi nostræ suis imaginibus ^e illisa, in ipsa nos nostra oratione conturbant.

Peccatorum
phantasma-
ta, oratio-
nem impe-
diunt.

⁴ ^f Sed quid ad hæc illuminandus iste cæcus fecit, audiamus. Sequitur: *Ipsæ vero multo magis clamabat: Fili David, miserere mei*. Ecce, quem turba increpat ut taceat, magis ac magis clamat: quia quanto graviore tumultu cogitationum carnalium premimur, tanto orationi insistere ardentius debemus. Contradicit turba, ne clamemus: quia peccatorum nostrorum phantasmata plerumque & in oratione patimur. Sed nimirum necesse est, ut vox cordis nostri quo durius repellitur, eo valentius insistat: quatenus cogita-

Quanto
graviore tu-
multu co-
gitationum
premi-
mur, tanto ar-
dentius de-
bemus ora-
re.

f

^a Editi recent. Gilot. recent. Vatic. Guss. cæcum quippe.

^b 2. Carnot. & 3. Gemet. sed mendicare, contemnit.

^c Bellouac. Corb. 1. Carnut. si vero & credit & exorat, & juxta viam sedet & mendicat; a quibus parum recedunt Corb.

Germ. Longip. Val-cl. Consonat & 2. Marc.

^d Duo priores Gemet. & Bigot. veritatis.

^e Duo posteriores Gemet. ac tres vet. ed. Antwerp. sc. Rotom. & Paris. illusa.

^f Ita mss. fere omnes, ubi editi, sed quid adhuc.

tationis illicitæ tumultum superet, atque ad pias aures Domini nimietate suæ importunitatis erumpat. In se, ut suspicor, recognoscit unusquisque quod dicimus: quia dum ab hoc mundo animum ad Deum mutamus, dum ad orationis opus convertimur, ipsa quæ prius delectabiliter gessimus, importuna postea atque gravia in oratione nostra toleramus. Vix eorum cogitatio manu sancti desiderii ab oculis cordis ^a abigitur: vix eorum phantasmata per penitentiae lamenta superantur.

Sic Jesum prius transeuntem stare facimus.

b

5. Sed cum in oratione nostra vehementer insistimus, transeuntem ^b Jesum menti figimus. Unde illic subditur: *Stans autem Jesus, iussit illum adduci ad se*. Ecce stat, qui ante transibat: quia dum adhuc turbas phantasmatum in oratione patimur, Jesum aliquatenus transeuntem sentimus. Cum vero orationi vehementer insistimus, stat Jesus ut lucem restituat: quia Deus in corde figitur, & lux amissa reparatur.

Christus per humanitatem transit, stat per divinitatem.

c

6. Qua tamen in re aliud aliquid nobis Dominus innuit, quod intelligi de humanitate ac divinitate illius utiliter possit. Clamantem etenim cæcum Jesus transiens audit, ^c sed stans miraculum illuminationis exhibuit. Transire namque humanitatis est, stare divinitatis. Per humanitatem quippe habuit nasci, crescere, mori, resurgere, de loco ad locum venire. Quia ergo in divinis mutabilitas non est, atque hoc ipsum mutari, transire est: profecto ille transitus ex carne est, non ex divinitate. Per divinitatem vero ei semper stare est: quia ubique præsens, nec per motum venit, nec per motum recedit. Cæcum igitur clamantem Dominus transiens audit, stans

illuminat, quia per humanitatem suam vocibus nostræ cæcitatæ compatiendo misertus est, sed lumen nobis gratiæ per divinitatis potentiam infudit.

7. Et notandum quid cæco venienti dicat: *Quid tibi vis faciam?* Christus importune nos ad orationem admonet. Numquid qui lumen reddere poterat, quid vellet cæcus, ignorabat? Sed peti vult id, quod & nos petere, & se concedere prænoscit. Importune namque ad orationem nos admonet, & tamen dicit: *Scit namque Pater vester cælestis, quid opus sit vobis, antequam petatis eum*. Ad hoc ergo requirit, ut petatur: ad hoc requirit, ut cor ad orationem excitet. Unde & cæcus protinus adjunxit: *Domine, ut videam*. Ecce, cæcus a Domino non aurum, sed lucem quærit. Parvipendit extra lucem aliquid quærere: quia etsi habere cæcus quodlibet potest, sine luce videre non potest quod habet.

Mat. 6. 8.

Imitemur ergo, fratres carissimi, eum, quem & corpore audivimus & mente ^d salvatum. Non falsas divitias, non terrena dona, non fugitivos honores a Domino, sed lucem quæramus: nec lucem quæ loco clauditur, quæ tempore finitur, quæ nocturnum interruptione variatur, quæ a nobis communiter cum peccatoribus cernitur: sed lucem quæramus, quam videre cum solis angelis possimus, quam nec initium incoat, nec finis angustat. Ad

Quid a Deo sit petendum.

d

Unde recte & ^e illuminando cæco protinus respondetur: *Respice, fides tua te salvum fecit*. Sed ad hæc cogitatio carnalis dicit: Quomodo possum lucem spiritalem quærere quam videre non possum? Unde mihi certum est si sit, quæ corporeis oculis non insulget? Cui scilicet cogitationi est quod breviter quisque respondeat: quia

Via ad lucem fides est.

e

^a In ed. (& 2. Marc.) *abjicitur*. Sequimur mss. Turon. Corb. C. Germ. &c.

^b Omittitur in Guel. *menti*, quod habent alii tum mss. tum editi.

^c In Corb. Germ. *non sedens, sed stans*.

^d In exculis, *illuminatum*, etsi in omnibus mss. legatur, *salvatum*.

^e 2. Marc. *illuminato*.

quia & hæc ipsa quæ sentit, non per corpus, sed per animam cogitat. Et nemo suam animam videt: nec tamen dubitat se animam habere, quam non videt. Ex invisibili namque anima visibile regitur corpus. Si autem auferatur quod est invisibile, protinus corrumpitur hoc quod visibile stare videbatur. Ex invisibili ergo substantia in hac vita visibili vivitur, & esse vita invisibilis dubitatur?

Qui lumen accepit, Christum sequitur.

8. Sed jam petenti cæco quid factum est, vel quid ipse fecerit, audiamus. Sequitur: *Confestim vidit, & sequebatur illum*. Videt & sequitur, qui bonum quod intelligit, operatur. Videt autem, sed non sequitur, qui bonum quidem intelligit, sed bona operari contemnit. Si ergo, fratres carissimi, cæcitatem jam nostræ peregrinationis agnoscimus: si credendo in Redemptoris nostri mysterium, juxta viam sedemus: si exorando quotidie ab auctore nostro lucem petimus: si eandem lucem jam per intellectum videndo, illuminati post cæcitatem sumus: Jesum quem mente cernimus, opere sequamur. Aspiciamus qua graditur, & ejus vestigia imitando teneamus. Jesum etenim sequitur, qui imitatur. Hinc namque dicit: *Sequere me, & dimitte mortuos sepelire mortuos suos*. Sequere enim dicitur, imitare. Hinc rursus admonet, dicens: *Si quis mihi ministrat, me sequatur*. Consideremus ergo qua graditur, ut sequi mereamur. Ecce, cum sit dominus & creator angelorum, suscepturus naturam nostram quam condidit, in uterum Virginis venit. Nasci tamen in hoc mundo per divites noluit, parentes pauperes elegit. Unde & agnus, qui pro illo offerretur, defuit: columbarum pul-

los & par turturum ad sacrificium mater invenit. Prosperari in mundo noluit: opprobria irrisionesque toleravit: sputa, flagella, alapas, spineam coronam, crucemque sustinuit: & quia rerum corporalium delectatione ^a a gaudio interno cecidimus, cum qua amaritudine illuc redeatur ostendit. Quid itaque homo pro se patidebet, si tanta Deus pro hominibus pertulit? Qui ergo in Christum jam credidit, sed adhuc avaritiæ lucra sectatur, in ^b superbia honoris extollitur, invidiæ facibus inardescit, libidinis se immunditia polluit, prospera quæ in mundo sunt concupiscit: Jesum in quem credidit, sequi contemnit. Diverso quippe itinere ambulat, si gaudia delectationesque appetit, cui dux suus viam amaritudinis ostendit. Revocemus ergo ante oculos peccata quæ fecimus: consideremus, quam terribilis judex hæc puniturus adveniat: mentem formemus ad lamenta: vita nostra ad tempus amarescat in pœnitentia, ne æternam amaritudinem sentiat in vindicta. Per fletus quippe ad ^c æterna gaudia ducimur, Veritate pollicente, quæ ait: *Beati*

Qua sit sequendus.

a

b

c

Matth. 5. 9.

Luc. 6. 25.

d

e

Matth. 2. 22.

Johan. 12. 26.

^a Longip. a gaudio aeterno.


^b 1. Carnot. in superbia honoribus. 2. Marc. in superbia honore.

^c Abelt, æterna, in C. Germ. Bigot. &

duob. prioribus Gemet. Et a 2. Marcian.

^d 2. Marc. nostra in Deum vita prof.


^e Turon. Val-cl. & unus Gemet. conver-



Leſtio Sancti Evangelii ſecundum Matthæum.

Matth. Cap. XII. v. 46. — 50.

IN illo tempore : Loquente Jeſu ad turbas, ecce mater ejus & fratres ſtabant foris, quærentes loqui ei. Dixit autem ei quidam : Ecce mater tua & fratres tui foris ſtant, quærentes te. At iller-
ſpondens dicenti ſibi, ait : Quæ eſt mater mea, & qui ſunt fratres mei? Et extendens manus in diſcipulos ſuos, dixit : Ecce mater mea & fratres mei. Quicumque enim fecerit voluntatem Patris mei qui in cælis eſt, ipſe meus frater, & ſoror, & mater eſt.



HOMILIA III.

Habita ad populum in baſilica ^a ſanctæ Felicitatis
martyris, in die natalis ejus.

Quid Chri-
ſtus ma-
trem non
agnosce-
do, ſignifi-
caver.

Sancti Evangelii, fratres carif-
ſimi, brevis eſt leſtio recita-
ta, ſed magis myſteriorum ponde-
ribus grava. Jeſus etenim Condi-
tor & Redemptor noſter matrem
ſe noſſe diſſimulat : & quæ ei ma-
ter ſit, & qui propinqui non
per cognitionem carnis, ſed per
^b conjunctionem ſpiritus designat,
dicens : Quæ eſt mater mea, & qui
ſunt fratres mei? Quicumque enim
fecerit voluntatem Patris mei qui
in cælis eſt, ipſe meus frater, &
ſoror, & mater eſt. Quibus nobis
verbis quid aliud innuit, niſi quod
obſequentes juſſionibus ſuis multos
ex Genilitate colligit, & Judæam,
ex cujus carne eſt genitus, non a-
gnoscit. Unde & mater ejus ^c cum
quaſi non agnoſcitur, foris ſtare
perhibetur : quia videlicet Synagoga

idcirco ab auctore ſuo non recognoſci-
tur, quia Legis obſervationem te-
nens, ſpiritualem intellectum perdidit,
& ſeſe ^d ad cuſtodiam litteræ foris
fixit.

2. Sed cum iſ qui voluntatem Pa-
tris fecerit, ſoror & frater Domini
dicitur, propter utrumque ſexum
qui ad fidem colligitur, mirum non
eſt : mirandum vero valde eſt, quo-
modo etiam mater dicatur. Fideles
enim diſcipulos fratres vocare di-
gnatus eſt, dicens : Ite, nuntiate fra-
tribus meis. Qui ergo frater Domi-
ni fieri ad fidem veniendo potuerit,
quærendum eſt quomodo etiam &
mater eſſe poſſit? Sed ſciendum no-
bis eſt, quia qui Chriſti frater &
ſoror eſt credendo, mater efficitur
prædicando. Quaſi enim parit Do-
minum, quem cordi audientis in-
fude-

Ejus frater
aut ſoror
qui ſit cre-
dendo, ſit
mater præ-
dicando.

Matth. 28.
10.

^a De ſancta Felicitate lege *Aſta Mar-
tyrum* collecta a noſtro Theod. Ruinart p.
20. & ſeq.

^b 3. Marc. *compunctionem*.

^c C. Germ. *zus Gemet.* & 4. Anglie.
cum fratribus quaſi non agnoſcitur,
^d 3. Marc. *ad cuſtodiendam litteram.*

fuderit. Et mater ejus efficitur, si per ejus vocem amor Domini in proximi mente generatur.

S. Felicitas
exemplum
id probatur.

3. Ad quam rem nobis idonee confirmandam adest beata Felicitas, cujus hodie natalitia celebramus; quæ credendo exstitit ancilla Christi, & prædicando facta est mater Christi. Septem quippe filios, sicut in gestis ejus emendatioribus legitur, sic post se timuit vivos in carne relinquere, sicut carnales parentes solent metuere ne mortuos præmittant. In persecutionis enim labore deprehensa, filiorum corda in amore supernæ patriæ prædicando roboravit: & parturivit spiritu, quos carne pepererat, ut prædicatione pareret Deo, quos carne pepererat mundo. Considerate, fratres carissimi, in femineo corpore virile pectus. Ad mortem stetit imperterrita. Amittere se in filiis lumen veritatis timuit, si non fuisset orbata. Numquid ergo hanc feminam martyrem dixerim? sed plus quam martyrem. Certe Dominus, cum de Johanne loqueretur, dixit: *Mat. 11. 7.* *Quid existis in desertum videre? 2* *Prophetam? a utique dico vobis, & plus quam prophetam.* Et Johannes ipse requisitus respondit, dicens: *Johan. 1. 21.* *Non sum Propheta.* Qui enim se plus quam Prophetam noverat, esse Prophetam negabat. Qui idcirco plus quam Prophetam dicitur; quia Prophetæ officium est ventura prænuntiare, non etiam ostendere. Johannes vero plus quam Prophetam est, quia ^b quem verbo dixit, digito ostendit. Non ergo hanc feminam

martyrem, sed plus quam martyrem dixerim, quæ septem pignoribus ad regnum præmissis, ^c toties ante se mortua, ad pœnas ^d prima venit, sed pervenit octava. Aspexit mater & cruciata & imperterrita filiorum mortem, ^e spei gaudium adhibuit dolori naturæ. Timuit viventibus, gavisæ est morientibus. Optavit nullum post se relinquere, ne si quem haberet superstitem, non posset habere consortem. Nemo ergo ex vobis, fratres carissimi, existimet quod ejus cor morientibus filiis, etiam carnalis affectus minime pulsarit. Neque enim filios, quos carnem suam esse noverat, sine dolore poterat morientes videre: sed erat vis amoris interior, quæ dolorem vinceret carnis. Unde & passuro Petro dicitur: *Cum senueris, extendes manus tuas, & alius te cinget, & ducet quo tu non vis.* Neque enim si plenissime Petrus nollet, pro Christo pati potuisset: sed martyrium, quod per infirmitatem carnis noluit, per virtutem spiritus amavit. Qui dum per carnem ad pœnas trepidat, per spiritum ad gloriam exultat: actumque est, ut cruciatum martyrii ^f nolendo voluisset. ^g Sic nos quoque cum gaudium querimus salutis, amarum poculum sumimus purgationis. Amaritudo quidem in poculo displicet, sed restituenda per amaritudinem salus placet. Amavit ergo juxta carnem Felicitas filios suos, ^h sed pro amore cœlestis patriæ mori etiam coram se voluit quos amavit. Ipsa eorum vulnera accepit,

Amore interiori carnis dolorem superavit.

Saluti medendum per amara.

^a 3. Marc. vere.

^b ius Carnot. & 3us Gemet. quem verbo prædixit. & 3. Marc.

^c Bigot. duo priores Gemet. & Val-cl. toties ante se moritura.

^d Val-cl. non venit.

^e Hic locus mira varietate legitur in mss. In Turon. & C. Germ. habes, *spei gaudium adhibuit dolorem naturæ*, sed corrupte. Duo priores Gemet. *spei gaudium de-*

levis dolorem naturæ; optime. Idem dic de hac lectione primi Carn. *spei gaudium inhibuit dolorem naturæ*. 3. Marc. *spei gaudium debuit; dolorem naturæ*.

^f Belvac. *velendo noluisse*.

^g C. Germ. primus Carn. & alii, *sic nos quoque*. Sic & 3. Marc.

^h C. Germ. Belyac. duo priores Gemet. *pro amore*.

cepit, sed ipsa in eisdem ad regnum prævenientibus excrevit. Recte ergo hanc feminam ultra martyrem dixerim, ^a quæ toties in filiis desiderabiliter extincta, dum multiplex ^b martyrium obtinuit, ipsam quoque martyrii palmam vicit. Fertur apud veteres mos fuisse, ut quisquis Consul existeret, juxta ordinem temporum honoris sui locum teneret: at si quis postærius ad Consulatum veniens, Consul non semel, sed bis fortasse aut tertio fieret, etiam illos laude & honore transcenderet, qui non plus quam semel Consules extitissent. Vicit ergo beata Felicitas martyres, quæ tot ante se morientibus filiis, pro Christo frequenter occubuit: ^c quia & amor illius sola sua mors minime sufficit.

4. Consideremus, fratres, hanc feminam, consideremus nos ^d, qui membris corporis viri sumus, in ejus comparatione quid existimabimur. Sæpe namque agenda aliqua bona proponimus, sed si unus contra nos vel levissimus sermo ab ore iridentis eruperit, ab intentione actionis nostræ fracti protinus & confusi resiliimus. Ecce nos plerumque a bono opere verba revocant: Felicitatem vero a sancta intentione frangere nec tormenta potuerunt. ^e Nos in auram maledictionis impingimus: hæc ad regnum etiam per ferrum exiit, nihilque esse quod obfistebat, æstimavit. Nos ad præcepta Dominica largiri nostram saltem su-

perflua nolumus: hæc non solum Deo suam substantiam contulit, sed pro illo etiam propriam carnem dedit. Nos cum ex divina jussione filios amittimus, sine consolatione lugemus: hæc eos velut mortuos plangeret, si non obtulisset. Cum ergo ad illud terribile examen districtus judex venerit, quid nos viri dicemus, cum hujus feminæ gloriam viderimus? De debilitate mentis suæ quæ tunc erit viris excusatio, quando hæc ostendetur, quæ cum seculo & sexum vicit? Sequamur ergo, fratres carissimi, districtam & asperam Redemptoris viam: usu quippe virtutum ita jam plana facta est, ut per eam feminis libeat ambulare. Despiciamus cuncta præsentia: nulla sunt etenim, quæ transire possunt. Turpe sit diligere, quod constat citius perire. Non nos terrenarum rerum amor superet, non superbia inflat, non ira dilaniet, non luxuria polluat, non invidia consumat. Amore nostri, fratres carissimi, Redemptor noster occubuit: & nos amore ejus discamus vincere nosmetipsos. Quod si perfecte agimus, non solum imminentes pœnas evademus, sed ^f una cum martyribus gloria remunerabimur. Nam quamvis occasio persecutionis desit, habet tamen & pax nostra martyrium suum: quia etsi carnis colla ferro non subdimus, spiritali tamen gladio carnalia desideria in mente trucidamus, ipso adjuvante, &c.

^a 3. Marc. & toties in filiis, & desid.

^b Ita mss. omnes, quibus consentiunt vet. ed. In recentioribus legitur, Martyrium sustinuit.

^c ius. Carn. quia & amatori. Sunt alix plures var. lectiones, sed leviter discrepantes. 3. Marc. morte.

^d 3. Marc. qui esse viri cernimur, in ejus comparatione quid sumus.

^e Ita omnes mss. Anglic. & nostri, vel, in auram. Et quidem utrumque optimo sensu & eleganter, auram enim opponit ferro. Celimus auræ, cum Felicitas ferro non cesserit. Id non intelligentes editores sic interpolant: nos injuriam maledictionis in auram maledictoris impingimus.

^f 3. Marc. communi cum: & deest ipso adjuvante &c.

Felicitati
unica mors
non suffi-
cit.


Pudeat vi-
ro, mulie-
rem hanc
fortem non
imitari.



Lectio Sancti Evangelii secundum Matthæum.

Matth. Cap. X. v. 5. — 10.

IN illo tempore: Misit Jesus duodecim discipulos suos, præcipiens eis dicens: In viam Gentium ne abieritis, & in civitates Samaritanorum ne intraveritis: sed potius ite ad oves, quæ perierunt domus Israel. Euntes autem prædicate, dicentes, quia appropinquavit regnum cælorum. Infirmos curate, mortuos suscite, leprosos mundate, demones ejicite. Gratis accepistis, ^a gratis date. Nolite possidere aurum, neque argentum, neque pecuniam in zonis vestris: non peram in via, neque duas tunicas, neque calceamenta, neque virgam. Dignus est enim operarius cibo suo.



H O M I L I A I V.

Habita ad populum in basilica sancti Stephani martyris,
^b de Apostolis.

Cur prius
Judæi vo-
cati, postea
Gentiles.

I. CUM constet omnibus, fratres carissimi, quia Redemptor noster in mundum pro redemptione Gentium venit, cum Samaritanos quotidie ad fidem vocari conspiciamus, quid est quod in prædicationem discipulos mittens, dicit: *In viam Gentium ne abieritis, & in civitates Samaritanorum ne intraveritis: sed potius ite ad oves, quæ perierunt domus Israel?* Nisi hoc quod ex facti fine colligimus: quia prius soli Judææ voluit, & postmodum cunctis Gentibus prædicari: ut dum illa converti vocata renueret, prædicatores sancti ad vocationem Gentium per ordinem venirent: quatenus Redemptoris nostri prædicatio

a propriis repulsa, Gentiles populos quasi extraneos quæreretur: & quod Judæis fiebat in testimonium, hoc Gentibus gratiæ esset incrementum. Erant enim tunc qui de Judæa vocandi essent, & de Gentibus vocandi non essent. Nam & in Apostolorum actibus prædicante Petro legimus & prius Hebræorum tria millia, & postea quinque millia credidisse. Et cum prædicare Apostoli Gentibus in Asia voluissent, per Spiritum prohibiti esse memorantur; & tamen ipse Spiritus, qui prius prædicationem prohibuit, hanc Asiæ cordibus postmodum infudit, Nam diu est quod Asia cuncta jam credidit. Idcirco ergo prius prohibuit,

^a In Belvac. & C. Germ. hæc verba ab-
solvunt lectionem Evang. Nihil quoque ex
seq. explicatur in Homil.

^b Hæc in mss. C. Germ. Belvac. Gemet.
Bigot. & Reg. Suec non leguntur.

a buit, quod postmodum fecit : * quia tunc in illa erant qui salvandi non erant . Tunc in illa erant, quinec- dum ad vitam reparari merebantur, nec tamen gravius de contempta prædicatione judicari . Subtili ergo occultoque judicio a quorundam auribus prædicationis sancta subtrahitur; quia suscitari per gratiam non merentur.

Occulta
Dei judicia
quæ in ti-
menda .

b Unde necesse est, fratres carissimi, ut in omne quod agimus, omnipotentis Dei super nos consilia occulta timeamus : ne dum mens nostra exterius fusa, a sua se b voluptate non revocat, intus contra eam iudex terribiliter adversa disponat. Quod bene Psalmista intuens, ait :

Psalm. 65. *Venite & videte opera Domini, quam terribilis in consiliis super filios hominum .* Vidit namque quod alius misericorditer vocatur, alius iustitia exigente repellitur . Et quia alia parcendo Dominus, alia irascendo disponit, expavit quod penetrare non potuit . Et quem non solum ininvestigabilem, sed etiam in quibusdam suis sententiis inflexibilem vidit, terribilem in consiliis esse memoravit .

Mundi mi-
næ proxi-
mum re-
gnum cæ-
lorum cla-
mant .

2. Missis autem prædicatoribus, quid præcipiatur, audiamus . *Euntes prædicate, dicentes, quia appropinquavit regnum cælorum .* Hoc jam, fratres carissimi, etiam si Evangelium taceat, mundus clamat . Ruinæ namque illius, voces ejus sunt . Qui enim tot attritus percussionebus, a gloria sua cecidit, quasi jam nobis e proximo regnum aliud quod sequitur, ostendit . Ipsi jam & a quibus amatur, amarus est . Ipsæ ejus ruinæ prædicant quod amandus non est . Si enim ruinam sui domus quassata minaretur, quisquis in illa habita-

Labenti
inherere
quam peri-
culosum .

ret, fugeret : & qui stantem dilexerat, recedere quantocius a cadente festinaret . Si igitur mundus cadit, & nos eum amando amplectimur, opprimi volumus potius, quam habitare ; quia nulla nos ratio a ruina illius separat, quos ejus passionibus amor ligat . Facile est ergo nunc jam cum destructa omnia cernimus, animum nostrum ab ejus dilectione disjungere . Sed hoc illo in tempore difficillimum fuit, quo tunc prædicare cælorum regnum invisibile mittebantur, cum longe lateque c omnia cernerent florere regna terrarum .

3. Unde & adjuncta sunt prædicatoribus sanctis miracula ; ut fidem verbis daret virtus ostensa, & nova facerent, qui nova prædicarent, sicut in hac eadem lectione subjungitur : *Infirmos curate, mortuos suscite, leprosos mundate, demones ejcite .* Florente mundo, crescente humano genere, diu in hac vita subsistente carne, exuberante rerum opulentia ; quis cum audiret vitam esse aliam, crederet ? Quis invisibilia visibilibus præferret ? Sed ad salutem redeuntibus infirmis, ad vitam resurgentibus mortuis, carnis munditiam recipientibus leprosis, ereptis a jure immundorum spirituum dæmoniis, tot visibilibus miraculis exactis, quis non crederet quod de invisibilibus audiret ? Ad hoc quippe visibilia miracula coruscant, ut corda videntium ad filiem invisibilem pertrahant : ut per hoc quod mirum foris agitur, hoc quod intus est, longe mirabilius esse sentiantur . Unde nunc quoque cum fidelium numerositas excrevit, intra sanctam Ecclesiam

Cur juncta
prædica-
tioni mi-
racula .

V 2 mul-

a Zus. Gemet. quia in illa erant qui necdum ad vitam merebantur vocari . Nec tamen &c. In Turon. uno Sangerm. duo pri- or. Gemet. Bigot. & 2. Carn. reparari merebantur . Sed tamen eis utiliter prædicationis officium subtrahitur, ne gravius de contempta prædicatione judicari mereven-

tur. Subtili ergo. Sequimur Germ. alterum Germ. Regium, &c.

b Duo Gemet. priores, totidem Carn. Bigot. & C. Germ. voluntate. Consonat & 3. Marc.

c C. Germ. Belvac. Bigot. & tres Gemet. omnes cernerent. & 3. Marc.

^a multi sunt, ^a qui vitam virtutum ^b tenent, sed signa virtutum non habent: quia frustra miraculum foris ostenditur, si deest quod intus operetur. Nam juxta magistri Gentium ^{1. Cor. 14. 22.} vocem: *Linguae in signum sunt non fidelibus, sed infidelibus.* Unde & idem ^c praedicator egregius ^c inter praedicationis verba dormientem, cadentemque de fenestra Eutychem, atque a vita funditus extinctum, coram cunctis infidelibus orando suscitavit. ^d Meliten veniens, & plenam infidelibus insulam sciens, patrem Publii dysenteria febribusque vexatum, orando ^e sanavit. Peregrinationis vero suae comitem, & sanctae praedicationis adiutorem Timotheum ex infirmitate stomachi lassescens non verbo curat, ^f sed medicinali arte ^{1. Tim. 5. 23.} reparat dicens: *Modico vino utere, propter stomachum & frequentes tuas infirmitates.* Qui ergo infirmum infidelem ^g una prece salvat, cur & aegrotum socium prece non roborat? Quia nimirum ille foris per miraculum sanandus erat, qui interior vivus non erat: ut per hoc quod exterior potestas ostenderet, hunc ad vitam interior virtus animaret. Aegrotanti autem fidei socio exhibenda foris signa non fuerant, qui salubriter intus vivebat.

Contra Simoniam & turpe lucrum.

4. Sed concessa potestate praedicationis, concessis virtutum miraculis, quid Redemptor noster subjungat, audiamus: *Gratis accepistis, gratis date.* Praesciebat namque nonnullos hoc ipsum donum accepti Spiritus in usum negotiationis in-

flectere, & miraculorum signa ad avaritiae obsequium declinare. Hinc est enim, quod Simon Magus per impositionem manus edita miracula ^h conspiciens, percipere donum Spiritus sancti pecunia voluit: scilicet ut deterius venderet, quod male comparasset. Hinc de templo Redemptor noster flagello de resticulis facto turbas ejecit, cathedras vendentium columbas evertit. Columbas quippe vendere, est impositionem manus qua Spiritus sanctus accipitur, non ad vitae meritum, sed ⁱ ad premium dare. Sed sunt nonnulli, qui quidem nummorum praemia ex ordinatione non accipiunt, & tamen sacros ordines pro humana gratia largiuntur: atque de largitate eadem, laudis solummodo retributionem quaerunt. Hi nimirum quod gratis acceptum est, gratis non tribuunt: quia de impenso officio sanctitatis, nummum expetunt favoris. Unde bene cum justum virum describeret Propheta, ait; *Qui excutit manus suas ab omni munere.* Neque enim dicit: *Qui excutit manus suas a munere;* sed adjunxit, *ab omni;* quia aliud est munus ab obsequio, aliud munus a manu, aliud munus a lingua. Munus quippe ab obsequio, est ^k subjectio indebite impenso: munus a manu, pecunia est: munus a lingua, favor. Qui ergo sacros ordines tribuit, tunc ab omni munere manus excutit, quando in divinis rebus non solum nullam pecuniam, sed etiam humanam gratiam non requirit.

5. Sed vos, fratres carissimi, quos fecu-

legitur in eo, medera.

^g In recent. ed. additur, *Et ut credimus, mortuum, una.* Hoc assumentum recidimus, quod in mss. & in vet. editis non extet.

^h Turon. C. Germ. & plur. *concupiscens.* Ita & 3. Marc.

ⁱ Primus Carn. *ad premium mundanae negotiationis.*

^k Val-cl. *subjectio indebita servitutis impenso.*

h

i

Nonnulli.
Joh. 1. 3. n. 6.
Mar. 1. 9.
n. 53.

Isa. 33. 15.

Patere in
Jsa. cap. 42.
Simoniz
diversae
species.

k

Ad bona opera quam puram offerre debeamus intentionem.

^a Recent. ed. *qui viam*, reluctantibus mss. & veteribus excusis.

^b In 3. Marc. *habent.* Mox *Hinc etenim Paulus dicit.*

^c 1. Carni. Gemet. Longip. & plur. al. mss. *ad praedicationis.*

^d Vitiase in plur. *Mitilenem, Militene, Militina.*


^e Vel, *salvavit.* In 2. Gemet. *suscitavit.* 3. Marc. *salvavit.*

^f Duo priores Carn. *moderi parat;* quod etiam habet Turon. nisi quod pro *mederi*,

secularis habitus tenet, cum quæ sint nostra cognoscitis, mentis oculos ad vestra revocate. Cuncta erga vos vicissim gratis agite. Nolite operis vestri in hoc mundo retributionem quærere, quem cum tanta jam cernitis velocitate defecisse. Sicut male acta abscondi vultis ne alii videant: ita bona ne ad humanam laudem appareant, cavete. Neque mala quomodo, nec bona pro temporali retributione faciatis. Ipsum vestri operis testem quærите quem iudicem sustinetis. Occulta nunc bona vestra esse videat, ut ea retributionis suæ tempore in publico ostendat. Sicut carni vestræ, ne deficiat, cibos quotidie præbetis: sic mentis vestræ quotidiana alimenta bona sint opera. Cibo corpus pascitur: pio opere spiritus nutriatur. Quod morituræ carni tribuitis, victuræ in perpetuum animæ non negetis. Si quando enim

repentinus ignis habitaculum absumit, quisquis ejus possessor exstiterit, rapit quod valuerit, & fugit: lucrum deputat, si quid secum ex ignibus tollat. Ecce tribulationum flamma mundum concremat, & cuncta quæ in eo speciosa videbantur, finis jam proximus velut ignis devastat. Lucrum ergo, fratres carissimi, maximum credite, si vobiscum aliquid de illo rapiatis, si quid fugientes tollitis, si hoc quod perire manendo poterat, ad retributionem vobis perpetuam largiendo servatis. Terrena quippe omnia servando amittimus, sed bene largiendo servamus. Cum velocitate tempora fugiunt. Ad videndum ergo citius iudicem nostrum, quia cum magna importunitate impellimur, ei bonis actibus cum festinatione præparemur: donante Domino nostro, &c.






Lectio sancti Evangelii secundum Matthæum.

Matth. Cap. IV. v. 18. — 22.

- a** **I**N illo tempore : Ambulans Jesus * juxta mare Galilææ , vidit
b duos fratres , Simonem qui vocatur Petrus , & Andream fra-
 trem ejus , mittentes ^b rete in mare (erant enim piscatores ,) &
 ait illis : Venite post me , & faciam vos fieri piscatores hominum .
 At illi continuo relictis retibus , secuti sunt eum . Et procedens in-
 de , vidit alios duos fratres , Jacobum Zebedæi , & Johannem fratrem
 ejus in navi , cum Zebedæo patre eorum , reficientes retia sua , &
 vocavit eos . Illi autem statim relictis retibus & patre , secuti
 sunt eum .



H O M I L I A V.

Habita ad populum in basilica beati Andreæ Apostoli ,
 in die natalis ejus .

Apostolo-
rum alacri-
tas ad se-
quendum
Christum .

c
Nostram
morosita-
tem & cun-
stationem
condemnat .

AUdistis , fratres carissimi , quia
 ad unius jussionis vocem Pe-
 trus & Andreas , relictis retibus se-
 cuti sunt Redemptorem . Nulla vero
 hunc facere adhuc miracula vide-
 rant , nihil ab eo de præmio æternæ
 retributionis audierant : & tamen ad
 unum Domini præceptum , hoc quod
^c possidere videbantur , obliti sunt .
 Quanta nos ejus miracula videmus ,
 quot flagellis affligimur , quantis mi-
 narum asperitatibus deterremur : &
 tamen vocantem sequi contemnimus ?
 In cælo jam sedet , qui de con-
 versione nos admonet : jam jugo
 fidei colla gentium subdidit , jam
 mundi gloriam stravit , jam ruinis
 ejus crebrescentibus , districti sui ju-
 dicii diem propinquantem denuntiat :

& tamen superba mens nostra non
 vult hoc sponte deferere , quod
 quotidie perdit invita . Quid ergo ,
 carissimi , quid in ejus judicio di-
 cturi sumus , qui ab amore præsen-
 tis seculi nec præceptis flectimur ,
 nec verberibus emendamur ?

2. Sed fortasse aliquis tacitis sibi
 cogitationibus dicat : Ad vocem Do-
 minicam uterque iste piscator quid
 aut quantum dimisit , qui pene ni-
 hil habuit ? Sed hac in re , fratres
 carissimi , affectum debemus potius
 pensare , quam censum . Multum re-
 liquit , qui sibi nihil retinuit : mul-
 tum reliquit , ^d qui quantumlibet
 parum , totum deferuit . Certe nos
 & habita cum amore possidemus ,
 & ea quæ minime habemus , ex
 defi-

In terrenis
relinquen-
dis per se
dus affectus
non census .

d

^a 3. Gemet. secus mare ; consentit C. Germ.

^b Al. retia sua , ut habent C. Germ. Bigot. & al.

^c Modus est loquendi nostro Gregorio satis usitatus , & alteri Greg. Turon. Vide

l. 4 de Mirac. S. Martini c. 11. *sint hæc omnia penes S. Martini ditionem , quæ habere videor .*

^d C. Germ. Bigot. Long p. qui quamlibet parvum . 3 Marc. quamlibet parvum .

desiderio quærimus. Multum ergo Petrus & Andreas dimisit, quando uterque etiam desideria habendi dereliquit. Multum dimisit, qui cum re possessa etiam concupiscentiis renuntiavit. A sequentibus ergo tanta dimissa sunt, quanta a non sequentibus concupisci potuerunt. Nemo igitur etiam cum quosdam conspiciat multa reliquisse, apud semetipsum dicat: Imitari mundi hujus contemtores volo, sed quod relinquam, non habeo. Multa fratres relinquitis, si ^a desideriis terrenis renuntiatis. Exteriora etenim nostra Domino quamlibet parva sufficiunt. Cor namque, & non substantiam pensat: nec perpendit quantum in ejus sacrificio, sed ^b ex quanto proferatur. Nam si exteriorem substantiam perpendamus, ecce sancti negotiatores nostri perpetuam angelorum vitam datis rebus & navi mercati sunt. Æstimationem quippe pretii non habet: sed tamen regnum Dei tantum valet, quantum habes. Valuit namque Zacchæo dimidium substantiæ: quia dimidium aliud ad hoc quod injuste abstulit, restituendum in quadruplum reservavit. Valuit Petro & Andræ dimissis retribus & navi: valuit viduæ duobus minutis; valuit alteri calice aquæ frigidæ. Regnum itaque Dei, ut diximus, tantum valet, quantum habes.

3. Pensate igitur, fratres, quid vilius cum emitur, quid carius cum possidetur. Sed fortasse nec calix aquæ frigidæ suppetit qui indigenti præbeatur: etiam tunc securitatem nobis promittit sermo divinus. Redemptore etenim nato, cæli cives ostensi sunt, qui clamarent: *Gloria*

in excelsis Deo, & in terra pax hominibus bonæ voluntatis. Ante Dei namque oculos nunquam est vacua manus a munere, si fuerit arca cordis repleta bona voluntate. Hinc etenim Psalmista dicit, *In me sunt Deus vota tua, quæ reddam laudationes tibi.* Ac si aperte dicat: Etsi exterius munera offerenda non habeo, intra memetipsum tamen invenio, quod in ara tuæ laudis impono: quia qui nostra datione non pascaris, oblatione cordis melius placaris. Nihil quippe offertur Deo ^c ditius voluntate bona. Voluntas autem bona est, ^d sic adversa alterius sicut nostra pertimescere; sic de prosperitate proximi, sicut de nostro profectu gratulari: aliena damna, nostra credere; aliena lucra, nostra deputare: amicum non propter mundum, sed propter Deum diligere; inimicum etiam amando tolerare: nulli quod pati non vis, facere: nulli quod tibi juste impendi desideras, denegare: necessitati proximi non solum juxta vires concurrere, sed prodesse etiam ultra vires velle. Quid ergo isto holocausto locupletius, quando per hoc quod Deo immolat in ara cordis, anima semetipsam mactat?

4. Sed hoc bonæ voluntatis sacrificium nunquam plene persolvitur, nisi mundi hujus cupiditas perfecte deferatur. Nam quidquid in eo concupiscimus, hoc proculdubio proximis invidemus. Videtur etenim quia nobis desit, quod alter assequitur. Et quia semper invidia a bona voluntate discordat, mox ut hæc mentem ceperit, illa discedit. Unde prædicatores sancti ut possent proximos perfecte diligere, studuerunt

in

Psalm. 55. 12.

Nihil Deo ditius offertur, bona voluntate.

c
d

Nihil vilius caelo, cum emitur: nihil carius, cum possidetur.

Lus. 2. 34.

^a C. Germ. & al. *desideriis carnis*. Ita & 3. Marc.

^b 3. Gemet. *ex quanto affectu*.

^c Duo posteriores Gemet. *devotius*.

^d Corb. sic *adversa alteri sicut nobis pertimescere*. Bellovac. sic *alteri sicut nobis* &c.

Hoc sacrificium ut persolvatur cupiditas deferenda.


^a
Apostoli
cur colum-
bæ disti.
Isa. 60. 2.

in hoc seculo nihil amare, nihil unquam appetere, ^a nihil vel sine appetitu possidere. Quos bene Isaias intuens, ait; *Qui sunt isti, qui ut nubes volant, & quasi columbæ ad fenestras suas?* Vidit quippe terrena eos despicere, mente cœlestibus propinquare, verbis plueri, miraculis coruscare. Et quos a terrenis contagiis sancta prædicatio & sublimis vita suspenderat, hos volantes pariter & nubes appellat. Fenestræ autem, nostri sunt oculi: quia per ipsos anima respicit, quod exterius concupiscit. Columba vero simplex est animal, atque a malitia fellicis alienum. Quasi columbæ ergo ad fenestras suas sunt, qui nihil in hoc mundo concupiscunt, qui omnia simpliciter aspiciunt, & in his quæ vident, rapacitatis studio non

trahuntur. At contra, milvus non columba ad fenestras suas est, qui ad ea quæ oculis considerat, rapinæ desiderio anhelat. Quia ergo, fratres carissimi, beati Andreae Apostoli natalitia celebramus, debemus imitari quod colimus. Ostendat nostræ obsequium devotionis, immutatæ solemnitas mentis: despiciamus quæ terrena sunt, relictis temporalibus mercemur æterna. Si autem necdum possumus relinquere propria, saltem non concupiscamus aliena. Si necdum mens nostra accenditur igne caritatis, in ambitione sua habeat frenum timoris: ut profectus sui passibus vegetata, dum ab alienorum appetitu compestitur, quandoque ad propria contemnenda perducatur, adjuvante Domino nostro Jesu Christo, &c.

^a Ita legendum ex plur. mss. & quidem uberiori sensu, quam quod legitur in excusis, *nihil etiam cum appetitu possidere*, quod videtur superfluum postquam dictum est, ni-

hil appetere. In C. Germ. post, *nihil unquam appetere*, sequitur immediate, *quos bene &c.*



LECTIO SANCTI EVANGELII SECUNDUM MATTHÆUM.

Matth. Cap. XI. V. 2. — 10.

IN illo tempore: Cum audisset Johannes in vinculis opera Christi, mittens duos ex discipulis suis, ait illi: Tu es qui venturus es, an alium expectamus? Et respondens Jesus, ait illis: Euntes nuntiate Johanni, quæ audistis & vidistis. Cæci vident, claudi ambulant, leprosi mundantur, surdi audiunt, mortui resurgunt, pauperes evangelizantur: & beatus est, qui non fuerit scandalizatus in me. Illis autem abeuntibus, cepit Jesus dicere ad turbas de Johanne: Quid existis in desertum videre? Arundinem vento agitatam? Sed quid existis videre? Hominem mollibus vestitum? Ecce qui mollibus vestiuntur, in domibus regum sunt. Sed quid existis videre? Prophetam? Etiam dico vobis; & plus quam prophetam. Hic est enim, de quo scriptum est: Ecce ego mitto Angelum meum ante faciem tuam, qui preparabit viam tuam ante te.

HOMILIA VI.

Habita ad populum in basilica sanctorum Marcellini & Petri, ^a Dominica 3. in Adventu Domini.

Utrum
Johan. de
Christo du-
bitarit.

^b
Johan. 1.
29.

Joh. 3. 31.

1. **Q**Uærendum nobis est, fratres carissimi, Johannes propheta & plus quam propheta: qui ventientem ^b ad Jordanis baptismata Dominum ostendit dicens: Ecce agnus Dei, ecce qui tollit peccatum mundi: qui & humilitatem suam, & divinitatis ejus potentiam considerans, dicit: Qui de terra est, de terra loquitur; qui autem de cælo venit, super omnes est: cur in carcere positus, mittens discipulos suos, requirit: Tu es qui venturus es, an alium expectamus? tamquam si ignorer quem ostenderat; & an ipse sit, nesciat, quem ipsum esse prophetan-

do, baptizando, & ostendendo clamaverat. Sed hæc citius quæstio solvitur, si gestæ rei tempus & ordo pensetur. Ad Jordanis enim fluenta positus, quia ipse Redemptor mundi esset, asseruit: missus vero ^c in carcerem, an ipse veniat, requirit: non quia ipsum esse mundi Redemptorem dubitet, sed quærit, ut sciat si is qui per se in mundum venerat, per se etiam ad inferni claustra descendat. Quem enim præcurrens mundo nuntiaverat, hunc moriendo & ad inferos præcurrebat. Ait ergo: Tu es qui venturus es, an alium expectamus? Ac si aperte dicat: Sicut pro

^a Hæc desunt in cod. Reg. Suec. & in ceteris: præterquam in 2. Gemet.

^b Abest Jordanis, ^a C. Germ. Corb. & Tom. V.

Bigot.

^c 1. Carnut. & Bigot. in carcerem, utrum alium expectent an ipse veniat.

pro hominibus nasci dignatus es, an etiam pro hominibus mori digneris, insinua; ut qui natiuitatis tuæ præcurfor exstiteris, mortis etiam præcurfor fiam, & venturum inferno te nuntiem, quem iam venisse mundo nuntiavi. Unde & inquisitus Dominus, enumeratis potentia suæ miraculis, de mortis suæ protinus humilitate respondit, dicens: *Cæci vident, claudi ambulant, leprosi mundantur, surdi audiunt, mortui resurgunt, pauperes evangelizantur: & beatus est qui non fuerit scandalizatus in me.* Visis tot signis, tantisque ^a virtutibus, non scandalizari quisquam potuit, sed admirari. Sed infidelium mens grave in illo scandalum pertulit, cum cum & post tot miracula morientem vidit. Unde & Paulus dicit: *Nos autem prædicamus Christum crucifixum, Judeis quidem scandalum, Gentibus autem stultitiam.* Stultum quippe hominibus visum est, ut pro hominibus auctor vitæ moreretur: & inde contra eum homo scandalum sumsit, unde etiam plus debitor fieri debuit. Nam tanto Deus ab hominibus dignius honorandus est, quanto pro hominibus & indigna suscepit. Quid est ergo dicere: *Beatus qui non fuerit scandalizatus in me*, nisi aperta voce abjectionem mortis suæ humilitatemque signare? Ac si patienter dicat: Mira quidem facio, sed abjecta perpeti non dedignor. Qui ergo moriendo te subsequor, cavendum valde est hominibus, ne in me mortem despiciant, qui signa venerantur.

Christus ideo magis honorandus quod pro nobis indigna suscepit.

Carnalis homo arundini similis.

2. Sed dimissis Johannis discipulis, quid de eodem Johanne turbis dicat, audiamus: *Quid existis in desertum videre? Arundinem vento agitatam?* Quod videlicet non asse-

rendo, sed negando intulit. Arundinem quippe mox ut aura contigerit, in partem alteram flectit. Et quid per arundinem, nisi carnalis animus designatur? Qui mox ut favore, vel detractio tangitur, statim in partem quamlibet inclinatur. Si enim ab humano ore aura favoris flaverit, hilarescit, extollitur, totumque se quasi ad gratiam inflectit. Sed si inde ventus detractiois eruperit, unde laudis aura veniebat, mox cum quasi in partem alteram ad vim furoris inclinatur. Sed arundo vento agitata Johannes non erat: quia hunc nec blandum gratia, ^b nec cujuslibet detractio ira asperum faciebat. Nec prospera hunc erigere, nec adversa noverant inclinare. Arundo ergo vento agitata Johannes non erat, quem a status sui rectitudine, nulla rerum varietas inflectebat. Discamus ergo, fratres carissimi, arundinem vento agitatam non esse; solidemus animum inter auras linguarum positum, stet inflexibilis status mentis. Nulla nos detractio ad iram provocet, atque ad remissionem inutilis gratiæ nullus favor inclinet. Non nos prospera elevent, non adversa perturbent: ut qui in soliditate fidei figimur, nequaquam rerum transeuntium mutabilitate moveamur.

Johannis Bapt. constantia nobis imitanda.

3. Adhuc autem de ejus ^c expressione subjungitur: *Sed quid existis in desertum videre? Hominem mollibus vestitum? Ecce qui mollibus vestiuntur, in domibus regum sunt.* Camelorum etenim pilis contextis vestitus Johannes fuisse describitur. Et quid est dicere: *Ecce qui mollibus vestiuntur, in domibus regum sunt*, nisi aperta sententia demonstrare, quia non cælesti, sed terreno ^d regi militant hi, qui pro Deo perpeti aspera fugiunt,

Qui aspera fugiunt & molliem cessantur, Deo non militant.

^a Duo priores Gemet. & Bigot. miraculis.

^b Ita C. Germ. Carnut. Corb. &c. ubi excusi habent, nec cujuslibet detractiois ira asperum.

^c Vulgati, de ejus sanctitate. Optime nisi reluctarentur mil.

^d Belyac. 1. Carn. Val cl. Longip. regno.

giunt, sed solis exterioribus dediti, presentis vitæ molliem & delectationem quærunt? Nemo ergo existimet in fluxu atque studio ^a vestitum peccatum deesse: quia si hoc culpa non esset, nullo modo Johannem Dominus de vestimenti sui asperitate laudasset. Si hoc culpa non esset, nequaquam Petrus Apostolus per Epistolam feminas a pretiosarum vestium appetitu compesceret, dicens: *Non in veste pretiosa*. Pensate ergo quæ culpa sit, hoc etiam viros appetere, a quo curavit pastor Ecclesiæ & feminas prohibere.

4. Quamvis hoc quod Johannes non esse vestitus mollibus dicitur, per significationem intelligi & aliter potest. Mollibus enim vestitus non fuit; quia vitam peccantium non blandimentis fovit, sed ^b vigore asperæ invectionis increpavit, dicens: *Genimina viperarum, quis vobis demonstravit fugere a ventura ira?* Unde & per Salomonem dicitur: *Verba sapientium quasi stimuli, & sicut clavi in altum defixi*. Clavis quippe atque stimulis, sapientum verba comparantur: quia culpas delinquentium nesciunt palpare, sed pungere.

5. *Sed quid existis videre in deserto? Prophetam? Etiam dico vobis, & plus quam prophetam*. Prophetæ quippe ministerium est, ventura prædicere, non etiam demonstrare. Johannes ergo plus quam propheta est, quia eum quem præcurrendo prophetaverat, etiam ostendendo monstrabat. Sed quia arundo vento agitata esse denegatur, quia non esse vestitus mollibus dicitur, quia prophetæ nomen huic impar esse perhibetur; jam quid digne dici possit, audiamus. Sequitur: *Ilic est de quo scriptum est: Ecce ego mit-*

to Angelum meum ante faciem tuam; qui præparabit viam tuam ante te. Quod enim Græce Angelus, hoc Latine nuntius dicitur. Recte ergo qui nuntiare supernum judicem mittitur, Angelus vocatur, ut dignitatem servet in nomine, quam explet in operatione. Altum quidem nomen est, sed vita nomine inferior non est.

6. Utinam, fratres carissimi, non ad iudicium nostrum dicamus, quia omnes qui sacerdotii nomine censentur, Angeli vocantur, Propheta attestante, qui ait: *Labia sacerdotis custodiunt scientiam, & Legem requirunt ex ore ejus: quia Angelus Domini exercituum est*. Sed hujus altitudinem nominis, etiam vos, si vultis, potestis mereri. Nam unusquisque vestrum in quantum sufficit, in quantum gratiam supernæ aspirationis accepit, si a pravitate proximum revocat, si exhortari ad bene operandum curat, si æternum regnum vel supplicium erranti denuntiat, cum sanctæ annuntiationis verba impendit, profecto Angelus existit. Et nemo dicat: Admonere non sufficio, exhortari idoneus non sum: quantum potes exhibe, ne male servatum ^c quod acceperas, in tormentis exigaris. Neque enim plus quam unum talentum acceperat, qui hoc abscondere magis studuit, quam erogare. Et scimus quod in Dei tabernaculo non solum phialæ, sed præcipiente Domino etiam cyathi facti sunt. Per phialas quippe doctrina exuberans: per cyathos vero parva atque angusta designatur scientia. Alius doctrina veritatis plenus, audientium mentes inebriat: per hoc ergo quod dicit, profecto phialam porrigit. Alius explere quod sentit non valet, sed quia hoc ut-

X 2 cum-

^a Expunximus pretiosarum, auctoritate mss. Turon. C. Germ. Belvac. Carn.

^b Al. rigore, ut legitur in Corb. Germ. Gemet. Bigot.

^c Ita simplicius mss. quam excusi ubi legitur, quod acceperas talentum in tormentis pendere exigaris.

Pater. in v.
Pet. c. 3.

a
Vestis pretiosa damnan-
tur.

v. Pet. 3.3.

Johannis in
vitiis in-
crepan-
libertas.

b

Matth. 3.7.
& Luc. 3.
7.

Eccle. 12. 11.

Cur Johan-
nes plus
quam Pro-
pheta.

Cur Ange-
lus dictus.

Sacerdotes
sunt Ange-
li.

Malac. 2. 7.

Angelorum
officio de-
fingi de-
bent fideles
omnes.

Pater. in
Exod. c. 39.

cumque denuntiat, profecto per cyathum gustum præbet. In Dei ergo tabernaculo, id est in sancta Ecclesia positi, si per doctrinæ sapientiam ministrare phialas minime potestis, inquantum pro divina largitate sufficitis, proximis vestris boni verbi cyathos date. In quantum vos profecisse pensatis, ^a etiam vobiscum alios trahite: in via Dei socios habere desiderate. Si quis vestrum, fratres, ad forum aut fortasse ad balneum pergit, quem otiosum esse considerat, ut secum veniat, invitat. Ipsa ergo terrena actio vestra vos conveniat, & si ad Deum tenditis, curate ne ad eum soli veniatis. Hinc etenim scriptum est; *Qui audit, dicat: veni*; ut qui jam in corde vocem superni amoris acceperit, foras etiam proximis vocem exhortationis reddat. Et fortasse panem, ut indigenti eleemosynam porrigat, non habet; sed majus est quod tribuere valeat, qui linguam habet. Plus enim est verbi pabulo victuram in perpetuum mentem refi-

cere, quam ventrem morituræ carnis terreno pane satiare. Nolite ergo, fratres, proximis vestris eleemosynam verbi subtrahere. Mecum vos admoneo, ut ab otioso sermone parcamus, inutiliter loqui declinemus. In quantum reniti linguæ prævaletur, in ventum verba non defluant, cum judex dicat: *Omne verbum otiosum quod locuti fuerint homines, reddent de eo rationem in die judicii*. Otiosum quippe verbum est, quod aut utilitate rectitudinis, aut ratione justæ necessitatis caret. Otiosa ergo colloquia ad ædificationis studium vertite: quam celerrime hujus vitæ tempora fugiant, considerate: quam diluctus veniat judex attendite. Hunc ante oculos vestri cordis ponite: hunc proximorum vestrorum mentibus intimate; ut in quantum vires suppetunt, si annuntiare cum ^b non negligitis, vocari ab eo Angeli cum Johanne valeatis; quod ipse præstare dignetur qui vivit, & regnat Deus in secula seculorum. Amen.

*Pater. in
Matth. 6. 62.*

*Matth. 12.
36.*

*Otiosi verbi
definitio.*

b

*Pater. in
Apoc. c. 54.*

2

*Curandum
ne soli ad
Deum veniamus.*

Ap. 27. 17.

^a Turon. & quinque al. mss. *etiam alios trahere vobiscum satagite.*

^b Corb. *non negatis.*



Lectio sancti Evangelii secundum Joannem .

Johann. Cap. I. V. 19. — 28.

IN illo tempore: Miserunt Iudai ab Ierosolomis Sacerdotes & Levitas ad Johannem, ut interrogarent eum: Tu quis es? Et confessus est, & non negavit. Et confessus est, Quia non sum ego Christus. Et interrogaverunt eum: Quid ergo? Elias es tu? Et dixit: Non sum. Propheta es tu? Et respondit: Non. Dixerunt ergo: Quis es, ut responsum demus his, qui miserunt nos? Quid dicis de teipso? Ait: Ego vox clamantis in deserto: Dirigite viam Domini, sicut dixit Isaias Propheta. Et qui missi fuerant erant ex Phariseis. Et interrogaverunt eum, & dixerunt ei: Quid ergo baptizas, si tu non es Christus, neque Elias, neque Propheta? Respondit eis Johannes, dicens: ^a Ego baptizo in aqua: medius autem vestrumstetit, quem vos nescitis. Ipse est, qui post me venturus est, qui ante me factus est: ^b cuius non sum dignus solvere corrigiam calceamenti. Hæc in Bethania facta sunt trans Jordanem, ubi erat Johannes baptizans.

H O M I L I A V I I .

c Habita ad populum in Basilica S. Petri Apostoli, ⁊ Domi-
nica quarta in Adventu Domini.

Johannis
Bapt hu-
milis con-
fessio.

1. **E**X hujus nobis lectionis ver-
bis, fratres carissimi, Johan-
nis humilitas commendatur : qui cum
tante virtutis esset , ut Christus credi
potuisset , elegit solide subsistere in se ,
ne humana opinione raperetur inaniter
super se . Nam *confessus est , & non
negavit : & confessus est . Quia non
sum ego Christus* . Sed qui dixit ,
Non sum , negavit plane quod non
erat , sed non negavit quod erat :
ut veritatem loquens , ejus membrum
fieret , cujus sibi nomen fallaciter
non usurparet . Cum ergo non vult
appetere nomen Christi , factus est

a C. Germ. & Bigot. *ego quidem baptiz.*

b Belvac. & C. Germ. *cujus ego non sum dignus ut selvam*. Habet etiam Bigot. ut

membrum Christi: quia dum infirmitatem suam studuit humiliter agnoscere, illius celsitudinem meruit veraciter obtinere. Sed cum ex lectione alia, Redemptoris nostri sententia ad mentem reducitur, ex hujus lectionis verbis nobis quæstio valde implexa generatur. Alio quippe in loco inquisitus a discipulis Dominus de Eliæ adventu, respondit: *Elias jam venit, & non cognoverunt eum, sed fecerunt in eum quaecumque voluerunt. Et si vultis scire, Johannes ipse est Elias.* Requisitus autem Johannes, dicit:

Non

solvam.

c In 2. Gemet. solo *Dominica* hæc in-
dicatur, nec alia dies assignatur in mss.

Nulli subest
falsitati.

Matt. 17. 12.

Non sum Elias. Quid est hoc, fratres carissimi, quia quod Veritas affirmat, hoc Propheta Veritatis negat? Valde namque inter se diversa sunt, *Ipse est*, &, *Non sum*. Quomodo ergo Propheta Veritatis est, si ejudem Veritatis sermonibus concors non est? Sed si subtiliter veritas ipsa requiratur, hoc quod inter se contrarium sonuit, quomodo contrarium non sit, invenitur. Ad Zachariam namque^a de Johanne Angelus dicit: *Ipse præcedet ante illum in spiritu & virtute Eliæ*. Qui idcirco venturus in spiritu & virtute Eliæ dicitur: quia sicut Elias secundum Domini adventum præveniet, ita Johannes prævenit primum. Sicut ille præcursor venturus est iudicis, ita iste præcursor est factus Redemptoris. Johannes igitur in spiritu Elias erat, in persona Elias non erat. Quod ergo Dominus fatetur de spiritu, hoc Johannes denegat de persona: quia & justum sic erat, ut & discipulis Dominus spirituales de Johanne sententiam diceret: & Johannes idem turbis carnalibus non de suo spiritu, sed de corpore responderet. Contrarium ergo veritati videtur esse quod Johannes sonuit, sed tamen a veritatis tramite non recessit.

2. Qui cum se etiam Prophetam negat, quia videlicet non solum poterat Redemptorem^b prædicare, sed etiam demonstrare; quoniam sit, continuo exprimit, dum subjungit: *Ego vox clamantis in deserto*. Scitis, fratres carissimi, quia unigenitus Filius Verbum Patris vocatur, Johanne attestante, qui ait: *In principio erat Verbum, & Verbum erat apud Deum, & Deus erat Verbum*. Et ex ipsa vestra locutione cognoscitis, quia prius vox sonat, ut Verbum postmodum possit audiri. Johan-

nes ergo vocem se esse asserit, quia verbum præcedit. Adventum itaque Dominicum præcurrens, vox dicitur; quia per ejus ministerium Patris Verbum ab hominibus auditur. Qui etiam in deserto clamat: quia derelictæ, destitutæque Judææ^c solatium Redemptoris annuntiat. Quid autem clamet insinuat, cum subjungit: *Dirigite viam Domini, sicut dixit Isaias Propheta*. Via Domini ad cor dirigitur, cum veritatis sermo humiliter auditur. Via Domini ad cor dirigitur, cum ad præceptum vita præparatur. Unde scriptum est: *Si quis diligit me, sermonem meum servabit, & Pater meus diliget eum, & ad eum veniemus, & mansionem apud eum faciemus*. Quisquis ergo in superbiam mentem elevat, quisquis avaritiæ æstibus anhelat, quisquis se luxuriæ iniquationibus polluit, cordis ostium contra veritatem claudit: & ne ad se Dominus veniat, claustra animi seris vitiis damnat.

3. Sed adhuc qui missi sunt, percontantur: *Quid ergo baptizas, si tu non es Christus, neque Elias, neque propheta?* Quod quia non studio cognoscendæ veritatis, sed malitia exercendæ æmulationis dicitur, Evangelista tacite innotuit, cum subjungit, dicens: *Et qui missi fuerant, erant ex Phariseis*. Ac si aperte dicat: Illi Johannem de suis actibus requirunt, qui doctrinam nesciunt quærere, sed invidere. Sed sanctus quisque etiam cum perversa mente requiritur, a bonitatis suæ studio non mutatur. Unde Johannes quoque ad verba invidiæ, prædicamenta respondit vitæ. Nam protinus adjungit: *Ego baptizo in aqua: medius autem vestrum stetit, quem vos nescitis*. Johannes^d non spiritu, sed aqua baptizat: quia peccata solvere non valens, baptiza-

Quid clamaverit.
Pater. in
Johan. c. 26.

Johan. 14. 23.

Judæorum
invidia, Jo-
hannem a
prædicanda
veritate
non deter-
ret.

Pater. in
Luc. c. 2.

a
Luc. 1. 17.

Quomodo si
simul erat
Elias, &
non erat.

Quo sensu
vox fuit
Redempto-
ris.

b

Pater. in
Isai. c. 50.

Johan. 1. 1.

^a 2. Marc. de Johannis promissione.

^b Gemiticenses & nonnulli, prædicare.

^c Ita mss. cum vet. ed. In recent. sola-

tium suæ redemptionis.

^d In recent. ed. spiritu . . . in aqua.

zatorum corpora per aquam lavat, sed tamen mentem per veniam ^a non lavat. Cur ergo baptizat qui peccata per baptismum non relaxat, nisi ut præcursionis suæ ordinem servans, qui nasciturum nascendo prævenerat, baptizaturum quoque Dominum baptizando præveniret? Et qui prædicando factus est præcursor Christi, baptizando etiam præcursor ejus fieret imitatione sacramenti? Qui inter hæc mysterium ^b annuntians, hunc in medio hominum & stetit asserit, & nesciri: quia per carnem Dominus apparens, & visibilis existit corpore, & invisibilis majestate. De quo etiam subdit: *Qui post me venit, ante me factus est.* Sic namque dicitur: *Ante me factus*, ac si dicatur, *Ante me positus*. Post me ergo venit, quia postmodum natus, ante me autem factus est, quia mihi prælatus. Sed hæc paulo superius dicens, etiam prælationis ejus causas aperuit, cum subjunxit: *Quia prior me erat.* Ac si aperte dicat: Inde me etiam post natus superat, quo cum nativitatis suæ tempora non angustant. Nam qui per matrem in tempore nascitur, ^c sine tempore est a patre generatus. Cui quantæ reverentiæ humilitatem debeat, subdendo manifestat: *Cujus non sum dignus solvere corrigiam calceamenti.* Mos apud veteres fuit, ut si quis cam quæ sibi competeret, accipere uxorem nollet, ille ei calceamentum solveret, qui ad hanc sponsus jure propinquitatis veniret. Quid igitur inter homines Christus, nisi sanctæ Ecclesiæ sponsus apparuit? De quo & idem Johannes dicit: *Qui habet*

sponsam, sponsus est. Sed quia Johannem homines Christum esse putaverunt, quod idem Johannes negat, recte se indignum esse ad solvendam corrigiam ejus calceamenti denuntiat. Ac si aperte dicat: Ego Redemptoris nostri vestigia denudare non valeo, quia sponsi nomen mihi immerito non usurpo. Quod tamen intelligi & aliter potest. Quis enim nesciat, quod calceamenta ex mortuis animalibus fiunt? ^d Incarnatus vero Dominus veniens, quasi calceatus apparuit: quia in divinitate sua, morticina nostræ corruptionis assumptum. Unde etiam per Prophetam dicit: *In Idumæam extendam calceamentum meum.* Per Idumæam quippe Gentilitas, per calceamentum vero assumpta mortalitas designatur. In Idumæam ergo Dominus calceamentum suum se extendere asserit; quia dum per carnem Gentibus innotuit, quasi calceata ad nos divinitas venit. Sed hujus incarnationis mysterium humanus oculus penetrare non sufficit. Investigari etenim nullatenus potest ^e quomodo corporatur Verbum: quomodo summus & vivificator spiritus intra uterum matris animatur: quomodo is qui initium non habet, & existit, & concipitur. Corrigia ergo calceamenti, est ^f ligatura mysteriorum. Johannes itaque solvere corrigiam calceamenti ejus non valet; quia incarnationis ejus mysterium nec ipse investigare sufficit, qui hanc per Prophetiæ spiritum agnovit. Quid est ergo dicere: *Non sum dignus solvere corrigiam calceamenti ejus*; nisi aperte & humiliter suam ^g ignorantiam profiteri? Ac si patenter dicat: Quid mi-

Eximia
ejus de
Christi di-
vinitate te-
stimonium.

Marc. 1. 7.

Johann. 3. 29.

Psal. 59. 9.
Pater. in
Ps. c. 130.

^a 2. Marc. Redemptoris nostri.
^b Excusi, non sanat, invitus mss.
^c Excusi, sine matre ante tempora est, &c. Restituimus hunc locum ex mss. Anglic. & omnibus nostris. 2. Marc. generatur.
^d 2. Marc. in carne.
^e Sic legere cogit mss. consensus, Editi habent, incarnatur.

^f Duo prior. Bigot. Longip. Val cl. est hujus causa nostris sensibus obligata mysterium. Accedit unus codex San. Germ. Adhæremus autem C. Germ. Regio, Corb. Carnut. &c. 2. Marc. est involuta nostris mentibus . . . causa mysteriorum.
^g Duo priores Gemet. consisteri.

mirum si ille mihi prælatus est, quem post me quidem natum considero, sed nativitatis ejus mysterium non apprehendo? Ecce Johannes Prophetiæ spiritu impletus, mira scientia emicat, & tamen illud de se insinuat, quod ignorat.

Sanctorum
erga humi-
litem stu-
dium.

4. Qua in re pensandum nobis est fratres carissimi, & tota intentione cogitandum, quomodo sancti viri, ut humilitatis in se virtutem custodiant, cum quædam mirabiliter sciunt, illud ante mentis oculos student revocare quod nesciunt: ut dum ex parte alia infirmitatem suam considerant, ex ea parte ^a qua perfectus est, eorum se animus non extollat. Scientia etenim virtus est, humilitas etiam custos virtutis. Restat ergo, ut in omne quod scit sese mens deprimat, ne quod virtus scientiæ congregat, ventus elationis ^b tollat. Cum bona, fratres, agitis, semper ad memoriam male acta revocate: ut dum caute culpa conspicitur, nunquam de bono opere incaute animus lætetur. Superiores invicem, cos maxime qui vobis commissi non sunt, proximos vestros attendite: quia & quos agere aliqua prava conspiciatis, quæ in eis lateant bona nescitis. Magnus ergo unusquisque esse studeat, sed tamen aliquo modo ^c esse se nesciat: ne dum sibi magnitudinem arroganter tribuit, ^d amittat. Hinc etenim per Prophetam dicitur; *Uai. 5. 21* *Ve qui sapientes estis in oculis vestris, & coram vobismetipsis prudentes.* Hinc Paulus ait: *Rom. 12. 16.* *Nolite prudentes esse apud vosmetipsos.* Hinc contra superbientem Saul dicitur: *1. Reg. 15. 17.* *Cum esses parvulus in oculis tuis, e caput in tribubus Israel factus es.*

^a Vulgati, *qua perfecti sunt*. Contradi-
cunt MSS. omnes. Sed non 2. Marc.

^b Ita Turon. C. Germ. &c. Excusi,
spargat.

^c 2. Marc. *magnum se tribuit, ali-*
quid ex nobis amittat.

^d Post, *amittat*, habent ed. intus quod
erat.

^e 2. Marc. *caput te constanti in trib.*
Israel.

Ac si aperte diceretur: Cum tu te parvulum conspiceres, ego te præ ceteris magnum feci. Quia vero tu te magnum conspicias, a me parvus æstimaris. Quo contra cum David regni sui potentiam coram Arca fœderis Domini saltando despiceret, dixit: *Ludam & vilior fiam plus quam factus sum, & ero humilis in oculis meis.* Quem enim non extolleret, ora leonum frangere, ursorum brachia dissipare, despectis prioribus fratribus eligi, reprobato rege ad regni gubernacula ungi, timendum cunctis uno lapide Goliath sternere, a rege proposita extinctis allophylis numerosa præputia reportare, regnum ex promissione percipere, cunctumque Israeliticum & populum sine ulla postmodum contradictione possidere? Et tamen in cunctis se despicit, qui in suis oculis se esse humilem confitetur. Si ergo sancti viri etiam cum agunt fortia, de semetipsis vilia sentiunt, quid in sua excusatione dicturi sunt qui sine opere virtutis intumescunt? Sed etsi quælibet bona adsint opera, nulla sunt, nisi ex humilitate condiantur. Miranda quippe actio cum elatione non elevat, sed gravat. Qui enim sine humilitate virtutes congregat, in ventum pulverem portat; & unde aliquid ferre cernitur, inde deterius cæcatur. In cunctis ergo quæ agitis, fratres mei, radicem boni operis humilitatem tenete; nec quibus jam superiores, sed quibus adhuc inferiores estis, aspiciate: ut dum meliorum vobis exempla proponitis, ad majora semper ascendere ex humilitate valeatis.

Pater. in 1.
Reg. 6. 5.

2. Reg. 6.
22.

Radix boni
operis hu-
militas.

LECTIO

^f In nonnullis edit. *tabernacula.*

^g In Gullanvil. *populum contradictione*
possidere.

^h Belvac. & al. *sed qualibet bona.*

ⁱ 2. Marc. *virtutes reliquas congregat,*
quasi in vento p. p.

^k In C. Germ. & Turon. præstante Do-
mino nostro Jesu Christo. Additur in Turon.
cui est honor & gloria in secula seculorum.
Amen. 2. Marc. nihil addit.

Lectio sancti Evangelii secundum Lucam.

Lucæ Cap. II. v. 1. — 14.

IN illo tempore: Exiit edictum a Cesare Augusto, ut describeretur universus orbis. Hæc descriptio prima facta est a præside Syriæ Cyrino. Et ibant omnes ut profiterentur, singuli in suam civitatem. Ascendit autem & Joseph a Galilæa de civitate Nazareth, in Judæam in civitatem David, quæ vocatur Bethlehem, eo quod esset de domo & familia David, ut profiteretur cum Maria desponsata sibi uxore prægnante. Factum est autem, cum essent ibi, impleti sunt ^a dies ut pareret. Et peperit filium suum primogenitum: & pannis eum involvit, & reclinavit eum in præsepio: quia non erat ei locus in diversorio. Et pastores erant in regione eadem, vigilantes & custodientes vigilias noctis super gregem suum. Et ecce Angelus Domini stetit juxta illos, & claritas Dei circumfulsit illos: & timuerunt timore magno. Et dixit illis Angelus: Nolite timere. Ecce enim evangelizo vobis gaudium magnum, quod erit omni populo: quia natus est vobis hodie Salvator, qui est Christus Dominus, in civitate David. Et hoc vobis signum: Invenietis infantem pannis involutum, & positum in præsepio. Et subito facta est cum Angelo multitudo militiæ celestis ^b exercitus, laudantium Deum, & dicentium: Gloria in altissimis Deo, & in terra pax hominibus bonæ voluntatis.

H O M I L I A VIII.

Habita ad populum in Basilica B. Mariæ Virginis,
in die Natalis Domini.Tres Missæ
in Nativitate Domini.

1. **Q**uia, largiente Domino, Missarum solemnitas ter hodie celebraturi sumus, loqui diu de Evangelica lectione non possumus. Sed nos aliquid vel breviter dicere Redemptoris nostri nativitas ipsa compellit. Quid est quod nascituro Domino mundus describitur, nisi hoc

quod aperte monstratur, ^c quia ille veniebat in carne, qui electos suos adscriberet in æternitate? Quo contra de reprobis per Prophetam dicitur: *Deleantur de libro viventium, & cum justis non scribantur.* Qui bene etiam in Bethlehem nascitur; Bethlehem quippe domus panis inter-

^a Belv. dies Maria, ut pareret.^b Abell, exercitus, a MSS. C. Germ. Belv. Bigot. Paulo post Corb. Germ. & Tom. V.

Belv. habent, in excelsis, pro altissimis.

^c 2. Marc. quia apparebat in carne.

terpretatur. Ipse namque est, qui ait: *Ego sum panis vivus, qui de cælo descendi*. Locus ergo in quo Dominus nascitur, ^a domus panis antea vocatus est: quia futurum profecto erat, ut ille ibi per materiam carnis appareret, qui electorum mentes interna satietate reficeret. Qui non in parentum domo, sed in via nascitur: ut profecto ostenderet, quia per humanitatem suam quam assumerat, quasi in alieno nascebatur. Alienum videlicet non secundum potestatem dico, sed secundum naturam. Nam de potestate ejus scriptum est: *In propria venit*. In natura etenim sua ante tempora natus est ^b, in nostra venit ex tempore. Qui ergo æternus permanens, temporalis apparuit, alienum est ubi descendit. Et quia per Prophetam dicitur: *Omnis caro fenum*; factus homo, fenum nostrum vertit in frumentum, qui de semetipso ait: *Nisi granum frumenti cadens in terram mortuum fuerit, ipsum solum manet*. Unde & natus in Præsepio ^c reclinatur, ut fideles omnes, videlicet sancta animalia, carnis suæ frumento reficeret, ^d ne ab æternæ intelligentiæ pabulo jejuna remanerent. Quid autem est, quod vigilantibus pastoribus Angelus apparet, eosque Dei claritas circumfulget, nisi quod illi præ ceteris videre sublimia merentur, qui fidelibus gregibus præesse ^e solite sciunt? Dumque ipsi pie super gregem vigilant, divina super eos gratia largius coruscat.

Per Christi
nativita-
tem pax ho-
minibus
data.

2. Regem vero natum Angelus nuntiatur, ejusque voci Angelorum chori concinunt, & congaudentes clamant; *Gloria in excelsis Deo*, &

in terra pax hominibus bonæ voluntatis. Prius quippe quam Redemptor noster nasceretur per carnem, discordiam cum Angelis habuimus, a quorum claritate atque munditia per primæ culpæ meritum, per quotidiana delicta longe distabamus. Quia enim peccando extranei eramus a Deo, extraneos nos a suo consortio deputabant Angeli cives Dei. Sed quia nos cognovimus Regem nostrum, recognoverunt nos Angeli cives suos. Quia enim cæli Rex terram nostræ carnis assumpsit, infirmitatem nostram illa jam Angelica cellitudo non despicit. Ad pacem nostram Angeli redeunt, intentionem prioris discordiæ postponunt: & quos prius infirmos abjectosque despexerant, jam socios venerantur. Hinc est enim ^f quod Loth & Josue Angelos adorant, nec tamen adorare prohibentur: Johannes vero in Apocalypsi ^g sua adorare Angelum voluit, sed tamen idem hunc Angelus ne se debeat adorare compescuit, dicens: *Vide ne feceris, conservus enim tuus sum & fratrum tuorum*. Quid est quod ante Redemptoris adventum Angeli ab hominibus adorantur, & tacent, postmodum vero adorari refugiunt: nisi quod naturam nostram, quam prius despexerant, postquam hanc super se assumptam conspiciunt, substratam sibi videre pertimescunt? Nec jam sub se velut infirmam contemnere ausi sunt, quam super se videlicet in cæli Rege venerantur. Nec habere dedignantur hominem socium, qui super se adorant hominem Deum. Curemus ergo, fratres carissimi, ne qua nos immunditia polluat, qui in æterna ^h præscien-

Angeli
nunc ho-
mines so-
cios habere
gaudent.

^f
Pater. in
Apoc. c. 40.

^g
Apoc. 22. 9.

^h

^a 2. Marc. domus panis interpretatur.

^b 2. Marc., qui per nostram venit... factus est Deus homo: nostrum fenum vertit in fr.

^c 2. Marc. ponitur.

^d 1. Carnut. & pauci, ne ab interna. Consonat & 2. Marc.

^e Belvac. & C. Germ. solliciti sunt. Sic 2. Marc.

^f Turon. Corb. Germ. Belvac. Gemet. &c. quod Loth vel Josue, ubi vel, sumitur pro particula conjunctiva, &c. Sed 2. Marc. quod Gedeon angelum adorat... prohibetur.

^g Abelt sua, a Turon. & pl. Et a 2. Marc.

^h Duo priores Gemet. ac Bigot. presentia.

Hujus so-
cietatis di-
gnos nos
præstemus.


scientia & Dei cives, & Angelis e-
jus æquales sumus. Vindicemus mo-
ribus dignitatem nostram, nulla nos
luxuria inquinet, nulla nos turpis cogi-
tatio accuset, non malitia mentem
mordeat, non invidiæ rubigo con-
sumat, non elatio inflet, non am-

bitio per terrena oblectamenta dila-
niet, ^a non ira inflammet. Dii ete-
nim vocati sunt homines. Defen-
de ergo tibi o homo contra vitia ho-
norem Dei, quia propter te factus
est Deus homo: qui vivit & regnat
in secula seculorum. Amen.

a

^a Hæc in Belv. Corb. & C. German. minime leguntur. Nec in 2. Marc.





Lectio Sancti Evangelii secundum Matthæum.

Matt. Cap. XXV. V. 14. — 30.

IN illo tempore: dixit Jesus discipulis suis parabolam hanc: Homo quidam peregre proficiscens, vocavit servos suos, & tradidit illis bona sua. Et uni dedit quinque talenta, alii autem duo, alii vero unum: unicuique secundum propriam virtutem, & profectus est statim. Abiit autem qui quinque talenta acceperat, & operatus est in eis, & lucratus est alia quinque. Similiter & qui duo acceperat, lucratus est alia duo. Qui autem unum acceperat, abiens fodit in terram, & abscondit pecuniam domini sui. Post multum vero temporis venit Dominus servorum illorum, & posuit rationem cum eis. Et accedens qui quinque talenta acceperat, obtulit alia quinque talenta, dicens: Domine, quinque talenta tradidisti mihi, ecce alia quinque superlucratus sum. Ait illi Dominus ejus: Euge serve bone & fidelis, quia super pauca fuisti fidelis, super multa te constituam: intra in gaudium Domini tui. Accessit autem & qui duo talenta acceperat, & ait: Domine, duo talenta tradidisti mihi: ecce alia duo ^a superlucratus sum. Ait illi Dominus ejus: Euge serve bone & fidelis, quia super pauca fuisti fidelis, super multa te constituam: intra in gaudium Domini tui. Accedens autem & qui unum talentum acceperat, ait: Domine, scio quia homo durus es, metis ubi non seminasti, & congregas ubi non sparsisti; & timens abii & abscondi talentum tuum in terra: ecce habes quod tuum est. Respondens autem Dominus ejus, dixit ei: Serve male & piger, sciebas quia meto ubi non semino, & congrego ubi non sparsi: oportuit ergo te ^b dare pecuniam meam nummulariis, & ego veniens recepissem utique quod meum est, cum usura. Tollite itaque ab eo talentum, & date ei, qui habet decem talenta. Omni enim habenti dabitur, & abundabit: ei autem qui non habet, & quod videtur habere, auferetur ab eo. Et inutilem servum ejicite in tenebras exteriores: illic erit fletus, & stridor dentium.

^a In Corb. Germ. & Norm. simpliciter, lucratus sum:

^b C. Germ. Belv. & Bigot. committere.

HOMILIA IX.

Habita ad populum in basilica sancti ^a Silvestri ,
in die natalis ejus.

Qui majora
a Deo ac ce-
perunt, de
reddenda
ratione ma-
gis sint so-
liciti.

Lectio sancti Evangelii, fra-
tres carissimi, solícite confi-
derare nos admonet, ne nos qui
plus ceteris in hoc mundo accepis-
se aliquid cernimur ab auctore mun-
di, gravius inde judicemur. Cum
enim augentur dona, rationes etiam
crescunt donorum. Tanto ergo ef-
fe humilior, atque ad servien-
dum promptior quisque debet ex-
munere, quanto se obligatiorem ef-
fe conspicit in reddenda ratione.
Ecce homo qui peregre proficiscitur,
servos suos vocat, eisque ad nego-
tium talenta partitur. Post multum
vero temporis positurus rationem
revertitur: bene operantes pro ap-
portato lucro remunerat, servum
vero a bono opere torpentem dam-
nat. Quis itaque iste homo est qui
peregre proficiscitur, nisi Redem-
tor noster, qui in ea carne quam
assumerat, abiit in cælum? Carnis
enim locus proprius terra est, quæ
^b quasi ad peregrina ducitur, dum
per Redemptorem nostrum in cælo
collocatur. Sed homo iste peregre
proficiscens servis suis bona sua tra-
didit, quia fidelibus suis spiritalia
dona concessit. Et uni quidem quin-
que talenta, alii duo, alii vero com-
misit unum. Quinque etenim sunt
corporis sensus: videlicet visus, audi-
tus, gustus, odoratus, & tactus. Quin-
que ergo talentis, donum quinque

sensuum, id est ^c exteriorum scien-
tia exprimitur. Duobus vero, in-
tellectus & operatio designatur.
Unius autem talenti nomine, in-
tellectus tantummodo designatur.
Sed is qui quinque talenta ac-
ceperat, alia quinque lucratus est:
quia sunt nonnulli, qui etsi interna
ac mystica penetrare nesciunt, pro
intentione tamen supernæ patriæ do-
cent recta quos possunt, de ipsis
exterioribus quæ ^d acceperunt; dum-
que se a carnis petulantia, & ter-
renarum rerum ambitu, atque a vi-
sibilibus voluptate custodiunt, ab his
etiam alios admonendo compescunt.
Et sunt nonnulli, qui quasi duobus
talentis ditati intellectum atque ope-
rationem percipiunt, subtilia de in-
ternis intelligunt, mira in exteriori-
bus operantur: cumque & intel-
ligendo & operando aliis prædicant,
quasi duplicatum de negotio lucrum
reportant. Bene autem alia quinque,
vel alia duo in lucrum venisse referun-
tur: quia dum ^e utrique sexui prædi-
catio impenditur, quasi accepta talenta
geminantur. Sed is qui unum talen-
tum acceperat, abiens fodit in ter-
ram, & abscondit pecuniam Domi-
ni sui. Talentum in terra abscon-
dere, est acceptum ingenium in ter-
renis actibus implicare, lucrum spi-
ritale non quærere, cor a terrenis
cogitationibus nunquam levare. Sunt

nam-

vestri.

^b Belvac. quasi peregrina. Ita & 3. Marc.
^c 3. Marc. exterior hic & intra.

^d In recent. edit. additur, duplum talen-
tum portant; quid abest a veteribus tum
vulg. tum manu exaratis.

^e 1. Carnot. utrique sensui.

^a Ita legitur in omnibus MSS. nostris,
nullibi autem Felicitis; quod pro varia lect.
Gustav. annotavit. In duob. Gemet. vet.
legitur, Silvestri Pape. In alio, Episcopi.
In Kalend. Rom a Johanne Frontone edi-
to, quod putat an. 731. exaratum esse, al-
liud Evangelium assignatur in festo S. Sil-

Quid sit ta-
lentum ab-
scondere.

Jer. 4. 22.

namque nonnulli qui donum intelligentiæ perceperunt: sed tamen sola quæ carnis sunt sapiunt. De quibus per Prophetam dicitur: *Sapientes sunt ut faciant mala, bene autem facere nescierunt*. Sed Dominus qui talenta contulit, rationem positurus reddit: quia is qui nunc pie spiritalia dona tribuit, districte in iudicio merita exquirat: quid quisque accepit, considerat, & quod lucrum de acceptis reportet, pensat.

Terrena si
deliter dis-
pensantis
eterna mer-
ces.

a

b

2. Servus qui geminata talenta retulit, a domino laudatur, atque ad æternam remunerationem ^a perducitur, cum ei voce dominica dicitur: *Euge serve bone & fidelis, quia super pauca fuisti fidelis, super multa te constituam: intra in gaudium Domini tui*. Pauca quippe bona sunt omnia præsentis vitæ, quamlibet multa esse videantur, ^b comparatione retributionis æternæ. Sed tunc fidelis servus super multa constituitur, quando devicta omni corruptionis molestia, de æternis gaudiis in illa cœlesti sede gloria- tur. Tunc ad Domini sui gaudium perfecte intromittitur, quando in æterna illa patria assumtus, atque Angelorum cœtibus admixtus, sic interius gaudet de munere, ut non sit jam quod exterius doleat de corruptione.

Inertis servi
vi vana ex-
cusatio, &
poena.

3. Servus autem qui operari de talento noluit, ad Dominum cum verbis excusationis redit, dicens: *Domine, scio quia homo durus es, metis ubi non seminasti, & congregas ubi non sparsisti; & timens abii & abscondi talentum tuum in terra: ecce habes quod tuum est*. Notandum, quod inutilis servus durum dominum vocat, cui tamen ad lucrum

deservire dissimulat, & timuisse se dicit in lucrum talentum expendere, qui hoc solum timere debuerat, ne hoc sine lucro ad dominum reportaret. Sunt enim plerique intra sanctam Ecclesiam, quorum iste servus imaginem tenet, qui melioris vitæ vias aggredi metuunt, & tamen jacere in sui torporis ignavia non pertimescunt: cumque se peccatores considerant, sanctitatis vias arripere trepidant, & remanere in suis iniquitatibus non formidant. Quorum bene Petrus adhuc in infirmitate positus speciem tenet, cum ^{viso} miraculo piscium dixit: *Exi a me, Domine, quia homo peccator sum*. Immo si te peccatorem consideras, ^c oportet ut a te Dominum non repellas. Sed qui idcirco melioris habitus vias, & rectioris vitæ apprehendere arcem nolunt, quia infirmos se esse conspiciunt, quasi & peccatores se fatentur, & Dominum repellunt, eumque ^d quem in se sanctificare debuerant, fugiunt; & velut in perturbatione consilium non habent, dum moriuntur, & vitam timent. Unde & huic servo protinus respondetur: *Serve male & piger, sciebas quia meto ubi non semino, & congrego ubi non ^e sparsi: oportuit ergo te dare pecuniam meam nummulariis, & ego veniens recepissem utique quod meum est, cum usura*. Ex verbis suis servus constringitur, cum Dominus dicit: *Meto ubi non semino, & congrego ubi non sparsi*. Ac si aperte dicat: Si juxta tuam sententiam ^f & illud exquiro quod non dedi, quanto magis a te exquiro quod ad erogandum ^g dedi: oportuerat ergo te dare pecuniam meam nummulariis; & ego veniens recep-

Luc. 5. 3.

c

d

e

f

g

^a In edit. introducitur.

^b Hæc absunt a Belv. Corb. duob. prior. Gemet. duob. Carnut. & Longip. Exstant in C. Germ. alia manu, sed antiqua. Absunt & a 3. Marc.

^c Additur in duob. Carnut. in veritate.

^d Ita C. Germ. Belv. & potiores mss.

In excusis, eumque in quo sanctificari debeant.

^e C. Germ. & 3. Gemet. non spargo.

^f 3. Marc. exquiro quod erogandum n. d.

^g Hic ex MSS. & antiq. edit. replevimus lacunam duarum linearum.

pissem utique quod meum est cum usura. Pecuniam vero dare nummulariis, est eis scientiam prædicationis impendere, qui hanc valeant ^a exercere.

^a
Audientium
verbum Dei
nec inde
proficien-
tium peri-
culum.

4. Sed sicut nostrum periculum aspicitis, si dominicam pecuniam teneamus; ita vestrum, fratres carissimi, solcite pensate, quia a vobis cum usura exigitur quod auditis. In usura quippe pecunia etiam non data recipitur. Cum enim hoc redditur quod acceptum fuerat, illud etiam superimpenditur quod acceptum non est. Pensate ergo, fratres carissimi, quia de accepta hac verbi pecunia usuras solvetis, & curate ut ex eo quod auditis, etiam alia studeatis intelligere quæ non auditis; quatenus alia ex aliis colligentes, etiam illa discatis ex vobismet ipsis agere, quæ necdum ex prædicatoris ore didicistis. Pigrum vero servum qua sententia seriat, audiamus: *Tollite ab eo talentum, & date ei qui habet decem talenta.*

Judicis plu-
ra habenti
ampliora
tribuentis,
æquitas.

5. Opportunum valde videbatur, ut cum malo servo unum talentum tollitur, ei potius qui duo, quam qui quinque talenta acceperat, daretur. Illi enim ^b dari debuit, qui minus, quam qui plus habuit. Sed, sicut superius diximus, per quinque talenta, quinque videlicet sensus, id est exteriorum scientia designatur: per duo autem, intellectus & operatio exprimitur. Plus ergo habuit qui duo, quam qui quinque talenta perceperat: quia qui per quinque talenta, exteriorum administrationem meruit, ab intellectu interiorum adhuc vacuus fuit. Unum ergo talentum, quod intellectum significare diximus, illi dari debuit qui bene exteriora quæ acceperat, ministravit. Quod quotidie in sancta Ecclesia cernimus: quia plerique dum bene ministrant

exteriora quæ accipiunt, per adjunctam gratiam ad intellectum quoque mysticum perducuntur: ut etiam de interna intelligentia polleant, qui exteriora fideliter administrant.

Caritatis
necessitas.

6. Generalis etiam mox sententia subditur, qua dicitur: *Omni enim habenti, dabitur, & ^c abundabit: ei autem qui non habet, & quod videtur habere, auferetur ab eo.* Habenti namque dabitur, & abundabit; quia quisquis caritatem habet, etiam dona alia percipit. Quisquis caritatem non habet, etiam dona quæ percepisse videbatur, amittit. Unde necesse est, fratres mei, ut per omne quod agitis, erga caritatis ^d custodiam vigiletis. Caritas autem vera est, amicum diligere in Deo, & inimicum diligere propter Deum. Quam quisquis non habet, omne bonum amittit quod habet, talento quod acceperat privatur, & juxta Dominicam sententiam in exteriores tenebras mittitur. Per poenam quippe in exteriores tenebras cadit, qui per culpam suam sponte in interiores tenebras cecidit: & illic coactus patitur tenebras, qui hic libenter sustinuit ^e tenebras voluptatis.

c

d

e

7. Sciendum vero est, quod nullus piger ab hac talenti acceptione securus est. Nullus namque est qui veraciter dicat: Talentum minime accepi; non est unde rationes ponere cogar. Talentum enim nomine, cui libet pauperi etiam hoc ipsum reputabitur, quod vel minimum accepit. Alius namque accepit intelligentiam, prædicationis ministerium debet ex talento. Alius terrenam substantiam accepit, erogationem talenti debet ex rebus. Alius nec internorum intelligentiam, nec rerum affluentiam accepit, sed tamen didicit artem qua pascitur, ipsa ars ei in talenti acceptione reputatur.

Alius

Nullus a
reddenda
ratione pro
accepto ta-
lento
immunis.

^a 3. Marc. in operibus exercere.

^b Editi suppleverunt, magis, quod abest a MSS.

^c 3. Marc. superabundabit hic & infra.

^d 3. Marc. studia.

^e Corb. & Bely. tenebras voluntatis.

Alius nihil horum affecutus est, sed tamen fortasse familiaritatis locum apud divitem meruit, talentum profecto familiaritatis accepit. Si ergo nihil ei pro indigentibus loquitur, pro talenti retentione damnatur. Habens ergo intellectum, curet omnino ne taceat: habens rerum affluentiam, vigilet ne a misericordiae largitate torpescat: habens artem qua regitur, magnopere studeat ut usum atque utilitatem illius cum proximo partiatur: habens loquendi locum apud divitem, damnationem pro retento talento timeat, si cum valet, non apud eum pro pauperibus intercedit. Tantum quippe ab unoquoque nostrum venturus iudex exiget, quantum dedit. Ut ergo de talenti sui rationibus, redeunte Domino, quisque securus sit, cum tremore penset quotidie quid accepit. Ecce namque jam juxta est ut ille qui peregre profectus est, redeat. Quasi quippe pe-

regre abiit, quide hac terra in qua natus est, longe discessit; sed profecto revertitur, ut de talentis rationes ponat: quia si a bona actione torpescimus, ^a de ipsis donis quæ contulit, nos districtius judicat. Consideremus ergo quæ accepimus, atque in eorum erogatione vigilemus. Nulla nos a spiritali opere terrena cura impediat, ne si in terra talentum absconditur, talenti Dominus ad iracundiam provocetur. Piger etenim servus, cum jam culpas iudex examinat, talentum de terra levat: quia sunt plerique qui tunc se ^b a terrenis desideriis vel operibus subtrahunt, quando jam per animadversionem iudicis ad æternum supplicium trahuntur. Ante ergo de talenti nostri ponenda ratione vigilemus, ut cum jam iudex ad feriendum imminet, lucrum nos quod fecimus, excuset. Quod præstet nobis Deus, qui vivit, &c.

^a Val-cl. de ipsis bonis.

^b Corb. a terrenis obligationibus. Turon. a terrenis desideriis vel cogitationibus,

vel operibus. 3. Marc. terrenis cogitationibus atque operibus.



Lectio Sancti Evangelii secundum Matthæum.

Matth. Cap. II. v. 1. — 12.

Cum natus esset Jesus in Betlehem Judæ, in diebus Herodis regis: ecce Magi ab Oriente venerunt Jerosolymam, dicentes: Ubi est qui natus est Rex Judæorum? Vidimus enim stellam ejus in Oriente, & venimus adorare eum. Audiens autem Herodes rex turbatus est, & omnis Jerosolyma cum illo. Et congregans omnes principes sacerdotum, & scribas populi, sciscitabatur ab eis, ubi Christus nasceretur. At illi dixerunt ei: In Betlehem Judæ. Sic enim scriptum est per Prophetam. Et tu Betlehem terra Juda, nequaquam minima es in principibus Juda: ex te enim exiet dux, qui regat populum meum Israel. Tunc Herodes clam vocatis Magis, diligenter didicit ab eis tempus stellæ, quæ apparuit eis. Et mittens illos in Betlehem, dixit: Ite & interrogate diligenter de puero, & cum inveneritis, renuntiatis mihi, ut & ego veniens, adorem eum. Qui cum audissent regem, abierunt. Et ecce stella, quam viderant in Oriente, antecedebat eos, usque dum veniens staret supra ubi erat puer. Videntes autem stellam, gavisí sunt gaudio magno valde. Et intrantes domum, invenerunt puerum cum Maria matre ejus: & procidentes, adoraverunt eum. Et apertis thesauris suis, obtulerunt ei munera, aurum, thus, & myrrham. Et responso accepto in somnis, ne redirent ad Herodem, per aliam viam reversi sunt in regionem suam.

HOMILIA X.

Habita ad populum in basilica sancti Petri Apostoli,
in die ^b Epiphaniæ.

Evangelii
brevis ex-
positio.

1. **S**ICUT in lectione Evangelica, fratres carissimi, audistis, cæli rege nato, rex terræ turbatus est: quia nimirum terrena altitudo confunditur, cum celsitudo cælestis aperitur. Sed quærendum nobis est, quidnam sit quod Redem-

tore nato, pastoribus in Judæa angelus apparuit, atque ad adorandum hunc ab Oriente Magos non angelus, sed stella perduxit? Quia videlicet Judæis tamquam ratione utentibus, ^c rationale animal, id est angelus, prædicare debuit: Gentiles

^a Est nona in cod. Reg. Suec.

^b Belv. Theophania.

^c Propter formam exteriorem hominis quam assumere solent Angeli quos aliunde incorporeos asserit S. Gregorius. Vide l. 4.

Tom. V.

dial. c. 29. ubi sic discipulum interrogat: Dic, quæso te, apostatas spiritus . . . corporeos, an incorporeos suspicaris. Respondit Petrus: Quis sanum sapiens, esse spiritus corporeos dixerit?

vero quia uti ratione nesciebant, ad cognoscendum Dominum non per vocem, sed per signa perducuntur.

^a

1. Cor. 14. 22.

^a Unde etiam per Paulum dicitur: *Prophetiæ fidelibus datae sunt, non infidelibus: signa autem infidelibus, non fidelibus: quia & illis prophetiæ tamquam fidelibus, non infidelibus: & istis signa tamquam infidelibus, non fidelibus data sunt.* Et notandum, quod Redemptorem nostrum, cum jam perfectæ esset ætatis, eisdem Gentilibus Apostoli prædicant; eumque parvulum, & necdum per humani corporis officium loquentem, stella Gentibus denuntiat: quia nimirum rationis ordo poscebat, ut & loquentem jam Dominum loquentes nobis prædicatores innotescerent, & necdum loquentem elementa muta prædicarent.

Judæorum
obcæcatio,
Christum
quem om-
nia confi-
tentur, ne-
gentium.

2. Sed in omnibus signis, quæ vel nascente Domino, vel moriente monstrata sunt, considerandum nobis est, quanta fuerit in quorundam Judæorum corde duritia, quæ hunc nec per prophetiæ donum, nec per miracula agnovit. Omnia quippe elementa auctorem suum venisse testata sunt. Ut enim de eis quiddam usu humano loquar: Deum hunc cæli esse cognoverunt, quia protinus stellam miserunt. Mare cognovit, quia sub plantis ejus se calcabile præbuit. Terra cognovit, quia eo moriente contremuit. Sol cognovit, quia lucis suæ radios abscondit. Saxa & parietes cognoverunt, quia tempore mortis ejus scissa sunt. Infernus agnovit, quia hos quos tenebat mortuos, reddidit. Et tamen

hunc, ^b quem Dominum omnia insensibilia elementa senserunt, adhuc infidelium Judæorum corda Deum esse minime cognoscunt, & duriora saxis, scindi ^c ad pœnitendum nolunt: eumque confiteri abnegant, quem elementa, ut diximus, aut signis, aut scissionibus Deum clamabant. Qui etiam ad damnationis suæ cumulum, eum quem natum despiciunt, nasciturum longe ante præsciverunt. Et non solum quia nasceretur, noverant, sed etiam ubi nasceretur. Nam ab Herode requisiti, locum nativitatis ejus exprimunt, quem Scripturæ auctoritate didicerunt. Et testimonium proferunt, quod Bethlehem honorari nativitate novi ducis ostenditur: ut ipsa ^d eorum scientia & illis fieret ad testimonium damnationis, & nobis adjutorium credulitatis. Quos profecto bene Isaac, cum Jacob filium suum benediceret, designavit: qui & caligans oculis & propheterans, in præsentem filium non vidit, cui tam multa in posterum prævidit: quia nimirum Judaicus populus prophetiæ spiritu plenus & cæcus, eum de quo multa in futurum prædixit, in præsentem positum non agnovit.

Quod nasci-
turus esset,
ac ubi,
præscive-
runt.

^d

Isaac cali-
gans simi-
les.

3. Sed nativitate Regis nostri cognita, Herodes ad callida argumenta convertitur, ne terreno regno privaretur. Renuntiari sibi ubi puer inveniretur, postulat: adorare eum velle se simulat, ^e ut (quasi hunc invenire possit) extinguat. Sed quanta est humana malitia contra consilium divinitatis? Scriptum quippe est: *Non est sapientia, non est prudentia, non est consilium contra Do-*

Herodes
hypocrita-
rum figura.

^e

Prov. 21. 30.

mi-

^a Hæc usque ad: *signa autem infidelibus, non fidelibus*, abstant a mss. Belv. C. Germ. duob. Carn. Big. & uno Gemet. 2. Marc. perducuntur. Quia & illis... data sunt. Unde etiam per Paulum... non infidelibus. Deinde. Et notandum.

^b Corb. Germ. tres Gemet. Val-cl. quem Deum.

^c Bigot. & duo prior. Gemet. ad pœnitentiam.

^d Belv. & C. Germ. eorum gemina scientia.

^e Sic legere cogimur magno mss. consensu. Editi habent, ut hunc si invenire possit extinguat. 2. Marc. ut quasi hunc si.

minum. Nam ea quæ apparuit stel-
la, Magos perducit: natum Regem
reperiunt, munera deferunt, & ne
redire ad Herodem debeant, in so-
mnis admonentur: sicque fit, ut
Jesum, quem quærit Herodes, in-
venire non possit. ^a Cujus persona
qui alii quam hypocritæ designan-
tur, qui dum fecte quærent, inve-
nire Dominum nunquam merentur?

Priscilliani-
stæ refel-
luntur.

4. Sed inter hæc sciendum, quod
Priscillianistæ hæretici nasci unum-
quemque hominem sub constitutio-
nibus stellarum putant: & hoc in
adjutorium sui erroris assumunt,
quod nova stella exiit, cum Do-
minus in carne apparuit: cujus fuis-
se fatum eandem quæ apparuit stel-
lam, putant. Sed si Evangelii verba
pensamus, quibus de eadem stella
dicitur: *Usque dum veniens staret su-
pra ubi erat puer*; dum non puer ad
stellam, sed stella ad puerum cu-
rrit, si dici liceat, non stella fa-
tum pueri, sed fatum stellæ is qui
apparuit, puer fuit. Sed a fidelium
cordibus absit, ut aliquid esse fatum
dicant. Vitam quippe hominum so-
lus hanc Conditor qui creavit, ad-
ministrat. Neque enim propter stel-
las homo, sed stellæ propter hominem
factæ sunt. Et si stella fatum ho-
minis dicitur, ipsis suis ministeriis
subesse homo perhibetur. Certe
cum Jacob de utero egrediens, pri-
oris fratris plantam teneret manu,
prior perfecte nequaquam egredi po-
tuit, nisi & subsequens incoasset:
& tamen cum uno tempore, eodem-
que momento utrumque mater fu-
derit, non una utriusque ^b vitæ
qualitas fuit.

Mathema-
ticorum re-
sponsioni
occurritur.

5. Sed ad hoc solent Mathema-
tici respondere, quia virtus constel-
lationis ^c in ictu puncti est. Qui-

^a Corb. & C. Germ. *cujus personam
ii in aliquam rem agunt qui hypocrita des-
ignantur*.

^b Longip. & Val-cl. *vita equalitas*.

^c Omnes mss. nostri excepto Belv. ha-
bent, *in ictu pungentis*, & tamen postea,

bus e diverso nos dicimus, quia
magna est mora nativitatis. Si igi-
tur in ictu puncti constellatio per-
mutatur, necesse jam erit ut tot di-
cant fata, quot sunt membra na-
scentium. Fateri etiam Mathema-
tici solent, quod quisquis ^d in signo
Aquarii nascitur, in hac vita pesca-
toris ^e ministerium sortiatur. Pi-
scatores vero, ut fertur, Getulia
non habet. Quis ergo dicat quia ne-
mo illic in stella Aquarii nascitur,
ubi piscator omnimodo non habe-
tur? Rursum quos nasci sub signo
Libræ asserunt, trapezitas futuros
dicunt; & trapezitas ^f multarum
Gentium provinciæ ignorant. Fa-
teantur ergo necesse est, aut hoc
in eis signum deesse, aut effectum
fatalem nullo modo habere. In Per-
sarum quoque, Francorumque ter-
ra Reges ex genere prodeunt; qui-
bus profecto nascentibus quis æsti-
met quanti eisdem momentis hora-
rum ac temporum ex servili con-
ditione nascuntur? & tamen regum
filii uno eodemque fidere cum ser-
vis nati, ad regnum proficiunt, cum
servi qui secum fuerant ^g geniti,
in servitute moriantur. Hæc de stel-
la breviter diximus, ne Mathema-
ticorum stultitiam indiscussam præ-
terisse videamur.

Apud Fran-
cos Regnum
heredita-
rium.

6. Magi vero aurum, thus, &
myrrham deferunt. Aurum quippe
Regi congruit: thus vero in Dei sa-
crificium ponebatur: myrrha autem
mortuorum corpora condiuntur.
Eum ergo Magi quem adorant, e-
tiam mysticis muneribus prædicant:
auro Regem, thure Deum, myr-
rha mortalem. Sunt vero nonnulli
hæretici, qui hunc Deum, cre-
dunt; sed ubique regnare nequa-
quam credunt. Hi profecto ei thus

Quorum
symbola es-
sent mago-
rum mu-
nera.

Z 2 of.

in ictu puncti. 2. Marc. *pungentis*.

^d Abest in, a Belv. C. Germ. *Gemet.*
&c.

^e Belv. & C. Germ. *ministerio*.

^f 2. Marc. *Persarum provincia ignorat*.

^g Duo prior. *Gemet. & Bigot. nati*.

offerunt, sed offerre etiam aurum nolunt. Et sunt nonnulli qui hunc Regem existimant, sed Deum negant. Hi videlicet ei aurum offerunt, sed offerre thus nolunt. Et sunt nonnulli qui hunc & Deum & Regem fatentur, sed assumisse carnem mortalem negant. Hi nimirum ei aurum & thus offerunt, sed offerre myrrham assumptæ mortalitatis nolunt. Nos itaque nato Domino offeramus aurum, ut hunc ubique regnare fateamur: offeramus thus, ut credamus, quod is qui in tempore apparuit, Deus ante tempora existit: offeramus myrrham, ut eum quem credimus in sua divinitate impassibilem, credamus etiam in nostra fuisse carnem mortalem. Quamvis in auro, thure & myrrha intelligi & aliud potest. Auro namque sapientia designatur, Salomone attestante, qui ait: *The-
saurus desiderabilis requiescit in ore sapientis*. Thure autem quod Deo incenditur, virtus orationis exprimitur, Psalmista testante, qui dicit: *Dirigatur oratio mea sicut incensum in conspectu tuo*. Per myrrham vero, carnis nostræ mortificatio figuratur: unde sancta Ecclesia de suis operariis usque ad mortem pro Deo certantibus dicit: *Manus meæ distillaverunt myrrham*. Nato ergo Regi aurum offerimus, si in conspectu illius, ^a claritate supernæ sapientiæ resplendemus. Thus offerimus, ^b si cogitationes carnis per sancta orationum studia in ara cordis incendimus, ut suave aliquid Deo per cœleste desiderium redolere valeamus. Myrrham offerimus, si carnis vitia per abstinentiam mortificamus. Per myrrham namque ut diximus, agitur ne mortua caro putrefiat. Mortuam vero carnem putrefcere, est hoc mortale cor-

pus fluxui • luxuriæ deservire, sicut de quibusdam per Prophetam dicitur: *Computruerunt jumenta in stercore suo*. Jumenta quippe in stercore suo putrescere, est carnales homines in fœtore luxuriæ vitam finire. Myrrham ergo Deo offerimus, quando hoc mortale corpus a luxuriæ putredine per condimentum continentia custodimus.

7. Magnum vero nobis aliquid Magi innuunt, quod in regionem suam per aliam viam revertuntur. In eo namque quod admoniti faciunt, nobis profecto insinuant quid faciamus. Regio quippe nostra paradysus est, ad quam, Jesu cognito, redire per viam qua venimus, prohibemur. A regione etenim nostra superbiendo, inobediendo, visibilia sequendo, cibum vetitum ^d gustando discessimus: sed ad eam necesse est, ut flendo, obediendo, visibilia contemnendo, atque appetitum carnis refrenando, redeamus. Per aliam ergo viam ad regionem nostram regredimur; quoniam qui a paradisi gaudiis per delectamenta discessimus, ad hæc per lamenta revocamur. Unde necesse est, fratres carissimi, ut semper pavidi semperque suspecti ponamus ante oculos cordis hinc culpas operis, illinc judicium extremæ distractionis. Pensemus quam districtus judex veniat, qui judicium minatur & latet: terrores peccatoribus intentat, & tamen adhuc sustinet: & idcirco venire citius differt, ut minus inveniat quos condemnet. Puniamus fletibus culpas, & cum Psalmistæ voce, præveniamus faciem ejus in confessione. Voluptatum nos ergo fallaciæ nulla decipiat, nulla vana lætitia seducat. In proximo namque est judex qui dixit: *Væ vobis qui ridetis nunc, quia lugebitis & flebitis*. Hinc etc-

Per quam viam redeundum ad Deum.

d

Prov. 21. 20.
Sec. lxx.

Psal. 140. 2.

Cant. 5. 5.

a

b

Pater. in
Joel. c. 3.

^a Turon. claritatis superna patria luce resplendemus. C. Germ. claritatis superna sapientia lumine resplendemus.

^b Secundus Carn. si concupiscentias car-

nis.

c 2. Marc. libidinis.

d Duo prior. Gemet. comedendo.

Luc. 6. 25.

Prov. 14. etenim Salomon ait: *Risus dolori miscetur, & extrema gaudii luctus*

Eccl. 2. 2. *occupat*. Hinc iterum dicit: *Risum deputavi errorem, & gaudio dixi, Quid frustra deciperis?* Hinc rursus

Ibid. 7. 5. ait: *Cor sapientium ubi tristitia est, & cor stultorum ubi letitia*. Pertimescamus ergo praecepta Dei, si celebramus veraciter solemnitatem Dei. Gratum namque Deo sacrificium est afflictio contra peccatum, Psalmi-
Ps. 50. 19. sta testante, qui ait: *Sacrificium Deo spiritus contribulatus*. Peccata nostra

præterita in baptismatis perceptione
a laxata sunt, & tamen post baptis-
ma multa commisimus: sed lavari
iterum baptismatis aqua non possu-
mus. Quia ergo & post baptisma
inquinavimus vitam, baptizemus la-
crymis conscientiam, b quatenus
regionem nostram per viam aliam
repetentes, qui ex ea bonis dele-
ctati discessimus, ad eam malis a-
maricati redeamus, præstante Do-
mino nostro, &c.

a Corb. secundus Carn. Gemet. Bigot.
donata sunt. C. Germ. primus Carn. dele-
ta sunt.

b 2. Marc. ut regna coelestia valeamus

capere; quatenus &c. Post redeamus nihil
habetur amplius, conclusiones enim hujus-
modi nostri Mss. fere omittunt.






Lectio Sancti Evangelii secundum Matthæum.

Matth. Cap. XIII. v. 44. — 52.

- a** **I**N illo tempore: Dixit ^a Jesus discipulis suis parabolam banc: Si-
militudine est regnum cælorum thesauro abscondito in agro: quem qui
invenit homo, abscondit, & præ gaudio illius vadit, & vendit u-
niversa quæ habet, & emit agrum illum. Iterum simile est regnum
cælorum homini negotiatori querenti bonas margaritas: inventa au-
tem una pretiosa margarita, abiit & vendidit omnia quæ habuit,
& emit eam. Iterum; simile est regnum cælorum sagæ missæ in ma-
re, & ex omni genere piscium congreganti. Quam, cum impleta
esset, educentes, & secus litus sedentes, elegerunt bonos in vasa,
malos autem foras miserunt. Sic erit in consummatione sæculi. Ex-
ibunt Angeli, & separabunt malos de medio iustorum, & mit-
tent eos in caminum ignis. Ibi erit fletus & stridor dentium. In-
b tellexistis hæc omnia? ^b Dicunt ei: Utrique Domine. Ait illis: Ideo
omnis scriba doctus in regno cælorum, similis est homini patrifami-
lias proferenti de thesauro suo nova & vetera.



HOMILIA XI.

Habita ad populum in basilica sanctæ Agnetis, in die
Natalis ejus.

Ex visibili-
bus ad in-
visibilia
gradus fa-
ciendus.
d

CŒlorum regnum, fratres
carissimi, idcirco terrenis
rebus simile dicitur, ut ex his quæ
animus novit, surgat ad incognita ^d:
quatenus exemplo visibilium se ad
invisibilia rapiat, & per ea quæ usu
didicit, quasi confrictus incalescat:
ut per hoc quod scit notum dilige-
re, discat & incognita amare. Ecce
enim cælorum regnum thesauro ab-

sccondito in agro comparatur, Quem
qui invenit homo, abscondit, & præ
gaudio illius vadit & vendit uni-
versa quæ habet, & emit agrum
illum. Qua in re hoc quoque no-
tandum est, quod inventus thesau-
rus absconditur, ut servetur: quia
studium cœlestis desiderii a malignis
spiritibus custodire non sufficit, qui
hoc ab humanis laudibus non abs-
con-

Humanæ
laudes
quam me-
tuendæ.

^a Bigot. Dominus Jesus. In Belvac. o-
mittitur, parabolam hanc. Et in 2. Marc.
^b Belvac. & C. Germ. dicunt ei, E-
tiam.

^c In Corb. est trigesima tertia. In cod.

Reg. Sæc. 37. In omnibus legitur habita
in Festo S. Agnetis, seu Agnæ.

^d Rejecimus, quæ non novit, aliorum
edit. abest enim a Turon. & potioribus:
est in C. Germ. sed non a prima manu.

condit . In præfenti etenim vita quasi in via sumus , ^a qua ad patriam pergimus . Maligni autem spiritus iter nostrum quasi quidam latrunculi obfident . Deprædari ergo desiderat , qui thesaurum publice portat in via . Hoc autem dico , non ut proximi opera nostra ^b bona non videant , cum scriptum sit : *Videant opera bona , & glorificent Patrem vestrum qui in cælis est* : sed ut per hoc quod agimus , laudes exterius non quæramus . Sic autem sit opus in publico , quatenus intentio maneat in occulto : ut & de bono opere proximis præbeamus exemplum , & tamen per intentionem , qua Deo soli placere quærimus , seminer optemus secretum . Thesaurus autem , cœleste est desiderium : ager vero in quo thesaurus absconditur , disciplina studii cœlestis . Quem profecto agrum venditis omnibus comparat , qui voluptatibus carnis renuntians , cuncta sua terrena desideria per disciplinæ cœlestis custodiam calcet : ut nihil jam quod caro blanditur , libeat , nihil quod carnalem vitam trucidat , spiritus perhorrescat .

2. Rursum cœleste regnum negotiatori homini similedicitur , qui bonas margaritas quærit , sed unam pretiosam invenit , quam videlicet inventam , omnia vendens emit : quia qui cœlestis vitæ dulcedinem , in quantum possibilitas admittit , perfecte cognoverit , ea quæ in terris amaverat , libenter cuncta derelinquit : in comparatione ejus vilescunt omnia , deserit habita , congregata dispergit , inardescit in cœlestibus animus , nil in terrenis libet , deforme conspicitur quidquid de terrenæ rei placebat specie ; quia sola pretiosæ margaritæ claritas fulget

in mente . De cujus dilectione recte per Salomonem dicitur : ^c *Fortis est ut mors dilectio* : quia videlicet sicut mors corpus interimit , sic ab amore rerum , corporalium æternæ vitæ caritas occidit . Nam quem perfecte absorbuerit , ad terrena foris ^d desideria velut insensibilem reddit .

3. Nec enim sancta hæc , cujus hodie natalitia celebramus , mori pro Deo potuisset in corpore , si prius a terrenis desideriis mortua non fuisset in mente . Erectus namque in virtutis culmine animus tormenta despexit , præmia calcavit . Ante armatos reges & præfides ^e ducta stetit , feriente robustior , judicante sublimior . Quid inter hæc nos barbati & debiles dicimus , qui ire ad regna cœlestia puellas per ferrum videmus ? quos ira superat , superbia inflat , ambitio perturbat , luxuria inquinat . Qui adipisci regna cœlorum per bella persecutionum non possumus , hoc ^f ipsum nobis turpe sit , quod Deum nolumus per pacem sequi . Ecce nulli nostrum hoc tempore dicit Deus , Pro me morere ; sed illicita tantummodo in te desideria occide . Qui ergo in pace subigere carnis desideria nolumus , quando in bello pro Domino ipsam carnem daremus ?

4. Rursum simile esse regnum cœlorum sagenæ in mare missæ dicitur , ex omni genere piscium congreganti , quæ impleta ad littus educitur , & in vasis boni pisces eliguntur , mali autem projiciuntur foras . Sancta Ecclesia sagenæ comparatur , ^g quia & piscatoribus est commissa , & per eam quisque ad æternum regnum a præsentis seculi fluctibus trahitur , ne in æternæ mortis profunda mergatur . Quæ ex omni genere piscium congregat ; quia

^a Corb. Germ. Long. Val. cl. *quia ad patriam*.

^b Omittitur hæc vox in C. Germ. Turon. Bely. & duobus prioribus Gemet. Et in 3. Marc.

^c 3. Marc. *valida*.

^d In secundo Carnot. *desideria nequam sancta velut*.

^e Excusi , *inusta* , reluctantibus MSS.

^f C. Germ. *hoc ipsum nobis timor sit*.

^g Bely. *qua a piscatoribus est missa*.

^c Cant. 8. 6.
Pater. in
Cant. c. 46.

^d S. Agnetis
incomium.

^e Quantus ex
ejus fortitudine,
nobis pudor.

^f Cur Ecclesia
sagenæ
comparatur.

^g

2.

b

Math. 5.
36.

Qua cautio-
ne bona pu-
blice fa-
cienda.

Cœlestis
vitæ dulce-
dinem ex-
perts cete-
ra vile-
scunt.

ad peccatorum veniam sapientes & fatuos, liberos & servos, divites & pauperes, fortes & infirmos vocat. Unde per Psalmistam Deo dicitur:

Psalm. 64. 3. Ad te omnis caro veniet. Quæ sagena, scilicet, ^a tunc universaliter repletur, cum in fine suo humani generis summa concluditur. Quam educunt, & secus littus sedent: quia sicut mare seculum, ita seculi finem significat littus maris. In quo scilicet sine boni pisces in vasis eliguntur, mali autem projiciuntur foras, quia & electus quisque in tabernacula æterna recipitur, & interni regni luce perditur, ad exteriores tenebras reprobi pertrahuntur. Nunc enim bonos malosque communiter quasi permixtos pisces fidei sagena nos continet, sed littus indicat sagena, id est sancta Ecclesia, quid trahebat. Et quidem pisces qui capti fuerint, mutari non possunt, nos autem mali capimur, sed in bonitate permutamur. Cogitemus igitur in captione, ne dividamur in littore. Ecce quam grata est vobis hodierna solemnitas, ita ut se non modicum addicat, si cui ex hoc conventu vestro deesse contingat. Quid ergo in die illa acturus est, qui a conspectu judicis rapitur, ab electorum societate separatur, qui tenebrefcit a lumine, cruciatur æterna combustione? Unde & hanc eandem comparisonem Dominus sub brevitate aperit, cum subjungit: *Sic erit in consummatione seculi. Exibunt Angeli, & separabunt malos de medio justorum, & mittent eos in caminum ignis. Ibi erit fletus & stridor dentium.* Hoc jam, fratres carissimi, timendum est potius, quam exponendum. Aperta etenim voce tormenta peccantium dicta sunt, ne quis ad ignorantiam suam excusationem recurreret,

si quid de æterno ^b supplicio obscure diceretur. Unde & subditur: *Intellexistis hæc omnia? Dicunt ei.*

^c *Utique Domine.*

4. Atque in conclusione subjungitur: *Ideo omnis scribe doctus in regno cælorum, similis est homini patrifamilias proferenti de thesauro suo nova & vetera.* Si per novum & vetus quod dicitur, utrumque Testamentum accipimus, Abraham doctum fuisse denegamus, qui novi & veteris Testamenti etsi facta novit, minime verba nuntiavit. Moysen quoque docto patrifamilias comparare non possumus, qui etsi Testamentum edocuit, novi tamendicta non protulit. ^d Dum ergo ab hoc intellectu excludimur, ad alium vocamur. Sed in eo quod Veritas dicit: *Omnis scribe doctus in regno cælorum, similis est* ^e *patrifamilias*; intelligi valet, quia non de his qui fuerant, sed de his qui esse in Ecclesia poterant, loquebatur. Qui tunc nova & vetera proferunt, cum utriusque Testamenti prædicamenta vocibus & moribus loquuntur. Quod tamen intelligi & aliter potest. Vetustum quippe humani generis fuit, ad inferni claustra descendere, pro peccatis suis supplicia æterna tolerare. Cui per Mediatoris adventum, novum aliquid accessit, ut si hic recte studeat vivere, cælorum regna valeat penetrare: & homo in terra editus, a corruptibili vita moriatur, in cælo collocandus. Et vetus itaque est, ut pro culpa humanum genus in æterna pœna intereat: & novum, ut conversus in regno vivat. Quod ergo in conclusione locutionis suæ Dominus subdidit, hoc est utique quod præmisit. Prius enim de regni similitudine thesaurum inventum, ac bonam

^c Per nova & vetera, utrumque Testamentum signatur.

^d Et uterque hominis status.

Quanta in natali S. Agnetis solemnitas.

^a 3. Marc. Ecclesia.

^b Primus Carnot. iudicio.

^c 3. Marc. etiam pro utique Domine.

^d Hæc usque ad, sed in eo, desiderantur


in Corb. Germ. altero Corb. duobus Gemet. prior. & Bigot.

^e Duo priores Gemet. homini patrifamilias.

nam margaritam protulit, postmodum vero inferni pœnas de malorum combustionem narravit, atque in conclusione subjungit: *Ideo omnis scriba doctus in regno cœlorum, similis est patrifamilias proferenti de thesauro suo nova & vetera*. Ac si aperte diceretur: Ille in sancta Ecclesia doctus prædicator est, qui & nova scit proferre de suavitate regni, & vetusta dicere de terrore supplicii: ut vel pœnæ terreant, quos præmia non invitant. Audiat de regno quod amet, audiat de supplicio uniusquisque quod timeat: ut torpentem animum & terræ vehementer inhærentem, si amor ad regnum non trahit, vel timor minet. Ecce enim de Gehennæ expressione

dicitur: *Ibi erit fletus & stridor dentium*. Sed quia præsentia gaudia sequuntur perpetua lămenta, hic, fratres carissimi, vanam lætiam fugite, si illic flere formidatis. Nemo etenim potest & hic gaudere cum seculo, & illic regnare cum Domino. Temporalis itaque lætitiæ fluxa restringite, carnis voluptates edomate. Quidquid animo ex præsentī seculo arridet, ex consideratione æterni ignis amarescat. Quidquid in mente pueriliter hilarescit, hoc disciplinæ juvenilis censura coerceat: ut dum sponte temporalia fugitis, æterna gaudia sine labore capiat, præstante Domino nostro Jesu Christo, &c.






Lectio sancti Evangelii secundum Matthæum.

Matth. Cap. XXV. §. 1. — 13.

^a **I**N illo tempore : Dixit Jesus discipulis suis * paralolam hanc : Simile est regnum cœlorum decem virginibus , quæ accipientes lampades suas , exierunt obviam sponso & sponsæ . Quinque autem ex eis erant fatuæ , & quinque prudentes . Sed quinque fatuæ , acceptis lampadibus non sumserunt oleum secum : prudentes autem acceperunt oleum in vasis suis cum lampadibus : Moram autem faciente sponso , dormitaverunt omnes , & dormierunt . Media autem nocte clamor factus est : Ecce sponsus venit , exite obviam ei . Tunc surrexerunt omnes virgines illæ , & ornaverunt lampades suas . Fatuæ autem sapientibus dixerunt : Date nobis de oleo vestro , quia lampades nostræ exstinguuntur . Responderunt prudentes , dicentes : Ne forte non sufficiat nobis & vobis , ite potius ad vendentes , & emite vobis . Dum autem irent emere , venit sponsus : & quæ paratæ erant , intraverunt cum eo ad nuptias , & clausa est janua . Novissime vero veniunt & reliquæ virgines , dicentes : Domine , Domine , aperi nobis . At ille respondens , ait : Amen dico vobis , nescio vos . Vigilate itaque , quia nescitis diem neque horam .

^b H O M I L I A XII.

^c Habita ad populum in basilica sanctæ * Agnetis ,
in die natalis ejus .

^d Cavendum
ne bona
opera , lau-
dis appeti-
tu vitien-
tur .

^d ^e **S**ÆPE vos , fratres carissimi ,
admoneo prava opera fuge-
gere , mundi hujus inquinamenta
devitare : sed hodierna sancti E-
vangelii lectione compellor dicere ,
ut & bona quæ agitis , cum ma-
gna cautela ^d timeatis : ne per hoc
quod a vobis rectum geritur , fa-
vor aut gratia humana requiratur :
ne appetitus laudis ^e subrepat , &
quod foris ostenditur , intus a mer-

cede vacuetur . Ecce enim Redem-
toris voce decem virgines , & o-
mnes dicuntur virgines , & tamen
intra beatitudinis januam non o-
mnes sunt receptæ : quia earum
quædam , dum de virginitate sua
gloriam foris expetunt , in vasis
suis oleum habere noluerunt . Sed
prius quærendum nobis est quid sit
regnum cœlorum , aut cur decem
virginibus comparetur , quæ etiam
virgi-

^a C. Germ. & Belvac. non habent , *pa-
ralolam hanc* . Nec 3. Marc.

^b In Corb. est 342. in cod. Reg. Succ.
est 362.

^c In eod. cod. & in C. Germ. nec non in
primo Gemet. S. Agnæ .

^d 3. Marc. *tenentis* .

^e Pler. mss. *subripiat* .

Ecclesia
regnum cæ-
lorum cur
appellatur.

Matth. 13.
41.

Ibid. 5. 15.

virgines prudentes & fatuæ dicantur. Dum enim cælorum regnum constat quia reproborum nullus ingreditur, etiam fatuis virginibus cur simile esse perhibetur? Sed sciendum nobis est, quod sæpe in sacro eloquio regnum cælorum præsentis temporis Ecclesia dicitur. De quo alio in loco Dominus dicit: *Mittet filius hominis Angelos suos, & colligent de regno ejus omnia scandala*. Neque enim in illo regno beatitudinis, in quo pax summa est, inveniri scandala poterunt quæ colligantur. Et underursum dicitur: *Qui ergo solverit unum de mandatis istis minimis, & docuerit sic homines, hic minimus vocabitur in regno cælorum. Qui autem fecerit & docuerit, hic magnus vocabitur in regno cælorum*. Mandatum quippe solvit & docet, quando hoc quisque voce prædicat, quod vivendo non implet. Sed ad regnum æternæ beatitudinis pervenire non valet, qui non vult opere implere quod docet. Quomodo ergo in eo minimus vocabitur, qui ad hoc nullo modo intrare permittitur? Quid itaque per hanc sententiam, nisi præsens Ecclesia regnum cælorum dicitur? In qua doctor qui mandatum solverit, minimus vocatur: quia cujus vita despicitur, restat ut ejus prædicatio contemnatur. In quinque autem corporis sensibus unusquisque subsistit: geminatus autem quinarium denarium perficit. Et quia ex utroque sexu fidelium multitudo colligitur; sancta Ecclesia decem virginibus similis denuntiatur. In qua quia mali cum bonis, & reprobi cum electis admixti sunt, recte similis virginibus prudentibus & fatuis esse perhibetur. Sunt namque plerique continentes, qui ab appetitu se exteriori custodiunt, & spe ad interiora rapiuntur: carnem ma-

cerant, & toto desiderio ad supernam patriam anhelant, æterna præmia expetunt, pro laboribus suis recipere laudes humanas nolunt. Hi nimirum gloriam suam non in ore hominum ponunt, sed intra conscientiam contegunt. Et sunt plerique, qui corpus per abstinentiam affligunt, sed de ipsa sua abstinentia humanos favores expetunt, doctrinæ inserviunt, indigentibus multa largiuntur. Sed fatuæ profecto sunt virgines, quia solam laudis transitorie retributionem querunt. Unde & apte subditur: *Quinque fatuæ acceptis lampadibus non sumserunt oleum secum: prudentes autem acceperunt oleum in vasis suis cum lampadibus*. Per oleum quippe nitor gloriæ designatur: vascula autem, nostra sunt corda, in quibus ferimus cuncta quæ cogitamus. Prudentes ergo oleum in vasis habent, quia nitorem gloriæ intra conscientiam retinent; Paulo attestante, qui ait: *Gloria nostra hæc est, testimonium conscientie nostræ*. Fatuæ autem virgines oleum secum non sumunt, quia gloriam intra conscientiam non habent, ^a dum hanc ab ore proximorum querunt. Notandum vero, quod omnes lampades habent, sed omnes oleum non habent: quia plerumque bona in se opera cum electis & reprobi ostendunt, sed soli ad sponsum cum oleo veniunt, qui de his quæ foris egerint, intus gloriam requirunt. Unde per Psalmistam quoque de sancta electorum Ecclesia dicitur: *Omnia gloria ejus filie regis ab in-*

Qui pro
terrenis
bona agunt,
fatuæ.

2. Cor. 1. 12.

a

Psal. 44. 74.

2. *Moram autem faciente sponso, dormitaverunt omnes, & dormierunt*: quia dum venire iudex ad extremum iudicium differt, electi & reprobi in mortis somno sopiuntur. Dormire etenim mori est. Ante somnum vero dormire, est ante

Mori,
dormire est.
Dormitare,
est languere.

A a 2 mor-

^a In Corb. defunt quæ sequuntur, usque ad, quia plerumque.

mortem a salute languescere : quia per pondus ægritudinis pervenitur ad somnum mortis. *Media autem nocte clamor factus est : Ecce sponsus venit, exite obviam ei.*

Dies Domini, tamquam fur in nocte, incautos operimet. v. Theff. 5, 2.

3. De adventu sponsi clamor in media nocte fit : quia sic dies iudicii subrepat, ut prævideri non valeat quando venit. Unde scriptum est : *Dies Domini sicut fur in nocte ita veniet.* Tunc omnes virgines surgunt : quia & electi & reprobi a somno suæ mortis excitantur. Lampades ornant : quia sua secum opera numerant, pro quibus æternam recipere beatitudinem expectant. Sed lampades fatuarum virginum extinguuntur : quia earum opera, quæ clara hominibus foris apparuerant, in adventu iudicis intus obscurantur. ^a Et a Deo retributionem non inveniunt ; quia pro eis receperunt ab hominibus laudes, quas amaverunt. Quid est autem quod tunc a prudentibus oleum petunt, nisi quod in adventu iudicis cum se intus vacuas invenerint, testimonium foris quærunt ? Ac si a sua fiducia deceptæ proximis dicant : Quia nos quasi sine opere repelli conspiciatis, dicite de nostris operibus quid vidistis. Sed prudentes virgines respondent, dicentes : *Ne forte non sufficiat nobis & vobis.* In illo enim die (quod tamen de quibusdam in pace Ecclesiæ quiescentibus loquor) sibi metipsum testimonium uniuscuiusque vix sufficit ; quanto minus & sibi & proximo ? Unde & protinus per increpationem subdunt :

Venditores olei sunt adulatores.

Ite potius ad vendentes, & emite vobis. Venditores quippe olei, adulatores sunt. Qui enim accepta qualibet gratia, vanis suis laudibus nitorem gloriæ offerunt, quasi oleum vendunt. De quo perfectio oleo Psalmista dicit : *Oleum autem peccatoris*

Psal. 140. 5.
Pater. in Ps.
c. 272.

^a Belvac. & ad retributionem non veniunt.

^b Belvac. & C. Germ. non admittunt solum.

non impinguet caput meum. Principale etenim nostrum, caput est. Appellatione autem capitis, ea quæ principatur corpori mens vocatur. Impinguat ergo caput oleum peccatoris, cum demulcet mentem favor adulantis. *Sed dum irent emere, venit sponsus :* quia cum vitæ suæ testimonium a proximis quærunt, Iudex venit, qui non ^b solum operum, sed & cordium testis est. *Quæ autem paratæ erant, intraverunt cum eo ad nuptias, & clausa est janua.*

4. O si sapere in cordis palato possit, quid admirationis habet quod dicitur : *Venit sponsus ?* quid dulcedinis : *Intraverunt cum eo ad nuptias ;* quid amaritudinis : *Et clausa est janua ?* Venit quippe ille qui adventu suo elementa concutit, in cuius conspectu ^c cælum & terra contremiscit. Unde etiam per Prophetam dicit : *Adhuc semel, & ego movebo non solum terram, sed etiam cælum.* Ad cuius examen omne humanum genus deducitur. Cui ad vindictam malorum, remunerationemque bonorum, Angeli, Archangeli, Throni, Principatus, & Dominationes obsequuntur. Pensate, fratres carissimi, ante conspectum tanti iudicis qui in illo die terror erit, quando jam in pœna remedium non erit : quæ illa confusio, cui reatu suo exigente continget in conventu omnium Angelorum hominumque erubescere : qui pavor, eum quem & tranquillum mens humana capere non valet, etiam iratum videre. Quem diem bene Prophetam intuens, ait : *Dies iræ, dies illa, dies tribulationis & angustiae, dies calamitatis & miseriæ, dies tenebrarum & caliginis, dies nebulae & turbinis, dies tubæ & clangoris.* Pensate ergo, fratres carissimi,

Judicis adventus quid admirationis, quid dulcedinis, quid amaritudinis habeat.

C
Aga 2. 7.
Hebr. 12. 26.

Soph. 1. 15

ex-

^c C. Germ. duo priores Gemet. & alii, cælum cum terra. Paulo post primus Carnot. & ultimus Gemet. quis in illo die.

extremi diem iudicii super corda reproborum qua asperitate Propheta vidit amarescere, quem tot appellationibus non ^a valet explicare. Quanta vero tunc erit electorum lætitia, qui de ejus merentur visione gaudere, de cujus conspectu vident & elementa omnia contremiscere, cum eo simul ad nuptias intrare? Qui ^b & in sponsi nuptiis gaudent, & tamen ipsi sunt sponsa; quia in illo æterni regni thalamo visioni nostræ Deus conjungitur. Quæ scilicet visio nunquam jam in perpetuum ab amoris sui amplexibus evelletur. Tunc regni janua lugentibus claudetur, quæ modo quotidie pœnitentibus aperitur. Erit namque & tunc pœnitentia, sed fructuosa jam non erit: quia nequaquam tunc veniam invenit, qui modo aptum veniæ tempus perdit. Hinc etenim Paulus dicit: *Ecce nunc tempus acceptabile, ecce nunc dies salutis*. Hinc Propheta ait: *Querite Dominum, dum inveniri potest: invocate eum, dum prope est*. 5. Unde & easdem virgines fatuas invocantes Dominus non audit: quia interclusa regni janua, ^c is qui prope esse poterat, prope jam non ^d erit. Nam subditur: *Novissime veniunt & reliquæ virgines, dicentes: Domine, Domine, aperi nobis. At ille respondens, ait: Amen dico vobis, nescio vos*. Ibi jam a Deo non potest mereri quod petit, qui hic noluit audire quod iussit: qui tempus congruæ pœnitentiæ perdidit, frustra ante regni januam cum precibus venit. Hinc est enim quod per Salomonem Dominus dicit: *Vocavi, & renuistis, extendi manum meam, & non fuit qui aspiceret: desipexistis omne consilium meum, &*

incorporationes meas neglexistis. Ego quoque in interitu vestro ridebo, & subsannabo, cum vobis quod timebatis advenerit. Cum irruerit repentina calamitas, & interitus quasi tempestas ingruerit, quando venerit super vos tribulatio, & angustia: tunc invocabunt me, & non exaudiam; mane consurgent, & non invenient me. Ecce ^e aperiri clamant, & repulsio-
^e nis suæ dolore compulsæ, appellationem dominantis ingeminant: dicentes: *Domine, Domine, aperi nobis*. Preces offerunt, sed nesciuntur: quia tunc velut incognitos Dominus deserit, quos modo suos per vitæ meritum non agnoscit.

6. Ubi apte quoque generalis ad discipulos exhortatio subinfertur, cum dicitur: *Vigilate itaque, quia nescitis diem neque horam*. Quia post peccata Deus pœnitentiam suscipit, si sciret quisque de præsentī seculo quo tempore exiret, aliud tempus voluptatibus, atque aliud pœnitentiæ aptare potuisset. Sed qui pœnitenti veniam spopondit, peccanti diem crastinum non promisit. Semper ergo extremum diem debemus metuerē, quem nunquam possumus prævidere. Ecce hunc ipsum diem, in quo loquimur, ^f ad inducias conversionis accepimus, & tamen mala quæ fecimus, flere recusamus. Non solum commissa non plangimus, sed etiam quæ desceantur augemus. At si aliqua nos ægritudo corripiat, si signa ægritudinis vicinam mortem denuntient, inducias vivendi quærimus, ut peccata nostra desceamus, & eas ^g cum magno æstu desiderii petimus, quas acceptas modo pro nihilo habemus. ^h

7. Rem, fratres carissimi, refero, ^h quam

Hinc modo vigilandum.

f

g

h

Chrysaost. superbi & voluptati

^a C. Germ. Belvac. & duo Carn. non valet explere.

^b Belvac. Turon. Longip. qui de nuptiis.

^c Ita simpliciter Turon. Belvac. C. Germ. &c. In Corb. Germ. tamen alia manu adscriptum, ut habent editi, is qui nunc per exauditionem prope.

^d 3. Marc. est.

^e Gemeticenses, Ecce, aperi, clamant.

^f Bellovac. & inducias.

^g Secundus Carn. & ult. Gemet. cum magno studii desiderio.

^h Desunt sequentia in 3. Marc.

Tunc erit pœnitentia, sed infructuosa.

3. Cor. 6. 2.

Isai. 55. 6.

Tunc preces irritæ.

Qui nunc Deum non audit, tunc non audietur.

Prov. 1. v. 24. &c.

bus dedit
horrendus
exitus.
* l. 4. dial.
c. 38.

a * quam si ^aintente audire vult caritas vestra, ex consideratione illius vehementer instruetur. Quidam vir nobilis in Valeria provincia nomine Chrysaorius fuit, quem lingua rustica populus Chryserium vocabat: b vir valde ^bidoneus, sed tantum plenus vitiis, quantum rebus: superbia tumidus, carnis suæ voluptatibus subditus, in acquirendis rebus, avaritiæ facibus accensus. Sed cum tot malis Dominus finem ponere decrevisset, sicut a religioso viro quodam, qui nunc superest, propinquo illius dilici, corporis languore percussus est. Qui ad extremum veniens eadem hora qua jam de corpore erat exiturus, apertis oculis vidit tetros & nigerrimos spiritus coram se c assidere, & vehementer ^cimminere, ut ad inferni claustra se raperent. Cœpit tremere, pallefcere, sudare, & magnis vocibus inducias petere, filiumque suum nomine Maximum, quem ipse jam monachus monachum vidi, nimis & turbatis clamoribus vocare, dicens: Maxime, curre, nunquam tibi aliquid mali feci, in fidem tuam me suscipe. Turbatus mox Maximus adfuit, luges & perstrepsens familia convenit. Eos autem, quos ille insistentes sibi graviter tolerabat, ipsi malignos spiritus videre non poterant: sed eorum præsentiam in confusione, in pallore ac tremore illius qui trahebatur, videbant. Pavore autem tetræ eorum imaginis, huc illucque vertebatur in lectulo, jacbat in sinistro latere, aspectum eorum ferre

non poterat: vertebatur ad parietem, ibi aderant. Cumque constriktus nimis ^drelaxari se jam posse desperaret, cœpit magnis vocibus clamare, dicens: Inducias vel usque mane, inducias vel usque mane. Sed cum hæc clamaret, in ipsis suis vocibus de habitaculo suæ carnis evulsus est. De quo nimirum constat, quia pro nobis ista, non pro se viderit, ut ejus visio nobis proficiat, quos adhuc divina patientia longanimitè exspectat. Nam illi tetros spiritus ante mortem vidisse, & inducias petiisse, quid profuit, qui eadem inducias quas petiit, non accepit? Nos ergo, fratres carissimi, nunc solícite ista cogitemus, ne nobis in vacuum tempora pereant, & tunc quæramus ad bene agendum ^evivere, cum jam compellimur de corpore exire. Mementote quid Veritas dicat: *Orate ne fiat fuga vestra hiemæ vel sabbato*. Per Legis quippe mandatum, ambulare longius sabbato non licet: hiems quoque ad ambulandum ^fimpedimento est, quia gressus ambulantium torpor frigoris adstringit. Ait ergo: *Orate ne fiat fuga vestra hiemæ vel sabbato*. Ac si aperte dicat: Videte ne tunc quærat peccata vestra fugere, quando jam non licet ambulare. Illud ergo tempus quo fugere non licet, modo debet cogitari dum licet. Illa hora nostri exitus est semper intuenda: ista Redemptoris nostri admonitio ante mentis oculos semper ponenda, qua ait: *Vigilate itaque, quia nescitis diem neque horam*.

Quid ex hoc exemplo discendum.

Matt. 24. 20.

* Belvac. C. Germ. Longip. Val-cl. *intenta vult*. Secundus Carnot. *intenta aure*, &c.

b Secundus Carn. duo priores Gemet. & Bigot. *dives*.

c De hac voce consule notas ad cap. 38.

J. 4. Dialog.

d Corb. Germ. *relaxare*.

e Idem cum Belv. & primo Carn. *venire*.

f Turon. C. Germ. Belv. *impedimentum est*.

Lectio sancti Evangelii secundum Lucam.

Luc. Cap. XII. v. 35. — 40.

IN illo tempore: Dixit Jesus discipulis suis: Sint lumbi vestri præcincti, & lucernæ ardentes in manibus vestris: & vos similes hominibus expectantibus dominum suum, quando revertatur a nuptiis: ut cum venerit & pulsaverit, confestim aperiant ei. Beati servi illi, quos cum venerit dominus, invenerit vigilantes. Amen dico vobis, quod præcinget se, & faciet illos discumbere, & transiens ministrabit illis. Et si venerit in secunda vigilia, & si in tertia vigilia venerit, & ita invenerit, beati sunt servi illi. Hoc autem scitote, quoniam si sciret paterfamilias qua hora fur veniret, vigilaret utique, & non sineret perfodi domum suam. Ideo & vos estote parati: quia qua hora non putatis, filius hominis venit.

H O M I L I A XIII.

a Habita ad populum in basilica beati ^a Felicis Confessoris, in die natalis ejus.

Quanta
castitatis
habenda
cura.

1. **S**ANCTI Evangelii, fratres carissimi, aperta vobis est lectio recitata. Sed ne aliquibus ipsa ejus planities alta fortasse videatur, eam sub brevitate transcurrimus, quatenus ejus expositio ita nescientibus fiat cognita, ut tamen scientibus non sit onerosa. Quia viris luxuria in lumbis sit, feminis in umbilico, testatur Dominus, qui de diabolo ad beatum Job loquitur, dicens: *Virtus ejus in lumbis ejus, & fortitudo illius in umbilico ventris ejus.* A principali igitur sexu, lumborum nomine luxuria designatur, cum Dominus dicit: *Sint lumbi vestri præcincti.* Lumbos enim

præcingimus, cum carnis luxuriam per continentiam coarctamus. Sed quia minus est mala non agere, nisi etiam quisque studeat & bonis operibus insudare, protinus additur: *Et lucernæ ardentes in manibus vestris.* Lucernas quippe ardentes in manibus tenemus, cum per bona opera proximis nostris lucis exempla monstramus. De quibus profecto operibus Dominus dicit: *Luceat lux vestra coram hominibus, ut videant opera vestra bona, & glorificent Patrem vestrum qui in cælis est.* Duo autem sunt quæ jubentur, & lumbos retringere, & lucernas tenere: ut & munditia sit castitatis

Et bonorum operum.

Mat. 5. 16.

^a Sic legitur in cod. Reg. Suec. Belv. C. Germ. & duobus Carnot. In cod. Lateran. & tertio Gemet. tantum legitur, *beati Felicis.* In excusis, *beati Felicis martyris.* In cod. Reg. Suec. est 34. in Later. 38.

Porro quis sit iste Felix non liquet. 14. Kal. Aug. legitur in Lib. Sacram. natalis S. Felicis, quem noster Hugo Menardus in notis probat esse Felicem II. Liberio Papæ subrogatum. Locum consule.

in corpore , & lumen veritatis in operatione . Redemptori etenim nostro unum sine altero placere nequaquam potest : si aut is qui bona agit , adhuc luxuriæ inquinamenta non deferit : aut is qui castitate præminet , necdum se per bona opera exercet . Nec castitas ergo magna est sine bono opere , nec opus bonum ^a est aliquod sine castitate .

a

Qua intentione fiant sollicitè attendendum.

b

2. Sed & si utrumque agitur , restat ut quisquis ^b ille est , spe ad supernam patriam tendat , & nequaquam se a vitiis pro mundi huius honestate contineat . Qui etsi quædam bona aliquando pro honestate incoat , in ejus tamen intentione non debet permanere , nec per bona opera præsentis mundi gloriam quærere , sed totam spem in Redemptoris sui adventum constituat . Unde & protinus subditur : *Et vos similes hominibus expectantibus dominum suum , quando revertatur a nuptiis* . Ad nuptias quippe Dominus abiit , quia resurgens a mortuis , ascendens in cælum , supernam sibi Angelorum multitudinem novus homo copulavit . Qui tunc revertitur , cum nobis jam per judicium manifestatur .

In expectatione Christi vigilandum.

3. Bene autem de servis expectantibus subditur : *Ut cum venerit & pulsaverit , confestim aperiant ei* . Venit quippe Dominus , cum ad judicium properat : pulsatur vero , cum jam per ægritudinis molestias esse mortem vicinam designat . Cui confestim aperimus , si hunc cum amore suscipimus . Aperire enim judici pulsanti non vult , qui exire de corpore trepidat , & videre eum , quem contemisse se meminit , judicem formidat . Qui autem de sua spe & operatione securus est , pul-

santi confestim aperit , quia lætus judicem sustinet : & cum tempus ^c propinquæ mortis agnoverit , de gloria retributionis hilarescit . Unde & protinus subditur : *Beati sunt servi illi , quos cum venerit dominus , invenerit vigilantes* . Vigilat , qui ad aspectum veri luminis mentis oculos apertos tenet : vigilat , qui servat operando quod credit : vigilat , qui a se torporis & negligentiae tenebras repellit . Hinc etenim Paulus dicit : *Evigilate justi , & nolite peccare* . Hinc rursus ait : *Hora est jam nos de somno surgere* .

c

1. Cor. 15. 34.

Rom. 13. 11.

4. Sed veniens dominus , quid servis vigilantibus exhibeat , audiamus : *Amen dico vobis , quod præcinget se , & faciet eos discumbere , & transiens ministrabit illis* . Præcinget se , id est ad retributionem præparabit : & faciet illos discumbere , id est in æterna quiete refoveri . Discumbere quippe nostrum , in regno quiescere est . Unde rursus Dominus dicit : *Venient & recumbent cum Abraham , Isaac , & Jacob* . Transiens autem Dominus ministrat ; quia lucis suæ illustratione nos fatiat . ^d Transire vero dictum est , cum de judicio ad regnum redit . Vel certe Dominus nobis post judicium transit , quia ab humanitatis forma in divinitatis suæ contemplationem nos elevat . Et transire ejus , est in claritatis suæ speculationem nos ducere , cum eum quem in humanitate in judicio cernimus , etiam in divinitate post judicium videmus . Ad judicium quippe veniens , in forma servi omnibus apparet , quia scriptum est : *Videbunt in quem transfixerunt* . Sed cum reprobi ^e in supplicium corruunt , justi ad claritatis ejus gloriam pertrahuntur , sicut scriptum est : *Tol-*

Sic vigilantium quæ merces.

Matth. 8. 11.

d

Zach. 12. 10.

Johan. 19.

37.

e

latur

^a Al. est aliquid , ut legitur in duobus prior. Gemet.

^b Longip. & tertius Gemet. ille qui ad... tendit , nequaquam .

^c Ita cum miss. vet. ed. At in recent. legitur , propinqua mortis advenerit .

^d Belvac. transit , vero dictum de judicio .

^e Turon. in supplicium currunt .

Isai. 26. 10. latur impius ; ne videat gloriam Dei .

In singulis
ætatibus,
tamquam
in totidem
noctis vigi-
liis execu-
bandum .

2

Eccle. 11. 9.

b

Omnis
excusatio
ad Deum
redire de-
trestanti-
bus præclu-
sa .

*Pater. in
Eccle. 6. 5.*

*Rom. 2. 2.
4. & 5.*

5. Sed quid si servi in prima vigilia negligentes existunt ? Prima quippe vigilia , ^a primæ ætatis custodia est . Sed neque sic desperandum est , & a bono opere cessandum . Nam longanimitatis suæ patientiam insinuans Dominus , subdit : *Et si venerit in secunda vigilia , & si in tertia vigilia venerit , & ita invenerit , beati sunt servi illi .* Prima quippe vigilia , primævum tempus est , id est pueritia . Secunda , adolescentia vel juvenus , quæ auctoritate sacri eloquii unum sunt , dicente Salomone : *Letare juvenis in adolescentia tua .* Tertia autem , senectus accipitur . Qui ergo vigilare in prima vigilia noluit , custodiat vel secundam : ut qui converti a pravitatibus suis in pueritia neglexit , ad vias vitæ saltem in tempore juventutis evigilet . Et qui evigilare in secunda vigilia noluit , ^b tertiæ vigiliæ remedia non amittat : ut qui in juventute ad vias vitæ non evigilat , saltem in senectute resipiscat . Pensate , fratres carissimi , quia conclusit Dei pietas duritiam nostram . Non est jam quid homo excusationis inveniat . Deus despicitur , & exspectat : contemni se videt , & revocat : injuriam de contemptu suo suscipit , & tamen quandoque revertentibus etiam præmia promittit . Sed nemo hanc ejus longanimitatem negligat : quia tanto districtiorem justitiam in judicio exiget , quanto longiorem patientiam ante judicium prærogavit . Hinc etenim Paulus dicit : *Ignoras quoniam benignitas Dei ad penitentiam te adducit ? Tu autem secundum duritiam*

tuam & cor impænitens , thesaurizas tibi iram in die iræ & revelationis justi judicii Dei . Hinc Psal- mista ait : *Deus judex justus , fortis , & longanimis .* Dicturus quippe longanimem , præmisit justum : ut quem vides peccata delinquentium diu patienter ferre , scias hunc etiam quandoque districtè judicare . Hinc ^c per quemdam sapientem dicitur : *Altissimus enim est patiens redditor .* Patiens enim redditor dicitur , quia peccata hominum & patitur & reddit . Nam quos diu , ut convertantur , tolerat , non convertos durius damnat . Ad excutendam vero mentis nostræ desidiam , etiam exteriora damna per similitudinem ad medium deducuntur : ut per hæc animus ad sui custodiam suscitetur . Nam dicitur : *Hoc autem scitote , quia si sciret paterfamilias qua hora fur veniret , vigilarer utique , & non sineret perfodi domum suam .* Ex qua præmissa similitudine etiam exhortatio subinfertur , cum dicitur : *Et vos estote parati , quia qua hora non putatis , filius hominis veniet .* Nesciente enim paterfamilias , fur domum perfodit : quia dum a sui custodia spiritus dormit , improvisa mors veniens , carnis nostræ habitaculum irrumpit , & eum quem dominum domus invenerit dormientem , necat : quia cum ventura damna spiritus minime prævidet , hunc mors ad supplicium nescientem rapit . Furi autem resisteret , si vigilaret : quia adventum judicis , qui occulte animam rapit , præcavens , ei penitendo occurreret , ne impænitens periret .

*Psal. 7. 12.
Pater. in
Psal. 6. 14.*

Eccle. 5. 4.

6. Horam vero ultimam Dominus

*Hora mor-
tis cur nos
latere
debeat .*

^a C. Germ. duo priores Gemet. ac Bigot. primæ ætatis .

^b C. Germ. & secundus Carn. addunt , *tempore juventutis .* 3. Marc. *tempore juven-
tutis evigilet . Et qui vigilare in secunda
vigilia noluit tempore juventutis , tertia vi-*

Tom. V.

*gilia remedia non amittat : Quæ duplicem
lectionem junctam redolent .*

^c Sic laudare solet S. Doctor scriptorem libri Ecclesiastici . Vide l. 7. Moral. n. 45. & l. 20. n. 51. Eodem modo designat auctorem libri Sapientiæ .

B b

nus noster idcirco voluit nobis esse incognitam, ut semper possit esse suspecta: ut dum illam praevidere non possumus, ad illam sine intermissione praeparemur. Proinde, fratres mei, in conditione mortalitatis vestrae mentis oculos figite, venienti vos judici per fletus quotidie & lamenta praeperate. Et cum certa mors ^a maneat omnibus, nolite de temporalis vitae providentia incerta cogitare. Terrenarum rerum vos cura non aggravet. Quantislibet enim auri & argenti molibus circumdetur; quibuslibet pretiosis vestibus induatur caro, quid est aliud quam caro? Nolite ergo attendere quid habetis, sed quid estis. Vultis audire quid estis? Propheta indicat, dicens: *Vere fenum est populus*. Si enim fenum populus non est, ubi sunt illi qui ea quae hodie colimus nobiscum transacto anno beati Felicis natalitia ^b celebraverunt? O quanta & qualia de praesentis vi-

tae ^c provisione cogitabant, sed furripiente mortis articulo, repente in his quae praevidere volebant, inventi sunt: & cuncta simul temporalia, quae ^d congregata quasi stabiliter tenere videbantur, amiserunt. Si ergo transacta multitudo generis humani per nativitatem viriuit in carne, per mortem aruit in pulvere, videlicet fenum fuit. Quia igitur momentis suis horae fugiunt, agite fratres carissimi, ut in boni operis mercede teneantur. Audite quid sapiens Salomon dicat: *Quodcumque potest manus tua facere, instanter operare: quia nec opus, nec scientia, nec ratio, nec sapientia erunt apud inferos, quo tu properas*. Quia ergo & venturae mortis tempus ignoramus, & post mortem operari non possumus: superest, ut ante mortem tempora indulta rapiamus. Sic enim sic mors ipsa cum venerit, vincetur, si prius quam veniat, semper timeatur.

Eccle. 9. 10.

Isai. 40. 7.

^a Sic scribere cogunt veteres cod. mss. Edit. Antwerp. 1509. & Paris. 1518. habent, *moneat pro, maneat*.

^b Duo priores Gemet. & Bigot. *coluc. runt*.

^c Val-cl. correctoris manu, vel potius corruptoris, *promissione*.

^d Mss. Turon. C. Verm. tres Gemet. Longip. Val-cl. Bigot. *qua tractata*; secundus Carn. *qua tracta*.



Lectio sancti Evangelii secundum Joannem .

Johann. Cap. X. v. 11. — 16.

^a **I**N illo tempore: Dixit Jesus ^a Phariseis: Ego sum pastor bonus. Bonus pastor animam suam ponit pro ovibus suis. Mercenarius autem, & qui non est pastor, cuius non sunt oves propriae, videt lupum venientem, & dimittit oves, & fugit: & lupus rapit, & dispergit oves. Mercenarius autem fugit, quia mercenarius est, & non pertinet ad eum de ovibus. Ego sum pastor bonus, & cognosco oves meas, & cognoscunt me mea. Sicut novit me pater, & ego agnosco patrem: & animam meam pono pro ovibus meis. Et alias oves habeo, quae non sunt ex hoc ovili: & illas oportet me adducere, & vocem meam audient: & fiet unum ovile, & unus pastor.

^bH O M I L I A ^b XIV.^c

Habita ad populum in Basilica Beati ^c Petri Apostoli,
Dominica secunda post Pascha.

Pastoribus
si cum Chri-
sto compa-
rentur
quam for-
midandum.

^{1.} **A**Udistis, fratres carissimi, ex lectione Evangelica eruditionem vestram, audistis & periculum nostrum. Ecce enim is qui non ex accidenti dono, sed essentialiter bonus est, dicit: Ego sum pastor bonus. Atque ejusdem bonitatis formam quam nos imitemur, adjungit, dicens: Bonus pastor animam suam ponit pro ovibus suis. Fecit quod monuit, ostendit quod iussit. Bonus pastor pro ovibus suis animam suam posuit, ut in sacramento nostro corpus suum & sanguinem verteret, & oves quas redemerat, carnis suae alimento satiaret. Ostensa nobis est de contemtu mortis via quam sequamur, appo-

sita est forma cui imprimamur. Primum nobis est exteriora nostra misericorditer ovibus ejus impendere: postremum vero, si necesse sit, etiam mortem nostram ^d pro eisdem ovibus ministrare. A primo autem hoc minimo pervenitur ad postremum majus. Sed cum incomparabiliter longe sit melior anima qua vivimus, terrena substantia quam exterius possidemus: qui non dat pro ovibus substantiam suam, quando pro his daturus est animam suam? Et sunt nonnulli, qui dum plus terrenam substantiam quam oves diligunt, merito nomen pastoris perdunt. De quibus protinus subditur: Mercenarius autem, & qui non est

Bb 2 pa-

Christi cor-
pus & san-
guis in sa-
cramento.

^a C. Germ. Belvac. & tres Gemet. discipulis suis.

^b In Corbeienfi est decima octava; in cod. Reg. Sueciae, decima; in Later. vigesima.

^c Editi, beati Petri principis Apostolorum quod abest a miss. In solo Gemet. secundo legitur, Dominica prima post octavam Paschae.

^d C. Germ. pro ejusdem.

pastor, cujus non sunt oves propriae, videt lupum venientem, & dimittit oves, & fugit.

Veri pasto-
ris, & mer-
cenarii
discrimen.

2

Pacis tem-
pore discer-
ni ne-
queunt.

Exch. 13. 5.

2. Non pastor, sed mercenarius vocatur, qui non pro amore intimo oves Dominicas, sed ad temporales mercedes pascit. Mercenarius quippe est, qui locum quidem pastoris tenet, sed lucra animarum non quaerit: terrenis commodis inhiat, honore praelationis gaudet, temporalibus lucris pascitur, impensa sibi ab ^a hominibus reverentia laetatur. Istae sunt etenim mercedes mercenarii, ut pro eo ipso quod in regimine laborat, hic quod quaerit, inveniat, & ab hereditate gregis in posterum alienus existat. Utrum vero pastor sit, an mercenarius, cognosci veraciter non potest, si occasio necessitatis deest. Tranquillitatis enim tempore, plerumque ad gregis custodiam sicut verus pastor, sic etiam mercenarius stat: sed lupus veniens indicat quo quisque animo super gregis custodiam stabat. Lupus etenim super oves venit, cum quilibet injustus & raptor, fideles quosque atque humiles opprimit. Sed is qui pastor esse videbatur & non erat, relinquit oves & fugit: quia dum sibi ab eo periculum metuit, resistere ejus injustitiae non praesumit. Fugit autem non mutando locum, sed subtrahendo solatium. Fugit, quia injustitiam vidit, & tacuit. Fugit, quia se sub silentio abscondit. Quibus bene per Prophetam dicitur: *Non ascendistis ex adverso, neque opposuistis murum pro domo Israel, ut staretis in praelio in die Domini.* Ex adverso quippe ascendere, est quibuslibet potestatibus prave agentibus, rationis libera voce contraire. Et in die Domini pro domo Israel in praelio stamus, ac murum opponimus, si fideles innocentes

contra perversorum injustitiam ex justitiae auctoritate vindicamus. Quod quia mercenarius non facit, cum venientem lupum viderit, fugit.

3. Sed est alius lupus, qui sine cessatione quotidie non corpora, sed mentes dilaniat, malignus videlicet spiritus: qui caulas fidelium insidians circuit, & mortes animarum quaerit. De quo lupo mox subditur: *Et lupus rapit, & dispergit oves.* Lupus venit, & mercenarius fugit; quia malignus spiritus mentes fidelium in tentatione dilaniat, & is qui locum pastoris tenet, curam sollicitudinis non habet. Animae pereunt, & ipse de terrenis commodis laetatur. Lupus rapit & dispergit oves, cum alium ad luxuriam pertrahit, alium ad avaritiam accendit, alium in superbiam erigit, alium per iracundiam dividit; hunc invidia stimulat, illum in fallacia supplantat. Quasi ergo lupus gregem dissipat, cum fidelium populum diabolus per tentationes necat. Sed contra haec mercenarius nullo zelo accenditur, nullo fervore dilectionis excitatur: quia dum sola exteriora commoda requirit, interiora gregis damna negligenter patitur. Unde & mox adjungitur. *Mercenarius autem fugit, quia mercenarius est, & non pertinet ad eum de ovibus.* Sola enim causa est ut mercenarius fugiat, quia mercenarius est. Ac si aperte diceretur; Stare in periculo ovium non potest, qui in eo quod ovibus praest, non oves diligit, sed lucrum terrenum quaerit. Dum enim honorem amplectitur, dum temporalibus commodis laetatur, opponere se contra periculum trepidat, ne hoc quod diligit, amittat. Sed quia Redemptor noster culpas ficti Pastoris innotuit, iterum formam, cui debeamus imitari, ostendit, dicens: *Ego sum*

Satan lupo
rapaci simili.
lis.

Pa-

^a Bigot. ab omnibus.

^a *Pastor bonus . Atque subjungit : ^a Et cognosco oves meas , hoc est diligo , & cognoscunt me mea . Ac si patenter dicat ; Diligentes obsequuntur . Qui enim veritatem non diligit , adhuc minime cognovit .*

Qui perfidem & per amorem , Christum non cognoscunt , non sunt ejus oves .

4. Quia ergo audistis , fratres carissimi , periculum nostrum , pensate in verbis Dominicis etiam periculum vestrum . Videte si oves ejus estis , videte si eum cognoscitis , videte si lumen veritatis scitis . Scitis autem dico , non per fidem , sed per amorem . Scitis dico , non ex credulitate , sed ex operatione . Nam idem ipse qui hoc loquitur Johannes Evangelista testatur , dicens : *Qui dicit ^b se nosse*

^b *Deum , & mandata ejus non custodit , mendax est .* Unde & in hoc loco Dominus protinus subdit : *Sicut novit me Pater , & ego agnosco Patrem , & animam meam pono pro ovibus meis .* Ac si aperte dicat : In hoc constat quia & ego agnosco Patrem , & cognoscor a Patre , quia animam meam pono pro ovibus meis : id est , ea caritate qua pro ovibus morior , quantum Patrem diligam ostendo . Quia vero non solum Judæam , sed etiam Gentilitatem redimere venerat , adjungit : *Et alias oves habeo , quæ non sunt ex hoc ovili : & illas oportet me adducere , & vocem meam audient : & fiet unum ovile , & unus pastor .* Redemptionem nostram , qui ex Gentili populo venimus , Dominus aspexit , cum se adducere & alias oves dicebat . Hoc quotidie fieri , fratres , aspiciatis : hoc ^c reconciliatis Gentibus factum hodie videtis . Quasi enim ex duobus gregibus unum ovile efficit ; quia Judaicum & Gentilem populum in sua fide conjungit ,

Ex Judæis & Gentilibus unus grex fiet .

^c *Paulo attestante , qui ait : Ipse est pax nostra , qui fecit utraque unum .*

^a Corb. Germ. Bellov. duo priores Gemet. & cognosco meas .

^b Belv. & C. Germ. se nosse eum .

^c C. Germ. duo priores Gemet. Bigor. reconciliatis Gentilibus .

Dum enim ad æternam vitam ex utraque natione simplices eligit , ad ovile proprium oves deducit .

5. De quibus profecto ovibus rursum dicit : *Oves meæ vocem meam audiunt , & ego cognosco eas , & sequuntur me , & ego vitam æternam do eis .* De quibus & paulo superius dicit : *Per me si quis introierit , salvabitur , & ingredietur , & egredietur , & pascua inveniet .* Ingreddietur quippe ad fidem , egredietur vero a fide ad ^d speciem , a credulitate ad contemplationem : pascua autem inveniet in æterna refectioe . Oves ergo ejus pascua inveniunt ; quia quisquis illum corde simplici sequitur , æternæ viriditatis pabulo nutritur . Quæ autem sunt istarum ovium pascua , nisi ^e interna gaudia semper virentis paradisi ? Pascua namque electorum sunt , vultus præfens Dei : qui dum sine defectu conspicitur , sine fine mens vitæ cibo satiatur . In istis pascuis de æternitatis satietate lætati sunt , qui jam laqueos voluptuosæ temporalitatis evaserunt . Ibi hymnidici angelorum chori : ibi societas supernorum civium . Ibi dulcis solemnitas a peregrinationis hujus tristiti labore redeuntium . Ibi providi Prophetarum chori : ibi judex Apostolorum numerus : ibi innumerabilium Martyrum victor exercitus , tanto illic lætior , quanto hic durius afflictus : ibi Confessorum constantia , præmii sui perceptione consolata ; ibi fideles viri , quos ^f a virilitatis suæ robore voluptas seculi emollire non potuit : ibi sanctæ mulieres , quæ cum seculo & sexum vicerunt : ibi pueri , qui hic annos suos moribus transcenderunt : ibi senes , quos hic & ætas debiles red-

Marum ovium quæ sunt pascua . Johan. 10. 27.

Ibid. v. 9.

d

e

f

^d 1. Marc. spem .

^e Duo Carn. & Corb. Germ. nisi æterna gaudia . Corb. nisi æterna gaudia , semper-na viriditas paradisi .

^f C. Germ. a viriditatis .

Ad ea festi-
nemus.

reddidit, & virtus operis non reliquit.

a

6. Quæramus ergo, fratres carissimi, hæc pascua, in quibus cum tantorum civium solemnitate gaudeamus. Ipsa nos lætantium festivitas invitet. Certe sicubi populus nundinas celebraret, si ad alicujus Ecclesiæ dedicationem denunciata solemnitate concurreret, festinaremus omnes simul inveniri, & interesse^a unusquisque satageret: gravi se damno afflictum crederet, si solemnitatem communis lætitiæ non videret. Ecce, in cœlestibus electorum civium lætitia agitur, vicissim de se omnes in suo conventu gratulantur: & tamen nos ab amore æternitatis tepidi, nullo desiderio ardemus, interesse tantæ solemnitati non quærimus: privamur

gaudiis, & læti fumus. Accendamus ergo animum, fratres, recalciscat fides in id quod credidit; inardescant ad superna nostra desideria: & sic amare, jam ire est. Ab internæ solemnitatis gaudio nulla nos adversitas revocet: quia & si quis ad locum propositum ire desiderat, ejus desiderium quælibet viæ asperitas non immutat. Nulla nos prosperitas blandiens seducat: quia stultus viator est, qui in itinere amœna prata conspiciens,^b obliviscitur ire quo tendebat. Toto ergo desiderio ad supernam patriam animus anhelet, nil in hoc mundo appetat, quod constat quia citius relinquat: ut cœlestis pastoris veraciter oves sumus, quia in viæ^c delectatione non figimur, æternis pascuis in perventione fatiemur^d

b

c

d

^a Belv. & tres Gemet. interesse tanta solemnitati.

^b C. Germ. tres-Gemet, ac Bigot. obliviscitur quo tendebat.

^c Corb. dilectione.

^d Additur in Belv. præstante Domino nostro Jesu Christo, qui cum Patre & Spiritu sancto vivit & regnat in secula seculorum. Amen. i. Marc. ipso adjuvante, q. v. & r. i. f. S. A.



Lectio Sancti Evangelii secundum Lucam .

Luc. Cap. VIII. v. 4. — 15.

^a **I**N^a illo tempore: Cum turba plurima conveniret, & de civitatibus properarent ad Jesum, dixit per similitudinem: Exiit qui seminat, seminare semen suum. Et dum seminat, aliud cecidit secus viam, & conculcatum est, & volucres celi comederunt illud. Et aliud cecidit supra petram, & natum aruit, quia non habebat humorem. Et aliud cecidit ^b super spinas, & simul exorta spinæ suffocaverunt illud. Et aliud cecidit in terram bonam, & ortum fecit fructum centuplum. Hæc dicens, clamabat: Qui habet aures audiendi, audiat. Interrogant autem eum discipuli ejus, quæ esset hæc parabola. Quibus ipse dixit: Vobis datum est nosse mysterium regni Dei, ceteris autem in parabolis: ut videntes non videant, & audientes non intelligant. Est autem hæc parabola: Semen, est verbum Dei. Quod autem secus viam, hi sunt qui audiunt, deinde venit diabolus, & tollit verbum de corde eorum, ne credentes salvæ fiant. ^c Nam quod supra petram, hi sunt qui cum audierint, cum gaudio suscipiunt verbum. Et hi radices non habent: quia ad tempus credunt, & in tempore tentationis recedunt: Quod autem in spinas cecidit, hi sunt qui audierunt, & a sollicitudinibus, & divitiis, & voluptatibus vitæ, euntessuffocantur, & non referunt fructum. Quod autem cecidit in terram bonam, hi sunt qui in corde bono & optimo audientes verbum retinent, & fructum afferunt in patientia.

HOMILIA XV.

^d Habita ad populum in basilica ^e sancti Pauli ^f Apostoli,
Dominica in Sexagesima.

Sacram
Scripturam
figurare
interpretari,
Christus ipse
nos docuit.

I. Lectio sancti Evangelii, quam modo, fratres carissimi, audistis, expositione non indiget, sed admonitione. Quam enim per semetipsam Veritas exposuit, hanc

discutere humana fragilitas non præsumit. Sed est quod solícite in hac ipsa expositione Dominica pensare debeatis: quia si nos vobis semen verbum, agrum mundum, volucres

^a In Belv. & C. Germ. In illo tempore, dixit Jesus turbis similitudinem hanc. E. xit &c. Sic & 2. Marc.

^b C. Germ. inter spinas.

^c C. Germ. & Bigot. nam qui supra petram qui cum audierunt.

^d Est octava in Corb. & Lateran. & undecima in cod. Reg. Suec.

^e Carnut. sancti Petri.

^f Hæc minime habent C. Germ. Bigot. & duo priores Gemet.

creas dæmonia, spinas divitias significare diceremus; ad credendum nobis mens forsitan vestra dubitaret. Unde & idem Dominus per semetipsum dignatus est exponere quod dicebat, ut sciat is rerum significationes querere in iis etiam, quæ per semetipsum noluit explanare. Exponendo ergo quod dixit, figurate se loqui innotuit: quatenus certos vos redderet, cum vobis nostra fragilitas verborum illius figuras aperiret. Quis enim mihi unquam crederet, si spinas divitias interpretari voluissem; maxime cum illæ pungant, istæ delectent? Et tamen spinæ sunt: quia cogitationum suarum punctiōibus mentem lacerant, & cum usque ad peccatum pertrahunt, quasi inflicto vulnere cruentant. Quas bene hoc in loco alio Evangelista attestante, nequam Dominus divitias, sed fallaces divitias appellat. Fallaces enim sunt, quæ nobiscum diu permanere non possunt: fallaces sunt, quæ mentis nostræ inopiam non expellunt. Solæ autem divitiæ veræ sunt, quæ nos divites virtutibus faciunt. Si ergo, fratres carissimi, divites esse cupitis, veras divitias amate. Si culmen veri honoris queritis, ad cœleste regnum tendite. Si gloriam dignitatum diligitis, in illa superna angelorum curia adscribi festinate.

Divitiæ eorum
spinæ dicuntur.

Verbum
Dei in corde
retinendum.

2. Verba Domini, quæ aure percipitis, mente retinete. Cibis enim mentis est sermo Dei. Et quasi acceptus cibus stomacho languente rejicitur, quando auditus sermo in ventre memoriæ non tenetur. Sed quisquis alimenta non retinet, huius profecto vita desperatur. Æternæ igitur mortis periculum formidate, si cibum quidem sanctæ exhortationis accipitis, sed verba vitæ, id est alimenta iustitiæ in memoria non tenetis. Ecce transit o-

mne quod agitis, & ad extremum iudicium sine ulla momenti interpositione quotidie volentes nolentesque properatis. Cur ergo amatur, quod relinquitur? Cur illud negligitur, quo pervenitur? Mementote quod dicitur: *Si quis habet aures audiendi, audiat*. Omnes enim qui illic aderant, aures corporis habebant. Sed qui cunctis aures habentibus, *Si quis habet aures audiendi, audiat*, dicit; aures proculdubio cordis requirit. Curate ergo, ut acceptus sermo in cordis aure remaneat, Curate, ne semen iuxta viam cadat, ne malignus spiritus veniat, & a memoria verbum tollat. Curate ne petrosa terra semen excipiat, & fructum boni operis sine perseverantiæ radicibus mittat. Multis enim libet quod audiunt, boni operis initia proponunt: sed mox ut fatigari adversitatibus cœperint, incoata derelinquunt. Petrosa ergo terra humorem non habuit; quæ hoc quod germinaverat, ad fructum perseverantiæ non perduxit. Multi namque cum verbum contra avaritiam audiunt, eandem avaritiam detestantur, rerum omnium contemptum laudant: sed mox ut viderit animus quod concupiscat, obliviscitur quod laudabat. Multi cum verbum contra luxuriam audiunt, pollutiones carnis non solum perpetrare non appetunt, sed etiam perpetratas erubescunt: sed mox ut carnis species eorum oculis apparet, sic mens ad desideria rapitur, ac si adhuc ab ea nihil sit contra hæc eadem desideria deliberatum: & damnanda agit, quæ quidquid egisse se meminit, ^a jam & ipsa damnavit. Sæpe etiam contra culpas compungimur, & tamen post sctum ad easdem culpas redimus. Sic Balaam Israelitici populi tabernacula contemplatus flevit, eisque se similem fieri in morte de-

Pater. in
Num. c. 19.

a

po-

^a Germ. & ipse damnavit. 2. Marc. etiam ipse.

Num. 23.
10.
Reg. Past.
Par. 3. c. 30.

poscit, dicens: *Moriatur anima mea morte iustorum, & fiant novissima mea horum similia*; sed mox ut hora compunctionis transiit, in avaritiæ nequitiam exarsit. Nam propter promissa munera, in ejus populi mortem consilium dedit, cujus morti se fieri similem optavit: & oblitus est quod planxerat, cum extinguere noluit quod per avaritiam ardebat.

Solicitudi-
nibus, &
voluptati-
bus, ac di-
vitiis suffo-
catur.

a

3. Notandum vero est, quod exponens Dominus dicit, quia solitudines, & voluptates, & divitiæ suffocant verbum. Suffocant enim, ^a quia importunis cogitationibus suis guttur mentis strangulant: & dum bonum desiderium intrare ad cor non sinunt, quasi aditum flatus vitalis necant. Notandum etiam, quod duo sunt quæ divitiis jungit, solitudines videlicet & voluptates: quia profecto & ^b per curam mentem opprimunt, & per affluentiam resolvunt. ^c Re enim contraria, possessores suos & afflictos & lubricos faciunt. Sed quia voluptas convenire non potest cum afflictione, alio quidem tempore per custodiæ suæ solitudinem affligunt, atque alio per abundantiam ad voluptates emolliunt.

b

c

Nulla bona
opera sine
patientia.

4. Terra autem bona fructum per patientiam reddit: quia videlicet nulla sunt bona quæ agimus, si non æquanimiter etiam proximorum mala toleramus. Quanto enim quisque altius profecerit, tanto in hoc mundo invenit quod durius portet: quia cum a præsentī seculo menti nostræ ^d dilectio deficit, ejusdem seculi adversitas crescit. Hinc est enim quod plerisque cernimus & bona agere, & tamen sub gravi tribulationum fasce defudare. Terrena namque jam desideria fugiunt, & tamen flagellis durioribus fatigantur. Sed juxta vo-

d

a Belv. quia solitudines importunis.

b Duo priores Gemet. & Bigot. per ex-
riofitatem; secundum Carn. per incuriam.

c 2. Marc. Res enim contraria . . . per
abundantiam voluptatis.

Tom. V.

cem Domini fructum per patientiam reddunt: quia cum humiliter flagella suscipiunt, post flagella ad requiem sublimiter suscipiuntur. Sic uva calcibus tunditur, & in vini saporem liquatur. Sic oliva ^e contusionibus expressa amurcam suam deferit, & in olei liquorem pinguescit. Sic per trituram aræ, a paleis grana separantur, & ad horreum purgata perveniunt. Quisquis ergo appetit plene vitia vincere, studeat humiliter purgationis suæ flagella tolerare: ut tanto post ad judicem mundior veniat, quanto nunc ejus rubiginem ignis tribulationis purgat.

c

5. In ea porticu, quæ euntibus ad Ecclesiam beati Clementis est pervia, fuit quidam Servulus nomine, quem multi vestrum mecum noverunt, rebus pauper, meritis dives, quem longa ægritudo dissolverat. Nam a primæva ætate usque ad finem vitæ paralyticus jacebat. Quid dicam quia stare non poterat? qui nunquam in lecto suo surgere vel ad sedendum valebat: nunquam manum suam ad os ducere: nunquam se potuit in latus aliud declinare. Huic ad serviendum mater cum fratre aderat, & quidquid ex eleemosyna potuisset accipere, hoc eorum manibus pauperibus erogabat. Nequaquam litteras noverat, sed Scripturæ sacræ sibimet codices emerat, & religiosos quosque in hospitalitate suscipiens, coram se legere sine intermissione faciebat. Factumque est ut quantum ad mensuram propriam, plene sacram Scripturam disceret; cum, sicut dixi, litteras funditus ignoraret. Studebat in dolore semper gratias agere, hymnis Deo & laudibus diebus ac noctibus.

Patientiæ
species in
Servulo.

d Bigot. duo priores Gemet. Longip. &
Val cl. delectatio. Sic & in 2. Marcian.

e C. Germ. Corb. & plur. contritionibus.
Concordat 2. Marc.

C c

^a
Ad mor-
tem, psal-
morum de-
cantatione,
se prepa-
rat.

^b

Quæ ipsius
obitum se-
cura sint
miracula.

^c

atibus vacare. Sed cum jam tem-
pus esset, ut tanta ejus patientia re-
munerari debuisset, membrorum ^a
dolor ad vitalia rediit. Cumque se
jam morti proximum agnovit, pere-
grinos viros atque in hospitalitate
susceptos admonuit ut surgerent, &
cum eo psalmos pro exspectatione
exitus sui decantarent. Cumque
cum eis & ipse moriens psalleret,
voces psallentium repente compe-
scuit, cum terrore magni clamor-
is, dicens: ^b Tacete; numquid non
auditis, quantæ resonant laudes in
cælo? Cumque ad eandem laudes,
quas intus audierat, aurem cordis
intenderet, sancta illa anima a car-
ne soluta est. Sed exeunte illa,
tanta illic fragrantia odoris aspersa
est, ut ^c omnes illi qui aderant,
inæstimabili suavitate replerentur:
ita ut per hoc patenter agnosce-
rent, quod eam laudes in cælo su-
scepissent. Cui rei monachus noster
interfuit, qui nunc usque vivit, &
cum magno fletu attestari solet,
quia quousque corpus ejus sepultu-
ræ traderetur, ab eorum naribus
odoris illius fragrantia non recessit.

Ecce quo fine ex hac vita exiit,
qui in hac vita æquanimiter flagel-
la toleravit. Juxta vocem ergo Do-
minicam, bona terra fructum per
patientiam reddidit, quæ exarata
disciplinæ vomere, ad remuneratio-
nis segetem pervenit. Sed vos ro-
go, fratres carissimi, attendite quod
excusationis argumentum illo distri-
cto judicio habituri sumus nos,
qui a bono opere torpentes, & res
& manus accepimus, si præcepta
Dominica egenus & sine manibus ^d
impleverit. Non contra nos Domi-
nus tunc Apostolos ostendat, qui
ad regnum secum turbas fidelium
prædicando traxerunt: non contra
nos Martyres exhibeat, qui ad cœ-
lestem patriam sanguinem funden-
do pervenerunt. Quid tunc dicturi
sumus, cum hunc de quo locuti su-
mus, Servulum viderimus, cui
longus languor brachia tenuit, sed
tamen hæc a bono opere non liga-
vit? Hæc vobiscum, fratres, agi-
te, sic vos ad studium boni operis
instigate: ut cum bonos vobis mo-
do ad imitandum proponitis, eo-
rum consortes tunc esse valeatis.

^a Secundus Carn. calor.

^b 2. Marc. Tacete Tacete.

^c Turon. & Longip. omnes qui illic a-

derant.

^d Excusi, potuit implere.



Lectio Sancti Evangelii secundum Matthæum.

Matth. Cap. IV. v. 1. — 11.

IN illo tempore: Ductus est Jesus in desertum a Spiritu, ut tentaretur a diabolo. Et cum jejunasset quadraginta diebus, & quadraginta noctibus, postea esuriit. Et accedens tentator, dixit ei: Si filius Dei es, dic ut lapides isti panes fiant. Qui respondens, ^a dixit: Scriptum est: Non in solo pane vivit homo, sed in omni verbo quod procedit de ore Dei. Tunc assumpsit eum diabolus in sanctam civitatem, & statuit eum supra pinnaculum templi, & dixit ei: Si filius Dei es, mitte te deorsum. Scriptum est enim: Quia angelis suis mandavit de te, & in manibus tollent te, ne forte offendas ad lapidem pedem tuum. ^b Ait illi Jesus: Rursum scriptum est: Non tentabis Dominum Deum tuum. Iterum assumpsit eum diabolus in montem excelsum valde, & ostendit ei omnia regna mundi, & gloriam eorum, & dixit illi: Hec omnia tibi dabo, si cadens adoraveris me. Tunc dicit ei Jesus: Vade satana. Scriptum est enim: Dominum Deum tuum adorabis, & illi soli servies. Tunc reliquit eum diabolus: & ecce angeli accesserunt, & ministrabant ei.

HOMILIA XVI.

Habita ad populum in basilica ^d S. Johannis, quæ dicitur Constantiniana, ^e Dominica prima in Quadragesima.

Christus
tentationes
nostras su-
peratus
in se susce-
pit.

^f **I** Dubitari a quibusdam solet, a quo spiritu sit Jesus ductus in desertum, propter hoc quod subditur: Assumpsit eum diabolus in sanctam civitatem. Et rursum: Assumpsit eum in montem excelsum ^g valde. Sed vere & absque ulla

quæstione convenienter accipitur, ut a sancto Spiritu in desertum ductus credatur: ut illuc eum suus Spiritus duceret, ubi hunc ad tentandum malignus spiritus inveniret. Sed ecce, cum dicitur Deus homo vel in excelsum montem, vel in

Cc 2 fan-

^a Belvac. & Corb. Germ. dixi ei.
^b Idem codices, ait illi iterum Jesus.
^c Est decima in codd. Lateran. & Corb.
^{ac} in cod. Reg. Sueciæ duodecima.

^d Cod. Later. in basilica S. Salvatoris qua app. Constantiniana; duo priores Gemet. S. Salvatoris in Lateranensi.

^e Cod. Reg. Suec. die Dominica initium

quadragesima. Desiderantur in Belv. C. Germ. primo & tertio Gemet. Dominica &c.

^f Abest, valde, a C. Germ. & tribus Gemet. Et a 2. Marc.

^g Bigot. & duo priores Gemet. dubitatione.

sanctam civitatem a diabolo assumptus, mens refugit, humanæ hoc audire aures expavescunt. Qui tamen non esse incredibilia ista cognoscimus, si in illo & alia facta pensamus. Certe iniquorum omnium caput diabolus est, & hujus capituli membra sunt omnes iniqui. An non diaboli membrum fuit Pilatus? An non diaboli membra Judæi persequentes, & milites crucifigentes Christum fuerunt? Quid ergo mirum si se ab illo permisit in montem duci, qui se pertulit etiam a membris illius crucifigi? Non est ergo indignum Redemptori nostro quod tentari voluit, qui venerat occidi. Justum quippe erat, ut sic tentationes nostras suis tentationibus vinceret, sicut mortem nostram venerat sua morte superare. Sed sciendum nobis est, quia tribus modis tentatio agitur, suggestione, delectatione, & consensu. Et nos cum tentamur, plerumque in delectationem, aut etiam in consensum labimur: quia de carnis peccato propagati, in nobisipsum etiam gerimus unde certamina toleremus. Deus vero, qui in utero Virginis incarnatus, in mundum sine peccato venerat, nihil contradictionis in semetipso tolerabat. Tentari ergo per suggestionem potuit, sed ejus mentem peccati delectatio non momordit. Atque ideo omnis diabolica illa tentatio foris non intus fuit.

Tres tentationis gradus.

In primo tentatio Christi.

Tribus tentationibus superatus, primus Adam.

Pater. in Gen. 6. 16.

2. Sed si ipsum ordinem tentationis ejus aspiciamus, pensemus quanta magnitudine nos a tentatione liberamur. Antiquus hostis contra primum hominem parentem nostrum in tribus se tentationibus erexit: quia hunc videlicet gula, vana gloria, & avaritia tentavit: sed tentando superavit, quia sibi

eum per consensum subdidit. Ex gula quippe tentavit, cum cibum ligni vetitum ostendit, atque ad comedendum suavit. Ex vana autem gloria tentavit, cum diceret: *Eritis sicut dii*. Et ex provectu avaritiæ tentavit, cum diceret: *Scientes bonum & malum*. Avaritia enim non solum pecuniæ est, sed etiam altitudinis. Recte enim avaritia dicitur, cum supra modum sublimitas ambitur. Si enim non ad avaritiam honoris rapina pertineret, nequaquam Paulus de unigenito Dei Filio diceret: *Non rapinam arbitratus est, se esse æqualem Deo*. In hoc autem diabolus parentem nostrum ad superbiam traxit, quod eum ad avaritiam sublimitatis excitavit.

Gen. 3. 5.

Phil. 2. 6.

3. Sed quibus modis primum hominem stravit, eisdem modis a secundo homini tentato succubuit. Per gulam quippe tentat, cum dicit: *Dic ut lapides isti panes fiant*. Per vanam gloriam tentat, cum dicit: *Si filius Dei es, mitte te deorsum*. Per sublimitatis avaritiam tentat, cum regna omnia mundi ostendit, dicens: *Hec omnia tibi dabo, si procidens adoraveris me*. Sed eisdem modis a secundo homine vincitur, quibus primum hominem se vicisse gloriabatur: ut a nostris cordibus ipso aditu captus exeat, quo nos aditu intromissus tenebat. Sed est aliud, fratres carissimi, quod in hac tentatione Dominica considerare debemus: quia tentatus a diabolo Dominus sacri eloquii præcepta respondit, & qui eo verbo quod erat, tentatorem suum mergere in abyssum poterat, virtutem suæ potentiæ non ostendit, sola divinæ Scripturæ præcepta dedit; quatenus suæ nobis patientiæ præberet exemplum, ut quoties a pravis hominibus

In totidem Christus vincit.

a

b

c

Quibus armis.

a Corb. Germ. & primus Carn. a secundo homine tentato succubuit. Convenit & 2. Marc.

b 2. Marc. temptavit ubique.

c Primus Carn. per sublimitatem avaritiæ.

bus aliquid patimur, ad doctrinam excitemur potius, quam ad vindictam. Pensate quanta est patientia Dei, & quanta impatientia nostra. Nos si injuriis, aut aliqua læsione provocamur, furore permoti, aut quantum possumus nosmetipsos ulciscimur, aut quod non possumus, facere minamur. Ecce adversitatem diaboli Dominus pertulit, & nihil ei nisi mansuetudinis verba respondit. Portat, quem punire poterat, ut hoc ^a in laudem ejus altius crederet, si hostem suum non extinguendo, sed interim patiando superaret.

In Christi una persona duæ naturæ.

4. Notandum vero quod subditur, quia recedente diabolo, angeli ministrabant ei. Ex qua re quid aliud, quam unius personæ utraque natura ostenditur? Quia & homo est quem diabolus tentat, & idem ipse Deus est, cui ab angelis ministratur. Cognoscamus igitur in eo naturam nostram: quia nisi hunc diabolus hominem cerneret, non tentaret. Veneremur in illo divinitatem suam: quia nisi super omnia Deus existeret, ei nullo modo angeli ministrarent.

Cur quadraginta dierum jejunium institutum.

5. Sed quia his diebus lectio congruit: nam quadraginta dierum abstinentiam nostri Redemptoris audivimus, qui Quadragesimæ tempus incoamus; discutiendum nobis est, cur hæc ipsa abstinentia per quadraginta dierum numerum custoditur. Moyses enim ut Legem acciperet, secundo diebus quadraginta jejunavit. Elias in deserto quadraginta diebus abstinuit. Ipse auctor hominum ad homines veniens, in quadraginta diebus nullum omnino cibum sumsit. Nos quoque, in quantum possumus, annuo Quadragesimæ tempore carnem nostram per abstinentiam affligere conemur. Cur

ergo in abstinentia quadragenarius numerus custoditur, nisi quia virtus Decalogi per libros quatuor sancti Evangelii impletur? Denarius etenim quater ductus, in quadragenarium surgit: quia tunc Decalogi mandata perficimus, cum profecto quatuor libros sancti Evangelii custodimus. Ex qua re sentiri & aliud potest. In hoc enim mortali corpore ex quatuor elementis subsistimus, & per voluptates ejusdem corporis, præceptis Dominicis contrahimus. Præcepta autem Dominica per Decalogum sunt accepta. Quia ergo per carnis desideria Decalogi mandata contempsimus, dignum est ut eandem carnem quaterdecies affligamus. Quamvis de hoc Quadragesimæ tempore est adhuc aliud quod possit intelligi. A præsentis etenim die usque ^b ad Paschalis solemnitatis gaudia sex hebdomadæ veniunt: quarum videlicet dies quadraginta duo fiunt. Ex quibus dum sex dies Dominici ab abstinentia subtrahuntur, non plus in abstinentia quam triginta & sex dies remanent. Dum vero per trecentos & sexaginta quinque dies annus ducitur, nos autem per triginta & sex dies affligimur, quasi anni nostri decimas Deo damus: ut qui nobismetipsis per acceptum annum viximus, ^c auctori nostro nos in ejus decimis per abstinentiam mortificemus. Unde, fratres carissimi, sicut offerre in Legge jubemini decimas rerum, ita ei offerre contendite & decimas dierum. Unusquisque in quantum virtus suppetit, carnem maceret, ejusque desideria affligat, concupiscentias turpes interficiat, ut juxta Pauli vocem, hostia viva fiat. Hostia quippe & immolatur & viva est, quando & ab hac vita homo non deficit, & ^d tamen se a carnalibus deside-

^b A quadragesimali jejunio exceptæ Dominicæ.

^c

^d

^a Idem cod. in laudem gloria ejus.

^b Idem, ad præsentis solemnitatis.

^c Longp. auctori nostro, & intra, auctor

etenim mort.

^d Duo priores Germ. & tamen in se carnalia desideria occurr.

sideriis occidit. Caro nos læta traxit ad culpam, afflicta reducat ad veniam. Auctor etenim mortis nostræ, per fructum ligni vetiti, vitæ præcepta transgressus est. Qui ergo a paradisi gaudiis per cibum cecidimus, ad hæc in quantum possumus, per abstinenciam resurgamus.

Jejunium
elemosynæ
comitetur.

Isai. 58. v. 6.
& 7.

6. Sed nemo sibi eandem abstinenciam solam credat posse sufficere, cum per Prophetam Dominus dicat: *Nonne hoc est magis jejunium quod elegi? subiciens: Frange esurienti panem tuum, & egenos, vagosque induc in domum tuam: cum videris nudum, operi eum, & carnem tuam ne despexeris.* Illud ergo jejunium Deus approbat, quod ad ejus oculos manus elemosynarum levat, quod cum proximi dilectione agitur, quod ex pietate conditur. Hoc ergo quod tibi subtrahis, alteri largire: ut unde tua caro affligitur, inde egentis proximi caro reparetur. Hinc etenim per Prophetam Dominus dicit: *Cum jejunaretis & plangeretis, numquid jejunium jejunastis mihi? Et cum comeditis, & bibitis, numquid non vobis comeditis, & vobismetipsis bibitis?* Sibi enim comedit & bibit,

Zach. 7. v.
5. & 6.

Pater. in
Joel. c. 3.


qui alimenta corporis, quæ sunt communia dona Conditoris, sine indigentibus percipit. Et sibi quisque jejunat, si ea quæ sibi ad tempus subtrahit, non pauperibus tribuit, sed ventri postmodum offerenda custodit. Hinc per Joëlem dicitur *Sanctificate jejunium*. Jejunium quippe sanctificare, est, adjunctis bonis aliis, dignam Deo abstinenciam carnis ostendere. Cesset ira, sopiantur jurgia. In cassum enim caro atteritur, si a pravis suis voluptatibus animus non refrenatur, cum per Prophetam Dominus dicat: *Ecce in die jejunii vestri invenitur voluntas vera. Ecce ad lites & contentiones jejunastis, & percutitis pugno impie, & omnes debitores vestros repetitis.* Neque enim ^a qui a debitore suo hoc quod dedit, repetit, aliquid injustum facit: sed dignum est ut quisque se in pœnitentia macerat, etiam hoc quod sibi juste competit, interdicit. Sic sic nobis afflictis & pœnitentibus a Deo dimittitur quod injuste egimus, si pro amore illius & hoc quod nobis juste competit, relaxemus.

Joel. 1. 14.
& 2. 15.

Isai. 58. 5.

a

a C. Germ. qui debitorem suum. Ita & 2. Marc.



Lectio sancti Evangelii secundum Lucam .

Lucæ Cap. X. v. 1. — 9.

^a **I**N illo tempore: Designavit ^a Dominus & alios septuaginta duos ,
^b misit illos binos ante faciem suam in omnem civitatem & lo-
 cum , quo erat ipse venturus . Et dicebat illis : Messis quidem mul-
 ta , operarii autem pauci . Rogate ergo dominum messis , ut mittat
 operarios in messem suam . Ite : ecce ego mitto vos sicut agnos inter
 lupos . Nolite portare sacculum , neque peram , neque calceamenta :
 & neminem per viam salutaveritis . In quamcumque domum intra-
 veritis , primum dicite : Pax huic domui . Et si ibi fuerit filius
 pacis , requiescet super illum pax vestra : sin autem , ad vos rever-
 tetur . In eadem autem domo manete , edentes , & bibentes quæ apud
 illos sunt . Dignus est enim operarius mercede sua .
 & susceperint vos , manducate quæ apponuntur vobis : & curate in-
 firmos qui in illa sunt , & dicite illis : Appropinquavit in vos re-
 gnum Dei .

H O M I L I A . XVII.

^d Habita ad Episcopos in fontes Lateranensium .

Duo sunt
 caritatis
 præcepta .

^a **D**ominus & Salvator noster ,
 fratres carissimi , aliquan-
 do nos sermonibus , aliquando vero
 operibus admonet . Ipsa etenim fa-
 cta ejus , præcepta sunt : quia dum
 aliquid tacitus facit , quid agere
 debeamus , innotescit . Ecce enim
 binos in prædicationem discipulos
 mittit : quia duo sunt præcepta ca-
 ritatis , Dei videlicet amor , & pro-
 ximi : & minus quam inter duos ,

caritas haberi non potest . Nemo
 enim proprie ad semetipsum habe-
 re caritatem dicitur , sed dilectio in
 alterum tendit , ut caritas esse pos-
 sit . Binos ad prædicandum discipu-
 los Dominus mittit , quatenus hoc
 nobis tacitus innuat , quia qui ca-
 ritatem erga alterum non habet ,
 prædicationis officium suscipere nul-
 latenus debet .

2. Bene autem dicitur , quia mi-
 sit

Viam
 Christo præ-
 dicatores
 parant .

^a Belvac. designavit Jesus .

^b Hæc , usque ad , & in quam . &c. de-
 sunt in Belv. & C. Germ.

^c In Corb. est trigesima sexta , in Late-
 ran. 34. in cod. Reg. Suec. 13.

^d Sic titulum restituiimus ex mss. Lateran.
 Reg. Suec. Corb. Gerin. Bigot. &c. Duo
 priores Gemet. habent tantum , in conventu

episcoporum . In editis legitur : *habita ad
 populum in basilica Lateranensi , de Aposto-
 lis* . Verum hanc homiliam habitam esse ad
 Episcopos congregatos liquet maxime ex m.
 13. & seq. Sane hic multa legantur in li-
 bro Reg. Past. jam d. ita . Maur. Vide quæ
 diximus in Notis ad præfationem . E. V.

fit eos ante faciem suam in omnem civitatem & locum, quo erat ipse venturus. Prædicatores enim suos Dominus sequitur: quia prædicatio prævenit, & tunc ad mentis nostræ habitaculum Dominus venit, quando verba exhortationis præcurrunt, atque per hæc veritas in mente suscipitur. Hinc namque eisdem prædicatoribus Isaïas dicit: *Parate viam Domini, rectas facite semitas Dei nostri*. Hinc illis Psalmista ait: *Iter facite ei, qui ascendit super occasum*. Super occasum namque Dominus ascendit; quia unde in passione occubuit, inde maiorem suam gloriam resurgendo manifestavit. Super occasum videlicet ascendit: quia mortem quam pertulit, resurgendo calcavit. Ei ergo qui ascendit super occasum, iter facimus, cum nos ejus gloriam vestris mentibus prædicamus, ut eas & ipse post veniens, per amoris sui præsentiam illustret.

Pauci sunt qui hoc officium rite implent.

a

Et si sacerdotibus plenus sit mundus.

3. Missis autem prædicatoribus, quid dicat audiamus: *Messis quidem multa, operarii autem pauci*. Rogate ergo dominum messis, ut mittat operarios in messem suam. ^a Ad messem multam operarii pauci sunt, quod sine gravi mœrore loqui non possumus: quia etsi sunt qui bona audiant, defunt qui dicant. Ecce mundus sacerdotibus plenus est, sed tamen in messe Dei rarus valde invenitur operator: quia officium quidem sacerdotale suscepimus, sed opus officii non implemus. Sed pensate, fratres carissimi, pensate quod dicitur: *Rogate dominum messis, ut mittat operarios in messem suam*. Vos pro nobis petite, ut digna vobis operari valeamus, ne ab exhortatione lingua torpeat, ne postquam prædicationis locum suscepimus, apud justum judicem no-

stra nos taciturnitas addicat. Sæpe enim pro sua nequitia, prædicantium lingua restringitur: sæpe vero ex subjectorum culpa agitur, ut eis qui præsumt, prædicationis sermo subtrahatur. Ex sua quippe nequitia prædicantium lingua restringitur, sicut Psalmista ait: *Peccatori autem dixit Deus: Quare tu enarras justitias meas?* Et rursus ex vitio subjectorum, vox prædicantium prohibetur, sicut ad Ezechielem Dominus dicit: *Linguam tuam adhærescere faciam palato tuo, & eris mutus, nec quasi vir objurgans: quia domus exasperans est*. Ac si aperte dicat: Idcirco tibi prædicationis sermo tollitur, quia dum me in suis actibus plebs exasperat, non est digna cui exhortatio veritatis fiat. Ex cujus ergo vitio prædicatori sermo subtrahatur, non facile cognoscitur. Quia vero Pastoris taciturnitas aliquando sibi, semper autem subjectis noceat, certissime scitur.

Quod vel prædicatorum, vel auditorum culpa fit.

Pf. 49. 15.

Ezech. 3. 26.

Pater. in Ezech. c. 10.

4. Sed utinam si ad prædicationis virtutem non sufficimus, loci nostri officium in innocentia vitæ teneamus. Nam subditur: *Ecce ego mitto vos sicut agnos inter lupos*. Multi autem cum regiminis ^b jura suscipiunt, ad lacerandos subditos inardescunt: terrorem potestatis exhibent, & quibus prodesse debuerant, nocent. Et quia caritatis viscera non habent, domini videri appetunt, patres se esse minime recognoscunt: humilitatis locum in elationem dominationis immutant: & si quando extrinsecus blandiuntur, intrinsecus sæviunt. De quibus alias Veritas dicit: *Veniunt ad vos in vestimentis ovium, intrinsecus autem sunt lupi rapaces*. Contra quæ omnia considerandum nobis est, quia sicut agni inter lupos mittimur, ut sen-

Pastores qui domini nos se potius quam patres exhibent objurgantur.

b

Matth. 7. 15.

^a C. Germ. Turon. Corb. Belvac. at messis multa, sed operarii sunt pauci. 3. Marc. Nam messis m. o. autem p. sunt, quia

quod.

^b Belvac. Turon. C. Germ. curam suscipiunt. Sic & 3. Marc.

sum servantes innocentiae, morsum malitiae non habeamus. Qui enim locum praedicationis suscipit, mala inferre non debet, sed tolerare: ut ex ipsa sua mansuetudine iram savientium mitiget, & peccatorum vulnera in aliis ipse afflictionibus vulneratus sanet. Quem & si quando zelus rectitudinis exigit ut erga subiectos saviat, furor ipse de amore sit, non de crudelitate: quatenus & jura disciplinae foris exhibeat, intus paterna pietate diligat, quos foris quasi insequendo castigat. Quod tunc bene Rector exhibet, cum ^a seipsum diligere per amorem privatum nescit, cum nulla quae mundi sunt, appetit; cum terrenae cupiditatis oneribus nequaquam mentis colla supponit.

5. Unde & subditur: *Nolite portare sacculum, neque peram, neque calceamenta: & neminem per viam salutaveritis.* Praedicatori etenim tanta debet in Deo esse fiducia, ut praesentis vitae sumtus quamvis non provideat, tamen sibi hos non deesse certissime sciat: ne dum mens ejus occupatur ad temporalia, minus aliis provideat aeterna. Cui etiam per viam neminem salutare conceditur, ut sub quanta festinatione ^b iter praedicationis pergere debeat, ostendatur. Quae si quis verba etiam per allegoriam velit intelligi, in sacculo pecunia clausa est: pecunia vero clausa, est sapientia occulta. Qui igitur sapientiae verbum habet, sed hoc erogare proximo negligit, quasi pecuniam in sacculo ligatam tenet. Unde scriptum est: *Sapientia abscondita, & thesaurus occultus, quae utilitas in utrisque?* Quid vero per

peram, nisi onera seculi: & quid hoc loco per calceamenta, nisi mortuorum operum exempla signantur? Qui ergo officium praedicationis suscipit, dignum non est ut onus secularium negotiorum portet: ne dum hoc ejus colla deprimit, ad praedicanda caelestia non assurgat. Nec debet stultorum operum exempla conspiciere, ne sua opera quasi ex mortuis pellibus credat munire. Sunt etenim multi, qui pravitatem suam ex alienis pravitatibus tuentur. Quia enim alios talia fecisse considerant, se haec facere licenter putant. Hi quid aliud faciunt, nisi pedes suos ex mortuorum animalium munire pellibus conantur? Omnis vero qui salutem in via, ex occasione salutis itineris, non ex studio optandae ejusdem salutis. Qui igitur non amore aeternae patriae, sed praemiorum ambitu salutem audientibus praedicat, quasi in itinere salutem: quia ex occasione, & non ex intentione, salutem audientibus exoptat.

6. Sequitur: *In quamcumque domum intraveritis, primum dicite: Pax huic domui. Et si ibi fuerit filius pacis, requiescet super illum pax vestra: sin autem, ad vos revertetur.* Pax, quae ab ore praedicatoris offertur, aut requiescit in domo, si in ea filius pacis fuerit, aut ad eundem praedikatorem revertitur; quia aut erit quisque praedestinatus ad vitam, & caeleste verbum sequitur, quod audit: aut si nullus audire voluerit, ipse praedicator sine fructu non erit: quia ad eum pax revertitur, quoniam ei a Domino pro ^d labore sui operis merces recompensatur.

7. Ec-

^a Turon. C. Germ. Longip. seipse diligere.

^b C. Germ. primus Gemet. & Bigot. in iter; Longip. & Val-cl. in itinere. Primus Carnot. itinere. 3. Marc. iter ... peragere.

^c C. Germ. tres Gemet. & Longip. super illam, nempe, domum: 3. Marc. super illa.

^d Belvac. Longip. Val-cl. pro labore sui operis recompensatur.

Onus negotiorum secularium fugiat.

Aliorum qui stulte agunt exemplo non se muniat.

Pax a praedicatoris oblata nunquam effecta caret.

c

d

Szviendum aliquando ex amore.

A cupiditate sic alienus qui praedicandi munus suscipit.

Eccli. 41. 17.

Prædicato-
ris stipen-
dia tempo-
ralia.

7. Ecce autem qui peram & fac-
culum portare prohibuit, sumtus &
alimenta ex eadem prædicatione con-
cedit. Nam subditur: *In eadem au-
tem domo manete, edentes & biben-
tes quæ apud illos sunt. Dignus est
enim operarius mercede sua.* Si pax
nostra recipitur, dignum est ut in
eadem domo maneamus, edentes &
bibentes quæ apud illos sunt: ut ab
eis terrena stipendia consequamur,
quibus præmia patriæ cœlestis offer-
rimus. Unde etiam Paulus hæc ipsa
pro minimo suscipiens, dicit: *Si
nos vobis spiritualia seminavimus,*^a
*magnum est si vestra carnalia meta-
mus?* Et notandum quod subditur:
Dignus est operarius mercede sua:
quia jam de mercede sunt operis
ipsa alimenta sustentationis; ut hic
merces de labore prædicationis in-
coctur, quæ illic de veritatis vi-
sione perficitur; Qua in re^b conside-
randum est, quod uni nostro operi
duæ mercedes debentur: una in via,
altera in patria: una quæ nos in la-
bore sustentat, alia quæ nos in re-
surrectione remunerat. Merces ita-
que quæ in præsentî accipitur, hoc
in nobis debet agere, ut ad sequen-
tem mercedem robustius tendatur.
Verus ergo quisque prædicator non
ideo prædicare debet, ut in hoc
tempore mercedem recipiat, sed i-
deo mercedem recipere, ut prædi-
care subsistat. Quisquis namque i-
deo prædicat, ut hic vel laudis
vel muneris mercedem recipiat, æ-
terna proculdubio mercede se pri-
vat. Quisquis vero^c vel ea quæ
dicit, ideo placere hominibus ap-
petit, ut dum placet quod dicitur,
per eadem dicta non ipse, sed Do-
minus ametur: vel idcirco terrena
stipendia in prædicatione consequi-

tur, ne a prædicationis voce per
indigentiam lassetur: huic procul-
dubio ad recipiendam mercedem nil
obstat in patria, quia sumtus sum-
sit in via.

8. Sed quid nos (quod tamen
sine dolore dicere non possum)^d quid nos, o Pastores,^d agimus,
qui & mercedem consequimur, &
tamen operarii nequaquam sumus?
Fructus quippe sanctæ Ecclesiæ in
stipendio quotidiano percipimus, sed
tamen pro æterna Ecclesiâ minime
in prædicatione laboramus. Pense-
mus cujus damnationis sit, sine la-
bore hic percipere mercedem labo-
ris. Ecce ex oblatione fidelium vi-
vimus,^e sed quid pro animabus
fidelium laboramus? Illa in stipen-
dium nostrum sumimus, quæ pro
redimendis peccatis suis fideles ob-
tulerunt; nec tamen contra peccata
eadem vel orationis studio, vel præ-
dicationis, ut dignum est, infuda-
mus. Vix pro culpa sua quempiam
aperta voce reprehendimus. Et ad-
huc (quod est gravius) aliquando
si persona in hoc mundo potens
sit, ejus forsitan errata laudantur,
ne si adversetur, per iracundiam
munus subtrahat quod impendebat.
Sed debemus sine cessatione memi-
nisse quod de quibusdam^f scriptum
est: *Peccata populi mei comedent.*
Cur autem peccata populi comedere
dicuntur, nisi quia peccata delin-
quentium sovent, ne temporalia
stipendia amittant? Sed & nos qui
ex oblationibus fidelium vivimus,
quas illi pro peccatis suis obtule-
runt, si^g comedimus & tacemus,
eorum proculdubio peccata manduca-
mus. Pensemus, ergo, cujus sit
apud Deum criminis, peccatorum
pretium manducare, & nihil con-
tra

Pastores
inertes arguuntur.
d

Pater. in
Osee. c. 4.
e

Qui nec
orationi
nec prædi-
cationi in-
cumbunt.

Potentibus
blandiuntur & adu-
lantur.
Osee. 4. 2.
f

g

^a Duo post. Gemet. *magnum non est si.*
In 3. Marc. *dignum est ut nostra cara.*

^b Marc. *considerandum nobis est, quod
in via divini operis dua &c.*

^c 3. Marc. *per ea... quod dicit.*

^d Restituimus, *agimus*, ex mil. & vet.

excusis. Desideratur in recent.

^e C. Germ. & duo post. Gemet. *sed
numquid pro &c.* 3. Marc. *sed minus.*

^f 3. Marc. *In Osee.*

^g Corb. Germ. Belv. & primus Gemet.
comederunt; duo alii Gemet. *comedunt.*

*Ioh. 31. v.
38. & 39.*

tra peccata prædicando agere . Audimus quid beati Job voce dicitur : *Si adversum me terra mea clamat , & cum ipsa sulci ejus deflent , si fructus ejus comedi absque pecunia .* Terra enim contra possessorem suum clamat , quando contra Pastorem suum juste Ecclesia murmurat . Cujus etiam sulci deflent , si corda audientium , quæ a præcedentibus sunt patribus prædicationis voce & vigore invectionis exarata , vident aliquid quod lugeant de vita Pastoris . Cujus videlicet terræ fructus possessor bonum sine pecunia non manducat : quia discretus Pastor prærogat talentum verbi , ne ad damnationem suam de Ecclesia stipendium sumat alimenti . Tunc enim de terra nostra cum pecunia fructus comedimus , quando sumentes ecclesiastica subsidia , in prædicatione laboramus . Præcones namque venturi judicis sumus . Quis ergo venturum a judicem nuntiet , si præco tacet ?

2
Præcipua
Pastorum
munia re-
cententur .

9. Proinde considerandum nobis est , ut , in quantum valet quisque , in quantum sufficit , & terrorem venturi judicii , & dulcedinem regni susceptæ Ecclesiæ insinuare contendat . Et qui una eademque exhortationis voce non sufficit simul cunctos admonere , debet singulos , in quantum valet , instruere , privatis locutionibus ædificare , exhortatione simplici fructum in filiorum suorum cordibus quærere . Debemus namque pensare continuo quod sanctis Apostolis dicitur , & per Apostolos nobis : *Vos estis sal terræ* . Si ergo sal sumus , condire mentes fidelium debemus . Vos igitur qui Pastores estis , pensate quia Dei animalia pascitis . De quibus profecto animalibus Deo per Psalmistam dicitur : *Animalia tua habitabunt in ea* . Et sæpe videmus , quod petra

*Matth. 5.
13.*

Psalm. 67. 12.

salis brutis animalibus ponitur ,^b ut eandem salis petram lambere debeant , & meliorari . Quasi ergo inter bruta animalia petra salis debet esse sacerdos in populis . Curare namque^c sacerdotem necesse est , quæ singulis dicat , unumquemque qualiter admoneat : ut quisquis sacerdoti jungitur , quasi ex salis tactu , æternæ vitæ sapore condidatur . Sal etenim terræ non sumus , si corda audientium non condimus . Quod profecto condimentum ille veraciter proximo impendit , qui prædicationis verbum non subtrahit .

Aliis exemplo sint
in compunctione .

10. Sed tunc vere aliis recta prædicamus , si dicta rebus ostendimus , si nos ipsi divino amore compungimur , & humanæ vitæ , quæ sine culpa transire nequaquam potest , quotidianas lacrymis maculas lavamus . Tunc autem de nobis vere compungimur , si studiose patrum præcedentium facta pensamus , ut ex conspecta illorum gloria , in nostris nobis oculis nostra vita fordescat . Tunc vere compungimur , cum præcepta Domini studiose perscrutamur , & per hæc proficere ipsi contendimus , per quæ jam profecisse novimus quos veneramur . Hinc est enim quod de Moyse scriptum est : *Posuit & labrum æneum in quo lavarentur Aaron & filii ejus , cum ingrederentur in sancta Sanctorum , quod fecit de speculis mulierum quæ excubabant in ostio tabernaculi* . Labrum quippe æneum Moyse ponit , in quo sacerdotes lavari debeant , & sancta Sanctorum ingredi : quia lex Dei prius nos lavari per compunctionem præcipit , ut nostra immunditia ad penetrandam secretorum Dei munditiam non sit indigna . Quod bene labrum de speculis mulierum perhibet factum , quæ ad tabernaculi

*Exod. 38. 2.
Pater. in
Exod. c. 62.*

Dd 2 ostium

^a Carnot. mundi vel mundo nuntiat .
^b C. Germ. Belvac. & duo post. Gemet.
ut ex eadem salis petra lambere . Ita &

3. Marc. ex eadem &c.
^c Secundus Carn. tres Gemet. & C. Germ.
curare namque sacerdoti .

ostium indefinenter excubabant. Specula quippe mulierum sunt præcepta Dei, in quibus se sanctæ animæ semper aspiciunt, & si quæ in eis sunt sceditatis maculæ, deprehendunt. Cogitationum vitia corrigunt, & quasi ^a renitentes vultus velut ex reddita imagine componunt: quia dum præceptis Dominicis solerter intendunt, in eis proculdubio vel quid in se cœlesti viro placeat, vel quid displiceat agnoscunt. Quæ quamdiu in hac vita sunt, æternum tabernaculum ingredi nequaquam possunt. Sed tamen ad ostium tabernaculi mulieres excubant: quia sanctæ animæ etiam cum infirmitate adhuc carnis gravantur, amore tamen continuo ingressum æterni introitus observant. Moyses ergo labrum sacerdotibus de speculis mulierum fecit: quia lex Dei lavacrum compunctionis, peccatorum nostrorum maculis exhibet, dum ea per quæ sanctæ animæ superno sponso placuerunt, intuenda nobis cœlestia præcepta ^b præbet. Quibus si diligenter intendimus, internæ nostræ imaginis maculas videmus. Videntes autem maculas, in pœnitentiæ dolore compungimur: compuncti vero, quasi in labro de speculis mulierum lavamur.

Sic invigilent sibi, ut subditorum custodiam non negligant.

11. Est autem valde necessarium, ut cum de nobis in compunctione afficimur, etiam commissorum nobis vitam zelemus. Sic ergo nos amaritudo compunctionis afficiat, ut tamen a proximorum custodia non avertat. Quid enim prodest, si amantes nosmetipsos, relinquamus proximos? Vel quid rursus prodest, si amantes vel zelantes proximos, relinquamus nosmetipsos? In orna-

mento quippe tabernaculi, bis tinctus coccus offerri præcipitur: ut ante Dei oculos caritas nostra Dei & proximi amore coloretur. Ille autem vere se diligit, qui pure diligit ^c auctorem. Tunc ergo coccus bis tingitur, quando erga se & proximum ex ^d amore veritatis animus inflammatur.

12. Sed inter hæc sciendum nobis est, ut sic exerceatur zelus rectitudinis contra prava acta ^e proximorum, quatenus in fervore distractionis nullo modo relinquatur virtus mansuetudinis. ^f Ira etenim sacerdotis nequaquam debet esse præceps & perturbata, sed magis ex consilii ^g gravitate mitiganda. Et portare ergo debemus quos corrigimus, & corrigere quos portamus: ne si ex utroque unum defuerit, vel in ^h fervore, vel in mansuetudine actio sacerdotalis non sit. Hic namque est quod in templi ministerio, in basibus templi sculptorio opere leones & boves & Cherubim expressa sunt. Cherubim quippe est plenitudo scientiæ. Sed quid est, quod in basibus nec leones sine bobus, nec boves sine leonibus sunt? Quid enim aliud designant bases in templo, nisi sacerdotes in Ecclesia? Quidum sollicitudinem regiminis tolerant, quasi more basium superimpositum onus portant. In basibus ergo ⁱ Cherubim exprimuntur; quia decet nimirum, ut sacerdotum pectora plenitudine scientiæ sint referta. Per leones autem terror severitatis, per boves vero patientia mansuetudinis figurantur. Itaque in basibus nec leones sine bobus, nec boves sine leonibus exprimuntur: quia semper in sacerdotali pectore cum

zelo mansuetudinem conjungat.

^a Turon. pœnitentes. Carnot. remittentes. 3. Marc. retinentes.

^b C. Germ. duo Carn. & tertius Gemet. præbent.

^c Longip. auctorem.

^d Secundus Carn. ex amore caritatis.

^e Idem, pessimorum.

^f 3. Marc. ipsa etenim Sacerdotis distractio... metuenda.

^g In recent. edit. contra mss. Anglic. & nostror. fidem, alieno sensu, metuenda.

^h C. Germ. & tres Gemet. furor.

ⁱ C. Germ. Gemet. Big. Longip. Val. ci. Cherubin exprimitur.

cum terrore severitatis custodiri debet virtus mansuetudinis: ut & iram mansuetudo condiat, & eandem mansuetudinem, ne fortasse dissoluta sit, zelus distractionis accendat.

Gravis ob-
jurgatio de
Episco-
porum si-
monia.

a

13. Sed ista cur loquimur, cum adhuc plerisque gravari factis atrocioribus videamus? Vobis enim ^a sacerdotibus lugens loquor, quia nonnullos vestrum cum præmiis facere ordinationes agnovimus, spirituales gratiam vendere, & de alienis iniquitatibus cum peccati damno temporalia lucra cumulare. Cur ergo ad memoriam vestram non redit, quod vox Dominica præcipiens,

Matth. 10. 8.

dicit: *Gratis accepistis, gratis date.* Cur non ante mentis oculos revocatis, quod templum Redemptor noster ingressus, cathedras vendentium columbas evertit, & nummulariorum effudit æs? Qui namque sunt in templo Dei hodie qui columbas vendunt, nisi ^b qui in Ecclesia pretium de impositione manus accipiunt? Per quam videlicet impositionem Spiritus sanctus cœlitus datur. Columba ergo venditur, quia manus impositio, per quam Spiritus sanctus accipitur, ad pretium præbetur. Sed Redemptor noster cathedras vendentium columbas evertit; quia talium negotiatorum sacerdotium destruit. Hinc est enim quod sacri Canones Simoniacam hæresim damnant, & eos privari sacerdotio præcipiunt qui de largien-

b

Simonia est
hæresis.

c

dis ordinibus ^c pretium quærunt. Cathedra ergo vendentium columbas evertitur, quando hi qui spirituales gratiam venundant, vel ante humanos, vel ante Dei oculos sacerdotio privantur. Et quidem multa sunt alia præpositorum mala, quæ humeros modo oculos latent.

De multis
aliis ar-
guuntur.

d

Et ^d plerumque se Pastores sanctos

hominibus exhibent, atque in oculis suis videri turpes ante interni arbitri oculos non erubescunt. Veniet, veniet prolepto ille dies, nec longe est, in quo Pastorum Pastor appareat, & uniuscujusque facta in publicum deducat: & qui modo subditorum culpas per præpositos ulciscitur, tunc præpositorum mala per semetipsum sæviens damnat. Unde & ingressus in templum, per semetipsum quasi flagellum de funiculis fecit, & de domo Dei prævios negotiatores ejiciens, cathedras vendentium columbas evertit: quia subditorum quidem culpas per Pastores percutit, sed Pastorum vitia per semetipsum ferit. Ecce modo hominibus negari potest, quod latenter agitur. Ille certe iudex venturus est, cui tacendo quisque se non potest celare, quem negando non potest fallere.

14. Est & aliud, fratres carissimi, quod me de vita Pastorum vehementer affligit: sed ne cui hoc injuriosum videatur fortasse quod assero, me quoque pariter accuso, quamvis ^e barbarici temporis necessitate compulsus, valde in his jaceo invitus. Ad exteriora enim negotia delapsi sumus, & aliud ex honore suscepimus, atque aliud officio actionis exhibemus. Ministerium prædicationis relinquimus, & ad pœnam nostram, ut video, Episcopi vocamur, qui honoris nomen, non virtutem tenemus. Relinquant namque Deum hi qui nobis commissi sunt, & tacemus. In pravis actibus jacent, & correptionis manum non tendimus. Quotidie per multas nequitias pereunt, & eos ad infernum tendere negligenter videmus. Sed quando nos vitam corrigere valeamus alienam, qui negligimus

Maxime de
neglecto
prædicationis
ministerio.

e

Et assumtis
curis secu-
laribus.

^a Belvac. sacerdotes.

^b Belvac. qui Ecclesia.

^c C. Germ. Bigot. & primus Carn. primum accipiunt. Et 3. Marc.

^d Primus Carn. & plerique.

^e Belvac. barbarici timoris. Turon. utramque lect. exhibet.

gimus nostram? Curis enim secularibus intenti, tanto insensibiliores intus efficitur, quanto ad ea quæ foris sunt, studiosiores videmur. Ufu quippe curæ terrenæ, a cœlesti desiderio obdurefcit animus: & dum ipso usu durus efficitur per actionem seculi, ad ea emolliri non valet, quæ pertinent ad caritatem Dei. Unde bene sancta Ecclesia de membris suis infirmantibus dicit:

Cant. 1. 5. Posuerunt me custodem in vineis, Pater. in vineam meam non custodivi. Cant. 6. 3.

2

Aliquando ex pastoribus lupi fiunt.

b

Posuerunt me custodem in vineis, vineam meam non custodivi. Vineæ quippe nostræ, actiones sunt, quas usu quotidiani laboris excolimus. Sed custodes in vineis positi, nostram vineam minime custodimus: quia dum extraneis actionibus implicamur, ministerium actionis nostræ negligimus. ^a Nullum puto, fratres carissimi, ab aliis majus præjudicium, quam a sacerdotibus tolerat Deus, quando eos quos ad aliorum correctionem posuit, dare de se exempla pravitatis cernit: quando ipsi peccamus, qui compescere peccata debuimus. Plerumque, quod est gravius, sacerdotes qui propria dare debuerant, etiam aliena diripiunt. Plerumque, si quos humiliter, si quos continenter vivere conspiciunt, irrident. Considerate ergo quid de gregibus agatur, quando pastores lupi fiunt. Hi enim custodiam gregis suscipiunt, qui infideliari gregi Dominico non metuunt, ^b contra quos Dei greges custodiri debuerant. Nulla animarum lucra quærimus, ad nostra quotidie studia vacamus, terrena concupiscimus, humanam gloriam intenta mente captamus. Et quia eo ipso quo ceteris prælati sumus, ad agenda quælibet majorem licentiam

habemus: susceptæ benedictionis ministerium vertimus ad ambitionis argumentum: Dei causam relinquimus, ad terrena negotia vacamus: ^d locum sanctitatis accipimus, & terrenis actibus implicamur. Impletum est in nobis profecto quod scriptum est: *Et erit sicut populus, sic sacerdos.* Sacerdos enim non distat a populo, quando nullo merito vitæ suæ vulgi transcendit actionem.

15. Imploremus Jeremiæ lacrimas, consideret mortem nostram, & deplorans dicat: *Quomodo obscuratum est aurum, mutatus est color optimus, dispersi sunt lapides sanctuarii in capite omnium platearum?* Aurum quippe obscuratum est; quia sacerdotum vita quondam per gloriam virtutum clara, nunc ^c per actiones infirmas ostenditur reproba. Color optimus est mutatus; quia ille sanctitatis habitus, per terrena & abjecta opera ad ignominiam despectionis venit. Lapidem vero sanctuarii intrinsecus habebantur, nec sumebantur in summi sacerdotis ^f corpore, nisi cum sancta Sanctorum ingrediens, in secreto sui Conditoris apparebat. Nos ergo, fratres carissimi, nos sumus lapides sanctuarii qui apparere semper debemus in secreto Dei: quos nunquam necesse est foris conspici, id est nunquam in extraneis actionibus videri. Sed dispersi sunt lapides sanctuarii in capite omnium platearum, quia hi qui per vitam & orationem intus semper esse debuerant, per vitam reprobam foris vacant. Ecce jam pene nulla est seculi actio, quam non sacerdotes administrent. Dum ergo in sancto

Quibus lacrymis hæc sacerdotum peccata de fletu debeant. *Thren. 4. 1.*

f

ha-

^a Corb. Germ. *in nullum*. Bigot. & duo priores Gemet. *in nullo*.

^b Hæc non habent Belvac. & Corb. sed post, *metuunt*, immediate sequitur *nulla* &c.

^c Secundus Carn. *augmentum*. Sic & 3.

Marc.

^d C. Germ. *jugum sanctitatis*.

^e Turon. C. Germ. Gemet. & alii, *per actiones infimas*; primus Carn. *per actionem infima*.

^f Duo priores Gemet. ac Rig. *pectore*.

habitu constituti, exteriora sunt quæ exhibent, quasi sanctuarii lapides foris jacent. Quia enim Græca voce platea ^a a latitudine vocatur, sanctuarii lapides in plateis sunt, cum religiosi quique lata mundi itinera sectantur. Nec solum in plateis, sed & in capite platearum dispersi sunt: quia & per desiderium, hujus mundi opera peragunt, & tamen de religioso habitu culmen honoris quærunt. In capite ergo platearum dispersi sunt: quia & jacent per ministerium operis, & honorari volunt de ^b imagine sanctitatis.

Publicarum calamitarum causa sunt mali sacerdotes.

16. Quanto autem mundus gladio feriat, aspiciatis: quibus quotidie percussioibus intereat populus, videtis. Cujus hoc, nisi nostro præcipue peccato agitur? Ecce depopulatæ urbes, everfa castra, Ecclesiæ ac monasteria destructa, ^c in solitudinem agri redacta sunt. Sed nos pereunti populo auctores mortis existimus, ^d qui esse debuimus duces ad vitam. Ex nostro etenim peccato populi turba prostrata est; quia nostra faciente negligentia, ad vitam erudita non est. Quid autem animas hominum, nisi cibum Domini dixerimus, quæ ad hoc sunt conditæ, ut in ejus corpore trajiciantur, id est ut in æternæ Ecclesiæ augmentum tendant? Sed hujus cibi condimentum nos esse debuimus. Sicut enim paulo superius præfati sumus, missis prædicatoribus dicitur; *Vos estis sal terræ*. Si igitur cibus Dei populus, condimentum cibi sacerdotes esse debuerunt. Sed quia dum nos ab orationis & eruditionis sanctæ usum cessamus, sal infatuatum ^e est, con-

dire non valet cibus Dei: atque idcirco ab auctore non sumitur, quia exigente satuitate nostra, minime conditur. Pensemus ergo qui unquam per linguam nostram conversi, qui de perverso suo opere nostra increpatione correpti, poenitentiam egerunt, quis luxuriam ex nostra eruditione deseruit, quis avaritiam, quis superbiam declinavit? Pensemus quod lucrum Deo fecimus nos, qui accepto talento, ab eo ad negotium missi sumus. Etenim dicit: *Negotiamini dum venio*. ^{Luc. 19. 13.} Ecce jam venit, ecce de nostro negotio lucrum requirit. Quale ei animarum lucrum de nostra negotiatione monstrabimus? Quot ejus conspectui animarum manipulos de prædicationis nostræ segete illaturi sumus?

17. Ponamus ante oculos nostros in judicio quam severe punientur. illum tantæ districtiōis diem, quo judex veniet, & rationem cum servis suis, quibus talenta credidit, ponet. Ecce in majestate terribili, inter angelorum atque archangelorum choros videbitur. In illo tanto examine, electorum omnium & reprobatorum multitudo deducetur, & unusquisque quid sit operatus ostendetur. Ibi Petrus cum Judæa conversa, quam post se traxit, apparebit. Ibi Paulus conversum, ut ita dixerim, mundum ducens. Ibi Andreas post se Achaïam, ibi Johannes Asiam, Thomas Indiam, in conspectum sui regis conversam ducet. Ibi omnes Dominici gregis arietes cum animarum lucris apparebunt, qui sanctis suis prædicationibus Deo post se subditum gregem trahunt. Cum igitur tot Pastores cum gregibus suis ante æterni

^a 3. Marc. Latine vocatur latitudo.

^b Tres Gemet. Bigot. & secundus Carn. de imitatione. Consentiant vet. edit.

^c Sic optime emendavimus ex mss. C. Germ. Turon. Bigot. & c. priorem lectionem, in solitudinem agri redacti sunt. Significa-

tur monasteria in agrorum solitudinem esse redacta.

^d Longip. & Val cl. cui esse debemus.

^e Ita mss. & vet. edit. ubi alii excusi habent, *condiri non valet cibus Dei*; quibus tamen fayet Corb. Germ.

ni Pastoris oculos venerint, nos mi-
feri quid dicturi sumus, qui ad
Dominum nostrum post negotium
vacui redimus, qui Pastorum no-
men habuimus, & oves quas ex
nutrimento nostro debeamus osten-
dere, non habemus? Hic Pastores
vocati sumus, & ibi gregem non
ducimus.

Oves suas
et si Pasto-
res negli-
gant, Deus
non defe-
sit.

18. Sed numquid si nos negligi-
mus, omnipotens Deus deserit oves
suas? Nullo modo: nam ipse eas,
sicut per Prophetam pollicitus est,
per semetipsum pascit: omnesque
quos præordinavit ad vitam, fla-
gellorum stimulis, compunctionis
spiritu ^a erudit. Et per nos qui-
dem fideles ad sanctum baptisma
veniunt, nostris precibus benedi-
cuntur, & per impositionem no-
strarum manuum a Deo Spiritum
sanctum percipiunt: atque ipsi ad
regnum cælorum pertingunt, &
ecce nos per negligentiam nostram
deorsum tendimus. Ingrediuntur
electi, sacerdotum manibus expia-
ti, cælestem patriam: & sacerdo-
tes ipsi per vitam reprobam ad in-
ferni supplicia festinant. Cui ergo
rei, cui similes dixerim sacerdotes
malos, nisi aquæ baptismatis, quæ
peccata baptizatorum diluens illos
ad regnum cæleste mittit, & ipsa
postea in cloacas descendit? Timea-
mus hæc, fratres, conveniat actio-
ni nostræ ipsum ministerium no-
strum. De peccatorum nostrorum
relaxatione quotidie cogitemus, ne
nostra vita peccato obligata rema-
neat, per quam omnipotens Deus
quotidie alios solvit. Consideremus
sine cessatione quid sumus, pen-
semus negotium nostrum, pensemus
pondus quod suscepimus. Faciamus
quotidie nobiscum rationes, quas
cum nostro iudice habemus. Et sic

debemus agere curam nostri, ut
non negligamus curam proximi: ut
quisquis ad nos jungitur, ex lin-
guæ nostræ sale conditur. Cum
vacantem quempiam & lubricum
videmus, admonendus est ut con-
jugio frenare studeat iniquitatem
suam; quatenus per hoc quod li-
cet, discat superare quod non li-
cet. Cum conjugatum videmus,
admonendus est ut sic exerceat cu-
ram seculi, ne postponat amorem
Dei: sic placeat voluntati conjugis,
ut non ^b displiceat Conditori. Cum
clericum videmus, admonendus est,
quatenus sic vivat, ut exemplum
vitæ sæcularibus præbeat: ne si quid
in illo iuste reprehenditur, ex ejus
vitio ipsa religionis nostræ ælima-
tio gravetur. Cum monachum vi-
demus, admonendus est ut reveren-
tiam habitus sui in actu, in locu-
tione, in cogitatione sua semper
circumspiciat: ut ea quæ mundi
sunt, perfecte deferat, & quod
ostendit humanis oculis habitu, hoc
ante Dei oculos moribus præten-
dat. Ille itaque jam sanctus est,
admoneatur ut crescat: ille vero
adhuc iniquus est, admoneatur ut
se corrigat: quatenus quisquis se
ad sacerdotem junxerit, sale sermo-
nis illius conditus recedat. Hæc, fra-
tres, vobiscum solícite cogitate,
hæc & proximis vestris impendite:
omnipotenti Deo fructum vos red-
dere de negotio quod accepistis, ^c
parate. Sed ista quæ dicimus, me-
lius apud vos orando, quam lo-
quendo obtinebimus. ^d

O R E M U S.

Deus, qui nos Pastores in po-
pulo vocare voluisti: præsta quæ-
sumus, ut hoc quod humano ore
dicimur, in tuis oculis esse valea-
mus. Per Dominum nostrum, &c.

^a Secundus Carnur. eruit.

^b 3. Marc. despiciat conditoris.

^c Secundus Carn. Gemet. & Bigot. spe-
rate.

^d 3. Marc. Oremus itaque dicentes:
Deus.... vocari. Et deest. Per Dominum
&c.

Lectio sancti Evangelii secundum Joannem.

Joban. Cap. VIII. N. 46. — 59.

^a **I**N illo tempore: Dicebat Jesus turbis ^a Judaorum & principibus sacerdotum: Quis ex vobis arguet me de peccato? Si veritatem dico, quare non creditis mihi? Qui ex Deo est, verba Dei audit: propterea vos non auditis, quia ex Deo non estis. Responderunt igitur Judæi, & dixerunt ei: Nonne bene dicimus nos, quia Samaritanus es tu, & demonium habes? Respondit Jesus: Ego demonium non habeo, sed honorifico Patrem meum: & vos inhonorastis me. Ego autem non quero gloriam meam: est qui quærat, & iudicet. Amen, amen dico vobis, si quis sermonem meum servaverit, mortem non videbit in æternum. Dixerunt ergo Judæi: Nunc cognovimus, quia demonium habes. Abraham mortuus est, & Prophetæ: & tu dicis: Si quis sermonem meum servaverit, mortem non gustabit in æternum. Numquid tu major es patre nostro Abraham, qui mortuus est? & Prophetæ mortui sunt. Quem te ipsum facis? Respondit Jesus: Si ego glorifico meipsum, gloria mea nihil est. Est Pater meus qui glorificat me, quem vos dicitis, quia Deus vester est, & non cognovistis eum. Ego autem novi eum. Et si dixero, quia non scio eum, ero similis vobis, mendax: sed scio eum & sermonem ejus servo. Abraham pater vester exultavit ut videret diem meum: vidit, & gavisus est. Dixerunt ergo Judæi ad eum: Quinquaginta annos nondum habes, & Abraham vidisti? Dixit eis Jesus: Amen, amen dico vobis, antequam Abraham fieret, ego sum. Tulerunt ergo lapides, ut jacerent in eum. Jesus autem abscondit se, & exiit de templo.

^b H O M I L I A XVIII.

^c Habita ad populum in basilica sancti Petri Apostoli, ^e
Dominica in Passione.

Verbum
Dei non au-
ditum &
neglectum
quanto pe-
riculo nos,
exponat.

^{1.} **P**Enfate, fratres carissimi, mansuetudinem Dei. Relaxare peccata venerat, & dicebat: Quis

ex vobis arguet me de peccato? Non dedignatur ex ratione ostendere se peccatorem non esse, qui ex virtute di-

^a C. Germ. & Belvac. turbis: Quis ex vobis.

in cod. Reg. & Suec. 14.

^b Est in Corb. undecima, in Later. 12. Tom. V.

^c Hæc in cod. Later. C. Germ. Belvac. Reg. Suec. & Bigot. minime leguntur.

E c

^a divinitatis ^a poterat peccatores iustificare. Sed terribile est valde quod subditur: *Qui ex Deo est, verba Dei audit: propterea vos non auditis, quia ex Deo non estis.* Si enim ipse verba Dei audit qui ex Deo est, & audire verba ejus non potest quisquis ex illo non est: interroget se unusquisque si verba Dei in aure cordis percipit, & intelliget unde sit. Cœlestem patriam desiderare Veritas

^b jubet, carnis desideria conteri, ^b mundi gloriam declinare, aliena non appetere, propria largiri. Penset ergo apud se unusquisque vestrum, si hæc vox Dei in cordis ejus aure convaluit, & quia jam ex Deo sit, agnoscit. Nam sunt nonnulli, qui præcepta

^c Dei ^c nec aure corporis percipere dignantur. Et sunt nonnulli, qui hæc quidem corporis aure percipiunt, sed nullo ea mentis desiderio complectuntur. Et sunt nonnulli, qui libenter verba Dei suscipiunt, ita ut etiam in fletibus compungantur, sed post lacrymarum tempus ad iniquitatem redeunt. Hi profecto verba Dei non audiunt, qui hæc exercere operē contemnunt. Vitam ergo vestram, fratres carissimi, ante mentis oculos revocate, & alta consideratione pertimescite hoc, quod ex ore Veritatis sonat: *Propterea vos non auditis, quia ex Deo non estis.* Sed hoc quod de reprobis Veritas loquitur, ipsi hoc de semet ipsis reprobi, suis operibus ostendunt. Nam sequitur: *Responderunt igitur Judei, & dixerunt ei: Nonne bene dicimus nos, quia Samaritanus es tu, & demonium habes?*

Exemplo Christi contumelia non regenda. 2. Accepta autem tanta contumelia, quid Dominus respondeat, audiamus: *Ego demonium non habeo, sed honorifico Patrem meum: & vos*

inhonorastis me. Quia enim Samaritanus interpretatur Custos, & ipse veraciter custos est, de quo Psalmista ait: *Nisi Dominus custodierit civitatem, in vanum vigilant qui custodiunt eam: & cui per Isaiam dicitur: Custos quid de nocte? custos quid de nocte?* responderenoluit Dominus: Samaritanus non sum: sed, *Ego demonium non habeo.* Duo quippe ei illata fuerunt: unum negavit, aliud tacendo consensit. Custos namque humani generis venerat: & si Samaritanum se non esse diceret, esse se custodem negaret. Sed tacuit quod recognovit, & patienter repulit quod dictum fallaciter audivit, dicens: *Ego demonium non habeo.* In quibus verbis quid aliud nisi superbia nostra confunditur? quæ si exagitata vel levitor fuerit, atrociores injurias reddit, quam acceperat: facit mala quæ potest, minatur & quæ facere non potest. Ecce injuriam suscipiens Dominus non irascitur, non contumeliosa verba respondet. Qui si eisdem ista dicentibus respondere voluisset, Dæmonium vos habetis, verum profecto diceret: quia nisi impleti essent dæmonio, tam perversa de Deo loqui non possent. Sed accepta injuria, etiam quod verum erat, dicere Veritas noluit: ne non dixisse veritatem, sed provocatus, contumeliam reddidisse videretur. Ex qua re quid nobis innuitur, nisi ut eo tempore quo a proximis ex falsitate contumelias accipimus, eorum etiam vera mala taceamus, ne ministerium justæ correptionis, in arma vertamus furoris? Sed quia quisquis Dei zelo utitur, a pravis hominibus dehoneatur, in semetipso nobis Dominus patientiæ præbuit exemplum, qui ait: *Sed honorifico*

Falsa exprobrantibus, etiam vera non objicienda.

Pa-

^a Longip. & Val-cl. venerat.

^b C. Germ. & primus Carnot. a mundi gloria declinare.

^c Primus Carnot. nec aure cordis, nec

aure corporis. 2. Marc. in aure corporis percipere designantur.

^d Belyac. custos qui de nocte.

Patrem meum, & vos inhonorastis me. Sed quid nobis ad ista facien- dum sit, adhuc exemplo nos ad- monet, cum subjungit: *Ego autem non quero gloriam meam: est qui querat, & judicet.* Scimus certe quod scriptum est, quia Pater omne iudicium dedit Filio: & tamen ecce idem Filius injurias accipiens, gloriam suam non querit. Illatas contumelias, Patris iudicio refer- vat, ut nobis profecto insinuet, quantum nos esse patientes debe- mus, dum se adhuc ulcisci non vult & ipse iudicat. Cum vero ma- lorum perveritas crescit, non so- lum ^a prædicatio frangi non debet, sed etiam augeri. Quod suo Domi- nus exemplo nos admonet, qui post- quam habere dæmonium dictus est, prædicationis suæ beneficia largius impendit, dicens: *Amen, amen dico vobis, si quis sermonem meum servaverit, mortem non videbit in æternum.* Sed sicut bonis necesse est ut meliores etiam per contumelias existant, ita semper reprobi de be- neficio peiores fiunt. Nam accepta prædicatione iterum dicunt: *Nunc cognovimus quia dæmonium habes.* Quia enim æternæ morti inhæse- rant, & eandem mortem cui inhæserant, non videbant; dum so- lam ^b mortem carnis aspicerent, in Veritatis sermone caligabant, dicentes: *Abraham mortuus est, & Propheta ^c mortui sunt: & tu dicis, Si quis sermonem meum serva- verit, mortem ^d non gustabit in æ- ternum?* Unde & ipsi Veritati eum- dem Abraham & Prophetas quasi venerantes præferunt. Sed aperta no- bis ratione ostenditur, quia qui Deum nesciunt, Dei quoque famulos fal- so venerantur.

3. Et notandum, quod vidit eos

^a In recent. exc. prædicatio minui. Quam quidem lectionem præferendam ducereinus, nisi prior esset miss. fere omnium & veterum edit.

^b Belvac. & duo priores Gemet. mortis

Dominus aperta sibi impugnatione resistere, & tamen eis se iterata non desinit voce prædicare, dicens: *Abraham pater vester exultavit ut videret diem meum: vidit, & ga- visus est.* Tunc quippe diem Do- mini Abraham vidit, cum in figu- ra summa Trinitatis, tres angelos hospitio suscepit: quibus profecto susceptis, sic tribus, quasi uni lo- cutus est: quia etsi in personis nu- merus Trinitatis est, in natura u- nitas divinitatis est. Sed carnales mentes audientium oculos a carne non sublevant, dum in eo solam carnis ætatem pensant, dicentes: *Quinquaginta annos nondum habes & Abraham vidisti?* Quos benig- ne Redemptor noster a carnis suæ intuitu submovet, & ad divinitatis contemplationem trahit, dicens: *A- men, amen dico vobis, antequam Abraham fieret, ego sum.* ANTE enim, præteriti temporis est; Sum, præsentis. Et quia præteritum & futurum tempus Divinitas non ha- bet, sed semper esse habet, non ait: Ante Abraham ego fui: sed, Ante Abraham ego sum. Unde & ad Moysen dicitur: *Ego sum qui sum.* Et, *Dices filiis Israel: Qui* ^{Exod. 3-14.} *est, misit me ad vos.* Ante ergo & post, Abraham habuit, qui & ac- cedere potuit per exhibitionem præ- sentia, & recedere per cursum vi- tæ. Veritas vero semper esse ha- bet; quia ei quidquam nec priori tempore incipitur, nec subsequenti terminatur. Sed sustinere ista æ- ternitatis verba mentes infidelium non valentes, ad lapides currunt, & quem intelligere non poterant, obruere quærebant.

4. Quid autem contra furorem lapidantium Dominus fecerit osten- ditur, cum protinus subinfertur:

E e 2

Je-

carnem.

^c Subticetur in C. Germ. & Belvac. mor- tui sunt. Sic & in 2. Marc.

^d Bigot. & secundus Gemet. non vide- bis.

suam eis divinita- tem mani- festat.

Mirum pa- tientia, humilita- tisque exemplum in Christo-

Boni ex contumeliis meliores, mali ex beneficiis peiores fiunt.

Qui Deum nesciunt, Dei servos falso vene- rantur.

Judæis sibi reluctantibus Christus veritatem prædicare pergit.

Iesus autem abscondit se, & exivit de templo. Mirum valde est, fratres carissimi, cur persecutores suos Dominus se abscondendo declinaverit, qui si divinitatis suæ potentiam exercere voluisset, tacito nutu mentis in suis eos ictibus ligaret, aut in pœna subitæ mortis obrueret. Sed quia pati venerat, exercere iudicium nolebat. Certe sub ipso passionis tempore & quantum poterat ostendit, & tamen hoc ad quod venerat, pertulit. Nam cum persecutoribus suis se quærentibus diceret: *Ego sum*, sola hac voce eorum superbiam perculit, & omnes in terram stravit. Qui ergo & hoc in loco potuit manus lapidantium non se abscondendo evadere, cur abscondit se, nisi quod homo inter homines factus Redemptor noster, alia nobis verbo loquitur, alia exemplo? Quid autem nobis hoc exemplo loquitur, nisi ut etiam cum resistere possumus, iram superbientium humiliter declinemus? Unde & per Paulum dicitur: *Date locum iræ*. Quanta humilitate iram

Johan. 12. 6.

Rom. 12. 19.

a

Quid contra superbiam obijciat.

5. Sed contra hoc superbia dicit in corde: Turpe est, ut accepta injuria taceas. Quisquis conspicit

quia contumeliam accipis, & taces, non putat quia patientiam exhibes, ^b sed crimina agnoscis. Sed unde vox ista in corde nostro contra patientiam nascitur, nisi quia inimis cogitationem fiximus, & dum in terra gloriam quærimus, placere ei qui nos de cælo conspicit, non curamus? Accepta ergo contumelia, meditemur in opere vocem Dei: *Ego non quero gloriam meam: est qui quærat, & judicet.* Hoc autem quod de Domino scriptum est: *Abscondit se*, intelligi & aliter potest. Multa quippe Judæis prædicaverat, sed prædicationis ejus verba deridebant. Deteriores quoque ex prædicatione facti sunt, qui usque ad jaciendos lapides pervenerunt. Et quid abscondendo se Dominus significat, nisi quod eis ipsa veritas absconditur, qui ejus verba sequi contemnunt? Eam quippe quam non invenit humilem, veritas fugit mentem. Et quam multi sunt hodie, qui Judæorum duritiam detestantur, quia prædicationem Domini audire noluerunt; & tamen quales illos arguunt fuisse ad fidem, tales ipsi sunt ad operationem. Præcepta Domini audiunt, miracula cognoscunt: sed converti a suis pravitatibus renuunt. Ecce vocat, & redire nolumus. Ecce sustinet, & ejus patientiam dissimulamus. Dum ergo tempus est, fratres, pravitatem suam unusquisque deserat, Dei patientiam pertimescat: ^c ne quem nunc tranquillum despicit, iratum ^d postmodum nequaquam evadere possit.

b

c
d

^a Ita mss. Anglic. Turon. C. Germ. Gemet. &c. Longipont. & Val-cl. ferri debeat. Excusi, ferre debeat.

^b Val-cl. sed crimen ostendis.

^c 2. Marc. ut ad æternam vitam perveniat. Ne &c.

^d Tertius Gemet. post mortem.


Lectio Sancti Evangelii secundum Matthæum.

Matth. Cap. XX. §. 1. — 16.

^a **I**N illo tempore: Dixit Jesus discipulis suis ^a parabolam banc: Simile est regnum colorum homini patri familias, qui exiit primo mane conducere operarios in vineam suam. Conventionem autem facta cum operariis ex denario diurno, misit eos in vineam suam. Et egressus circa horam tertiam, vidit alios stantes in foro otiosos, & dixit illis: Ite & vos in vineam meam, & quod justum fuerit, dabo vobis. Illi autem abierunt. Iterum autem exiit circa sextam, & nonam horam; & fecit similiter. Circa undecimam vero exit, & invenit alios stantes, & dicit illis, Quid hic statis tota die otiosi? Dicunt ei: Quia nemo nos conduxit. Dicit illis: Ite & vos in vineam meam. Cum sero autem factum esset, dicit Dominus vineæ procuratori suo: Voca operarios, & redde illis mercedem, incipiens ^b a novissimis usque ad primos. Cum venissent ergo ^b qui circa undecimam horam venerant, acceperunt singulos denarios. Venientes autem & primi, arbitrati sunt quod plus essent accepturi. Acceperunt autem & ipsi singulos denarios. Et accipientes murmurabant adversus patrem familias, dicentes: Hi novissimi una hora fecerunt, & pares illos nobis fecisti, qui portavimus pondus diei, & aestus? At ille respondens uni eorum, dixit: Amice, non facio tibi injuriam. Nonne ex denario convenisti mecum? Tolle quod tuum est, & vade. Volo autem & huic novissimo dare, sicut & tibi. Aut non licet mihi quod volo facere? An oculus tuus nequam est, quia ego bonus sum? Sic erunt novissimi primi, & primi novissimi. Multi enim sunt vocati, pauci vero electi.

^a His verbis prætermisiss, Belvac. & C. Germ. Dixit Jesus discipulis suis simile est.

^b Iidem codices, qui ad horam undecimam venerant.



^a H O M I L I A XIX.

^b Habita ad populum in basilica beati Laurentii martyris, ^b
Dominica in Septuagesima.

Deus est paterfamilias, cuius Ecclesia vinea est.

^c

IN explanatione sua, multa ad loquendum sancti Evangelii lectio postulat, quam volo, si possum, sub brevitate perstringere: ne vos & extensa processio, & proluxa expositio videatur onerare. Regnum cœlorum ^c homini paterfamilias simile dicitur, qui ad excolendam vineam suam operarios conducit. Quis vero patris familias similitudinem rectius tenet, quam Conditor noster, qui regit quos condidit, & electos suos sic in hoc mundo possidet, quasi subiectos dominus in domo? Qui habet vineam, universalem scilicet Ecclesiam, quæ ab Abel iusto usque ad ultimum electum qui in fine mundi nasciturus est, quot sanctos protulit, quasi tot palmites misit. Hic itaque paterfamilias ad excolendam vineam suam mane, hora tertia, sexta, nona, & undecima operarios conducit: quia a mundi hujus initio usque in finem ad erudiendam plebem fidelium prædicatores congregare non destitit. Mane etenim mundi fuit ab Adam usque ad Noe. Hora vero tertia, a Noe usque ad Abraham. Sexta quoque ab Abraham usque ad Moysen. Nona autem a Moysen usque ad adventum Domini. Undecima vero ab adventu Domini usque ad finem mundi. In qua prædicatores sancti A-

Varia mundi ætates.

postoli missi sunt, qui mercedem plenam & tarde venientes acceperunt. Ad erudiendam ergo Dominus plebem suam, quasi ad excolendam vineam suam, nullo tempore destitit operarios mittere: quia & prius ^d per patres, & postmodum per Legis doctores & Prophetas, ad extremum vero per Apostolos, dum plebi suæ mores excoluit, quasi per operarios in vineæ cultura laboravit. Quamvis in quolibet modulo vel mensura, quisquis cum fide recta, bonæ actionis existit, hujus vineæ operarius fuit. Operator ergo mane, hora tertia, sexta, & nona, antiquus ille Hebraicus populus designatur, qui in electis suis ab ipso mundi exordio cum recta fide Deum studuit colere, quasi non destitit in vineæ cultura laborare. Ad undecimam vero Gentiles vocantur, quibus & dicitur: *Quid hic statis tota die otiosi?* Qui enim transacto tam longo mundi tempore, pro vita sua laborare neglexerant, quasi tota die otiosi stabant. Sed pensate, fratres, quid inquisiti respondeant: *Dicunt enim, Quia nemo nos conduxit.* Nullus quippe ad eos Patriarcha, nullus Propheta venerat. Et quid est dicere: Ad laborem nos nemo conduxit; nisi, vitæ nobis vias nullus prædicavit? Quid ergo nos bono opere cef-

Ante undecimam horam Gentiles in Dei vinea non laborarunt.

^a Est in Later. & Corb. septima; & decima quinta in Cod. Reg. Suec.

^b Additur in Later. *extra muros.* In secundo Carn. & duob. prior. Gem. pro *beati Laurentii*, legitur, *beati Petri Apostoli.* Ceterum nec in Later. nec in cod. Reg.

Suec. nec in Corb. Germ. aut Belvac. habes, *Dominica in Septuagesima.*

^c Belvac. C. Germ. & duo priores Gemet. non admittunt, *homini.* Nec 2. Marc.

^d Duo priores Gemet. ac Bigot. per *Patriarchas.*

cessantes, in excusatione nostra dicturi sumus, qui pene a matris utero ad fidem venimus, qui verba vitæ ab ipsis cunabulis audivimus, qui ab uberibus sanctæ Ecclesiæ potum supernæ prædicationis ^a sumimus cum lacte carnis?

2. Possumus vero & easdem diversitates horarum, etiam ad unumquemque hominem per ætatem momenta distinguere. Mane quippe intellectus nostri, pueritia est. Hora autem tertia, adolescentia intelligi potest: quia quasi jam sol in altum proficit, dum calor ætatis crescit. Sexta vero juvenus est; quia velut in centro sol figitur, dum in ea plenitudo roboris solidatur. Nona autem senectus intelligitur, in qua sol velut ab alto axe descendit; quia ea ætas a calore juventutis deficit. Undecima vero hora ea est ætas, quæ decrepita, vel veterana dicitur. ^b Unde Græci valde seniores, non γέροντες, sed πρεσβύτερος appellant, ut plus quam senes esse infinuent, quos provectiores vocant. Quia ergo ad vitam bonam alius in pueritia, alius in senectute, alius in decrepita ætate perducitur, quasi diversis horis operarii ad vineam vocantur. Mores ergo vestros, fratres carissimi, aspiciate, & si jam Dei operarii estis, videte. Penset unusquisque quid agat, & consideret si in Domini vinea laboret. Qui enim in hac vita, ea quæ sua sunt quærit, adhuc ad Dominicam vineam non venit. Illi namque Domino laborant, qui non sua, sed lucra Dominica cogitant, qui zelo caritatis, studio pietatis inferviunt, animabus lucrando invigilant, perducere & alios secum ad vitam festinant. Nam qui sibi vivit, qui carnis suæ volupta-

tibus pascitur, recte otiosus redarguitur, quia fructum divini operis non sectatur.

3. Qui vero & usque ad ætatem ultimam Deo vivere neglexerit, quasi usque ad undecimam otiosus stetit. Unde recte usque ad undecimam torpentibus dicitur: *Quid hic statis tota die otiosi?* Ac si aperte dicatur: Et si Deo vivere in pueritia & juventute nolueritis, saltem in ultima ætate respicite, & ad vitæ vias cum jam laboraturi multum non estis, vel sero venite. Et tales ergo paterfamilias vocat, & plerumque ante remunerantur: quia prius ad regnum de corpore exeunt, quam hi qui jam a pueritia vocati esse videbantur. An non ad undecimam horam venit latro, qui etsi non habuit per ætatem, habuit tamen sero per poenam, qui Deum in cruce confessus est, & pene cum voce sententiæ spiritum exhalavit vitæ? A novissimo autem reddere denarium paterfamilias coepit: quia ad paradisi requiem prius latronem, quam Petrum ^c perduxit. Quanti patres ante Legem, quanti sub Lege fuerunt, & tamen hi qui in Domini adventu vocati sunt, ad cælorum regnum sine aliqua tarditate pervenerunt. Eundem ergo denarium accipiunt qui laboraverunt ad undecimam, ^d quem exspectaverunt toto desiderio qui laboraverunt ^e ad primam: quia æqualem vitæ æternæ retributionem sortiti sunt cum his qui a mundi initio vocati fuerant, hi qui in mundi fine ad Dominum venerunt. Unde & hi qui in labore præcesserant, murmurantes dicunt: *Hi novissimi una hora fecerunt, & pares illos nobis fecisti, qui*

Tota vitæ die otiosi, saltem sero laboremus.

Eodem præmio donandi, ac si a pueritia defudassemus.

c

d
e

^a Editi, *suximus*, quod minime reprobaremus, si illi consentirent.

^b Excusi, *Græce*.

^c Turon. C. Germ. Carnut. Gomet. Bi-

got. *vocavit*.

^d C. Germ. Turon. Belvac. quod expectaverunt.

^e 2. Marc. a prima.

a
In diversis
ætatibus
homines a
Deo vocan-
tur.

b

qui portavimus pondus diei, & æstus? Pondus enim diei & æstus portaverunt ^a hi, quos a mundi initio quia diu hic contigit vivere, necesse fuit etiam longiora carnis tentamenta tolerare. Unicuique enim pondus diei & æstus ferre, est per longioris vitæ tempora carnis suæ calore fatigari.

Qua ratione murmurasse dicuntur, qui tamen postea æternam beatitudinem sunt consecuti.

4. Sed quæri potest, quomodo murmurasse dicti sunt, qui saltem fero ad regnum vocantur? Cælorum etenim regnum nullus murmurans accipit: nullus qui accipit, murmurare potest. Sed quia antiqui patres usque ad adventum Domini, quantumlibet iuste vixerint, ducti ad regnum non sunt, nisi ille descenderet qui paradisi claustra hominibus interpositione suæ mortis aperiret: eorum hoc ipsum murmurasse est, quod & recte pro percipiendo ^b regno vixerunt, & tamen diu ^c ad percipiendum regnum dilati sunt. Quos enim post peccatam iustitiam inferni loca quamvis tranquilla susceperunt, eis profecto & laborasse fuit in vinea, & murmurasse. Quasi ergo post murmurationem denarium accipiunt, qui post longa inferni tempora ad gaudia regni pervenerunt. Nos autem qui ad undecimam venimus, post laborem non murmuramus, & denarium accipimus: quia post Mediatoris adventum, in hoc mundo ^d venientes, ad regnum ducimur mox ut de corpore eximus, & illud sine mora percipimus, quod antiqui patres cum magna percipere dilatione meruerunt. Unde & idem

pater familias dicit: *Volo & huic novissimo dare sicut & tibi.* Et quia ipsa regni perceptio ejus est bonitas voluntatis, recte subjungit: *Aut non licet mihi quod volo facere?* Stulta enim quæstio est hominis contra benignitatem Dei ^f Non querendum quippe esset, si non dat quod non debet, sed si non daret quod deberet. Unde apte subditur: *An oculus tuus nequam est, quia ego bonus sum?* Nemo autem se de opere, nemo de tempore extollat, cum hac expleta sententia subsequenter Veritas clamet: *Sic erunt novissimi primi, & primi novissimi.* Ecce enim etsi jam scimus quæ vel quanta bona egimus, adhuc supernus iudex qua subtilitate hæc examinet, ignoramus. Et quidem gaudendum cuique summopere est in regno Dei esse vel ultimum.

5. Sed post hæc terribile est valde quod sequitur: *Multi enim sunt vocati, pauci vero electi:* quia & ad fidem plures veniant, & ad cæleste regnum pauci perducuntur. Ecce enim ad hodiernam festivitatem quam multi convenimus, Ecclesiæ parietes implemus: sed tamen quis sciat quam pauci sunt qui in illo electorum Dei grege numerentur? Ecce enim vox omnium Christum clamat, sed vita omnium non clamat. Plerique Deum vocibus sequuntur, moribus fugiunt. Hinc etenim Paulus dicit: *Qui confitentur se nosse Deum, factis autem negant.* Hinc Jacobus ait: *Fides sine operibus mortua est.* Hinc per Psalmistam Dominus dicit: *Annun-*

A Dei voluntate salus hominis pender.

c

f

Electi pauci. Quare.

Tir. 1. 16.

Jacob. 2. 20. & 26.

Ps. 39. 5.

tia-

^a Sic restituimus hunc locum ex mss. & vet. ed. In recent. autem legitur, *hi qui a mundi initio laboraverunt: & quia diu* &c.

^b 2. Marc. regno laborare studuerunt.

^c Corb. a percipiendo regno.

^d Gemet. & Bigot. venientis; sc. Mediatoris.

^e Belvac. Gemet. & secundus Carnot. *non licet.*

^f Ita legendum ex potioribus mss. Corb. Germ. altero Corb. & al. In vet. ed. corrupta est lectio: in recent. impedita & perplexa; *conquerendum quippe esset, non si non daret quod non deberet, sed.*

^g C. Germ. Corb. Turon. Belvac. Bigot. & Longip. *otiosa est*; contra Græci textus & Vulgatæ fidem, ubi legitur, *mortua est: vixit tibi* In Bibliis Max. hæc varia Lectio annotatur tamquam ex Vatabl.

Isal. 39. 6.
Pat. in ff.
c. 89.

tiavi & locutus sum, multiplicati sunt super numerum. Vocante enim Domino super numerum multiplicantur fideles; quia nonnunquam etiam hi ad fidem veniunt, qui ad electorum numerum non pertinent. ^a Hic enim fidelibus per confessionem admixti sunt, sed propter vitam reprobam illic numerari in forte fidelium non merentur. Hoc ovile sanctæ Ecclesiæ hædos cum agnis recipit: sed attestante Evangelio, cum iudex venerit, bonos a malis separat, sicut pastor segregat oves ab hædis. Neque etenim possunt qui hic carnis suæ voluptatibus serviunt, illic in ovium grege numerari. Illic eos a sorte humilium iudex separat, qui se hic in superbiæ cornibus exaltant. Regnum cælorum percipere nequeunt, qui hic & in cælesti fide politi, toto desiderio terram quærunt.

Qui carni
serviunt,
Christi non
sunt oves.

Non recte
agentes
nec imite-
mur, nec
de ipsis de-
speremus.

b

c

Quia ex
eorum nu-
mero ali-
qui forte
sunt electi.

d

6. Et multos tales intra Ecclesiam, fratres carissimi, cernitis: sed eos nec imitari, ^b nec desperare debetis. Quid enim sit hodie aspiciamus: sed quid cras futurus sit unusquisque, nescimus. Plerumque & ^c qui post nos venire cernitur, per agilitatem nos boni operis antecedit: & vix eum cras sequimur, quem hodie præire videbamur. Certe cum Stephanus pro fide moreretur, Saulus lapidantium vestimenta servabat. Omnium ergo lapidantium manibus ipse lapidavit, qui ad lapidandum ^d omnes exertos reddidit: & tamen eundem ipsum in sancta Ecclesia laboribus antecessit, quem persequendo martyrem fecit. Duo

ergo sunt quæ solcite pensare debemus. Quia enim multi vocati, sed pauci electi sunt, primum est, ut de se quisque minime præsumat: quia etsi jam ad fidem vocatus est, utrum perenni regno dignus sit nescit. Secundum vero est, ut unusquisque proximum, quem fortasse jacere in vitiis conspicit, desperare non audeat: quia divinæ misericordiæ divitias ignorat.

7. Rem, fratres, quæ nuper contigit refero, ut si vos peccatores ex corde esse conspiciatis, omnipotentis Dei misericordiam amplius amittis. Præsenti anno in monasterio meo, quod juxta beatorum martyrum Johannis & Pauli Ecclesiam situm est, frater quidam ad conversionem venit: devote susceptus est, sed ipse devotius est conversatus.

Divinæ
misericor-
diæ exem-
plum in
juvene,
urgente
morte,
converso.
Dialog.
lib. 4.
cap. 38. &
Hom. 38.
n. 16.

Hunc ad monasterium frater ^e suus corpore, non corde secutus est. Nam valde conversionis vitam & habitum detestans, in monasterio ut hospes habitabat, & monachorum vitam moribus fugiens, recedere a monasterii habitatione non poterat; quia vel quid ageret, vel unde viveret, non habebat. Erat ejus pravitudo cunctis onerosa, sed hunc omnes æquanimiter pro fratris ejus amore tolerabant. Nam superbus & lubricus, si qua post hoc seculum sequeretur vita nesciebat: irridebat vero si quis illi hanc prædicare voluisset. Itaque cum habitu seculari vivebat in monasterio, verbis levis, ^f motibus instabilis, mente tumidus, veste ^g compositus, actione dissipatus. Mense autem Julio nu-
per

f
g

^a Vitiose in recent. *hinc enim*; ut patet ex antithesi vocum, *hic*, & *illic*; & maxime ex mss. Corb. Germ. Gemet. &c. 2. Marc. *hi*.

^b Excusi, reluctantibus mss. *nec despiciere*.
^c C. Germ. Turon. Carnut. Belvac. *post nos venerit*.

^d Corb. *exhortatos*. Excusi, *expeditos*. Sequimur C. Germ. Turon. Carn. &c. 2.

Tom. V.

Marc. *exercitos*.

^e Vocatur Theodorus in Dialogis. 2. Marc. addit *carnalis*.

^f C. Germ. Gemet. secundus Carn. *nutibus*. Alter Carn. *moribus*.

^g Editores legendum putarunt, *incompositus*, invitis mss. Anglic. C. Germ. Gemet. &c.

Ff

per elapso, hujus quam nollis, pestilentiae clade percussus est: qui ad extremum veniens, urgeri coepit ut animam redderet. Et ultima jam corporis parte premortua, vitalis virtus in solo pectore & lingua remanserat. Fratres aderant, ejusque exitum, in quantum Deo largiente poterant, oratione tuebantur. At ille subito ad devorandum sedraconem venire conspiciens, magnis vocibus coepit clamare, dicens: Ecce, draconi ad devorandum datus sum, a qui propter vestram praesentiam devorare me non potest. Quid mihi moras facitis? Date locum ut ei devorare me liceat. Cumque hunc fratres ut signum sibi crucis imprimere admonerent, respondebat virtute qua poterat, dicens: Volome signare, sed non possum, quia a dracone premior. Spumae oris ejus faciem meam liniunt, guttur meum ejus ore suffocatur. Ecce ab eo brachia mea comprimuntur, qui jam & caput meum in suo ore aborbuit. Cumque hoc ille pallens & tremens & moriens diceret, coeperunt fratres vehementius orationibus insistere, & oppressum draconis praesentia suis precibus adjuvare. Tunc repente liberatus, magnis coepit vocibus clamare, dicens: Deo gratias: ecce discessit, ecce exiit, ante orationes vestras fugit draco qui me acceperat. b Mox autem servitutum se Deo & esse monachum devovit; atque a tempore illo nuncusque febribus premitur, doloribus fatigatur. Morti quidem subtractus est, sed adhuc plenius vitae restitutus non est. Quia enim longis & diuturnis iniquitatibus pressus est, longo languore fatigatur, & durum cor ignis purificationis durior concremat: quia divi-

na dispensatione agitur, ut prolixiora vitia aegritudo prolixior exurat. Quis illum unquam fervari ad conversionem crederet? Quis tantam Dei misericordiam considerare sufficiat? Ecce juvenis pravus draconem vidit in morte, cui servivit in vita: nec vidit ut vitam funditus perderet, sed ut cui servierat sciret, sciendo resisteret, ipsumque resistendo superaret: & cum a quo prius non videns tenebatur, vidit postea ne teneretur. Quae ergo lingua narrare viscera divinae misericordiae sufficiat? Quis spiritus tantae pietatis divitias non obstupescat? Has divinae pietatis divitias consideravit Psalmista, cum diceret: *Adjutor meus tibi psallam, quia tu Deus susceptor meus es, Deus meus misericordia mea*. Ecce perpendens in quibus laboribus humana sit vita constituta, Deum appellavit adiutorem: & quia a tribulatione praesenti in requiem aeternam nos suscipit, appellat etiam susceptorem. Sed considerans quod mala nostra aspicit & portat, culpas nostras tolerat, & tamen nos per c poenitentiam ad praemia reservat, noluit Deum misericordem dicere, sed hunc ipsam misericordiam vocavit, dicens: *Deus meus misericordia mea*. Revocemus ergo ante oculos mala quae fecimus: pensemus ex quanta Dei benignitate toleramur: consideremus quae sunt pietatis ejus viscera, ut non solum culpas indulgeat, sed caeleste regnum poenitentibus etiam post culpas promittat. Atque ex omnibus medullis cordis dicamus singuli, dicamus omnes: *Deus meus misericordia mea*: d qui vivis & regnas trinus in unitate, & unus in trinitate, per infinita secula seculorum. Amen:

LECTIO

a Al. sed propter.

b In primo Carn. post, acceperat, subjicitur: pro peccatis meis modo intercedite, quia converti paratus sum, & secularem vitam funditus relinquere. Mox.

c Secundus Carn. patientiam.

d In Corb. Germ. qui cum patre & Spiritu sancto vivit. In priore Comet. cui in unitate & trinitate honor & imperium in secula seculorum. Amen. Defunt in 2. Marc.

Ps. 59. 19.

Pater. in Psal. 6. 127.

Lectio sancti Evangelii secundum Lucam .

Lucæ Cap. III. v. 1. — II.

ANNO quintodecimo imperii Tiberii Cæsaris , procurante Pontio Pilato Judæam , tetrarcha autem Galilææ Herode , Philippo autem fratre ejus tetrarcha Iturææ & Thracbonitidis regionis , & Lysania Abilinæ tetrarcha , sub principibus sacerdotum Anna & Caipha , factum est verbum Domini super Johannem , Zachariæ filium , in deserto . Et venit in omnem regionem Jordanis , prædicans baptismum pœnitentiæ in remissionem peccatorum , sicut scriptum est in libro sermonum Isaia Prophetæ : Vox clamantis in deserto : Parate viam Domini , rectas facite semitas ejus . Omnis vallis implebitur , & omnis mons & collis humiliabitur . Et erunt prava in directa , & aspera in vias planas . Et videbit omnis caro salutare Dei . Dicebat ergo ad turbas , quæ exibant ut baptizarentur ab ipso : Genimina viperarum , quis ostendit vobis fugere a ventura ira ? Facite ergo fructus dignos pœnitentiæ : & ne cœperitis dicere , Patrem habemus Abraham . Dico enim vobis , quia potens est Deus de lapidibus istis suscitare filios Abraham . Jam enim securis ad radicem arboris posita est . Omnis ergo arbor non faciens fructum bonum , excidetur , & in ignem mittetur . Et interrogabant eum turbæ , dicentes : Quid ergo faciemus ? Respondens autem dicebat illis : Qui habet duas tunicas , det non habenti : & qui habet escas , similiter faciat .

^a H O M I L I A XX.

^b Habita ad populum in ^b basilica sancti Johannis Baptistæ ,
^c Sabbato Quatuor temporum ante Natalem Christi .

Christus ex
 Judæis &
 Gentilibus
 unam con-
 gregavit
 Ecclesiam .

I. **R**edemptoris nostri Præcurfor quo tempore prædicationis verbum acceperit , memorato Romanæ Reipublicæ principe , & Judææ regibus , designatur , cum dicitur : Anno quintodecimo imperii Tiberii Cæsaris , procurante Pontio

Pilato Judæam , tetrarcha autem Galilææ Herode , Philippo autem fratre ejus tetrarcha ^d Iturææ & Thracbonitidis regionis , & Lysania Abilinæ tetrarcha , sub principibus sacerdotum Anna & Caipha , factum est verbum Domini super Johannem , Zachariæ
 Ff 2 cha-

^a In Corb. est tertia . In cod. Reg. Suec. decima sexta . In Later. quarta .

^b In Later. habes , in basilica S. Salvatoris qua appellatur Constantiniana . In

Kalendario Roman. statio est ad S. Petrum .

^c Hæc non leguntur in Later. cod. Reg. Suec. C. Germ. & Bigot.

^d C. Germ. & Gemet. Ituria .

chariæ filium, in deserto. Quia enim illum prædicare veniebat, qui & ex Judæa quosdam, & multos ex Gentibus redempturus erat, per regem Gentium & principes Judæorum prædicationis ejus tempora designantur. Quia autem Gentilitas colligenda erat, & Judæa pro culpa perfidiæ dispergenda, ipsa quoque descriptio terreni principatus ostendit, quoniam & in Romana Republica unus præfuisse describitur, & in Judææ regno per quartam partem plurimi principabantur. Voce etenim Redemptoris nostri dicitur: *Omne regnum in seipsum divisum desolabitur.* Liqueat ergo quod ad finem regni Judæa pervenerat, quæ tot regibus divisa subiacebat. Apte quoque non solum quibus regibus, sed etiam quibus sacerdotibus actum sit, demonstratur: quia illum Johannes Baptista prædicaret, qui simul rex & sacerdos existeret, Lucas Evangelista prædicationis ejus tempora per regnum & sacerdotium designavit.

2. *Et venit in omnem regionem Jordanis, prædicans baptismum penitentiae in remissionem peccatorum.* Cunctis legentibus liquet, quia Johannes non solum baptismum penitentiae prædicavit, verum etiam quibusdam dedit: sed tamen baptismum suum in remissionem peccatorum dare non potuit. Remissio etenim peccatorum in solo nobis baptismo Christi tribuitur. Notandum itaque quod dicitur: *Prædicans baptismum penitentiae in remissionem peccatorum:* quoniam baptismum quod peccata solveret, quia dare non poterat, prædicabat: ut sicut incarnatum Verbum Patris præcurrebat verbo prædicationis, ita baptismum penitentiae quo peccata solvuntur, præcurreret suo baptis-

mate quo peccata solvi non possunt: ut quia ejus sermo præcurrebat præsentiam Redemptoris, ipsum quoque ejus baptismus^a præcedendo fieret umbra veritatis. Sequitur:

3. *Sicut scriptum est in libro sermonum Isaïæ Prophetæ: Vox clamantis in deserto, Parate viam Domini, rectas facite semitas ejus.* Idem vero Johannes Baptista requisitus quis esset, respondit, dicens: *Ego vox clamantis in deserto.* Qui, sicut ante per nos dictum est, ideo vox a Propheta vocatus est, quia verbum præibat. Quid autem clamaret, aperitur cum subditur: *Parate viam Domini, rectas facite semitas ejus.* Omnis qui fidem rectam & bona opera prædicat, quid aliud quam venienti Domino ad corda audientium viam parat? ut hæc vis gratiæ penetret, ut lumen veritatis illustret, ut rectas Deo semitas faciat, dum mundas in animo cogitationes per sermonem bonæ prædicationis format. Omnis vallis implebitur, & omnis mons & collis humiliabitur.^c Quid hoc loco vallium nomine, nisi humiles? quid montium & collium, nisi superbi homines designantur? In adventu ergo Redemptoris, valles impletæ, montes vero & colles humiliati sunt; quia juxta ejus vocem: *Omnis qui se exultat, humiliabitur; & omnis qui se humiliat, exaltabitur.* Vallis etenim impleta crescit, mons autem & collis humiliatus decrescit: quia nimirum in fide Mediatoris Dei & hominum hominis Christi Jesu, & Gentilitas^d plenitudinem gratiæ accepit, & Judæa per errorem perfidiæ hoc unde tumebat, perdidit. Omnis enim vallis implebitur; quia corda humilium sacræ doctrinæ eloquio virtutum gratia reple-

Quid Johannes
hannes
prædicavit.
Isai. 40. 3.

Inter. in
Isai. c. 50.

Luc. 14. 11.
& 18. 14.

Johannes
baptizante
non remitte-
bantur
peccata.

^a Bigot. præcurrendo.

^b Belvac. C. Germ. Longip. & duo posterior. Gomet. sicut ante nos dictum est.

^c Belvac. qui hoc loco... qui montium.
^d 2. Marc. per fidem plen.

Psal. 103. 10. est : *Qui emitit fontes in convallibus*. Et unde rursus dicitur : *Et convallibus abundabunt frumento*. A montibus namque aqua dilabitur ; quia superbas mentes ^a veritatis doctrina deferit . Sed fontes in convallibus surgunt ; quia mentes humilium verbum prædicationis accipiunt . Jam videmus , jam convallibus frumento abundare conspiciamus : quia illorum ora pabulo veritatis impleta sunt , qui mites ac simplices huic mundo despicabiles esse videbantur .

Johannis humilitas .
^b 4. Ipsum quoque Johannem Baptistam , quia ^b mira sanctitate præditum populus viderat , illum hunc esse singulariter celsum ac solidum montem credebat , de quo scriptum est : *In novissimo dierum erit mons domus Domini preparatus in vertice montium* . Nam hunc esse Christum putabat , sicut per Evangelium dicitur : *Æstimante autem populo & cogitantibus omnibus in cordibus suis de Johanne , ne forte ipse esset Christus , quem & requirebant dicentes : Numquid Christus es tu ?* Sed nisi idem Johannes apud se vallis esset , repletus ^c gratiæ spiritu non fuisset . Qui ut hoc quod erat ^d ostenderet , dixit : *Venit fortior me post me , cujus non sum dignus solvere corrigiam calceamenti ejus* . Et rursus ait : *Qui habet sponsam , sponsus est : amicus autem sponsi qui stat & audit eum , gaudio gaudet propter vocem sponsi* . Hoc autem gaudium meum impletum est . *Illum oportet crescere , me autem minui* .
^c *Marc.* 1. 7. ^d Ecce cum ^e pro mira operatione virtutum talis esset , ut Christus esse crederetur , non solum Christum non esse se respondit , sed etiam cor-

rigiam calceamenti ejus solvere ; id est incarnationis ejus mysterium perferutari non se dignum esse perhibuit . Ejus esse sponsam Ecclesiam credebant . Sed ait : *Qui habet sponsam , sponsus est* . Ac si diceret : Ego sponsus non sum , sed amicus sponsi sum . Nec propter vocem suam , sed in voce sponsi se gaudere perhibebat : quia non ideo lætabatur in corde , quoniam a populis humiliter audiebatur loquens : sed quia ipse veritatis vocem audiebat intus , ut loqueretur foris . Quod bene gaudium impletum dicit : quia quisquis de sua voce gaudet , plenum gaudium non habet . A quo & subditur : *Illum oportet crescere , me autem minui* .

5. Qua in re quærendum est in quo crevit Christus , in quo imminutus est Johannes : nisi quod populus Johannis abstinenciam videns , remotum hunc ab hominibus esse conspiciens , eum esse Christum putabat : Christum vero cum publicanis comedentem , inter peccatores ambulancem intuens , eum non Christum , sed esse prophetam credebat . Sed dum per accessum temporis & Christus qui propheta esse putabatur , Christus est agnitus ; & Johannes qui Christus esse credebatur , propheta esse innotuit , impletum est quod de Christo suus præcurzor prædixit : *Illum oportet crescere , me autem minui* . In æstimatione quippe populi & Christus crevit , quia ^f agnitus est quod erat : & Johannes decrevit , quia cessavit dici quod non erat . Igitur quoniam & idem Johannes ideo in sanctitate perstitit , quia in cordis humilitate perduravit : & multi idcirco ceciderunt , quia apud semetipsos elata cogitatione

Qua ratione Christo crescente sit imminutus .

f

^a Belvac. & Corb. *veritas doctrina deferit* .

^b Idem cod. cum Carnut. & tertio Gemet. *mira claritate* . Sic & 2. Marc.

^c Belvac. & Corb. Germ. *gratia spiritus* .

^d Primus Cern. *absconderet* . Paulo post

Belvac. Corb. Longip. *venit fortior me ; cujus* .

^e Belvac. Corb. C. Germ. *præmissa operatione* . Ita & 2. Marc.

^f 2. Marc. *agnitus , quod erat innotuit* .

Pater. in
Isai. c. 50.

tione tumuerunt, dicatur recte: *Omnis vallis implebitur, & omnis mons & collis humiliabitur*: quia donum humiles accipiunt, quod a se corda superbientium repellunt.

Iniquorum
& iracundorum
conversio pro-
mittitur.
Isai. 40. 4.

6. Sequitur: *Et erunt prava in directa, & aspera in vias planas*. Prava directa fiunt, cum malorum corda per injustitiam detorta, ad justitiæ regulam diriguntur. Et aspera in vias planas immutantur, cum immites atque iracundæ mentes per infusionem supernæ gratiæ ad lenitatem mansuetudinis redeunt. Quando enim verbum veritatis ab iracunda mente non recipitur, quasi asperitas itineris gressum pergentis repellit. Sed cum mens iracunda per acceptam mansuetudinis gratiam, correptionis vel exhortationis verbum recipit, ibi planam viam prædicator invenit, ubi prius præ asperitate itineris pergere, id est prædicationis gressum ponere non valebat.

Christum
non videbit
omnis caro,
nisi in judi-
cii die.

a

7. Sequitur: *Et videbit omnis caro salutare Dei*. Quia omnis caro accipitur omnis homo, salutare Dei, videlicet Christum in hac vita omnis homo videre non potuit. Ubi ergo in hac sententia Propheta prophetiæ oculum nisi ^a ad extremi judicii diem tendit? Ubi cum apertis cælis, ministrantibus angelis, confedentibus Apostolis, in sede majestatis suæ Christus apparuerit, omnes hunc & electi & reprobi pariter videbunt: ut & justî de munere retributionis sine fine gaudeant, & injusti in ultione supplicii in perpetuum gemant. Nam quia ad hoc ista sententia intendit, quod in extremo examine ab omni carne videbitur, recte subjungitur: *Dicebat autem ad turbas, quæ exibant ut baptizarentur ab eo: Genimina vi-*

perarum, quis ostendit vobis fugere a ventura ira? Ventura enim ira, est animadversio ultionis extremæ: quam tunc fugere peccator non valet, qui nunc ad lamenta pœnitentiæ non recurrit. Et notandum, quod malæ soboles malorum parentum actiones imitantes, genimina viperarum vocantur: quia per hoc quod bonis invident, eosque persequuntur, quod quibusdam mala retribuant, quod læsiones proximis exquirunt, quoniam in ^b his omnibus priorum suorum carnalium vias sequuntur, quasi venenati filii de venenatis parentibus nati sunt.

Judæi aut
genimina
viperarum
dicti.

b

8. Sed quia jam peccavimus, quia usu malæ consuetudinis involuti sumus; dicat quid nobis faciendum sit, ut fugere a ventura ira valeamus. Sequitur: *Facite ergo fructus dignos pœnitentiæ*. In quibus verbis notandum est, quod amicus sponsi non solum fructus pœnitentiæ, sed dignos pœnitentiæ admonet esse faciendos. Aliud namque est pœnitentiæ fructum facere, aliud dignum pœnitentiæ fructum facere. Ut enim secundum dignos pœnitentiæ fructus loquamur, sciendum est, quia quisquis illicita nulla commisit, huic jure conceditur ut licitis utatur: sicque pietatis opera faciat, ut tamen si noluerit, ea quæ mundi sunt, non relinquat. At si quis in fornicationis culpam, vel fortasse quod est gravius, in adulterium lapsus est, tanto a se licita debet abscindere, quanto se meminit & illicita perpetrasse. Neque enim par fructus boni operis esse debet ejus qui minus, & ejus qui amplius deliquit: aut ejus qui in nullis, & ejus qui in quibusdam facinoribus cecidit, ^c & ejus qui in multis est lapsus. Per hoc ergo quod dicitur: *Facite di-*

Non sufficit
pœnitentia,
nisi digni
pœnitentiæ
fructus
fiant.

c

^a Belvac, ad extremum judicis diem. Longip. ad extremum judicii diem.

^b Ita mss. & ed. In recent. patrum suorum.

^c In Balyac. & novem aliis mss. anti- quis desideratur hoc membrum, & ejus qui in multis est lapsus. Requirit tamen videtur ad perfectam divisionem.

dignos fructus pœnitentiæ ; uniuscujusque conscientia convenitur : ut tanto majora ^a quærat bonorum operum lucra per pœnitentiam , quanto graviora sibi intulit damna per culpam .

a

Judæorum
impœnitentia,
propter
superbiam .

9. Sed Judæi de generis nobilitate gloriantes , idcirco se agnoscere peccatores volebant , quia de Abraham stirpe descenderant . Quibus recte dicitur : *Et ne cœperitis dicere , Patrem habemus Abraham : dico enim vobis , quia potens est Deus de lapidibus istis suscitare filios Abraham .* ^b

b

Quid enim lapides , nisi corda Gentilium fuerunt , ad intellectum Dei omnipotentis insensibilia ? sicut etiam quibusdam ex Judæis dicitur :

Ezech. 11.
20.

Auferam cor lapideum de carne vestra . Nec immerito lapidum nomine gentes significatæ sunt , quia lapides coluerunt . Unde scriptum est :

Psalm. 113. 3.

Similes illis fiant qui faciunt ea , & omnes qui confidunt in eis . De quibus nimirum lapidibus filii Abraham suscitati sunt : quia dum dura corda Gentilium in Abraham semine , id est in Christo crediderunt , ejus filii facti sunt , cujus semini sunt uniti . Unde & eisdem Gentibus per egregium prædicatorem dicitur :

Galat. 3. 29.

Si autem vos Christi , ergo Abraham semen estis . Si igitur nos per fidem Christi , Abraham jam semen existimus , Judæi propter perfidiam Abraham filii esse desierunt . Quia vero in illo tremendi examinis die , parentes boni malis filiis prodesse non possint , testatur Propheta qui dicit : *Noe , Daniel & Job si fuerint in medio eorum , vivo ego , dicit Dominus Deus , quia filium & filiam non liberabunt : sed ipsi justitia sua liberabunt animas suas .* Et rursum , quia boni filii nihil malis parentibus prolint , sed ad reatum potius malorum parentum proficiat

Ezech. 14.
24.

c

bonitas filiorum , ipsa per se Veritas non credentibus Judæis dicit : *Si ego in Babelzebub ejicio demonia , filii vestri in quo ejiciunt ? Ideo ipsi judices vestri erunt .*

Luc. 11. 19.

10. Sequitur : *Jam enim securis ad radicem arboris posita est . Omnis enim arbor non faciens fructum bonum , excidetur , & in ignem mittetur .* Arbor hujus mundi est universum genus humanum . Securis vero est Redemptor noster , qui velut ex manubrio & ferro tenetur ex humanitate , sed incidit ex divinitate . Quæ videlicet securis jam ad radicem arboris posita est : quia etsi per patientiam expectat , videtur tamen quid factura est . *Omnis enim arbor non faciens fructum bonum , excidetur , & in ignem mittetur :* quia unusquisque perversus paratam citius Gehennæ concremationem invenit , qui hic fructum boni operis facere contemnit . Et notandum , quod securim non juxta ramos positam , sed ad radicem dicit . Cum enim malorum filii tolluntur , quid aliud quam rami infructuosæ arboris absciduntur ? Cum vero tota simul progenies cum parente tollitur , infructuosa arbor a radice abscissa est , ne jam remaneat unde prava iterum soboles succrescat . In quibus Johannis Baptistæ verbis constat quod audientium corda turbata sunt , cum protinus subinfertur : *Et interrogabant eum turbæ , dicentes : Quid ergo faciemus ?* Percussæ enim terrore fuerant , quæ consilium quærebant .

Fructus
pœnitentiæ
non ferentium
pœna .

11. Sequitur : *Respondens autem dicebat illis : Qui habet duas tunicas , det non habenti : & qui habet escas , similiter faciat .* Per hoc quod tunica plus est necessaria usui nostro , quam pallium , ad fructum dignum pœnitentiæ pertinet , ut non solum

Ad fructus
pœnitentiæ
pertinent
opera misericordiæ .

exte-

^a In duobus poster. Gemet. acquirat .

^b Vice versa in Val-cl. & tertio Gemet.

quid enim corda gentilium nisi lapides .

^c C. Germ. & pler. in medio ejus .

Etiam ex
necessariis
eleemosyna
eroganda.
Matth. 22.
39. ex Lev.
19. 18.

Eleemosy-
næ virtus.

Luc. 11. 41.

Ibid. 6. 3^o.

Eccli. 3. 33.

a

Ibid. 29. 15.

b

Tob. 4. 9.

Maxime fi
fiat iustis &
div. verbi
præconi-
bus.

Matth. 10.

41.

Pater. in

Matth. 6.

53.

exteriora quæque & minus necessaria, sed ipsa valde nobis necessaria dividere cum proximis debeamus, scilicet vel escam qua carnaliter vivimus, vel tunicam qua vestimur. Quia enim in Lege scriptum est: *Diliges proximum tuum sicut teipsum*: minus proximum amare convincitur, qui non cum eo in necessitate illius etiam ea quæ sibi sunt necessaria partitur. Idcirco ergo de dividendis cum proximo duabus tunicis datur præceptum, quia hoc de una dici non potuit; quoniam si una dividatur, nemo vestitur. In dimidia quippe tunica & nudus remanet qui accipit, & nudus qui dedit. Inter hæc autem sciendum est quantum misericordiæ opera valeant, cum ad fructus dignos pœnitentiæ ipsa præ ceteris præcipiuntur. Hinc etiam per semetipsam Veritas dicit: *Date eleemosynam, & ecce omnia munda sunt vobis*. Hinc rursus ait: *Date, & dabitur vobis*. Hinc scriptum est: *ignem ardentem exstinguit aqua, & eleemosyna^a resistit peccatis*. Hinc iterum dicitur: *Conclude eleemosynam^b in sinu pauperis, & hæc pro te exorabit*. Hinc bonus pater innocentem filium admonet, dicens: *Si multum tibi fuerit, abundanter tribue: si exiguum fuerit, etiam exiguum libenter stude impartiri*. 12. Ut autem quanta esset virtus in continentia, & susceptione indigentium Redemptor noster ostenderet, dicit: *Qui recipit prophetam in nomine prophetæ, mercedem prophetæ accipiet: & qui recipit iustum in nomine iusti, mercedem iusti accipiet*. In quibus verbis notandum est, quia non ait: mercedem de propheta, vel mercedem de iusto, sed mercedem prophetæ, atque mercedem iusti accipiet. Aliud est enim merces de propheta, aliud merces prophetæ: atque aliud mer-

ces de iusto, aliud merces iusti. Quid est enim dicere, *Mercedem prophetæ accipiet*, nisi quia is qui prophetam sua largitate sustentat, quamvis ipse prophetiam non habeat, apud omnipotentem tamen Dominum prophetiæ præmia habebit? Ille enim fortasse iustus est, & quanto in hoc mundo nihil possidet, tanto loquendi pro iustitia fiduciam majorem habet. Hunc dum ille sustentat qui in hoc mundo aliquid possidet, & fortasse adhuc pro iustitia loqui libere non præsumit, iustitiæ illius libertatem sibi participem facit: ut cum eo pariter iustitiæ præmia recipiat, quem sustentando adjuvit, quatenus eandem iustitiam libere loqui potuisset. Ille prophetiæ spiritu plenus est, sed tamen corporeo eget alimento. Et si corpus non reficitur, certum est quod vox ipsa subtrahatur. Qui ergo alimentum prophetæ propter hoc quod propheta est, tribuit, prophetiæ illius vires ad loquendum dedit. Cum propheta ergo mercedem prophetæ recipiet; quia etsi spiritu prophetiæ plenus non fuit, hoc tamen ante Dei oculos exhibuit, quod adjuvit. Hinc est quod de quibusdam peregrinantibus fratribus^c Caio per Johannem dicitur: *Pro nomine enim Christi profecti sunt, nihil accipientes a Gentilibus*. Nos ergo debemus suscipere huiusmodi, ut cooperatores simus veritatis. Qui enim spiritalia dona habentibus, temporalia subsidia tribuit, in ipsis donis spiritalibus cooperator existit. Nam cum pauci sint qui spiritalia dona percipiunt, & multi qui rebus temporalibus abundant; per hoc se divites virtutibus pauperum inserunt, quo eisdem sanctis pauperibus de suis divitiis solatiantur. Unde cum per Isaïæ vocem, derelictæ Dominus Gentilitati, id est sanctæ Eccle-

Pater. in 3.
Joh. c. 1.

c
3. Joh. v. 7. 6.

Pater. in
Isai. c. 54.

a 2. Marc. *extinguit peccatum*.

b C. Germ. & Belyac. *in corde*.

c C. Germ. duo priores Gemet. ac Longip. Caio.

clesiæ, spiritualium virtutum merita, tamquam deserto arbusta promitteret, ulmum quoque pariter promissit, dicens: *Ponam desertum in stagna aquarum; & terram inviam in rivos aquarum: dabo in solitudine cedrum & spinam, myrtum & lignum olivæ: ponam in deserto abietem ulmum, & buxum simul, ut videant, & sciant, & recogitent & intelligant pariter.*

In Ecclesiæ
solitudine
quid sint
cedrus,
spina,
myrtus &c.

13. Desertum quippe Dominus in stagna aquarum posuit, & terram inviam in rivos aquarum; quia Gentilitati, quæ prius per ariditatem mentis nullos bonorum operum fructus ferebat, fluentia sanctæ prædicationis dedit: & ipsa, ad quam prius pro asperitate suæ siccitatis, via prædicatoribus non patebat, doctrinæ postmodum rivos emanavit. Cui adhuc ex magno munere promittitur: *Dabo in solitudine cedrum & spinam.* Cedrum, quia magni odoris est, atque imputribilis naturæ, jure accipimus in promissione. De spina vero, cum peccanti homini dictum sit: *Terra tua spinas & tribulos germinabit tibi;* quid mirum si sanctæ Ecclesiæ illud promittitur, quod peccanti homini pro pœna multiplicatur? Sed cedri signantur nomine hi qui virtutes & signa exhibent in sua operatione, qui dicere cum Paulo valent: *Christi bonus odor sumus Deo.* Quorum corda ita ^a in æterno amore solidata sunt, ut eadem jam terreni amoris putredo nulla corrumpat. Per spinam vero signati sunt doctrinæ spiritualis viri, qui dum de peccatis ac virtutibus differunt, & modo æterna supplicia minantur, modo cœlestis regni gaudia promittunt, corda audientium pungunt. Sicque mentem dolore compunctionis perforant, ut ab eo-

rum oculis quasi quidam sanguis animæ, lacrymæ decurrant. Myrtus vero temperativæ virtutis est, ita ut dissoluta membra temperando restringat. Quid itaque per myrtum, nisi hi signati sunt, qui afflictionibus proximorum compati sciunt, eorumque tribulationem per compassionem temperant? juxta hoc quod scriptum est: ^b *Gratias au-* ^{2. Cor. 1. 4.}
tem Deo, qui consolatur nos in omni tribulatione nostra, ut possimus & ipsi consolari eos qui in omni pressura sunt. Qui dum afflictis proximis verbum vel opem consolationis ferunt, eos proculdubio ad statum rectitudinis restringunt, ne immoderata tribulatione in desperationem solvantur. Quos autem per olivam, nisi misericordes accipimus? quia & Græce ^c *ἐλεος* misericordia vocatur, & quasi olivæ liquor, ante omnipotentis Dei oculos, misericordiæ fructus lucet. Cui adhuc in promissione subjungitur: *Ponam in deserto abietem, ulmum & buxum simul.* Qui per abietem, quæ valde crescendo ad aeris alta sustollitur, nisi hi designati sunt, qui intra sanctam Ecclesiam adhuc in terrenis corporibus positi, jam cœlestia contemplantur? Et quamvis nascendo de terra exierunt, contemplando tamen jam juxta æthera verticem mentis extollunt. Et quid per ulmum, nisi secularium mentes expressæ sunt? Quæ dum terrenis adhuc curis intervium, nullum virtutum spiritualium fructum ferunt. Sed etsi fructum proprium ulmus non habet, portare tamen vitem cum fructu solet: quia & seculares viri intra sanctam Ecclesiam, quamvis spiritualium virtutum dona non habeant, dum tamen sanctos viros donis spiritualibus plenos sua largitate sustentant, quid aliud quam vitem

b

c

^a Duo priores Gemet. Longip. & Val-cl. inferno.

Tom. V.

^b Longip. gratias ago Deo.

^c 2. Marc. oleos. Vitiose.

vitem cum botris portant? Buxus autem quos alios designat, quæ in altum non proficit, & quamvis fructum non habeat, viriditatem tamen habet, nisi eos qui intra sanctam Ecclesiam adhuc ex ætatis infirmitate bona opera ferre non valent, sed tamen parentum fidelium credulitatem sequentes, fidem perpetuæ viriditatis tenent? Post quæ omnia apte subjungitur: *Ut videant & sciant, & recogitent & intelligant pariter*. Ad hoc enim cedrus in Ecclesia ponitur, ut quisquis a proximo odorem virtutum spiritualium trahit, ^a ipse quoque in æternæ vitæ ^b dilectione non torpeat, ^c sed ad bonorum cœlestium desideria ignescat. Ad hoc spina ponitur, ut qui prædicationis ejus verbo compunctus fuerit, ipse quoque exemplo illius discat corda sequentium prædicationis verbo compungere. Ad hoc myrtus ponitur, ut qui in ardore tribulationis ab ore vel opere proximi compatiens, temperamentum consolationis acceperit, ipse etiam discat quemadmodum afflictis proximis suæ consolationis temperamentum proferat. Ad hoc oliva ponitur, ut qui alienæ misericordiæ opera cognoscit, discat quemadmodum debeat indigenti proximo & ipse misereri. Ad hoc abies ponitur, ut quisquis vim contemplationis ejus agnoverit, ipse quoque ad contemplanda æterna præmia succendatur. Ad hoc ulmus ponitur, ut quisquis intuitus fuerit eum qui habere virtutum fructum spiritualium non valet, sed tamen eos qui spiritualibus donis pleni sunt, sustentat, ipse quoque sanctorum vitæ quanta valet largitate infer-

viat, & cœlestium bonorum botros quos gignendo non valet, sustentando ferat. Ad hoc buxus ponitur, ut qui habere multos adhuc ^d in infirmitate positos veræ fidei viriditatem considerat, etiam esse ipse infidelis erubescat. Bene ergo descriptis prius arboribus dicitur: *Ut videant & sciant, & recogitent & intelligant*. Ubi & apte subjungitur, *Pariter*: quia cum intra sanctam Ecclesiam diversi hominum mores, diversi sunt ordines, necesse est ut omnes simul discant, dum in ea spirituales viri diversæ qualitatis, ætatis, & ordinis ad imitandum, simul videntur. Sed ecce nos dum monstrare ulmum quærimus, per multa arbuscula longius evagati sumus. Ad hoc itaque propter quod Prophetæ testimonium protulimus, revertamur. *Qui recipit prophetam in nomine prophetæ, mercedem prophetæ accipiet*: quia etsi fructum ulmus non habet, vitem tamen cum fructibus portans, hæc ipsa sua efficit, quæ bene sustentat aliena.

14. Quia vero ad magna nos opera Johannes almonet, dicens: *Facite ergo fructus dignos pœnitentiæ*. Et rursus: *Qui habet duas tunicas, det non habenti: & qui habet escas, similiter faciat*: jam patenter datur intelligi quid est quod Veritas dicit: *A diebus Johannis Baptiste usque nunc regnum cœlorum vim patitur, & violenti rapiunt illud*. Quæ supernæ verba sententiæ nobis sunt magnopere perscrutanda. Nam quærendum est, quomodo vim perpeti regnum cœlorum possit. Quis enim cœlo violentiam irrogat? Et rursus quærendum est, si pati vim regnum cœlorum potest,

d

^c Quid sit regnum cœlorum vim pati. *Matth. 3. 8. Luc. 3. 11.*

Matth. 11. 12.

Vater, in Matth. c. 56.

^a Hic inter se pugnant codices tum manu exarati, tum editi. In Gemet. quos sequuntur excusi omnes, si Gussanv. excipias, *ipse quoque in terrena*. Ceteri tam Anglic. quam nostri habent; *ipse quoque interna*, vel, *ab interna*. 2. Marc. interna.

^b Belvac. & quatuor alii, *delectatione*.

^c Ita Corb. Germ. cum pl. & posterioribus MSS. quibus concinunt vet.

^d C. Germ. *in infirma ætate positos*.

^e Duo priores Gemet. *qua bona sustentat*.

a test, a cur eandem vim a diebus
Johannis Baptiste, & non etiam ante
pertulerit? Sed cum Lex dicat:
Si quis hæc vel illa fecerit, morte
moriatur; cunctis legentibus liquet,
quia peccatores quosque pœna suæ
severitatis perculit, non autem per
pœnitentiam ad vitam reduxit. Cum
vero Johannes Baptista, Redemptoris
gratiam præcurrens, pœnitentiam
prædicat, ut peccator qui ex culpa
mortuus est, b per conversionem
vivat, profecto a diebus Johannis
Baptiste regnum cœlorum vim patitur.
Quid est autem regnum cœlorum,
nisi locus justorum? Solis enim
justis cœlestis patriæ præmia
debentur, ut humiles, casti, mites,
atque misericordes ad gaudia
superna perveniant. Cum vero quis
vel superbia tumidus, vel carnis facinore
pollutus, vel iracundia accensus,
vel crudelitate impius, post
culpas ad pœnitentiam redit, & vitam
æternam percipit, quasi in locum
peccator intrat alienum. A diebus
ergo Johannis Baptiste regnum cœlorum
vim patitur, & violenti rapiunt illud:
quia qui pœnitentiam peccatoribus
indixit, quid aliud quam regno cœlorum
fieri violentiam docuit?

Pœnitentiæ.
vis.

15. Recogitemus ergo, fratres
carissimi, mala quæ fecimus, &
nosmetipsos assiduè lamentis atteramus.
Hereditatem justorum, quam
non tenuimus per vitam, rapiamus
per pœnitentiam. Vult a nobis o-

mnipotens Deus talem violentiam
perpeti. Nam regnum cœlorum rapi
vult nostris fletibus, quod nostris
meritis non debetur. Ab spei
ergo certitudine nulla nos malorum
nostrorum qualitas, nulla quantitas
frangat. Præstat magnam veniæ
fiduciam latro ille venerabilis, qui
non inde venerabilis, unde latro:
nam latro ex crudelitate, venerabilis
ex confessione. Cogitate ergo,
cogitate quam sint incomprehensibilia
in omnipotenti Deo misericordiæ
viscera. Latro iste cruentis manibus
abstractus c a fauce itineris,
suspensus est in patibulo crucis: ibi
confessus, ibi sanatus est, ibi audire
meruit: *Hodie mecum eris in* Luc. 23.43.
paradiso. Quid est hoc? Quis tantam
bonitatem Dei dicere, quis æstimare
sufficiat? De ipsa pœna criminis
pervenit ad præmia virtutis. Idcirco
autem omnipotens Deus electos suos
in quibusdam lapsibus cadere permisit,
ut aliis in culpa jacentibus, si toto
ad eum corde confurgant, spem veniæ
reddat, & eis per lamenta pœnitentiæ
d viam pietatis aperiat. Exerceamus
ergo nosmetipsos in lamentis, exstinguamus
fletibus & dignis pœnitentiæ
fructibus culpas quas fecimus: e ad
indulgentiam nobis tempora indulta
non pereant: quia qui multos a
suis iniquitatibus jam sanatos aspici-
mus, quid aliud quam supernæ
misericordiæ pignus f tenemus?

a 2. Marc. & violenti rapiunt illud.

b Turon. per conversationem.


c C. Germ. & tertius Gemet. a facie itineris.

d Edici, jam cœlestem patriam aperiret. Sequimur MSS. pene omnes. In duobus tamen Gemet. pro, pietatis, legitur, veritatis.

e Turon. cum Longip. Val-cl. tribus Gemet. & Bigot. ita habet, pro veniam, quod legitur in excusis. Hæc autem desunt

in C. Germ. Belvac. & primo Carn. ubi solum legitur: Extinguamus . . . culpas. Tempora indulta non pereant.

f Post, tenemus, in duobus prior. Gemet. ita concluditur hom. sit itaque Jesu Christo Domino nostro cum Patre & Spiritu sancto honor & imp. per omnia secula seculorum. Amen. In tertio Gem. Adjuvet ipse quem amamus J. C. D. noster qui cum Patre & Spiritu sancto vivit & regnat in secula seculorum. Amen.



HOMILIARUM

IN EVANGELIA


LIBER SECUNDUS.



Lectio Sancti Evangelii secundum Marcum.

Marc. Cap. XVI. N. 1. — 7.

IN illo tempore : Maria Magdelene , & Maria Jacobi , & Salome ^a emerunt aromata , ut venientes ungerent Jesum . Et valde mane una sabbatorum veniunt ad monumentum , orto jam sole . Et dicelant ad invicem : Quis revolvat nobis lapidem ab ostio monumendi ? ^b Et respicientes , viderunt revolutum lapidem . Erat quippe magnus valde . Et introeuntes in monumentum , viderunt juvenem sedentem in dextris , coopertum stola candida , & obstupuerunt . Qui dixit illis : Nolite expavescere . Jesum queritis Nazarenum crucifixum : surrexit , non est hic . Ecce locus ubi posuerunt eum . Sed ite , dicite discipulis ejus & Petro , quia pracedet vos in Galileam . Ibi eum videbitis , sicut dixit vobis .



HOMILIA XXI.

Habita ad populum in basilica Beatæ Mariæ Virginis
die sancto Paschæ.

Ex homiliis I.
altæ ad po-
pulum di-
ctæ. aliz
lectæ.

MUltis vobis lectionibus fratres carissimi , per dictatum loqui consuevi : sed quia lascescente stomacho , ea quæ dictavero , legere ipse non possum , quosdam vestrum

minus libenter audientes intueor . Unde nunc a memetipso exigere contra morem volo , ut inter sacra Missarum solemnias , lectionem sancti Evangelii non dictando , sed colloquen-

^a Belvac. & C. Germ. *abentes eme-*
runt .

^b In eisdem cod. sequitur immediate :
erat quippe magna valde . Et respicientes
&c. Sicque tollitur hyperbaton Vulgatæ ;

immo & textus Greci . Idem MSS. *pracedit* .

^c Est in Later. decima quarta . In cod. Reg. Succ. decima-septima . In Corb. duo-
decima .

quendo edisseram. Sicque excipia-
tur ut loquimur: quia collocutionis
vox corda torpentia plus quam ser-
mo lectionis excitat, & quasi qua-
dam manu sollicitudinis ut evigilent
pulsat. Et quidem ad hoc opus me
sufficere posse non video: sed tamen
vires quas imperitia denegat, caritas
ministrat. Scio namque qui dixit:
*Aperi os tuum, & ego adimplebo
illud*. Bonum ergo opus nobis in
voluntate sit: nam ex divino adju-
torio erit in perfectione. Dat lo-
quendi ausum ipsa etiam resurre-
ctionis Dominicæ tanta solemnitas:
quia & indignum valde est, ut eo
die laudes debitas taceat lingua car-
nis, quo videlicet die caro resurre-
xit auctoris.

2. Audistis, fratres carissimi, quod sanctæ mulieres quæ Domi-
num fuerant secutæ, cum aromati-
bus ad monumentum venerunt, &
ei quem viventem dilexerant, et-
iam mortuo, studio humanitatis
obsequuntur. Sed res gesta, aliquid
in sancta Ecclesia signat gerendum.
Sic quippe necesse est ut audiamus
quæ facta sunt, quatenus cogitemus
etiam quæ nobis sint ex eorum imi-
tatione facienda. Et nos ergo in
eum qui est mortuus credentes, si
odore virtutum referti, cum opi-
nione bonorum operum Dominum
querimus, ad monumentum profe-
cto illius cum aromatibus venimus.
Illæ autem mulieres Angelos vident,
quæ cum aromatibus venerunt: quia
videlicet illæ mentes supernos cives
aspiciunt, quæ cum virtutum odo-
ribus^a ad Dominum per sancta de-
sideria proficiscuntur. Notandum ve-
ro nobis est quidnam sit quod in
dextris sedere Angelus cernitur.
Quid namque per sinistram, nisi
vita præsens; quid vero per dex-
tram, nisi perpetua vita designa-
tur? Unde in Canticis canticorum

scriptum est: *Lava ejus sub capite cant. 2.6.
meo, & dextera illius amplexabitur
me*. Quia ergo Redemptor noster jam
præsentis vitæ corruptionem tran-
sierat, recte Angelus qui nuntiare
perennem ejus vitam venerat, in
dextera sedebat. Qui stola candi-
da coopertus apparuit; quia festi-
vitatibus nostræ gaudia nuntiavit. Can-
dor etenim vestis, splendorem no-
stræ denuntiat solemnitatis. Nostræ
dicamus, an suæ? Sed ut fateamur ve-
rius, & suæ dicamus & nostræ. Illa
quippe Redemptoris nostri resurrectio
& nostra festivitas fuit, quia nos
ad immortalitatem reduxit; & An-
gelorum festivitas existit, quia nos
revocando ad cælestia, eorum nu-
merum implevit. In sua ergo ac no-
stra festivitate Angelus in albis ve-
stibus apparuit: quia dum nos per
resurrectionem Dominicam ad su-
perna reducimur, cælestis patriæ
damna reparantur.

3. Sed quid advenientes feminas
affatur, audiamus: *Nolite expave-
scere*. Ac si aperte dicat: Paveant
illi qui non amant adventum super-
norum civium: pertimescant qui
carnalibus desideriis pressi, adeorum
se societatem pertingere posse despe-
rant. Vos autem cur pertimescitis,
quæ vestros concives videris? unde
& Matthæus Angelum apparuisse
describens, ait: *Erat aspectus ejus
sicut fulgur, & vestimenta ejus sicut
nix*. In^b fulgure etenim terror ti-
moris est, in nive autem blandimen-
tum candoris. Quia vero omnipotens
Deus & terribilis peccatoribus, &
blandus est justis: recte testis re-
surrectionis ejus Angelus & in ful-
gure vultus, & in candore habitus
demonstratur; ut de ipsa sua specie &
terrere reprobos, & mulceret
pios. Unde recte quoque populum
per desertam gradientem, columna
ignis in nocte, & columna nubis
præi-

Qui enim
non amant,
ad ejus glo-
riam quan-
tum pavere
debent.

Matth. 22. 3.

b

Ps. 7. in
Exod. 6. 22.

^a C. Germ. & duo priores Gemet. ad
Deum.

^b C. Germ. Belvac. Longip. tertius Ge-
met. in fulgore.

Psalm. 80. 11.

Brevis E-
vangelicæ
lectionis
expositio.

Ad Chri-
stum cum
aromatibus
proceden-
dum.

3

præbat in die. In igne enim terror est, in nube autem visionis læne blandimentum: dies vero vita iusti, & nox accipitur vita peccatoris. Unde & conversis peccatoribus Paulus dicit: *Fuistis aliquando tenebræ, nunc autem lux in Domino*. In die ergo per nubem columna monstrata est, & in nocte per ignem: quia omnipotens Deus & blandus iustis, & terribilis apparebit iniustis. Istos in iudicio veniens per lenitatis mansuetudinem demulcet, illos vero per iustitiæ distictionem terret.

Ephes. 5. 8.

Jesus quærendus, & hic crucifixus.

4. Sed jam quid Angelus subjungat, audiamus: *I sum queritis Nazarenum*. Jesus Latino eloquio Salutaris, id est salvator interpretatur. At vero multi tunc Jesus dici poterant, non tamen substantialiter, sed nuncupative. Ideo & locus subjungitur, ut de quo Jesu dictum sit manifestetur: *Nazarenum*. Et causam protinus subdidit: *Crucifixum*. Atque addidit: *Surrexit, non est hic*. Non est hic, dicitur, ^a per præsentiam carnis, qui tamen nusquam ^b deerit per præsentiam maiestatis. *Sed ite, dicite discipulis ejus & Petro, quia præcedet vos in Galilæam*. Quærendum nobis est cur nominatis discipulis, Petrus designatur ex nomine. Sed si hunc Angelus nominatim non exprimeret, qui magistrum negaverat, venire inter discipulos non auderet. Vocatur ergo ex nomine, ne desperaret ex negatione. Qua in re ^c considerandum nobis est, cur omnipotens Deus eum quem cunctæ Ecclesiæ præferre disposuerat, ancillæ vocem pertimescere, & seipsum negare permisit. Quod nimirum magnæ actum esse pietatis dispensatione cognoscimus: ut is qui futurus erat Pastor

a

b

Petrus post lapsum a Christo ad spem veniæ erigitur.

Dist. 50. c. 43. Considerandum.

c

Cur labi permixtus.

^a Hic restituiimus multa quæ in plerisque ed. desunt; leguntur autem in C. Germ. duobus Carn. tertio Gemet. &c. necnon in edit. Antwerp. Corruptam autem ac mutilam esse aliam lectionem: *non est hic per*

Ecclesiæ, in sua culpa disceret qualiter aliis misereri debuisset. Prius itaque eum ostendit sibi, & tunc præposuit ceteris, ut ex sua infirmitate cognosceret, quam misericorditer aliena infirma toleraret.

5. Bene autem de Redemptore nostro dicitur: *Præcedet vos in Galilæam, ibi eum videbitis, sicut dixit vobis*. Galilæa namque Transmigrationis facta interpretatur. Jam quippe Redemptor noster a passione ad resurrectionem, a morte ad vitam, a pœna ad gloriam, a corruptione ad incorruptionem transmigraverat. Et prius post resurrectionem in Galilæa a discipulis videtur: quia resurrectionis ejus gloriam post læti videbimus, si modo a vitiis ad virtutum celsitudinem transmigramus. Qui ergo in sepulcro nuntiatur, in transmigratione ostenditur: quia is qui in mortificatione carnis agnoscitur, in transmigratione mentis videtur. Hæc, fratres carissimi, pro tanta diei solemnitate, de lectionis Evangelicæ expositione transcurramus: sed libet, ut de hac eadem solemnitate aliquid subtilius loquamur.

Galilæa quid significet.

6. Duæ etenim vitæ erant, quarum unam novimus, alteram nesciebamus. Una quippe mortalis est, altera immortalis: una corruptionis, altera incorruptionis: ^d una mortis, altera resurrectionis. Sed venit Mediator Dei & hominum homo Christus Jesus, suscepit unam, & ostendit alteram. Unam pertulit moriendo, & ostendit alteram resurgendo. Si ergo nobis mortalem vitam scientibus resurrectionem promitteret carnis, & tamen hanc visibiliter non exhiberet, quis ejus promissionibus crederet? Factus itaque homo apparuit in carne, mori dignatus est ex voluntate, resurrexit ex potestate, &

Futura resurrectionis pignora in Sanctis qui cum Christo resurrexerunt.

d

præsentiam maiestatis. Sed, manifestum est.

^b 1. Marc. deerat.

^c Belvac. & C. Germ. quærendum.

^d Duo priores Gemet. una mortalis.

& ostendit exemplo quod nobis promisit in præmio. Sed fortasse aliquis dicat: Jure ille surrexit, qui cum Deus esset, teneri a morte non potuit. Ad instruendam ergo ignorantiam nostram, ad roborandam infirmitatem nostram, suæ resurrectionis exemplum nobis sufficere noluit. Solus in illo tempore mortuus est, & tamen solus minime resurrexit. Nam scriptum est: *Multa corpora Sanctorum qui dormierant, surrexerunt.* Ablata ergo sunt omnia argumenta perfidiæ. Ne quis enim dicat: Sperare de se non debet ^a homo quod in carne sua exhibuit Deus homo: ecce cum Deo homines resurrexisse cognoscimus, & quos pueros homines fuisse non dubitamus. Si ergo membra nostri Redemptoris sumus, præsumamus in nobis quod gestum constat in capite. Si multum nos abjicimus, sperare in nobis debemus nos membra ultima, quod de membris ejus superioribus audivimus.

7. Ecce vero ad memoriam redit quod crucifixo Dei filio Judæi insultantes dicebant: *Si rex Israel est, descendat de cruce, & credimus ei.* Qui si de cruce tunc descenderet, nimirum insultantibus cedens, virtutem nobis patientiæ non demonstraret. Sed expectavit paululum, toleravit opprobria, irrisiones sustinuit, servavit patientiam, distulit admirationem: & qui de cruce descendere noluit, de sepulcro surrexit. Plus igitur fuit de sepulcro surgere, quam de cruce descendere. Plus fuit mortem resurgendo destruere, quam vitam descendendo servare. Sed cum Judæi hunc ad insultationes suas de cruce descendere

minime cernerent, cum morientem viderent, cum se vicisse crediderunt, nomen illius se quasi exstinxisse gavisi sunt. Sed ecce de morte nomen ejus per mundum crevit, ^b ex qua hoc infidelis turba exstinxisse se se credidit; ^c & quem gaudebat occisum, dolet mortuum; quia hunc ad suam gloriam cognoscit pervenisse per pœnam. Quod bene in libro Judicum Samson illius facta significant: qui cum Gazam civitatem Philisthinorum fuisset ingressus, Philisthæi ingressum ejus protinus cognoscentes, civitatem repente obsidionibus circumdederunt, custodes ^d deputaverunt, & Samson fortissimum se jam comprehendisse gavisi sunt. Sed quid Samson fecit agnovimus. Media nocte portas civitatis abstulit, & montis verticem ascendit. Quem, fratres carissimi, hoc in facto, quem nisi Redemptorem nostrum Samson ille significat? Quid Gaza civitas, nisi infernum designat? Quid per Philisthæos, nisi Judæorum perfidia demonstratur? Qui cum mortuum Dominum viderent, ejusque corpus in sepulcro jam positum, custodes illico deputaverunt, & cum qui auctor vitæ claruerat, in inferni claustris retentum, quasi Samsonem in Gaza se deprehendisse lætati sunt. Samson vero media nocte non solum exiit, sed etiam portas tulit: quia videlicet Redemptor noster ante lucem resurgens, ^e non solum liber de inferno exiit, sed & ipsa etiam inferni claustra destruxit. Portas tulit, & montis verticem subiit: quia resurgendo claustra inferni abstulit, & ascendendo cœlorum regna penetravit. Hanc ergo resurrectionis ejus gloriam, fratres

ca-

Mat. 27. 52.

a

b

c

d

Peter. in
Jud. c. 4.

Majus fuit
miraculum
Christum ^e
sepulcro
surgere,
quam ^a
cruce de-
scendere.
Ibid. v. 42.

e

^a Belvac. debet homo Deus.

^b Primus Carn. ex qua hunc. Val. cl. & Gemet. ex qua hac infidelis.

^c C. Germ. & Bigot. & qua gaudebat.

^d Marc. & qua gaudebat occiso.

^e Secundus Carn. deportaverunt.

^e His refellitur impietas Johan. Calvini,

asserentis lib. 2. Instit. cap. 16. §. 10. Christum in inferno divinæ ultionis severitatem expertum esse. Recole quæ in admonitione jam sunt dicta. Certe docet hic non obscure noster Greg. Dominum, etsi ad inferos, secundum animam, descenderit, nullos tamen ibi dolores perpessum.

^a carissimi, quæ & prius demonstrabatur ex signo, & post ^a patuit facto, tota mente diligamus, pro ejus amore moriamur. Ecce in resurrectione auctoris nostri ministros ejus Angelos concives nostros agnovimus. Ad horum ergo civium illam frequentem solemnitatem festinemus. His, cum necdum visione possumus, desiderio & mente jungamur. Transmigremus a vitiis ad virtutes, ut in Galilæa Redemptorem nostrum videre mereamur. Adjuvet omnipotens Deus ad vitam desiderium nostrum, qui pro nobis in mortem dedit unicum filium suum, ^b Dominum nostrum Jesum Christum, qui cum eo vivit & regnat Deus in unitate Spiritus sancti, per omnia secula seculorum. Amen.

^a In recentioribus ed. *paruit*. 1. Marc. *patuit ex facto*.

^b 1. Marc. *Per e. J. C. D. n. qui &c.*



Lectio Sancti Evangelii secundum Joannem.

Joan. Cap. XX. v. 1. — 9.

IN illo tempore: Una sabbati Maria Magdalene venit mane, cum
 adhuc tenebræ essent, ad monumentum, & vidit lapidem subla-
 tum a monumento. Cucurrit ergo & venit ad Simonem Petrum,
 & ad alium discipulum ^a quem diligebat Jesus, & dixit eis: Tu-
 lerunt Dominum de monumento, & ^b nescimus ubi posuerunt eum.
 Exiit ergo Petrus & ille alius discipulus, & venerunt ad monumen-
 tum. Currebant autem duo simul: & ille alius discipulus præcucur-
 rit citius Petro, & venit ^c primus ad monumentum. Et cum se in-
 clinasset, vidit lintheamina posita: non tamen introivit. Venit ergo
 Simon Petrus sequens eum, & introivit in monumentum. Et vidit
 lintheamina posita, & sudarium quod fuerat super caput ejus, non
 cum lintheaminibus positum, sed separatim involutum in unum locum.
 Tunc ergo introivit & ^d ille discipulus qui venerat prior ad monu-
 mentum, & vidit, & credidit. Nondum enim ^e sciebant Scriptu-
 ras: quia oporteret eum a mortuis resurgere.

^f H O M I L I A XXII.

Habita ad populum in basilica beati Johannis, quæ appel-
 latur Constantiniana, Sabbato post Pascha.

^g **I**FRACTUS longa molestia sto-
 machus, diu me caritati ve-
 stræ de lectionis Evangelicæ expo-
 sitione loqui prohibuit. Vox nam-
 que ipsa a clamoris ^g virtute suc-
 cumbit: & quia a multis audiri non
 valeo; loqui, fateor, inter multos
 erubescō. Sed hanc in me verecun-
 diam & ipse reprehendo. Quid
 enim? Numquid si multis prodesse
 nequeo, nec paucis curabo? Et si

ex messe portare manipulos multos
 non possum, numquidnam debeo
 ad aream vacuus redire? Quamvis
 enim quantos debeo ferre non va-
 leo, certe vel paucos, certe vel
 duos, certe vel unum feram. Ha-
 bet namque ipsa infirmitatis inten-
 tio mercedis suæ certitudinem: quia
 supernus arbiter noster, etsi pon-
 dus considerat in retributione, ta-
 men vires pensat in pondere.

2. Le-

^a C. Germ. Belyac. Bigot. & tertius Ge-
 met. quem amabat.

^b Bigot. nescio.

^c C. Germ. & Bigot. venit prius.

^d Belyac. & C. Germ. & ille, alius di-
 scipulus qui venerat primus.

Tom. V.

^e Bigot. & C. Germ. sciebat.

^f In Later. est decima septima. Ubi le-
 gitur habita in Basil. S. Salvat. quæ appell.
 Const. In cod. Reg. Suec. est decima octa-
 va. In Corb. decima-sexta.

^g 1. Marc. magnitudine.

Hh

Historia
Evangelica
multa my-
steria invol-
vit.

a

2. Lectio sancti Evangelii, quam modo, fratres, audistis, valde in superficie historica est aperta, sed ejus nobis sunt mysteria sub brevitate requirenda. *Maria Magdalene cum adhuc tenebræ essent, venit ad monumentum.* Juxta historiam notatur hora: juxta intellectum vero mysticum requirentis signatur intelligentia. Maria etenim auctorem omnium, quem carne viderat mortuum, quærebat in monumento; & quia hunc minime invenit, ^a furatum credidit. Adhuc ergo erant tenebræ cum venit ad monumentum. Cucurrit citius, discipulisque nuntiavit. Sed illi præ ceteris cucurrerunt, qui præ ceteris amaverunt, videlicet Petrus & Johannes. *Currerant autem duo simul, sed Johannes præcucurrit citius Petro, & venit prior ad monumentum,* sed ingredi non præsumsit. Venit vero posterior Petrus, *Et intravit.* Quid, fratres, quid cursus iste significat? Numquid hæc tam subtilis Evangelistæ descriptio a mysteriis vacare credenda est? Minime. Neque enim se Johannes & præisse & non intrasse diceret, si in ipsa sua trepidatione mysterium defuisse credidisset. Quid ergo per Johannem nisi Synagoga; quid per Petrum nisi Ecclesia designatur? Nec mirum esse videatur quod per juniorem Synagoga, per senioremem vero Ecclesia signari perhibetur: quia etsi ad Dei cultum prior est Synagoga quam Ecclesia Gentium, ad usum tamen seculi prior est multitudo Gentium, quam Synagoga, Paulo attestante, qui ait: *Quia non prius quod spiritale est, sed quod animale.* Per senioremem ergo Petrum significatur Ecclesia Gentium: per juniorem vero Johannem Synagoga Judæorum. Cucurrerunt ambo

simul: quia ab ortus sui tempore usque ad occasum, pari & communi ^b via, etsi non pari & communi sensu, Gentilitas cum Synagoga cucurrit.

b

3. Venit Synagoga prior ad monumentum, sed minime intravit: quia Legis quidem mandata percepit, prophetias de incarnatione ac passione Dominica audivit, sed credere in mortuum noluit. Vidit enim Johannes posita linteamina, non tamen introivit: quia videlicet Synagoga & Scripturæ sacræ sacramenta cognovit, & tamen ad fidem passionis Dominicæ credendo intrare distulit. Quem diu longeque prophetavit, præsentem vidit, ^c & re-
c
nuavit: hominem esse despexit, Deum carne mortalem factum credere noluit. Quid ergo est, nisi quia & citius cucurrit, & tamen ante monumentum vacua stetit: *Venit autem Simon Petrus sequens eum, & introivit in monumentum:* quia secuta posterior Ecclesia Gentium, Mediatorem Dei & hominum hominem Jesum Christum & cognovit carne mortuum, & viventem credidit Deum. *Vidit linteamina posita, & sudarium quod fuerat super caput ejus, non cum linteaminibus positum, sed separatim involutum in unum locum.* Quid esse, fratres, credimus, quod sudarium capitis Domini cum linteaminibus non invenitur in monumento, nisi quia Paulo attestante, caput Christi Deus, & divinitatis incomprehensibilia sacramenta ab infirmitatis nostræ cognitione disjuncta sunt, ejusque potentia creaturæ transcendit naturam? Et notandum quod non solum separatim, ^d sed etiam involutum in-
d
veniri dicitur in unum locum. Linteum quippe quod involvitur, ejus nec initium nec finis aspicitur. Re-

Ad Christi
monumen-
tum venit
prior Syna-
goga, sed
non intra-
vit.

Per Johan-
nem Syna-
goga, per
Petrum Ec-
clesia desi-
gnatur.

1. Cor. 15.
46.

^a Duo priores Gemet. furto ablatum.

^b Bigot. vita.

^c In excusis, recipere renuit.

^d Quædam hic supplevimus omisa in recent. excusis.

etc

Est ergo sudarium capitis involutum inventum est : quia celsitudo divinitatis nec cœpit esse, nec desinit : nec per initium nascitur, nec termino coangustatur.

Deus in unitate est, non in divisione mentium.

4. Bene autem additur : *In unum locum* ; quia in scissura mentium Deus non est. Deus quippe in unitate est, & illi ejus habere gratiam merentur, qui se ab invicem per sectarum scandala non dividunt. Sed quia solet per sudarium, laborantium sudor detergi, potest etiam sudarii nomine exprimi labor Dei : qui in se quidem semper quietus atque incommutabilis permanet, sed tamen laborare se denuntiat, cum duras hominum pravitates portat. Unde & per Prophetam dicit : *Laboravi sustinens*. Deus autem apparuit in carne, laboravit ex nostra infirmitate. Quem laborem passionis ejus dum increduli viderunt, eum venerari noluerunt. Quem enim videbant carne mortalem, dedignati sunt credere immortalem esse divinitate. Unde etiam Jeremias ait : *Reddes eis vicem, Domine, juxta opera manum suarum : dabis eis scutum cordis laborem tuum*. Ne enim prædicationis spicula eorum corda penetrarent, dum passionis ejus laborem dedignati sunt, quasi eundem laborem illius pro scuto tenuerunt, ut eo ad se transire ejus verba non permitterent, quo eum laborare usque ad mortem^a viderunt. Quid autem nos nisi nostri capitis, id est Dei membra sumus? Per lintheamina itaque corporis, laborum ligamenta signantur, quæ nunc electos omnes, id est ejus membra constringunt. Sudarium ergo quod super caput ejus fuerat, seorsum invenitur : quia ipsa Re-

Jerem. 6. 11.

Thren. 3. 64. & 65.

Patet in Jerem. 6. 55.

Christi membra ejus labores ac passionem expriri debent.

demtoris nostri passio longe a nostra passione disjuncta est : quoniam ipse sine culpa pertulit, quod nos cum culpa toleramus. Ipse sponte morti succumbere voluit, ad quam nos venimus, inviti.

5. Sequitur : *Tunc ergo introivit & ille discipulus qui venerat prior ad monumentum*. Postquam intravit Petrus, ingressus est & Johannes. Posterior intravit, qui prior venerat.

Ad Christi fidem Judæi aliquando colligendi.

^b Notandum, fratres, est, quod in fine mundi ad Redemptoris fidem etiam Judæa colligetur, Paulo attestante qui ait : *Donec plenitudo Gentium^c intraret, & sic omnis Israel salvus fieret*. Et vidit & credidit. Quid fratres, quid æstimandum est credidisse? Numquid quia Dominus resurrexerat, ^d quem quærebat? Non utique : quia adhuc ^e tenebræ erant ad monumentum, & subjuncta quoque verba contradicunt, cum dicitur : *Nondum enim^f sciebant Scripturas, quia oporteret eum a mortuis resurgere*. Quid ergo vidit, & quid credidit? Vidit lintheamina posita, & credidit quod mulier dixerat, de monumento Dominum fuisse sublatum. Qua in re divinæ dispensationis magnitudo pensanda est : quod discipulorum corda & accenduntur ut quærant, & differuntur ne inveniant : quatenus infirmitas animi ipso suo mœrore cruciata, & purgator ad inveniendum fiat, & tanto validius teneat, cum invenerit, quanto tardius invenerit quod quærebat.

b

Rom. 11. v. 25. & 26.

c

d

e

f

6. Hæc sub brevitate, fratres carissimi, de Evangelica lectione transcurramus : nunc restat, ut de ipsa tantæ solemnitatis nobilitate aliquid loquamur. Hanc enim recte nobilitatem solemnitatis dicam : quia so-

Solemnitas paschalis quantum ceteris præstet.

Hh 2 le-

^a In C. Germ. duobus prior. Gemet. ac Bigot. non legitur quidquid hic extat inter, viderunt, &, sudarium ergo.

^b Belvac. primus Carn. & duo priores Gemet. notum, fratres.

^c 1. Marc. introeat ... salvus fiat.

^d Corb. & Belvac. quem querebant.

^e Bigot. tenebra erant cum venit ad monumentum.

^f Corb. & Longip. sciebant.

lemnitates ceteras antecedit. Sicut enim in sacro eloquio, Sancta sanctorum, vel Cantica canticorum, pro sui magnitudine dicuntur: ita hæc festivitas recte dici potest solemnitas solemnitatum. Ex hac quippe solemnitate exemplum nobis resurrectionis datum est, spes cœlestis patriæ aperta, & facta superni regni jam præsumibilis gloria. Per hanc electi, qui quamvis in tranquillitatis sinu, tamen apud inferni claustra tenebantur, ad paradisi amœna reducti sunt. Quod ante passionem dixit, in resurrectione sua Dominus implevit: *Si exaltatus fuero*, inquit, *a terra, omnia traham ad me*. Omnia etenim traxit, ^a qui de electis suis apud inferos nullum reliquit. Omnia abstulit, utique electa. Neque etenim infideles quosque, & pro suis criminibus æternis suppliciis deditos, ad veniam Dominus resurgendo reparavit; sed illos ex inferni claustris rapuit, quos suos in fide & actibus recognovit. Unde recte etiam per Osee dicit: *Ero mors tua, o mors: ero morsus tuus inferne*. Id namque quod occidimus, agimus ut penitus non sit. Ex eo etenim quod mordemus, partem abstrahimus, partemque relinquimus. Quia ergo in electis suis funditus occidit mortem, mors mortis exstitit. Quia vero ex inferno partem abstulit, & partem reliquit, non occidit funditus, sed momordit infernum. Ait ergo: *Ero mors tua, o mors*. Ac si aperte dicat: Quia in electis meis te funditus perimo, ero mors tua: ero morsus tuus inferne, quia sublati eis, te ex parte transigo. Quæ est ergo ista solemnitas, quæ inferni claustra destruxit & januas nobis regni cœlestis aperuit? Inquiratur subtilius nomen ejus. Requiratur egregius prædicator.

7. Videamus quid de ejus ætificatione denuntiet. Ait enim: *Etenim pascha nostrum immolatus est Christus*. Si ergo pascha Christus, pensandum nobis est quid de pascha Lex loquitur: ut indagemus subtilius an de Christo dicta videantur. Moyses quippe ait: *Sument de sanguine agni, ac ponent super utrumque postem, & in superliminaribus domorum in quibus comedent illum: Credent carnes nocte illa assas igni, & azymos panes cum lactucis agrestibus Non comedetis ex eo crudum quid, nec coctum aqua, sed assum tantum igni. Caput cum pedibus ejus & intestinis vorabitis, nec remanebit ex eo quidquam usque mane. Si quid residuum fuerit, igne comburetis. Ubi & additur: Sic autem ^b comedetis illum. Renes vestros accingetis, & calceamenta habebitis in pedibus vestris, tenentes baculos in manibus, & comedetis festinantes. Quæ videlicet cuncta magnam nobis ædificationem pariunt, si fuerint mystica interpretatione discussa. Quis namque sit sanguis agni, non jam audiendo, sed bibendo didicistis. Qui sanguis super utrumque postem ponitur, quando non solum ore corporis, sed etiam ^c ore cordis hauritur. In utroque etenim poste sanguis agni est positus, quando sacramentum passionis illius cum ore ad Redemptionem sumitur, ad imitationem quoque intenta mente cogitatur. Nam qui sic Redemptoris sui sanguinem accipit, ut imitari passionem illius necdum velit, in uno poste sanguinem posuit, qui etiam insuper liminaribus domorum ponendus est. Quid enim spiritualiter domos, nisi mentes nostras accipimus, in quibus per cogitationem inhabitamus? Cujus domus superliminare est ipsa intentio, quæ præminet actioni. Qui ergo*

Quid de illa nos doceat Paulus. 1. Cor. 5. 7.

Quid Moyses. Exod. 12. v. 7. & c. Pater. in Exod. c. 19.

Ibid. v. 11. b

De consecr. dist. 2. cap. 73.

Quid sit sanguis.

in-

^a Belvac. quia de.

^b C. Germ. Bigot. comederis illud.

^c Primus Carnot. & Bigot. amore cordis.

Johan. 12. 32.

a

Pater. in Osee c. ult.

Osee 13. 14.

intentionem cogitationis suæ ad imitationem Dominicæ passionis dirigit, in superliminari domus, agni sanguinem ponit. Vel certe domus nostræ, ipsa sunt corpora, in quibus quousque vivimus, habitamus. Et in superliminari domus agni sanguinem ponimus; quia crucem passionis illius in fronte portamus. De quo adhuc agno subditur: *Et edent carnes nocte illa assas igni*. In nocte quippe agnum comedimus; quia in sacramento modo Dominicum corpus accipimus, quando adhuc adinvicem nostras conscientias non videmus. Quæ tamen ^a carnes igni assandæ sunt: quia nimirum dissolvit ignis carnes, quas aqua coxerit: quas vero ignis sine aqua excoquit, roborat: Carnes itaque agni nostri ignis excoxit; quia cum ipsa vis passionis illius ad resurrectionem valentior reddidit, atque ad incorruptionem roboravit. Qui enim ex morte convaluit, videlicet carnes illius ab igne duruerunt. Unde etiam per Psalmistam dicit: *Exaruit velut testa virtus mea*. Quid namque est testa ante ignem, nisi molle lutum? Sed ei ex igne agitur ut solidetur. Virtus ergo humanitatis ejus velut testa exaruit; quia ab igne passionis ad virtutem incorruptionis crevit.

3. Sed sola Redemptoris nostri precepta sacramenta ad veram solemnitatem mentis non sufficiunt, nisi eis quoque & bona opera jungantur. Quid enim prodest corpus & sanguinem illius ore percipere, & ei perverfis moribus contraire? Unde bene adhuc ad comedendum subditur: *Et azymos panes cum lactucis agrestibus*. Panes quippe sine fermento comedit, qui recta opera sine corruptione vanæ gloriæ exercet, qui mandata misericordiæ sine admixtione peccati exhibet: ne perverse diripiatur, quod quasi recte dispensat. Hoc quoque peccati fermentum bonæ suæ actioni miscuerant;

quibus Prophetæ voce per increpationem Dominus dicebat: *Venite ad Bethel, & impie agite*. Atque post pauca: *Et sacrificate de fermentato laudem*. De fermentato namque laudem immolat, qui Deo sacrificium de rapina parat. Lactucæ vero agrestes valde amaræ sunt. Carnes ergo agni cum lactucis agrestibus sunt edendæ, ut cum corpus Redemptoris accipimus, nos pro peccatis nostris in fletibus affligamus, quatenus ipsa amaritudo poenitentiae abstergat a mentis stomacho perverſæ humorem vitæ. Ubi & subditur: *Non comedetis ex eo crudum quid, nec coctum aqua*. Ecce jam nos ipsa verba historiæ ab intellectu historico repellunt. Numquid, fratres carissimi, Israeliticus ille populus in Ægypto constitutus, comedere agnum crudum consueverat, ut ei Lex dicat: *Non comedetis ex eo crudum quid*? Ubi & additur: *Nec coctum aqua*. Sed quid aqua, nisi humanam scientiam designat, juxta hoc quod per Salomonem sub hæreticorum voce dicitur: *Aquæ furtivæ dulciores sunt*. Quid crudæ agni carnes, nisi inconsideratam ac sine reverentia cogitationis relictam illius humanitatem significant? Omne enim quod subtiliter cogitamus, quasi mente coquimus. Sed agni caro nec cruda edenda est, nec aqua cocta: quia Redemptor noster nec purus homo æstimandus est, neque per humanam sapientiam, qualiter incarnari Deus potuit, cogitandus. Omnis enim qui Redemptorem nostrum purum hominem credit, quid ille aliud quam agni carnes crudas comedit, quas videlicet coquere per divinitatis ejus intelligentiam noluit? Omnis vero qui incarnationis ejus mysteria juxta humanam sapientiam discutere conatur, carnes agni aqua vult coquere,

carnes agni assanda.

Christi corpus accipimus in sacramento.

Psal. 21, 16.

Communio nem paschalem bona opera committuntur.

Eleemosyna.

Amos 4, 7.

Ibid. v. 5.

Compunctio.

Prov. 9, 17.

Summa erga Christum Deum reverentia.

re, id est dispensationis ejus mysterium per dissolutam vult scientiam penetrare. Qui ergo Paschalis gaudii solemnitatem celebrare desiderat, agnum nec aqua coquat, nec crudum comedit: ut neque per humanam sapientiam, profunditatem illius incarnationis penetrare appetat, neque in eum tamquam in hominem purum credat: sed assas igni carnes comedit, ^a ut dispensari omnia per sancti Spiritus potentiam sciat. De quo adhuc recte subjungitur: *Caput cum pedibus & intestinis vorabitis*: ^b quia Redemptor noster est ^a & ^o, Deus videlicet ante secula, & homo in fine seculorum. ^c Et sicut jam prædiximus, fratres, Paulo attestante didicimus, quod *caput Christi Deus est*. Caput ergo agni vorare, est divinitatem illius fide percipere. Pedes vero agni vorare, est veltigia humanitatis ejus amando & imitando perquirere. Quid vero sunt intestina, nisi verborum illius occulta & mystica mandata? Quæ tunc voramus, cum verba vitæ cum aviditate sumimus. In quo devorationis verbo quid aliud quam pigritiæ nostræ torpor reprehenditur? Qui ejus verba ac mysteria & per nosmetipsos non requirimus, & dicta ab aliis audimus inviti. *Non remanebit ex eo quidquam usque mane*: quia ejus dicta magna sunt sollicitudine discutienda, quatenus priusquam dies resurrectionis appareat, in hac præsentis ^d vitæ nocte omnia illius mandata intelligendo & operando penetrentur. Sed quia valde difficile est, ut omne sacrum eloquium possit intelligi, & omne ejus mysterium penetrari, re-

cte subjungitur: *Si quid autem remanserit, igne comburetis*. Quod ex agno remanet, igne comburimus, quando hoc quod de mysterio incarnationis ejus intelligere & penetrare non possumus, potestati sancti Spiritus humiliter reservamus: ut non superbe quis audeat vel contemnere, vel denuntiare quod non intelligit: sed hoc igni tradit, cum sancto Spiritui reservat.

9. Quia igitur qualiter edendum sit pascha cognovimus, nunc ^e a qualibus edi debeat, agnoscamus. Sequitur: *Sic autem comedetis illum. Renes vestros accingetis*. Quid in renibus, nisi delectatio carnis accipitur? Unde & Psalmista postulat, dicens: *Ure renes meos*. Si enim vo-

luptatem libidinis in renibus esse nesciret, eos uri minime petisset. Unde quia potestas diaboli in humano genere maxime per luxuriam prævaluit, de illo voce dominica dicitur: *Potestas ejus in lumbis ejus*. ^f Job 40. 11a

Qui ergo pascha comedit, habere renes accinctos debet: ut qui solemnitatem resurrectionis atque incorruptionis agit, ^f corruptioni jam per vitia nulli subiaceat, voluptates edomet, ^g & carnem a luxuria restringat. Neque enim cognovit quæ sit solemnitas incorruptionis, qui adhuc per incontinentiam corruptioni subjacet. Hæc quibusdam dura sunt; sed angusta porta est, quæ ducit ad vitam. Et habemus jam multa exempla continentium. Unde & bene adhuc subditur: *Calceamenta habebitis in pedibus*. Quid sunt enim pedes nostri, nisi opera? Quid vero calceamenta, nisi pelles mortuorum animalium? Calceamenta autem pedes

Curiositas in rimandis fidei mysteriis devianda.

A qualibus Pascha edi debeat.

Psal. 25. 2a

f

g

^a Belvac. dispensare.

^b Hæc verba: quia Red. in fine seculorum, absunt a Bigot. & a tertio Gemet.

^c Hæc etiam usque ad, caput ergo, non leguntur in C. Germ. Belvac. & duobus prioribus Gemet.

^d Belvac. vita vocatione.

^e Tres Gemet. a quibus.

^f In excusis, corruptioni . . . nulla subiaceat, quod emendavimus, præsertim ope MSS. C. Germ. trium Gemet. duorum Carn. Bigot. Corb. &c.

^g Longip. & Val-cl. carnis luxuriam restringat.

des muniunt. Quæ vero sunt mortua animalia, ex quorum pellibus nostri muniuntur pedes, nisi antiqui patres, qui nos ad æternam patriam præcesserunt? Quorum dum exempla conspiciamus, nostri operis pedes munimus. Calceamenta ergo in pedibus habere, est mortuorum vitam conspiciere, & nostra vestigia a peccati vulnere custodire. *Tenentes baculos in manibus.* Quid Lex per baculum, nisi ^a pastoralem custodiam designat? Et notandum, quod prius præcipimur renes accingere, postmodum baculos tenere: quia illi debent curam pastorem suscipere, qui jam in suo corpore sciunt fluxa luxuriæ edomare: ut cum aliis fortia prædicant, ipsi desideriis mollibus enerviter non succumbant. Bene autem subditur: *Et comedetis festinantes.* Notate, carissimi fratres, no-

tate quod dicitur, *festinantes.* Mandata Dei, mysteria Redemptoris, cœlestis patriæ gaudia, cum festinatione cognoscite, & præcepta vitæ cum festinatione implere curate. Quia enim adhuc hodie licet bene agere, scimus: utrum cras liceat, ignoramus. Festinantes ergo pascha comedite, id est ad solemnitatem patriæ cœlestis anhelate. Nemo in hujus vitæ itinere torpeat, ne in patria locum perdat. Nemo moras ^b ad appetenda studia innectat, sed cœpta perficiat, ne minime liceat implere ^c quod incoat. Si ad amorem Dei pigri non sumus, adjuvat ipse quem amamus, Jesus Christus Dominus noster: ^d qui vivit & regnat cum Patre in unitate Spiritus sancti Deus, per omnia secula seculorum. Amen.

^a Duo priores Gemet. *pastoralem curam.*


^b Duo priores Gemet. *ad appetenda bona studia.*

^c C. Gerin. duo priores Gemet. ac Bi-

got. *quod male incoat.*

^d Duo priores Gemet. *qui cum Patre & Spiritu sancto honor & imp. per omnia &c.*





Lectio sancti Evangelii secundum Lucam.

Luc. Cap. XXIV. v. 13. — 35.


^a **I**N illo tempore: Duo ex discipulis Jesu ibant * ipsa die in castellum, quod erat in spatio stadiorum sexaginta ab Jerusalem, nomine Emmaus, & ipsi loquebantur adinvicem de his omnibus quæ acciderant. Et factum est, dum fabularentur, & secum quærerent, & ipse Jesus appropinquans, ibat cum illis. Oculi autem illorum tenebantur, ne eum agnoscerent. Et ait ad illos: Qui sunt hi sermones, quos confertis adinvicem ambulantes, & estis tristes? Et respondens unus, cui nomen Cleophas, dixit ei: Tu solus peregrinus es in Jerusalem, & non cognovisti quæ facta sunt in illa his diebus? Quibus ille dixit: Quæ? & dixerunt: de Jesu Nazareno, qui fuit vir Propheta, potens in opere & sermone coram Deo & omni populo. Et quomodo tradiderunt eum summi sacerdotes & principes nostri in damnationem mortis, & crucifixerunt eum. Nos autem sperabamus, quia ipse esset redempturus Israel. Et nunc super hæc omnia, ^b tertia dies est hodie ^b quod hæc facta sunt. Sed & mulieres quædam ex nostris terruerunt nos, quæ ante lucem fuerunt ad monumentum: & non invento corpore ejus, venerunt dicentes se etiam visionem Angelorum vidisse, qui dicunt eum vivere. Et abierunt quidam ex nostris ad monumentum, & ita invenerunt sicut mulieres dixerunt, ipsum vero ^c non invenerunt. Et ipse dixit ad illos: O stulti & tardi corde ad credendum in omnibus quæ locuti sunt ^d Propheta! ^d Nonne hæc oportuit pati Christum, & intrare in gloriam suam? Et incipiens a Moyse, & omnibus Prophetis, interpretabatur illis in omnibus scripturis, quæ de ipso erant. Et appropinquaverunt castello, quo ibant. Et ipse finxit se longius ire. Et coegerunt illum, dicentes: Mane nobiscum, quoniam advesperascit, & inclinata est jam dies. Et intravit cum illis. Et factum est dum recumberet cum illis, accepit panem, & benedixit ac fregit, & porrigebat illis. Et aperti sunt oculi eorum, & cognoverunt eum: & ipse evanuit ab oculis eorum. Et dixerunt adinvicem: Nonne cor nostrum ardens erat in nobis dum loqueretur in via, & aperiret nobis scripturas? Et surgentes eadem hora regressi sunt in Jerusalem: & invenerunt congregatos undecim, & eos qui cum ipsis erant, dicentes: quia surrexit Dominus vere, & apparuit Simoni. Et ipsi narrabant quæ gesta erant in via: & quomodo cognoverunt eum in fractione panis.

* Absit a C. Germ. & tribus Gemet. sunt.
ipsa die. Et a 1. Marc.

c Ibidem, non viderunt.

b Belvac. & C. Germ. quo hæc facta

d Belvac. nonne sic oportuit.



a

H O M I L I A XXII.

b

Habita ad populum in basilica beati Petri Apostoli, ^b
in crastino Paschæ.

Christus
duobus di-
scipulis pro
peregrino
visus, nihil
finxit.

1. **I**N quotidiana vobis solemnitate laborantibus pauca loquenda sunt: & fortasse hæc utilius proderunt; quia sæpe & alimenta quæ minus sufficiunt, avidius sumuntur. Læctionis ergo Evangelicæ summam sensum statui non per singula verba discutere, ne dilectionem vestram valeat sermo prolixior expositionis onerare. Ecce audistis, fratres carissimi, quia duobus discipulis ambulantes in via, non quidem credentibus, sed tamen de se loquentibus Dominus apparuit, sed eis speciem quam recognoscerent, non ostendit. Hoc ergo egit foris Dominus in oculis corporis, quod apud ipsos agebatur intus in oculis cordis. Ipsi namque apud semetipsos intus & amabant & dubitabant: eis autem Dominus foris & præsens aderat, & quis esset, non ostendebat. De se ergo loquentibus præsentiam exhibuit, sed de se dubitantibus cognitionis suæ speciem abscondit. Verba quidem contulit, duritiam intellectus increpavit: sacre Scripturæ mysteria, quæ de seipso erant, aperuit: & tamen quia adhuc in eorum cordibus peregrinus erat a fide, se ire longius finxit. Fingere namque componere dicimus: unde & compositores luti, figulos vocamus. Nihil ergo simplex veritas per duplicitatem fecit: sed talem se eis exhibuit in corpore, qualis apud illos erat in mente.

Probandi autem erant, si hi qui eum etsi necdum ut Deum diligere, saltem ut peregrinum amare potuissent. Sed quia esse extranei a caritate non poterant hi, cum quibus Veritas gradiebatur, eum ad hospitium quasi peregrinum vocant. Cur autem dicimus, vocant, cum illic scriptum sit: *Et coegerunt eum?* Ex quo nimirum exemplo colligitur, quia peregrini ad hospitium non solum invitandi sunt, sed etiam trahendi. Mensam ponunt, cibos offerunt, & Deum quem in Scripturæ sacre expositione non cognoverant, in panis fractione cognoscunt.

2. Audiendo ergo præcepta Dei illuminati non sunt, faciendo illuminati sunt: quia scriptum est: *Non auditores legis iusti sunt apud Deum, sed factores legis iustificabuntur.* Quisquis ergo vult audita intelligere, festinet ea quæ ^c jam intelligere potuit, opere implere. Ecce Dominus non est cognitus dum loqueretur, & dignatus est cognosci dum pascitur. Hospitalitatem ergo, fratres carissimi, diligite, caritatis opera amate. Hinc enim per Paulum dicitur. *Caritas fraternitatis maneat in vobis, & hospitalitatem nolite oblivisci. Per hanc enim placuerunt quidam, Angelis hospitio receptis.* Hinc Petrus ait: *Hospitales invicem ^d sine murmuratione.* Hinc ipsa Veritas dicit: *Hospes fui, &*

Non audiendo præcepta, sed exequendo illuminamur.
Rom. 12. 13.

Hebr. 13. 1.
Hospitalitas commendatur.

1. Pet. 4. 9.

Mat. 25. 35.

^a Est decima-quinta in Later. decima-nona in cod. Reg. Suec. & decima tertia in Corb.

^b Hæc non habent Belvac. Corb. Germ. Tom. V.

tres Gemet. Lateran. & cod. Reg. Suec.

^c Excusi, audire.

^d C. Germ. & tres Gemet. sine murmurationibus.

Peregrini
habitu Chri-
stus hospicio
exceptus.

suscepistis me. Opinata res est valde, & seniorum nostrorum nobis relatione tradita: Quidam paterfamilias cum tota domo sua magno hospitalitatis studio serviebat: cumque quotidie ad mensam suam peregrinos susciperet, quodam die peregrinus quidam inter alios venit, ad mensam ductus est. Dumque paterfamilias ex humilitatis consuetudine aquam vellet in ejus manibus fundere, conversus urceum accepit: sed repente eum, in cujus manibus aquam fundere voluerat, non invenit. Cumque hoc factum secum ipse miraretur, eadem nocte ei Dominus per visionem dixit: Ceteris diebus me in membris meis, hesterno autem die me in memet-

ipso suscepisti. Ecce in iudicium veniens, dicit: *Quod uni ex minimis meis fecistis, mihi fecistis*. Ecce ante iudicium cum per membra sua suscipitur, susceptores suos etiam per semetipsum requirit; & tamen nos ad hospitalitatis gratiam pigri sumus. Pensate, fratres, quanta hospitalitatis virtus sit. Ad mensas vestras Christum suscipite, ut vos ab eo suscipi ^a ad convivia æterna valeatis. Præbete modo peregrino Christo hospitium, ^b ut vos in iudicio non quasi peregrinos nesciat: sed ut proprios recipiat ad regnum, ^c ipso adjuvante qui vivit & regnat Deus in secula seculorum. Amen.

Mat. 25. 40.


^a Belvac. in convivio aeterno.

^b Bigot. Longip. Val-cl. ut proprios ser-

vulos.

^c Absunt de more a t. Marc.





^a H O M I L I A XXIV.

^b Habita ad populum in basilica beati Laurentii martyris, ^b
foris muros Urbis, Feria quarta Paschæ.

Artes quæ
vix absque
peccato
exerceri
possunt,
relinquen-
da.

Luc. 9. 62.

De pen.
dist. 5. c. 7.
Negotium.

Status post
resurrectio-
nem.

1. **L**ectio sancti Evangelii, quæ modo in auribus vestris lecta est, fratres mei, quæstione animum pulsât, sed pulsatione sua vim discretionis indicat. Quæri etenim potest, cur Petrus, qui piscator ante conversionem fuit, post conversionem ad piscationem rediit; & cum Veritas dicat, *Nemo mittens manum suam ad aratrum, & aspiciens retro, aptus est regno Dei*; cur repetiit quod dereliquit? Sed si virtus discretionis inspicitur, citius videtur, quia nimirum negotium quod ante conversionem sine peccato exstitit, hoc etiam post conversionem repetere culpa non fuit. Nam piscatorem Petrum, Matthæum vero telonearium scimus: & post conversionem suam ad piscationem Petrus rediit, Matthæus vero ad telonei negotium non rediit: quia aliud est victum per piscationem quærere, aliud autem telonei lucris pecunias augere. Sunt enim pleraque negotia, quæ sine peccatis exhiberi aut vix aut nullatenus possunt. Quæ ergo ad peccatum implicant, ad hæc necesse est ut post conversionem animus non recurrat.

2. Quæri etiam potest, cur discipulis in mari laborantibus, post resurrectionem suam Dominus in littore stetit, qui ante resurrectionem suam coram discipulis in fluctibus maris ambulavit. Cujus rei ratio festine cognoscitur, si ipsa

quæ tunc inerat, causa pensetur. Quid enim mare, nisi præsens seculum signat, quod se ^c causarum tumultibus & undis vitæ corruptibilis illidit? Quid per soliditatem littoris, nisi illa perpetuitas quietis æternæ figuratur? Quia ergo discipuli adhuc fluctibus mortalis vitæ inerant, in mari laborabant. Quia autem Redemptor noster jam corruptionem carnis excesserat, post resurrectionem suam in littore stabat. Ac si ipsum resurrectionis suæ mysterium rebus discipulis loqueretur, dicens: Jam vobis in mari non appareo, quia vobiscum in perturbationis fluctibus non sum. Hinc est quod alio in loco post resurrectionem suam eisdem discipulis dicit: *Hæc sunt verba, quæ locutus sum ad vos cum adhuc essem vobiscum.* Neque enim cum ipsis non erat, quibus præsens corporaliter apparebat: sed tamen jam se esse cum ipsis denegat, a quorum mortali corpore, carnis immortalitate distabat. Quod illic cum ipsis positus, fatetur non se esse cum ipsis, hoc quoque hic situ corporis indicat, cum adhuc eis navigantibus, esse se jam in littore demonstrat.

3. Facta est autem discipulis piscationis magna difficultas, ut magistro veniente fieret admirationis magna sublimitas. Qui protinus dixit: *Mittite in dexteram navigii rete, & invenietis.* Bis in sancto Evangelio legitur, quia Dominus iussit

Ab electo-
rum Eccle-
sia, quan-
tum præ-
sens discre-
pet.

^a In cod. Reg. Suec. est vigesima-prima. In Corb. decima-quarta.

^b Hæc leguntur tantum in recent. mss. quales sunt duo posteriores Gemet.

^c In ed. casuum; quod in nostris mss. non legitur. S. Gregorius solet negotiorum tumultum, causarum nomine significare.

jussit ut ad piscandum retia mitterentur, ante passionem videlicet, & post resurrectionem. Sed priusquam Redemptor nolter pateretur & resurgeret, mitti quidem rete ad piscandum jubet, sed utrum in dexteram, an in sinistram mitti debuisset, non jubet: post resurrectionem vero discipulis apparens, mitti rete in dexteram jubet. In illa piscatione tanti capti sunt, ut retia rumperentur: in ista autem & multi capti sunt, & retia rupta non sunt. Quis vero nesciat bonos dextera, & malos sinistra figurari? Illa ergo piscatio in qua specialiter in quam partem mitti rete debeat non jubetur, præsentem Ecclesiam designat, quæ bonos simul ac malos colligit; nec eligit quos trahat, quia & quos eligere possit ignorat. Hæc autem piscatio post Domini resurrectionem facta, in solam dexteram missa est: quia ad videndam claritatis ejus gloriam, sola electorum Ecclesia pertingit, quæ de sinistro opere nihil habebit. In illa piscatione præ multitudine piscium rete rumpitur: quia nunc ad confessionem fidei etiam cum electis reprobi tanti intrant, qui ipsam quoque Ecclesiam hæresibus scindant. In ista vero piscatione & multi pisces & magni capiuntur, & rete non rumpitur: quia sancta electorum Ecclesia in continua auctoris sui pace requiescens, nullis jam dissensionibus dilaniatur.

Petro specialiter commissæ est Ecclesia.

4. Captis autem tam magnis piscibus, *Ascendit Simon Petrus, & traxit rete in terram*. Jam credo quod vestra caritas advertat, quid est quod Petrus rete ad terram trahit. Ipsi quippe sancta Ecclesia est commissæ, ipsi specialiter dicitur; *Simon Iohannis amas me? Pasce oves meas*. Quod ergo postmodum aperitur in voce, hoc nunc signa-

tur in opere. Quia ergo prædicator Ecclesiæ nos a mundi hujus fluctibus separat, nimirum necesse est ut rete plenum piscibus Petrus ad terram ducat. Ipse enim pisces ad soliditatem littoris pertrahit: quia sanctæ prædicationis voce stabilitatem æternæ patriæ fidelibus ostendit. Hoc egit verbis, hoc epistolis, hoc agit quotidie miraculorum signis. Quoties per eum ad amorem quietis æternæ convertimur, quoties a terrenarum rerum tumultibus separamur, quid aliud quam missi intra rete fidei pisces ad litus trahimur? Sed cum rete magnis piscibus plenum dicitur, additur & quantis, scilicet centum quinquaginta tribus. A magno mysterio numerus non vacat, sed intentos vos tanti mysterii profunditas expectat. Neque enim quantitatis summam solerter Evangelista exprimeret, nisi hanc sacramento plenam esse judicasset. Scitis namque quod in veteri Testamento omnis operatio per Decalogi mandata præcipitur: in novo autem ejusdem operationis virtus per septiformem gratiam sancti Spiritus multiplicatis fidelibus datur. Quem Propheta denuntians, dicit: *Spiritus sapientiæ & intellectus, spiritus consilii & fortitudinis, spiritus scientiæ & pietatis, & replebit eum spiritus timoris Domini*. Sed ille in hoc Spiritu^a operationem percipit, qui fidem Trinitatis agnoscit, ut & Patrem & Filium & eundem Spiritum sanctum unius virtutis credat, unius substantiæ esse fateatur. Quia ergo septem quæ superius diximus, per novum Testamentum latius data sunt, decem vero per vetus præcepta, omnis nostra virtus & operatio per decem & septem potest plene comprehendi. Ducamus ergo per trigonum decem & septem,^b &

Isai. II. 3.

a

b

ve-

^a Primus Carn. gratiam operationis.

^b Belyac. veniunt quinquaginta, duo

priores Gemet. sunt quinquaginta.

veniunt ad quinquaginta unum. Qui profecto numerus a magno mysterio non vacat: quia in Testamento veteri legimus quod annus quinquagesimus Jubileus vocari iussus est; in quo videlicet cunctus populus ab omni operatione quiesceret. Sed vera requies in unitate est. Dividi quippe unum non potest: ubi enim scissura divisionis est, vera requies non est. Ducamus ergo per trigonum quinquaginta & unum, ut fiant centum quinquaginta tres. Quia ergo omnis nostra operatio in fide Trinitatis exhibita, ad requiem tendit, decem & septem ter ducimus, ut ad quinquaginta & unum venire debeamus. Et vera nostra requies tunc est, cum ipsam jam claritatem Trinitatis agnoscimus, quam in unitate divinitatis esse certum tenemus. Quinquaginta & unum ter ducimus, & electorum summam in superna patria quasi centum quinquaginta trium piscium numerum tenemus. Post resurrectionem ergo Domini missum rete dignum fuit ut tot pisces caperet, quot solummodo electos cives supernæ patriæ designarent.

Cur Christus, post resurrectionem piscem assum, & favum mellis comederit.

5. Inter hæc vero, & hesternæ sancti Evangelii lectio & hodierna nos admonet, ut vigilanter debeamus inspicere, cur Dominus & Redemptor noster post resurrectionem suam piscem assum legitur comedis. Non enim vacat a mysterio, quod iteratur in facto. In hac etenim lectione panem & assum piscem: in illa vero quæ hesterno die lecta est, cum asso pisce etiam favum mellis comedit. Quid autem signare piscem assum credimus, nisi ipsum Mediatorem Dei & hominum passum? Ipse enim latere dignatus est in aquis generis humani, capi voluit, laqueo mortis no-

stræ, & quasi tribulatione affatus est tempore passionis suæ. Sed qui piscis assus fieri dignatus est in passione; favus mellis nobis exstitit in resurrectione. ^a An qui in pisce asso figurare voluit tribulationem passionis suæ, in favo mellis utramque naturam exprimere voluit personæ suæ? Favus quippe mel in cera est: mel vero in cera, est divinitas in humanitate. Quod ab hac quoque lectione non discrepat: nam piscem comedit & panem. Qui enim assari ut piscis potuit ex humanitate, pane nos refecit ex divinitate, qui ait: *Ego sum panis vivus qui de cælo descendi*. Assum ergo piscem comedit & panem, ut ipso suo cibo nobis ostenderet, quia & passionem ex nostra humanitate pertulit, ^b & refecionem nostram ex sua divinitate procuravit. Quod si vigilanter inspicimus, nobis quoque qualiter ad imitandum congruat videmus. Sic enim sua Redemptor indicat, ut imitationis viam nobis sequentibus sternat. Ecce in cibo suo Dominus noster pisci asso conjungere favum voluit: quia videlicet illos in suo corpore ad æternam quietem suscipit, qui cum hic tribulationes pro Domino sentiunt, ab amore internæ dulcedinis non recedunt. Cum asso pisce favus sumitur; quia qui hic afflictionem pro veritate suscipiunt, illic dulcedine vera satiantur.

Johan. 6. v. 41. & 51.

Quid hoc exemplo nos doceat.

6. Notandum quoque, quod ultimum convivium Dominus cum septem discipulis habuisse describitur: Petrus namque & Thomas, Nathanael, filii Zebedæi, & alii ex discipulis ejus duo, in eo fuisse memorantur. Cur cum septem discipulis ultimum convivium celebrat, nisi quod eos tantummodo qui septiformi gratia sancti Spiritus pleni

Ultimum Christi convivium post resurrectionem quid indicet.

^a Ita Corb. Germ. & potiores mss. In Gussanvil. & qui in pisce asso figurari, voluit tribulationem. 1. Marc. An qui . . .

figurari . . . tribulationes.

^b Duo priores Gemet. ac prior. Carni & resurrectionem nostram.

Amor Dei
titulus est
divinæ pos-
sessionis.

a pleni sunt, futuros secum ^a in æterna refectione denuntiat? Septem quoque diebus omne hoc tempus evolvitur: & sæpe septenario numero perfectio designatur. Illi ergo ultimo convivio de præsentia veritatis epulantur, qui nunc perfectionis studio terrena transcendunt: quos mundi hujus amor non ligat: quibus etsi utcumque per tentamenta obstreperit, cæpta tamen eorum desideria non retundit. De hoc extremo convivio alias per Johannem dicitur: *Beati qui ad cœnam nuptiarum Agni vocati sunt*. Idcirco enim non ad prandium, sed ad cœnam vocatos narrat, quia nimirum in fine diei convivium cœna est. Qui ergo finito præsentis vitæ tempore b ad refectionem supernæ contemplationis veniunt, non ad Agni prandium, sed ad cœnam vocantur. Quæ videlicet cœna hoc ultimo convivio exprimitur, cui septem discipuli adesse memorantur: qui illos, ut diximus, tunc interna refectione reparat, qui pleni nunc septiformi gratia in amore Spiritus anhelant. Hæc ergo vobiscum, fratres, hujus Spiritus repleti præsentia desiderate. Quid vos sequi in futurum possit, ex præsentia perpendite. Pensate si hoc spiritu pleni estis, nostis si ad illud convivium pervenire valeatis. Quisquis namque ille est quem nunc spiritus iste non reparat, profecto ab illa æterni convivii refectione jejunit. Mementote quid de eodem spiritu Paulus dicat: *Si quis spiritum Christi non habet, hic non est ejus*. Qua-

si quidam titulus ^c divinæ possessionis est iste spiritus amoris. Numquidnam spiritum Christi habet is, cujus mentem ^d odia dissipant, elatio inflat, ira usque ad divisionem mentis exasperat, avaritia cruciat, luxuria enervat? Pensate quis sit spiritus Christi. Profecto ille, qui facit amicos & inimicos ^e diligere, terrena despici, pro cœlestibus æstuari, carnem propter vitia conteri, mentem a concupiscentiis frenari. Si ergo vultis ^f cognoscere jus possessionis Dei, personam perpendite possessoris vestri. Ecce enim quod diximus, voce veridica Paulus clamat: *Si quis spiritum Christi non habet, hic non est ejus*. Ac si aperte dicat: Qui nunc Deo inhabitante non regitur, de divinæ claritatis specie postmodum non lætatur. Sed nos tamen ad hæc quæ dicta sunt infirmamur, necdum culmen perfectionis attingimus; in via Dei quotidie sancti desiderii gressus ponamus. Consolatur nos veritas, quæ per Psalmistam dicit: *Imperfectum meum viderunt oculi tui, & in libro tuo omnes scribentur*. Non omino erit nobis ^g noxia nostra imperfectio, si in Dei itinere constituti, & ad transacta non respicimus, & ad ea quæ restant, transire festinamus. Nam qui imperfectorum desideria dignanter inflammat, ^h hæc quandoque ad perfectionem ⁱ roborat. Per Dominum nostrum Jesum Christum, qui cum eo vivit & regnat in unitate Spiritus sancti Deus, per omnia secula seculorum. Amen.

Psalm. 119. 16.

Rom. 8. 9.

a Primus Carn. in æterna resurrectione.

b Longip. ad refectionis superna contemplationem.

c Primus Carn. divina passionis.

d Idem codex, odia superant.

e 1. Marc. diligere.


f Ita mss. & vet. ed. In recent. legi-

tur. cognoscere possessiones Dei.

g 1. Marc. inuitis.

h Longip. duo priores Gemet. ac Bigor. hic quandoque. Sic & 1. Marc.


i Duo priores Gemet. roborat Jesus G. D. N. cui cum P. & Sp. S. honor & imp. per omnia &c.



Lectio sancti Evangelii secundum Joannem .

Jobann. Cap. XX. v. 11. — 18.

IN illo tempore: Maria stabat ad monumentum foris plorans. Dum ergo fletet, inclinavit se, & prospexit in monumentum: & vidit duos Angelos in albis, sedentes, unum ad caput, & unum ad pedes, ubi positum fuerat corpus Jesu. Dicunt ei illi: Mulier, quid ploras? Dicit eis, Quia tulerunt Dominum meum, & nescio ubi posuerunt eum. Hæc cum dixisset, conversa est retrorsum, & vidit Jesum stantem: & non sciebat quia Jesus est. Dicit ei Jesus: Mulier, quid ploras? Quem quæris? Illa existimans quia hortulanus esset, dicit ei: Domine, si tu sustulisti eum, dicito mihi ubi posuisti eum: & ego eum tollam. Dicit ei Jesus: Maria. Conversa illa, dicit ei: Rabboni, quod dicitur magister. Dicit ei Jesus: Noli me tangere: nondum enim ascendi ad Patrem meum. Vade autem ad fratres meos, & dic eis: Ascendo ad Patrem meum, & Patrem vestrum: Deum meum, & Deum vestrum. Venit Maria Magdalene annuntians discipulis, quia vidi Dominum, & hæc dixit mihi.

a ^a H O M I L I A XXV.

b Habita ad populum in basilica ^b sancti Johannis, quæ ap-
c pellatur Constantiniana, ^c Feria quinta Paschæ.

Maria
Magdalene
amor & la-
crymæ.

1. **M**ARIA Magdalene, quæ fuerat in civitate peccatrix, amando veritatem, lavit lacrymis maculas criminis: & vox Veritatis impletur, qua dicitur: *Luc. 7. 47. Dimissa sunt ei peccata multa, quoniam dilexit multum.* Quæ enim prius frigida peccando remanserat, postmodum amando fortiter ardebat. Nam postquam venit ad monumentum, ibique corpus Dominicum non invenit, sublatum credidit, atque

discipulis nuntiavit. Qui venientes viderunt, atque ita esse ut mulier dixerat, crediderunt. Et de eis protinus scriptum est; *Abierunt ergo discipuli ad semetipsos.* ^{Johan. 20. 10.} Ac deinde subjungitur: *Maria autem stabat ad monumentum foris plorans.* Qua in re pensandum est, hujus mulieris mentem quanta vis amoris accenderat, quæ a monumento Domini, etiam discipulis recedentibus, non recedebat. Exquirebat quem non

^a Est in Corb. decima-quinta. In Later. decima-sexta. In cod. Reg. Suec. vigesima.

^b In Later. in Basil. S. Salvatoris quæ appellatur.

^c Hæc in vet. mss. minime leguntur, sed tantum in duobus post, Gemet, ac aliis ejusdem ætatis aut inferioris.

Virtus boni
operis, per-
severantia.

Mat. 10. 22.

^a
Fater. in
Eev. cap. 7.

Hæc virtus
quantum
eluceat in
Maria
Magdal.
^b

Cant. 3. 1.

non invenerat, flebat inquirendo,
& amoris sui igne succensa, ejus
quem ablatum credidit, ardebat
desiderio. Unde contigit, ut
eum sola tunc videret, quæ re-
manfit ut quæreretur: quia nimirum
virtus boni operis, perseverantia est:
& voce Veritatis dicitur: *Qui autem
perseveraverit usque in finem, hic
salvus erit.* ^a Et præcepto Legis
cauda hostiæ in sacrificio jubetur of-
ferri. In cauda quippe finis est cor-
poris: & ille bene immolat, qui
sacrificium boni operis usque ad fi-
nem debitæ perducit actionis. Hinc
Joseph inter reliquos fratres talarem
tunicam habuisse describitur. Tunica
quippe usque ad talum, est o-
pus bonum usque ad consumma-
tionem.

2. Sed Maria cum fletet, incli-
navit se, & prospexit in monumen-
tum. Certe jam monumentum va-
cuum viderat, jam sublatus ^b Do-
minum nuntiaverat: quid est quod
se iterum inclinat, iterum videre
desiderat? Sed amanti semel aspe-
xisse non sufficit: quia vis amoris
intentionem multiplicat inquisitio-
nis. Quæsit ergo prius, & mini-
me invenit: perseveravit ut quære-
ret, unde & contigit ut inveniret:
actumque est ut desideria dilata cre-
scerent, & crescentia caperent quod
invenissent. Hinc est enim quod de
eodem sponso Ecclesia in Canticis
canticorum dicit: *In lectulo meo per
noctes quasi vi quem diligit anima
mea: quasi vi illum, & non inveni.
Surgam, & circuibo civitatem, per
vicos & plateas quæram quem dili-*

git anima mea. Quæ defectum quo-
que inventionis ingeminat, dicens:
Quasi vi illum, & non inveni. Sed
quia diu inventio se non elongat,
si inquisitio non desistat, adjungit:
*Invenerunt me vigiles qui custodiunt
civitatem. Num quem diligit ani-
ma mea, vidistis? Paululum cum
pertransissem eos, inveni quem dili-
git anima mea.* Dilectum namque
in lectulo quærimus, quando in præ-
sentis vitæ aliquantula requie Re-
demtoris nostri desiderio suspira-
mus. Per noctem quærimus; quia
etsi jam in illo mens vigilat, ta-
men adhuc oculus caligat. Sed qui
dilectum suum non invenit, restat
ut surgat, & civitatem circumeat,
id est sanctam electorum Ecclesiam
mente & inquisitione percurrat: per
vicos eum & plateas quærat, id est
per angusta & lata gradientes a-
spiciat, ut si qua in eis valeat in-
venire ejus vestigia, exquirat: quia
sunt nonnulli etiam vitæ secularis,
qui imitandum aliquid habeant de
actione virtutis. Quærentes autem
nos vigiles inveniunt, qui custo-
diunt civitatem: quia sancti patres,
qui Ecclesiæ statum custodiunt, bo-
nis nostris studiis occurrunt, ut suo
vel verbo, vel scripto nos doceant.
Quos cum paululum pertransimus,
invenimus quem diligimus: quia Re-
demtor noster ^d etsi humilitate ho-
mo inter homines, divinitate tamen
super homines fuit. Cum ergo ^e
transeuntur vigiles, dilectus inveni-
tur: quia cum Prophetas & Apo-
stolos infra ipsum esse conspiciamus,
illum qui natura Deus est, esse su-
pra

Ibidem.

Ibid. v. 1.
& 4.

Christus
quam solli-
cite quæ-
rendus.
Fater. in
Cant. c. 15.

d

e

^a Eodem sensu locus hic usurpatur lib. 1.
Moral. num. 56. olim cap. 20. Ad quem
locum alludens quoque Bernardus in ep. 78.
ad Sugerium Abbatem, scribit: *hostia cau-
dam junge capiti, ac tum cum Dei gratia
jam polymitam, cura facere & talarem.*

^b Belvac. Dominum discipulis nuntiare
rat.

^c Tres Gemet. ac Bigot. dilexit. Sic &
Tom. V.

1. Marc.

^d Duo priores Gemet. ac secundus Carn.
etsi humanitate; quam lectionem præferen-
dam duceremus propter antithesim, *humani-
tatis & divinitatis*, nisi obitarent alii
MSS. non solum plures, sed potiores, edi-
torumque consensus.

^e Longip. transeunt.

sancta desi-
deria dila-
tione cre-
scent.

pra homines consideramus. Prius ergo non inveniendus quæritur, ut post inventus strictius teneatur. Sancta enim desideria, ut prædiximus, dilatione crescunt. Si autem dilatione deficiunt, desideria non fuerunt. Hoc amore arsit, quisquis ad veritatem pertingere potuit. Hinc namque

Psalm. 41. 3.

David ait: *Sitivit anima mea ad Deum vivum, quando veniam & apparebo ante faciem Dei?* Hinc nos ad-

Psalm. 104. 4.

Isai. 26. 9.

monet, dicens: *Querite faciem ejus semper.* Hinc Propheta ait: *Anima mea desideravit te in nocte, sed & spiritu meo in præcordiis meis de mane vigilabo ad te.* Hinc iterum Ec-

Cant. 5. 8.

clesia in Canticis canticorum dicit: *Vulnerata caritate ego sum.* Iustum quippe est, ut ex visione medici pertingat ad salutem, quæ per æstum ejus desiderii vulnus amoris portat in pectore. Hinc rursus ait:

Ibid. 3. 6.

Pater. in Cant. c. 35.

Anima mea liquefacta est, ut dilectus locutus est. Mens namque hominis, Conditoris sui speciem non quærentis, male dura est, quia in semetipsa remanet frigida. At si ardere jam ex desiderio cœperit ad sequendum quem diligit, liquefacta per ignem amoris currit. ^a Fit desiderio anxia, vilescunt in seculo cuncta quæ placebant, nihil est quod extra Conditorem libeat, & quæ prius delectabant animum, fiunt postmodum vehementer onerosa. Nihil ejus mœstitiam consolatur, quousque adhuc qui desideratur non aspicitur. Mœret mens, lux ipsa fastidio est: talique igne in mente decoquitur rubigo culpæ, & succensus animus quasi auri more, quia per usum speciem perdidit, per incendium clarescit.

Divini
amoris
effectus.

^a

Christus in
utraq-
ue natura est
prædicandus.

3. Ista itaque quæ sic amat, quæ se ad monumentum quod perspexerat, iterum inclinat; videamus quo fructu vis amoris in ea ingeminat

opus inquisitionis. Sequitur: *Vidit duos Angelos in albis, sedentes, unum ad caput, & unum ad pedes, ubi positum fuerat corpus Jesu.* Quid est quod in loco Dominici corporis duo Angeli videntur, unus ad caput, atque alius ad pedes sedens; nisi quia Latina lingua Angelus Nuntius dicitur: & ille ex passione sua nuntiandus erat, qui & Deus est ante secula, & homo in fine seculorum? Quasi ad caput sedet Angelus, ^b cum per Apostolum Johan- nem prædicatur: *Quia in principio erat Verbum, & Verbum erat apud Deum, & Deus erat Verbum:* Et quasi ad pedes sedet Angelus, cum dicit: *Verbum caro factum est, & habitavit in nobis.* Possumus etiam per duos Angelos duo testamenta cognoscere, unum prius, & aliud sequens. Qui videlicet Angeli per locum Dominici corporis sibi met sunt conjuncti: quia nimirum utraque testamenta, dum pari sensu incarnatum & mortuum, ac resurrexisse Dominum nuntiant, quasi Testamentum prius ad caput, & Testamentum posterius ad pedes sedet. Unde & duo Cherubim quæ propitiatorium tegunt, sese invicem aspiciunt versis vultibus in propitiatorium. Cherubim quippe Plenitudo scientiæ dicitur. Et quid per duo Cherubim, nisi utraque Testamenta signantur? Quid vero per propitiatorium, nisi incarnatus Dominus figuratur? De quo Johannes ait: *Ipse est enim propitiatio pro peccatis nostris.* Et dum Testamentum vetus hoc faciendum denuntiat, quod Testamentum novum de Domino factum clamat, quasi utraque Cherubim se invicem aspiciunt, dum vultus in propitiatorium vertunt: quia dum inter se positum incarnatum Dominum vident, a suo aspectu non dis-
scre-

^b *Johan.* 1. 1.

Ibid. v. 14.

Pater. in Exod. c. 37.

1. Joh. 2. 2.

^a Tertius Gemet. & cum sit desiderio anxia.

^b Belyac. Germ. & duo Carn. cum per

Apostolos prædicatur. Tres Gemet. cum per *Apostolum præd.* 1. Marc. per *Apostolos.*

screpant, quæ dispensationis ejus mysterium concorditer narrant.

Sacra Scriptura cum ad lacrymas provocat, tum consolatur.

4. Requirit Mariam Angeli, dicentes: *Mulier, quid ploras? Et dicit eis: Quia tulerunt Dominum meum, & nescio ubi posuerunt eum.* Ipsa namque sacra eloquia, quæ in nobis lacrymas amoris excitant, eadem lacrymas consolantur, dum nobis Redemptoris nostri speciem promittunt. Sed notandum juxta historiam est, quod mulier non ait: *Tulerunt corpus Domini mei*: sed, *Tulerunt Dominum meum*. Usus namque sacri eloquii est, ut aliquando ex parte totum, aliquando vero ex toto partem significet. Ex parte etenim totum signat, sicut de Jacob filiis scriptum est: *Quia descendit Jacob in Ægyptum in animabus septuaginta.* Neque enim in Ægyptum animæ sine corporibus descenderunt; sed per solam animam totus homo significatur, quia ex parte totum exprimitur. Et solum Dominicum corpus in monumento jacuerat, & Maria non corpus Domini, sed sublatum Dominum quærebat, videlicet ex toto designans partem. *Hæc cum dixisset, conversa retrorsum, vidit Jesum stantem, & nesciebat quia Jesus esset.* Notandum, quod Maria quæ adhuc de Domini resurrectione dubitabat, retrorsum conversa est ut videret Jesum: quia videlicet per eandem dubitationem suam, quasi tergum in Domini faciem miserat: quem resurrexisse minime credebatur. Sed quia amabat & dubitabat, videbat & non agnoscebat, ^a eumque illi & amor ostendebat, & dubietas abscondebatur. Cujus adhuc ignorantia exprimitur, cum subinfertur: *Et nesciebat quia Jesus esset. Qui dixit ei: Mulier quid ploras? Quem quæris?* Interrogatur doloris causa, ut augeatur

In sacris litteris aliquando pars pro toto sumitur.

Genes. 46. 27.

2

desiderium, quatenus cum nominaret quem quæreretur, in amore ejus ardentius æstuareretur. *Illam existimans quia hortulanus esset, dicit ei. Domine, si tu sustulisti eum, dicito mihi ubi posuisti eum, & ego eum tollam.* Forsitan nec errando hæc mulier erravit, quæ Jesum hortulanum credidit. An non ei spiritaliter hortulanus erat, qui in ejus pectore per amoris sui semina, virtutum virentia plantabat?

Christus optime creditus hortulanus.

5. Sed quid est quod viso eo quem hortulanum credidit, cui necdum dixerat quem quærebat, ait: *Domine, si tu sustulisti eum?* Quasi enim jam dixisset ex cujus desiderio plangeretur, eum dicit quem non dixerat. Sed vis amoris hoc agere solet in animo, ut quem ipse semper cogitat, nullum alium ignorare credat. Recte & hæc mulier quem quærit non dicit, & tamen dicit: *Si tu sustulisti eum*: quia alteri non putat incognitum, quem sic ipsa continuo ^b plangit desiderio. *Dicit ei Jesus: Maria.* Postquam eam communi vocabulo appellavit ex sexu, & agnitus non est, vocat ex nomine. Ac si ei aperte dicat: *Recognosce eum*, a quo recognosceris. Perfecto quoque viro dicitur: *Novi te ex nomine*: quia homo commune omnium nostrum vocabulum est, Moyses vero proprium, cui recte dicitur, quia ex nomine scitur: ac si ei aperte Dominus dicat: *Non te generaliter ut ceteros, sed specialiter scio.* Maria ergo quia vocatur ex nomine, recognoscit auctorem: atque eum protinus *Rabboni*, id est magistrum vocat: quia & ipse erat qui quærebatur exterius, & ipse qui eam interius ut quæreretur, docebat. Jam vero ab Evangelista non subditur quid mulier fecit, sed ex

In Mariæ colloquio cum Domino mutus amor probatur.

b

Exod. 33. 12.

Kk 2 eo

^a Val cl. & Longip. cum quem illi. Sic olim scriptum fuisse in C. Germ. su.

spicatur ex abasis hic quibusdam litteris. ^b Bigot. plangit desideratum.

^a eo ^a innuitur quod audivit. Cui dicitur: *Noli me tangere: nondum enim ascendi ad Patrem meum*. In his namque verbis ostenditur quod Maria amplecti voluit ejus vestigia, quem recognovit. Sed ei magister dicit: *Noli me tangere*. Non quia post resurrectionem Dominus tantum renuit feminarum, cum de duabus ad sepulcrum ejus ^b venientibus scriptum sit: *Accesserunt, & tenuerunt pedes ejus*.

Christus
Patri æqua-
lis & coæ-
ternus.

6. Sed cur tangi non debeat, ratio quoque additur, cum subinfertur: *Nondum enim ascendi ad Patrem meum*. In corde etenim nostro tunc Jesus ad Patrem ascendit, cum æqualis creditur Patri. Nam quisquis eum æqualem Patri non credit, adhuc in ejus pectore ad Patrem Dominus non ascendit. Ille ergo Jesum veraciter tangit, qui Patri Filium coæternum credit. In corde etenim Pauli jam ad Patrem Jesus ascenderat, cum idem Paulus dicebat: *Qui cum in forma Dei esset, non rapinam arbitratus est esse se æqualem Deo*. Unde Johannes quoque Redemptorem nostrum manu fidei tetigit, qui ait: *In principio erat Verbum, & Verbum erat apud Deum, & Deus erat Verbum*. Hoc erat in principio apud Deum. Omnia per ipsum facta sunt. Tangit ergo Dominum, qui eum Patri æternitate substantiæ æqualem credit. Sed fortasse aliquis tacita quæstione pulsatur, quomodo Filius Patri esse æqualis possit. Qua in re humana natura quod admirando comprehendere non valet, restat ut hoc sibi esse credibile ex admiratione alia sciat. Habet namque quod ad hæc sibi sub brevitate respondeat. Constat enim quia ipse creavit matrem,

in cujus virgineo utero ex humanitate crearetur. Quid ergo mirum si æqualis est Patri, qui prior est matre? Paulo quoque attestante didicimus, *Christum Dei virtutem, & Dei sapientiam*. Qui ergo Filium minorem putat, Patri specialiter derogat, cujus sapientiam ei esse inæqualem fatetur. Quis etenim homo potens æquanimiter ferret, si quis ei diceret: Magnus quidem es, sed tamen sapientia tua te minor est? Ipse quoque Dominus dicit: *Ego & Pater unum sumus*. Et rursus ait: *Pater major me est*. De quo etiam scriptum est, quia *subditus erat* parentibus suis. Quid ergo mirum si ex humanitate sua minorem se Patre asserit in cælo, ex qua subiectus erat etiam parentibus in terra? Ex qua humanitate nunc Mariæ dicitur: *Vade ad fratres meos, & dic eis: Ascendo ad Patrem meum & Patrem vestrum; & Deum meum, & Deum vestrum*. Cum meum dicat & vestrum, cur non communiter dicit nostrum? Sed distincte loquens, indicat quia eundem Patrem & Deum ^d dissimiliter habeat ipse quam nos. *Ascendo ad Patrem meum*, videlicet per naturam: *Et Patrem vestrum*, ^e per gratiam. *Ad Deum meum*, quia descendi; *Ad Deum vestrum* ^f quia ascendetis. Quia enim & ego homo, Deus mihi est: quia vos ab errore liberat, Deus est vobis. Distincte ergo mihi Pater & Deus est, quia quem ante secula Deum genuit, hominem in fine seculorum ^g mecum creavit. *Venit Maria Magdalene annuntians discipulis, quia vidi Dominum, & hæc dixit mihi*. Ecce humani generis culpa ibi absciditur, unde processit. Quia enim in paradiso

Matrem ex qua natus est, ipse creavit.

1. Cor 1. 24.

Joh. 10. 30.

Ibid. 14. 28.

Luc. 2. 51.

Philip. 2. 6.

Joh. 1. v. 1.
& 2.

c

d

e

f

g

Mulier viro propriavit mortem, mulier viris annuntiat vitam

^a Primus Carn. invenitur.

^b B got. currentibus. Consentit tertius Gemet.

^c In C. Germ. Belvac. & tertius Gemet. ad Deum meum.

^d Secundus Carn. similiter.

^e Bigot. id est, per gratiam.

^f Tres Gemet. ac Bigot. quia ascendis.

^g Corb. Germ. & duo priores Gemet. me creavit. 1. Marc. me mecum.

diso mulier viro propinavit mortem, a sepulcro mulier viris annuntiat vitam: & dicta sui vivificatoris narrat, quæ mortiferi serpentis verba narraverat. Ac si humano generi non verbis Dominus, sed rebus dicat: De qua manu vobis illatus est potus mortis, de ipsa suscipite poculum vitæ.

In resurre-
ctione
Christi,
pietatis
ejus viscera
nobis pa-
teant.

Pater. in
Psal. c. 229.

Ps. 109. 7.
2

Job. 4. 20.

Ab ipso
diabolus
quasi hamo
captus, ex
hoc interiit
quod momor-
dit.

b

7. Hæc de expositione lectionis Evangelicæ succincte transcurramus: nunc opitulante eodem, de quo loquimur, Domino, & resurrectionis ejus gloriam, & pietatis viscera consideremus. Citius enim a morte voluit resurgere, ne nostra diu anima in infidelitatis morte remaneret. Unde bene quoque per Psalmitam dicitur: *De torrente in a via bibit, propterea exaltabit caput.* In humano quippe genere ab ipso mundi initio torrens mortis effluerat: sed de hoc torrente Dominus in via bibit, quia mortem in transitu gustavit. Atque ideo exaltavit caput; quia hoc quod moriendo in sepulcro posuit, resurgendo super angelos elevavit: & inde antiquum hostem in æternum perculit, unde sævire contra se manus persequentium temporaliter permisit. Quod aperte Dominus beato Job indicat, dicens: *Numquid capies Leviathan hamo?*

8. Per Leviathan quippe, quod Additamentum eorum dicitur, cetus ille devorator humani generis designatur. Qui dum se divinitatem homini addere spondit, immortalitatem sustulit. Qui prævaricationis quoque culpam, quam primo homini propinavit, dum se sequentibus pessima persuasionem multiplicat, poenas eis sine cessatione coacervat. In hamo autem esca ostenditur, aculeus occultatur. Hunc

ergo Pater omnipotens hamo cepit, quia ad mortem illius unigenitum Filium incarnatum misit, in quo & caro passibilis videri posset, & divinitas impassibilis videri non posset. Cumque in eo serpens iste per manus persequentium escam corporis momordit, divinitatis illum aculeus perforavit. Prius vero eum in miraculis Deum cognoverat, sed de cognitione sua ad dubitationem cecidit, quando hunc passibilem vidit. Quasi hamus ergo fauces glutientis tenuit, dum in illo esca carnis patuit, quam devorator appeteret; & divinitas passionis tempore latuit, quæ necaret. In hamo ejus incarnationis captus est; quia dum in illo appetit escam corporis, transfixus est aculeo divinitatis. Ibi quippe inerat humanitas, quæ ad se devorantem duceret; ibi divinitas, quæ perforaret: ibi aperta infirmitas, quæ provocaret; ibi occulta virtus, quæ raptoris faucem transfigeret. In hamo igitur captus est, quia inde interiit, unde momordit. Et quos jure tenebat mortales perdidit: quia eum, in quo jus non habuit, morte appetere immortalem præsumsit.

9. Hinc est etiam quod hæc ipsa, de qua loquimur, Maria vivit; quia ille pro humano genere qui morti nihil debebat, occubuit. Hinc est quod nos quotidie ad vitam post culpas revertimur; quia ad poenam nostram Conditor sine culpa descendit. Ecce jam antiquus hostis ea quæ de humano genere ceperat spolia amisit, supplantationis suæ victoriam perdidit. Quotidie peccatores ad vitam redeunt: quotidie de ejus faucibus Redemptoris manu rapiuntur. Unde bene quoque ad beatum Job voce Dominica iterum

Diabolus
Christum
nihil sibi
debentem
invadens,
jus in pec-
catores
amissit.

c

d

a Longip. Val cl. tres Gemet. Bigot. bi-
bet . . . exaltavit.

b Primus Carn. divinitatem Domini.

c Val-cl. Longip. & Bigot. ad poenam

moster Conditor.

d Ed. Rotomag. Antwerp. & aliæ ver-
ad veniam veniendo a sua potestate rece-
dunt.

Job. 40. 21. rum dicitur: *Aut armilla perforabis maxillam ejus?* Armilla ubi ponitur, ambiendo constringit. Quid ergo per armillam, nisi circumplectens nos divina misericordia designatur? Quæ Leviathan istius maxillam perforat, dum nobis post perpetrata quæ prohibuit, adhuc pœnitentiæ remedium ostendit. Armilla Dominus maxillam Leviathan perforat; quia ipse ineffabili misericordiæ suæ potentia, sic malitiæ antiqui hostis obviat, ut aliquando eos etiam quos jam cœpit, amittat. Et quasi ab ore illius cadunt, qui post perpetratas culpas ad innocentiam redeunt. Quis enim ore illius semel raptus, maxillam ejus evaderet, si perforata non esset? An non in ore Petrum tenuit, cum negavit? An non in ore David tenuit, cum in tantam se luxuriæ voraginem merisit? Sed dum ad vitam uterque per pœnitentiam rediit, Leviathan iste eos aliquo modo quasi per maxillæ suæ foramen amisit. Per foramen ergo maxillæ ab ejus ore substracti sunt, qui post perpetratiorem tantæ nequitiae, pœnitendo redierunt. Quis autem hominum Leviathan istius os evadat, ut illicita nulla committat? Sed hinc cognoscimus, quantum Redemptori humani generis debitores sumus, qui non solum nos in ore Leviathan ire prohibuit, sed ab ore etiam ejus redire concessit. Qui spem peccatori non abstulit; quia maxillam ejus ut evadendi viam tribueret, perforavit, ut saltem post morsum fugiat, qui incautus prius cavere noluit ne morderetur. Ubique ergo nobis occurrat superna medicina: quia & dedit homini præcepta, ne peccet; & tamen peccanti dedit remedia, ne

Ubique
nobis oc-
currit divi-
na medi-
cina.

desperet. Unde cavendum summo-
pere est, ne quis delectatione pec-
cati Leviathan istius ore rapiatur:
& tamen si raptus fuerit, non de-
speret: quia si peccatum perfecte
lugeat, adhuc foramen in maxilla
ejus invenit, per quod evadat.

10. Adest testis divinæ misericor-
diæ, hæc ipsa de qua loquimur ^a Maria,
de qua Phariseus dum pie-
tatis fontem vellet obstruere, di-
cebat: *Hic si esset propheta, sciret
utique quæ & qualis est mulier quæ
tangit eum, quia peccatrix est.* Sed
lavit lacrymis maculas cordis & cor-
poris, & Redemptoris sui ^b vestigia
tetigit, quæ sua itinera prava de-
reliquit. Sedebat ad pedes Jesu,
verbumque de ore illius audiebat.
Viventi adhæserat, mortuum quæ-
rebat. Viventem reperit, quem
mortuum quæsit. Tantumque apud
eum locum gratiæ invenit, ut hunc
ipsis quoque Apostolis, ejus vide-
licet nuntiis, ipsa nuntiaret. Quid
itaque, fratres, quid in hac re de-
bemus aspicere, nisi immensam mi-
sericordiam Conditoris nostri? qui
nobis velut in signo ad exemplum
pœnitentiæ posuit eos, quos per
pœnitentiam vivere post lapsum se-
cit. Perpendo enim Petrum, consi-
dero Latronem, aspicio Zacchæum,
intueor Mariam, & nihil in his a-
liud video, nisi ante oculos nostros
posita spei & pœnitentiæ exempla.
Fortasse enim in fide lapsus est a-
liquis; aspiciat Petrum, qui amare
flevit, quod timide negaverat. Alius
contra proximum suum in malitia
crudelitatis exarsit; aspiciat latro-
nem, qui & in ipso mortis articu-
lo ad vitæ præmia pœnitendo per-
venit. Alius avaritiæ æstibus anhe-
lans aliena diripuit; aspiciat Zac-
chæum,

Maria
Magdalene
divinæ mi-
sericordiæ
est testis.

^a
Luc. 7. 39c

^b

^a In tota hac Homilia Gregorius ex tribus
sanctis feminis, sc. Maria sorore Lazari,
Maria Magdalene, & muliere peccatrice cui
dimissa sunt peccata, quia dilexit multum,
unicam conflat. De hac Quæstione plu-
rimæ extant dissertationes. Vide præsertim

quæ de hoc argumento scripsit doctissimus
Tillemontius, in commentariis de Historia
Ecclesiastica Tom. 1.

^b In vet. ed. Antwerp. Rotomag. &c.
vestigia terpsit.

chæum, qui si quid alicui abstulit, quadruplum reddidit. Alius libidinis igne succensus, carnis munditiam perdidit; aspiciat Mariam, quæ in se amorem carnis, igne divini amoris excoxit. Ecce omnipotens Deus ubique oculis nostris quos imitari debeamus objicit, ubique exempla suæ misericordiæ opponit. Mala ergo jam displiceant, vel experta. Libenter obliviscitur omnipotens Deus quod nocentes fuimus, paratus est pœnitentiam nostram nobis ad innocentiam depu-


tare. Inquinati post aquas salutis, renascamur ex lacrymis. Itaque juxta primi Pastoris vocem, *sicut modo geniti infantes lac concupiscite*. Redite parvuli filii ad sinum matris vestræ æternæ Sapientiæ; sugite larga ubera pietatis Dei; transacta plangite, imminetia vitate. Redemptor noster momentaneos fletus nostros æterno consolabitur gaudio: * qui vivit & regnat cum Deo Patre in unitate Spiritus sancti Deus, per omnia secula seculorum.

1. Petr. 2. 2.

2

* In duobus prioribus Gemet. cui cum Patre & Spir. sancto honor & imp. per &c.





Lectio Sancti Evangelii secundum Joannem.


Johann. Cap. XX. v. 19. — 31.

^a **I**N illo tempore. ^a Cum esset sero die illa una sabbatorum, &
^b fores essent clausæ, ubi erant discipuli congregati propter me-
 rum Judæorum: venit Jesus, & stetit ^b in medio eorum, & dixit
 eis: Pax vobis. Et cum hoc dixisset, ostendit eis manus & latus;
 Gavisæ sunt ergo discipuli viso Domino. Dixit ergo eis iterum: Pax
 vobis. Sicut misit me Pater, & ego mitto vos. Hæc cum dixisset,
 insufflavit, & dixit eis: Accipite Spiritum sanctum: quorum re-
 miseritis peccata, remittuntur eis: & quorum retinueritis retenta
 sunt. Thomas autem unus de duodecim, qui dicitur Didymus, non
 erat cum eis quando venit Jesus. Dixerunt ergo ei alii discipuli:
 Vidimus Dominum. Ille autem dixit eis: Nisi videro in manibus e-
 jus fixuram clavorum, & mittam digitum meum in locum clavo-
 rum, & mittam manum meam in latus ejus, non credam. Et post
 dies octo iterum erant discipuli ejus intus & Thomas cum eis. Ve-
 nit Jesus januis clausis, & stetit in medio, & dixit: Pax vobis.
 Deinde dicit Thomæ: Infer digitum tuum huc, & vide manus
 meas: & affer manum tuam, & mitte in latus meum: & noli
 esse incredulus, sed fidelis. Respondit Thomas, & dixit ei: Domi-
 nus meus, & Deus meus. Dicit ei Jesus; Quia vidisti me, Tho-
 ma, credidisti: beati qui non viderunt, & crediderunt. Multa
 quidem & alia signa fecit Jesus in conspectu discipulorum suorum,
 quæ non sunt scripta in libro hoc. Hæc autem scripta sunt, ut
^c credatis quia Jesus est Christus filius Dei, & ut credentes ^c vitam
 habeatis in nomine ejus.

^a Bigot. cum sero factum esset. Sic &
 1. Marc.

^b In multis mss. & excusis de est, eorum.

^c C. Germ. & Belyac. vitam æternam



a H O M I L I A XXVI.

b Habita ad populum in basilica ^b beati Johannis, quæ
c dicitur Constantiniana, ^c in octavis Paschæ.

Quomodo
Christi
corpus post
resurrectio-
nem januis
clausis ad
discipulos
intrare
potuerit.

I. **P**rima lectionis hujus Evan-
gelicæ quæstio animum pul-
sat, quomodo post resurrectionem
corpus Dominicum verum fuit,
quod clausis januis ad discipulos in-
gredi potuit. Sed sciendum nobis
est, quod divina operatio si ratio-
ne comprehenditur, non est admi-
rabilis: nec fides habet meritum,
cui humana ratio præbet experimen-
tum. Sed hæc ipsa nostri Redem-
toris opera, quæ ex semetipsis com-
prehendi nequaquam possunt, ex
alia ejus operatione pensanda sunt:
ut rebus mirabilibus fidem præbeant
facta mirabiliora. Illud enim cor-
pus Domini intravit ad discipulos
januis clausis, quod videlicet ad hu-
manos oculos per nativitatem suam
clauso exiit utero Virginis. Quid
ergo mirum, si clausis januis post
resurrectionem suam in æternum jam
victurus intravit, qui moriturus ve-
niens non aperto utero Virginis exi-
vit? Sed quia ad illud corpus quod
videri poterat, fides intuentium du-
bitabat, ostendit eis protinus ma-
nus & latus: palpandam carnem
præbuit, quam clausis januis intro-
duxit. Quia in re duo mira, & jux-
ta humanam rationem sibi valde
contraria ostendit: dum post resur-
rectionem suam corpus suum & in-
corruptibile, & tamen palpabile de-

monstravit. Nam & corrumpi ne-
cesse est quod palpatur: & palpari
non potest quod non corrumpitur.
Sed miro modo atque inæstimabili
Redemptor noster & incorruptibile
post resurrectionem, & palpabile
corpus exhibuit: ut monstrando in-
corruptibile, invitaret ad præmium;
& præbendo palpabile, ^d firmaret
ad fidem. Et incorruptibilem se er-
go, & palpabilem demonstravit: ut
profecto esse post resurrectionem
ostenderet corpus suum & ejusdem
naturæ, & alterius gloriæ.

d
Ejusdem
naturæ, sed
alterius
gloriæ.

2. Dixit eis: *Pax vobis. Sicut mi-
sit me Pater, & ego mitto vos.* ^e Id est,
sicut misit me Pater Deus Deum, &
ego mitto vos homo homines. Pater
Filium misit, qui hunc pro redem-
tione generis humani incarnari
constituit. Quem videlicet in mun-
dum venire ad passionem voluit:
sed tamen amavit filium, quem ^f
ad passionem misit. Electos vero
Apostolos Dominus non ad mundi
gaudia, sed sicut ipse missus est,
ad passiones in mundum mittit.
Quia ergo & Filius amatur a Pa-
tre, & tamen ad passionem mit-
titur: ita & discipuli a Domino
amantur, qui tamen ad passionem
mittuntur in mundum. Itaque di-
citur: *Sicut misit me Pater, & ego
mitto vos:* id est, ea vos caritate
di-

Ad quid
missi fue-
runt in
mundum
Christi
discipuli.
e

f

Et incor-
ruptibile si-
mul, &
palpabile
fuit.

^a In Corb. est decima septima. In La-
teran. decima octava. In cod. Reg. vigesi-
me prima.

^b In hoc cod. beati Johan. Baptista.

^c Hæc non habent cod. Later. Reg. Suec.
& duo Carn. In Calendario Rom. Johan.
Iront. legitur, *Die sabbati ad Lateranis.*

Tom. V.

Maur. Vide quæ dixi in Præfatione. E. V.

^d Duo Carn. & Longip. *formaret.* Ita
& 1. Marc.

^e 1. Marc. *mitto vos. Pater Filium &c.*
deficientibus intermediis.

^f Corb. Germ. & Bigot. *ad passiones.*

L I

diligo cum inter scandala persecutorum mitto, qua me caritate Pater diligit, quem venire ad tolerandas passiones fecit. Quamvis mitti etiam juxta naturam divinitatis possit intelligi. Eo enim ipso a Patre Filius mitti dicitur, quo a Patre generatur. Nam sanctum quoque Spiritum, qui cum sit coequalis Patri & Filio, non tamen incarnatus est, idem se Filius mittere perhibet, dicens: *Cum venerit Paraclitus, quem ego mittam vobis a Patre*. Si enim mitti solummodo incarnari deberet intelligi, sanctus proculdubio Spiritus nullo modo diceretur mitti, qui nequaquam incarnatus est. Sed ejus missio ipsa processio est, ^a qua de Patre procedit & Filio. Sicut itaque Spiritus mitti dicitur quia procedit; ita & Filius non incongrue mitti dicitur quia generatur.

3. *Hæc autem cum dixisset, insufflavit & dixit eis: Accipite Spiritum sanctum*. Quærendum nobis est, quid est quod Spiritum sanctum Dominus noster & semel dedit in terra consistens, & semel cælo præficiens? Neque enim alio in loco datus Spiritus sanctus aperte monstratur, nisi nunc cum per insufflationem percipitur, & postmodum cum de cælo veniens, in linguis variis demonstratur. Cur ergo prius in terra discipulis datur, postmodum de cælo mittitur, nisi quod duo sunt præcepta caritatis, dilectio videlicet Dei, & dilectio proximi? In terra datur Spiritus, ut diligatur Deus. Sicut ergo una est caritas, & duo præcepta: ita unus Spiritus, ^b & duo data. Prius a consistente Domino in terra, postmodum e cælo: quia in proximi amore discitur, qualiter perveniri debeat ad

amorem Dei. Unde & idem Johannes dicit: *Qui non diligit fratrem suum quem videt, Deum quem non videt, quomodo potest diligere?* Et ante quidem discipulorum mentibus idem Spiritus sanctus inerat ad fidem, sed tamen manifesta datione non nisi post resurrectionem datus est. Unde & scriptum est: *Nondum erat spiritus datus, quia Jesus nondum fuerat glorificatus*. Unde etiam per Moysen dicitur: *Suxerunt mel de petra, & oleum de firma petra*. Neque enim quidquam tale juxta historiam legitur, si tota Testamenti veteris series ^c recenseatur. Nusquam de petra mel, nusquam oleum ille populus suxit. Sed quia juxta Pauli vocem: *Petra erat Christus*; mel de petra suxerunt, qui ejusdem Redemptoris nostri facta & miracula viderunt. Oleum vero de firma petra suxerunt; quia effusione sancti Spiritus post resurrectionem ejus ungi meruerunt. Quasi ergo infirma petra mel dedit, quando adhuc mortalis Dominus miraculorum suorum dulcedinem discipulis ostendit. Sed firma petra oleum fudit; quia post resurrectionem suam factus jam impassibilis, per afflationem spiritus donum sanctæ unctionis emanavit.

4. De hoc oleo per Prophetam dicitur: ^d *Computrescet jugum a facie olei*. Sub jugo quippe tenebamur ^e *dæmoniacæ dominationis*, sed uncti sumus oleo Spiritus sancti. Et quia nos gratia libertatis unxit, dominationis dæmoniacæ jugum putruit, Paulo attestante, qui ait: *Ubi Spiritus Domini, ibi libertas*. Sciendum vero est, quod hi qui prius Spiritum sanctum habuerunt, ut & ipsi innocenter viverent, & in prædicatione

^a Hæc a Theodulfo Aurelianensi in medium adducuntur, ad probandam Spiritus sancti processionem a Filio, lib. de Spiritu sancto ad Carol. M. Maur. Vide præfationem. E. V.

^b Belvac. & Bigot. & duo data Testamenti.

^c Secundus Carn. retexatur.

^d Plurimi mss. computrescit.

^e Bigot. dæmoniacæ damnationis.

Johan. 15.
26.

a
Processio
Spiritus
sancti a Patre & a Filio.

Cur Spiritus sanctus
ipsis semel
& iterum
datus.

Deut. 32. 13.
Pater. in
Deut. c. 21.

1. Cor. 10. 4.

Qui sint
ejus insufflationis effectus.
Isai. 10. 27.
Pater. in
Isai. c. 19.

d
e
2. Cor. 3. 17.

tionem quibusdam prodesse; idcirco hunc post resurrectionem Domini patenter acceperunt, ut prodesse non paucis, sed pluribus possent. Unde & in hac ipsa datione Spiritus dicitur: *Quorum remisistis peccata, remittuntur eis: & quorum retinueritis, retenta sunt*. Libet intueri, illi discipuli ad tanta onera humilitatis vocati, ad quantum culmen gloriæ sint perducti. Ecce non solum de semetipsis securi fiunt, sed etiam alienæ obligationis potestatem a relaxationis accipiunt: principatumque superni iudicii fortiuntur, ut vice Dei quibusdam peccata retineant, quibusdam relaxent. Sic sic eos a Deo decebat erigi, qui tantum pro Deo consenserant humiliari. Ecce qui districtum Dei iudicium metuunt, animarum iudices fiunt: & alios damnant vel liberant, qui semetipsos damnari metuebant.

Apostolorum locum tenent Episcopi.
Piter. in Ezech. 18.

11. q. 1. c. 88.
Plerumque.

Ipse.

Ibid. c. 61.
Judicare.

5. Horum profecto nunc in Ecclesia Episcopi locum tenent. Ligandi atque solvendi auctoritatem suscipiunt, qui gradum regiminis fortiuntur. Grandis honor, sed grave pondus istius est honoris. Durum quippe est, ut qui nescit tenere moderamina vitæ suæ, iudex vitæ fiat alienæ. Et plerumque contingit, ^b ut hic iudicii locum teneat, cui ad locum vitæ minime concordat. Ac sæpe agitur, ut vel damnet immeritos, vel alios ipse ligatus solvat. Sæpe in solvendis ac ligendis subditis suæ voluntatis motus, non autem causarum merita sequitur. Unde fit, ut ipsa hac ligandi & solvendi potestate se privet, qui hanc pro suis voluntatibus, & non pro subditorum moribus exercet. Sæpe fit, ut erga

quemlibet proximum odio vel gratia moveatur Pastor: judicare autem de subditis digne nequeunt, qui in subditorum causis sua vel odia vel gratiam sequuntur. Unde recte per Prophetam dicitur: *Mortificabant animas quæ non moriuntur; & vivificabant animas quæ non vivunt*. Non morientem quippe mortificat, qui iustum damnat. Et non victurum vivificare nititur, qui reum a supplicio absolvere conatur.

Ezech. 13.
19.

6. Causæ ergo pensandæ sunt, & tunc ligandi atque solvendi potestas ^c exercenda. Videndum est ^d quæ culpa præcessit, aut quæ sit poenitentia secuta post culpam: ut quos omnipotens Deus per compunctionis gratiam visitat, illos Pastoris sententia absolvat. Tunc enim vera est absolutio præsentis, ^e cum interni arbitrium sequitur iudicis. Quod bene quatruiduani mortui resuscitatio illa significat, quæ videlicet demonstrat, quia prius mortuum Dominus vocavit & vivificavit, dicens: *Lazare, veni foras*: & postmodum is qui vivens egressus fuerat a discipulis est solutus, sicut scriptum est: *Cumque egressus esset qui fuerat ligatus insutis, tunc dixit discipulis: Solvite eum, & finite abire*. Ecce illum discipuli jam viventem solvunt, quem magister resuscitaverat mortuum. Si enim discipuli Lazarum mortuum solverent, scetorem magis ostenderent, quam virtutem. Ex qua consideratione intuendum est, quod illos nos debemus per pastorem auctoritatem solvere, quos auctorem nostrum cognoscimus per resuscitantem gratiam vivificare. ^f Quæ

Quomodo ligandi & solvendi potestate uti debeant.

c
d

Ibid. c. 62.
Tunc vera.
e

Johan. 11.
41.
Absolutionis sacerdotalis ordo.
Johan. 11.
45.

f

L. I. 2

ni-

met. Bigot. qua causa.

^e In vulgatis, cum aterni.

^f Integrum hunc locum olim protulimus in Tractatu Gallico de Confess. 1. Parte, cap. 12. & contra Dallæi cavillationes vindicavimus.

^a Idem codex, & relaxationis.

^b Belvac. & Bigot. ut hunc iudicii locum teneat. C. Germ. & duo priores Gemet. ut hunc iudicii locum teneat. 1. Marc. hunc iudicii locum teneat.

^c Duo priores Gemet. exerenda.

^d Abest, præcessit, a Belv. & tribus Ge-

Spontaneæ
confessionis
necessitas.

nimirum vivificatio ante operationem rectitudinis in ipsa jam cognoscitur confessione peccati. Unde & huic ipsi mortuo Lazaro nequaquam dicitur, Revivisce : sed, *Veni foras*. Omnis quippe peccator dum culpam suam intra conscientiam abscondit, introrsum latet, in suis penetralibus occultatur. Sed mortuus venit foras, cum peccator nequitias suas sponte confitetur. Lazaro ergo dicitur, *Veni foras*. Ac si aperte cuilibet mortuo in culpa diceretur : Cur reatum tuum intra conscientiam abscondis ? Foras jam per confessionem egredere, qui apud te interius per negationem latet. Veniat itaque foras mortuus, id est culpam confiteatur peccator. Venientem vero foras solvant discipuli ; ut Pastores Ecclesiæ ei pœnam debeant amovere, quam meruit qui non erubuit confiteri quod fecit. Hæc ^a de solutionis ordine breviter dixerim : ut sub magno moderamine Pastores Ecclesiæ vel solvere studeant, vel ligare. Sed utrum iuste, an injuste obliget Pastor, Pastoris tamen sententia gregi timenda est : ne is qui subest, & cum injuste forsitan ligatur, ipsam obligationis suæ sententiam ex alia culpa mereatur. Pastor ergo vel absolvere indiscrete timeat, vel ligare. Is autem qui sub manu Pastoris est, ligari timeat vel injuste ; nec Pastoris sui iudicium temere reprehendat : ne etsi injuste ligatus est, ex ipsa tumidæ reprehensionis superbia, culpa quæ non erat, fiat. Sed quia hæc breviter per excessum diximus, ad expositionis ordinem redeamus.

Incredulitatis
Thomas
utilitas.

7. *Thomas autem unus ex duodecim, qui dicitur Didymus, non erat cum eis quando venit Jesus*. Ite unus discipulus defuit, reversus quod gestum est audivit, audita credere renuit, Venit iterum Dominus, &

non credenti discipulo latus palpandum præbuit, manus ostendit, & ostensa suorum cicatrice vulnerum, infidelitatis illius vulnus sanavit. Quid, fratres carissimi, quid inter hæc animadvertitis? Numquid casu gestum creditis, ut electus ille discipulus tunc deesset, post autem veniens audiret, audiens dubitaret, dubitans palparet, palpans crederet? Non hoc casu, sed divina dispensatione gestum est. Egit namque miro modo superna clementia, ut discipulus ille dubitans, dum in magistro suo vulnera palparet carnis, in nobis vulnera sanaret infidelitatis. Plus enim nobis Thomæ infidelitas ad fidem, quam fides credentium discipulorum profuit : quia dum ille ad fidem palpando reducitur, nostra mens omni dubitatione postposita, in fide solidatur. Sic quippe discipulum Dominus post resurrectionem suam dubitare permisit, nec tamen in dubitatione deseruit, sicut ante natiuitatem suam habere Mariam sponsum voluit, qui tamen ad ejus nuptias non pervenit. Nam ita factus est discipulus dubitans & palpans, testis veræ resurrectionis, sicut sponsus matris fuerat cultus integerrimæ virginittatis.

8. Palpavit autem, & exclamavit : *Dominus meus, & Deus meus*. Dicit ei Jesus : *Quia vidisti me, Thoma, credidisti*. Cum Paulus Apostolus dicat : *Est autem fides sperandarum substantia rerum, argumentum non apparentium* : profecto liquet, quia fides illarum rerum argumentum est quæ apparere non possunt. Quæ etenim apparent, jam fidem non habent, sed agnitionem. Dum ergo vidit Thomas, dum palpavit, cur ei dicitur : *Quia vidisti me, credidisti*? Sed aliud vidit, aliud credidit. A mortali quippe homine divinitas videri non potuit. Hominem

27.9.2.c.45.
Sic quippe
discipulum.

Thomas vidit hominem, credidit Deum.

Hebr. 11. 1.

^a Primus Carn. hujus dissolutionis ordi-

nem breviter dixerim.

nem ergo vidit, & Deum confessus est, dicens: *Dominus meus, & Deus meus*. Videndo ergo credidit, qui considerando verum hominem, hunc Deum quem videre non poterat, exclamavit.

Veræ fidei meritum.

9. Lætificat valde quod sequitur: *Beati qui non viderunt, & crediderunt*. In qua nimirum sententia nos specialiter signati sumus, qui eum quem carne non vidimus, mente retinemus. Nos signati sumus: sed si fidem nostram operibus sequimur. Ille etenim vere credit, qui exercet operando quod credit. Quo contra, de his qui fidem nomine tenus retinent, Paulus dicit: *Constituentur se nosse Deum, factis autem negant*. Hinc Jacobus ait: *Fides sine operibus mortua est*. Hinc ad beatum Job de antiquo hoste generis humani Dominus dicit: *Absorbebit fluvium, & non mirabitur, & habet fiduciam quod influat Jordanis in os ejus*. Quis etenim per fluvium designatur, nisi humani generis fluxus? Quod videlicet genus ab ortu ad finem defluit: & quasi aquæ more, usque ad competentem terminum ex carnis liquore percurrit. Quid per Jordanem, nisi baptizatorum forma signatur? Quia enim in ^b Jordane flumine ipse auctor redemptionis nostræ baptizari dignatus est, recte Jordanis nomine, eorum multitudo exprimitur, qui intra sacramentum baptismatis tenentur. Antiquus ergo hostis generis humani fluvium absorbit; quia a mundi origine usque ad Redemptoris adventum, vix paucis electis evadentibus, in ventrem suæ malitiæ genus humanum traxit.

De quo recte dicitur: *Absorbebit fluvium, & non mirabitur*: quia pro magno non habet ^c cum infideles rapit. Sed grave est valde quod subditur: *Et habet fiduciam quod influat Jordanis in os ejus*: quia postquam infideles quosque a mundi origine rapuit, adhuc ^d se posse suscipere etiam infideles præsumit. Nam ore pestiferæ persuasionis eos quotidie devorat, ^e in quibus a confessione fidei reproba vita discordat.

10. Hoc ergo, fratres carissimi, ^f tota intentione pertimescite: hoc apud vos sollicita mente cogitate. Ecce Paschalia solemnna agimus: sed ita vivendum est nobis, ut pervenire ad æterna festa mereamur. Transeunt cuncta quæ temporaliter festiva celebrantur. Curate, qui his solemnitatibus interestis, ne ab æterna solemnitate separemini. Quid prodest interesse festis hominum, si deesse contingat festis angelorum? Umbra venturæ solemnitatis est solemnitas præsens. Idcirco hanc annue agimus, ut ad illam quæ non est annua, sed continua, perducamur. Cum hæc statuto tempore geritur, ad illius desiderium memoria nostra ^f refrigeratur. Frequentatione ergo gaudii temporalis, ad æterna gaudia mens incalcescat & ferveat: ut ex veritate lætitiæ perfruatur in patria, quod de umbra gaudii meditatur in via. Vitam ergo vestram, fratres, moresque componite. Is qui mitis resurrexit ex morte, quam districtus in iudicio veniat, prævidete. Certe in die tremendi examinis sui, cum Angelis, cum Archangelis, cum Thronis, cum Do-

Festa quomodo celebranda.

Tit. 1. 16.

Jacob. 2. 26.

Job 40. 18.

b

f

^a C. Germ. Belvac. & duo priores Gemet. & habebit.

^b Ita Belv. C. Germ. & alii mss. ubi excusi habent, in Jordanis flumine.

^c Bigot. quod infucales.

^d Ita Belvac. C. Germ. Carnot. Gemet. &c. Editoribus etiam antiquissimis placuit mutare, suscipere, in accipere.

^e Bigot. & Longip. quos a confessione fidei reprobant ac discordant. 1. Marc. ad confessionem.

^f C. Germ. prior Carn. & duo priores Gemet. referatur. In tertio Gemet. quem sequuntur ed. Antwerp. & aliæ antiq. figatur.

^a Dominationibus, cum ^a Principatibus & Potestatibus apparebit: cœlis ac terris ardentibus, cunctis videlicet elementis in sui obsequii terrore commotis. Hunc ergo tanti pavoris judicem ante oculos ponite: hunc venturum timete, ut hunc, cum venerit, non timidi, sed securi videatis. Timendus ergo est, ne timeatur. Terror ejus nos ad usum bonæ operationis exerceat: metus illius vitam nostram a pravitate compescat. Mihi, fratres, credite quia tanto tunc erimus securi de ejus præsentia, quanto nunc esse satagimus suspecti de culpa.

Ex litigantium solitudine discimus quantum de salutis negotio debeamus esse solerti.

11. Certe si aliquis vestrum cum suo adversario causam dicturus in meo judicio die crastino esset exhibendus, totam fortasse noctem insomnem duceret, quid sibi dici posset, quid objectionibus responderet, secum sollicita & æstuante mente versaret: ne me inveniret asperum, vehementer metueret: ne apud me appareret noxius, formidaret. Et quis ego? aut quid ego? nimirum non longe post futurus post hominem vermis, atque post vermem pulvis. Si ergo tanta cura pertimescitur judicium pulveris; qua intentione cogitandum est, qua formidine ^b prævidendum tantæ judicium majestatis?

Probatur carnis resurrectione, de qua tempore S. Gregorii dubitatum.

^c 12. Sed quia sunt nonnulli, qui de resurrectione carnis incerti sunt, & hanc tunc rectius docemus, si etiam cordium vestrorum quæstionibus occultis occurrimus: pauca nobis de ipsa resurrectionis fide loquenda sunt. Multi etenim ^c de resurrectione dubitant, sicut & nos aliquando fuimus, qui dum carnem in putredinem, ossaque in pulverem redigi per sepulcra conspi-

ciunt, reparari ex pulvere carnem & ossa diffidunt; sicque apud se quasi ratiocinantes dicunt: Quando ex pulvere homo reducitur? quando agitur ut cinis animetur? Quibus breviter respondemus: quia longe minus est Deo reparare quod fuit, quam creasse quod non fuit. Aut quid mirum si hominem ex pulvere reficit, qui simul omnia ex nihilo creavit? Mirabilius namque est cœlum & terram ex nullis existentibus condidisse, quam ipsum hominem ex terra reparare. Sed cinis attenditur, & in carnem redire posse desperatur: & divinæ operationis virtus comprehendere quasi ex ratione quæritur. Qui scilicet hæc idcirco in suis cogitationibus dicunt, quia eis quotidiana Dei miracula ex assiduitate viluerunt. Nam ecce in uno grano parvissimi seminis latet tota quæ nascitura est arboris moles. Constituamus namque ante oculos cujuslibet arboris miram magnitudinem: cogitemus unde oriendo cœpit, quæ ad tantam molem crescendo pervenit. Invenimus proculdubio ejus originem, parvissimum semen. Consideremus nunc ubi in illo parvo grano seminis latet fortitudo ligni, asperitas corticis, saporis odorisque magnitudo, ubertas fructuum, viriditas foliorum. Contrectatum namque seminis granum non est validum: unde ergo processit ligni duritia? non est asperum, unde asperitas corticis erupit? non est saporum, unde sapor in fructibus? olfactum nil redolet, unde odor in fructibus fragat? nil in se viride ostendit, unde foliorum viriditas exivit? Cuncta ergo in semine simul latent, quæ tamen non simul ex semine prodeunt. Ex semine

^a Belvac. cum principilus.

^b In Belvac. C. Germ. & Gemet. providendum.

^c Ita Corb. Germ. & potiores. In excusis, consentientibus nonnullis mss. dubitan-

tes, sicut & nos aliquando fuimus, dum carnem. 1. Marc. Multi etenim, sicut & nos aliquando fuimus, dum &c. Ceterum consule indicem voce Eutychius & Resurrectio.

mine quippe producit radix, ex radice prodit virgultum, ex virgulto oritur fructus, in fructu etiam producit semen. Addamus ergo quia & semen latet in semine. Quid igitur mirum, si ossa, nervos, carnem, capillosque reducat ex pulvere, qui lignum, fructus, folia, in magna mole arboris ex parvo quotidie semine restaurat? Cum ergo dubitans animus de resurrectionis potentia rationem querit, earum rerum ei quaestiones inferendae sunt, & quae incessanter fiunt, & tamen ratione comprehendendi nequaquam possunt: ut dum non valet ex visione rei penetrare

quod conspicit, de promissione divinae potentiae credat quod audit. Illa ergo vobiscum, fratres carissimi promissa cogitate quae permanent: quae vero cum tempore transcunt, velut jam dimissa despiciite. Ad hujus resurrectionis gloriam quam in se Veritas ostendit, tota intentione festinate. Terrena desideria quae ab auctore separant, fugite: quia tanto altius ad conspectum Dei omnipotentis pertingitis, quanto Mediatorem Dei & hominum singularius amatis. Qui vivit & regnat cum Patre in unitate Spiritus sancti Deus, per omnia secula seculorum. Amen.



Lectio Sancti Evangelii secundum Johannem.

Joabn. Cap. XV. §. 12. — 16.

IN illo tempore: Dixit Iesus discipulis suis: Hoc est præceptum
 a meum, ut diligatis invicem, sicut dilexi vos. Majorem hac di-
 lectionem nemo habet, ^a quam ut animam suam ponat quis pro a-
 micis suis. Vos amici mei estis si feceritis quæ ego præcipio vobis.
 Jam non dicam vos servos: quia servus nescit quid faciat dominus
 ejus. Vos autem dixi amicos: quia omnia quacumque audiavi a Pa-
 tre meo, nota feci vobis. Non vos me elegistis, sed ego elegi vos,
 & posui vos ut eatis, & fructum afferatis, & fructus vester ma-
 neat: ut quodcumque petieritis Patrem in nomine meo, det vobis.

b ^b H O M I L I A XXVII.

c Habita ad populum in basilica sancti Pancratii martyris, ^c
 die natalis ejus.

Ad dilectio-
 nem, quæ
 Christi pro-
 prie præce-
 ptum est,
 cætera per-
 tinent.

1. **C**UM cuncta sacra eloquia
 Dominicis plena sint præ-
 ceptis, quid est quod de dilectione,
 quasi de singulari mandato Domi-
 nus dicit: *Hoc est præceptum meum,*
ut diligatis invicem; nisi quia om-
 ne mandatum de sola dilectione
 est, & omnia unum præceptum
 sunt? quia quidquid præcipitur,
 in sola caritate solidatur. Ut enim
 multi arboris rami ex una radice
 prodeunt, sic multæ virtutes ex
 una caritate generantur. Nec ha-
 bet aliquid viriditatis ramus boni
 operis, si non manet in radice ca-
 ritatis. Præcepta ergo Dominica &
 multa sunt, & unum: multa per
 diversitatem operis, unum in radi-
 ce dilectionis. Qualiter autem ista
 dilectio tenenda sit, ipse insinuat,

qui in plerisque Scripturæ suæ sen-
 tentiis & amicos jubet diligere in se,
 & inimicos diligere propter se. Ille
 enim veraciter caritatem habet,
 qui & amicum diligit in Deo, &
 inimicum diligit propter Deum.
 Nam sunt nonnulli qui diligunt
 proximos, sed per affectum cognati-
 onis & carnis; quibus tamen in
 hac dilectione sacra eloquia non
 contradicunt. Sed aliud est quod spon-
 te impenditur naturæ, aliud quod præ-
 ceptis Dominicis ex caritate debe-
 tur obedientiæ. Hi nimirum & pro-
 ximum diligunt, & tamen illa sub-
 limia dilectionis præmia non asse-
 quuntur: quia amorem suum non
 spiritaliter, sed carnaliter impen-
 dunt. Proinde cum Dominus dice-
 ret: *Hoc est præceptum meum, ut*
diligatis invicem.

^a In Bigot. & Corb. Germ. *ut animam*,
 omisso, *quam*.

Suec.

^b Est trigesima-septima in Corb. & tri-
 gesima-seconda tum in Later. tum in Reg.

^c Hæc in tribus Gemet. desiderantur &
 in Later. At in cod. Reg. Suec. in Corb.
 Germ. & in aliis exstant.

diligatis invicem; protinus addidit: *Sicut delexi vos*. Ac si aperte dicat: Ad hoc amate, ad quod amavi vos.

Diaboli artes ut ad odium nos excitet.

2. Qua in re, fratres carissimi, solerter intuendum est, quod antiquus hostis dum mentem nostram ad rerum temporalium^a delectationem trahit, infirmiore contra nos proximum excitat, qui ea ipsa quæ diligimus, auferre moliatur. Nec curat antiquus hostis, hæc faciens, ut terrena tollat: sed sicut caritatem in nobis feriat. Nam in odium repente exardescimus: & dum foris invicti esse cupimus, intus graviter ferimur: dum parva foris defendimus, intus amittimus maxima: quia dum rem diligimus temporalem, veram amittimus dilectionem. Omnis quippe qui nostra tollit, inimicus est. Sed si odio habere cœperimus inimicum, intus est quod perdimus. Cum ergo aliquid exterius a proximo patimur, contra occultum raptorem interius vigilemus, qui nunquam melius vincitur, nisi cum raptor exterior amatur. Una quippe & summa est probatio caritatis, si & ipse diligitur, qui adversatur. Hinc est quod ipsa Veritas & crucis patibulum sustinet, & tamen ipsis suis persecutoribus affectum dilectionis impendit, dicens: *Pater ignosce illis, quia nesciunt quid faciunt*. Quid ergo mirum si inimicos diligant discipuli dum vivunt, quando & tunc inimicos diligit magister cum occiditur? Cujus dilectionis summam exprimit, cum subjungitur: *Majorem hac dilectionem nemo habet, quam ut animam suam ponat quis pro amicis suis*. Mori etiam pro inimicis Dominus venerat, & tamen positurum se animam pro amicis dicebat: ut profecto nobis ostenderet, quia dum

Luc. 23. 34.

Caritatis perfectio.

diligendo, lucrum facere de inimicis possumus, etiam ipsi amici sunt qui persequuntur.

3. Sed ecce nos usque ad mortem nemo persequitur. Unde ergo probare possumus an diligamus inimicos? Sed est quod in pace sanctæ Ecclesiæ fieri debeat, unde clarescat si persecutionis tempore mori pro dilectione valeamus. Certe idem Johannes dicit: *Qui habuerit substantiam mundi^b hujus, & viderit fratrem suum necessitatem habere, & clauserit viscera sua ab eo: quomodo caritas Dei manet in eo?* Hinc etiam Johannes Baptista ait: *Qui habet duas tunicas det non habenti*. Qui ergo tranquillitatis tempore non dat pro Deo tunicam suam, quando in persecutione daturus est animam suam? Virtus ergo caritatis ut invicta sit in perturbatione, nutriatur per misericordiam in tranquillitate: quatenus omnipotenti Deo primum discat sua impendere, postmodum semetipsum.

Utrum inimicos diligamus, qui possumus explorare. Pater. in 1. Johan. c. 9.

1. Johan. 3.

Luc. 3. 11.

4. Sequitur: *Vos amici mei estis*. O quanta est misericordia Conditoris nostri! Servi digni non sumus, & amici vocamur. Quanta est dignitas hominum, esse amicos Dei? Sed audistis gloriam dignitatis: audite & laborem certaminis. *Si feceritis quæ ego precipio vobis*. Amici mei estis, si ea quæ præcipio vobis, facitis. Ac si aperte dicat: Gaudetis de culmine: pensate quibus laboribus pervenitur ad culmen. Certe dum filii Zebedæi interveniente matre quærerent, ut unus a dextris Dei, & alius a sinistris sedere debuissent, audierunt: *Potestis bibere calicem, quem ego bibiturus sum?* Jam locum celsitudinis quærebant: ad viam illos Veritas revocat, per quam ad celsitudinem venirent. Ac si dicatur: Jam vos locus delectat celsi-

Qua conditione amici Christi efficiamur.

Pater. in Matth. c. 90.

Matth. 20. 22.

^a Ita mss. Belvac. C. Germ. Gern. Cañ. &c. sed editi, *dilectionem*, habent.

Tom. V.

^b Absit, *hujus*, a tribus Gern. & C. Gern.

a celsitudinis, sed prius via exerceat laboris. Per calicem ^a pertingitur ad maiestatem. Si mens vestra appetit quod demulcet, prius bibite quod dolet. Sic sic per amarum poculum ^b confessionis, pervenitur ad gaudium salutis. *Jam non dicam vos servos: quia servus nescit quid faciat dominus ejus. Vos autem dixi amicos: quia omnia quaecumque audivi a Patre meo, nota feci vobis.* Quæ sunt omnia quæ audit a Patre suo, quæ nota fieri voluit servis suis, ut eos efficeret amicos suos; nisi gaudia ^c internæ caritatis, nisi illa festa supernæ patriæ, quæ nostris quotidie mentibus per aspirationem sui amoris imprimit? d Dum enim audita ^d super cœlestia amamus, amata jam novimus; quia amor ipse notitia est. Omnia ergo eis nota fecerat, qui a terrenis desiderii immutati, ^e amoris summi facibus ardebant. Istos vero amicos Dei aspexerat Propheta, cum dicebat: *Mihi autem nimis honorificati sunt amici tui Deus.* Amicus enim quasi animi custos vocatur. Quia ergo Psalmista prospexit electos Dei a mundi hujus amore separatos, custodire in mandatis cœlestibus voluntatem Dei, miratus est amicos Dei, dicens: *Mihi autem nimis honorificati sunt amici tui Deus.* Et tamquam si ab eo protinus causas honoris tanti nobis insinuari quæreremus, illico adjunxit: *Nimis confortatus est principatus eorum.* Ecce electi Dei carnem domant, spiritum roborant, dæmonibus imperant, virtutibus coruscant, præ-

sentia despiciunt, æternam patriam cum voce moribus prædicant: eam etiam moriendo diligunt, atque ad illam per tormenta pertingunt. Occidi possunt, & flecti nequeunt. Nimis ergo confortatus est principatus eorum. In ista ipsa passione, qua ceciderunt in morte carnis, videte quantum fuerit culmen mentis. Unde hoc, nisi quia confortatus est principatus eorum? ^f Sed sic magni forsitan pauci sunt? Subjunxit: *Dinumerabo eos, & super arenam multiplicabuntur.* Totum mundum, fratres, aspiciate, martyribus plenus est. ^g Jam pene tot qui videamus non sumus, quot veritatis testes habemus. Deo ergo numerabiles nobis super arenam multiplicati sunt; quia quanti sint, a nobis comprehendi non possunt.

Amici Dei occidi possunt, non vinci.

Ibid. v. 12.

5. Sed quisquis ad hanc pervenit dignitatem, ut amicus vocetur Dei, sese in se conspiciat, dona autem quæ percipit, super se. Nihil suis meritis tribuat, ne ad inimicitias erumpat. Unde & subditur: *Non vos me elegistis, sed ego elegi vos, & posui vos, ut eatis, & fructum afferatis.* ^h Posui ad gratiam, plantavi ut eatis volendo, fructum afferatis operando. Eat enim volendo, dixi; quia velle aliquid facere, jam mente ire est. Qualem vero fructum afferre debeant, subditur, *Et fructus vester maneat.* Omne quod secundum præsens seculum laboramus, vix usque ad mortem sufficit. Mors namque interveniens, fructum nostri laboris abscidit. Quod vero

Dei amicitiam consecuti, nihil inde sibi tribuant.

Isal. 13. 17.

Amicus quasi animi custos. Pater. in Ps. c. 255.

Ibid. m.

^a 3. Marc. quippe.

^b Edit. Antwerp. & aliæ tum vet. tum recent. confessionis, pro confessionis, quod legitur in mli. Anglic. & nostris.

^c Duo priores Gemet. interna claritas.

^d Corb. Germ. & duo priores Gemet. superna cœlestia. Tertius Gemet. semper cœlestia. 3. Marc. audita cœlestia.

^e Primus Gemet. amoris sui.

^f Ita Corb. Germ. Belvac. Gemet. Longip. Val. c. & vet. edit. In recent. sed ne putes quod sic magni, &c. Suffragari videntur tres Anglic. nisi quod pro, sic, in Anglic. mli. extat, si. 3. Marc. si sic.

^g Primus Carn. jam pene tot videre non possumus. Secundus, jam pene tot qui videamus, non possumus videre.

^h Primus Carn. Elegi per gratiam, posui ut eatis.

Et fructum
qui maneat
in æternum,
ferant.

Pater. in
Ps. c. 253.

Psal. 125.
3.

a

Utrum
quidquid
petimus in
nomine
Christi, con-
sequamur.
Johan. 16.
v. 23. & 24.

2. Cor. 12.9.

b

verò pro æterna vita agitur, etiam post mortem servatur: & tunc apparere incipit, cum laborum carnalium fructus cœperit non videri. Ibi ergo illa retributio incoat, ubi ista terminatur. Quisquis ergo jam æterna cognovit, apud ejus animum temporales fructus vilescant. Tales fructus operemur qui mancant: tales fructus operemur, qui cum mors cuncta interinat, ipsi exordium a morte sumant. Nam quod a morte incipiat fructus Dei, testatur Propheia, qui dicit: *Cum dederit dilectis suis somnum, hæc est hereditas Domini*. Omnis qui dormit in morte, perdit hereditatem: sed cum dederit dilectis suis somnum, hæc est hereditas Domini: ^a quia electi Dei postquam pervenerint ad mortem, tunc invenient hereditatem.

6. Sequitur: *Ut quodcumque petieritis Patrem in nomine meo, det vobis*. Ecce hic dicit. *Quodcumque petieritis Patrem in nomine meo, det vobis*. Rursum alibi per eundem Evangelistam dicit: *Si quid petieritis Patrem in nomine meo, dabit vobis. Usque modo non petistis quidquam in nomine meo*. Si omne quod petimus in nomine Filii, dat nobis Pater: quid ergo est quod Paulus ter Dominum rogavit, & exaudiri non meruit, sed dictum est illi: *Sufficit tibi gratia mea: nam virtus in infirmitate perficitur*? Numquid ille tam egregius prædicator ^b in Filii nomine non petiit? Quare autem non accepit quod petiit? Quomodo ergo verum est, quia quidquid petierimus Patrem in nomine Filii, dat nobis Pater, si auferri a se angelum satanæ petiit Apostolus in nomine Filii, & tamen quod petiit non accepit? Sed

quia nomen filii Jesus est, Jesus autem Salvator, vel etiam salutaris dicitur: ille ergo in nomine saluatoris petit, qui illud petit, quod ad veram salutem pertinet. Nam si id quod non expedit petitur, non in nomine Jesu petitur Pater. Unde & eisdem Apostolis adhuc infirmantibus Dominus dicit: *Usque modo non petistis quidquam in nomine meo*. Ac si aperte diceretur: Non petistis in ^c nomine Salvatoris, quia nescitis quærere æternam salutem. Hanc est quod & Paulus non exauditur: quia si liberaretur a tentatione, ei non proderat ad salutem.

Quam pau-
ci orant, ut
oportet.

7. Ecce videmus, fratres carissimi, quam multi ad solemnitatem Martyris convenistis, genua flectitis, pectus tunditis, voces orationis ac confessionis emittitis, faciem lacrymis rigatis. Sed pensate, quæso, petitiones vestras; videte si in nomine Jesu petitis, id est si gaudia salutis æternæ postulatis. In domo enim Jesu, Jesum non quæritis, si in æternitatis templo importune pro temporalibus oratis. Ecce alius in oratione quærit uxorem, alius petit villam, alius postulat vestem, alius dari sibi deprecatur alimentum. Et quidem cum hæc defunt, ab omnipotenti Deo petenda sunt. Sed meminisse continuo debemus quod ex mandato ejusdem nostri Redemptoris accepimus, *Quærite primum regnum Dei, & justitiam ejus, & hæc omnia adjicientur vobis*. Et hæc itaque a Jesu petere, non est errare, si tamen non nimie petantur. Sed adhuc, quod est gravius, alius postulat mortem inimici, eumque quem gladio non potest persequi, persequitur oratione. Et vivit adhuc qui

Matth. 6. 33.

M m 2

ma-

^a Longip. quia dilecti.

^b 3. Marc. In Filii nomine non petiit, quod petiit? Et si in Filii nomine petiit, quare non &c.

^c Belv. & C. Germ. in nomine salutaris. Paulo post duo priores, Gemet. quia nescistis.

maledicatur, & tamen is qui maledicit, jam de morte illius reus tenetur. Jubet autem Deus ut diligatur inimicus, & tamen rogatur Deus ut occidat inimicum. Quisquis itaque sic orat, in ipsis suis precibus contra Conditorum pugnat. Unde & sub Judæ specie dicitur: *Fiat oratio ejus in peccatum*. Oratio quippe in peccatum, est illa petere quæ prohibet ipse qui petitur.

Psalm. 108. 7.
Quæ oratio
fiat in pec-
catum.

Marc. 11. 25.
Ante ora-
tionem de-
bitoribus
nostris di-
mittendum.

Jerem. 7. 16.
Ibid. 15. 1.

8. Hinc Veritas dicit: *Cum statis ad orandum, remittite si quid habetis in cordibus vestris*. Quam virtutem remissionis apertius ostendimus, si unum testimonium Testamenti veteris proferamus. Certe cum Judæa Conditoris sui justitiam culpis exigentibus offendisset, Prophetam suum ab oratione Dominus prohibens, dicit: *Non assumes laudem & orationem pro eis*. Si Moyses & Samuel steterint coram me, non est anima mea ad populum istum. Quid est quod intermissis relictisque tot patribus, soli Moyses & Samuel ad medium deducuntur, quorum mira obtinendi virtus ostenditur, dum nec ipsi posse intercedere dicuntur? Ac si aperte Dominus dicat: Nec illos audio, quos propter magnum petitionis suæ meritum minime contemno. Quid ergo est quod Moyses & Samuel cæteris patribus in postulatione præferuntur, nisi quod hi duo tantummodo in cuncta Testamenti veteris serie etiam pro inimicis suis leguntur exorasse? Unus a populo lapidibus impetitur, & tamen a pro lapidatore suo Dominum deprecatur: alter ex principatu dejicitur, & tamen petitur ut exoraret, fatetur dicens: *Absit a*

a

a Excusi, (& 3. Marc.) pro lapidatoribus suis. At mss. magno consensu, pro lapidar. suo, scilicet populo Israel. Alludit Greg. ad hunc locum Exod. 17. *Adhuc paululum, & lapidabit me*, scilicet populus. Ceterum nullibi legimus Moysen la-

me hoc peccatum in Domino, quominus cessem orare pro vobis. Si Moyses & Samuel steterint coram me, non est anima mea ad populum istum.

Pater. in Jerem. c. 21.

Ac si aperte dicat: Nec illos modo pro amicis audio, quos magnæ virtutis merito, orare etiam pro inimicis scio. Virtus ergo veræ orationis, est celsitudo caritatis. Et tunc quisque quod recte petit, adipiscitur, cum ejus animus in petitione nec inimici odio fuscatur. Sed plerumque reluctanter animum vincimus, si etiam pro inimicis oramus. Effundit os pro adversariis precem, sed utinam cor teneat amorem. Nam sæpe & orationem pro inimicis nostris impendimus, sed hæc ex præceptione potius fundimus, quam ex caritate. Nam & vitam inimicorum petimus, & tamen ne exaudiamur, timemus. Sed quia internus judex mentem potius quam verba considerat, pro inimico nil postulat, qui pro eo ex caritate non orat.

*Pro inimi-
cis oran-
dum ex cer-
de.*

b

9. Sed ecce in nos graviter inimicus deliquit, damna intulit, juvantes læsit, amantes persecutus est. Retinenda hæc essent, si remittenda nobis delicta non essent. Advocatus etenim noster precem nobis in causa nostra composuit: & ipse ejusdem causæ judex est, qui advocatus. Preci autem quam composuit, conditionem inseruit, dicens: *Dimitte nobis debita nostra, sicut & nos dimittimus debitoribus nostris*. Quia ergo ipse judex venit, qui advocatus extitit, ipse precem exaudit, qui fecit. Aut ergo non facientes dicimus, *Dimitte nobis debita nostra, sicut & nos dimittimus debitoribus nostris; & nosmetipsos hoc dicendo*

*Etiā
gravia da-
mna intule-
runt.*

Matth. 6. 12.

am-

pidibus fuisse impetitur?

b Bigot. Longip. Val-cl. etiam cum pro inimicis. Sequimur C. Germ. & alios antiq. 3. Marc. etiam cum. . . Fundimus.

c Bigot. pro amico nihil postulat qui pro inimico ex caritate veraciter non orat.

a amplius ^a ligamus: aut fortasse conditionem hanc in oratione intermitimus, & advocatus noster precem quam composuit, non recognoscit, atque apud se protinus dicit: Scio quid monui, non est ipsa oratio quam feci. Quid ergo nobis agendum est, nisi ut veræ caritatis affectum impendamus fratribus? Nulla in corde malitia maneat. Consideret omnipotens Deus erga proximum caritatem nostram, ^b ut nostris impendat iniquitatibus pietatem suam.

b Luc. 6. 37. Mementote quod monemur: *Dimittite, & dimittetur vobis.* Ecce debetur nobis, & debemus. Dimittamus ergo quod debetur nobis, ut dimittatur quod debetur a nobis.

Sed ad hæc mens renititur, & vult implere quod audit, & tamen reluctatur.


Ad Martyris tumbam consistimus, qui ad cœleste regnum ex qua morte pervenerit scimus. Nos si pro Christo corpus non ponimus, saltem animum vincamus. Placatur Deus isto sacrificio: approbat in iudicio pietatis suæ victoriam pacis nostræ. Certamen enim nostri cordis aspicit: & qui post vincentes remunerat, nunc decertantes juvat, per Dominum nostrum Jesum Christum filium ^c suum, qui cum eo vivit & regnat in unitate Spiritus sancti Deus, per omnia secula seculorum. Amen.

a g. Marc. affligimus scio quid novi.

b Excusi, & nostris.

c Duo priores Gemet. cui laus & gloria per &c.





Lectio Sancti Evangelii secundum Johannem.

Job. Cap. IV. N. 46. — 53.

IN illo tempore: Erat quidam regulus, cujus filius infirmabatur Capharnaum. Hic cum audisset quia Jesus veniret a Judæa in Galilaam, abiit ad eum, & rogabat eum ut descenderet, & sanaret filium ejus. Incipiebat enim mori. Dixit ergo Jesus ad eum: Nisi signa & prodigia videritis, non creditis. Dicit ad eum regulus: Domine, descende priusquam moriatur filius meus. Dicit ei Jesus: Vade, filius tuus vivit. Credidit homo sermoni quem dixit ei Jesus: & ibat. Jam autem eo descendente, servi occurrerunt ei, & nuntiaverunt dicentes, quia filius viveret. Interrogabat ergo eor^a ab eis, in qua^a melius habuerit. Et dixerunt ei, quia heri hora septima reliquit eum febris. Cognovit ergo pater quia illa hora erat, in qua dixerat ei Jesus: Filius tuus vivit. Et credidit ipse, & domus ejus tota.

^b HOMILIA XXVIII.

Habita ad populum in basilica sanctorum Nerei & Achilei, die Natalis eorum.

Digne de Christo non sentiebant qui ejus præsentiam corporalem ad miraculo facienda requirerant.

1. LECTIO sancti Evangelii, quam modo, fratres, audistis, expositione non indiget. Sed ne hanc taciti præterisse videamur, exhortando potius, quam exponendo in ea aliquid loquamur. Hoc autem nobis solummodo de expositione video esse requirendum, cur is qui ad salutem filio petendam venerat, audivit: *Nisi signa & prodigia videritis, non creditis*. Qui enim salutem filio quærebat, proculdubio credebat. Neque enim ab eo quæreret salutem, quem non crederet salvatorem. Quare ergo dici-

tur: *Nisi signa & prodigia videritis, non creditis*, qui ante credidit, quam signum videret? Sed mementote quid petiit, & aperte cognoscetis quia in fide dubitavit. Poposcit namque ut descenderet, & sanaret filium ejus. Corporalem ergo præsentiam Domini quærebat, qui per spiritum nusquam deerat. Minus itaque in illum credidit, quem non putavit posse salutem dare, nisi præsens esset & corpore. Si enim perfecte credidisset, proculdubio sciret, quia non esset locus ubi non esset Deus. Ex magna ergo parte dif-

^a Belyac. & Corb. Germ. *melius habuerat*.

^b In cod. Reg. Suec. est vigesima tertia, ubi legitur habita, in cemiterio san-

ctorum Nerei & Achillei. Est in cod. Later. vigesima nona, in Corb. vigesima sexta.

a diffusus est: ^a quia honorem non dedit majestati, sed præsentiae corporali. Salutem itaque filio petiit, & tamen in fide dubitavit: quia eum ad quem venerat, & potentem ad curandum credidit, & tamen morienti filio esse absentem putavit. Sed Dominus, qui rogatur ut vadat, quia non desit ubi invitatur, indicat: ^b solo jussu salutem reddidit, qui voluntate omnia creavit.

Christus
humilita-
tem docet,
superbiam
retundit.
Matth. 8.v.
6. & 7.

2. Quæ in re hoc est nobis solerter intuendum, quod sicut Evangelista alio testante didicimus, Centurio ad Dominum venit dicens: *Domine, puer meus jacet paralyticus in domo mea, & male torquetur*. Cui a Jesu protinus respondetur: *Ego veniam & curabo eum*. Quid est quod regulus rogat ut ad ejus filium veniat, & tamen ire corporaliter recusat; ad servum vero Centurionis non invitatur, & tamen se corporaliter ire pollicetur? Reguli filio per corporalem præsentiam non dignatur adesse. Centurionis servo non dedignatur occurrere. Quid est hoc, nisi quod superbia nostra retunditur, qui in hominibus non naturam quæ ad imaginem Dei facti sunt, sed honores & divitias veneramus? Cumque pensamus quæ circa eos sunt, profecto interiora minime provideamus, dum ea consideramus quæ in corporibus despecta sunt, negligimus pensare quod sunt. Redemptor vero noster ut ostenderet quia quæ alta sunt hominum, ^d despicienda sunt; & quæ despecta sunt hominum, sanctis despicienda non sunt: ad filium reguli ire noluit, ad servum Centurionis ire paratus fuit. Increpata est ergo superbia nostra

In homine
naturam at-
tendamus,
non divi-
tias & ho-
nores.

quæ nescit pensare homines propter quæ homines. Sola, ut diximus, quæ circumstant hominibus pensat, naturam non aspicit, honorem Dei in hominibus non agnoscit. Ecce ire non vult filius Dei ad filium reguli: & tamen venire paratus est ad salutem servi. Certe si nos cuiuspiam servus rogaret ut ad eum ire deberemus, protinus nobis nostra superbia in cogitatione tacita responderet, dicens: Non eas, quia temetipsum degeneras, honor tuus despicitur, locus vilescit. Ecce de cælo venit qui servo in terra occurrere non despicit: & tamen humiliari in terra contemnimus, qui de terra sumus. Quid vero apud Deum vilius, quid despectius esse potest, quam e servare honorem apud homines, & interni testis oculos non timere? Unde & in sacro Evangelio ad Phariseos Dominus ait: *Vos estis qui justificatis vos coram hominibus, Deus autem novit corda vestra: quia quod hominibus altum est abominabile est apud Deum.* Notate, fratres, notate quod dicitur. Si enim quod hominibus altum est, abominabile est apud Deum; cordis nostri cogitatio tanto apud Deum in imo est, quanto hominibus in alto: & humilitas cordis nostri tanto apud Deum in alto est, quanto hominibus in imo.

Pat
P. 1. 1. 4

e

Luc. 16. 14.
& 15.

3. ^f Despiciamus ergo si quid boni gerimus: nulla nos nostra inflat operatio, non rerum abundantia, non gloria extollat. Si quibuslibet ex bonis affluentibus intus intumescimus, Deo despecti sumus. Quo contra de ^g humilibus Psalmista dicit: *Custodiens parvulos Dominus.*

f
Exhortatio
ad humili-
tatem.

g
Psal. 114. 6.

Quia

a Ita C. Germ. & fere omnes mss. Unde miror vet. ed. ac recentiores prætulisse: *quia virtutem non dedit*. Occasionem præbere potuit Longip. in quo legitur, *qui virtutem honoris*. 1. Marc. *qui virtutem non dedit*.

b 1. Marc. solo jussu omnia creavit, qui voluntate salutem reddidit.

c Abest, *men*, a C. Germ. tribus Ge-
met. ac al. Et a i. Marc.

d Duo Carn. & Corb. Germ. *sanctis de-*
spicienda sunt. 1. Marc. *alta sunt homini-*
bus, sanctis.

e 1. Marc. *superbire apud.*

f Secundus Carn. respiciamus.

8 Corb. non habet, *de humilibus.*

Ibidem.

2
 Pensanda
 sunt non
 quæ habe-
 mus, sed
 quæ sumus.

Quia parvulos humiles appellat, postquam sententiam protulit, consilium subjungit: nam quasi quæreremus quid ipse ad hæc faceret, adjunxit: *Humiliatus sum, & liberavit me*. Hæc ergo cogitate, fratres, hæc tota intentione pensate. Nolite in proximis vestris mundi hujus bona venerari. Hoc propter Deum honorate in hominibus, quibus tamen commissi non estis, quod facti sunt ad imaginem Dei. Quod tunc proximis vere servatis, si apud vosmetipsos prius in corde non intumescitis. Nam qui se adhuc pro^a rebus transitoriis extollit, nescit in proximo venerari quod maneat. Nolite ergo in vobismetipsis pensare quod habetis, sed quid estis. Ecce mundus qui diligitur, fugit. Sancti isti, ad quorum tumbam confisistimus, florentem mundum mentis despectu calcaverunt. Erat vita longa, salus continua, opulentia in rebus, fecunditas in propagine, tranquillitas in diuturna pace: & tamen cum in seipso floreret, jam in eorum cordibus mundus aruerat. Ecce jam mundus in seipso aruit,

& adhuc in cordibus nostris floret: Ubique mors, ubique luctus, ubique desolatio, undique percutimur, undique amaritudinibus replemur: & tamen cæca mente carnalis concupiscentiæ ipsas ejus amaritudines amamus, fugientem sequimur, labenti inhæremus. Et quia labentem retinere non possumus, cum ipso labimur, quem cadentem tenemus. Aliquando^b nos mundus delectatione sibi tenuit: nunc tantis plagis plenus est, ut ipse nos jam mundus mittat ad Deum. Pensate ergo^c quia nulla sunt quæ temporaliter currunt. Finis temporalium ostendit, quam nihil sit quod transire potuit. Casus rerum indicat, quia res transiens & tunc prope nihil fuit cum stare videretur. Hæc ergo, fratres carissimi, sollicita consideratione pensate, in æternitatis amore cor figite: ut dum terrena culmina adipisci contemnitis, perveniatis ad gloriam, quam per fidem tenetis, per Jesum Christum Dominum nostrum, qui vivit & regnat Deus cum Patre in unitate Spiritus sancti, per omnia secula seculorum. Amen.

Mundo
 ruenti in-
 hærentes
 cum ipso
 gravi lapsu
 cadimus.

b

c

^a Duo priores Gemet. *rebus temporalibus*.

^b Ita Corb. Belvac. Corb. Germ. & posteriores. In secundo Carnut. (& 1. Marc.) legitur, *mundus delect. retraxit a Deo*, quem sequuntur omnes excusi, nisi quod

Gulfanvil. omisit, *delectatione*. Quæ vox in 1. Mar. non occurrit.

^c Belvac. & alii, *quam nulla sunt*. Sic & 1. Marc.

Lectio sancti Evangelii secundum Marcum.

Marc. Cap. XVI. v. 14. — 20.

IN illo tempore: Recumbentibus undecim discipulis, apparuit illis ^a Jesus, & exprobravit incredulitatem eorum, & duritiam cordis: quia his qui viderant eum resurrexisse, non crediderunt. Et dixit eis: Euntes in mundum universum, predicare Evangelium omni creatura. Qui crediderit, & baptizatus fuerit, salvus erit: qui vero non crediderit, condemnabitur. Signa autem eos qui crediderint, hæc sequentur. In nomine meo demonia ejicient, linguis loquentur novis, serpentes tollent: & si mortiferum quid biberint, non eis nocebit. Super agros manus imponent, & bene habebunt. Et Dominus quidem Jesus postquam locutus est eis, assumptus est in cælum, & sedet a dextris Dei. Illi autem profecti predicaverunt ubique, Domino cooperante, & sermonem confirmante, sequentibus signis.

b HOMILIA XXIX.

c Habita ad populum in basilica beati Petri Apostoli, e in Ascensione Domini.

Ex discipulorum Christi dubitatione fides resurrectionis roboratur.

QUOD resurrectionem Dominicam discipuli tarde crediderunt, non tam illorum infirmitas, quam nostra, ut ita dicam, futura firmitas fuit. Ipsa namque resurrectio illis dubitantibus per multa argumenta monstrata est: quæ dum nos legentes agnoscimus, quid aliud quam de illorum dubitatione solidamur? Minus enim mihi Maria Magdalene præstitit quæ citius credidit, quam Thomas qui diu dubitavit. Ille etenim dubitando, vulnerum cicatrices tetigit, & de nostro pe-

store ^d dubietatis vulnus amputavit. Ad insinuandam quoque veritatem Dominicæ resurrectionis notandum nobis est quid Lucas referat, dicens: *Convalescens præcepit eis, ab Jerosolymis ne discederent*. Et post pauca; *Videntibus illis elevatus est, & nubes suscepit eum ab oculis eorum*. Notate verba, signate mysteria. *Convalescens elevatus est*. Comedit, ascendit: ut videlicet per effectum comestionis veritas patetceret carnis. Marcus vero, priusquam cælum Dominus ascendat, eum

d Pater. in Alt. c. 1.

Act. 1. 4.

Ibid. v. 9.

a C. Germ. Dominus Jesus.
b In Lateran. est vigesima-prima. In cod. Reg. Suec. vigesima secunda. In Corb. decima-nona.

c Hæc desiderantur in Iater. & primo Tom. V.

Gemet. Leguntur in C. Germ. in cod. Reg. Suec. & aliis. In lib. Sacram. ed. Pameli & Menardi, ac in Calend. Rom. Joh. Frontonis legitur *Ascensa*, non *Ascensio*.

d Gemet. & C. Germ. dubitationis.

eum de cordis atque infidelitatis durtia increpasse discipulos memorat. Qua in re quid considerandum est, nisi quod idcirco Dominus tunc discipulos increpavit, cum eos corporaliter reliquit, ut verba quæ recedens diceret, in corde audientium arctius impressa remanerent? Increpata igitur eorum durtia, quid admonendo dicat, audiamus: *Euntes in mundum unversum, prædicate Evangelium omni creaturæ.*

Omnis creaturæ nomine homo recte intelligitur.

a

Moral. l. 6.
c. 16. n. 20.

1. Cor. 15. 36.

2. Numquid, fratres mei, sanctum Evangelium vel insensatis rebus, vel brutis animalibus fuerat prædicandum, ut de eo discipulis dicatur: *a Prædicate omni creaturæ?* Sed omnis creaturæ nomine signatur homo. Sunt namque lapides, sed nec vivunt, nec sentiunt. Sunt herbæ & arbusæ; vivunt quidem, sed non sentiunt. Vivunt dico, non per animam, sed per viriditatem; quia & Paulus dicit: *Insipiens, tu quod seminas, non vivificatur, nisi prius moriatur.* Vivit ergo quod moritur, ut vivificetur. Lapidés itaque sunt, sed non vivunt. Arbusæ autem sunt, & vivunt, sed non sentiunt. Bruta vero animalia sunt, vivunt, sentiunt, sed non discernunt. Angeli etenim sunt, vivunt, sentiunt, & discernunt. Omnis autem creaturæ aliquid habet homo. Habet namque commune esse cum lapidibus, vivere cum arboribus, sentire cum animalibus, intelligere cum Angelis. Si ergo commune habet aliquid cum omni creatura homo, juxta aliquid omnis creatura est homo. Omni ergo creaturæ prædicatur Evangelium, cum soli homini prædicatur: quia ille videlicet docetur, propter quem in terra cuncta creatæ sunt, & a quo omnia per quamdam similitudinem aliena sunt. Potest etiam omnis creaturæ nomine,

omnis natio Gentium designari. Ante etenim dictum fuerat: *In viam Gentium ne abieritis.* Nunc autem dicitur, *Prædicate omni creaturæ*: ut scilicet prius a Judæa Apostolorum repulsa prædicatio, tunc nobis in adiutorium fieret, cum hanc illa ad damnationis suæ testimonium, superba repulisset. Sed cum Discipulos ad prædicandum Veritas mittit, quid aliud in mundo facit, nisi grana seminis spargit? Et pauca grana mittit in semina, ut multarum messium fruges recipiat ex nostra fide. Neque enim in universo mundo tanta fidelium metis exurgeret, si de manu Domini super rationalem terram illa electa grana prædicantium non venissent. Sequitur.

Matth. 10. 5.

3. *Qui crediderit, & baptizatus fuerit, salvus erit: qui vero non crediderit, condemnabitur.* Fortasse unusquisque apud semetipsum dicat: Ego jam credidi, salvus ero. Verum dicit, si fidem operibus tenet. Vera etenim fides est, quæ in hoc quod verbis dicit, moribus non contradicit. Hinc est enim quod de quibusdam falsis fidelibus Paulus dicit: *Qui confitentur se nosse Deum, factis autem negant*: Hinc Johannes ait: *Qui dicit se nosse Deum, & mandata ejus non custodit, mendax est.* Quod cum ita sit, fidei nostræ veritatem in vitæ nostræ consideratione debemus agnoscere. Tunc enim veraciter fideles sumus, si quod verbis promittimus, operibus implemus. In die quippe baptismatis omnibus nos antiqui hostis operibus atque omnibus pompis abrenuntiare promissimus. Itaque unusquisque vestrum ad considerationem suam mentis oculos reducat: *b & si servat post baptismum, quod ante baptismum spondit, certus jam quia fidelis est, gaudeat.* Sed

Quæ qualisve fides ad salutem necessaria.

Tit. 1. 16.

1. Johan. 2. 4.

b

ecce

a Duo priores Gemet. *prædicate Evang. omni.*

b Secundus Carn. *consideret si servat.*

a ecce quod promisit, minime ^a servavit : si ad exercenda prava opera, ad concupiscendas mundi pompas dilapsus est : videamus si jam scit plangere quod erravit . Apud misericordem namque judicem nec ille fallax habebitur , qui ad veritatem revertitur , etiam postquam mentitur : quia omnipotens Deus dum libenter nostram pœnitentiam suscipit, ipse suo iudicio hoc quod erravimus, ^b abscondit. Sequitur :

30. 7. 1. c. 10.
Apud misericordem .

b Quæ signa
verum fi-
dem comi-
tari debe-
ant .

4. *Signa autem eos qui credituri sunt, hæc sequentur . In nomine meo demonia ejicient , linguis loquentur novis , serpentes tollent : & si mortiferum quid biberint , non eis nocebit : super ægros manus imponent , & bene habebunt .* Numquidnam , fratres mei , quia ista signa non facitis , minime creditis ? Sed hæc necessaria in exordio Ecclesiæ fuerunt . Ut enim ^c fides cresceret , miraculis fuerat nutrienda : quia & nos cum arbuta plantamus , tamdiu eis aquam infundimus , quousque ea in terra ^d jam convaluisse videamus : & si semel radicem fixerint , ^e in rigando cessamus . Hinc est enim quod Paulus dicit . *Lingua insignum sunt non fidelibus sed infidelibus .* Habemus de his signis atque virtutibus quæ adhuc subtilius considerare debeamus . Sancta quippe Ecclesia quotidie spiritaliter facit quod tunc per Apostolos corporaliter faciebat . Nam sacerdotes ejus cum per exorcismi gratiam manum credentibus imponent , & habitare malignos spiritus in eorum mente contradicunt , quid aliud faciunt , nisi dæmonia ejiciunt ? Et fideles quique

1. Cor. 14. 22.

De consecra-
tione. 4. c. 67.
Sacerdotes .

qui jam vitæ veteris secularia verba derelinquunt , sancta autem mysteria insonant , Conditoris sui laudes & potentiam , quantum prævalent , narrant , quid aliud faciunt , nisi novis linguis loquuntur ? Qui dum bonis suis exhortationibus malitiam de alienis cordibus auferunt , serpentes tollunt . Et dum pestiferas suasiones audiunt , sed tamen ad operationem pravam minime pertrahuntur , mortiferum quidem est quod bibunt , sed non eis nocebit . Qui quoties proximos suos in bono opere infirmari conspiciunt , dum eis tota virtute concurrunt , & exemplo suæ operationis illorum vitam roborant qui in propria actione titubant ; quid aliud faciunt , nisi super ægros manus imponent , ut bene habeant ? Quæ nimirum miracula tanto majora sunt , quanto spiritalia : tanto majora sunt , quanto per hæc non corpora , sed animæ suscitantur : hæc itaque signa , fratres carissimi , auctore Deo si vultis vos facitis . Ex illis enim exterioribus signis obtineri vita ab hæc operantibus non valet . Nam corporalia illa miracula ostendunt aliquando sanctitatem , non autem faciunt : hæc vero spiritalia , quæ aguntur in mente , virtutem vitæ non ostendunt , sed faciunt . Illa habere & mali possunt : istis autem perfrui nisi boni non possunt . Unde de quibusdam Veritas dicit ; *Multi mihi dicent in die illa : Domine , Domine , nonne in nomine tuo prophetavimus , & in nomine tuo demonia ejecimus , & in nomine tuo virtutes multas fecimus ? Et tunc confitebor illis ,* ^f *quia*

Miracula
sanctitatem
aliquando
probant ,
non faciunt .

Matth. 7.
v. 22. & 23.

N n 2 non

^a Belvac. & duo Carn. servavit , ad exercenda &c.

^b Bigot. post abscondit , addit ; quia Deus pro peccato pœnitentiam suscipit , signa autem &c.

^c Sic legendum ex Corb. Belvac. C. Germ. Carnut. Gemet. &c. & ex vet. ed. In recentioribus habetur : ut enim ad fidem cresceret , &c. Sic in 1. Marcian. ad fidem .

^d Ita quoque habent mss. cod. & vet. excusi , cum recentiores maluerint scribere , jam coaluisse .

^e Vulgati , irrigatio cessabit . Cedendum judicavimus mss. Corb. Belvac. C. Germ. &c. auctoritati , quæ nostræ lectioni suffragatur .

^f Longip. & Val-cl. quia nunquam novum vos . Concordat 1. Marc.

a non novi vos : discedite a me ^a qui
operamini iniquitatem . Nolite ergo ,
b fratres carissimi , amare signa ^b quæ
possunt cum reprobis haberi commu-
nia : sed hæc quæ modo diximus ,
caritatis atque pietatis miracula ama-
te : quæ tanto securiora sunt , quan-
to & occulta ; & de quibus apud
Dominum eo major sit retributio ,
quo apud homines minor est glo-
ria . Sequitur :

Christi in
cælum a-
scendentis ,
& Eliæ ra-
pti in aera ,
discrimen .

Pater . in
q. Reg. c. 1.

5. Et Dominus quidem Jesus post-
quam locutus est eis , assumptus est in
in cælum , & sedet a dextris Dei .
In veteri Testamento cognovimus
quod Elias sit raptus in cælum .
Sed aliud est cælum aereum , aliud
æthereum . Cælum quippe aereum
terræ est proximum : unde & aves
cæli dicimus , quia eas volitare in
aere videmus . In cælum itaque ae-
reum Elias sublevatus est , ut in se-
cretam quamdam terræ regionem
repente duceretur , ubi in magna
jam carnis & spiritus quiete vi-
veret , quousque ad finem mundi
redeat , & mortis debitum solvat .
Ille etenim mortem distulit , non
evasit . Redemptor autem noster quia
non distulit , superavit , eamque re-
surgendo consumsit , & resurrectionis
suar gloriâ ascendendo declara-
vit . Notandum quoque est , quod
Elias in curru legitur ascendisse :
ut videlicet aperte demonstraretur ,
quia homo purus adjutorio indige-
bat alieno . Per Angelos quippe fa-
cta illa & ostensa sunt adjumenta :
quia nec in cælum quidem aereum
per se ascendere poterat : quem na-
turæ suæ infirmitas gravabat . Re-
demtor autem noster non curru ,
non angelis sublevatus legitur : quia
is qui fecerat omnia , nimirum su-
per omnia sua virtute ferebatur .
Illo etenim revertebatur , ubi erat ;

& inde redibat , ubi remanebat :
quia cum per humanitatem ascen-
deret in cælum , per divinitatem
suam & terram pariter continebat
& cælum .

6. Sicut autem Joseph a fratribus
venditus , venditionem Redemptoris
nostri figuravit : sic Enoch transla-
tus , atque ad cælum aereum Elias
sublevatus , Ascensionem Domini-
cam designavit . Ascensionis ergo
suar Dominus prænuntios & testes
habuit , unum ante Legem , alium
sub Lege : ut quandoque veniret i-
pse , qui veraciter cælos penetrare
potuisset . Unde & ipse ordo in eo-
rum quoque utrorumque sublevatio-
ne per quædam incrementa distin-
guitur . Nam Enoch translatus , E-
lias vero ad cælum subvectus esse
memoratur : ut veniret postmodum
qui nec translatus , nec subvectus ,
cælum æthereum sua virtute pene-
traret . Qui nobis in se credentibus ,
c quia carnis quoque munditiâ lar-
giretur , & sub eo per incrementa
temporum virtus castitatis excre-
sceret , in ipsa quoque eorum trans-
latione qui Ascensionem Dominicam
ut videlicet famuli designaverunt ,
& in seipso qui ad cælum ascen-
dit , Dominus ostendit . Nam Enoch
quidem uxorem & filios habuit :
Elias vero neque uxorem , neque
filios legitur habuisse . Pensate ergo ,
quomodo per incrementa creverit
munditia sanctitatis : quod & per
translatos famulos , d & per ascen-
dentis Domini personam patenter
ostenditur . Translatus namque est
Enoch & per coitum genitus , &
per coitum generans . Raptus est E-
lias per coitum genitus , sed non
jam per coitum generans . Assumptus
vero est Dominus neque per coitum ge-
nerans , neque per coitum generatus .

Enoch
translatus ,
& Elias
subvectus ,
Ascensionis
Christi ty-
pus fue-
runt .

7. Con-

a Expunxiimus , omnes , quod in recent.
ed. irrepperat , contra mss. fidem .

b Duo Carnut. quæ possunt boni cum
reprobis habere .

c Editi etiam veteres , invitis mss. ac re-
luctante sensu , quia carnis suæ munditiâ .

d Primus Carnut. per Ascensionem Domi-
ni .

Christus in
cœlis re-
gnans qui
simul ster,
& sedeat.
Mat. 7. 55.

7. Considerandum vero nobis est, quid est quod Marcus ait: *Sedet a dextris Dei*; & Stephanus dicit: *Video cœlos apertos, & Filium hominis stantem a dextris Dei*. Quid est quod hunc Marcus sedentem, Stephanus vero stantem se videre testatur? Sed scitis, fratres, quia sedere judicantis est, stare veropugnantis vel adjuvantis. Quia ergo Redemptor noster assumptus in cœlum, & nunc omnia iudicat, & ad extremum iudex omnium venit: hunc post assumptionem Marcus sedere describit, quia ^a post Ascensionis suæ gloriam iudex in fine videbitur. Stephanus vero in labore certaminis positus stantem vidit, quem adiutorem habuit: quia ut ille in terra persecutorum infidelitatem vinceret, pro illo de cœlo illius gratia pugnavit.

Signa &
miracula
obedien-
tiam sequuntur.

8. Sequitur: *Illi autem profecti prædicaverunt ubique, Domino cooperante, & sermonem confirmante sequentibus signis*. Quid in his considerandum est, quid memoriæ commendandum: nisi quod præceptum obedientia, obedientiam vero signa secuta sunt? Sed quia, auctore Deo, breviter lectionem Evangelicam exponendo transcurrimus, restat, ut aliquid de ipsa tantæ solemnitatis ^b consideratione dicamus.

Albæ Angelorum vestes lætitiæ indicia.
Par. in Act. 9. 2.

9. Hoc autem nobis primum querendum est, quidnam sit quod nato Domino apparuerunt Angeli, & tamen non leguntur in albis vestibus apparuisse: ascendente autem Domino missi angeli in albis leguntur vestibus apparuisse. Sic etenim scriptum est: *Videntibus illis elevata est, & nubes suscepit eum ab oculis eorum. Cumque intuerentur in cœlum euntem illum, ecce duo viri steterunt juxta illos in vestibus albis*. In albis autem vestibus gaudium &

Act. 1. 9.

solemnitas mentis ostenditur. Quid est ergo quod nato Domino, non in albis vestibus; ascendente autem Domino, in albis vestibus angeli apparent: nisi quod tunc magna solemnitas angelis facta est, cum cœlum Deus homo penetravit? Quia nascente Domino videbatur divinitas humiliata: ascendente vero Domino, est humanitas exaltata. Albæ etenim vestes exaltationi magis congruunt quam humiliationi. ^d In assumptione ergo ejus Angeli in albis vestibus videri debuerunt: quia qui in natiuitate sua apparuit Deus humilis, in Ascensione sua ostensus est homo sublimis.

d

10. Sed hoc nobis magnopere, fratres carissimi, in hac solemnitate pensandum est: quia deletum est hodierna die chirographum damnationis nostræ, mutata est sententia corruptionis nostræ. Illa enim natura cui dictum est: *Terra es, & in terram ibis*, hodie in cœlum i-
vit. Pro hac ipsa namque carnis nostræ sublevatione per figuram beatus Job Dominum avem vocat. Quia enim Ascensionis ejus mysterium Judæam non intelligere conspexit, de infidelitate ejus sententiam protulit, dicens: *Semitam ignoravit avis*. ^{Joh. 20. 7.} Avis enim recte appellatus est Dominus; quia corpus carneum ad æthera libravit. Cujus avis semitam ignoravit quisquis eum ad cœlum ascendisse non credidit. De hac solemnitate per Psalmistam dicitur: *Elevata est magnificentia tua super cœlos*: De hac rursus ait: *Ascendit Deus in jubilatione, & Dominus in voce tube*. De hac iterum dicit: *Ascendens in altum, captivam duxit captivitatem, dedit dona hominibus*. Ascendens quippe in altum, captivam duxit captivitatem: quia corruptionem nostram virtute suæ in-

Ex Ascensione Christi quid proficiamus.

Genes. 3. 19.

Joh. 20. 7.

Psal. 2. 3.

Psal. 46. 6.

Psal. 67. 17.

Pater. in Ps. 140.

^a Duo priores Gemet. & Bigot. post assumptionis. Sic & 1. Marc.

^b Duo priores Gemet. nobilitate.

^c Belvac. & secundus Carn. attenditur.

^d Ita C. Germ. Belvac. Gemet. Longip. Bigot. In excusis habes in Ascensione.

incorruptionis absorbit. Dedit vero dona hominibus; quia misso de super spiritu, alii sermonem sapientiae, alii sermonem scientiae, alii gratiam virtutum, alii gratiam curationum, alii generalium linguarum, alii interpretationem tribuit sermonum. Dedit ergo dona hominibus.

a

Pater. in
Habac. c. 6.
Habac. 1. 11.
Sae. lxx.

a De hac Ascensionis ejus gloria etiam Habacuc ait: *Elevatus est sol, & luna stetit in ordine suo.* Quis enim solis nomine nisi Dominus, & quæ lunæ nomine nisi Ecclesia designatur? Quousque enim Dominus ascendit ad cœlos, sancta ejus Ecclesia adversa mundi omnimodo formidavit: at postquam ejus Ascensione roborata est, aperte prædicavit, quod occulte credidit. Elevatus est ergo sol, & luna stetit in ordine suo: quia cum Dominus cœlum petiit, sancta ejus Ecclesia in auctoritate prædicationis excrevit. Hinc ejusdem Ecclesiæ voce per Salomonem dicitur: *Ecce iste venit saliens in montibus, & transiliens colles.* Consideravit namque tantorum operum culmina, & ait: *Ecce iste venit saliens in montibus.* Veniendo quippe ad redemptionem nostram, quosdam, ut ita dixerim, saltus dedit. Vultis, fratres carissimi, ipsos ejus saltus agnoscere? De cœlo venit in uterum, de utero venit in præsepe, de præsepe venit in crucem, de cruce venit in sepulcrum, de sepulcro rediit in cœlum. Ecce ut nos post ipse currere faceret, quosdam pro nobis saltus manifestata per carnem veritas de-

dit: quia *exsultavit ut gigas ad currendam viam suam*, ut nos ei diceremus ex corde. *Trabe nos post te, curremus in odorem unguentorum tuorum.*

Domini
ascenden-
tem in cœ-
lum sequi
festinemus.

11. Unde, fratres carissimi, oportet ut illuc sequamur corde, ubi eum corpore ascendisse credimus. Desideria terrena fugiamus, nihil nos jam delectet in infimis, qui patrem habemus in cœlis. Et hoc nobis est magnopere perpendendum: quia is qui placidus ascendit, terribilis redibit: & quidquid nobis cum mansuetudine præcepit, hoc a nobis cum districtione exiget. Nemo ergo indulta pœnitentiæ tempora parvipendat: nemo curam sui, dum valet, agere negligat: quia Redemptor noster tanto tunc in iudicium districtior veniet, quanto nobis ante iudicium magnam patientiam prærogavit. Hæc itaque vobiscum, fratre, agite: hæc in mente sedula cogitatione versate. Quamvis adhuc rerum perturbationibus animus fluctuet: jam tamen spei vestræ anchoram in æternam patriam figite, intentionem mentis in vera luce solidate. Ecce ad cœlum ascendisse Dominum audivimus. Hoc ergo servemus in meditatione, quod credimus. Et si adhuc hic tenemur infirmitate corporis, sequamur tamen eum passibus amoris. Non autem deferit desiderium nostrum ipse qui dedit, Jesus Christus Dominus noster, qui vivit & regnat cum Deo Patre in unitate Spiritus sancti Deus, per omnia secula seculorum.

a In recent. ed. post vocem, *hominibus*, irrepsit: *dum per hujus spiritus gratiam eorum virtus in mundum excrevit.* De hac &c. Quæ nec in missi. nec in vet. excusis

inventa, refecanda duximus.

b Corb. & C. Germ. *trabe me post te.* Sic & 1. Marc.

LECTIO sancti Evangelii secundum Johannem.

Johann. Cap. XIV. v. 23. — 31.

IN illo tempore : ^a Dicebat Jesus discipulis suis : Si quis diligit me, sermonem meum servabit : & Pater meus diliget eum : & ad eum veniemus, & mansionem apud eum faciemus . Qui non diligit me, sermones meos non servat . Et sermonem quem audistis, non est meus : sed ejus qui misit me Patris . Hæc locutus sum vobis, apud vos manens . Paraclitus autem Spiritus sanctus, quem mittet Pater in nomine meo, ille vos docebit omnia, & suggeret vobis omnia quæcumque dixerò vobis . Pacem relinquo vobis, pacem meam do vobis . Non quomodo mundus dat, ego do vobis . Non turbetur cor vestrum, neque formidet . Audistis quia ego dixi vobis : Vado & venio ad vos : Si diligeretis me, gauderetis utique, quia vado ^b ad Patrem : quia Pater major me est . Et nunc dixi vobis priusquam fiat : ut cum factum fuerit, credatis . Jam non multa loquar vobiscum . Venit enim princeps mundi hujus, & in me non habet quidquam . Sed ut cognoscat mundus quia diligo Patrem : & sicut mandatum dedit mihi Pater, sic facio .

HOMILIA XXX.

Habita ad populum in basilica beati Petri Apostoli, ^d die sancto Pentecostes .

Divini amoris effectus in mentibus, & argumenta .

Libet, fratres carissimi, Evangelicæ verba lectionis sub brevitate transcurrere, ut post diutius liceat in contemplatione tantæ solemnitatis immorari . Hodie namque Spiritus sanctus repentino sonitu super discipulos venit, mentesque carnalium in sui amorem permutavit : & foris apparentibus linguis igneis, intus facta sunt corda flammantia : quia dum Deum in ignis visione suscipiunt, per amorem

suaviter arserunt . Ipse namque Spiritus sanctus amor est . Unde & Johannes dicit : Deus caritas est . Qui ergo mente integra Deum desiderat, profecto jam habet quem ^e amat . Neque enim quisquam posset Deum diligere, si eum quem diligit, non haberet . Sed ecce, si unusquisque vestrum requiratur, an diligat Deum : tota fiducia & securamente respondet, Diligo . In ipso autem lectionis exordio audistis quid

Pater. in 1. Joh. c. 14.

1. Johan. 4. v. 8. & 16.

^a In Belvac. & plur. dicebat Dom. Jesus . Excusi, dixit Jesus . 1. Marc. dixit .

^b Belvac. ad Patrem meum .

^c In Corb. est vigesima . In cod. Reg.

Suec. vigesima quarta . In Lateran. vigesima-seconda .

^d Abest hoc a Later. & a primo Gemet.

^e Primus Carn. quod amat .

^{Pater. in}
^{1. Joh. c. 2.} quid Veritas dicat : *Si quis diligit me, sermonem meum servabit.* Probatio ergo dilectioni, exhibitio est operis. Hinc in epistola sua idem Johannes dicit : *Qui dicit, Diligo Deum, & mandata ejus non custodit, mendax est.* Vere etenim Deum diligimus, ^a si ad mandata ejus nos a nostris voluptatibus coarctamus. Nam qui adhuc per illicita desideria diffuit, profecto Deum non amat; quia ei in sua voluntate contradicit.

Deum inhabitantem habere quanta sit dignitas.

b

In nonnullorum corda venit, sed non manet.

2. *Et Pater meus diligit cum : & ad eum veniemus & mansionem apud eum faciemus.* Pensate, fratres carissimi, quanta sit ista ^b solemnitas, habere in cordis hospitio adventum Dei. Certe si domum vestram quisquam dives ac præpotens amicus intraret, omni festinantia domus tota mundaretur, ne quid fortasse esset quod oculos amici intrantis offenderet. Tergat ergo fordes pravi operis, qui Deo præparat domum mentis. Sed videte quid Veritas dicat : *Veniemus, & mansionem apud eum faciemus.* In quorundam etenim corda venit, & mansionem non facit : quia per compunctionem quidem Dei respectum percipiunt, sed tentationis tempore hoc ipsum quod compuncti fuerant, obliviscuntur; sicque ad perpetranda peccata redeunt, ac si hæc minime planxissent. Qui ergo Deum vere diligit, qui ejus mandata custodit, in ejus corde Dominus & venit & mansionem facit : quia sic eum divinitatis amor penetrat, ut ab hoc amore, tentationis tempore non recedat. Ille ergo vere amat, cujus videlicet mentem delectatio prava ex consensu non superat. Nam tanto quisque a superno amo-

re disjungitur, quanto inferius delectatur. Unde & adhuc subditur : *Qui non diligit me, sermones meos non servat.* Ad vosmetipsos ergo, fratres carissimi, introrsus redite; si Deum vere amatis, exquirite : nec tamen sibi aliquis credat, quidquid sibi animus sine operis attestatione responderit. De dilectione Conditoris, lingua, mens, & vita requiratur. Nunquam est Dei amor otiosus. Operatur etenim magna, si est : si vero operari renuit, amor non est.

De amore Dei vita est interroganda. Amor nunquam est otiosus.

Et sermonem quem audistis, non est meus, sed ejus qui misit me Patris. Scitis, fratres carissimi, quia ipse qui loquitur unigenitus Filius, Verbum Patris est, & ideo sermo quem loquitur Filius, non est Filii, sed Patris; quia ipse Filius Verbum est Patris. *Itac locutus sum vobis apud vos manens.* Quando non maneret apud eos, qui ascensus cælum promittit, dicens : *Ecce ego vobiscum sum omnibus diebus usque ad consummationem seculi?* Sed Verbum incarnatum & manet & recedit : recedit corpore, manet divinitate. Apud eos ergo tunc se mansisse perhibet; quia qui invisibili semper potestate ^c præsens erat, corporali jam visione recedebat.

Matth. 28. 20.

3. *Paraclitus autem Spiritus sanctus, quem mittet Pater in nomine meo, ille vos docebit omnia, & suggeret vobis omnia quaecumque dixerō vobis.* Nostis plurimi, fratres mei, quod Græca locutione Paraclitus, Latina Advocatus dicitur, vel consolator. Qui idcirco advocatus dicitur, quia pro errore delinquentium apud justitiam Patris intervenit. Qui unius substantiæ cum Patre & Filio, exorare pro delinquentibus per-

Paraclitus, idem est ac advocatus, aut consolator.

^a Ita C. Germ. Belvac. secundus Gemet. primus; Carn. Bigot. & potiores; quibus consentiunt vet. ed. In aliis legitur, *& mandata ejus custodimus, si nos a nostris.* In Longip. Val cl. & primo Gemet. habes, *si mandata ejus servamus, vere eum dili-*

gimus, si a nostris, &c.

^b Recentioribus edit. magis placuit, *dignitas*, quam, *solemnitas*, quæ tamen vox legitur in antiquis MSS. & excusâ.

^c Belvac. & C. Germ. præerat. Sic & 1. Marc.

Rom. 8. 26.

Quo sensu
Spiritus
sanctus pro
nobis postu-
let.Quomodo
intus nos
doceat.Pater. in
2. Joh. cap. 6.

1. Joh. 2. 27.

Genes. 4. 7.
juxta lxx.Et omnia
suggerat.

perhibetur; quia eos quos repleverit, exorantes facit. Unde & Paulus dicit: *Ipse enim Spiritus postulat pro nobis, gemitibus inenarrabilibus.* Minor vero est qui postulat, quam qui postulatur: quomodo ergo Spiritus postulare dicitur, qui minor non est? Sed ipse Spiritus postulat; quia ad postulandum eos quos repleverit, inflammat. Consolator autem idem Spiritus vocatur: quia de peccati perpetratione mœrentibus, dum spem veniæ præparat, ab afflictione tristitiæ mentem levat. De quo recte promittitur: *Ipse vos docebit omnia.* Quia nisi idem Spiritus cordi adsit audientis, otiosus est sermo doctoris. Nemo ergo docenti homini tribuat quod ex ore docentis intelligit: quia nisi intus sit qui doceat, doctoris lingua exterius in vacuum laborat. Ecce unam loquentis vocem omnes pariter auditis, nec tamen pariter sensum auditæ vocis percipitis. Cum ergo vox dispar non sit, cur in cordibus vestris dispar est vocis intelligentia: nisi quia per hoc quod vox loquentis communiter admonet, est magister interior qui de vocis intelligentia quosdam specialiter docet? De hac unctione Spiritus rursus per Johannem dicitur: *Sicut unctio ejus docet vos de omnibus.* Per vocem ergo non instruitur, quando mens per Spiritum non ungitur. Sed cur ista de doctrina hominum loquimur, quando & ipse Conditor non ad eruditionem hominis loquitur, si eadem homini per unctionem Spiritus non loquatur? Certe Cain priusquam fratricidium opere perpetraret, auditus: *Peccasti, quiesce.* Sed quia culpis suis exigentibus, voce est admonitus, non unctione Spiritus; audire verba Dei potuit, sed servare contempsit. Requirendum vero nobis est, cur de eodem Spiritu dicatur: *Suggeret vobis omnia,* cum suggerere, soleat esse minoris? Sed

Tom. V.

quia suggerere aliquando dicimus subministrare, invisibilis Spiritus suggerere dicitur, non quod nobis scientiam ab imo inferat, sed ab occulto. *Pacem relinquo vobis, pacem meam do vobis.* Hic relinquo, pervenientibus do.

4. Ecce, fratres carissimi, verba sacræ lectionis sub brevitate discussimus: nunc in contemplationem tantæ festivitatis animum transferamus. Sed quia cum lectione Evangelica vobis est etiam Actuum Apostolorum lectio recitata, ex ea ergo aliquid in usum nostræ contemplationis trahamus. Audistis etenim quia Spiritus sanctus super discipulos igneis linguis apparuit, omniumque linguarum scientiam dedit. Quid scilicet hoc miraculo designans, nisi quod sancta Ecclesia eodem Spiritu repleta, omnium gentium erat voce locutura? Qui vero contra Deum turrim ædificare conati sunt, communionem unius linguæ perdiderunt: in his autem qui Deum humiliter metuebant, linguæ omnes unitæ sunt. Hic ergo humilitas virtutem meruit, illic superbia confusionem.

5. Sed quærendum nobis est, cur sanctus Spiritus Patri & Filio coæternus, in igne apparuit, cur in igne simul & linguis, cur aliquando in columba, aliquando vero in igne monstratur, cur super unigenitum Filium apparuit in columbæ speciem, & super discipulos in igne; ita ut neque super Dominum veniret in igne, neque super discipulos monstraretur in columba. Per quatuor itaque hæc quæ proposuimus, solvendo redeamus. Patri namque & Filio coæternus Spiritus in igne monstratur: quia incorporeus, ineffabilis, atque invisibilis ignis est Deus, attestante Paulo: *Deus noster ignis consumens est.* Deus quippe ignis dicitur; quia per hunc peccatorum rubigo consumitur.

Superbia
linguarum
confusionem, humilitas unitatem meruit.Pater. in
Alt. cap. 9.

Cur Spiritus sanctus qui olim in columbæ specie apparuit, ignearum linguarum similitudinem sumserit.

Heb. 12. 29.
Cur Deus ignis dicatur.

O O

tur.

Luc. 12. 49. tur. De hoc igne Veritas dicit :
 Ignem veni mittere in terram : &
 Pater. in quid volo, nisi ut ardeat ? Terra
 Luc. cap. 35. enim vocata sunt corda terrena ,
 quæ dum semper infimas in se co-
 gitationes congerunt , a malignis spi-
 ritibus conculcantur . Sed ignem Do-
 minus in terram mittit, cum affla-
 tu sancti spiritus ^a corda carnalium
 incendit . Et terra ardet , cum cor
 carnale in suis pravis voluptatibus
 frigidum, relinquit concupiscentias
 præsentis seculi , & incenditur ad
 amorem Dei . Bene ergo in igne
 apparuit Spiritus : quia ab omni
 corde quod replet , torporem fri-
 goris excutit, & hoc in desiderium
 suæ æternitatis accendit . In igneis
 autem linguis monstratus est ; quia
 idem Spiritus coæternus est Filio ;
 & habet cognationem maximam lin-
 gua cum verbo . Verbum quippe
 Patris est Filius . Et quia una est
 Spiritus ^b & Verbi substantia, idem
 Spiritus monstrari debuit in lingua .
 Vel certe quia per linguam proce-
 dit verbum , in linguis apparuit
 Spiritus, quia quisquis sancto Spi-
 ritu tangitur, Dei Verbum, id est
 unigenitum Filium confitetur ; &
 negare Dei Verbum non valet ,
 quia jam sancti Spiritus linguam
 habet . Vel certe in linguis igneis
 apparuit Spiritus, quia omnes quos
 repleverit, ardentes pariter & lo-
 quentes facit . Linguas igneas do-
 ctiores habent : quia dum Deum
 amandum prædicant , corda audien-
 tium inflammant . Nam & otiosus
 est sermo docentis, si præbere non
 valet incendium amoris . Hoc do-
 ctrinæ incendium ab ipso Veritatis
 ore conceperant , qui dicebant :
 Luc. 24. 32. Nonne cor nostrum ardens erat in
 nobis, cum loqueretur in via , &
 aperiret nobis Scripturas ? Ex audito
 quippe sermone inardescit animus ,

corporis frigus recedit, fit mens in
 superno desiderio anxia, a concu-
 piscentiis terrenis aliena . Amor ve-
 rus qui hanc repleverit, in fletibus
 cruciat ; sed dum tali ardore cru-
 ciatur, ipsis suis cruciatibus pasci-
 tur . Audire ei libet præcepta cœ-
 lestia ; & quot mandatis instruitur,
 quasi tot facibus inflammatur : &
 quæ torpebat prius per desideria,
 ardet postmodum per verba . Unde
 bene per Moysen dicitur : *In dexte-*
ra ejus ignea lex. Sinistra quippe,
 reprobis, qui & ad sinistram po-
 nendi sunt : dextera autem Dei ap-
 pellantur electi . In dextera ergo
 Dei lex ignea est ; quia electi man-
 data cœlestia nequaquam frigido cor-
 de audiunt, sed ad hæc amoris in-
 timi facibus inardescunt . Sermo ad
 aurem ducitur, & mens eorum si-
 bimet irata, ex internæ dulcedinis
 flamma concrematur . In columba
 vero Spiritus sanctus & in igne
 monstratus est : quia omnes quos
 repleverit simplices & ardentes fa-
 cit : simplices puritate, ardentes æ-
 mulatione . Neque enim placere Deo
 potest aut simplicitas sine zelo, aut
 zelus sine simplicitate . Hinc ipsa
 Veritas dicit : *Estote prudentes sicut*
serpentes, & simplices sicut colum-
bæ. Qua in re notandum est, quod
 discipulos suos nec de columba si-
 ne serpente, nec de serpente sine
 columba voluit Dominus admone-
 re : quatenus & columbæ simplici-
 tatem astutia serpentis accenderet,
 & serpentis astutiam ^c columbæ sim-
 plicitas temperaret . Hinc Paulus
 ait : *Nolite pueri effici sensibus.* Ec-
 ce prudentiam serpentis audivimus,
 nunc de simplicitate columbæ ^d mo-
 neamur : *Sed malitia parvuli esto-*
te. Hinc de beato Job dicitur :
Erat vir simplex & rectus. Quæ
 est autem rectitudo sine simplicita-
 te,

Deus. 33. 2.
 Pater. in
 Deus. c. 26.

Ut Filius
 est verbum,
 ita Spiritus
 sanctus
 lingua est .

Pater. in
 Matth. c. 49.
 Deo non
 placent aut
 simplicitas
 sine zelo,
 aut zelus
 sine simpli-
 citate
 Mat. 10. 16.

Pater. in
 Luc. c. 66.

C
 1. Cor. 14. 20.

d
 Ibidem .

J. b. 1. 1.

^a Belvac. mentes carn. C. Germ. & Ge-
 met. cor carnalium .

^b Belvac. & verbi filii .

^c Corb. columbina simplicitas .

^d Secundus Carn. muniamur .

te, aut quæ simplicitas sine rectitudine? Quia ergo & rectitudinem docet iste Spiritus & simplicitatem, & in igne monstrari debuit & in columba; quatenus ^a omne cor quod ejus gratia tangitur, & mansuetudinis lenitate tranquillum, & zelo justitiæ accensum fiat.

6. Ad extremum vero quærendum est, cur in ipso Redemptore nostro Mediatore Dei & hominum per columbam apparuit, in discipulis vero per ignem? Certe unigenitus Dei Filius, iudex est generis humani. Sed quis ejus justitiam ferret, si priusquam nos per mansuetudinem colligeret, culpas nostras per zelum rectitudinis examinare voluisset? Homo ergo pro hominibus factus, mitem se hominibus præbuit. Noluit peccatores ferire, sed colligere. Prius voluit mansuete ^b corripere, ut haberet quos postmodum in iudicio salvaret. In columba ergo super eum apparere debuit Spiritus, qui non veniebat ut peccata jam per zelum percuteret, sed adhuc per mansuetudinem toleraret. At contra super discipulos in igne debuit Spiritus sanctus demonstrari; ut hi qui erant simpliciter homines, atque ideo peccatores, eos contra semetipsos spiritualis fervor accenderet; & peccata, quibus Deus per mansuetudinem parceret, ipsi in se per poenitentiam punirent. Nec ipsi quippe esse poterant sine peccato qui adhærebant ^c cœlesti magisterio, Johanne attestante, qui ait: *Si diximus quia peccatum non habemus, nosmetipsos seducimus, & veritas in nobis non est.* In igne ergo venit in hominibus, in columba vero apparuit in Domino: quia peccata nostra, quæ pie Do-

minus per mansuetudinem tolerat, nos per zelum rectitudinis debemus caute conspiciere, & ardore semper poenitiæ cremare. Igitur per columbam Spiritus in Redemptore monstratus est, per ignem vero in hominibus: quia quanto nobis nostri iudicis facta est severitas temperata, tanto erga se debet fieri nostra infirmitas accensa. Quatuor itaque propositionum expleta ratione, ad dona ejusdem Spiritus contemplanda transeamus.

7. De isto quippe Spiritu scriptum est: *Spiritus ejus ornavit cœlos.* Ornamenta enim cœlorum, sunt virtutes prædicantium. Quæ videlicet ornamenta Paulus enumerat, dicens: *Alii datur per Spiritum sermo sapientiæ, alii sermo scientiæ secundum eundem Spiritum, alteri fides in eodem Spiritu, alii gratia sanctorum in uno Spiritu, alii operatio virtutum, alii prophetia, alii discretio spirituum, alii genera linguarum, alii interpretatio sermonum.* Hæc autem omnia operatur unus atque idem Spiritus, dividens singulis prout vult. Quot ergo sunt bona prædicantium, tot sunt ornamenta cœlorum. Hinc rursus scriptum est: *Verbo Domini cœli firmati sunt.* ^d Verbum enim Domini, Filius est Patris. Sed eosdem cœlos, videlicet sanctos Apostolos, ut tota simul sancta Trinitas ostendatur operata, repente de sancti Spiritus divinitate adjungitur: *Et spiritus oris ejus omnis virtus eorum.* Cœlorum ergo virtus de Spiritu sumpta est; quia mundi hujus potestatibus contraire non præsumerent, nisi eos sancti Spiritus fortitudo solidasset. Quales namque Doctores sanctæ Ecclesiæ ante adventum hujus Spiritus fuerint scimus, & post

Job. 26. 13. Dona sancti Spiritus enumerantur.

1. Cor. 12. v. 8. 11.

Psal. 32. 6.

d Eorum particeps fuerunt præsertim Apostoli.

Ibidem.

O o 2 ad-

^a Omittitur *cor*, in ed. Gassanv. quod revocavimus ex mss. & antiquis editis.

^b Bigot. Longip. Val-cl. corrigere. Sic & 1. Marc.

^c Duo priores Gemet. Longip. & Val-cl. *cœlesti magistro.*

^d 1. Marc. addit & *spiritus oris.* &c.

Cur super Christum Spiritus sanctus, ut columba sederit, super Apostolos, ut ignis.

Ipsi Apostoli sine peccato esse non poterant. 1. Joh. 1. 8.

adventum illius, cuius fortitudinis facti sunt, conspiciamus.

petri prius
infirmi ac
formidolosi
mira forti-
tudo.

a

b

Mat. 3. 29.
Ibid. 4. 19.
& 20.

Ibid. 5. 41.

c

Qui prius
ad verba,
post ad ver-
bera non
expavescit.

Spiritus
sanctus
quam peri-
tus artifex.

8. Certe iste ipse Pastor Ecclesiae, ad cuius sacratissimum corpus se demus, ^a quantae debilitatis, quantaeque formidinis ante adventum Spiritus fuerit, ancilla ostiaria requisita dicat. Una enim mulieris voce percussus, dum mori timuit, Vitam negavit. ^b Et tunc Petrus negavit in terra, cum latro confiteretur in cruce. Sed vir iste tantae formidinis, qualis post adventum Spiritus existat, audiamus. Fit conventus magistratus atque seniorum, cæsis denuntiatur Apostolis ne in nomine Jesu loqui debeant: Petrus magna auctoritate respondit: *Obedire oportet Deo magis quam hominibus.* Et rursus: *Si iustum est in conspectu Dei vos potius audire quam Deum, iudicate. Non enim possumus quæ vidimus & audimus, non loqui. Et illi quidem ibant gaudentes a conspectu concilii, quoniam digni habiti sunt pro nomine Jesu ^c contumelias pati.* Ecce gaudet Petrus in verberibus, qui ante in verbis timebat. Et qui prius ancillæ voce requisitus timuit, post adventum sancti Spiritus vires principum cæsus premit. Libet oculos fidei in virtutem opificis hujus attollere, atque sparsim Patres Testamenti novi ac veteris considerare. Ecce apertis eisdem oculis fidei, David, Amos, Daniele, Petrum, Paulum, Matthæum intueor, & sanctus iste Spiritus qualis sit artifex, considerare volo, sed in ipsa mea consideratione deficio. Implet namque citharædum puerum, & psalmistam facit. Implet pastorem armentarium sycomoros vellicantem,

& Prophetam facit. Implet abstinentem puerum, & iudicem senum facit. Implet piscatorem, & prædicatorem facit. Implet persecutorem, & doctorem Gentium facit. Implet publicanum, & Evangelistam facit. O qualis est artifex iste Spiritus! Nulla ad discendum mora agitur in omne quod voluerit. Mox ut tetigerit mentem docet: solumque tetigisse, docuisse est. Nam humanum animum subito ut illustrat, immutat: ^d abnegat hunc repente quod erat, exhibet repente quod non erat.

d

9. Pensamus, sanctos prædicatores nostros quales ^e hodierna die reperit, quales fecit. Certe qui in uno conclavi pro Judæorum metu residebant, nativitatis suæ singuli linguam noverant, & tamen nec ea ipsa lingua quam noverant, aperte Christum loqui præsumebant. Venit Spiritus, & in ore eos per diversitatem linguarum docuit, in mente autem ex auctoritate roboravit. Cœperunt & in aliena Christum eloqui, qui de illo prius & in sua lingua loqui metuebant. Inflammatum etenim cor despexit tormenta corporis, quæ ante metuebat: vicit vim carnalis formidinis ^f præ amore Conditoris. Et qui prius suis adversariis succumbebant formidine, eis jam præerant auctoritate. Qui ergo in tantæ eos celsitudinis culmen crexit, quid aliud dixerim, nisi quod mentes terrenorum hominum cælos fecit? Pensate, fratres carissimi, post incarnationem unigeniti Filii Dei qualis sit hodierna sollemnitas de adventu Spiritus sancti. Sicut enim illa, ita quoque & hæc est honorabilis. In illa quippe Deus

stipenda
eius opera
in Aposto-
lis.

e

f

Incarnatio-
nis, &
missionis
Spiritus
sancti com-
paratio.

in

^a Secundus Carn. quanta debilitatis.

^b Sequimur hic Belvac. C. Germ. Gemet. Bigot. &c. potius quam excusos ubi legitur, & pensandum quia eum comprehensum Petrus negavit in terra, quem suspensum latro confessus est in cruce. In Longip. & Val. cl. quem suspensus latro.

^c Excusi, contumeliam.

^d Despectis mss. editi habent, abnegat hoc. Adhæremus Belvac. G. Germ. Gemet. Carn. &c.

^e Longip. hodierna dies.

^f Bigot. amor Conditoris.

in se permanens suscepit hominem: in ista vero homines venientem desuper susceperunt Deum. In illa Deus naturaliter factus est homo: in ista homines facti sunt per adoptionem dii. Si ergo remanere carnales in morte nolumus, hunc, fratres carissimi, vivificantem Spiritum amemus.

Deum quem in seipso contemplari non possumus, in Apostolis & in aliis sanctis intueamur.

a

10. Sed quia caro spiritum nescit, dicat fortasse carnali cogitatione apud se aliquis: Quomodo diligere valeo, quem ignoro? Hoc & nos concedimus: quia mens visibilibus intenta, videre nescit invisibilem. ^a Nulla enim nisi visibilia cogitat, eaque & cum non agit, eorum imagines introrsus trahit: dumque in imaginibus corporeis jacet, surgere ad incorporea non valet. Unde fit, ut tanto deterius Creatorem nesciat, quanto in cogitatione sua familiarius corpoream creaturam portat. Sed cum Deum videre non possumus, habemus aliquid quod agamus, unde iter fiat, quo ad eum nostræ intelligentiæ oculus veniat. Certe quem in se videre nullo modo valemus, hunc in servis suis videre jam possumus. Quos dum mira conspiciamus agere, certum nobis fit in eorum mentibus Deum habitare. In re autem incorporea a rebus corporalibus usum trahamus. Nemo etenim nostrum orientem clare solem, in spheram illius intendendo, valet conspiciere; quia tensi in ejus radiis oculi reverberantur: sed sole illustratos montes aspiciamus, & quia jam sol ortus est videmus. Quia ergo solem justitiæ in seipso videre non possumus: illustratos montes claritate illius videamus, sanctos videlicet Apostolos, qui virtutibus emicant, miraculis coruscant: quos nati solis alacritas perfudit, & cum in seipso sit invisibilis, per eos nobis quasi

Sancti sunt a Christo, illustrati, velut montes a sole.

per illustratos montes se visibilem præbuit. Virtus enim divinitatis in se, quasi sol in cælo est: virtus divinitatis in hominibus, sol in terra. Solem ergo justitiæ intueamur in terra, quem videre non possumus in cælo: ut dum inoffenso pede operis per hunc in terra gradimur, ad intueendum illum quandoque oculos in cælum levemus. Sed inoffenso pede iter nostrum in terra agitur, si Deus ac proximus integra mente diligatur. Nec enim Deus vere sine proximo, nec proximus vere diligitur sine Deo. Hinc est, quod sicut in alio sermone jam diximus, idem Spiritus secundo legitur discipulis datus, prius a Domino in terra degente, postmodum a Domino cælo præidente. In terra quippe datur ut diligatur proximus, e cælo vero ut diligatur Deus. Sed cur prius in terra, postmodum e cælo, nisi quod patenter datur intelligi, quia juxta Johannis vocem, *Qui fratrem suum non diligit quem videt, Deum quem non videt, quomodo potest diligere?* Diligamus ergo proximum, fratres, amemus eum qui juxta nos est, pervenire valeamus ad amorem illius, qui super nos est. Meditetur mens in proximo, quod exhibeat Deo; ut perfecte mereatur in Deo gaudere cum proximo. Tunc ad illam supernæ frequentiæ lætitiā perveniemus, de qua nunc sancti Spiritus pignus accepimus. Ad istum finem tuto amore tendamus, in quo sine fine lætabimur. Ibi supernorum civium societas sancta; ibi solemnitas certa: ibi requies secunda: ibi pax vera, quæ nobis jam non relinquitur, sed datur ^b per Dominum nostrum Jesum Christum, qui cum Patre vivit & regnat in unitate Spiritus sancti Deus, per omnia secula seculorum. Amen.

Supra hom. 26. num. 3.


1. Joh. 4. 20.

b

Lectio

^a Bigot. nulla enim visibilis, nisi visibilis cogitat. Præmus Carn. nullus enim visibilis nisi &c.

^b Duo priores Gemet. præstante Dom. nostro Jesu Christo cui cum Patre & Spiritu sancto honor & imperium, per omnia &c.




Lectio Sancti Evangelii secundum Lucam.

Luc. Cap. XIII. v. 6. — 13.

IN illo tempore : Dicebat Jesus turbis similitudinem hanc : Arborem fici habebat quidam plantatam in vinea sua, & venit quærens fructum in illa, & non invenit. Dixit autem ad cultorem vineæ : Ecce anni tres sunt, ex quo venio quærens fructum in ficulnea hac, & non invenio. Succide ergo illam : ut quid etiam terram occupat ? At ille respondens, dicit illi : Domine, ¹ dimitte illam & hoc anno, usque dum fodiam circa illam, & mittam copinum stercoreis. Et si quidem fecerit fructum : sin autem, in futurum succides eam. Erat autem dormiens in synagoga eorum sabbatis. Et ecce mulier, quæ habebat spiritum infirmitatis annis decem & octo : & erat inclinata, nec omnino poterat sursum respicere. Quam cum videret Jesus, vocavit ad se, & ait illi : Mulier, dimissa es ab infirmitate tua. Et imposuit illi manus : & confestim erecta est, & glorificabat ^a Deum. &c.

a



b

^b HOMILIA XXXI.

Habita ad populum in basilica ^c sancti Laurentii martyris,
^d Sabbato Quatuor temporum Septembris.

Christus
 non verbis
 tantum, sed
 etiam rebus
 loquitur.

I. Dominus & Redemptor noster per Evangelium suum aliquando verbis, aliquando rebus loquitur : aliquando aliud verbis, atque aliud rebus : aliquando autem hoc verbis, quod rebus. Duas etenim res ex Evangelio, fratres audistis, ficulneam infructuosam, & mulierem curvam : & utrique rei est pietas impensa. Illud autem dixit per similitudinem, istud egit

per exhibitionem. Sed hoc significat ficulnea infructuosa, quod mulier inclinata : & hoc ficulnea reservata, quod mulier erecta. Dominus vineæ tertio venit ad ficulneam, & fructum minime invenit : & mulier quæ erecta est, decem & octo annis fuerat curva. Hoc autem decem & octo annorum numero signatur, quod tertio dominus vineæ ad ficulneam infructuosam

^a Hic definit lectio Evangelii in mss. Belvac. C. Germ. Bigot. & aliis saltem antiquioribus. In excusis autem continuatur usque ad versum decimum-septimum inclusive.

^b In cod. Reg. Suec. est vigesima-quinta. In Lateran. vigesima-septima. In Corb.

vigesima-octava.

^c Sic legitur in cod. Reg. Suec. in Corb. Germ. & in plur. In Lateranensi tamen hæc homilia habita dicitur in basilica S. Petri.

^d Hæc minime sunt antiquorum mss. C. Germ. Belvac. prioris Gemet.

a sam venisse perhibetur. ^a Quia ergo præmittendo summatim tota perstrinximus, jam per lectionis ordinem singula differamus.

Per peccatum lapsi, fructu careremus, & incurvamus. Ante Legem, sub Lege, & sub Gratia.

b 2. *Arborem fici habebat quidam plantatam in vinea sua, & venit quærens fructum in illa, & non invenit.* Quid arbor fici, nisi humanam naturam designat? Quid mulier inclinata, nisi eandem naturam significando denuntiat? Quæ & bene plantata est sicut ficus, & bene ^b creata sicut mulier: sed in culpam propria sponte lapsa neque fructum servat operationis, neque statum rectitudinis. Ad peccatum quippe ex voluntate corruens, quia fructum obedientiæ ferre noluit, statum rectitudinis amisit. Quæ ad Dei similitudinem condita, dum in sua dignitate non persistit, quod plantata vel creata fuerat, servare contempsit. Tertio dominus vineæ ad ficulneam venit: quia naturam generis humani ante Legem, sub Lege, sub Gratia, expectando, admonendo, visitando requisivit.

3. *Dixit autem ad cultorem vineæ: Ecce anni tres sunt, ex quo venio fructum quærens in ficulnea hac, & non invenio.* Venit ^c ante Legem; quia per naturalem intellectum quid unusquisque exemplo sui, qualiter erga proximum agere debuisset, innotuit. Venit in Lege; quia præcipiendo docuit. Venit post Legem per gratiam, quia pietatis suæ præsentiam exhibendo monstravit. Sed tamen in tribus annis fructum se non invenisse conqueritur: quia quorundam pravorum mentes nec inspirata Lex naturalis corrigit, nec præcepta erudiunt, nec incarnationis ejus miracula convertunt.

c Deus ad nos venit fructum quærens.

Quid vero ^d per cultorem vineæ, nisi præpositorum ordo exprimitur? Qui dum præsunt Ecclesiæ, nimirum Dominicæ vineæ curam gerunt. Hujus enim vineæ primus cultor Petrus Apostolus exstitit. Hunc nos indigni sequimur, in quantum pro eruditione vestra, docendo, ^e deprecando, increpando laboramus.

Arbori infructuosæ quam juste Dominus succisionem committitur.

4. Sed cum magno jam timore audiendum est quod cultori vineæ de infructuosa arbore dicitur: *Succide illam, ut quid etiam terram occupat?* Unusquisque juxta modum suum, in quantum locum vitæ præsentis tenet, si fructum bonæ operationis non exhibet, velut infructuosa arbor terram occupat: quia in eo loco in quo ipse est, & aliis operandi occasionem negat. Sed in hoc seculo potens quilibet si fructum non habet operationis bonæ, etiam impedimentum præstat ceteris: quia quicumque sub ipso sunt, exemplo pravitatis illius, quasi umbra perversitatis ejus premuntur. Stat desuper arbor infructuosa, & subtus terra sterilis jacet. Infructuosæ arboris desuper umbra densatur, & solis radius ad terram descendere nequaquam permittitur: quia dum subiecti quilibet, patroni perversi perversa exempla conspiciunt, ipsi quoque infructuosi remanentes, veritatis lumine privantur. Et pressi umbra, calorem solis non accipiunt: quia inde remanent a Deo frigidi, unde in hoc seculo male proteguntur. Sed de hoc perverso quolibet & potente pene jam requisitio Deo non est. Postquam enim se perdidit, quærendum solummodo est, cur & alios premat. Unde bene ejusdem

vi-

^a Corb. & Germ. quia igitur hac præmittendo summatim perstrinximus.

^b In Val-cl. & Longip. bene erecta. Hanc lectionem eligeremus, nisi vet. mss. Corb. Germ. Corb. Belvac. Carn. &c. obstaret auctoritas & pondus.

^c Longip. & Val-cl. ante legem, quia

parcendo sustinuit; quia per naturalem. Eadem leguntur in Bigot. & duobus post. Gemet. hoc solo discrimine quod in his exstet, qui par.

^d In Belv. Corb. Germ. & duobus post. Gem. per cultorem ficulneæ.

^e Bigot. & duo post. Gemet. predicando.

vineæ dominus dicit: *Ut quid etiam terram occupat?* Terram quippe occupat, qui mentes alienas gravat: terram occupat, qui locum quem tenet, in bonis operibus non exercet.

Pro illa
arbore de-
precarī de-
bet vineæ
cultor.

5. Sed tamen nostrum est pro talibus deprecari. Nam cultor vineæ quid dicat, audiamus: *Domine, dimitte illam & hoc anno, usque dum fodiam circa illam.* Quid est circa ficulneam fodere, nisi infructuosas mentes increpare? Omnis quippe fossa in imo est. Et nimirum increpatio dum mentem sibi demonstrat, humiliat. Quoties ergo aliquem de peccato suo corripimus, quasi ex culturæ debito circa infructuosam arborem fodimus. Post fositionem vero quid dicatur, audiamus. *Et mittam cophinum stercoris.* Quid est cophinus stercoris, nisi memoria peccatorum? Peccata etenim carnis, stercora vocantur. Unde & per Prophetam dicitur:

Joel. 1. 17. Computruerunt jumenta in stercore suo. Jumenta quippe in stercore suo computrescere, est carnales quosque in fœtore luxuriæ vitam finire. Nos itaque quoties carnalem mentem de suis peccatis increpamus, quoties ad ejus memoriam vitia antea facta reducimus, quasi infructuosæ arbori cophinum stercoris versamus: ut malorum quæ egit, ^a memoriam recolat, & ad compunctionis gratiam quasi de fœtore pinguescat. Mittitur ergo cophinus stercoris ad radicem arboris, quando pravitatis suæ conscientia tangitur memoria cogitationis. Cumque se per pœnitentiam ad lamenta mens excitat, & ad bonæ operationis gratiam reformat, quasi per tactum stercoris redit ad fecunditatem operis radix cordis: plangit quod fecisse se meminit: displicet sibi qualem fuisse se recolit: intentionem contra se dirigit, atque ad melio-

ra animum accendit. Ex fœtore ergo ad fructum reviviscit arbor: quia de consideratione peccati ad bona se opera resuscitat animus. Et sunt plerique qui increpationes audiunt, & tamen ad pœnitentiam redire contemnunt, & infructuosi Deo, in hoc seculo virides stant. Sed audiamus quid ficulneæ cultor adjungat: *Si quidem fecerit fructum: sin autem, in futuro succides eam.* Quia profecto qui hic non vult ad fecunditatem pinguescere per increpationem, illic cadet unde jam resurgere per pœnitentiam non valet: & in futuro succidetur, quamvis hic sine fructu viridis stare videatur.

6. *Erat autem docens in synagoga eorum sabbatis. Et ecce mulier, quæ habebat spiritum infirmitatis annis decem & octo.* Paulo ante jam diximus, quia hoc erat trinus adventus domini ad infructuosam ficulneam, quod decem & octo annorum numerus ad curvam mulierem signat. Sexto enim die homo factus est, atque eodem sexto die opera Domini cuncta perfecta sunt. Senarius autem numerus in trigonum ductus, decem & octo facit. Quia ergo homo qui sexta die factus est, perfecta opera habere noluit, sed ante Legem, sub Lege, atque in exordio incoantis gratiæ infirmus exstitit, decem & octo annis curva mulier fuit. *Et erat inclinata, nec omnino poterat sursum respicere.* Omnis peccator terrena cogitans, cœlestia non requirens, sursum respicere non valet: quia dum desideria inferiora sequitur, a mentis suæ rectitudine curvatur: & hoc semper videt, quod sine cessatione cogitat. Ad corda vestra, fratres carissimi, redite: quid horis omnibus in cogitationibus vestris volvatis semper aspiciate. Alius de honoribus, alius de pecuniis,

Infirmitas
& sterilitas
hominis
post peccatum.

Terrena
cogitans
incurvatur.

^a Omittunt, *memoriam*, tres Gem.

alius de prædiorum ambitu cogitat. Hæc cuncta in imo sunt, & quando mens ^a talibus implicatur, ab status sui rectitudine flectitur. Et quia ad cœleste desiderium non assurgit, quasi mulier inclinata sursum respicere nequaquam potest.

Hunc vocat
Christus &
illuminat,
erigit &
adjuvat.

7. Sequitur: *Hanc cum vidisset Jesus, vocavit ad se, & ait illi: Mulier dimissa es ab infirmitate tua. Et imposuit illi manum, & confestim erecta est.* Vocavit, & erexit;

quia illuminavit & adjuvit. Vocat, sed non erigit, quando quidem per ejus gratiam illuminamur, sed exigentibus nostris meritis adjuvari non possumus. Plerumque enim videmus quæ agenda sunt, sed hæc opere non implemus. Nitimur, & infirmamur. Mentis judicium rectitudinem conspicit, sed ad hanc operis fortitudo succumbit: quia nimirum jam de pœna peccati est, ut ex dono quidem possit bonum conspici, sed tamen ab eo quod aspicitur, contingat per meritum repelli. Usitata etenim culpa obligat mentem, ut nequaquam surgere possit ad rectitudinem. Conatur, & labitur: quia ubi sponte diu perstitit, ibi & cum noluerit, coacta cadit. Bene de hac nostra incurvatione ex typo humani generis per Psalmistam dicitur:

Pravæ consuetudinis dura necessitas.

Psal. 37. 7.

Incurvatus sum & humiliatus sum usquequaque. Contemplatus namque, quod ad supernam lucem intuendam homo conditus fuerat, sed peccatis exigentibus foras missus, mentis suæ tenebras portat, superna non appetit, ^b infimis intendit, cœlestia nequaquam desiderat, terrena semper in animo versat: & hoc quod de suo genere doluit, in seipso exclamavit, dicens: *Incurvatus sum & humiliatus sum usquequaque.* Contemplationem nam-

que cœlestium perdens, si sola carnis necessaria homo cogitaret, incurvatus & humiliatus esset, sed tamen usquequaque non esset. Quem ergo a supernis cogitationibus non solum necessitas dejicit, sed etiam voluptas illicita sternit, non solum incurvatus; sed usquequaque incurvatus est. Hinc alius Propheta de immundis spiritibus dicit: *Qui diruerunt animæ tuæ, incurvare ut transeamus.* Recta quippe stat anima cum superna desiderat, & nequaquam flectitur ad ima. Sed maligni spiritus cum hanc in sua rectitudine stare conspiciunt, per eam transire non possunt. Transire namque eorum, est immunda illi desideria spargere. Dicunt ergo, *Incurvare ut transeamus*: quia si ipsa se ad ima appetenda non dejicit, contra hanc illorum perversitas nullatenus convalescit: & transire per eam nequeunt, quam contra se rigidam in superna intentione pertimescunt.

Isai. 51. 23.
Pater. in
Isai. 51. 23.

8. Nos ergo, fratres carissimi, nos viam malignis in nobis spiritibus damus, cum terrena concupiscimus, cum ad temporalia appetenda curvamus. Pudeat ergo terrena concupiscere, & dorsa mentium ascendentibus adversariis præbere. Terram semper intuetur qui curvus est: & quo præmio sit redemptus, non meminit qui ima querit. Hinc etiam per Moysen dicitur, ut ^c qui gibbo premitur nequaquam ad sacerdotium provehatur. Et quotquot Christi sanguine redempti sumus, membra ejusdem summi sacerdotis efficiamur. Unde & nobis per Petrum dicitur: *Vos autem genus electum, regale sacerdotium.* Sed qui gibbum tolerat, ima semper intuetur. A sacerdotio ergo repellitur: quia quisquis solis

Pater. in
Isai. c. 64.
Terrena concupiscendo, malignis spiritibus viam in nobis præbet.

^a Corb. impletitur.

^b Belvac. & nonnulli, in infimis tendet

Tom. V.

^c Bigot. qui gibba; & infra, qui gibbum tolerat.

terrenis intentus est, ipse sibi testis est quod membrum summi sacerdotis non est. Hinc rursus pisces qui pennulas non habent, ab esu fidelis populi prohibentur. Pisces quippe qui pennulas squamarum habent, dare etiam saltus super aquas solent. Quid ergo pennatis piscibus nisi electæ animæ figurantur? Quæ profecto solæ in cœlestis Ecclesiæ corpus transeunt, quæ modo virtutum pennulis sultæ, saltus dare per cœleste desiderium sciunt, ut superna per contemplationem appetant, quamvis in seipsis iterum ex mortali carne relabantur. Si ergo jam bona cœlestis patriæ agnovimus, displiceat nobis, fratres carissimi,

quod curvi sumus. Ponatur ante oculos ^a mulier curva, & arbor infructuosa. Reminiscamur malorum quæ fecimus, mittamus ad radicem cordis cophinum stercoris, ut tunc in retributionis fructu pinguescat, quod nobis hic per pœnitentiam fœtebat. Et si virtutum summa operari non possumus, ipse Deus nostro gaudet lamento. Ex ipsa enim justitiæ incoactione ei placebimus, qui injusta quæ fecimus, punimus. Nec mora erit in fletibus: quia tergent citius transeuntes lacrymas mansura gaudia. ^b Per Dominum nostrum Jesum Christum, qui vivit & regnat cum Patre in unitate Spiritus sancti Deus, per omnia secula seculorum. Amen.


Vel sola justitiæ incoactione Deo placeamus.

^a 1. Marc. mentis.


^b Duo priores Gemet. præstante Dom. N.

J. C. cui cum P. & Sp. sancto honor & imp. per.



Lectio sancti Evangelii secundum ^a Lucam.Luc. Cap. IX. *Ÿ*. 23. — 27.

IN illo tempore : Dixit Jesus discipulis suis : Si quis vult post me venire , abneget semetipsum , & tollat crucem suam quotidie , & sequatur me . Qui enim voluerit animam suam salvam facere , perdet eam : & qui perdidit animam suam propter me , salvam eam faciet . Quid enim prodest homini , si totum mundum lucretur , se autem perdat , & detrimentum sui faciat ? Nam qui me erubuerit & meos sermones , hunc filius hominis erubescet cum venerit in maiestate sui , & Patris , & sanctorum Angelorum . Dico autem vobis vere : Sunt aliqui hic stantes , qui non gustabunt mortem , donec videant regnum Dei .

^b H O M I L I A XXXII.

Habita ad populum in basilica sanctorum Processi & Martiniani , ^c die natalis eorum .

^a Nostri
morbis quæ
remedia
Christus at-
tulerit .

^b **Q**uia Dominus ac Redemptor noster novus homo venit in mundum , nova præcepta dedit mundo . Vitæ etenim nostræ veteri in vitiis enutritæ , contrarietatem opposuit novitatis suæ . Quid enim vetus , quid carnalis homo noverat , nisi sua retinere , aliena rapere , si posset ; concupiscere , si non posset ? Sed cælestis medicus singulis quibusque vitiis obviantia adhibet medicamenta . Nam sicut arte medicinæ calida frigidis , frigida calidis curantur : ita Dominus noster contraria opposuit ^d prædicamenta peccatis ; ut lubricis

continentiam , tenacibus largitatem , iracundis mansuetudinem , elatis præciperet humilitatem . Certe cum se sequentibus nova mandata proponeret , dixit : *Nisi quis renuntiaverit omnibus quæ possidet , non potest meus esse discipulus* . Ac si aperte dicat : Qui per vitam veterem aliena concupiscitis , per novæ conversationis ^e studium & vestra largimini . Quid vero in hac lectione dicat , audiamus : *Qui vult post me venire , abneget semetipsum* . Ibi dicitur ut abnegemus nostra , hic dicitur ut abnegemus nos . Et fortasse laboriosum

Luc. 14. 33.

^c Non solum
sua , sed et-
iam se re-
linquere
debent
Christi di-
scipuli .

P p 2 non

^a In 3. Marc. occurrit hæc Hom. p. 49. & 192. & utrinque Evang. est secundum Matthæum usque ad & sequatur me .

^b Est trigemateris in cod. Reg. Suec. trigelima-quinta in Lateran. & trigelima sexta in Corb.

^c Hæc minime leguntur in C. Germ. & in tribus Gemet. Sunt in cod. Reg. Suec. & in aliis ,

^d Ita Belvac. C. Germ. Gemet. Carn. Editores autem mutarunt , prædicamenta , in medicamenta . Primam tamen lectionem optimam esse , ex sequentibus liquet : ut lubricis continentiam . . . elatis præciperet humilitatem . 3. Marc. utrinque habet prædicamenta .

^e Primus Carn. studium , nec aliena diripiatis , & vestra largimini .

non est homini relinquere sua, sed valde laboriosum est relinquere semetipsum. Minus quippe est abnegare quod habet: valde autem multum est, abnegare quod est.

Cur nostra
abnegare
teneamur.

2. Ad se autem nobis venientibus Dominus præcepit, ut renuntiemus nostris: quia quicumque ad fidei agone[m] venimus, luctamen contra malignos spiritus sumimus. Nihil autem maligni spiritus in hoc mundo proprium possident. Nudi ergo cum nudis luctari debemus. Nam si vestitus quisquam cum nudo luctatur, citius ad terram dejicitur, quia habet unde teneatur. Quid enim sunt terrena omnia, nisi quædam corporis indumenta? Qui ergo contra diabolum ad certamen properat, vestimenta abjiciat, ne succumbat. Nihil in hoc mundo amando possideat, nullas rerum labentium delectationes requirat, ne unde ad votum tegitur, ad casum inde teneatur. Nec tamen sufficit nostra relinquere, nisi relinquamus & nos. Quid est quod dicimus, Relinquamus & nos? Si enim nosmetipsos relinquimus, quo ibimus extra nos? Vel ^a quis est qui vadit, si se deseruit? Sed aliud sumus per peccatum lapsi, aliud per naturam conditi: aliud quod fecimus, aliud quod facti sumus. Relinquamus nosmetipsos quales peccando nos fecimus, & maneamus nosmetipsi quales per gratiam facti sumus. Ecce etenim qui superbus fuit, si conversus ad Christum humilis factus est, semetipsum relinquit. Si luxuriosus quisque ad continentiam vitam mutavit, abnegavit utique quod fuit. Si avarus quisque ambire jam desit, & largiri didicit propria qui prius aliena rapiebat, proculdubio semet-

Cur nos
metipsos.

2

Qua ratio-
ne id fiat.

^a Idem codex, vel quid est quo vadit qui se deseruit.

^b Recent. pro, *vitanus*, quod legitur in C. Germ. & al. mss. ac excusis, habent, *mutamus*.

^c Belvac. & primus Gemet. quo per novi-

ipsum relinquit. Ipse quidem est per naturam, sed non est ipse per malitiam. Hinc enim scriptum est:

Verte impios, & non erunt.

Prov. 12. 7.
Pater. in
Prov. c. 39.

Conversi namque impii non erunt, non quia non erunt omnino in essentia, sed scilicet non erunt in impietatis culpa. Tunc ergo nosmetipsos relinquimus, tunc nos ipsos abnegamus, ^b cum vitamus quod per vetustatem fuimus, & ad hoc nitimur ^c quod per novitatem vocamur.

b

c

Pensemus quomodo se Paulus abnegaverat, qui dicebat: *Vivo autem*

Gal. 2. 20.

jam non ego. Exstinctus quippe fuerat sævus ille persecutor, & vivere cœperat pius prædicator. Si enim ipse esset, pius profecto non esset.

Sed qui se videre denegat, ^d dicat unde est quod sancta verba per doctrinam veritatis clamat. Protinus subdit: *Vivit vero in me Christus.*

Ibidem.

Ac si aperte dicat: Ego quidem a memetipso exstinctus sum, quia carnaliter non vivo: sed tamen essentialiter mortuus non sum, quia in Christo spiritualiter vivo. Dicat ergo veritas, dicat: *Si quis vult post me venire, abneget semetipsum.* Quia nisi quis a semetipso deficiat, ad eum qui super ipsum est, non appropinquat: nec valet apprehendere quod ultra ipsum est, si nescierit mactare quod est. Sic olerum plantæ transponuntur ut proficiant, atque ut ita dixerim, eradicantur ut crescant. Sic rerum semina in terræ admixtione deficiunt, ut in reparatione sui generis uberius assurgant. Unde enim videntur perdidisse quod erant, ^e inde accipiunt hoc apparere quod non erant.

d

e

3. Sed qui jam se a vitiis abnegat, exquirendæ ei virtutes sunt in quibus crescat. Nam cum dictum est:

Repudiatis
vitiis, ex-
quirendæ
sunt vir-
tutes.

tatem.

^d Primus Carn. dicat: *vivo ego*; ceteris omis.

^e Primus Gemet. ac Longip. inde incipiunt.

Crux duobus modis ferenda.

1. Cor. 9. 27.

a

2. Cor. 11. 29.

Abstin. tiam carnis & vicino vana gloria obsidet.

Pater. in Matt. c. 136.

est: Qui vult post me venire, abneget semetipsum, protinus additur: Et tollat crucem suam quotidie, & sequatur me. Duobus etenim modis crux tollitur, cum aut per abstinentiam afficitur corpus, aut per compassionem proximi affligitur animus. Pensamus qualiter utroque modo Paulus crucem suam tulerat, qui dicebat: *Castigo corpus meum, & in servitutem^a redigo, ne forte aliis prædicans, ipse reprobus efficiar.* Ecce in afflictione corporis audivimus crucem carnis: audiamus nunc in compassionem proximi crucem mentis. Aut enim: *Quis infirmatur, & ego non infirmor? Quis scandalizatur, & ego non uror?* Perfectus quippe prædicator ut exemplum daret abstinentiæ, crucem portabat in corpore. Et quia in se trahebat damna infirmitatis alienæ, crucem portabat in corde.

4. Sed quia ipsi virtutibus quædam vitia juxta sunt, dicendum nobis est, quod vitium abstinentiam carnis, & quod obsideat compassionem mentis. E vicino namque abstinentiam carnis nonnunquam vana gloria obsidet: quia dum tenuitas in corpore, dum pallor in vultu respicitur, virtus patefacta laudatur: & tanto se celerius foras fundit, quanto ad humanos oculos per ostensum pallorem exit. Et plerumque fit, ut hoc quod causa Dei agi creditur, pro solis humanis favoribus agatur. Quod bene Simon ille significat, qui inventus in itinere, crucem Dominicam in angaria portat. Aliena quippe onera in angaria portantur, quando per vanitatis studium aliquid geritur. Qui ergo per Simonem designantur, nisi abstinentes & arrogantes? Qui per abstinentiam quidem carnem afficiunt,

sed fructum abstinentiæ interius non requirunt. Crucem ergo Domini in angaria Simon portat: quia cum ad opus bonum ex bona voluntate non ducitur, rem iusti sine fructu peccator operatur. Unde idem Simon crucem portat, sed non moritur: quia abstinentes & arrogantes, per abstinentiam quidem corpus afficiunt, sed per desiderium gloriæ mundo vivunt. Compassionem vero animi plerumque latenter obsidet pietas falsa; ut hanc nonnunquam usque ad condescendendum vitiis pertrahat, cum ad culpas quisque non debeat compassionem exercere, sed zelum. Compassio quippe homini, & rectitudo vitiis debetur, ut in uno eodemque homine & diligamus bonum quod factus est, & persequamur mala quæ fecit: ne dum culpas incaute remittimus,^b non jam per caritatem compati, sed per negligentiam^c concidisse videamur.

5. Sequitur: *Qui enim voluerit animam suam salvam facere, perdet eam: & qui perdiderit animam suam propter me, salvam eam faciet.* Sic dicitur fidei: *Qui voluerit animam suam salvam facere, perdet eam: & qui perdiderit animam suam propter me, salvam eam faciet.* Ac si agricolæ dicatur: Frumentum si servas, perdis: si seminas, renovas. Quis enim nesciat quod frumentum cum in semine mittitur, perit ab oculis, in terra^d deficit? Sed unde putrescit in pulvere, inde virescit in renovatione. Quia vero sancta Ecclesia aliud tempus habet persecutionis, atque aliud pacis: Redemptor noster ipsa ejus tempora distinguit in præceptis. Nam persecutionis tempore ponenda est anima: pacis autem tempore ea quæ amplius dominari possunt, frangenda sunt.

Et animi compassio-nem pietas falsa.

b

c

Quomodo tum persecutionis tum pacis tempore, perdenda anima.

d

^a Bigot. subjecio.

^b Belvac. non tam per caritatem.

^c Hic in varia abeunt mss. Corb. habet, consensisse, primus Carn. Bigot. Val-cl.

Longip. conscendisse. Duo priores Gemet. concessisse. Secundus Carnot. descendisse.

^d Additur in Longip. & Val-cl. in renovatione crescit, in pulvere moritur, sed.

sunt desideria terrena. Unde & nunc dicitur; *Quid enim prodest homini, si lucretur totum mundum, se autem perdat, & detrimentum sui faciat?* Cum persecutio ab adversariis deest, valde vigilantius cor custodiendum est. Nam pacis tempore quia licet vivere, ^a libet etiam ambire. Quæ profecto avaritia bene compescitur, si ipse status ambientis sollicitè consideretur. Nam cur instet ad colligendum, quando stare non potest ipse qui colligit? Cursum ergo suum quisque consideret, & agnoscat sibi posse sufficere parva quæ habet. Sed fortasse metuit ne in hujus vitæ itinere sumtus desit. Longa nostra desideria increpat ^b via brevis: incassum multa portantur, cum juxta est quo pergitur. Plerumque autem & avaritiam vincimus, sed adhuc obstat quod vias rectitudinis minori tenemus custodia perfectionis. Nam sæpe labentia cuncta despiciamus, sed tamen adhuc humanæ verecundiæ usu præpedimur, ut rectitudinem quam servamus in mente, nondum exprimere valeamus in voce: & tanto Dei faciem ad justitiæ defensionem negligimus, quanto humanas facies contra justitiam veremur. Sed huic quoque vulneri congruum subjungitur medicamentum, cum Dominus dicit: *Qui me erubuerit* ^c & *meos sermones, hunc filius hominis erubescet cum venerit in majestate sua, & Patris, & sanctorum Angelorum.*

Unde, quiescente persecutione, nostram in Christum fidem explorare possumus.

6. Sed ecce nunc apud se homines dicunt: Nos jam Dominum & sermones ejus non erubescimus; quia aperta eum voce profitemur. Quibus ego respondeo, quod in hac plebe Christiana sunt nonnulli,

qui Christum ideo confitentur; quia cunctos Christianos esse conspiciunt. Nam si nomen Christi in tanta hodie gloria non esset, tot professores Christi sancta Ecclesia non haberet. Non ergo ad probationem fidei vox sufficit professionis, quam defendit a verecundia professio generalitatis. Est tamen ubi se quisque interroget, ut in confessione Christi se ^d veraciter probet, si non jam nomen ejus erubescit, si ^e plena virtute mentis humanum pudorem subdidit. Certe enim persecutionis tempore erubescere poterant fideles, substantiis nudari, de dignitatibus dejici, verberibus affligi. Pacis autem tempore quia hæc a nostris persecutionibus defunt, est aliud ubi ostendamus nobis. Veremur sæpe a proximis despici, dedignamur injurias verbi tolerare: si contingat jurgium fortasse cum proximo, erubescimus priores satisfacere. Cor quippe carnale dum hujus vitæ gloriam quærit, humilitatem respuit. Et plerumque ipse homo qui irascitur, ^f discordanti sibi reconciliari appetit, sed ire ad satisfaciendum prior erubescit. Pensemus facta Veritatis, ut videamus quo jacent nostræ pravitatis actiones. Si enim membra summi capitis sumus, imitari eum cui connectimur, debemus. Quid namque ad nostræ eruditionis exemplum Paulus egregius prædicator dicit? *Pro Christo* ^g *legatione fungimur, tamquam Deo exhortante per nos: obsecramus pro Christo reconciliamini Deo.* Ecce inter nos & Deum discordiam peccando fecimus, & tamen ad nos Deus suos legatos prior misit, ut nos ipsi qui peccavimus, ad pacem Dei ^h rogati veniamus. Erubescat ergo

Et nos nobis ostendere ac denu- dare.

2. Cor. 5. 20.

Deus pro reconciliatione legatos ad nos mittens, nos docet inimicos nostros reconciliationis gratia provocare adire.

^a Male mutarunt editores *libet*, in *licet* Primum legitur in C. Germ. Gemet. Corb. &c.

^b Tertius Gemet. *vita brevis*.

^c Longip. & Val-cl. *erubuerit coram ho-*

minibus.

^d Bigot. *se velociter*.

^e Duo priores Gemet. *plene virtuti mentis*.

^f Secundus Carn. *discordantes sibi*.

^g Primus Carn. *revocati ad pacem*.

ergo humana superbia, confundatur quisque si non satisfaciat prior proximo, quando post culpam nostram ut ei reconciliari debeamus, & ipse qui offensus est, legatis intervenientibus obsecrat Deus.

Regnum Dei ali- quando præ- sens Eccle- sia dicitur.

7. Sequitur: *Dico autem vobis: vere sunt aliqui hic stantes, qui non gustabunt mortem, donec videant regnum Dei.* Regnum Dei, fratres carissimi, non semper in sacro eloquio venturum regnum dicitur, sed nonnunquam præsens Ecclesia vocatur. Unde scriptum est:

Matth. 23:14

Mittet filius hominis angelos suos, & colligent de regno ejus omnia scandala. In illo quippe regno scandala non erunt, ubi profecto reprobi non admittuntur. Quo videlicet exemplo colligitur, quod hoc loco regnum Dei præsens Ecclesia vocatur. Et quia nonnulli ex discipulis usque adeo in corpore victuri erant, ut Ecclesiam Dei^a constructam conspicerent, & contra mundi hujus gloriam erectam, consolatoria promissione nunc dicitur: *Sunt quidam de hic stantibus, qui non gustabunt mortem, donec videant regnum Dei.* Sed cum tanta Dominus subeundæ mortis^b præcepta ederet; quid necessarium fuit ut ad hanc subito promissionem veniret? Quod si subtiliter attendamus, quanta dispensatione pietatis agatur agnoscimus. Discipulis enim rudibus etiam de præsentī vita aliquid promittendum fuit, ut possent robustius in futura solidari. Sic Israelitico populo ex Ægypti terra liberando, repromissionis terra promittitur, & cum vocandus esset ad

Discipulis rudibus etiam de præsentī vita aliquid promittendum fuit.

Pater. in Exod. c. 6.

dona cœlestia, terrenis promissionibus suaderetur. ^c Cur hoc? Ut dum esset aliquid quod de vicino perciperet, illud jam fidelius crederet quod de longinquo audire potuisset? Carnalis etenim populus si parva non acciperet, magna non crederet.

Omnipotens ergo Deus largiendo terrena, suadet ad cœlestia, ut percipiens quod videret, sperare disceret quod minime videbat: & tanto solidior de invisibilibus fieret, quanto eum ad spei certitudinem visibilia promissa fulcirent. Unde recte quoque per Psalmistam dicitur: *Dedit eis regiones gentium, & labores populorum possederunt: ut custodiant justificationes ejus, & Legem ejus requirant.* Sic ergo hoc loco rudibus discipulis Veritas loquens, videndum regnum Dei promittit in terra, ut hoc ab eis fidelibus in cœlo præsumatur. Ex ipso itaque regno, quod jam videmus in mundo esse sublimatum, speremus regnum quod in cœlo credimus percipiendum. Nam sunt nonnulli, qui Christianitatis nomine censentur, sed Christianitatis non habent fidem. Sola esse visibilia æstimant, invisibilia non appetunt; quia nec esse suspicantur.

Psalm. 124. v. 4. & 5.

Ad sanctorum Martyrum corpora consistimus, fratres mei. Numquid isti carnem suam in mortem darent, nisi eis certissime constitisset esse vitam pro qua mori debuissent? Et ecce qui ita crediderunt, miraculis coruscant. Ad extincta namque eorum corpora, viventes ægri veniunt, & sanantur: ^d perjuri veniunt, & a dæmonio vexantur: dæ-

Martyrum certamina vitæ futuræ argumenta sunt.

Quot miraculis eorum sepulchra illustrentur.

mo-

^a Duo priores Gemet. *constitutam.*

^b Bigot. *præcepta dederit.*

^c Gullanvil. *adversantibus omnibus excusis & manu exaratis, cur hoc, nisi ut . . . jam fidelibus crederet? & infra æque corrupte, ab eis fidelibus, pro, fidelius.*

^d Observa hic consuetudinem jam tunc receptam sese purgandi & ab occultorum criminum suspicione liberandi, præstito ad se-

pulera martyrum sacramento. Hinc S. Doctor scribit Callorio: *si Maximus Salinitanus præstito sacramento firmaverit se simonia & hæresi non teneri, atque de aliis ante corpus S. Apollinaris, &c. l. al. 7. ind. 2. epist. olim 82. nunc l. 9. ep. 81. Eadem leguntur in Superiori ad Marinianum, nunc ejusdem libri 79.*

moniaci veniunt, & liberantur. Quomodo ergo vivunt illic ubi vivunt, si in tot miraculis vivunt hic, ubi mortui sunt?

Suam opem
rogantibus
ad sunt.

Matronæ
miraculum.

a

Hebr. 11. 1.

8. Rem, fratres, dico brevem verbo, sed non parvam merito, quam religiosi quibusdam senioribus narrantibus agnovi. Gothorum tempore matrona quædam fuit valde religiosa, quæ ad horum Martyrum Ecclesiam crebro veniebat. Quadam die dum ex more adorandum venisset, egrediens, duos stantes sub peregrino habitu monachos invenit, peregrinos credidit, dari eis aliquid elemosynæ præcepit. Sed priusquam ^a ejus erogator eis ad largiendam elemosynam propinquasset, astiterunt illi vicinius, & dixerunt: Tu nos modo visitas, nos te in die judicii requiremus, & quidquid possumus, præstabimus tibi. Quo dicto, ab oculis ejus ablati sunt. Territa illa adorandum rediit, seseque in lacrymis prolixius effudit. Et facta est post hoc tanto instantior in prece, quanto certior de promissione. Si autem juxta Pauli vocem, *Fides est sperandarum substantia rerum, argumentum non apparentium*: nequaquam jam dicimus ut venturam vitam credatis; quia ecce ipsi qui in illa vivunt, humanis obtutibus visibiliter præsentantur. Quod enim videri potest, melius dicitur sciri, quam credi. Venturam ergo vitam nos Dominus magis voluit scire, quam credere, qui eos quos invisibiliter recipit, apud se vivere no-

bis etiam visibiliter ostendit.

9. Hos ergo, fratres carissimi, ^{Eos patro-} in causa vestri examinis quam cum ^{nos adhibe-} districto iudice habetis, patronos facite: hos in die tanti terroris illius defensores adhibete. Certe si apud quemdam magnum iudicem causa quælibet vestra esset die crastino ventilanda, totus hodiernus dies in cogitatione duceretur, patronum vestra fraternitas quæreretur, magnis precibus ageret ut apud tantum iudicem sibi defensor veniret. Ecce districtus iudex Jesus venturus est: tanti illius Angelorum Archangelorumque concilii terror adhibetur. In illo conventu causa nostra discutitur, & tamen nos patronos modo non quærimus, quos tunc defensores habeamus. Ad sunt defensores nostri sancti Martyres, rogari volunt, atque, ut ita dixerim, quærunt, ut quærantur. Hos ergo adiutores vestræ orationis quærite: hos protectores vestri reatus invenite: quia ne punire peccatores debeat, rogari vult & ipse qui iudicat. Unde & tam longo tempore comminatur iram, & tamen misericorditer exspectat. Sic autem nos & misericordia ejus resoveat, ut nullo modo negligentes reddat. Sic peccata nostra perturbent, ut mens in desperationem non proruat: quia & si præsumentes metuimus, & metuentes speramus, æternum regnum citius adepturi sumus, ^b per eum qui vivit & regnat cum Patre in unitate Spiritus sancti Deus, per omnia secula seculorum. Amen.

b

^a Primus Carn. servus erogaturus.

^b Duo priores Gemet. consueta clausula,

præst. Domino N. J. C. cui cum Patre & Spiritu sancto honor & imp. per omnia.

Lectio Sancti Evangelii secundum Lucam.

Luca Cap. VII. 36. — 50.

IN illo tempore: Rogabat Jesum quidam Pharisaeus, ut manducaret cum illo. Et ingressus domum Pharisaei, discubuit. Et ecce mulier, quae erat in civitate peccatrix, ut cognovit quod Jesus^a accubisset in domo Pharisaei, attulit alabastrum unguenti, & stans retro secus pedes ejus, lacrymis cepit rigare pedes ejus, & capillis capitis sui tergebat, & osculabatur pedes ejus, & unguento ungebat. Videns autem Pharisaeus qui vocaverat eum, ait intra se, dicens: Hic si esset propheta, sciret utique, quae & qualis est mulier quae tangit eum: quia peccatrix est. Et respondens Jesus, dixit ad illum: Simon, habeo tibi aliquid dicere. At ille ait: Magister, dic.^b Duo debitores erant cuidam feneratori: unus debebat denarios quingentos, & alius quinquaginta. Non habentibus illis unde redderent, donavit utrisque. Quis ergo eum^c plus diligit? Respondens Simon, dixit: ^d Aestimo quia is cui plus donavit. At ille dixit ei: Recte judicasti. Et conversus ad mulierem, dixit Simoni: Vides hanc mulierem? Intravi in domum tuam, aquam pedibus meis non dedisti: haec autem lacrymis suis rigavit pedes meos, & capillis suis tersit. Osculum mihi non dedisti: haec autem ex quo intravit, non cessavit osculari pedes meos. Oleo caput meum non unxisti: haec autem unguento unxit pedes meos. Propter quod dico tibi: Remittuntur ei peccata multa, quoniam dilexit multum. Cui autem minus dimittitur, minus diligit. Dixit autem^e ad illam: Remittuntur tibi peccata tua. Et coeperunt qui simul accumbebant, dicere intra se: Quis est hic, qui etiam peccata dimittit? Dixit autem ad mulierem: Fides tua te salvam fecit: vade in pace.


^a Belvac. C. Germ. & nonnulli, quod recubuisse.

^b Idem cod. & respondens Jesus ait: Duo. Bigot. & respondit Jesus: Duo.

^c C. Germ. Belvac. & al. plus dilexit.

^d Bigot. dixit: cui plus dimissum est.

^e Belvac. & C. Germ. ad illam Jesus, remittuntur tibi peccata. Et coeperunt quidam qui simul discumbant.



a ^a H O M I L I A XXXIII.

b Habita ad populum in basilica sancti Clementis, ^b
feria sexta Quatuor temporum Septembris.

Ad lacry-
mas provo-
cat Mariæ
pœnitentia.

c

d

Gratia eam
trahente ad
Christum
tenit.

I. **C**ogitanti mihi ^c de Mariæ
pœnitentia, flere magis li-
bet, quam aliquid dicere. Cujus
enim vel faxeum pectus illæ hujus
peccatricis lacrymæ ad exemplum
pœnitendi non emolliant? Conside-
ravit namque quid fecit, & noluit
moderari quid faceret. Super con-
vivantes ingressa est, non iussa ve-
nit, inter epulas lacrymas obtulit.
Discite quo dolore ardet, quæ fle-
re & inter epulas non erubescit.
Hanc vero quam Lucas peccatricem
mulierem, Johannes Mariam nomi-
nat, illam esse Mariam credimus,
de qua ^d Marcus septem dæmonia
ejecta fuisse testatur. Et quid per
septem dæmonia, nisi universa vi-
tia designantur? Quia enim septem
diebus omne tempus comprehendi-
tur, recte septenario numero uni-
versitas figuratur. Septem ergo dæ-
monia Maria habuit, quæ universis
vitiis plena fuit. Sed ecce, quia
turpitudinis suæ maculas asperxit,
lavanda ad fontem misericordiæ cu-
currit, convivantes non erubuit.
Nam quia semetipsam graviter eru-
bescebat intus, nihil esse credidit
quod verecundaretur foris. Quid
ergo miramur, fratres, Mariam ve-
nientem, an Dominum suscipien-
tem? Suscipientem dicam, an tra-
hentem? dicam melius, trahentem

& suscipientem: quia nimirum ipse
eam per misericordiam traxit in-
tus, qui per mansuetudinem susce-
pit foris. Sed jam textum sancti
Evangelii percurrentes, ipsum quo-
que ordinem quo venerit sananda,
videamus.

2. *Attulit alabastrum unguenti,*
& stans retro secus pedes Jesu, la-
crymis caput rigare pedes ejus, &
capillis capitis sui tergebat, &
osculabatur pedes ejus, & unguen-
to ungebat. Liqueat, fratres, quod
illicitis actibus prius mulier inten-
ta, unguentum sibi pro odore suæ
carnis adhibuit. Quod ergo sibi
turpiter exhibuerat, hoc jam Deo
laudabiliter offerebat. Oculis ter-
rena concupierat: sed hos jam per
pœnitentiam conterens flebat. Ca-
pillis ad compositionem vultus ex-
hibuerat: sed jam capillis lacrymas
tergebat. Ore superba dixerat: sed
pedes Domini osculans, hoc in Re-
demtoris sui vestigia figebat. Quot
ergo in se habuit oblectamenta,
tot de se invenit holocausta. ^e Con-
vertit ad virtutum numerum, nu-
merum criminum: ut totum ser-
viret Deo in pœnitentia, quidquid
ex se Deum contemserat in culpa.

3. Sed hoc Phariseus intuens
despicit, & non solum venientem
peccatricem mulierem, sed etiam
su-

Quot ha-
buit oble-
ctamenta,
tot obtulit
holocausta.

Agram
hanc ejus-
que medi-
cum despi-
ciens Pha-
riseus,
quam peri-
culose ex-
grotavit.

^a Est decima-tertia in Later. vigesima sex-
ta in cod. Reg. Succ. & vigesima-septima
in Corb.

^b Hec desunt in Bigot. duobus Gemet.
Corb. Germ. & pler. In C. Germ. legitur,
in basilica sancti Clementis die natali ejus.

^c In editis, de Maria Magdalene. Absit
Magd. a mss. saltem antiquioribus Corb. C.

Germ. Gemet. &c. Constat tamen tum ex
hac Homilia, tum ex octavam Ezechiellem
num 2. S. Doctorem non distinxisse mulie-
rem peccatricem, a Maria Magdalene.

^d Primus Carnot. *Marchaus.*

^e Primus Carn. *convertit ad virtutem nu-
merum criminum.* Ita olim in C. Germ.

fulcipientem Dominum reprehendit, dicens intra se: *Huc si esset propheta sciret utique, quæ & qualis est mulier quæ tangit eum: quia peccatrix est.* Ecce Phariseus veraciter apud se superbus, & fallaciter justus, ægram reprehendit de ægritudine, medicum de subventionem, qui ipse quoque de elationis vulnere ægrotabat, & ignorabat. Inter duos autem ægros medicus aderat: sed unus æger in febre integrum sensum ^a tenebat, alter vero in febre carnis & sensum perdiderat mentis. Illa quippe flebat quod fecerat: Phariseus autem de falsa justitia elatus, vim suæ invaliditatis exaggerabat. In ægritudine ergo & sensum perdiderat, qui hoc ipsum quoque quod a salute longe esset, ignorabat. Sed inter hæc nos gemitus cogit, quosdam nostri ordinis viros intueri, qui sacerdotali officio præditi, si quid fortasse iuste exterius vel tenuiter egerint, protinus subiectos despiciunt, & peccatores quosque in plebe positos dedignantur, eisque compati culpam suam confitentibus nolunt, ac velut Pharisei more, a peccatrice muliere tangi despiciunt. Quæ profecto mulier si ad Pharisei pedes venisset, nimirum calcibus repulsa discederet. Inquinari enim se alieno peccato crederet. Sed quia hunc vera justitia non replebat, de alieno vulnere ægrotabat. Unde semper necesse est, ut cum peccatores quosque conspiciamus, nosmetipsos prius in illorum calamitate defleamus: quia fortasse in similibus aut lapsi sumus, aut labi possumus, si lapsi non sumus. Et si censura magistrati debet semper virtute disciplinæ vitia persequi, oportet tamen ut solícite discernamus, quia distri-

ctionem debemus vitiis, compassio- nem naturæ. Si enim feriendus est peccator, nutriendus est proximus. Cum vero istam per pœnitentiam percutit ipse quod fecit, iam noster proximus peccator non est: ^b quia cum Dei se justitia contra se dirigit, & hoc in se punit, quod justitia divina reprehendit.

4. Sed iam iste superbus & arrogans quæ sententia vincatur audiamus. De duobus quippe ei debitoribus paradigma opponitur, quorum unus minus, & alius amplius debet: utrorumque debito dimisso, quis amplius largitorem debiti diligat, interrogatur. Quibus verbis protinus ille respondit: *Ille plus diligit, cui plus dimittitur.* Qua in re notandum est, quia dum sua sententia Phariseus vincitur, quasi phreneticus funem portat ex quo ligetur. Enumerantur ei bona peccatricis: enumerantur mala falsi iusti, cum dicitur: *Intravi in domum tuam, aquam pedibus meis non dedisti: hæc autem lacrymis rigavit pedes meos, & capillis suis terxit. Osculum mihi non dedisti: hæc autem ^c ex quo intravit, non cessavit osculari pedes meos. Oleo caput meum non unxisti: hæc autem unguento unxit pedes meos.* Post enumerationem vero subinfertur sententia: *Propter quod dico tibi: Remittuntur ei peccata multa, quoniam dilexit multum.* Quid, fratres mei, esse dilectionem credimus, nisi ignem? & quid culpam, nisi rubiginem? Unde nunc dicitur: *Remittuntur ei peccata multa, quia dilexit multum.* Ac si aperte diceretur: Incendit plene peccati rubiginem, ^d quia ardet valide per amoris ignem. Tanto namque amplius peccati rubigo consumitur, quanto

Phariseus proprio ore condemnat.

Ejus superbiam nonnulli sacerdotes imitantur.

Erga peccatores quomodo se gerere debeant.

Peccati rubigo caritatis igne consumitur.

^a Duo priores Gemet. habuit.

^b Excusi, qui cum Dei justitiam contra se dirigit; quam lectionem probaremus, nisi a potioribus inf. C. Germ. Belvac. Ge-

met. & pene omnibus reprobaretur.

^c Gemet. ex quo intravi.

^d Belvac. & Corb. qui ardet. Longip. Val-el. Bigot. quæ ardet.

peccatoris cor magno caritatis igne concrematur. Ecce ea quæ ad medicum venerat ægra, sanata est, sed de salute ejus adhuc alii ægrotant. Nam simul discumbentes conquesti sunt, intra se dicentes: *Quis est hic qui etiam peccata dimittit?* Sed cœlestis medicus ægros non despicit, quos etiam de medicamento fieri deteriores videt. Eam autem quam sanaverat, per pietatis suæ sententiam confirmat, dicens: *Fides tua te salvam fecit, vade in pace.* Fides etenim salvam fecit; quia hoc quod petiit, posse se accipere non dubitavit. Sed ipsam quoque spei certitudinem jam ab illo acceperat, a quo per spem etiam salutem quærebat. In pace autem ire præcipitur, ut a veritatis itinere in viam scandali ulterius non ^a derivetur. Unde & per Zachariam dicitur. *Ad dirigendos pedes nostros in viam pacis.* Tunc enim gressus nostros in viam pacis dirigimus, quando per illud actionum iter pergimus, in quo ab auctoris nostri gratia non discordamus.

^a Pater. in
Luc. c. 7.
Luc. 1. 79.

Pharisæus
Judaicum
populum,
mulier ad
Christum
veniens
Gentilitatem
conversam
significat.

5. Hæc, fratres carissimi, historica expositione transcurramus: nunc vero si placet, ea quæ dicta sunt, mystico intellectu differamus. Quem namque Pharisæus de falsa justitia præsumens, nisi Judaicum populum: quem peccatrix mulier, sed ad vestigia Domini veniens & plorans, nisi conversam Gentilitatem designat? Quæ cum alabastro venit, unguentum fudit, retro secus pedes Domini stetit, lacrymis pedes rigavit, capillis terxit, eosdemque quos infundebat & tergebat, pedes osculari non desit. Nos ergo, nos illa mulier expressit, si toto corde ad Dominum post peccata redeamus, si ejus ^b pœnitentiæ luctus imitemur. Quid namque unguento, ^c nisi bo-

næ odor opinionis exprimitur? Unde & Paulus dicit: *Christi bonus odor sumus Deo in omni loco.* Si igitur recta opera agimus, quibus opinionis bonæ odore Ecclesiam respargamus, quid in Domini corpore nisi unguentum fundimus? Sed secus pedes Jesu mulier stetit. Contra pedes enim Domini stetimus, cum in peccatis positi, ejus itineribus renitebamur. Sed si ad veram pœnitentiam post peccata convertimur, jam retro secus pedes stamus: quia ejus vestigia sequimur, quem impugnabamus. Lacrymis mulier pedes ejus rigat. Quod nos quoque veraciter agimus, si quibuslibet ultimis membris Domini per compassionis affectum inclinamur, si sanctis ejus in tribulatione compatimur, si eorum tristitiam, nostram putamus. Capillis mulier pedes quos rigaverat, terxit. Capilli quippe superfluunt corpori. Et quid abundans terrena substantia, nisi capillorum speciem tenet? Quæ dum ad usum necessitatis superfluit, etiam abscissa ^d non sentit. Capillis ergo pedes Domini tergimus, quando sanctis ejus, quibus ex caritate compatimur, etiam ex his quæ nobis superfluunt, miseremur: quatenus sic mens per compassionem doleat, ut etiam larga manus affectum doloris ostendat. Rigat namque lacrymis Redemptoris pedes, sed capillis suis non tergit, qui utcumque proximorum dolori compatitur, sed tamen eis ex his quæ sibi superfluunt, non miseretur. Plorat & non tergit, qui verba quidem doloris tribuit, sed non ministrando quæ desunt, vim doloris minime abscidit. Osculatur mulier pedes quos tergit. Quod nos quoque plene agimus, si studiosè diligimus quos ex largitate continemus, ne gravis nobis sit ne-

2. Cor. 2. 15.

Christi pedes
des capillis
tergere, est
pauperibus
ex superfluis
ministrare.

d

Gravis nobis
sit nobis
pauper.

cessi-

^a 1. Marc. dirigatur.

^b Primus Carn. pœnitentia fructus.

^c Gemet. Bigor. Val-cl. Longip. nisi bo-

nus odor opinionis.

^d Ita Belvac. C. Germ. & plurimi. Excusi, non sentitur.

cessitas proximi, ne ipsa nobis ejus indigentia quæ sustentatur, fiat onerosa: & cum manus necessaria tribuit, animus a dilectione torpescat.

Per Christi pedes intelligi potest incarnationis mysterium.
Johan. 1. 14.

6. Potest quoque per pedes, ipsum mysterium incarnationis ejus intelligi, quo divinitas terram tetigit, quia carnem sumpsit. *Verbum enim caro factum est, & habitavit in nobis*. Osculamur ergo Redemptoris pedes, cum mysterium incarnationis ejus ex toto corde diligimus. Unguento pedes ungimus, cum ipsam humanitatis ejus potentiam sacri eloquii bona opinione prædicamus. Sed hoc Phariseus videt, & invidet: quia cum Judaicus populus Gentilitatem Deum prædicare conspicit, sua apud se malitia tabescit. Sed Redemptor nolter facta ejusdem mulieris, quasi bona Gentilitatis enumerat, ut in quo malo Judaicus populus jaceat, agnoscat. Nam sic Phariseus retunditur, ut per eum, sicut diximus, perfidus ille populus ostendatur. *Intravi in domum tuam, aquam pedibus meis dedisti: hæc autem lacrymis rigavit pedes meos*. Aqua quippe extra nos est, lacrymarum humor intra nos: quia videlicet infidelis ille populus nec ea quæ extra se erant, unquam pro Domino tribuit: conversa autem Gentilitas pro eo non solum rerum substantiam, sed etiam sanguinem fudit. *Osculum mihi non dedisti: hæc autem ex quo intravit, non cessavit osculari pedes meos*. Osculum quippe, dilectionis est signum. Et infidelis ille populus Deo osculum non dedit; quia ex caritate eum amare noluit, cui ex timore servivit. Vocata autem Gentilitas Redemptoris sui vestigia osculari non cessat: quia in ejus amore continuo suspirat. Unde & sponsæ voce de eodem Redemptore suo in Canticis canticorum dicitur: *Osculetur me*

osculo oris sui. Osculum recte Conditoris sui desiderat, quæ se ei obsequi per amorem parat. *Oleo caput meum non unxisti*. Si pedes Domini, mysterium incarnationis ejus accipimus, congrue per caput illius ipsa divinitas designatur. Unde & per Paulum dicitur: *Caput Christi, Deus*. In Deo quippe, & non in se quasi in homine, credere Judaicus populus fatebatur. Sed Phariseo dicitur, *Oleo caput meum non unxisti*; quia ipsam quoque divinitatis ejus potentiam, in qua se Judaicus populus credere sponndit, digna laude prædicare neglexit. *Hæc autem unguento unxit pedes meos*: quia dum incarnationis ejus mysterium Gentilitas credidit, summa laude etiam ejus ima prædicavit. Sed jam Redemptor noster enumerata bona concludit, cum per sententiam subdit: *Propter quod dico tibi: Remittuntur ei peccata multa, quoniam dilexit multum*. Ac si aperte dicat: Et si durum est valde quod coquitur, abundat tamen amoris ignis quo etiam dura consumantur.

7. Libet inter hæc considerationem tantæ pietatis intueri. Peccatricis mulieris opera, sed pœnitentis, qua æstimatione Veritas apud se servat, quæ ejus adversario sub tanta distributione enumerat. Ad Pharisei prandium Dominus discumbibat, sed ad pœnitentem mulierem mentis epulis delectabatur. Apud Phariseum Veritas pascebatur foris, apud peccatricem mulierem, sed tamen conversam, pascebatur intus. Unde & ei sancta Ecclesia, quem sub specie hinnuli cervorum quærit, in Canticis canticorum dicit: *Indica mihi quem diligit anima mea, ubi pascas, ubi cubes in meridie*. Cervorum quippe hinnulus, Dominus appellatur, juxta assumptam carnem antiquorum filius patrum.

2. Cor. 11. 3.

Pœnitentis lacrymarum quam suaves Christo epulæ.

Cant. 1. 6.

Pater. 13.
Cant. 6. 4.

Cant. 1. 1.

a

a Belyac, osculis oris sui.

trum. Ferventior vero in meridie æstus ardescit, & umbrosum locum hinnulus quærit, quem æstus igne non afficit. In illis ergo corlibus Dominus requiescit, quæ amor præsentis seculi non incendit, quæ carnis desideria non exurunt, quæ incensa suis anxietatibus in hujus mundi concupiscentiis non arescunt. Unde & Mariæ dicitur: *Spiritus Sanctus superveniet in te, & virtus Altissimi obumbrabit tibi.* Umbrosa ergo loca in meridie ad pascendum hinnulus quærit: quia talibus mentibus Dominus pascitur, quæ per respectum gratiæ temperatæ, ^a corporalibus desideriis non uruntur. Plus ergo pœnitens mulier pascebat intus, quam Pharisæus Dominum pascebat foris, quia ab æstu carnalium quasi hinnulus Redemptor noster ad illius mentem fugerat, quam post vitiorum ignem, pœnitentiæ umbra temperabat.

8. Pensamus quantæ pietatis fuerit, peccatricem mulierem non solum ad se admittere, sed ei etiam ad tangendum pedes præbere. Consideremus gratiam misericordis Dei, & damnemus multitudinem reatus nostri. Ecce peccatores videt & sustinet, resistentes tolerat, & tamen quotidie per Evangelium clementer vocat. Confessionem nostram ex puro corde desiderat, & cuncta quæ deliquimus, relaxavit. Temperavit nobis distractionem Legis, misericordia Redemptoris. In illa quippe scriptum est: *Si quis hoc vel illud fecerit, morte moriatur. Si quis hæc vel illa fecerit, lapidibus obruatur.* Apparuit Conditor & Redemptor noster in carne, confessioni peccatorum non pœnam, sed vitam promittit: mulierem sua vulnera confitentem suscipit, & sanam dimittit. Inflexit ergo ad misericordiam duritiam Le-

gis: quia quos iuste illa damnat, ipse misericorditer liberat. Unde bene quoque in Lege scriptum est: *quia manus Moysi erant graves: sumentes ergo lapidem, posuerunt subter, in quo sedit: Aaron autem & Hur sustentabant manus ejus.* Moyses quippe sedit in lapide, cum Lex requievit in Ecclesia. Sed hæc eadem Lex manus graves habuit: quia peccantes quosque non misericorditer pertulit, sed severa distractione percussit. Aaron vero Mons fortitudinis, Hur autem Ignis interpretatur. Quem itaque mons iste fortitudinis signat, nisi Redemptorem nostrum, de quo per Prophetam dicitur: *Erit in novissimis diebus preparatus mons domus Domini in vertice montium?* Aut quis per ignem, nisi Spiritus sanctus figuratur, de quo idem Redemptor dicit: *Ignem veni mittere in terram?* Aaron ergo & Hur graves manus Moysi sustinent, atque sustentando leviores reddunt: quia Mediator Dei & hominum cum igne sancti Spiritus veniens, mandata Legis gravia, quæ dum carnaliter tenebantur, portari non poterant, tolerabilia nobis per spiritalem intelligentiam ostendit. Quasi enim manus Moysi leviores reddidit: quia pondus mandatorum Legis ^b ad virtutem confessionis retorfit. Hanc nobis ^c sequentibus misericordiæ promissionem innuit, cum per Prophetam dicit: *Nolo mortem peccatoris, sed ut convertatur & vivat.* Hinc iterum sub Judææ specie unicuique peccatrici animæ dicitur: *Si dereliquerit vir uxorem suam, & illa recedens duxerit virum alterum, numquid revertetur ad eam ultra? numquid non polluta & contaminata erit mulier illa? Tu autem fornicata es cum amatoribus multis: verumtamen re-*

Exod. 17. 12.

Pater. in
Exod. c. 25.

Isai. 2. 2.

Luc. 12. 49.

Ezec. 33. 11.
Pater. in

Jer. c. 7.

Jerem 3. 1.

Luc. 1. 35.

a

Christi pietas & misericordia in peccatores.

Exod. 19. 12.
Lev. c. 20.
&c.b
c^a Bigot. temporalibus desideriis.^b Secundus Carn. ad fidem conversionis.^c C. Germ. duo priores Gemet. & se-

cundus Carn. nobis sequentis. Tertius Gemet. nobis sequentem.

vertere ad me, dicit Dominus. Ecce paradigma turpis mulieris dedit. Ostendit quod post turpitudinem recipi non possit. Sed hoc ipsum paradigma quod protulit, per misericordiam vincit, cum dicit fornicantem mulierem recipi nequamquam posse, & tamen ipse fornicantem animam ut recipiat expectat. Pensate, fratres, pondus tantæ pietatis. Dicit quod fieri non potest, & demonstrat quia hoc ipse facere etiam contra morem potest. Ecce vocat, & quos inquinatos denuntiat, hos etiam amplecti querit, a quibus desertum esse se queritur. Nemo ergo tantæ misericordiæ tempus perdat, nemo oblata remedia divinæ pietatis abjiciat. Ecce superna benignitas aversos nos revocat, & nobis revertentibus, suæ clementiæ ^a sinum parat. Unusquisque ergo penset, quo debito constringitur, ^b quando illum Deus expectat, nec contemptus exasperatur. Qui ergo permanere noluit, redeat: qui stare contempsit, saltem post lapsum surgat. Quanto nos amore Conditor noster expectat, insinuat, cum per Prophetam dicit: *Attendi, & auscultavi; nemo, quod bonum est loquitur: non est qui*

recogitet in corde suo & dicat, Quid feci? Certe nunquam cogitare mala debuimus. Sed quia cogitare recta noluimus, ecce adhuc sustinet, ut recogitemus. Videte tantæ ^c pietatis sinum, considerate apertum vobis misericordiæ gremium: quos male cogitantes perdidit, bene recogitantes querit. Ad vos ergo fratres carissimi, ad vos oculos mentis reducite, & pœnitentem peccatricem mulierem in exemplum vobis imitationis anteferte: quæque vos in adolescentia, quæque in juventute deliquisse meministis, deflete; morum operumque maculas lacrymis tergite. Amemus jam Redemptoris nostri vestigia, quæ peccando contempsimus. Ecce, ut diximus, ad recipiendos nos supernæ pietatis sinus aperitur, nec maculosa in nobis vita contemnitur. Per hoc quod iniquationem nostram perhorrescimus, internæ jam munditiæ concordamus. Revertentes nos Dominus clementer amplectitur; quia peccatorum vita ei esse indigna jam non potest, quæ fletibus lavatur in Christo Jesu Domino nostro: qui vivit & regnat cum Patre Deus in unitate Spiritus sancti, per omnia secula seculorum. Amen.

Divinæ mi-
sericordiæ
tempus ne-
mo perdat.

a

b

Jerem. 2. 6.


^a Excusi, invitis mss. *sinum aperit*, Primus Carn. ab aliis recedens habet, *signum parat*.

^b Corb. *quando illum Deus nec contemptus*

aspernatur. Belvac. & duo priores Gemet. *quando . . . nec contemptus exasperat*. Secuti sumus C. Germ. & alios.

^c Primus Carn. *pietatis signum*.





Lectio Sancti Evangelii secundum Lucam.

Lucæ Cap. XV. N. I. — 10.

^a **I**N illo tempore: ^a Erant appropinquantes ad Iesum publicani & peccatores, ut audirent illum. Et murmurabant Pharisei & Scribæ, dicentes: Quia hic peccatores recipit, & manducat cum illis. Et ait ad illos parabolam istam, dicens: Quis ex vobis homo, qui habet centum oves, & si perdiderit unam ex illis, nonne dimittit nonaginta novem in deserto, & vadit ad illam quæ perierat, donec inveniat illam? Et cum invenerit eam, imponit in humeros suos gaudens: & veniens domum, convocat amicos & vicinos, dicens illis: Congratulamini mihi, quia inveni ovem meam ^b quæ perierat. Dico vobis, quod ita gaudium erit in cælo super uno peccatore pœnitentiam agente, ^c quam super nonagintanovem justis ^d qui non indigent pœnitentia. Aut quæ mulier habens drachmas decem, & si perdiderit drachmam unam, nonne accendit lucernam, & everrit domum, & quærit diligenter donec inveniat eam? Et cum invenerit, convocat amicas & vicinas suas, dicens: Congratulamini mihi, quia inveni drachmam quam perdideram. Ita dico vobis: Gaudium erit coram Angelis Dei super uno peccatore pœnitentiam agente.


^b
^c
^d

^a C. Germ. Lateran. Belvac. & tres Germet. accurrunt ad Iesum.

^b Bigot. quam perdideram.

^c Subintelligitur, magis.

^d Corb. Germ. qui non erraverunt.



^a H O M I L I A XXXIV.

^b Habita ad populum ^b in basilica beatorum Johannis & Pauli,
Dominica tertia post Pentecosten.

Lingua li-
cet tacente
ardebatur
Gregorii
caritas.

^c 1. **A**estivum tempus quod cor-
pori meo valde contrarium
est, loqui me de expositione E-
vangeliū longa mora interveniente
prohibuit. ^c Sed numquid quia lin-
gua tacuit, ardere caritas cessavit?
Hoc etenim dico, quod apud se
vestrum unusquisque recognoscit.
Plerumque caritas quibusdam occu-
pationibus præpedita, ^d & integra
flagrat in corde, & tamen non mon-
stratur in opere; quia & sol cum
nube tegitur, non videtur in ter-
ra, & tamen ardet in cælo. Sic
sic esse occupata caritas solet, &
intus vim sui ardoris exserit, & fo-
ris flammās operis non ostendit.
Sed quia nunc ad loquendum tem-
pus rediit, vestra me studia accen-
dunt, ut mihi tanto amplius loqui
libeat, quanto hoc vestræ mentes
desiderabilius expectant.

Vera iusti-
tia compa-
ritur, falsa
dedignatur
& despiciit.

Deff. 45. c. 15
Vera iusti-
tia.

^c 2. Audistis in lectione Evange-
lica, fratres mei, quia peccatores
& publicani acceperunt ad Redem-
torem nostrum: & non solum ad
colloquendum, sed etiam ad con-
versendum recepti sunt. Quod vi-
dentes Pharisei, dedignati sunt.
Ex qua re colligite, quia vera ju-
stitia compassionem habet, falsa ju-
stitia dedignationem, quamvis & ju-
sti soleant recte peccatoribus ^e in-
dignari. Sed aliud est quod agitur

typho superbiæ, aliud quod zelo
disciplinæ. Dedignantur etenim, sed
non dedignantes; ^f desperant, sed
non desperantes; persecutionem com-
movent, sed amantes; quia etsi fo-
ris increpationes per disciplinam
exaggerant, intus tamen dulcedi-
nem per caritatem servant. Præ-
ponunt sibi in animo ipsos plerum-
que quos corrigunt: meliores exi-
stimant eos quoque quos judicant.
Quod videlicet agentes, & per di-
sciplinam subditos, & per humili-
tatem custodiunt semetipsos. At
contra hi qui de falsa iustitia su-
perbire solent, ceteros quosque de-
spiciunt, nulla infirmantibus mise-
ricordia condescendunt: & quo se
peccatores esse non credunt, eo de-
terius peccatores fiunt. De quorum
profecto numero Pharisei exstite-
rant, qui dijudicantes Dominum
quod peccatores susciperet, amenti
corde ipsum fontem misericordiæ
reprehendebant.

f

3. Sed quia ægri erant ita ut
ægros se esse nescirent; quatenus
quod erant agnoscerent, cœlestis
eos medicus blandis fomentis curat,
benignum paradigma objicit, & in
eorum corde vulneris tumorem pre-
mit. Ait namque: *Quis ex vobis*
homo, qui habet centum oves, &
si perdidit unam ex illis, nonne
dimit-

Peccatores
contem-
nentibus,
exemplum
misericor-
diæ Chri-
stus propo-
nit.

^a In Lateran. est vigesima-quarta. In cod.
Reg. Suec. vigesima-septima. In Corb. vi-
gesima-tertia.

^b Secundus Carn. in basilica beati Johan-
nis Apostoli die Dominico. Abest a plerisque
mss. Dominica tertia post Pentecosten.

^c Guffanvil. sed non quia lingua tacuit.
&c. Unde hanc lectionem descripserit, mss.

& aliis editis contrariam, nescimus.

^d Ita C. Germ. Carn. Gemet. Bigot. &c.
Ubi editi habent, & intus flagrat.

^e Excusi, dedignari. Mss. Corb. Carn.
Germ. Gemet. &c. h. bent, indignari, etsi
superius legatur, dedignationem.

^f Duo priores Gemet. despiciunt, sed
non despicientes.

dimittit nonagintanovem in deserto, & vadit ad illam quæ perierat? Ecce mira dispensatione pietatis, similitudinem Veritas dedit, quam & in se ipso homo recognosceret, & tamen hæc specialiter ad ipsum auctorem hominum pertineret. Quia enim centenarius perfectus est numerus, ipse centum oves habuit, cum angelorum substantiam & hominum creavit. Sed una ovis tunc periit, quando peccando homo pacifica vitæ dereliquit. Dimisit autem nonagintanovem oves in deserto: quia illos summos angelorum choros reliquit in cælo. Cur autem cælum desertum vocatur, nisi quod desertum dicitur derelictum? Tunc autem cælum homo deseruit, cum peccavit. In deserto autem nonagintanovem oves remanserant, quando in terra Dominus unam quærebat: quia rationalis creaturæ numerus, angelorum videlicet & hominum, quæ ad videndum Deum condita fuerat, pereunte homine erat imminutus: & ut perfecta summa ovium integraretur in cælo, homo perditus quærebat in terra. Nam quod hic Evangelista dicit, in deserto; alius dicit, in montibus, ut significet in excelsis: quia nimirum oves quæ non perierant, in sublimibus stabant. Et cum invenerit ovem, imponit in humeros suos gaudens. Ovem in humeris suis imposuit, quia humanam naturam suscipiens, peccata nostra ipse portavit. Et veniens domum, convocat amicos & vicinos, dicens illis: Congratulamini mihi, quia inveni ovem meam quæ perierat. Inventæ ove ad domum redit, ^a quia Pastor noster reparato homine ad regnum cæleste rediit. Ibi amicos & vicinos invenit, illos videlicet Angelorum choros, qui amici ejus sunt, quia voluntatem ejus continue in sua stabilitate custo-

diunt. Vicini quoque ejus sunt; quia claritate visionis illius sua asiduitate perfruuntur. Et notandum, quod non dicit, Congratulamini inventæ ovi, sed mihi: quia videlicet ejus gaudium est vita nostra: & cum nos ad cælum reducimur, solemnitatem lætitiæ ejus implemus.

Dei gaudium est vita nostra.

4. *Dico vobis, quod ita gaudium erit in cælo super uno peccatore penitentiam agente, quam super nonagintanovem justis qui non indigent penitentia. Considerandum nobis est, fratres mei, cur Dominus plus de conversis peccatoribus, quam de stantibus justis in cælo gaudium esse fateatur: nisi hoc quod ipsi per quotidianum visionis experimentum novimus, quia plerumque hi qui nullis se oppressos peccatorum molibus sciunt, stant quidem in via justitiæ, nulla illicita peccant, sed tamen ad cœlestem patriam anxie non anhelant, tantoque sibi in rebus licitis usum præbent, quanto se perpetrasse nulla illicita meminerunt. Et plerumque pigri remanent ad exercenda bona præcipua, quia valde sibi securi sunt quod nulla commiserint mala graviora. At contra nonnunquam hi qui se aliqua illicita egisse meminerunt, ex ipso suo dolore compuncti, inardescunt in amorem Dei, seseque in magnis virtutibus exercent, cuncta difficilia sancti certaminis appetunt, omnia mundi derelinquunt, honores fugiunt, acceptis contumeliis lætantur, flagrant desiderio, ad cœlestem patriam anhelant: & quia se errasse a Deo considerant, damna præcedentia lucris sequentibus recompensant. Majus ergo de peccatore converso, quam de stante justo gaudium fit in cælo, quia & dux in prælio plus eum militem diligit, qui post fugam reversus, hostem fortiter premit, quam illum qui numquam terga*

Cur in cælo majus gaudium de peccatore conversis, quam de justis stantibus.

Mat. 18. 12.

^a

* Duo priores Gemet. quia Redemptor noster.

terga præbuit, & numquam aliquid fortiter gessit. Sic agricola illam amplius terram amat, quæ post spinas, uberès fruges profert, quam eam quæ nunquam spinas habuit & nunquam fertilem messem producit.

Sunt tamen
iusti, de
quibus Deus
magis gau-
det, quam
de pœni-
tentibus.

a

5. Sed inter hæc sciendum est, quia sunt plerique iusti, in quorum vita tantum est gaudium, ut eis quælibet peccatorum pœnitentia præponi nullatenus possit. Nam multi & nullorum sibi malorum sunt conscii, & tamen in tanti ardoris afflictione a se exserunt, ac si peccatis omnibus coangustentur. Cuncta etiam licita respuunt, ad despectum mundi sublimiter accinguntur, licere sibi nolunt omne quodlibet, bona sibi amputant etiam concessa, contemnunt visibilia, invisibilibus accenduntur, lamentis gaudent, in cunctis semetipsos humiliant; & sicut nonnulli peccata operum, sic ipsi cogitationum peccata deplorant. Quid itaque istos dixerim, nisi & iustos & pœnitentes, qui se & in pœnitentia de peccato cogitationis humiliant, & recti semper in opere perseverant? Hinc ergo colligendum est, quantum Deo gaudium faciat quando humiliter plangit iustus: si facit in cœlo gaudium quando hoc quod male gessit, & per pœnitentiam damnat iniustus.

Deus ipse
per Pasto-
rem & per
mulierem
hic signifi-
catur.

6. Sequitur: *Aut quæ mulier habens drachmas decem, & si perdiderit drachmam unam, nonne accendit lucernam, & evertit domum, & quærit diligenter donec inveniat drachmam quam perdiderat?* Qui signatur per Pastorem, ipse & per mulierem. Ipse etenim Deus, ipse & Dei sapientia. Et quia imago exprimitur in drachma, mulier drachmam perdidit: quando homo qui conditus ad imaginem Dei fuerat,

peccando a similitudine sui Conditoris recessit. Sed accendit mulier lucernam; quia Dei sapientia apparuit in humanitate. Lucerna quippe lumen in testa est: lumen vero in testa, est divinitas in carne. De qua videlicet testa sui corporis dicit ipsa Sapientia: *Exaruit velut testa virtus mea*. Quia enim testa igne solidatur, ejus virtus sicut testa exaruit; quia assumptam carnem ad resurrectionis gloriam ex passionis tribulatione roboravit. Accensa autem lucerna evertit domum; quia mox ut ejus divinitas per carnem claruit, omnis se nostra conscientia concussit. Domus namque evertitur, cum consideratione reatus sui humana conscientia perturbatur. Qui everfionis sermo non discrepat ab eo quod in aliis codicibus legitur, *emundat*: quia nimirum prava mens si non prius per timorem evertitur, ab assuetis vitiis non emundatur. Everfa ergo domo invenitur drachma: quia dum perturbatur conscientia hominis, reparatur in homine similitudo Conditoris. *Et cum invenerit, convocat amicas & vicinas suas dicens: Congratulamini mihi, quia inveni drachmam quam perdideram*. Quæ amicæ vel vicinæ, nisi illæ potestates cœlestes sunt, jam superius dictæ? Quæ tanto supernæ sapientiæ juxta sunt, quanto ei per gratiam continuæ visionis appropinquant. Sed inter hæc nequaquam relinquere negligenter debemus, cur ista mulier, per quam Dei sapientia figuratur, decem drachmas habuisse perhibetur, ex quibus unam perdidit, quam cum quæreret, invenit. ^b Angelorum quippe & hominum naturam ad cognoscendum se Dominus condidit: quam dum consistere ad æternitatem voluit, eam

Psal. 22. 16.

Conscientia
prævie ad
pœnitentiam
excitantia &
turbanda.

b

R r 2

pro-

^a Excusi mutarunt in *exercent*, verbum *exercent*, quod est omnium vet. mss. & præsertim Corb. Germ.

^b In 1. Marc. rubrica scribitur in S. Michaelis archangeli, quod innuit in Ducali Eccl. hoc fragmentum eo die fuisse lectum.

proculdubio ad suam similitudinem creavit. Decem vero drachmas habuit mulier: quia novem sunt ordines angelorum. Sed ut completetur electorum numerus, homodeticus est creatus: qui a Conditore suo nec post culpam perijt, quia hunc aeterna sapientia per carnem miraculis coruscans ex lumine testæ reparavit.

Novem
sunt Ange-
lorum ordi-
nes.

7. Novem vero Angelorum ordinem diximus: quia videlicet esse, testante sacro eloquio, scimus Angelos, Archangelos, Virtutes, Potestates, Principatus, Dominationes, Thronos, Cherubim, atque Seraphim. Esse namque Angelos & Archangelos, pene omnes sacri eloquii paginae testantur. Cherubim vero atque Seraphim sæpe, ut notum est, libri Prophetarum loquuntur. Quatuor quoque ordinum nomina Paulus apostolus ad Ephesios enumerat, dicens: *Supra omnem Principatum, & Potestatem, & Virtutem, & Dominationem*. Qui rursum ad Colossenses scribens, ait: *Sive Throni, sive Potestates, sive Principatus, sive Dominationes*. Dominationes vero & Principatus ac Potestates jam ad Ephesios loquens descripserat: sed ea quoque Colossensibus dicturus, præmisit Thronos, de quibus necdum quidquam fuerat Ephesiis locutus. Dum ergo illis quatuor quæ ad Ephesios dixit, id est Principatibus, Potestatibus, Virtutibus, atque Dominationibus junguntur Throni, quinque sunt ordines qui specialiter exprimuntur. Quibus dum Angeli & Archangeli, Cherubim atque Seraphim adjuncta sunt, proculdubio novem esse Angelorum ordines inveniuntur. Unde & ipsi Angelo, qui primus est conditus, per Prophetam dicitur: *Tu signaculum si-*

Eph. 1. 21.

Coloss. 1. 16.

Ezech. 28.
32.

militudinis, plenus sapientia; & perfectus decore, in deliciis paradisi Dei fuisti.

^a Ubi notandum, quod non ad similitudinem Dei factus, sed signaculum similitudinis dicitur: ^b ut quo in eo subtilior est natura, eo in illo imago Dei ^c similis insinuetur expressa. Quo in loco mox subditur. *Omnis lapis pretiosus operimentum tuum: sardius, topazius, & jaspis, chrysolithus, onyx, & beryllus, sapphirus, carbunculus, & smaragdus*. Ecce novem dixit nomina lapidum: quia profecto novem sunt ordines Angelorum. Quibus nimirum ordinibus ille primus Angelus ideo ornatus & opertus exstitit, quia dum cunctis agminibus Angelorum prælatus est, ex eorum comparatione clarior fuit.

8. Sed cur istos persistentium Angelorum choros enumerando perstrinximus, si non eorum quoque ministeria subtiliter exprimamus? Græca etenim lingua Angeli nuntii, Archangeli vero summi nuntii vocantur. Sciendum quoque, quod Angelorum vocabulum, nomen est officii, non naturæ. Nam sancti illi cœlestis patriæ spiritus, semper quidem sunt spiritus, sed semper vocari angeli nequaquam possunt: quia tunc solum sunt angeli, cum per eos aliqua nuntiantur: unde & per Psalmistam dicitur: *Qui facit angelos suos spiritus*. Ac si patenter dicat: Qui eos, quos semper habet spiritus, etiam cum voluerit, angelos facit. Hi autem qui minima nuntiant, angeli: qui vero summa annuntiant, archangeli vocantur. Hinc est enim quod ad Mariam virginem non quilibet angelus, sed Gabriel archangelus mittitur. Ad hoc quippe ministerium summum angelum venire dignum fuerat, qui summum omnium nuntiabat. Qui

^a
Ad expressi-
orem Dei
similitudi-
nem sunt
creati.

^b

^c

Ibid. v. 13.

Novem la-
pidibus
pretiosis
comparan-
tur.

Angelorum
ministeria.

Pater. in
Ps. c. 113.

Ps. 103. 4.

id-

^a Belvac. C. Germ. & duo priores Gemet. qui notandum. 1. Marc. quia.

^b Belvac. ut quia subtilior. 1. Marc. quia.

^c Duo priores Gemet. ac secundus Carpi. subtilius.

idcirco etiam privatis nominibus censentur, ut signetur per vocabula etiam in operatione quid valeant. Neque enim in illa sancta civitate, quam de visione omnipotentis Dei plena scientia perficit, idcirco propria nomina fortiuntur, ne eorum personæ sine nominibus sciri non possint: sed cum ad nos aliquid ministraturi veniunt, apud nos etiam nomina a ministeriis trahunt.

Præcipuum Angelorum nomina explicantur. Pater, in Apoc. c. 17.

9. Michael namque, Quis ut Deus: Gabriel autem, Fortitudo Dei: Raphael vero dicitur Medicina Dei: Et quoties miræ virtutis aliquid agitur Michael mitti perhibetur; ut ex ipso actu & nomine detur intelligi, quia nullus potest facere quod facere prævalet Deus. Unde & ille antiquus hostis, qui Deo esse per superbiam similis concupivit, dicens:

Isai. 14. 13.

In cælum conscendam, super astra cæli exaltabo solium meum, sedebo in monte testamenti, in lateribus Aquilonis, ascendam super altitudinem nubium, similis ero Altissimo: dum in fine mundi in sua virtute relinquetur extremo supplicio perimendus, cum Michael archangelo præliaturus esse perhibetur, sicut per Johannem dicitur: Factum est prælium cum Michael Archangelo: ut qui se ad Dei similitudinem superbus extulerat, per Michaelem peremptus discat, quia ad Dei similitudinem per superbiam nullus exsurgat. Ad Mariam quoque Gabriel mittitur, qui Dei fortitudo nominatur. Illum quippe nuntiare veniebat, qui ad debellandas aereas potestates humilis apparere dignatus est. De quo per Psalmistam dicitur: Tollite portas principes vestras, & elevamini portæ æternales, & introibit Rex gloriæ. Quis est iste Rex gloriæ? Dominus fortis & po-

Apoc. 12. 7.

Pater, in Luc. c. 3.

Ps. 23. v. 9. & 10.

tens, Dominus potens in prælio. Et rursum: Dominus virtutum ipse est Rex gloriæ. Per Dei ergo fortitudinem nuntiandus erat, qui virtutum Dominus, & potens in prælio, a contra potestates aereas ad bella veniebat. Raphael quoque interpretatur, ut diximus, medicina Dei: quia videlicet dum Tobiae oculos quasi per officium curationis tetigit, cæcitatis ejus tenebras terfit. Qui ergo ad curandum mittitur, dignum videlicet fuit ut Dei medicina vocaretur. Sed quia angelorum nomina interpretando perstrinximus, nunc superest ut ipsa officiorum vocabula breviter exsequamur.

10. Virtutes etenim vocantur illi nimirum spiritus, per quos signa & miracula frequentius fiunt. Potestates etiam vocantur hi, qui hoc potentius ceteris in suo ordine per ceperunt, ut eorum ditioni virtutes adversæ subiectæ sint, quorum potestate refrenantur, ne corda hominum tantum tentare prævaleant, quantum volunt. Principatus etiam vocantur, qui ipsis quoque bonis angelorum spiritibus præsunt, qui subiectis aliis dum quæque sunt agenda disponunt, eis ad explenda divina ministeria principantur. Dominationes autem vocantur, qui etiam Potestates principatuum dissimilitudine alta transcendunt. Nam principari, est inter reliquos priorem existere: dominari vero, est etiam subiectos quosque possidere. Ea ergo angelorum agmina, quæ mira potentia præminent, pro eo quod eis cetera ad obediendum subiecta sunt, Dominationes vocantur. Throni quoque illa agmina vocata, quibus ad exercendum judicium semper Deus omnipotens præsidet. Quia enim thronos Latino

Idem.

a

Nomina & officia angelorum ordinum. Virtutes & Potestates.

Principatus.

Dominationes.

b

Throni.

no

a Ita cum C. Germ. Carn. Gemet vet. ed. &c. At in exculis recent. ad debellandas potestates aereas. Ita & 1. Marc.

b Hæc usque ad: ea ergo Angelorum,

non sunt in mss. Corb. Belvac. C. Germ. Leguntur in Gemet. Bigot. & al. Non sunt in 1. Marc.

no eloquio sedes dicimus; Throni Dei dicti sunt hi, qui tanta divinitatis gratia replentur, ut in eis Dominus sedeat, & per eos sua iudicia decernat. Unde & per Psalmistam dicitur: *Sedes super thronum, qui iudicas a æquitatem*. Cherubim quoque Plenitudo scientiæ dicitur. Et sublimiora illa agmina idcirco Cherubim vocata sunt, quia tanto perfectiori scientia plena sunt, quanto claritatem Dei vicinior contemplantur: ut secundum creaturæ modum, eo plene omnia sciant, quo visioni Conditoris sui per meritum dignitatis appropinquant. Seraphim etiam vocantur illa spirituum sanctorum agmina, quæ ex singulari propinquitate Conditoris sui incomparabili ardent amore. Seraphim namque Ardentes, vel incendentes vocantur. Quæ, quia ita Deo conjuncta sunt, ut inter hæc & Deum nulli alii spiritus intersint, tanto magis ardent, quanto hunc vicinior vident. Quorum profecto flamma amor est: quia quo subtilius claritatem divinitatis ejus aspiciunt, eo validius in ejus amore flammescunt.

Psalm. 9. 5.
a
Cherubim.

Seraphim.

Quomodo
ex Angelo-
rum imita-
tione profi-
cere debeamus.

Deut. 32. 9.

11. Sed quid prodest nos de angelicis spiritibus ista perstringere, si non studeamus hæc etiam ad nostros profectus congrua consideratione derivare? Quia enim superna illa civitas ex angelis & hominibus constat, ad quam tantum credimus humanum genus ascendere, quantos illic contigit electos angelos remansisse, sicut scriptum est: *Statuit terminos gentium secundum numerum angelorum Dei*: debemus & nos aliquid ex illis distinctionibus supernorum civium ad usum nostræ conversationis trahere, nosque ipsos ad incrementa virtutum bonis studiis inflammare. Quia enim

tanta illuc ascensura creditur multitudo hominum, quanta multitudo remansit angelorum: superest ut ipsi quoque homines qui ad cœlestem patriam redeunt, ex eis agminibus aliquid illuc revertentes imitentur. Distincte namque conversationes hominum, singulorum agminum ordinibus congruunt, & in eorum sortem per conversationis similitudinem deputantur. Nam sunt plerique qui parva capiunt, sed tamen hæc eadem parva pie annuntiare fratribus non desistunt. Isti itaque in Angelorum numerum currunt. Et sunt nonnulli, qui divini largitatis munere^b refectioni, secretorum cœlestium summa & capere prævalent, & nuntiare. Quo ergo isti, nisi inter Archangelorum numerum deputantur? Et sunt alii, qui mira faciunt, signa valenter operantur. Quo ergo isti, nisi ad supernarum Virtutum sortem & numerum congruunt? Et sunt nonnulli, qui etiam de obsessis corporibus malignos spiritus fugant, eosque virtute orationis,^c & vi acceptæ potestatis ejiciunt. Quo itaque isti meritum suum, nisi inter Potestatum cœlestium numerum sortiuntur? Et sunt nonnulli, qui acceptis virtutibus etiam electorum hominum merita transcendunt; cumque & bonis meliores sunt, electis quoque fratribus principantur. Quo ergo isti sortem suam, nisi inter Principatuum numeros acceperunt? Et sunt nonnulli, qui sic in semetipsis cunctis vitiis, omnibusque desideriiis dominantur, ut ipso jure munditiæ, dii inter homines vocentur: unde & ad Moysen dicitur: *Ecce constitui te deum Pharaonis*.^{Exod. 7. 1.} Quo^d ergo isti, nisi inter numeros Dominationum currunt? Et

b

c

d

a Bigot. *justitiam*.

b Longip. & Val-cl. *refecti*.

c 1. Marc. *velut pro & vi*.

d Duo priores Gemet. *quo ergo et si, quorum comparatione ceteri homines, ut ita*

dicam, servi sunt, nisi inter numeros. 1. Marc. Quo ergo isti iniquorum comparatione ceteri omnes, ut ita dixerim, servi sunt, nisi &c.

sunt nonnulli, qui dum sibi metip-
 sis vigilantia cura dominantur, dum-
 que felicitate intentione discutiunt,
 divino timori semper inhærentes,
 hoc in munere virtutis accipiunt,
 ut judicare recte & alios possint.
 Quorum profecto mentibus dum di-
 vina contemplatio præsto est, in
 his velut in throno suo Dominus
 præsidens, aliorum facta examinat,
 & cuncta mirabiliter de sua sede
 dispensat. Quid ergo isti, nisi Thro-
 ni sui Conditoris sunt? vel quoni-
 si ad supernarum sedium numeros
 adscribuntur? Per quos dum sancta
 Ecclesia regitur, plerumque de qui-
 busdam suis infirmis actibus etiam
 electi judicantur. Et sunt nonnul-
 li, qui tanta Dei ac proximi dile-
 ctione pleni sunt, ut Cherubim ju-
 re nominentur. Quia enim, ut
 præfati sumus, Cherubim plenitu-
 do scientiæ dicitur, & Paulo dicen-
 te didicimus, quia *plenitudo legis*
est caritas: omnes qui Dei & pro-
 ximi caritate ceteris amplius pleni
 sunt, meritorum suorum sortem
 inter Cherubim numeros percepe-
 runt. Et sunt nonnulli, qui super-
 næ ^a contemplationis facibus ac-
 censi, in solo Conditoris sui desi-
 derio anhelant, nihil jam in hoc
 mundo cupiunt, solo æternitatis a-
 more pascuntur, terrena quæque
 abjiciunt, cuncta temporalia mente
 transcendunt, amant & ardent, at-
 que in ipso suo ardore requiescunt,
 amando ardent, loquendo & alios

accendunt, & quos verbo tangunt,
 ardere ^b protinus in Dei amore fa-
 ciunt. Quid ergo istos nisi Seraphim
 dixerim? quorum cor in igne con-
 versum lucet & urit; quia & men-
 tium oculos ad superna illuminant,
 & compungendo in fletibus, vi-
 tiorum rubiginem purgant. Qui er-
 go ita ad amorem sui Conditoris
 inflammati sunt, quo nisi inter Se-
 raphim numerum sortem suæ voca-
 tionis acceperunt?

12. Sed hæc, fratres carissimi, me loquente introrsus vos ad vos-
 metipsums reducite, secretorum ve-
 strorum merita cogitationesque di-
 scutite. Videte si quid jam boni
 vobiscum intus agitis, videte si in
 numero horum agminum, quæ bre-
 viter tangendo perstrinximus, sor-
 tem vestræ vocationis invenitis. Væ
 autem animæ, quæ in se de his bo-
 nis quæ enumeravimus, minime ali-
 quid recognoscit: eique adhuc væ
 deterius imminet, si & privatam se
 donis intelligit, & nequaquam ge-
 mit. Quisquis ergo talis est, fra-
 tres mei, gemendus est valde, quia
 non gemit. Pensamus ergo accepta
 electorum munera, & virtute qua
 possumus, ad amorem tantæ sortis
 anhelemus. Qui in se donorum gra-
 tiam minime recognoscit, gemit.
 Qui vero in se minora cognoscit,
 aliis majora non invidet: quia &
 supernæ illæ distinctiones beatorum
 spirituum ita sunt conditæ, ut aliæ
 aliis sint prælatæ. ^d Fertur vero

Qui sese ad
 nullum ex
 Angelorum
 ordinibus
 pertinere
 cognoscit
 gemit.

sancti Dio-
 nysii Areo-
 pagitæ scri-
 pta a Gre-
 gorio lau-
 data.

^a Gemet. & Bigot. *contemplationis igne.*

^b Primus Carn. *potius.*

^c Belvac. *& eos pungendo.*

^d Utrum hæc scripta sint Dionysii Areop.
 hic non inquirimus, cum hæc quæstio jam
 toties retractata & ad incudem revocata sit.
 Legi possunt de hoc argum. Natalis Alexan-
 der Tom. 2. Ludovicus Ellies du Pin in
 Bibliotheca Script. Eccl. noster Nicolaus le
 Nourry in Apparatu ad Bibliot. Patrum,
 Guilielmus Cave in Hist. Litteraria Script.
 Eccl. noster Claud. David in sua Dissert.
 Gall. de scriptis Dionysii Areop. anno 1702.
 edita, & alii plures. Gregorius hæc scripta
 Dionysio Areopag. non assertive tribuit, sed

cum aliqua dubitatione, ut ex his verbis
 colligitur: *fertur Dionysius Areop... dicere*
 Dubitationem & hæsitationem aliquam signi-
 ficat verbum, *fertur*. Hæc autem non vi-
 detur fuisse de doctrina libri cœlestis hierar-
 ch. qui in omnium manibus versabatur; unde
 legendo dubium facile solvi potuisset.
 Ergo, *fertur*, ad auctorem libri potius spe-
 ctat, sicque loquendo S. Doctor innue-
 re videtur non propriam sententiam sequi
 se; sed vulgarem opinionem. Hæc tamen,
 prudens Lector, judicio tuo permitto. *Maur.*
 Instar omnium consule &c. Zatta E. V.
 supremam ejus Editionem Venetam per
 Zatta.

^d

Rom. 13.10.

a

Dionysius Arcopagita, antiquus videlicet & venerabilis pater, dicere quod ex minoribus angelorum agminibus foras ad explendum ministerium vel visibiliter, vel invisibiliter mittuntur: scilicet quia ad humana solatia aut Angeli, aut Archangeli veniunt. Nam superiora illa agmina ab intimis nunquam recedunt: quoniam ea quæ præminent, usum exterioris ministerii nequaquam habent. Cui rei illud videtur esse contrarium quod Isaïas dicit: *Et volavit ad me unus de Seraphim, & in manu ejus calculus, quem forcipe tulerat de altari, & tetigit os meum.* Sed in hac Prophetæ sententia ^a vult intelligi, quia ii spiritus qui mittuntur, eorum vocabulum percipiunt, quorum officium gerunt. Qui enim ut peccata locutionis incendat, de altari angelus carbonem portat, Seraphim vocatur, quod incendium dicitur. Huic autem sensui & illud creditur non inconvenienter opitulari, quod

Isai. 6. v. 6.
& 7.

a

Dan. 7. 10.

per Danielelem dicitur: *Millia millium ministrabant ei, & decies millies centena millia assistebant ei.* Aliud namque est ministrare, aliud assistere: quia hi administrant Deo, qui & ad nos nuntiando exeunt: assistunt vero, qui sic contemplatione intima perfruuntur, ut ad explenda foras opera minime mittantur.

Superiorum
ordinum
Angeli in-
feriores
mittunt.

b

Pater. in
Zach. c. 1.

Zach. 2.
v. 3. & 4.

13. Sed quia in quibusdam Scripturæ locis quædam per Cherubim, quædam vero per Seraphim agi didicimus: utrum per se hæc faciant, an per subjecta agmina agantur, quæ sicut dicitur, in eo quod a majoribus veniunt, ^b majorum vocabula fortiuntur; nos affirmare nolumus, quod apertis testimoniis non approbamus. Hoc tamen certissime scimus, quia ad explendum de supernis ministerium, alii spiritus alios mittunt; Zacharia scilicet Prophetæ testante qui ait. *Ecce Ange-*

lus qui loquebatur in me, egrediebatur: ecce alius angelus egrediebatur in occursum ejus, & dixit ad eum: Curre & loquere ad puerum istum, dicens: Absque muro habitabitur Jerusalem. Dum enim angelus ad angelum dicit: *Curre & loquere*, dubium non est quia alius alium mittit. Minora vero sunt quæ mittuntur, majora quæ mittunt. Sed hoc quoque de ipsis agminibus quæ mittuntur, certum tenemus; quia & cum ad nos veniunt, sic exterius implent ministerium, ut tamen nunquam desint interius per contemplationem. Et mittuntur igitur, & assistunt: quia etsi circumscriptus est angelicus spiritus, summus tamen spiritus ipse, qui Deus est, circumscriptus non est. Angeli itaque & missi, & ante ipsum sunt; quia quolibet missi veniant, intra ipsum currunt.

14. Sciendum quoque est, quia plerumque ipsi beatorum spirituum ordines vicinorum sibi ordinum vocabula fortiuntur. Thronos etenim, scilicet sedes Dei, specialem beatorum spirituum ordinem diximus, & tamen per Psalmistam dicitur: *Qui sedes super Cherubim appare:* quia videlicet, dum in ipsis distinctionibus agminum Cherubim Thronis junguntur, sedere etiam super Cherubim Dominus ex vicini agminis æqualitate perhibetur. Sic quippe in illa summa civitate specialia quædam singulorum sunt, ut tamen sint communia omnium: & quod in se ex parte quisque habet, hoc in alio ordine totum possidet. Sed idcirco uno eodemque vocabulo communiter non censentur, ut ille ordo vocari privato uniuscujusque rei nomine debeat, qui hanc in munere plenius accepit. Seraphim namque incendium diximus; & tamen amore Conditoris simul omnes ardent. Cherubim vero ple-

Quædam
certis ange-
licis ordi-
nibus spe-
cialia, cete-
ris sunt
communia.
Ps. 79. 3.

a Primus Car. vult intelligi.

b Bigot. *majora vocabula.*

a nitudinem ^a scientiæ; & tamen quis ibi aliquid nesciat, ubi ipsum omnes simul fontem scientiæ Deum vident? Throni quoque illa agmina quibus Conditor præsidet, vocantur: sed beatus esse quis potest, nisi Creator suus ejus menti præsideat? Quæ ergo ex parte ab omnibus habentur, eis in privato nomine data sunt, qui hæc in munere plenius acceperunt. Nam & si qua illic sic alii habent, ut haberi ab aliis nequaquam possint, sicut speciali nomine Dominationes & Principatus vocantur, cuncta ibi singulorum sunt: quia per caritatem spiritus ab alio in aliis habentur.

Peccati
modus.

b

15. Sed ecce dum cœlestium ^b civium secreta rimamur, ab expositionis nostræ ordine longe digressi sumus. Suspiremus ergo ad eos, de quibus loquimur, sed redeamus ad nos. Meminisse etenim debemus, quia caro sumus. Taceamus interrim de secretis cœli, sed ante Conditoris oculos manu pœnitentiæ tergamus maculas pulveris nostri. Ecce ipsa divina misericordia pollicetur, dicens: *Gaudium erit in cœlo super uno peccatore pœnitentiam agente*. Et tamen per Prophetam Dominus dicit; *Quia quacumque die justus peccaverit, omnes justitiæ ejus in oblivione erunt coram me*. Pensemus, ^c si possumus, dispensationem supernæ pietatis. Stantibus, si ceciderint, minatur pœnam: lapsis vero ut surgere appetant, promittit misericordiam. Illos terret, ne præsumant in bonis: istos refovet, ne desperent in malis. Justus es? iram pertimesce, ne corruas: peccator es? præsume de misericordia, ut surgas. Ecce autem jam lapsi sumus, stare nequaquam valuimus,

Exeg. 33.13

c

in pravis nostris desideriis jacemus. Sed qui nos condidit rectos, adhuc exspectat, & provocat ut surgamus. Sinum suæ pietatis aperit, nosque ad se recipere per pœnitentiam quaerit. Sed pœnitentiam agere digne non possumus, nisi modum quoque ejusdem pœnitentiæ cognoscamus. Pœnitentiam quippe agere, est & perpetrata mala plangere, & plangenda non perpetrare. Nam qui sic alia deplorat, ut tamen alia committat, adhuc pœnitentiam agere, aut dissimulat, aut ignorat. Quid enim prodest si peccata quis luxurix desleat, & tamen adhuc avaritiæ æstibus anhelat? Aut quid prodest, si iræ culpas jam lugeat, & tamen adhuc invidiæ facibus tabescat? Sed minus est valde quod dicimus, ut qui peccata deplorat, ploranda minime committat: & qui plangit vitia, perpetrare vitia timeat.

De pœn.
Dist. 3. cap.
Pœnitentiam.

Est perpetrata mala plangere, & plangenda non perpetrare.

16. Nam cogitandum summopere est, ut qui se illicita meminit commisisse, a quibusdam etiam licitis studeat abstinere: quatenus per hoc Conditori suo satisfaciatur, ut qui commisit prohibita, sibi metipso abscindere debeat etiam concessa: & se reprehendat in minimis, qui se meminit in maximis deliquisse. ^d Nimia sunt quæ loquor, si hæc ex sacri eloquii testimoniis non affirmo. Lex certe veteris Testamenti alienam uxorem concupisci prohibet: a Rege vero fortia juberi militibus, vel desiderari aquam, non pœnaliter vetat. Et cuncti novimus quod David concupiscentiæ mucrone transfixus, alienam conjugem & concupivit & abstulit. Cujus culpam digna verbera sunt secuta, & malum quod perpetravit, per pœnitentiæ

Qui illicita fecit, a licitis abstinere.
Pater. in 2.
Reg. c. 14.

d

la-

^a Idem, scientia, Deum vident; & tamen.

^b Duo priores Gemet. cœlestium ordinum.

^c Primus Carn. si possumus dispensationem Tom. V.

supernæ pietatis agnoscere.

^d Hic sequimur vet. mss. Belvac. C. Germ. & al. In ed. quibus etiam favent nonnulli mss. legitur, *minima sunt*.

lamenta correxit. Qui cum longe post contra hostium cuncos sederet, aquam bibere de Bethlehemitica cisterna ex desiderio voluit. Cujus electi milites inter catervas adversantium medias erumpentes, aquam quam Rex desideraverat, illæsi detulerunt. Sed vir flagellis eruditus, semetipsum protinus cum periculo militum aquam desiderasse reprehendit, eamque Domino fundens libavit, sicut illic scriptum est: *Libavit eam*

2. Reg. 23.

16.

1. Pat. 11.

12.

a

Domino. In sacrificium quippe Domini effusa aqua conversa est, quia culpam concupiscentiæ ^a maculavit per poenitentiam reprehensionis suæ. Qui ergo quondam concupiscere alienam conjugem nequaquam timuit, post etiam quia aquam concupisset expavit. Quia enim se illicita perpetrasse meminerat, contra semetipsum jam rigidus, etiam a licitis abstinerebat. Sic sic agimus poenitentiam, si ea quæ commisimus, perfecte deploramus. Pensamus superbas divitias Conditoris nostri. Peccare nos vidit, & pertulit.

Pater. in
Isai. c. 37.Dei ne-
stram poe-
nitentiam
expectantis
longanimitas.

Isai. 30.

v. 20. & 21.

17. Qui nos ante culpam peccare prohibuit, etiam post culpam expectare ad veniam non desistit. Ecce ipse nos, quem despeximus, vocat. Aversi ab illo sumus, & tamen non avertitur. Unde bene per Isaiam dicitur: *Et erunt oculi tui videntes præceptorem tuum, & aures tuæ audient vocem post tergum monentis*. Quasi in faciem homo monitus est, quando ad iustitiam conditus, præcepta rectitudinis accepit. Sed cum hæc eadem præcepta contempsit, quasi Conditori suo dorsum mentis in faciem dedit. Sed ecce adhuc post tergum sequitur, & monet: quia jam & a nobis contemptus est, & tamen nos adhuc vocare non cessat. Quasi dorsum ei in faciem dedimus, cujus verba despiciamus, cujus præcepta

calcamus, sed stans post tergum nos aversos revocat, qui & videt quod despicitur, & tamen per præcepta clamat, ^b per patientiam expectat. Pensate ergo, fratres carissimi, si cuilibet vestrum loquenti famulus suus subito superbiret, terga in faciem mitteret, numquid non contemptus dominus, ejus superbiam feriret, vulnera districtæ animadversionis infligeret? Ecce nos peccando auctori nostro terga in faciem dedimus, & tamen sustinemur. Superbe aversos benigne revocat, & qui ferire nos adversantes potuit, ut revertamur munera promittit. Tanta ergo Conditoris nostri misericordia duritiam nostri reatus emolliat, & homo qui malum quod fecit experiri percussus poterat, saltem expectatus erubescat.

Pater. in
Isai. c. 37.Victorini
aspera &
salubris
poeniten-
tia.

c

18. Rem, fratres, breviter refero, quam viro venerabili Maximiano tunc patre monasterii mei atque presbytero, nunc autem Syracusano Episcopo narrante cognovi. Hanc itaque si solerter auditis, caritati vestræ non breviter suffragari credo. Nostis modo temporibus Victorinus quidam existit, qui alio quoque nomine Æmilianus appellatus est, ^c non inops substantiæ juxta mediocritatem vitæ: sed quia plerumque regnat in rerum opulentia carnis culpa, in quodam facinore lapsus est, quod debuisset valde pertimescere, ac de suæ mortis immanitate cogitare. Reatus ergo sui consideratione compunctus erexit se contra se, mundi hujus omnia dereliquit, monasterium petiit. In quo nimirum monasterio tantæ humilitatis tantæque sibi districtiōnis existit, ut cuncti fratres, qui illic ad amorem divinitatis excreverant, suam cogerentur vitam despiciere, dum illius poenitentiam viderent. Studuit namque

toto

a Bigot. mandavit.

b Item, per poenitentiam.

c In excusis, faventibus inferioris ævi missi non inops substantia. Sic & 1. Marc.

toto mentis adnifu cruciare carnem, voluntates proprias frangere, furtivas orationes querere, quotidianis se lacrymis lavare, despectum sui appetere, oblatam a fratribus venerationem timere. Hic itaque nocturnas fratrum vigilias praevenire consueverat: & quia mons, in quo monasterium situm est, ex uno latere in secretiore parte prominebat, illuc consuetudinem fecerat ante vigilias egredi, ut se quotidie in fletu poenitentiae quanto secretius, tanto liberius mactaret. Contemplabatur namque distractionem venturi iudicis sui, & jam eidem iudici concordans, puniebat in lacrymis reatum facinoris sui. Quadam vero nocte Abbas monasterii vigilans, hunc latenter egredientem intuitus, lento foras pede secutus est. Quem cum in secreto montis ^a latere cerneret in oratione prostratum, expectare voluit quando surgeret, ut ipsam quoque longanimitatem orationis ejus exploraret; cum subito caelitus lux emissa super eum fusa est, qui in oratione prostratus jacebat: tantaque se illo in loco claritas sparsit, ut tota pars regionis illius ex eadem luce candesceret: quam Abbas ut vidit, intremuit, & fugit. Cumque post longum horae spatium idem frater ad monasterium redisset, Abbas ejus ut disceret an super se effusionem tanti luminis agnovisset, requirere eum studuit, dicens: Ubi fuisti, frater? At ille latere posse se credens, in monasterio se fuisse respondit. Quo negante Abbas compulsus est dicere quid vidisset. At ille videns se esse deprehensum, hoc quoque quod Abbatem latebat, aperuit adjungens: Quando super me vidisti lucem de caelo descendere,

vox etiam pariter venit, dicens; Dimissum est peccatum tuum. Et quidem omnipotens Deus peccatum ejus potuit tacendo laxare: sed loquendo per vocem, radiando per lumen, exemplo suae misericordiae nostra ad poenitentiam voluit ^b cor-
da concutere. Miramur, fratres carissimi, quod persecutorem suum Saulum Dominus de caelo prostravit, de caelo allocutus est. Ecce nostris quoque temporibus peccator & poenitens vocem de caelestibus audivit. Illi dictum est; *Quid me persequeris?* Iste vero audire meruit: *Dimissum est peccatum tuum.* Longe est inferior meritis peccator iste poenitens, quam Paulus. Sed quia adhuc in hac re de Saulo loquimur crudelitatem necis anhelante, liceat audenter dicere, quia Saulus propter superbiam, vocem increpationis, iste vero propter humilitatem, vocem consolationis audivit. Hunc quia humilitas straverat, divina pietas erigebat; illum quia superbia erexerat, divina severitas humiliabat. Habete ergo fiduciam, fratres mei, de misericordia Conditoris nostri: cogitate quae facitis, recogitate quae fecistis. Largitatem supernae pietatis aspici-
cite, & ad misericordem iudicem dum adhuc expectat, cum lacrymis venite. Considerantes namque quod justus sit, peccata vestra nolite negligere: considerantes vero quod pius sit, nolite desperare. Praebet apud Deum homini fiduciam Deus homo. Est nobis spes magna poenitentibus, quia advocatus noster factus est iudex noster. ^c Qui vi-
vit & regnat cum Patre & Spiritu sancto Deus in secula seculorum. Amen.

Mat. 9. 4.

S s 2


Le-

^a Secundus Carn. in secreto montis jace-
re; nec pravo sensu.

^b Ita Belvac. C. Germ. Gemet. &c. In
excusis tamen legitur, convertere. Sic & in

1. Marc. convertere.


^c In duobus prioribus Gemet. cui cum
Patre &c. ut in superiorum hom. clausula.



Lectio Sancti Evangelii secundum Lucam.

Luc. Cap. XXI. N. 9. — 19.

- ^a **I**N illo tempore: ^a Dixit Jesus discipulis suis: Cum audieritis praelia & seditiones, nolite terreri: oportet primum hæc fieri, sed nondum statim finis. Tunc dicebat illis: Surget gens contra gentem, & regnum adversus regnum: & terræmotus magni erunt per loca, & pestilentia & fames, terroresque de cælo, & signa magna erunt.
- ^b Sed ^b ante hæc omnia injicient vobis manus suas, & persequentur, tradentes in synagogas & custodias, trahentes ad reges & præfides propter nomen meum. Contingent autem hæc vobis in testimonium. Ponite ergo in cordibus vestris non præmeditari quemadmodum respondeatis. Ego enim dabo vobis os & sapientiam, cui non poterunt resistere & contradicere omnes adversarii vestri. Trademini autem a parentibus & fratribus & cognatis & amicis, & morte afficient ex vobis. Et eritis odio omnibus hominibus propter nomen meum: & pilus de capite vestro non peribit. In patientia vestras possidebitis animas vestras.



HOMILIA XXXV.

- ^d Habita ad populum in basilica sancti Mennæ martyris, ^d die natalis ejus.

De inimicis
nentibus
malis cur
præmonue-
rit Chri-
stus.

^{1.} **Q**uia longius ab urbe digressi sumus, ne ad revertendum nos tardior hora præpediat, necesse est expositionem sancti Evangelii brevior sermo transcurrat. Dominus ac Redemptor noster perituri mundi præcurrentia mala denuntiat, ut eo minus perturbent venientia, quo fuerint præscita.

Minus enim jacula feriunt quæ prævidentur: & nos tolerabilius mundi mala suscipimus, si contra hæc per præscientiæ clypeum munimur. Ecce enim dicit: Cum audieritis praelia & seditiones, nolite terreri: oportet enim primum hæc fieri, sed nondum statim finis. Pensanda sunt verba Redemptoris nostri, per quæ nos

^a C. Germ. Bigot. & tertius Gemet. dicebat: In duobus prioribus Gemet. dixit Dominus Jesus. In Sacrament. Gallic. quod edidit D. J. Mabillon Musei Ital. T. 1. part. 2. semper nomini Jesus præmittitur Dominus.

^b Gullanvil. ante hæc omnia incipient vobis manus suas injicere. Et paulo post, & tradent vos, &c. contradicentibus aliis mss. etli postea num. 2. locus hic evangelicus ita

legatur in mss. Tandem in fine, nulla ratione omittitur, & cognatis & amicis.

^c Est trigesima-quinta in cod. Reg. Suec. ubi legitur, sancti Menni. trigesima-sexta in Later. & trigesima nona in Corb.

^d Later. & primus Gemet. hæc non habent: leguntur in cod. Reg. Suec. Corb. Germ.

nōs aliud intērius, aliud extērius passuros esse denuntiat. Bella quippe ad hostes pertinent, seditiones ad cives. Ut ergo nos indicet intērius extēriusque turbārī, aliud nos fatetur ab hostibus, aliud a fratribus perpeti. Sed his malis prævenientibus, quia non statim finis sequatur, adjungit: *Surget gens contra gentem, & regnum adversus regnum: & terræ motus magni erunt per loca, & pestilentia & fames, terroresque de cælo, & signa magna erunt.* Vel sicut in quibusdam codicibus invenitur, *Terroresque de cælo & tempestates*: Atque post subditur: *Et signa magna erunt.* Ultima tribulatio multis tribulationibus prævenitur; & per crebra mala quæ præveniunt, indicantur mala perpetua quæ subsequuntur. Et ideo post bella & seditiones non statim finis; quia multa debent mala præcurrere, ut malum valeant sine fine nuntiare. Sed cum tot signa perturbationis dicta sint, oportet ut eorum considerationem breviter per singula perstringamus: quia necesse est ut alia e cælo, alia e terra, alia ab elementis, alia ab hominibus patiamur. Ait enim: *Surget gens contra gentem*: ecce perturbatio hominum: *Erunt terræ motus magni per loca*; ecce respectus iræ desuper: *Erunt pestilentia*; ecce inæqualitas corporum: *Erit fames*; ecce sterilitas terræ: *Terroresque de cælo & tempestates*; ecce inæqualitas aeris. Quia ergo omnia consummanda sunt, ante consummationem omnia perturbantur: & qui in cunctis deliquimus, in cunctis ferimur, ut impleatur quod dicitur: *Et pugnabit pro eo orbis terrarum contra insensatos*. Omnia namque quæ ad usum vitæ accepimus, ad usum convertimus culpæ: sed cuncta quæ ad usum pravitatis infleximus, ad usum nobis vertuntur ultionis. Tranquillitatem quippe humanæ pacis,

ad usum vertimus vanæ securitatis: peregrinationem terræ pro habitatione dileximus patriæ: salutem corporum redeimus in usum vitiorum: ubertatis abundantiam non ad necessitatem carnis, sed ad pervertitatem intorsimus voluptatis: ipsa serena blandimenta aeris, ad amorem nobis servire coegimus terrenæ delectationis. Jure ergo restat, ut simul nos omnia feriant, quæ simul omnia vitiis nostris male subacta serviebant: ut quot prius in mundo incolumes habuimus gaudia, tot de ipso postmodum cogamur sentire tormenta. Notandum vero quod dicitur. *Terrores de cælo & tempestates*. Cum tempestates hiemales venire ex ordine soleant temporum, cur hoc loco tempestates venire in perditionis signum prædicuntur, nisi quod eas tempestates Dominus venire denuntiat, quæ nequaquam ordinem temporum servant? Quæ enim ordinate veniunt, signum non sunt: sed tempestates in signum sunt, quæ ipsa quoque temporum statuta confundunt. Quod nos quoque nuper experti sumus, quia æstivum tempus omne conversum in pluvias hiemales vidimus.

2. Quia autem cuncta hæc non de injustitia ferientis sunt, sed de merito mundi patientis, facta pravorum hominum præmittuntur, cum dicitur: *Sed ante hæc omnia incipient vobis manus suas injicere, & persequentur, & tradent vos in synagogas, ducentes ad reges & præfides propter nomen meum*. Ac si aperte dicat: Prius corda hominum, & post elementa turbantur: ut cum rerum ordo confunditur, ex qua jam retributione veniat, demonstratur. Nam quamvis finis mundi ex ipso suo ordine pendeat, pervertiores tamen quosque inveniens, qui digne ruinis illius opprimantur, innotescit, cum subditur: *Ducentes ad reges & præfides propter nomen meum*.

Perturbationem & confusionem cordium, sequetur elementorum turbatio & inordinatio.

In cunctis deliquimus; in cunctis ferimur.

Sap. 5. 21.
Pater. in
Sap. c. 3.

Exilium pro patria diligimus.

^a *meum*. ^a *Contingent autem hac vobis in testimonium*. In testimonium videlicet quorum, nisi eorum qui aut persequendo mortes inferunt, aut videndo ^b non imitantur? Mors quippe iustorum bonis in adiutorium est, malis in testimonium: ut inde perversi sine excusatione pereant, unde electi exemplum ^c capiunt ut vivant.

Infirmorum corda consolatio ne contra ventura mala muniantur.

3. Sed auditis tot terroribus turbari poterant infirmorum corda, atque ideo consolatio adjungitur, cum protinus subinfertur: *Ponite ergo in cordibus vestris non prae-meditari quemadmodum responderatis*. Ego enim dabo vobis os & sapientiam, cui non poterunt resistere & contradicere omnes adversarii vestri. Ac si aperte membris suis infirmantibus dicat: Nolite terreri, nolite pertimescere: vos ad certamen acceditis, sed ego praelior: vos verba editis, sed ego sum qui loquor. Sequitur: *Tradimini autem a parentibus & fratribus, & cognatis & amicis, & morte afficient ex vobis*. Minorem dolorem mala ingerunt quæ ab extraneis inferuntur. Plus vero in nobis ea tormenta sæviunt, quæ ab illis patimur de quorum mentibus præsumebamus: quia cum damno corporis, mala nos cruciant amissæ caritatis. Hinc est enim quod de Juda traditore suo per Psalmistam Dominus dicit: *Et quidem si inimicus meus maledixisset mihi, d supportasset utique: & si is qui oderat me, super me magna locutus fuisset, abscondissem me utique ab eo*. Tu vero homo unanimis, dux meus & notus meus, qui simul mecum dulces capiebas cibos, in domo Dei ambulavimus cum consensu. Et

Vulnera, ab amicis in afflictis graviora.

Ps. 54. v. 13. & c.

^d *supportasset utique: & si is qui oderat me, super me magna locutus fuisset, abscondissem me utique ab eo*. Tu vero homo unanimis, dux meus & notus meus, qui simul mecum dulces capiebas cibos, in domo Dei ambulavimus cum consensu. Et

^a Corb. *continget autem vobis*.

^b Excusi, reluctantibus mss. *non mutantur*.

^c Secundus Carn. *capiunt salutis, ut vivunt*.

^d Duo priores *Gemet. sustinuissem, &*

rursum: *Homo pacis meæ in quo sperabam, & qui edebat panes meos, & ampliavit adversum me supplantationem*. Ac si de traditore suo apertis vocibus dicat: Transgressionem ejus tanto gravius pertuli, quanto hanc ab eo qui meus esse videbatur, sensi. Omnes ergo electi quia summi capitis membra sunt, caput quoque suum in passionibus sequuntur, ut ipsos adversarios in sua morte sentiant, de quorum via præsumebant, & tanto eis crescat ^f merces operis, quanto eis virtutis lucrum proficit ex alienæ damno caritatis.

Spes resurrectionis omnium lenit.

4. Sed quia dura sunt quæ prædicuntur de afflictione mortis, protinus consolatio subditur de gaudio resurrectionis, cum dicitur: *Capillus de capite vestro non peribit*. Scimus, fratres, quia caro incisa dolet, capillus incisus non dolet. Ait ergo martyribus suis: *Capillus de capite vestro non peribit*: videlicet aperte dicens: Cur timetis ne pereat quod incisum dolet, quando & illud in vobis perire non potest quod incisum non dolet? Sequitur: *In patientia vestra possidebitis animas vestras*. Idcirco possessio animæ in virtute patientiæ ponitur, quia ^g radix omnium custodique virtutum patientia est. Per patientiam vero possidemus animas nostras; quia dum nobis ipsis dominari nescimus, hoc ipsum incipimus possidere quod sumus. ^h Patientia vero est, aliena mala æquanimitate perpeti, contra eum quoque qui mala irrogat, nullo dolore morderi. Nam qui sic proximi mala portat, ut tamen tacitus doleat, & tempus dignæ retributionis quærat, patientiam non exhibet, sed ostendit.

g Et custos omnium virtutum patientia.

h

paulo post, *forſitan ab eo*; consentiente Bigot.

^e Bigot. *multiplicavit*.

^f Belvac. *lucrum operis*.

^g Secundus Carn. *radix bonorum omnium*

^h Bigot. *patientia vera*.

dit . Scriptum quippe est : *Caritas*
 1. *Cor. 13. 4* *patiens est , benigna est* . Patiens
 namque est , ut aliena mala tole-
 ret ; benigna vero est , ut ipsos e-
 tiam quos portat , ^a amet . Hinc
 2 namque per semetipsam Veritas di-
 cit : *Diligite inimicos vestros , bene-*
Matr. 5. 44. *facite his qui oderunt vos , orate pro*
Luc. 6. 27. *persequentibus & calumniantibus vos* .

Pater. in
Matth. 17.

Virtus itaque est coram hominibus ,
 adversarios tolerare ; sed virtus co-
 ram Deo , diligere : quia hoc so-
 lum Deus sacrificium accipit , quod
 ante ejus oculos in altari boni o-
 peris flamma caritatis incendit .

Vera &
 falsa pa-
 tientiae
 signa .

5. Sciendum vero quod plerum-
 que ideo patientes esse videmur ,
 quia retribuere mala non possumus .
 Sed quidcirco malum non retribuit
 quia nequaquam valet , proculdu-
 bio , ut praediximus , patiens non
 est : quia patientia non in ostensio-
 ne inquiritur , sed in corde . Per
 impatientiae autem vitium , ipsa vir-
 tutum nutrix doctrina dissipatur .
 Scriptum namque est : *Doctrina viri*
Prov. 19. 11. *per patientiam noscitur* . Tanto ergo
 quisque minus ostenditur doctus ,
 quanto vincitur minus patiens .
 Neque enim potest veraciter bo-
 na docendo impendere , si viven-
 do nesciat aequanimiter aliena
 mala tolerare . Quanto enim culmi-
 ne virtus patientiae polleat , rursus
 Salomon indicat , dicens : *Melior est*
Prov. 16. 32. *patiens viro forti ; & qui domina-*
tur animo suo , expugnatore urbium .
 Minor est ergo victoria , urbes ex-
 pugnare : quia extra sunt quae
 vincuntur . Majus autem est quod
 per patientiam vincitur ; quia ipse
 a se animus superatur , & semet-
 ipsum sibi metipso subjicit , quando
 cum patientia in humilitate tole-
 rantiae sternit . Sciendum vero est ,

quod plerumque evenire patientibus
 solet , ut eo quidem tempore quo
 adversa patiuntur vel contumelias
 audiunt , nullo dolore pulsantur : &
 sic patientiam exhibeant , ut custo-
 dire etiam cordis innocentiam cu-
 rent . Sed cum post paululum haec
 ipsa quae pertulerint , ad memoriam
 revocant , igne vehementissimi do-
 loris instigantur : argumenta ultio-
 nis inquirunt , & mansuetudinem
 quam tolerantes habuerunt , in re-
 tractatione sua semetipsos dijudican-
 tes perdunt .

6. Callidus namque adversarius
 bellum contra duos movet , unum
 videlicet inflammans , ut contume-
 lias prior inferat : alterum vero pro-
 vocans , ut contumelias laesus reddat .
 Sed quia ejus jam victor existit
 quem ad proferendas contumelias
 commovit : contra illum acrius do-
 let , quem ad reddendas injurias
 commovere non potuit : unde fit ,
 ut tota se virtute contra eum eri-
 gat , quem contumelias fortiter per-
 tulisse considerat . Quem quia com-
 movere in ipsa ^b injuriarum jacu-
 latione non potuit , ab aperto cer-
 tamine interim recedens , in secreta
 cogitatione , deceptionis tempus in-
 quirat : & qui publico bello ^c per-
 didit , ad exhibendas occulte insidias
 exardescit . Quietis namque jam tem-
 pore ad victoris animum redit , &
 vel damna rerum , vel injuriarum
 jacula ad memoriam reducit : cun-
 ctaque quae sibi illata sunt , vehe-
 menter exaggerans , fuisse intolerabi-
 lia ostendit , & quiescentis animum
 tanto furore conturbat , ut plerum-
 que vir patiens illa se aequanimiter
 tolerasse , etiam post victoriam ca-
 ptivus erubescat : seque non reddi-
 disse contumelias doleat , & deteriora

Saepe pa-
 tientia ,
 statim ex-
 hibita , post-
 modum
 amittitur .

Diaboli ar-
 tes ut ad
 impatien-
 tiam nos
 accendat

b

c

re-

^a Additur in Bigot. & ut sua bona lar-
 gius praestet . Hinc .

^b Val-cl. & Longip. injuriarum contu-
 melia .

^c Solet Greg. hoc verbum absolute usur-
 pare , ut in Praef. Moral. cap. 5. num. 6.
 Quid aliud quam Deum , qui pro illo pro-
 posuerat , perdidisse reprehendit .

Aliquando
in campo
victores,
intra mu-
ros capiun-
tur.

2

rependere si occasio præbeatur, quærat. Quibus ergo isti sunt similes, nisi his qui per fortitudinem in campo victores sunt, sed per negligentiam postmodum intra urbis claustra capiuntur? Quibus isti sunt similes, nisi his quos irruens gravis languor a vita non subtrahit, ^a sed leviter veniens recidiva febris occidit? Ille ergo veraciter patientiam servat, qui & ad tempus aliena mala sine dolore tolerat, & hæc eadem retractans, pertulisse se talia exsultat: ne bonum patientiæ quietis tempore pereat, quod in perturbationibus custoditur.

In Ecclesiæ
pace Mar-
tyrum præ-
mia possumus
consequi.

Pater. in
Matth. c. 91.
b

7. Sed quia natalem Martyris hodierna die colimus, fratres mei, nequaquam nos a virtute ejus patientiæ existimare extraneos debemus. Si enim adjuvante nos Domino virtutem patientiæ servare contendimus, & in pace Ecclesiæ vivimus, & tamen martyrii palmam tenemus. Duo quippe sunt martyrii genera, ^b unum in mente, aliud in mente simul & actione. Itaque esse martyres possumus, etiam si nullo percutientium ferro trucidemur. Mori quippe a persequente, martyrium in aperto opere est: ferre vero contumelias, odientem diligere, martyrium est in occulta cogitatione. Nam quia duo sunt martyrii genera, unum in occulto opere, aliud in publico, testatur Veritas, quæ Zebedæi filios requirit, dicens: *Potestis bibere calicem, quem ego bibiturus sum?* Cui cum protinus responderent: *Possumus*; illico Dominus respondit, dicens: *Calicem quidem meum biberis*. Quid enim per calicem, nisi dolorem passionis accipimus? De quo alias dicit: *Pater, si fieri potest, transeat a me calix iste*. Et Zebedæi filii, id est Jacobus & Johannes, non uter-

Mat. 20. 22.

Id. 26. 39.

que per martyrium occubuit, & tamen quod uterque calicem biberet, audivit. Johannes namque nequaquam per martyrium vitam finivit, sed tamen martyr exstitit; quia passionem, quam non suscepit in corpore, servavit in mente. Et nos ergo hoc exemplo sine ferro esse possumus martyres, si patientiam in animo custodimus. Non abs re arbitror, fratres carissimi, si unum vobis exemplum servandæ patientiæ ad ædificationem loquar.

8. Fuit quidam diebus nostris Stephanus nomine, pater monasterii juxta Reatinæ urbis mœnia constituti, vir valde sanctus, virtute patientiæ singularis. Et supersunt multi qui illum noverunt, ejusque vel vitam vel obitum narrant. Erat autem hujus lingua rustica, sed docta vita. Hic pro amore cœlestis patriæ cuncta despexerat, possidere aliquid in hoc mundo fugiebat: tumultus devitabat hominum, crebris ac prolixioribus orationibus intentus erat. Virtus tamen patientiæ in eo vehementer excreverat, ita ut eum sibi amicum crederet, qui sibi molestiæ aliquid irrogasset: reddebat contumeliis gratias: si quod in ipsa sua inopia damnum ei fuisset illatum, hoc maximum lucrum putabat: omnes suos adversarios nihil aliud quam adiutores æstimabat. Hunc cum dies mortis egredi de corpore urgeret, convenerunt multi, ut tam sanctæ animæ de hoc mundo recedenti suas animas commendarent. Cumque circa lectum illius hi qui convenerant, omnes assisterent: alii corporis oculis ingredientiæ angelos viderunt, sed dicere aliquid nullo modo potuerunt, alii omnino nihil viderunt: sed omnes qui aderant ita

Patientiæ
exemplum
in Stephano
Abbate.

Stephani
felix obi-
tus.

^a Belevac. Longip. Val-cl. sed limitèr. Secundus Carn. habet, rediiva pro recidiva.

^b In Corb. Germ. unum in publico;

aliud in mente simul & actione. In Bigot. & secundo Carn. unum in publico, aliud in occulto: unum in mente, aliud in mente simul &c.

ita vehementissimus timor perculit, ut nullus, egrediente illa sancta anima, illic stare potuisset. Et hi ergo qui viderant, & hi qui omnino nihil viderant, uno omnes timore perculsi & territi fugerunt, nullusque illic assistere illo moriente potuit. Pensate ergo, fratres, omnipotens Deus qualiter terreat quando districtus iudex venturus est, si sic assistentes terruit quando gratus & remunerans venit: aut qualiter timeri potest cum videri potuerit, si sic mentes præsentium stravit & quando videri non potuit. Ecce, fratres carissimi, servata illa in Ecclesiastica pace patientia, ad quantum hunc retributionis culmen evexit. Quid huic suus Conditor intus dedit, de quo nobis tantum in die ejus exitus & foris innotuit? Quibus hunc credamus nisi sanctis Martyribus sociatum, quem attestantibus corporeis quoque oculis, a beatis spiritibus constat esse susceptum? Nullo iste gladio percussus occubuit, & tamen coronam patientiæ quam in mente tenuit, in egressione percepit. Probamus quotidie verum esse quod ante nos dictum est: ^a quia sancta Ecclesia electorum floribus plena, habet in pace lilia, in bello rosas.

a

Quot modis patientia exercetur.

9. Sciendum præterea est, quod tribus modis virtus patientiæ exerceri solet. Alia namque sunt quæ a Deo, alia quæ ab antiquo adversario, alia quæ a proximo sustinemus. A proximo namque persecutiones, damna, & contumelias: ab antiquo vero adversario tentamenta: a Deo autem flagella toleramus. Sed in his omnibus tribus modis vigilantibus oculo semetipsam debet mens cir-

cumspicere, ne contra mala proximi pertrahatur ad retributionem mali: ne contra tentamenta adversarii ^b seducatur ad delectationem vel consensum delicti: ne contra flagella opificis ad excessum proruat murmurationis. Perfecte enim adversarius vincitur, quando mens nostra & inter tentamenta ejus a delectatione atque consensu ^c non trahitur: & inter contumelias proximi custoditur ab odio: & inter flagella Dei compefcitur a murmuratione. Nec hæc agentes, retribui nobis bona præsentia requiramus: nam pro labore patientiæ bona speranda sunt sequentis vitæ; ut tunc præmium nostri laboris incipiat, quando omnis jam labor funditus cessat. Unde per Psalmistam dicitur: *Non in finem oblivio erit pauperis: patientia pauperum non peribit in finem.* Quasi enim perisse patientia pauperum cernitur, cum nihil pro illa in hac vita humilibus recompensatur. Sed patientia pauperum in finem non peribit: quia tunc ejus gloria percipitur, cum simul omnia laboriosa terminantur. Servate ergo, fratres, in mente patientiam, eamque cum res exigit, exercete in operatione. Nullum vestrum ad odium proximi, contumeliosa verba commoveant, nulla periturarum rerum damna perturbent. Si enim fixa mente mansura damna pertimescitis, damna rerum transeuntium gravia non putatis: si æternæ retributionis gloriam ^d conspiciatis, de temporali injuria non doletis. Tolerate ergo adversarios vestros: sed ut fratres diligite, quos toleratis. Æterna præmia pro damnis temporalibus quærite. Nec quis-

b

c

Pat. in Ps. cap. 21.

Ps. 9. 19.

Pater. in Excerpt. in Ps. 9. 19.

d

A quibus premimur, ut fratres diligendi.

^a Hæc sunt verba Cypr. loco assignato; floribus ejus nec lilia, nec rosa desunt. In novissima edit. est nunc ep. 10. sine ulla librorum distinctione.

^b Duo priores Gemet. ac Bigot. deleverunt. Tom. V.

tionem ac consensum.

^c Primus Carn. restringitur.

^d Ita MSS. & vet. ed. In recent. concin. piscitis.

^a quisquam vestrum suis se viribus ^a hanc implere posse confidat : sed obtinete precibus, ut ipse hanc qui imperat, præstet. Et scimus quia petentes libenter audit, quando hoc petitur largiri quod jubet . Cum

continue pulsatur in præce, concite opitulatur in tentione, per Jesum Christum Dominum nostrum, qui cum eo vivit & regnat Deus in unitate Spiritus sancti, in secula seculorum . Amen.

b Bigot. hac implere . Quod præferendum duceremus, nisi legeretur in aliis pe-

ne omnibus & excusis, hanc, nimirum *patientiam* .



Lectio sancti Evangelii secundum Lucam.

Luc. Cap. XIV. ̄. 16. — 24.

^a **I**N illo tempore: Dixit Jesus ^a Phariseis similitudinem hanc: Homo quidam fecit cœnam magnam, & vocavit multos: Et misit servum suum hora cœnæ dicere invitatis ut venirent: quia jam parata sunt omnia. Et cœperunt omnes simul excusare. Primus dixit ei: Villam emi, & necesse habeo exire, & videre illam: rogo te, babe me excusatum. Et alter dixit: Iuga boum emi quinque, & eo probare illa: rogo te, babe me excusatum. Et alius dixit: Uxorem duxi, & ideo non possum venire. Et reversus servus nuntiavit hac domino suo. Tunc iratus paterfamilias dixit servo suo. Exi cito in plateas & vicos civitatis, & pauperes ac debiles, & cæcos & claudos introduce hic. Et ait servus: Domine, factum est ut imperasti, & adhuc locus est. Et ait dominus servo. Exi in vias, & sepes, & compelle intrare, ut impleatur domus mea. Dico autem vobis, quod nemo virorum, illorum qui vocati sunt, gustabit cœnam meam.

^b **H O M I L I A XXXVI.**

^c Habita ad populum in basilica beatorum Apostolorum ^c Philippi & Jacobi: Dominica secunda post Pentecosten.

Carnalium
& spiritua-
lium deli-
ciarum dis-
ferentia.

I. **H**OC distare, fratres carissimi, inter delicias corporis & cordis solet, quod corporales deliciæ cum non habentur, grave in se desiderium accendunt: cum vero habitæ eduntur, comedentem protinus in fastidium per satietatem vertunt. At contra spirituales deliciæ cum non habentur, in fastidio sunt: cum vero habentur, in desiderio; tantoque a comedente amplius esuriuntur, quanto & ab esuriente amplius comedun-

tur. In illis appetitus placet, experientia displicet: in istis appetitus vilis est, & experientia magis placet. In illis appetitus saturitatem, saturitas fastidium generat: in istis autem appetitus saturitatem, saturitas appetitum parit. Augent enim spirituales deliciæ desiderium in mente, dum satiant: quia quanto magis earum sapor percipitur, eo amplius cognoscitur quod avidius ametur. Et idcirco non habitæ amari non possunt, quia earum sapor

<sup>Pater. in
Psalm. c. 70.</sup>

T t 2 igno-

^a 1. Marc. discipulis suis.

^b In Lateran. est vigeima tertia. In C. Reg. Suec. est vigeima-octava. In Corb. vigeima-secunda.

^c In Lateran. legitur tantum, in basilica SS. Apostolorum. In C. Reg. Suec. nulla quoque fit mentio dominicæ secundæ, nec in priori Gemet.

ignoratur. Quis enim amare valeat quod ignorat? Proinde Psalmista nos admonet, dicens: *Gustate, & videte quoniam suavis est Dominus*. Ac si aperte dicat: Suavitatem ejus non cognoscitis, si hanc minime gustatis. Sed cibum vitæ ex palato cordis tangite, ut probantes ejus dulcedinem amare valeatis. Has autem homo delicias tunc amisit, cum in paradiso peccavit: extra exiit, cum os a cibo ^a æternæ dulcedinis clausit. Unde nos quoque nati in hujus peregrinationis ærumna, huc fastidiosi jam venimus, nec scimus quid desiderare debeamus: tantoque se amplius fastidii nostri morbus exaggerat, quanto magis ^b ab esu illius dulcedinis animus elongat: & eo jam internas delicias non appetit, quo eas comedere diu longeque ^c defuevit. Fastidio ergo nostro tabescimus, & longa inedia peste fatigamur. Et quia gustare intus nolumus paratam dulcedinem, amamus foris miseri famem nostram. Sed superna nos pietas nec deferentes se ^d deserit.

Ad cœlestes delicias invitavit nos Christus.

2. Contemptas enim illas delicias ad memoriæ nostræ oculos revocat, easque nobis proponit: in promissione torporem excutit, atque ut fastidium nostrum repellere debeamus invitat. ^e Ait namque: *Homo quidam fecit cœnam magnam, & vocavit multos*. Quis est iste homo, nisi ille de quo per Prophetam dicitur: *Et homo est, & quis cognovit eum?* Qui fecit cœnam magnam; quia satietatem nobis dulcedinis internæ præparavit. Qui vocavit multos, sed pauci veniunt: quia nunquam ipsi qui ei per fidem subiecti sunt, æterno ejus convivio male vivendo contradicunt. Sequi-

tur: *Misit autem servum suum hora cœnæ dicere invitatis ut venirent*. Quid hora cœnæ, nisi finis est mundi? In quo nimirum nos sumus, sicut jamdudum Paulus testatur, dicens: *Nos sumus in quos fines seculorum devenerunt*. Si ergo jam hora cœnæ est cum vocamur, tanto minus nos debemus excusare convivio Dei, quanto propinquasse jam cernimus finem seculi. Quo enim pensamus quia nihil est quod restat, eo debemus pertimescere, ne tempus gratiæ quod præsto est, pereat. Idcirco autem hoc convivium Dei non prandium, sed cœna vocatur: quia post prandium cœna restat, post cœnam vero convivium nullum restat. Et quia æternum Dei convivium nobis in extremo præparabitur, rectum fuit ut hoc non prandium, sed cœna vocaretur. Sed quis per hunc servum, qui a patrefamilias ad invitandum mittitur, nisi prædicatorum ordo designatur? De quo videlicet ordine quamvis ^f adhuc indigni existimus, quamvis peccatorum nostrorum pondere gravamur: & nos tamen in istis diebus sumus, & cum de ædificatione vestra aliquid vobis loquor, hoc est quod ago: servus enim sum summi patrisfamilias. Cum vos admoneo ad contemptum seculi, invitare vos venio ad cœnam Dei. Nemo me propter me hoc in loco despiciat. Et si ad invitandum nequaquam dignus appareo, sed tamen magnæ sunt deliciæ quas promitto. Sæpe fratres mei, solet evenire quod dico, ut persona potens famulum habeat despectum: cumque per eum suis forte vel extraneis aliquod responsum mandat, non despicitur persona loquentis servi, quia servatur in corde reverentia mittent-

Cur cœlestes epulæ, cœna non prandium vocantur.

^a Gemet. interna dulcedinis.

^b 1. Marc. ab esus voluptate dulced. se an. el.

^c Bigot. defuit.

^d Additur in secundo Carn. res bona

sua fastidientes relinquit. Contemptas.

^e In Belvac. C. Germ. & Bigot. invitavit: nam homo quidam &c. Sic & 1. Marc.

^f Belvac. ad hunc indigni.

tentis domini. Nec pensant qui audiunt per quem, sed quid vel a quo audiant. Ita ergo, fratres, ita vos agite, & si nos forsitan digne despicitis, in mente tamen vestra a vocantis Domini reverentiam servate. Convivæ fieri summi patrisfamilias libenter obedite. Corda vestra discutite, atque ex eis mortale fastidium pellite. Ad repellendum namque fastidium vestrum jam parata sunt omnia. Sed si adhuc carnales estis, fortasse epulas carnales inquiritis. Ecce ipsæ carnales epulæ in spirituale vobis alimentum conversæ sunt. Ad abstergendum namque mentis vestræ fastidium, in cœna Domini ille vobis singularis agnus est occisus.

In cœna
Dominus
ipse nobis
ministratur.

Hominum
oblaras de-
licias re-
spuentium
dementia.

3. Sed quid agimus, qui hoc quod subjungitur, adhuc fieri a multis videmus? *Et ceperunt omnes simul excusare.* Offert Deus quod rogari debuit; non rogatus dare vult quod vix sperari poterat, b quia dignaretur largiri postulatus, contemnitur. Paratas vero delicias refectionis æternæ denuntiat, & tamen simul omnes excusant. Ponamus ante oculos mentis minima, ut possimus digne pensare majora. Si quispiam potens ad invitandum quemlibet pauperem mitteret, quid, fratres, rogo, quid pauper ille faceret, nisi de eadem sua invitatione gauderet, responsum humile redderet, vestem mutaret, ire quantocius festinaret, ne prior se ad potentis convivium alter occurreret? Homo ergo dives invitat, & pauper occurrere festinat: ad Dei invitamur convivium, & excusamus. Sed ecce inter hæc æstimare possum quid sibi corda vestra respondeant. Occultis enim fortasse sibi cogitationibus dicunt: Excusare nolumus. Ad illud enim supernæ refectionis convivium

& vocari & pervenire gratulamur?

4. Loquentes vobis talia mentes vestræ verum dicunt, si non plus terrena quam cœlestia diligunt; si non amplius rebus corporalibus, quam spiritualibus occupantur. Unde hic quoque ipsa excusantium causa subjungitur, cum protinus subinfertur: *Primus dixit: Villam emi, & necesse habeo exire, & videre illam, rogo te, habe me excusatum.* Quid per villam, nisi terrena substantia designatur? Exiit ergo videre villam, qui sola exteriora cogitat propter substantiam. *Alter dixit: Jugum boum emi quinque, & eo probare illa: rogo te, habe me excusatum.* Quid in quinque jugis boum, nisi quinque corporis sensus accipimus? Qui recte quoque juga vocati sunt; quia in utroque sexu geminantur. Qui videlicet corporales sensus, quia interna comprehendere nesciunt, sed sola exteriora cognoscunt, & deferentes intima, ea quæ extra sunt tangunt, recte per eos curiositas designatur. Quæ dum alienam quærit vitam discutere, semper sua intima nesciens, studet exteriora cogitare. Grave namque curiositatis est vitium, quæ dum cujuslibet mentem ad investigandam vitam proximi exterius ducit, semper ei sua intima abscondit, ut aliena sciens, se nesciat: & curiosi animus quanto peritus fuerit alieni meriti, tanto fiat ignarus sui. Propter hoc namque & de eisdem quinque jugis boum dicitur: *Eo probare illa: rogo te, habe me excusatum.* Ipsa enim excusantis verba a vitii sui significatione non discrepant, dum dicit: *Eo probare illa*, quia videlicet aliquando pertinere probatio ad curiositatem solet. Sed notandum est, quod & is qui propter vil-

Futiles eo-
rum excu-
sationes ex-
plicantur.

Curiosus a-
liena sciens
se nescit.

Excusan-
tium se re-
sponso su-
perba humi-
litem fin-
git.

a Bigot. mittentis Domini.

b Locum hunc vitiatum & interpolatum restituiimus ex C. Germ. Belvac. Carnu. In editis legitur: quia dignaretur largiri

postulatus, & tamen contemnitur: contemtorius vero paratas &c. 1. Marc. & exam cent.

a

villam, & is qui propter probanda juga boum a cœna sui invitatoris excusat, humilitatis & verba permiscet, dicens: *Rogo te, habe me excusatum.* Dum enim dicit, *Rogo te*, & tamen venire contemnit, humilitas sonat in voce, superbia in actione. Et ecce hæc dijudicat pravus quisque cum audit: nec tamen ea quæ dijudicat, agere desistit. Nam dum cuilibet perverse agenti dicimus, *Convertere, Deum sequere, mundum relinque*: ubi hunc nisi ad Dominicam cœnam vocamus? Sed cum respondet: *Ora pro me, quia peccator sum; hoc facere non possum: quid aliud agit, nisi & rogat & excusat?* Dicens namque, *Peccator sum, humilitatem insinuat*: subjungens autem, *Converti non possum, superbiam demonstrat.* Rogando ergo excusat, qui & humilitatem superinducit in voce, & superbiam exercet in actione.

Prima responsio est avarorum; secunda, curiosorum; tertia, eorum qui carnis voluptatibus sunt dediti.

b

5. *Alius autem dixit: Uxorem duxi, & ideo non possum venire.* Quid per uxorem, nisi voluptas carnis accipitur? Nam quamvis bonum sit conjugium, atque ad propagandam sobolem providentia divina constitutum: nonnulli tamen non per hoc secunditatem prolis, sed desideria expetunt voluptatis, & idcirco per rem justam significari potest non incongrue res injusta. Ad cœnam ergo vos æterni convivii summus paterfamilias invitat; sed dum alius avaritiæ, alius curiositati, alius voluptati carnis est deditus, nimirum reprobi simul omnes excusant. Dum hunc terrena cura occupat, illum alieni actus sagax cogitatio devastat, alterius etiam mentem voluptas carnalis inquinat, fastidiosus quisque ad æternæ vitæ epulas non festinat.

Repudiatis superbis, humiles eliguntur & pauperes.

6. Sequitur: *Reversus servus nun-*

a Belvac. *promisit dicens.*

b Idem, *terrena occupant.*

c Bigot. Val-cl. Longip. *cur hoc nisi quia.*

tiavit hæc domino suo. Tunc iratus paterfamilias dixit servo suo: Exi cito in plateas & vicos civitatis, & pauperes ac debiles, & cecos & claudos introduc huc. Ecce qui terrenæ substantiæ plus iusto incubat, venire ad Dominicam cœnam recusat: qui labori curiositatis insudat, præparata vitæ alimenta fastidit: qui carnalibus desideriis inservit, spiritualis convivii epulas respuit. Quia ergo venire superbi renuunt, pauperes eliguntur. c Cur hoc? Quia juxta Pauli vocem, *In-* c
firma mundi eligit Deus, ut confundat fortia. Sed notandum est quomodo describantur qui ad cœnam vocantur, & veniunt, *Pauperes ac debiles.* d Pauperes & debiles dicuntur, qui iudicio suo apud semetipsos infirmi sunt. Nam pauperes & quasi fortes sunt, qui & positi in paupertate superbiunt. Cæci vero sunt, qui nullum ingenii lumen habent. Claudii quoque sunt, qui rectos gressus in operatione non habent. Sed dum morum vitia in membrorum debilitate signantur, profecto liquet, quia sicut illi peccatores fuerunt qui vocati venire noluerunt: Ita hi quoque peccatores sunt qui invitantur & veniunt. Sed peccatores superbi respuuntur, ut peccatores humiles eligantur.

7. Hos itaque elegit Deus, quos despiciat mundus: quia plerumque ipsa despectio hominem revocat ad semetipsum. Is enim qui patrem reliquit, & partem substantiæ quam perceperat, prodige expendit, postquam esurire cœpit, in se reversus dixit: *Quanti e mercenarii in domo patris mei abundant panibus?* Longe quippe a se discesserat, quando peccabat. Et si non esurisset, in semetipsum minime rediisset: quia

Despectus revocat hominem ad semetipsum, & ad Deum. Pat. in 1. Reg. c. 15. & in Luc. c. 43.

Luc. 15. 17.

c

d In Carn. Bigot. & 4. Anglic. omittitur, *pauperes.*

e Bigot. *mercenarii patris mei.*

quia postquam terrenis rebus indiguit, tunc cogitare cœpit quid de spiritualibus amisit. Pauperes ergo & debiles, cæci & claudi vocantur, & veniunt: quia infirmi quique, atque in hoc mundo despecti, plerumque tanto celerius vocem Dei audiunt, quanto & in hoc mundo non habent ubi delectentur. Quod bene Amalecitarum puer ille Ægyptius designat, qui Amalecitis prædantibus atque currentibus æger remansit in via, & fame sitique aruit. Quem tamen David invenit, ei cibum potumque præbuit: qui illico convalescens dux David factus est. Convivantes Amalecitas reperit, & eos qui se debilem reliquerant, cum magna fortitudine prostravit. Amalecita quippe Populus ^a lambens vocatur. Et quid per lambentem populum, nisi mentes secularium designantur? Quæ terrena cuncta ambiendo quasi lambunt, dum solis temporalibus delectantur. Quasi enim populus lambens, prædam facit, dum terrena diligentes, lucra de alienis damnis exaggerant. Sed puer Ægyptius æger in via relinquitur: quia peccator quisque dum infirmari ab hujus mundi statu cœperit, mox secularibus mentibus in despectum venit. Quem tamen David invenit, eique cibum & potum præbet: quia manu sortis Dominus abjecta mundi non despicit, & plerumque eos qui sequi mundum minime valentes, quasi in via remanent, ad amoris sui gratiam convertit, eisque verbi sui cibum potumque porrigit; & quasi duces sibi in via eligit, dum suos etiam prædicatores facit. Dum enim Christum peccatorum cordibus inferunt, quasi David super hostes ducunt. Qui convivantes Amalecitas velut

David gladio feriunt: quia superbos quosque qui se in mundo despexerant, Domini virtute prosterunt. Puer ergo Ægyptius qui in via remanserat, Amalecitas interficit: quia plerumque ipsi mentes secularium prædicando superant, qui prius cum secularibus in hoc mundo currere non valebant.

8. Sed deductis ad cœnam pauperibus, quid puer subjungat audiamus: *Domine, factum est* ^b *ut imperasti, & adhuc locus est.* Multi tales ad cœnam Dominicam ex Judæa collecti sunt, sed multitudo quæ ex Israelitico populo credidit, locum superni convivii non implevit. Intravit jam frequentia Judæorum: sed adhuc locus vacat in regno, ubi suscipi debeat numerositas Gentium. Unde & eidem servo dicitur: *Exi in vias & sepes, & compelle intrare, ut impleatur domus mea.* Cum de vicis & plateis ad cœnam quosdam Dominus invitat, illum videlicet populum designat, qui tenere Legem sub urbana conversatione noverat: ^c cum vero convivias suos colligi ex viis & sepibus præcipit, nimirum agrestem populum colligere, id est Gentilem quærit, de cujus significatione per Psalmistam dicitur: *Tunc exsultabunt omnia ligna silvarum ante faciem Domini, quoniam venit.* Ligna enim silvæ Gentes vocatæ sunt: qua in infidelitate sua tortæ & infructuosæ semper fuerunt. Qui ergo ex illo agresti usu conversi sunt, ad cœnam Dominicam quasi ex sepibus venerunt.

9. Notandum vero est quod in hac invitatione tertia non dicitur, *Invita*; sed, *Compelle intrare*. Alii enim vocantur, & venire contemnunt: alii vocantur & veniunt:

alii

^a Belvac. & C. Germ. *lambiens*. Paulo post, *lambunt, lambientem*.

^b Belvac. *quod imperasti*.

^c 1. Marc. *Cum vero convivias suis ex-*

hibet, & renunt; de sepibus præcipit nimirum agrestem populum colligere: id est, gentiles quærit.

Judæis Jo. cum cœnæ non replentibus, intrant Gentiles.

^b

^c

Psal. 95. 12.

Gentes a Prophetâ ligna silvæ vocantur.

Pater, in Ps. c. 197.

Aliqui non invitantur, ad convivium, sed compelluntur.

alii autem nequaquam dicitur quia vocantur, sed compelluntur ut intrent. Vocantur & venire contemnunt, qui donum quidem intellectus accipiunt, sed eundem intellectum operibus non sequuntur: vocantur & veniunt, qui acceptam intellectus gratiam operando perficiunt: quidam vero sic vocantur, ut etiam compellantur. Nam sunt nonnulli, qui bona facienda intelligunt, sed hæc facere desistunt: vident quæ agere debeant, sed hæc ex desiderio non sequuntur. His plerumque, ut superius diximus, contingit, ut eos in carnalibus desideriis suis mundi hujus adversitas feriat, ^a apprehendere temporalem gloriam contentur, & nequeant: & dum per alta pelagi quasi ad grandiores curas hujus seculi navigare proponunt, semper adversus flatibus ad dejectionis suæ littora repellantur. Cumque se frangi in desideriis suis, adversante mundo conspiciunt, ^b quod de se auctori suo debeant, commemorantur: ita ut ad eum erubescerent redeant, qui cum superbientes pro mundi amore deferebant. Sæpe namque nonnulli ad temporalem gloriam proficere volentes, aut longa ægitudine tabescunt, aut afflicti injuriis ^c concidunt, aut percussi gravibus damnis affliguntur, & in mundi dolore vident quia nihil confidere de ejus voluptate debuerunt, seque ipsos in suis desideriis reprehendentes, ad Deum corda convertunt. De his quippe Dominus per Prophetam dicit: *Ecce ego sepiam viam tuam spinis, & sepiam eam maceria, & semitas suas non inveniet, & sequetur amatores suos, & non apprehendet eos: quæret, & non inveniet eos, & dicet: Vadam & revertar ad virum meum priorem,*

osee 2. v. 6.
& 7.
Quot modis
Deus nos
ad se redire
cogat.

quia bene mihi erat tunc magis quam nunc. Vir uniuscujusque fidelis animæ Deus est: quia hæc videlicet ei est conjuncta per fidem. Sed illa, quæ conjuncta Deo fuerat anima, amatores suos sequitur, quando mens quæ jam per fidem credidit, adhuc se immundis spiritibus in operatione substernit, mundi gloriam quærit, carnali delectatione pascitur, exquisitis voluptatibus nutritur. Sed plerumque omnipotens Deus talem animam misericorditer respicit, & ejus voluptatibus amaritudines permiscet. Unde dicit: *Ecce ego sepiam vias tuas spinis.* Viæ etenim nostræ spinis septe sunt, quando in hoc quod male cupimus, dolorum punctiones invenimus. *Et sepiam eas maceria, & semitas suas non inveniet.* Viæ nostræ maceria sepiuntur, cum desideriis nostris duræ in hoc mundo objectiones resistunt. Et semitas nostras invenire non possumus: quia hoc quod male quærimus, adipisci prohibemur. *Et sequetur amatores suos, & non apprehendet eos: quæret, & non inveniet eos:* quia malignos spiritus, quibus se in suis desideriis anima subdidit, ad desideriorum suorum effectum minime comprehendit. Sed ex hac salubri adversitate quanta utilitas nascatur, adjungit cum subditur: *Et dicet, Vadam & revertar ad virum meum priorem, quia bene mihi erat tunc magis quam nunc.* Postquam ergo vias suas spinis sepias invenit, postquam amatores suos apprehendere non valet, ad amorem viri prioris redit: quia plerumque postquam in hoc mundo non possumus obtinere quæ volumus, postquam in terrenis desideriis de impossibilitate lassamur, tunc ad mentem Deum reducimus, tunc placere incipit

Pater. in
ose. c. 1.

Adversitatum utilitas, ad procurandam peccatorum conversionem.

^a Primus Carnot. ut apprehendere.

^b Ita Corb. Germ. & pene omnes mss. In vet. autem edit. quid debeant, comme-

morant. In recent. commonentur. Idem est sensus verbi, commemorantur.

^c 1. Marc. conticescunt.

a pit qui^a displicebat; & is cuius nobis amara fuerant præcepta, repente dulcescit in memoria; & peccatrix anima quæ adultera conata est esse, nec tamen aperto opere potuit, decernit esse fidelis conjux. Qui ergo hujus mundi adversitatibus fracti ad Dei amorem redeunt, atque a præsentis vitæ desideriis corriguntur, quid isti, fratres mei, nisi compelluntur ut intrent?

Deo vocanti non obsequentium reprobatio.

b 10. Sed valde est tremenda sententia quæ protinus subinfertur. Intenta hanc cordis aure percipite, fratres & domini mei: in quantum peccatores, fratres mei; in quantum justi, domini mei. Intenta^b hanc aure percipite, ut tanto eam minus sentiat^c in examine, quanto nunc auditis formidolosius in prædicatione. Ait enim: *Dico autem vobis, quod nemo virorum illorum qui vocati sunt, gustabit cœnam meam.* Ecce vocat per se, vocat per Angelos, vocat per Patres, vocat per Prophetas, vocat per Apostolos, vocat per Pastores, vocat etiam per nos, vocat plerumque per miracula, vocat plerumque per flagella, vocat aliquando per hujus mundi prospera, vocat aliquando per adversa. Nemo contemnat, ne dum vocatus excusat, cum voluerit intrare non valeat.

Cum voluerint intrare, non valebunt.

Prov. 1. 28.

Et non exaudiam, mane consurgent, Et non invenient me. Hinc est quod fatuæ virgines tarde venientes clamant, dicentes: *Domine, domine, aperi nobis.* Sed jam tunc aditum quærentibus dicitur: *Amen amen dico vobis, nescio vos.* Quid inter hæc, fratres carissimi, nisi relin-

Matth. 25. 11.

Ibidem.

quere omnia debemus, curas mundi postponere, solis desideriis æternis inhiare? Sed hæc paucis data sunt.

11. Admonere vos volo, ut relinquantis omnia, sed non præsumo. Si ergo cuncta mundi relinquere non potestis, sic tenete quæ hujus mundi sunt, ut tamen per ea non teneamini in mundo, ut terrena res possideatur, non possideat; ut sub mentis vestræ sit dominio quod habetis: ne si mens vestra terrenarum rerum amore vincitur, a rebus suis ipsa magis possideatur. Sit ergo res temporalis in usu, æterna in desiderio: sit res temporalis in itinere, desideretur æterna in perventione. Quasi ex latere respiciatur quidquid^d in hoc mundo agitur. Ante nos autem tendant mentis oculi, dum tota intentione illa conspiciunt, ad quæ pervenimus. Extirpentur funditus vitia, non solum ab actu operis, sed etiam a cogitatione cordis evulsa. Non nos voluptas carnis, non sollicitudo curiositatis, non æstus ambitionis a Dominica cœna præpediat: sed ipsa quoque quæ honesta in mundo agimus, quasi ex quodam mentis latere tangamus; ut^e terrena quæ libent sic nostro corpori serviant, quatenus cordi minime obstant. Non ergo, fratres, audemus vobis dicere ut omnia relinquantis: sed tamen si vultis, omnia etiam retinendo relinquitis, si sic temporalia geritis, ut tamen tota mente ad æterna tendatis.

Sic mundi bona possidenda, ut non possideant.

Sit res temporalis in usu, æterna in desiderio.

d

e

12. Hinc etenim Paulus Apostolus dicit: *Tempus breve est; reliquum est ut qui habent uxores, tamquam non habentes sint: qui flent,*

Quomodo rebus temporalibus utendum, ex Apostolo. 1. Cor. 7. v. 29. &c.

tam-

^a Editi, contemnis mss. quod displicebat.

^b Bigot. hanc aure cordis percipite.

^c Primus Carn. extremo in exam.

^d C. Germ. Bely. & tres Gemet. in hunc Tom. V.

mundum.

^e Ita C. Germ. Gemet. & alii; ubi in editis legitur, terrena qualibet. Legitur qualibet in 1. Marc.

tamquam non flentes : & qui gaudent , tamquam non gaudentes : & qui emunt , tamquam non possidentes : & qui utuntur hoc mundo , tamquam non utantur : præterit enim figura hujus mundi . Uxorem namque habet , sed quasi non habens , qui sic scit debita carnis exsolvere , ut tamen per eam mundo tota mente non cogatur inhærere . Nam cum idem rursus egregius prædicator dicat :

Id. v. 33.

Qui habet uxorem , cogitat quæ sunt hujus mundi , quomodo placeat uxori : ille uxorem habens quasi non habet , qui sic studet placere conjugii , ut tamen non displiceat Conditori . Flet quoque , sed tamquam non defleat ; qui sic temporalibus damnis affligitur , ut tamen de æternis lucris semper animum consoletur . Gaudet vero , sed tamquam non gaudeat , qui sic de temporalibus bonis hilarescit , ut tamen semper tormenta perpetua consideret , & in hoc quod mentem gaudio subleuat , hanc continuo pondere providi timoris premat . Emit autem , sed quasi non possidens , qui & ad usum terrena præparat , & tamen cauta cogitatione prævidet quod hæc citius relinquat . Mundo quoque utitur , sed quasi non utatur , qui & necessaria cuncta exterius ad vitæ suæ ministerium redigit , & tamen hæc eadem non finit suæ menti dominari , ut subjecta foris serviant , & nunquam intentionem animi ^a ad alta tendentis frangant .

^a Quicumque ergo tales sunt , eis profecto terrena omnia non ad desiderium , sed ad usum adsunt : quia rebus quidem necessariis utuntur , sed nihil habere cum peccato cupiunt . De ipsis quoque rebus habitis quotidie ^b mercedes acqui-

runt , & plus gaudent bono opere , quam bona possessione .

13. Ac ne aliquibus ista difficulta esse videantur , rem de persona refero , quam multi ^c vestrum novērunt : quam videlicet rem ipse ante triennium in Centumcellensi urbe a personis fidelibus didici . Nuper namque in eadem civitate Theophanius comes fuit , vir misericordiæ actibus deditus , bonis operibus intentus , hospitalitati præcipue studens . Exercendi comitatus actibus occupatus , agebat terrena & temporalia ; ^d sed ut plus ex fine ejus claruit , magis ex debito quam ex intentione . Nam cum appropinquante mortis ejus tempore , gravissima aeris tempestas obsisteret ne ad sepeliendum duci potuisset , eumque conjux sua cum fletu vehementissimo requireret , dicens : Quid faciam ? quomodo te ad sepeliendum ejicio , quæ ostium domus hujus egredi præ nimia tempestate non possum ? Tunc ille respondit : Noli , mulier , flere , quia mox ut ego defunctus fuero , aeris serenitas redibit . Cujus protinus & vocem mors , & mortem serenitas est secuta . Cujus manus ac pedes podagræ humore tumescentes , & versi in vulneribus fuerant , & profluente sanie ^e patebant . Sed cum corpus illius ex more ad lavandum fuisset detectum , ita manus pedesque illius sani reperti sunt , ac si unquam vulneris nihil habuissent . Ductus itaque ac sepultus est , ejusque conjugii visum est ut quarto die in sepulcro illius marmor quod superpositum fuerat mutari debuisset . Quod videlicet marmor corpori ejus superpositum dum fuisset ablatum , tanta ex ejus corpore fragrantia odoris emanavit , ac si

ex

Nonnulli secularia tractant , non animo seculari .
Lib. 4. Dialog. cap. 27.

Theophanii virtuosa vita .

d

^e Mos lavandi cadavera .

^a Bigot. ad alia . Et 1. Marc.

^b Bigot. duo priores Gemet. Longip. Val cl. mercedes quarunt .

^c Carn. Gemet. & alii , mecum novērunt .

^d Excusi , sed , ut post ex . Restituimus , plus pro post , cogentibus mss. C. Germ. Belvac. Gemet. Carn. &c.

^e Sic etiam legendum ex mss. non , putabant , ut habent vulgati .

^a ex putrescenti carne illius pro
vermibus aromata feruissent. Hæc
igitur dixi, ut e vicino exemplo ^a
ostendere possem, nonnullos & secu-
larem habitum gerere, & secularem
animum non habere. Quos enim
tales in mundo necessitas ligat, ut
ex omni parte exui a mundo non
possint, sic debent ea quæ mundi
sunt tenere, ut tamen eis nesciant
ex mentis fractione succumbere.
Hoc ergo cogitate, & cum relin-
quere cuncta quæ mundi sunt non
potestis, exteriora bene exterius a-
gite, sed ardentem interius ad æter-
na festinate. Nihil sit quod deside-

rium vestræ mentis retardet: nullius
vos rei in hoc mundo ^b delectatio
implicet. Si bonum diligitur, mens
in bonis melioribus, id est in cæle-
stibus delectetur. Si malum metui-
tur, mala animo æterna proponan-
tur: ut dum illic esse conspiciat &
amplius quod diligit, & amplius
quod pertimescat, hic omnino non
hæreat. Ad hæc agenda habemus
Mediatorem Dei & hominum ad-
jutorem nostrum, per quem citius
cuncta obtinebimus, si ad illum vero
amore flagramus: qui vivit, & re-
gnat cum Patre & Spiritu sancto
Deus, in secula seculorum. Amen.

b

^a Cor. Germ. Bigot. ostenderem.

^b Duo priores Gemet. dilectio.






Lectio Sancti Evangelii secundum Lucam.

Lucæ Cap. XIV. 26. — 33.

IN illo tempore: Dixit Jesus turbis: Si quis venit ad me, & non odit patrem suum & matrem, & uxorem & filios, & fratres & sorores, adhuc autem & animam suam, non potest meus esse discipulus. Et qui non bajulat crucem suam, & venit post me, non potest meus esse discipulus. Quis enim ex vobis volens turrim ædificare, non prius sedens computat sumtus, qui necessarii sunt, si habeat ad perficiendum: ne posteaquam posuerit fundamentum, & non potuerit perficere, omnes qui viderint, incipiant illudere ei, dicentes: Quia hic homo cepit ædificare, & non potuit consummare? Aut quis rex iturus committere bellum adversus alium regem, ^a non sedens prius cogitat si possit cum decem millibus occurrere ei, qui cum viginti millibus venit ad se? Alioquin adhuc illo longe agente, legationem mittens rogat ea quæ pacis sunt. Sic ergo omnis ex vobis, qui non renunciat omnibus quæ possidet, non potest meus esse discipulus.



^b H O M I L I A XXXVII.

Habita ad populum in basilica beati Sebastiani martyris,
die natalis ejus.

Cœlestia
consideran-
ti, cetera
vilescunt.

I. SI consideremus, fratres carissimi, quæ & quanta sunt quæ nobis promittuntur in cœlis, vilescunt animo omnia quæ habentur in terris. Terrena namque substantia supernæ felicitati comparata, pondus est, non subsidium. Temporalis vita æternæ vitæ comparata, mors est potius dicenda, quam vita. Ipse enim quotidianus defectus corruptionis quid est aliud, quam quædam prolixitas mortis? Quæ autem lingua dicere, vel quis intellectus capere sufficit, illa su-

pernæ civitatis quanta sint gaudia, Angelorum choris interesse; cum beatissimis spiritibus gloriæ Conditoris assistere, præsentem Dei vultum cernere, incircumscriptum lumen videre: nullo mortis metu affici, incorruptionis perpetuæ munere lætari? Sed ad hæc audita inardescit animus, jamque illic cupit assistere, ubi se sperat sine fine gaudere. Sed ad magna præmia perveniri non potest, nisi per magnos labores. Unde & Paulus egregius prædicator dicit: ^c Non coronabi-

Ad magna
præmia per
magnos la-
bores per-
veniendum.

^c 2. Tim. 2. 5.

^a Belvac. nonne sedens prius.

^b In Corb. est quadragesima. In Later. & cod. Reg. Succ. trigesima-quarta.

^c Gemet. & Rigot. non coronabitur quis, nisi.

tur; nisi qui legitime certaverit. Delectet ergo mentem magnitudo præmiorum, sed non deterreat certamen laborum. Unde ad se venientibus Veritas dicit: *Si quis venit ad me, & non odit patrem suum, & matrem, & uxorem & filios, & fratres & sorores, adhuc autem & animam suam, non potest meus esse discipulus.*

Qua discre-
tione pro-
pinquos &
parentes di-
ligere &
odisse debe-
mus.
Matth. 19. 6.
Eph. 5. 25.

2. Sed percontari libet quomodo parentes, & carnaliter propinquos præcipimur odisse, qui jubemur & inimicos diligere? Et certe Veritas de uxore dicit: *Quod Deus conjunxit, homo non separet.* Et Paulus ait: *Viri, diligite uxores vestras, sicut & Christus Ecclesiam.* Ecce discipulus uxorem diligendam prædicat, cum magister dicat: *Qui uxorem non odit, non potest meus esse discipulus.* Numquid aliud iudex nuntiat, aliud præco clamat? An simul & odisse possumus, & diligere? Sed si vim præcepti perpendimus, utrumque agere per discretionem valemus: ut eos qui nobis carnis cognatione conjuncti sunt, ^a & quos proximos novimus, diligamus, & quos adversarios in via Dei patimur, odiendo & fugiendo nesciamus. Quasi enim per odium diligitur, qui carnaliter sapiens, dum prava nobis ingerit, non auditur. Ut autem Dominus demonstraret hoc erga proximos odium ^b non de inaffectione procedere, sed de caritate, addidit protinus, dicens: *Adhuc autem & animam suam.* Odisse itaque præcipimur proximos, odisse & animam nostram. Constat ergo, quia amando debet odisse proximum, qui sic eum odit sicut semetipsum. Tunc etenim bene nostram animam odimus, cum ejus carnalibus desideriis non acquiescimus,

cum ejus appetitum frangimus, ejus voluptatibus reluctamur. Quæ ergo contempta ad melius ducitur, quasi per odium amatur. Sic sic nimirum exhibere proximis nostris odii discretionem debemus, ut in eis & diligamus quod sunt, & habeamus odio quod in Dei nobis itinere ob-
sistunt.

3. Certe cum Paulus Jerosolymam pergeret, propheta Agabus zonam illius apprehendit, ^c suisque pedibus alligavit, dicens: *Virum cujus hæc zona est, sic alligabunt d in Jerusalem.* Sed is qui animam suam perfecte oderat, quid dicebat? *Ego non solum alligari, sed & mori in Jerusalem paratus sum pro nomine Domini Jesu Christi: nec facio animam meam pretiosiores quam me.* Ecce quomodo animam suam amando oderat, immo odiens amabat, quam cupiebat pro Jesu morti tradere, ut hanc ad vitam de peccati morte suscitaret. Ab hac ergo discretionem odii nostri trahamus formam ad odium proximi. Ametur quilibet in hoc mundo etiam adversarius, sed in via Dei contrarius non ametur etiam propinquus. Quisquis enim jam æterna concupiscit, in ea quam aggreditur, causa Dei, extra patrem, extra matrem, extra uxorem, extra filios, extra cognatos, extra semetipsum fieri debet, ut eo verius cognoscat Deum, quo in ejus causa neminem recognoscit. Multum namque est quod carnales affectus intentionem mentis diverberant, ejusque aciem obscurant: quos tamen nequaquam noxios patimur, si eos premendo teneamus. Amandi ergo sunt proximi, impendenda est caritas omnibus & propinquis & extraneis: nec tamen pro eadem caritate a Dei amore flectendum.

Odii in te
exemplum
præbuit
Paulus.

c
A. 21. 11.
d

Ibid. v. 11.
A. 20. 24.

Unde su-
mere possu-
mus for-
mam in
odio proxi-
mi.

4. Sci-

^a Belvac. & quo prox. . . & quo adver-
sarios.

^b Sic suadent legere C. Germ. Belvac.
Corb. Primus Gemet. &c. cum in editis le-

gatur, non de affectione.

^c B got. suosque pedes alligavit.

^d Hic ed. inferuerunt, judas, renitentibus mss. C. Germ. Gemet. &c.

A Dei itinere pro carnalibus affectibus non declinandum.

I. Reg. 6. 12.

a

Pater. in I. Reg. c. 3.

Malach. 4. 2.

b

* Duobus modis crux porratur.

c

4. Scimus autem quia cum de terra Philisthiim Arca Domini ad terram Israelitarum rediret, plauastro super imposita est, & vaccæ plauastro subjunctæ sunt, quæ fetæ fuisse memorantur, quarum filios clauferunt domi. Et scriptum est: *Ibant autem in directum vaccæ per viam quæ^a ducit Bethsames, & uno itinere gradiebantur, pergentes & mugientes, & non declinabant neque ad dexteram, neque ad sinistram.* Quid ergo vaccæ, nisi fideles quosque in Ecclesia designant? qui dum sacri eloquii præcepta considerant, quasi superimpositam Domini Arcam portant. De quibus hoc etiam est notandum, quod fuisse fetæ memorantur: quia sunt plerique, qui in via Dei intrinsecus positi, foris carnalibus affectibus ligantur: sed non declinant a recto itinere, qui Arcam Dei portant in mente. Ecce enim vaccæ Bethsames pergunt. Bethsames quippe dicitur Domus solis: & Propheta ait: *Vobis autem^b qui timetis Dominum, orietur sol justitiæ.* Si ergo ad æterni solis habitationem tendimus, dignum profecto est ut de Dei itinere pro carnalibus affectibus non declinemus. Tota enim virtute pensandum est, quod vaccæ Dei plauastro suppositæ pergunt & gemunt: dant ab intimis mugitus, & tamen ab itinere non deflectunt gressus. Sic nimirum prædicatores Dei, sic fideles quique esse intra sanctam Ecclesiam debent, ut compatiantur proximis per caritatem, & tamen de via Dei non exorbitent per compassionem.

5. Hoc ipsum vero animæ odium qualiter exhiberi debeat, Veritas subdendo manifestat, dicens: *Qui non bajulat crucem suam,^c & venit post me, non potest meus esse discipulus.* Crux quippe a cruciatur dicitur. Et duobus modis crucem

Domini bajulamus, cum aut per abstinentiam, carnem afficimus, aut per compassionem proximi, necessitatem illius nostram putamus. Qui enim dolorem exhibet in aliena necessitate, crucem portat in mente. Sciendum vero est, quod sunt nonnulli qui carnis abstinentiam non pro Deo, sed pro inani gloria exhibent. Et sunt plerique qui compassionem proximo non spiritualiter, sed carnaliter impendunt: ut ei non ad virtutem, sed quasi miserendo ad culpas^d faveant. Hi itaque crucem quidem videntur ferre, sed Dominum non sequuntur. Unde recte hæc eadem Veritas dicit: *Qui non bajulat crucem suam, & venit post me, non potest meus esse discipulus.* Bajulare etenim crucem & post Dominum ire, est vel carnis abstinentiam, vel compassionem proximo pro studio æternæ intentionis exhibere. Nam quisquis hæc pro temporali intentione exhibet, crucem quidem bajulat, sed ire post Dominum recusat.

6. Quia vero sublimia præcepta data sunt, protinus comparatio edificandæ sublimitatis adjungitur, cum dicitur: *Quis enim ex vobis volens turrim adificare, non prius sedens computat sumtus qui necessarii sunt, si habeat ad perficiendum: ne posteaquam posuerit fundamentum, & non potuerit perficere, omnes qui viderint, incipiant ei illudere dicentes: Quia hic homo cepit adificare, & non potuit consummare?* Omne quod agimus, prævenire per studium considerationis debemus. Ecce enim juxta Veritatis vocem, qui turrim ædificat, prius ædificii sumtus parat. Si igitur humilitatis turrim construere cupimus, prius nos præparare contra adversa hujus seculi debemus. Hoc enim inter terrenum & cœleste ædificium distat, quod ter-

Non sufficit crucem portare, nisi Christum sequamur.

Omne quod agimus provide præparandum.

^a Gemet. C. Germ. & plur. *Bethsamis*.
^b Bigot. qui timetis nomen Domini.

^c Idem, & sequitur mo.
^d Primus Carn. foveant.

terrenum ædificium expensas colligendo construitur, cœleste vero ædificium expensas dispergendo. ^a Ad illud sumtus facimus, si non habita colligamus: ad istud sumtus facimus, si & habita relinquamus. Istos sumtus dives ille habere non potuit, qui multas possessiones possidens, magistrum requisivit, dicens: *Magister bone, quid faciens vitam æternam possidebo?* Qui cum præceptum relinquendi omnia audisset, tristis abscessit, & inde est angustatus in mente, unde foris fuit latior in possessione. Quia enim in hac vita amabat sumtus celsitudinis, tendendo ad æternam patriam habere noluit sumtus humilitatis. Considerandum vero est quod dicitur: *Omnes qui viderint, incipiant illudere ei:* quia juxta Pauli vocem, *Spectaculum facti sumus mundo, Angelis, & hominibus.* Et in omne quod agimus, considerare occultos nostros adversarios debemus: qui semper nostris operibus insunt, semper ex nostro defectu gratulantur. Quos Propheta intuens, ait: *Deus meus in te confido, non erubescam, neque irrideant me inimici mei.* In bonis enim operibus intenti, nisi contra malignos spiritus ^b solliciti vigilemus, ipsos irrisores patimur, quos ad malum persuasores habemus. Sed quia de construendo ædificio comparatio data est, nunc ex minori ad majus similitudo subditur; ut ex rebus minimis majora pensentur. Nam sequitur: *Aut quis rex iturus committere bellum adversus alium regem,* ^c *non sedens prius cogitat si possit cum decem millibus occurrere ei, qui cum viginti millibus venit ad se?* Alioquin adhuc illo longe agente, legationem mittens rogat ea

quæ pacis sunt. Rex contra regem ex æquo venit ad prælium, & tamen si se perpendit non posse sufficere, legationem mittit, & ea quæ pacis sunt, postulat. Quibus ergo nos lacrymis veniam sperare debemus, qui in illo tremendo examine cum Rege nostro ex æquo ad iudicium non venimus? quos nimirum ^d conditio, infirmitas, & causa inferiores exhibet.

7. Sed fortasse jam mali operis culpas abscedimus, jam prava quæque exterius declinamus: numquid ad reddendam rationem cogitationis nostræ sufficimus? Nam cum viginti millibus venire dicitur is, contra quem minime sufficit iste qui cum decem millibus venit. Decem millia quippe ad viginti millia, simplum ad duplum sunt. Nos autem si multum proficimus, vix exteriora nostra opera in rectitudine servamus. Nam & si jam luxuria carnis abscissa est, tamen adhuc a corde funditus abscissa non est. Ille autem qui iudicaturus venit, exteriora simul & interiora iudicat, facta pariter & cogitationes pensat. Cum duplo ergo exercitu contra simplum venit, qui nos vix in solo opere præparatos, simul de opere & cogitatione discutit. Quid ergo agendum est, fratres, nisi ut dum nos cum simplo exercitu contra duplum illius sufficere non posse conspiciamus, dum adhuc longe est, legationem mittamus, & rogemus ea quæ pacis sunt? Longe enim esse dicitur, qui adhuc præsens per iudicium non videtur. Mittamus ad hunc legationem lacrymas nostras, mittamus misericordiæ opera, mactemus in ara ejus hostias placationis, cognoscamus nos cum eo in iudicio non posse contendere: pen-

prava cogitationes sollicitè cavendæ.

^a Additur in Bigot. colligimus. Et paulo post, habere noluit, pro, habere non potuit.

^b Interferitur in primo Carn. atque contra contemptores ipsos solliciti, &c.

^c Belvac. nonne sedens.

^d Gemet. & primus Carn. conditio infirmitatis. Bigot. Longip. Val cl. secundus Carn. conditionis infirmitas.

Quam ad
Deum lega-
tionem de-
mittere de-
beamus.

femus virtutem ejus fortitudinis , rogemus ea quæ pacis sunt . Hæc est nostra legatio , quæ regem venientem placat . Pensate , fratres , quam benignum sit , quod is qui suo adventu valet opprimere , tardat venire . Mittamus ad hunc , ut diximus , legationem nostram , flendo , tribuendo , sacras hostias offerendo . Singulariter namque ad absolutionem nostram , oblata cum lacrymis & benignitate mentis sacri altaris hostia suffragatur : quia is qui in se resurgens a mortuis jam non moritur , adhuc per hanc in suo mysterio pro nobis iterum patitur . Nam quoties ei hostiam suæ passionis offerimus , toties nobis ad absolutionem nostram , passionem illius reparamus .

Ad peccati
solutionem
quid sacrum
præstet sa-
crificium.

8. Multos , ut arbitror , vestrum , fratres carissimi , contigit nosse hoc quod volo ad memoriam vestram narrando revocare . Non longe a nostris fertur temporibus factum , quod quidam ab hostibus captus longe transductus est : cumque diu teneretur in vinculis , eum uxor sua cum ex eadem captivitate non reciperet , extinctum putavit . Pro quo jam velut mortuo hostias hebdomadibus singulis curabat offerre . Cujus toties vincula solvebantur in captivitate , quoties ab ejus conjugæ oblata fuissent hostiæ pro animæ ejus absolutione . Nam longa post tempora reversus , admirans valde suæ indicavit uxori , quod diebus certis , hebdomadibus singulis , ejus vincula solvebantur . Quos videlicet dies ejus uxor atque horas discutens , tunc eum recognovit absolutum , cum pro eo sacrificium meminerat oblatum . Hinc ergo , fratres carissimi , hinc certa consideratione ^a colligite , oblata a nobis hostia sacra quantum in nobis solvere valeat ligaturam cordis , si

oblata ab altero potuit in altero solvere vincula corporis .

9. Multi vestrum , fratres carissimi , Cassium Narniensis urbis Episcopum noverunt : cui mos erat quotidianas Deo hostias offerre , ita ut pene nullus dies vitæ ejus abscederet , quo non omnipotenti Deo hostiam placationis immolaret . Cui cum sacrificio valde etiam concordabat vita . Nam cuncta quæ habebat , in eleemosynis tribuens , cum ad horam offerendi sacrificii venisset , velut totus in lacrymis defluens , semetipsum cum magna cordis contritione mactabat . Cujus & vitam & exitum quodam venerabilis vitæ Diacono , qui fuerat ab eo nutritus , referente cognovi . Aiebat enim quod quadam nocte ejus Presbytero per visum Dominus adstitit , dicens : Vade & dic Episcopo : Age quod agis , operare quod operaris , non cesset pes tuus , non cesset manus tua : natali Apostolorum venies ad me , & retribuam tibi mercedem tuam . Surrexit Presbyter , sed quia e vicino Apostolorum natalitius dies imminabat , tam propinqui exitus diem Episcopo nuntiare pertimuit . Alia nocte Dominus rediit , ejusque inobedientiam vehementer increpavit , atque eadem jussionis suæ verba retexit . Tunc Presbyter surrexit ut pergeret , sed rursus infirmitas cordis impedimento facta est indicandæ revelationis : & ad admonitionem quoque iteratæ jussionis obduruit pergere , & quæ viderat , manifestare neglexit . Sed quia magnam mansuetudinem contentæ gratiæ major sequi solet ira vindictæ , ^b visione tertia Dominus apparens , jam verbis addidit verbera , & tam districta cæde mactatus est , ut in eo duritiam cordis emollirent vulnera corporis .

Cassii Epi-
scopi con-
suetudo of-
ferendi
quotidie sa-
crificii .
Lib. 4. Dial.
cap. 55.

Ejundem
eleemosynæ,
& piæ
lacrymæ .

Sur-

^a Bigot. colligitur .

^b Primus Cæm. visione tertia vice.

Surrexit ergo eruditus ex verbere, perrexit ad Episcopum, cumque jam ex more juxta beati Juvenalis martyris sepulcrum ad offerendum sacrificium consistentem reperit, secretum a circumstantibus petiit, seque ejus pedibus prostravit. Cumque eum ubertim flentem Episcopus vix ad se levare potuisset, lacrymarum causas cognoscere studuit. Ille vero ^a relaturus ordinem visionis, prius vestimento ex humeris devoluto, detexit plagas corporis, ut ita dicam, testes veritatis & culpæ, monstravit quanta animadversione distractionis membra illius ^b accepta verbera, livore inflato, sulcaverant. Quæ mox ut Episcopus vidit, exhorruit, & quis sibi talia facere præsumisset, cum magnæ obtupefactionis vocibus inquisivit. At ille respondit, hæc se pro ipso fuisse perpeßum. Excrevit cum terrore admiratio: sed nullas jam presbyter inquisitioni ejus moras adjiciens, secretum revelationis aperuit, eique jussionis Dominicæ, per ea quæ audierat, verba narravit, dicens: Age quod agis, operare quod operaris, non cesset manus tua, non cesset pes tuus: natali Apostolorum venies ad me, & retribuam tibi mercedem tuam. Quibus auditis, Episcopus se in orationem cum magna cordis contritione prostravit, & qui oblaturus sacrificium ad horam tertiam venerat, hoc pro extensæ orationis magnitudine ad horam nonam usque protelavit. Atque ex illo jam die magis magisque aucta sunt ei lucra pietatis: factusque est tam fortis in opere, quam certus ex munere: quippe qui eum, cui ipse debitor fuerat, ex ea promissione jam cœperat habere debitorem. Huic autem consuetudo fuerat, an-

nis singulis natalitio Apostolorum die Romam venire: jamque ex hac revelatione suspectus, venire juxta morem noluit. Eodem ergo tempore sollicitus fuit: secundo quoque anno vel tertio in mortis suæ expectatione suspensus, quarto, quintoque, & sexto similiter. Qui desperare jam de veritate revelationis poterat, si verbis fidem verbera non fecissent. Cum ecce anno septimo usque ad expectati natalis sacras vigilias incolumis pervenit: sed lenis hunc in vigiliis ^c calor attigit, atque ipso die natalitio filiis suis se expectantibus, Missarum solemnia implere se posse recusavit. Illi vero quia de ejus erant pariter egressione suspecti, simul ad eum omnes venerunt, sese unanimiter adstringentes, ut die eodem nequaquam acquiescerent Missarum ^d solemnia celebrari, nisi pro eis apud Dominum idem Antistes suus intercessor accederet. Tunc ille compulsus, in Episcopii oratorio Missas fecit, & manu sua corpus Dominicum pacemque omnibus tribuit. Qui cuncto ministerio oblatis sacrificiis peracto, ad lectulum rediit, ibique jacens, dum sacerdotes suos ac ministros circumstetisse cerneret, quasi vale ultimum dicens, de servando eos vinculo caritatis admonebat, & quanta debuissent concordia inter se uniri prædicabat. Cum subito inter ipsa sanctæ exhortationis verba, voce terribili clamavit, dicens: Hora est. Moxque assistentibus ipse suis manibus linteum dedit, quod ex more morientium, sibi contra faciem tenderetur. Quo tenso, spiritum emisit, sicque sancta illa anima ad gaudia æterna perveniens, a carnis corruptione soluta est. Quem, fratres carissimi, quem vir iste in morte sua imitatus est, nisi eum quem

In Episcopio missas celebrat & moritur.

De die mortis divinitus præmonetur.

Annis singulis Romanam in SS. Apostolorum natali venire consueverat.

^a Idem, revelaturus.

^b Duo priores Gemet. accepta vulnera.
Tom. V.

^c Duo Carnot. & Bigot. dolor attigit.

^d Primus Carn. solemnia implere.

X x

Johan. 19.
30.

Christus ju-
dex venire
procrasti-
nat, quia
quos puniat
non vult
invenire.

quem in vita sua fuerat contempla-
tus? Dicens enim, Hora est, de
corpore exiit: quia & Jesus pera-
ctis omnibus cum dixisset: *Consum-
matum est, inclinato capite tradidit
spiritum*. Quod ergo Dominus ex
potestate, hoc egit famulus ex vo-
catione.

10. Ecce quotidianæ hostiæ illa
cum eleemosynis & lacrymis missa
legatio, quantam cum Rege venien-
te gratiæ pacem fecit. Relinquat
ergo omnia, qui potest. Qui au-
tem relinquere omnia non potest,
cum adhuc longe est rex, legatio-
nem mittat, lacrymarum, eleemo-
synarum, hostiarum munera offerat.
Vult enim placari precibus, qui
scit quia portari non possit iratus.
Quod adhuc moram facit venire,
legationem pacis sustinet. Venisset
jam namque si vellet, & cunctos
suos adversarios trucidasset. Sed &
quam terribilis veniet indicat, &
tamen ad veniendum tardat, quia

non vult invenire quos puniat,
Reatum nobis contemptus nostri de-
nuntiat: dicens: *Sic ergo omnis ex
vobis, qui non renuntiat omnibus
quæ possidet, non potest meus esse di-
scipulus*: & tamen sperandæ salutis
remedium confert; quia qui per i-
ram non potest ferri, per nostratæ
pacis vult legationem placari. La-
vate ergo, fratres carissimi, lacry-
mis maculas peccatorum, eleemo-
synis tergite, sacris hostiis expiate.
Nolite possidere per desiderium, quæ
adhuc per usum minime reliquistis.
Spem in solo Redemptore figite, ad
æternam patriam mente transite. Si
enim nil in hoc mundo jam aman-
do possidetis, etiam possidendo cun-
cta reliquistis. Ipse nobis gaudia de-
siderata concedat, qui nobis æternæ
pacis remedia contulit, Jesus Chri-
stus Dominus noster: ^a qui vivit &
regnat cum Patre in unitate Spiri-
tus sancti Deus, per omnia secula
seculorum. Amen.

^a Duo priores Gemet. cui cum Patre &

spiritu sancto honor & imp. per &c.



Lectio sancti Evangelii secundum Matthæum.

Matth. Cap. XXII. v. 1. — 13.

IN illo tempore : ^a Loquebatur Jesus principibus sacerdotum & Phariseis in parabolis, dicens : Simile est regnum cælorum homini regi, qui fecit nuptias filio suo : & misit servos suos vocare invitatos ad nuptias, & volebant venire. Iterum misit alios servos, dicens : Dicite invitatis, Ecce prandium meum paravi, tauri mei & altilia occisa sunt, & omnia parata, venite ad nuptias. Illi autem neglexerunt, & abierunt, alius in villam suam, alius vero ad negotiationem suam : reliqui vero tenuerunt servos ejus, & contumeliis affectos occiderunt. Rex autem cum audisset, iratus est ; & missis exercitibus suis, perdidit homicidas illos, & civitatem illorum succendit. Tunc ait servis suis. Nuptiæ quidem paratæ sunt : sed qui invitati erant, non fuerunt digni. Ite ergo ad exitus viarum ; & quoscunque inveneritis, vocate ad nuptias. Et egressi servi ejus in vias, congregaverunt omnes quos invenerunt, malos & bonos, & impletae sunt nuptiæ discumbentium. Intravit autem rex ut videret discumbentes : & vidit ibi hominem non vestitum veste nuptiali, & ait illi. Amice, quomodo hic intravisti non habens vestem nuptialem ? At ille obmutuit. Tunc dixit rex ministris : Ligatis manibus ejus & pedibus, mittite eum in tenebras exteriores. Ibi erit fletus & stridor dentium. Multi enim sunt vocati, pauci vero electi.

^b H O M I L I A XXXVIII.

^c Habita ad populum in basilica beati Clementis ^e martyris.

Matthæus
& Lucas
concilian-
tur.

I. **T**Extum lectionis Evangelicæ, fratres carissimi, volo, si possum, sub brevitate transcurrere, ut in fine ejus valeam ad loquendum largius vacare. Sed quærendum prius est, an hæc apud Matthæum ipsa sit lectio, quæ apud Lucam sub

appellatione cænæ describitur. Et quidem sunt nonnulla quæ sibi dissona esse videntur : quia hic prandium, illic cæna memoratur : hic qui ad nuptias non dignis vestibus intravit, repulsus est ; illic nullus qui intrasse dicitur, repulsus esse

X x 2 per-

^a Belvac. dicebat Jesus turbis : Simile est, &c. 1. Marc. Dicebat Jesus turbis parabolam hanc.

^b Est vigesima-quinta in Corb. vigesima octava in Later. & vigesima nona in cod.

Reg. Suec.

^c In Corb. Germ. Lateran. cod. Reg. Suec. priori Genet. & nonnullis non legitur, martyris.

perhibetur. Qua ex re recte colligitur, quod & hic per nuptias præfens Ecclesia, & illic per cœnam æternum & ultimum convivium designatur: quia & hanc nonnulli exituri intrant, & ad illud quisquis semel intraverit, ulterius non exibat. At si quis forte contendat, hanc eandem esse lectionem, ego melius puto, salva fide, alieno intellectui cedere, quam contentionibus deservire: quoniam & intelligi congrue forsitan potest, quia de projecto eo qui cum nuptiali veste non venerat, quod Lucas tacuit, Matthæus dixit. Quod vero per illum cœna, per hunc autem prandium dicitur, nequaquam vel hoc nostræ intelligentiæ obsistit: quia cum ad horam nonam apud antiquos quotidie prandium fieret, ipsum quoque prandium cœna vocabatur.

2. Sæpe autem jam me dixisse memini, quod plerumque in sancto Evangelio regnum cœlorum præfens Ecclesia nominatur. Congregatio quippe justorum, regnum cœlorum dicitur. Quia enim per Prophetam

Regno cœlorum Ecclesia justorum maxime intelligitur.

Isai. 66. 1. Dominus dicit: *Cælum mihi sedes est*: & Salomon ait: *a Anima justi sedes est sapientiæ*; Paulus etiam dicit: *Christum Dei virtutem & Dei sapientiam*: liquido colligere debemus, quia si Deus sapientia, anima autem justi sedes sapientiæ, dum cælum dicitur sedes Dei, cælum ergo est anima justi. Hinc per Psalmistam de sanctis prædicatoribus dicitur: *Cæli enarrant gloriam Dei*. Regnum ergo cœlorum est Ecclesia justorum: quia

dum eorum corda in terra nil ambiunt, per hoc quod ad superna suspirant, jam in eis Dominus quasi in cœlestibus regnat. Dicatur ergo: *Simile est regnum cœlorum homini regi, qui fecit nuptias filio suo*.

3. Jam intelligit caritas vestra, quis est iste rex, regis filii pater: ille nimirum, cui Psalmista ait: *Deus judicium tuum regi da, & justitiam tuam filio regis*. Qui fecit nuptias filio suo. Tunc enim Deus pater Deo filio suo nuptias fecit quando hunc in utero Virginis humanæ naturæ conjunxit, quando Deum ante secula, fieri voluit hominem in fine seculorum. Sed quia ex duabus personis fieri solet ista conjunctio, absit hoc ab intellectibus nostris, ut personam Dei & hominis Redemptoris nostri Jesu Christi ex duabus personis credamus unitam. Ex duabus quippe atque in duabus hunc naturis existere dicimus: sed ex duabus personis compositum credi, ut nefas, vitamus. Apertius ergo atque securius dici potest, quia in hoc Pater regi Filio nuptias fecit, quo ei per incarnationis mysterium sanctam Ecclesiam sociavit. Uterus autem genitricis Virginis, hujus sponsi thalamus fuit. Unde & Psalmista dicit: *In sole posuit tabernaculum suum, & ipse tamquam sponsus procedens de thalamo suo*. Tamquam sponsus quippe de thalamo suo processit, quia ad conjungendam sibi Ecclesiam incarnatus Deus de incorrupto utero Virginis exivit. Misit ergo servos suos ut ad

Nuptiæ filii Dei, ejus incarnationis. Ps. 72. 2.

Christus ex duabus naturis & in duabus naturis existit, non personis.

Ps. 12. 6.

Pater. in Ps. c. 46. & Excerpt. in Ps. 12. 6.

Regno cœlorum Ecclesia justorum maxime intelligitur.

Isai. 66. 1. Dominus dicit: *Cælum mihi sedes est*: & Salomon ait: *a Anima justi sedes est sapientiæ*; Paulus etiam dicit: *Christum Dei virtutem & Dei sapientiam*: liquido colligere debemus, quia si Deus sapientia, anima autem justi sedes sapientiæ, dum cælum dicitur sedes Dei, cælum ergo est anima justi. Hinc per Psalmistam de sanctis prædicatoribus dicitur: *Cæli enarrant gloriam Dei*. Regnum ergo cœlorum est Ecclesia justorum: quia

Ps. 12. 6.

^a Locus hic jam laudatus est a S. Doctore lib. 29. Moral. num. 55. ubi nostras conjecturas ex parte jam protulimus. Eadem sententia, tamquam ad sacram Scripturam pertineat, adducitur ab Augustino in Ps. 46. ad Vers. 9. & frequentius a Bernardo, scilicet Serm. 1. in Purificatione, serm. 5. de verbis Isaïæ, & serm. 27. in Cant. Vide in notis ad eundem Bernardum ex novissima recensione nostri Mabillonii, notam 289, ubi ea, de qua quaeritur sententia, eruitur ex lib. Sap. cap. 7. vers. 7. Felicius forsitan invenitur in versu 27. ubi de sapientia dicitur: *in animas sanctas se transfert*. Multis in locis leguntur, quæ huic sententiæ valde sunt proxima, ut Levit. 26. v. 11. & 12. 2. Cor. 6. 16. & 1. Cor. 3. Sed hic Gregorius indicat Salomonem, cui Sapientiæ liber adscribi solet, licet a Gregorio diserte non tribuatur. Si conjectura hæc tibi minus sapiat, Lector, aliam lib. 29. Moral. n. 55. prolatam fortasse magis probabis. Maurin. Potius fuerit v. 28. c. 7. Sap. E. V.

cuius forsitan invenitur in versu 27. ubi de sapientia dicitur: *in animas sanctas se transfert*. Multis in locis leguntur, quæ huic sententiæ valde sunt proxima, ut Levit. 26. v. 11. & 12. 2. Cor. 6. 16. & 1. Cor. 3. Sed hic Gregorius indicat Salomonem, cui Sapientiæ liber adscribi solet, licet a Gregorio diserte non tribuatur. Si conjectura hæc tibi minus sapiat, Lector, aliam lib. 29. Moral. n. 55. prolatam fortasse magis probabis. Maurin. Potius fuerit v. 28. c. 7. Sap. E. V.

istas nuptias amicos invitarent. Misit semel, misit iterum; quia incarnationis Dominicæ prædicatores, & prius Prophetas, & postmodum Apostolos fecit. Bis itaque servos ad invitandum misit: quia incarnationem Unigeniti & per Prophetas dixit futuram, & per Apostolos nuntiavit factam. Sed quia hi qui prius invitati sunt, ad nuptiarum convivium venire noluerunt, in secunda invitatione jam dicitur: *Ecce prandium meum paravi, tauri mei & altilia occisa sunt, & omnia parata.*

Ex veteris & novi Testamenti patribus nobis paratum convivium.

4. Quid in tauris vel altilibus, fratres carissimi, nisi novi ac veteris Testamenti Patres accipimus? Quia enim vulgo loquor, etiam ipsa me necesse est verba Evangelicæ lectionis explanare. Altilia enim saginata dicimus: ab eo enim quod est alere, altilia quasi alitilia vocamus. Cum vero in Le-

Matt. 5. 43. Levit. 19. 18. 23. 9. 4. c. 16. Cum in Lege.

ge scriptum sit: *Diliges amicum tuum, & odio habebis inimicum tuum*: accepta tunc iustis licentia fuerat, ut Dei suosque adversarios quanta possent virtute comprimerent, eosque

a jure gladii ferirent. Quod in novo proculdubio Testamento compe-

Mat. 5. 44.

scitur, cum per semetipsam Veritas prædicat, dicens: *Diligite inimicos vestros, benefacite his qui*

b *oderunt vos.* b Qui ergo per taur-

c *os, nisi Patres Testamenti veteris significantur? Nam dum c ex permissione Legis acceperant quatenus adversarios suos odii retributione percuterent, ut ita dicam, quid aliud quam tauri erant, qui inimicos suos virtutis corporeæ cornu feriebant? Quid vero per altilia, nisi Patres Testamenti novi figurantur? Qui dum gratiam pinguedinis internæ percipiunt, a terrenis*

d *desideriis enitentes, ad sublimia contemplationis suæ pennis suble-*

a Gratianus loco ad marginem indicato legit, *in ore gladii.*

b Duo Carnut. & Bigot. *quid ergo per.* Et 1. Marc.

c Corrupte in excusis, & contra mss.

vantur. In imo quippè cogitationem ponere, quid est aliud quam quædam ariditas mentis? Qui autem intellectu cœlestium, jam per sancta desideria de supernis delectationis intimæ cibo pascuntur, quasi largiori alimento pinguescunt. Hac enim pinguedine saginari Propheta concupierat, cum dicebat: *Sicut Ps. 62. 6. adipe & pinguedine repleatur anima mea.* Quia ergo prædicatores Dominicæ incarnationis missi, persecutionem ab infidelibus, & prius Prophetæ, & postmodum sancti Apostoli pertulerunt, invitatis & venire nolentibus dicitur: *Tauri mei & altilia occisa sunt, & omnia parata.* Ac si apertius dicatur: Patrum præcedentium mortes aspici-te, & remedia vitæ vestræ cogitate. Notandum vero quod in priori invitatione nil de tauris & altilibus dicitur, in secunda autem jam tauri & altilia mactata esse memorantur: quia omnipotens Deus cum verba ejus audire nolumus, adjungit exempla, ut omne quod impossibile credimus, tanto nobis ad sperandum fiat facilius, quanto per hoc transisse jam & alios audimus.

5. Sequitur: *Illi autem neglexerunt, & abierunt, alius in villam suam, alius vero in negotiationem suam.* In villam quippe ire, est labori terreno immoderate incumbere; in negotiationem vero ire, est actionum secularium lucris inhiare. Quia enim alius intentus labori terreno, alius vero mundi hujus actionibus deditus, mysterium incarnationis Dominicæ pensare, & secundum illud vivere dissimulat, quasi ad villam vel negotium pergens, venire ad regis nuptias recusat. Et plerumque, quod est gravius, nonnulli vocantis gratiam

Oblatam vocationis gratiam aliqui non solum respiciunt, sed etiam persequuntur.

non Anglic. Gallic. & al. fidem, *ex promissione.*

d Ita C. Germ. Corb. Belvac. & ceteri mss. quod sic legerunt editores: *æternis desiderii innitentes.*

non solum respuunt, sed etiam persequuntur. Unde & subditur: Reliqui vero tenuerunt servos ejus, & contumeliis affectos occiderunt. Sed rex ista cognoscens, missis exercitibus suis, perdidit homicidas illos, & civitatem illorum succendit. Homicidas perdit; quia persequentes interimit. Civitatem eorum igni succendit; quia illorum non solum animæ, sed & caro quoque in qua habitaverant, æterna Gehennæ flamma cruciatur. Missis vero exercitibus exstinxisse homicidas dicitur; quia in hominibus omne judicium per angelos exhibetur. Quid namque sunt illa angelorum agmina, nisi exercitus Regis nostri? Unde & idem rex Dominus Sabaoth dicitur. Sabaoth quippe ^a Exercituum interpretatur. Ad perdendos ergo adversarios suos exercitum mittit; quia nimirum vindictam Dominus per angelos exercet. Cujus vindictæ potentiam tunc nostri patres audiebant, nos autem jam cernimus. Ubi sunt enim superbi illi Martyrum persecutores? Ubi illi qui contra Conditorem suum cervicem cordis erexerant; & de hujus mundi gloria ^b mortifera tumebant? Ecce jam mors Martyrum floret in fide viventium, & hi qui contra illos de crudelitate sua gloriosi sunt, nequaquam ad memoriam nostram veniunt vel in numero mortuorum. Rebus ergo cognoscimus, quod in parabolis audimus.

6. Sed is qui invitante se contemni conspicit, regis filii sui nuptias vacuas non habebit. Ad alios mittit: quia etsi apud aliquos laborat, quandoque tamen sermo Dei inventurus est ubi requiescat. Unde & subditur: *Tunc ait servis*

suis: Nuptiae quidem paratae sunt, sed qui invitati erant, non fuerunt digni. Ite ergo ad exitus viarum, & quoscumque inveneritis, vocate ad nuptias. Si in Scriptura sacra vias actiones accipimus, exitus viarum intelligimus defectus actionum: quia illi plerumque facile ad Deum veniunt, quos in terrenis actibus prospera nulla comitantur. ^c Sequitur: Et egressi servi ejus in vias, congregaverunt omnes quos invenerunt, malos & bonos, & impletae sunt nuptiae discumbentium.

7. Ecce jam ipsa qualitate convivantium aperte ostenditur, quia per has regis nuptias præsens Ecclesia designatur, in qua cum bonis & mali conveniunt. Permixta quippe est diversitate filiorum: quia sic omnes ad fidem generat, ut tamen omnes per immutationem vitæ ad libertatem spiritualis gratiæ culpis exigentibus non perducatur. Quousque namque hic vivimus, necesse est ^d ut viam præsens seculi permixti pergamus. Tunc autem discernimur, cum pervenimus. Boni enim soli nusquam sunt, nisi in cælo: & mali soli nusquam sunt, nisi in inferno. Hæc autem vita quæ inter cælum & infernum sita est, sicut in medio subsistit, ita utrarumque partium cives communiter recipit: quos tamen sancta Ecclesia & nunc indiscrete suscipit, & postmodum in egressione discernit. Si ergo boni estis, quamdiu in hac vita subsistitis, æquanimiter tolerate malos. Nam quisquis malos non tolerat, ipse sibi per intolerantiam suam testis est, quia bonus non est. Abel enim esse renuit, quem Cain malitia non exercet. Sic in tritura aræ grana sub paleis pre-

In Ecclesia
boni mali
admixti.

23. 9. 4. c. 15.
Hæc autem
vita.

Mali a bonis
patienter
tolerandi.

Ideo in
anima &
corpore
supplicii
æternis
puniendi.

a

b

His relictis
alii subin-
trant.

^a Maluerunt recent. edit. exercitus, in vitis mss. & vet. ed.

^b Belvac. & duo priores Gemet. mortiferum, quod olim lectum in C. Germ.

^c 1. Marc. Unde & sequitur.

^d Exculi vitam præsens seculi; cum in mss. magno consensu legatur, viam.

premuntur : sic flores inter spinas oriuntur, & rosa quæ redolet, crescit cum spina quæ pungit. Duos quippe filios habuit primus homo : sed unus horum electus est, alter reprobus fuit. Tres filios Noe arca continuit : sed duo ex his electi sunt, & unus reprobus fuit : Duos Abraham filios habuit : sed unus electus est, alter reprobus fuit. Duos Isaac filios habuit : sed unus electus est, alter reprobus. Duodecim filios habuit Jacob : sed ex his unus per innocentiam venditus est, alii vero per malitiam venditores fratris fuerunt. Duodecim Apostoli sunt electi : sed unus in his admixtus est qui probaret, undecim qui probarentur. Septem sunt diacones ab Apostolis ordinati : sed sex in fide re-
 2 cta permanentibus, ^a unus existit auctor erroris. In hac ergo Ecclesia nec mali sine bonis, nec boni sine malis esse possunt. Antea cta itaque tempora, fratres carissimi, ad mentem reducite, & vos ad malorum tolerantiam roborate. Si enim electorum filii sumus, restat necesse est ut per eorum exempla gradiamur. Bonus enim non fuit, qui malos tolerare recusavit. Hinc namque est quod de semetipso beatus
 Job. 30. 29. Job asserit, dicens : *Frater fui draconum, & socius struthionum*. Hinc per Salomonem sponsi voce sanctæ Ecclesiæ dicitur : *Sicut lilium inter spinas, sic amica mea inter filias*. Hinc ad Ezechielem Dominus dicit :
 Cant. 2. 2. *Fili hominis, increduli & subversores sunt tecum, & cum scorpionibus habitas*. Hinc Petrus beati Lot vitam glorificat, dicens : *Et justum Lot oppressum a*
 Ezech. 2. 6. *b nefandorum injuria conversatione eruit : aspectu enim & auditu justus erat, habitans c inter eos qui de die in diem animam*

justam iniquis operibus cruciabant. Hinc Paulus discipulorum vitam & laudat & roborat, dicens : *In medio nationis prave & perverse, inter quos inietis sicut luminaria in mundo, verbum vite continentes*. Hinc Johannes Pergami Ecclesiæ attestatur, dicens : *Scio ubi habitas, ubi sedes est satana, & tenes nomen meum, & non negasti fidem meam*. Ecce, fratres carissimi, pene omnia percurrere cognoscimus, quia bonus non fuit, quem malorum pravitatis non probavit. Ut enim ita loquar, ferrum animæ nostræ nequam perducitur ad subtilitatem acuminis, si hoc non eraserit alienæ lima pravitatis.

8. Terrere autem vos non debet, quod in Ecclesia & multi mali, & pauci sunt boni : quia arca in undis diluvii, quæ hujus Ecclesiæ typum gessit, & ampla in inferioribus, & angusta in superioribus fuit ; quæ in summitate etiam sua ad unius mensuram cubiti excrevit. Inferius quippe quadrupedia atque reptilia, superius vero aves & homines habuisse credenda est. Ibi lata existit, ubi bestias habuit ; ibi angusta, ubi homines servavit : quia nimirum sancta Ecclesia in carnalibus ampla est, in spiritualibus angusta. Ubi enim bestiales hominum mores tolerat, illic latius sinum laxat. Ubi autem eos habet qui spiritali ratione suffulti sunt, illic quidem ad summum ducitur, sed tamen quia pauci sunt, angustatur. Lata quippe
 Matthe. 7. 13. *via est quæ ducit ad perditionem, & multi sunt qui vadunt per eam : & d angusta est quæ ducit ad vitam, & pauci sunt qui inveniunt eam*. Eo autem usque arca angustatur in summis, quousque ad mensuram unius cubiti perducatur : quia
 in

Phil. 2. 15.

Apost. 2. 15.

Nemo bonus antequam a malis probatus fuerit.

Terrere nos non debet, quod in Ecclesia multi mali sint, & pauci boni.

Matthe. 7. 13.

d

^a Nicolaum intelligit, quem turpium Nicolaitarum parentem multi e sanctis Patribus existimarunt.

^b Hic sequimur miss. non excusos ubi le-

gitur, *a nefandorum injusta*.

^c Gemet. ac Bigot. *apui eos*.

^d Bigot. *angusta est porta*. 1. Marc. porta est.

in sancta Ecclesia quanto sanctiores quique sunt, tanto pauciores. Quæ in summo ad illum perducitur, qui solus homo in hominibus, & sine alterius comparatione natus est sanctus. Qui juxta Psalmistæ vocem, *Factus est sicut passer unicus in adi-ficio*. Tanto ergo magis mali tolerandi sunt, quanto & amplius abundant, quia & in aræ tritura pauca sunt grana quæ servantur horreis, & grandes acervi palarum qui ignibus comburuntur.

Cavendum ne ad convivium nuptiale, sine veste nuptiali veniamus.

9. Sed quia jam largiente Domino, nuptiarum domum, id est sanctam Ecclesiam intrastis, solerter, fratres, aspiciate, ne aliquid de mentis vestræ habitu rex ingrediens reprehendat. Cum magno enim cordis timore pensandum est quod proptinus subditur: *Intravit autem rex ut videret discumbentes: & vidit ibi hominem non vestitum veste nuptiali*. Quid, fratres carissimi, exprimi per nuptialem vestem putamus? Si enim vestem nuptialem, baptismum vel fidem dicimus, quis sine baptismo & fide has nuptias intravit? Eo enim ipso foris est, quo necdum credidit. Quid ergo debemus intelligere nuptialem vestem, nisi caritatem? Intrat enim ad nuptias, sed cum nuptiali veste non intrat, qui in sancta Ecclesia^a assistens, fidem habet, sed caritatem non habet. Recte enim caritas, nuptialis vestis vocatur: quia hanc in se Conditor noster^b habuit, dum ad sociandæ sibi Ecclesiæ nuptias venit. Sola quippe dilectione Dei actum est, ut eis Unigenitus mentes sibi electorum hominum uniret. Unde & Johannes dicit. *Sic enim dilexit Deus mundum, ut Filium suum unigenitum daret pro nobis*. Qui ergo per caritatem venit ad homines, eandem caritatem innotuit vestem esse nuptialem. Omnis ergo vestrum, qui in Ecclesia positus Deo credidit,

Id est, sine caritate.

^a Cur nuptialis vestis dicatur.

b

Johan. 3. 16.

jam ad nuptias intravit: sed cum nuptiali veste non venit, si caritatis gratiam non custodit. Et certe, fratres, si quis ad carnales nuptias esset invitatus, vestem mutaret, congaudere se sponso & sponsæ ex ipso sui habitus decore ostenderet, inter gaudentes & festa celebrantes despectis vestibus apparere erubesceret. Nos ad Dei nuptias venimus, & cordis vestem mutare dissimulamus. Congaudent Angeli, cum ad cælum assumuntur electi. Qua ergo mente hæc spiritalia festa conspiciamus, qui nuptialem vestem, id est caritatem, quæ sola nos speciosos exhibet, non habemus?

10. Sciendum vero est quia sicut in duobus lignis, superiore videlicet & inferiore vestis textitur: ita in duobus præceptis caritas habetur, in dilectione scilicet Dei, & proximi. Scriptum quippe est: *Diliges Dominum Deum tuum ex toto corde tuo, & ex tota anima tua, & ex tota virtute tua; & proximum tuum sicut teipsum*. Qua in re notandum est, quia in dilectione proximi mensura amoris ponitur, cum dicitur: *Diliges proximum tuum sicut teipsum*: Dei autem dilectio nulla mensura constringitur, cum dicitur: *Diliges Dominum Deum tuum ex toto corde tuo, & ex tota anima tua, & ex tota virtute tua*. Non enim jubetur quisque quantum diligat, sed ex quanto, cum dicitur, *Ex toto*: quia ille veraciter Deum diligit, qui sibi de se nihil relinquit. Duo ergo hæc necesse est ut caritatis præcepta custodiat, quisquis habere in nuptiis vestem nuptialem curat. Hinc est enim, quod apud Ezechielem Prophetam, portæ ipsius civitatis in monte constitutæ vestibulum duobus cubitis mensuratur: quia nimirum accessus nobis cœlestis civitatis non panditur, si in hac Ecclesia, quæ pro eo quod adhuc foris

In duobus præceptis caritas comprehenditur.

Marc. 12. 30.

Modus amandi Deum, amare sine modo.

^a Duo priores Gemet. consistens.

^b Belvac. exhibuit.

foris est, vestibulum dicitur, Dei
& proximi dilectio non tenetur:
Pater. in
Exod. c. 42. Hinc est quod cortinis tabernaculi
intexi coccus bis tinctus jubetur.
Vos estis, fratres, vos estis cortinæ
tabernaculi, qui per fidem in cor-
dibus vestris secreta cœlestia velatis.
Sed cortinis tabernaculi bis tinctus
coccus debet inesse. Coccus quippe
ignis speciem habet. Quid vero est
caritas, nisi ignis? Sed ista caritas
esse bis tincta debet, ut tingatur &
per amorem Dei, tingatur & per
amorem proximi. Qui enim sic a-
amat Deum, ^a ut per contemplationem
illius negligat proximum, coc-
cus quidem est, sed bis tinctus non
est. Rursum qui sic amat proximum,
ut tamen contemplationem Dei per
ejus amorem relinquat, coccus est,
sed bis tinctus non est. Ut ergo
caritas vestra bis tinctus coccus esse
valeat, & ad amorem se Dei, &
ad amorem proximi accendat: qua-
tenus nec ex compassione proximi
contemplationem relinquat Dei, nec
plusquam debet inhærens contem-
plationi Dei, compassionem abiciat
proximi. Omnis itaque homo inter
homines vivens, sic ad eum anhelet
quem desiderat, ut tamen hunc non
deserat cum quo currebat: & sic
huic adjutorium ferat, ut ab illo
nullatenus torpeat, ad quem festi-
nabat.

Amoris
proximi
duo sunt
præcepta.

Job. 4. 16.

Matt. 7. 12.

II. Sciendum quoque est, quod
ipsa dilectio proximi in duobus præ-
ceptis subdividitur, cum quidam
fapiens dicat: *Omne quod tibi odis
fieri, vide ne ipse alteri facias.* Et
per semetipsam Veritas prædicat,
dicens: *Quæ vultis ut faciant vobis
homines, & vos eadem facite illis.*
Si enim & quod impendi nobis re-
cta volumus, hoc aliis impartimur,
& quod nobis fieri nolumus, hoc
aliis facere ipsi devitamus, caritatis
jura illæsa servamus. Sed nemo cum

quempiam diligit, habere se protin-
us caritatem putet, nisi prius i-
psam vim suæ dilectionis examinet.
Nam si quis quemlibet amat, sed
propter Deum non amat, caritatem
non habet, sed habere se putat.
Caritas autem vera est, cum & in
Deo diligitur amicus, & propter
Deum diligitur inimicus. Ille enim
propter Deum diligit eos quos dili-
git, qui jam & eos diligere a qui-
bus non diligitur, scit. Probari e-
nim caritas per solam odii adversi-
tatem solet. Unde & per semeti-
ipsum Dominus dicit: *Diligite inimi-*
cos vestros, benefacite his qui ode-
runt vos. Ille ergo securus amat,
qui propter Deum illum amat a
quo se intelligit non amari. Magna
sunt hæc, alta sunt hæc, & multis
ad exhibendum difficilia: sed tamen
ista est vestis nuptialis. Quisquis au-
tem hanc recumbens in nuptiis non
habet, jam sollicitus metuat, ingre-
diente rege quando mittatur foras.
Ecce enim dicitur: *Intravit rex ad
nuptias ut videret discumbentes: &
vidit ibi hominem non vestitum ve-*
ste nuptiali. Nos sumus, fratres ca-
rissimi, qui in nuptiis Verbi discum-
bimus, qui jam fidem in Ecclesia
habemus, qui Scripturæ sacræ epu-
lis pascimur, qui conjunctam Deo
Ecclesiam esse gaudemus. Conside-
rate, rogo, si cum nuptiali veste
ad has nuptias venistis, cogitationes
vestras sollicita inquisitione discutite.
De rebus singulis corda vestra tru-
tinate, si jam contra nullum odium
habetis, si contra felicitatem alie-
nam nulla vos invidiæ face succen-
ditis, si per occultam malitiam ne-
mini nocere festinatis.

Luc. 6. 27.

Quam so-
licite se
explorare
debent, qui
ad sacrum
convivium
accedunt.

12. Ecce rex ad nuptias ingredi-
tur, & cordis nostri habitum con-
templatur, atque ei quem caritate
vestitum non invenit, protinus ira-
tus dicit: *Amice, quomodo huc in-*
trasti

Alioquin a
Christo cu-
riose inve-
stigandi, &
severe pu-
niendi.

a Belvac. ut præ contemplatione illius.

Tom. V.

Y y

trasti non habens vestem nuptialem? Mirandum valde est, fratres carissimi, quod hunc & amicum vocat, & reprobatur: ac sibi apertius dicat, Amice, & non amice: amice per fidem, sed non amice per operationem. *At ille obmutuit:* quia quod dici sine gemitu non potest, in illa distractione ultimæ increpationis omne argumentum cessat excusationis: quippe quia ille foris increpat, qui testis conscientiae intus animum accusat. Sed inter hæc sciendum est, quia quisque hanc vestem virtutis habet, sed tamen adhuc perfecte non habet, ad pii regis ingressum desperare veniam non debet: quia ipse quoque spem nobis per Psalmistam tribuens, dicit: *Imperfectum meum viderunt oculi tui, & in libro tuo omnes scribentur.* Sed quia pauca hæc in ^a consolatione habentis & infirmantis diximus, nunc ad eum qui hanc omnimodo non habet, verba vertamus. Sequitur:

13. *Tunc dixit rex ministris: Ligatis manibus ejus & pedibus, mittite eum in tenebras exteriores; ibi erit fletus & stridor dentium.* Ligantur tunc pedes & manus per distractionem sententiae, qui modo a pravis operibus ligari noluerunt per meliorationem vitae. Vel certe tunc ligatur poena, quos modo a bonis operibus ligavit culpa. Pedes enim qui visitare ægrum negligunt, manus quæ nihil indigentibus tribuunt, a bono opere jam ex voluntate ligatae sunt. ^b Qui ergo nunc sponte ligantur in vitio, tunc in supplicio ligantur invite. Bene autem dicitur quod in exteriores tenebras projiciatur. Interiores quippe tenebras dicimus cæcitatem cordis, exteriores vero tenebras æternam noctem damnationis. Tunc ergo damnatus

quisque non in interiores, sed in exteriores tenebras mittitur: quia illic invitatus projicitur in noctem damnationis, qui hic sponte cecidit in cæcitatem cordis. Ubi fletus quoque & stridor dentium esse perhibetur: ut illic dentes strideant, qui hic de edacitate gaudebant: illic oculi desleant, qui hic per illicitas concupiscentias versabantur, ^c quatenus singula quæque membra supplicio subjaceant, quæ hic singulis quibusque vitiis subiecta fiebant.

14. Sed repulso uno, in quo videlicet omne malorum corpus exprimitur, generalis protinus sententia subinfertur, qua dicitur: *Multi enim sunt vocati, pauci vero electi.* Tremendum valde est, fratres carissimi, quod audivimus. Ecce nos omnes jam vocati per fidem ad cælestis regis nuptias venimus, incarnationis ejus mysterium & credimus & confitemur, divini Verbi epulas sumimus; sed futuro die judicii rex intraturus est. Quia vocati sumus, novimus: si sumus electi, nescimus. Tanto ergo necesse est ut unusquisque nostrum in humilitate se deprimat, quanto si sit electus ignorat. Nonnulli enim bona nec incipiunt, nonnulli vero in bonis, quæ incæperunt, minime persistunt. Alter pene totam vitam ducere in pravitate conspicitur, sed juxta finem vitae a pravitate sua per districtæ poenitentiae ^d lamenta revocatur: alter electam videtur vitam ducere, & tamen hunc contingit ad erroris nequitiam juxta finem vitae declinare. Alius bonum bene incoat, melius consummat: alius in malis actibus a primæva ætate ^e se dejecit, & in eisdem operibus semper seipso deterior consummatur.

Tan-

^a Tertius Gemet. in consolatione labentis.

^b Longip. Val cl. & duo prior. Gemet. quæ ergo nunc sc. manus. Sic & 1. Marc.

^c Additur, in mundo, in tribus Gemet.

^d Bigot. lamenta renovantur.

^e Excusi, se exercet, reluctantibus MSS. omnibus.

Ex electorum paucitate quid inferre debeamus.

Tanto ergo sibi unusquisque solite metuat, quanto ignorat quod restat: quia, quod sæpe dicendum est, & sine oblivione retinendum: *Multi sunt vocati, pauci vero electi.*

Jam dicta
exemplis
confirmantur.

15. Sed quia nonnunquam mentes audientium plus exempla fidelium, quam docentium verba convertunt, volo vobis aliquid de proximo dicere, quod corda vestra tanto formidolosius audiant, quanto eis hoc de propinquo sonat. Neque enim res longe ante gestas dicimus, sed eas de quibus testes existunt, eisque interfuisse se referunt, memoramus.

Ex duabus
sancti Gregorii
amitis
quæ sanctissime
vixerunt.
lib. 4. Dial.
c. 16.
Joh. Diac. l.
3. c. 38.
a

Tres pater meus sorores habuit, quæ cunctæ tres sacræ virgines fuerunt: quarum una Tharsilla, alia ^a Gordiana, alia Æmiliana dicebatur. Uno omnes ardore conversæ, uno eodemque tempore sacratæ, sub districtione regulari degentes, in domo propria socialem vitam ducebant. Cumque essent diutius in eadem conversatione, cœperunt quotidianis incrementis in amorem Conditoris sui Tharsilla & Æmiliana succrescere, & cum solo hic essent corpore, quotidie animo ad æterna transire. At contra Gordianæ animus cœpit a calore amoris intimi per quotidiana ^b detrimenta tepescere, & paulisper ad hujus seculi amorem redire. Crebro autem Tharsilla dicere Æmilianæ sorori suæ cum magno gemitu solebat: Video Gordianam sororem nostram de nostra forte non esse: perpendo enim quia foras defluit, & cor ad quod proposuit non custodit. Quam curabant blanda quotidie redargutione corripere, atque a levitate morum ad gravitatem sui habitus reformare. Quæ quidem ^c resumebat vul-

Tettix
repor &
lapsus.
b

tum subito gravitatis inter verba correptionis, sed cum ejusdem correptionis hora transisset, transibat protinus & superducta gravitas honestatis, moxque ad levia verba redibat. Puellarum gaudebat societate laicarum, eique persona valde onerosa erat quæcumque huic mundo dedita non erat. Quadam vero nocte huic Tharsillæ amitæ meæ, quæ inter sorores suas virtute continuæ orationis, afflictionis studiosæ, abstinentiæ singularis, gravitate vitæ venerabilis in honore & culmine sanctitatis excreverat, sicut ipsa narravit, per visionem atavus meus Felix hujus Romanæ Ecclesiæ antistes apparuit, eique mansionem perpetuæ claritatis ostendit, dicens: Veni, quia in hac te lucis mansionem suscipio. Quæ ^d subsequenti mox febre correpta, ad diem pervenit extremum. Et sicut nobilibus feminis virisque morientibus multi conveniunt, qui eorum proximos consolentur, eadem hora ejus exitus multi viri ac semine ejus lectulum circumsteterunt, inter quas mater mea quoque adfuit: cum subito sursum illa respiciens, Jesum venientem vidit, & cum magna animadversione cœpit circumstantibus clamare, dicens: Recedite, recedite, Jesus venit. Cumque in eum intenderet quem videbat, sancta illa anima a carne soluta est: tantaque subito fragrantia miri odoris aspersa est, ut ipsa quoque suavitas cunctis ostenderet illic auctorem suavitatis venisse. Cumque corpus ejus ex more mortuorum ad lavandum esset nudatum, longo orationis usu in cubitis ejus & genibus, camelorum more, inventa est obdurata cutis excrevisse, & quid vivens ejus

d

Tharsillæ
felix transi-
tus.

Yy 2 spi-

^a In Corb. semper legitur, Gordiana, & in C. Germ. Æmeliana.

^b Recent. ed. decrementa.

^c 1. Marc. resumo vultu subito gravi-

tatis, cum inter verba correptionis hora transisset, transibat protinus &c.

^d Bigot. Val-cl. Longip. subsequenti nocte.

Et Amilianæ.

spiritus semper egerit, caro mortua testabatur. Hæc autem gesta sunt ante Dominici Natalis diem. Quo transacto, mox Æmilianæ sorori suæ per visionem nocturnæ visionis apparuit, dicens: Veni, ut quia Natalem Dominicum sine te feci, sanctum Theophaniæ diem jam tecum faciam. Cui illa protinus de sororis suæ Gordianæ salute sollicita respondit: Et si sola venio, sororem nostram Gordianam cui dimitto? Cui, sicut asserebat, tristis vultu iterum dixit: Veni, Gordiana etenim soror nostra ^a inter laicas deputata est. Quam visionem mox molestia corporis secuta est, atque ita ut dictum fuerat, ante Dominicæ apparitionis diem, eadem molestia ingravescens, defuncta est. Gordiana autem mox ut solam remansisse se reperit, ejus pravitas excrevit: & quod prius latuit in desiderio cogitationis, hoc ^b post affectu pravæ actionis exercuit. Nam oblita Dominici timoris, oblita pudoris & reverentiæ, oblita ^c consecrationis, conductorem agrorum suorum postmodum maritum duxit. Ecce omnes tres uno prius ardore conversæ sunt, sed non in uno eodemque studio permanserunt: quia juxta Dominicam vocem, *Multi sunt vocati, pauci vero electi*. Hæc ergo dixi, ne quis in bono jam opere positus, sibi vires boni operis tribuat, ne quis de propria actione confidat: quia etsi jam novit hodie qualis sit, adhuc cras quid futurus sit nescit. Nemo ergo de suis jam operibus securus gaudeat, quando adhuc in hujus vitæ incertitudine ^d qui finis sequatur ignorat. Sed quia rem retuli, quæ vos ex divina dilictione perterrita, aliud adhuc e

vicino refero, quod ex divina misericordia, perterrita vestra corda confoletur: quod tamen in sermone alio jam me dixisse memini, sed vos nequaquam adfuitis.

16. Ante biennium frater quidam in monasterium meum, quod juxta beatorum martyrum Johannis & Pauli Ecclesiam situm est: gratia conversationis venit: qui diu regulariter protractus, quandoque susceptus est. Quem frater suus ad monasterium non conversationis studio, sed carnali amore secutus est. Is autem qui ad conversationem venerat, valde fratribus placebat, at contra, frater illius longe a vita ejus ac moribus discrepabat. Vivebat tamen in monasterio necessitate potius, quam voluntate. Et cum in cunctis actibus perversus existeret, pro fratre suo ab omnibus æquanimiter tolerabatur. Erat enim levis eloquio, pravus actione, cultus vestibus, moribus incultus: ferre vero non poterat si quisquam illi de sancti habitus conversatione loqueretur. Pacta autem fuerat vita illius cunctis fratribus visu gravis, sed tamen, ut dictum est, pro fratre sui gratia erat cunctis tolerabilis. Aspernabatur valde si quis sibi aliquid de pravitatis suæ correctione loqueretur. Bona non solum facere, sed etiam audire non poterat. Nunquam se ad sanctæ conversationis habitum venire, jurando, irascendo, deridendo, testabatur. In hac autem pestilentia, quæ nuper hujus urbis populum magna ex parte consumpsit, percussus in inguine, perductus est ad mortem. Cumque extremum spiritum ageret, conveniunt fratres ut egressum illius orando protegerent. Jam corpus ejus ab extrema fuerat parte præmortuum,

Et Theodorus ex ipso diaboli faucibus eripitur. Lib. 4. Dialog. c. 38. & Hom. 19. n. 7.

^b Gordiana nubuit, suæ consecrationis oblita, & a sanctitatis statu corruit.

^a Per *laicas*, hic intelligo seculo servientes; quod in virginibus Deo dicatis magnum nefas. Ceterum Laicorum sæpe mentio fit apud Tertull. Cyprianum, & alios patres antiquiores.

^b Longip. & Val-cl. per effectum.

^c 1. Marc. congregationis.


^d Idem cum Gemen. & Bigot. quis se finis sequatur.

tuum ; in solo tantummodo pectore vitalis adhuc calor anhelabat . Cuncti autem fratres tanto pro eo cœperunt enixius orare , quanto eum jam videbant sub celeritate discedere . Cum repente cœpit eisdem fratribus assistentibus adnifu quo poterat , clamare , & orationes eorum interrumpere , dicens : Recedite , recedite : ecce draconi ad devorandum datus sum , qui propter vestram præsentiam devorare me non potest . Caput meum jam in suo ore absorbit ; date locum ut me amplius non cruciet , sed faciat quod facturus est . Si ei ad devorandum datus sum , quare propter vos moras patior ? Tunc fratres cœperunt ei dicere : Quid est quod loqueris , frater ? Signum tibi sanctæ crucis imprime . Respondebat ille ut poterat , dicens : Volo me signare , sed non possum , quia a dracone premor . Cumque hoc fratres audirent , prostrati in terra cum lacrymis cœperunt pro ereptione illius vehementius orare . Et ecce subito cœpit melioratus æger quibus valebat vocibus exsultare , dicens : Gratias Deo , ecce draco qui me ad devorandum acceperat , fugit : orationibus vestris expulsus , stare non potuit . Pro peccatis meis modo intercedite , quia

converti paratus sum ; & secularem vitam funditus relinquere . Homo ergo , qui , sicut jam dictum est , ab extrema corporis fuerat parte præmortuus , reservatus ad vitam , toto ad Deum corde conversus est : Longis & continuis in conversatione eadem flagellis eruditus , atque ante paucos dies excrecente corporis molestia defunctus est . Qui jam moriens draconem non vidit , quia illum per cordis immutationem vicit . Ecce , fratres mei , Gordiana , quam superius dixi , a sanctimonialis habitus excellentia corruit ad pœnam , & frater hic , de quo ista narraui , ^a ab ipso mortis articulo rediit ad æternam vitam . Nemo ergo scit quid de se in occultis Dei judiciis agatur ; quia *multi sunt vocati , pauci vero electi* . Quia ergo nulli de se certum est electum se esse , restat ut omnes trepident , omnes de sua actione formident , omnes in sola divina misericordia gaudeant , nullus de suis viribus præsumat . Est qui perficiat fiduciam nostram , ille scilicet qui in se dignatus est ^b assumere naturam nostram , Jesus Christus , qui cum Patre vivit & regnat in unitate Spiritus sancti Deus , per omnia secula seculorum . Amen .

^a Primus Carn. *ab ipso mortis periculo .*


^b Bigot. *suscipere naturam .*



Lectio Sancti Evangelii secundum Lucam.

Luc. Cap. XIX. v. 41. — 47.

IN illo tempore: Cum appropinquaret Jesus Jerusalem, videns civitatem, flevit super illam, dicens: Quia si cognovisses, & tu, & quidem in hac die tua, quæ ad pacem tibi, nunc autem abscondita sunt ab oculis tuis: Quia venient dies inte, & circumdabunt te inimici tui vallo: & circumdabunt te, & coangustabunt te undique, & ad terram ^a prosternent te, & filios tuos qui in te sunt: & non relinquent in te lapidem super lapidem, eo quod non cognoveris tempus visitationis tuæ. Et ingressus templum, cepit ejicere vendentes in illo & ementes, dicens illis: Scriptum est, quia domus mea domus orationis est. Vos autem fecistis illam speluncam latronum. Et erat docens quotidie in templo.



b H O M I L I A XXXIX.

c Habita ad populum ^c in basilica beati Johannis, quæ dicitur Constantiniana.

Destructio
Jerusalem
a Christo
prædicta.

IN LEctionem brevem sancti Evangelii, brevi, si possum, volo sermone percurrere: ut illis in ea prolixior detur intentio, qui sciunt ex paucis multa cogitare. ^d Quod flente Domino illa Jerosolymorum subversio describatur, quæ a Vespasiano & Tito Romanis Principibus facta est, nullus qui historiam everisionis ejusdem legit, ignorat. Romani enim Principes denuntiantur, cum dicitur: Quia venient dies in te, & circumdabunt te inimici tui vallo: & circumdabunt te, & coangustabunt te undique, & ad terram ^c prosternent te, & filios tuos qui in te sunt. Hoc quoque quod additur: Non relinquent in te lapi-

dem super lapidem, etiam ipsa jam ejusdem civitatis transmigratio testatur: quia dum nunc in eo loco constructa est, ubi extra portam fuerat Dominus crucifixus, prior illa Jerusalem, ut dicitur, funditus est everfa. Cui ex qua culpa everisionis suæ pœna fuerit illata, subjungitur: Eo quod non cognoveris tempus visitationis tuæ. Creator quippe omnium per incarnationis suæ mysterium hanc visitare dignatus est: sed ipsa timoris & amoris illius recordata non est. Unde etiam per Prophetam in increpatione cordis humani, aves cœli ad testimonium deducuntur, dum dicitur: Mil-

Jerem. 8, 7.

tur-

a Belvac. & C. Germ. *confernent* te.

b Est vigesima quarta in Corb. In Lateran. vigesima-sexta, in cod. Reg. Succ. trigesima.

c In Later. in basilica S. Salvatoris.

d Sic legendum ex MSS. & vet. ed. Exculi habent, quod a flente.

e 1. Marc. *confernent*. sic & infra.

turtur & hirundo & ciconia custodierunt tempus adventus sui, populus autem meus non cognovit iudicium Domini. Sed quarendum prius est quid sit quod dicitur: *Videns civitatem, flevit super illam, dicens: Quia si cognovisses, & tu.* Flevit etenim prius Redemptor ruinam perfidæ civitatis, quam ipsa sibi civitas non cognoscebat esse venturam. Cui a fiente Domino recte dicitur: *Quia si cognovisses, & tu,* ^a subaudi, fleres, quæ modo quia nescis quod imminet, exultas. Unde & subditur: *Et quidem in hac die tua, quæ ad pacem tibi.* Cum enim carnis se voluptatibus daret, & ventura mala non prospiceret, in die sua quæ ad pacem esse ei poterant, habebat. Cur vero bona præsentia ad pacem habuerit, manifestatur cum dicitur: *Nunc autem abscondita sunt ab oculis tuis.* Si enim cordis ejus oculis mala quæ imminerent, abscondita non essent, læta in præsentibus prosperis non fuisset. Cujus mox etiam pœna quæ de Romanis, sicut prædixi, Principibus imminebat, adjuncta est.

2. Qua descripta, quid Dominus fecerit, subditur: quia, *ingressus templum, cepit ejicere vendentes in illo & ementes, dicens illis: Scriptum est, quia domus mea domus orationis est: vos autem fecistis illam speluncam latronum.* Qui enim narravit mala ventura, & protinus templum ingressus est ut de illo vendentes & ementes ejiceret, profecto innotuit, quia ruina populi maxime ex culpa sacerdotum fuit. Eversionem quippe describens, sed vendentes & ementes in templo feriens, in ipso effectu sui operis ostendit, unde radix prodiit perditionis. Sicut autem Evangelista alio teste didicimus, in templo columbæ vendebantur. Et quid per

columbas, nisi sancti Spiritus donum accipitur? Sed vendentes & ementes e templo eliminat: quia vel eos qui pro munere impositionem manuum tribuunt, vel eos qui donum Spiritus emere nituntur, damnat. De quo templo mox subditur: *Domus mea, domus orationis est: vos autem fecistis illam speluncam latronum.* Qui enim ad accipienda munera in templo residebant, profecto quia quibusdam non dantibus læsionem exquirerent, dubium non erat. Domus ergo orationis, spelunca latronum facta fuerat: quia ad hoc in templo assistere noverant, ut aut non donantes munera studerent corporaliter persequi, aut dantes spiritualiter necare. Quia vero Redemptor noster prædicationis verba nec indignis & ingratis subtrahit, postquam disciplinæ ^b vigorem ejiciendo perverfos tenuit, donum mox gratiæ ostendit. Nam subditur: *Et erat docens quotidie in templo.* Hæc juxta historiam breviter tractando transcurrimus.

3. Sed quia everfam jam Jerusalem novimus, atque eversione sua in melius commutatam, quia expulso latrone a templo, atque ipsum jam templum dirutum scimus: debemus ex rebus exterioribus introrsus aliquam similitudinem trahere, atque ex everfis ædificiis parietum, morum ruinam timere. *Videns enim civitatem, flevit super illam, dicens: Quia si cognovisses, & tu.* Hoc semel egit, cum perituram civitatem esse nuntiavit. Hoc quotidie Redemptor noster per electos suos agere nullatenus cessat, cum quosdam ex bona vita ad mores reprobos pervenisse considerat. Plangit enim eos qui nesciunt cur plangantur, quia juxta Salomonis verba: *Lætantur cum male fecerint,*

Christus etiam ingratis prædicationis verbum non subtrahit.

b

Quid per destructionem Jerusalem, sit moraliter intelligendum.

Prov. 2. 14.

&

^a C. Germ. subaudis, flevit. In Corb. quoque & in Gemet, legitur, subaudis.

^b Belvac. rigorem.

Ruina populi, maxime ex culpa sacerdotum. Is. 56. 7.

Vendentes.

& exsultant in rebus pessimis. Qui si damnationem suam quæ eis imminet agnovissent, semetipsos cum lacrymis electorum plangerent. Bene autem perituræ animæ sententia quæ subditur, convenit: *Et quidem in hac die tua, quæ ad pacem tibi, nunc autem abscondita sunt ab oculis tuis.* Suam hic diem habet anima perversa, quæ transitorio gaudet in tempore. Cui ea quæ adfunt, ad pacem sunt; quia dum ex rebus temporalibus lætatur, dum honoribus extollitur, dum in carnis voluptate resolvitur, dum nulla venturæ pœnæ formidine terretur, pacem habet in die sua, quæ grave damnationis suæ scandalum in die habebit aliena. Ibi enim affligenda est, ubi iusti lætabuntur: & cuncta quæ modo ei ad pacem sunt, tunc in amaritudinem rixæ vertentur: quia rixari secum incipiet, cur damnationem quam patitur, non expavit, cur a prospiciendis malis sequentibus oculos mentis clausit. Unde ei dicitur: *Nunc autem abscondita sunt ab oculis tuis.*

Anima præsentibus dedita, abscondit sibi mala futura.

a

b

Eclis. 11. 27.

1. Cor. 7. 30.

Perversa quippe anima rebus præsentibus dedita, in terrenis voluptatibus resoluta, abscondit sibi mala sequentia ^a quia ^b prævidere futura refugit, quæ præsentem lætitiā perturbant: dumque in præsentis vitæ oblectationibus se deferit, quid aliud quam clausis oculis ad ignem vadit? Unde bene scriptum est: *In die bonorum ne immemor sis malorum.* Et inde per Paulum dicitur: *Qui gaudent, tamquam non gaudentes sint:* quia & si qua est præsentis temporis, ita est agenda lætitiā, ut nunquam amaritudo sequentis iudicii recedat a memoria: quatenus dum mens pavida extremæ ultionis timore trans-

figitur, quantum nunc præsens lætitiā, tantum post ira subsequens temperetur. Hinc namque scriptum est: *Beatus homo, qui semper est pavidus: qui vero mentis est dura, corruet in malum.* Sequentis enim ira iudicii tanto tunc districtior portabitur, quanto nunc & inter culpas minime timetur.

4. Sequitur: *Quia venient dies in te, & circumdabunt te inimici tui vallo.* Qui unquam sunt humanæ animæ majores inimici, quam maligni spiritus, qui hanc a corpore exeuntem obsident, quam in carnis amore positam, deceptoris delectationibus fovēt? Quam vallo circumdant: quia ante mentis ejus oculos reductis iniquitatibus quas perpetravit, hanc ad societatem suæ damnationis trahentes coarctant, ut in ipsa jam extremitate vitæ deprehensa, & a quibus hostibus circumclusa sit, videat, & tamen evadendi aditum invenire non possit: quia operari jam bona non licet, quæ cum licuit agere, contempsit. De quibus adhuc apte quod sequitur, intelligi valet: *Circumdabunt te, & coangustabunt te undique.* Maligni quippe spiritus undique animam angustant, quando ei non solum operis, verum etiam locutionis, atque insuper cogitationis iniquitates replicant, ut quæ prius se per multa dilatavit in scelere, ad extremum de omnibus angustetur in retributione. Sequitur. *Et ad terram prosternent te, & filios tuos qui in te sunt.* Tunc anima per cogitationem reatus sui ad terram ^c consternitur, cum caro ^d quam vitam suam credidit, redire ad pulverem urgetur. Tunc in mortem filii illius cadunt, cum cogitationes illicitæ quæ modo ex illa pro-

Illam e corpore migrantem maligni spiritus obsessuri sunt & aratururi.

c
d

a 1. Marc. ne præsentem lætitiā perturbent.

b Longip. prævidere mala futura.

c In plerisque MSS. habetur tum in lectione Evangelii, tum in homilia & expo-

sitione, ad terram consternent te. Sic lectum a Gregorio suadere videtur locus hic, ad terram consternitur.

d Ita C. Germ. Gemet. Longip. ubi excusi habent, cum caro cui vitam.

Ps. 145. 4. deunt, in extrema vitæ ultione dissipantur, sicut scriptum est: *In illa die peribunt omnes cogitationes eorum.* Quæ scilicet duræ cogitationes intelligi etiam per lapidum significationem valent. Nam sequitur: *Et non relinquent in te lapidem super lapidem.* Perversa etenim mens, cum perversæ cogitationi adhuc perversiorem adjicit, quid aliud quam lapidem super lapidem ponit? Sed in destructa civitate super lapidem lapis non relinquitur: quia cum ad ultionem suam anima ducitur, omnis ab illa cogitationum suarum constructio dissipatur.

Tantæ calamitatis causa tempus visitationis divi non cognoscitur.

a

Luc. 12. 58.

b

Pater. in Luc. cap. 36.

5. Quæ cur hoc patiat, adjungitur: *Eo quod non cognoveris tempus visitationis tue.* a Pravam quamque animam omnipotens Deus multis modis visitare consuevit. Nam assidue hanc visitat præcepto, aliquando autem flagello, aliquando vero miraculo: ut & vera, quæ nesciebat, audiat, & tamen adhuc superbiens atque contemnes, aut dolore compuncta redeat, aut beneficiis devicta, malum quod fecit erubescat. Sed quia visitationis suæ tempus minime cognoscit, illis in extremo vitæ inimicis traditur, cum quibus in æterno judicio damnationis perpetuæ societate colligatur, sicut scriptum est: *Cum vadis cum adversario tuo ad principem in via, da operam liberari ab illo: ne forte b trahat te ad judicem, & judex tradat te exactori, & exactor mittat te in carcerem.* Adversarius quippe noster in via, est sermo Dei, contrarius nostris carnalibus desideriis in præsentī vita. A quo ipse liberatur, qui præceptis ejus humiliter subditur. Alioquin adversarius judici, & judex tradet exacto-

ri: quia ex sermone Domini contempto reus peccator tenebitur in examine judicis. Quem judex exactori tradit: quia hunc maligno spiritui ad ultionem trahere permittit, ut compulsum animam ipse ad pœnam de corpore exigat, quæ ei ad culpam sponte consensit. Exactor mittit in carcerem: quia per malignum spiritum in inferno recluditur, quousque dies judicii veniat, ex quo jam in inferni ignibus simul & ipse crucietur.

6. Expleta ergo perditione civitatis, quam nos ad percuntis animæ similitudinem traximus, protinus subditur: *Et ingressus templum, cepit ejicere vendentes & ementes de illo.* Sicut templum Dei in civitate est, ita & in plebe fidelī vita religiosorum. Et sæpe nonnulli religionis habitum sumunt, & dum sacrorum ordinum locum percipiunt, sanctæ religionis officium in commercium terrenæ negotiationis trahunt. Vendentes quippe in templo sunt, qui hoc quod quibusdam jure competit, ad præmium largiuntur. Iustitiam enim vendere, est hanc pro præmii acceptione servare. Ementes vero in templo sunt, qui dum hoc persolvere proximo quod justum est nolunt, dumque rem jure debitam facere contemnunt, dato patronis præmio emunt peccatum. Quibus bene dicitur. *Domus mea, domus orationis est: vos autem fecistis illam speluncam latronum:* quia dum c nonnunquam perversi homines d locum religionis tenent, ibi malitiæ suæ gladiis occidunt, ubi vivificare proximos orationis suæ intercessione debuerunt.

Ad sacros ordines pro-
vecti ali-
quando re-
ligionem in
commer-
cium terre-
næ negotia-
tionis tra-
hunt.

Io. 7. 3. c. 10.
Vendentes.

7. Templum quoque & domus Dei est ipsa mens atque conscien-
tia

Mentes fide-
lium domus
orationis ef-
fesse debent.

a Bigot. pravam namque.

b Belvac. C. Germ. Longip. tradat te ad judicem. Bigot. & primus Carn. tradat te judici. Ex textu Græco legendum,

Tom. V.

trahat, vel pertrahat.

c Big. nonnulli perversi.

d Duo priores Gemet. locum regiminis.

tia fidelium. Quæ si quando in læsione proximi perversas cogitationes profert, quasi in spelunca latrones resident, & simpliciter gradientes interficiunt, ^a quando in eos qui in nullo rei sunt, læsionis gladios defigunt. Mens enim fidelium jam non domus orationis, sed spelunca latronum est, quando relicta innocentia & simplicitate sanctitatis illud conatur agere, unde valeat proximis nocere. Sed quia contra perversa hæc omnia verbis Redemptoris nostri per sacras paginas indefinenter instruimur, nuncusque hoc agitur, quod factum fuisse perhibetur, cum dicitur: *Et erat docens quotidie in templo*. Cum enim mentem fidelium ad cavenda mala subtiliter erudit, quotidie Veritas in templo docet. Sed sciendum nobis est, quia veritatis verbis veraciter erudimur, si extrema mala nostra formidolose & indefinenter aspicimus: juxta hoc quod per quemdam sapientem dicitur: *In omnibus operibus tuis memorare novissima tua, & in æternum non peccabis*. Pensare quippe quotidie debemus, quod ex ejusdem voce nostri Redemptoris audivimus: *Et quidem in hac die tua quæ ad pacem tibi; nunc autem abscondita sunt ab oculis tuis*. Dum enim districtus judex sustinet, & adhuc manum non exferit in percussione, dum a retributione ultionis ultimæ esse quædam ^b temporis securitas videtur, debemus pensare malum quod sequitur, pensantes gemere, gementes vitare: & quæ commissimus peccata indefinenter aspicere, aspicientes flere, & flentes abstergere. Nulla nos ^c prosperitatis transitoria lætitia dissolvat, nec mentis nostræ oculos ea quæ sunt transitoria

obstruant, ^d nec cæcos ad ignem ducant. Si enim districte pensetur, cujus sit ponderis improprium, ex ore veritatis agnoscitur, cum negligenti & futura non prospicienti dicitur: *Et quidem in hac die tua, quæ ad pacem tibi: nunc autem abscondita sunt ab oculis tuis*.

8. Nam cogitandum valde est, quantum nobis erit terribilis hora nostræ resolutionis, qui pavor mentis, quanta tunc omnium malorum memoria, quæ oblivio transactæ felicitatis, quæ formido & consideratio judicis. Quid ergo esse nobis de præsentibus ad delectationem debet, quando cunctis simul transeuntibus, non valet transire quod imminet? quando & hoc funditus finitur, quod diligitur: & illud incipitur, ubi dolor numquam finitur? Tunc maligni spiritus in egrediente anima, sua opera requirunt; tunc mala quæ suaserunt, replicant, ut sociam ad tormenta trahant. Sed cur hoc de perversa solummodo anima dicimus, cum ad electos quoque egredientes veniant, & suum in illis, si prævaleant, aliquid requirant? Unus autem ^e in hominibus exstitit, qui ante passionem suam libera voce dixit: *Jam non multa loquar vobiscum: venit enim princeps mundi hujus, & in me non habet quidquam*. Quia enim hunc mortalem hominem vidit, suum in illo mundi princeps aliquid invenire se posse credidit. Sed sine ullo peccato a mundi corruptione exiit, qui sine peccato in mundum venit. Hoc de se contra mundi principem nec Petrus dicere præsumsit, qui audire meruit: *Quacumque ligaveris super terram, ligata erunt & in cælis: & quodcumque solveris super terram, solutum erit & in cælis*.

Hora mortis sollicite ante oculos ponenda.

Pater, in Jo. cap. 29.

Joh. 14. 30.

An solus sit Christus, in quo diabolus nihil habuerit.

Mat. 16. 19.

^a Longip. & Val-cl. quando eos . . . gladio defigunt.

^b Gemet. Val-cl. Longip. temporis dilatio.

^c C. Germ. nos prosperitas transitoria laudis, lætitiaque dissolvat. Concinat B. got.

^d Corb. nec cæci ad ignem ducantur.

^e Primus Carn. in omnibus.

Aliquando sunt latronum spelunca.

Quid in his templis Christus doceat.

Ecclesi. 7. 40.

Ejus doctrina & monitis quomodo utendum.

cælis. Hoc nec Paulus dicere præsumpsit, qui priusquam mortis debitum solveret, ad cæli tertii secreta pervenit. Hoc nec Johannes dicere ausus est, qui pro amore præcipuo, in Redemptoris sui pectore in cœna recubuit. Nam cum

Ps. 59. 7. Propheta dicat; *Ecce enim in iniquitatibus conceptus sum, & in delictis peperit me mater mea*: sine culpa in mundo esse non potuit, qui in mundum cum culpa venit.

Ps. 142. 2. Hinc namque idem Propheta ait: *Non justificabitur in conspectu tuo omnis vivens*. *Ecc. 7. 21.* Hinc Salomon ait:

Non est homo justus in terra qui faciat bonum, & non peccet. Hinc *1. Joh. 1. 8.* Johannes dicit: *Si dixerimus quia peccatum non habemus, ipsi nos seducimus, & veritas in nobis non est*.

Jac. 3. 2. Hinc Jacobus ait: *In multis enim offendimus omnes*. Constat enim, quia omnes qui de carnis delectatione concepti sunt, in eorum proculdubio vel actione, vel locutione, vel cogitatione aliquid suum princeps hujus mundi habuit. Sed idcirco illos vel post rapere, vel prius tenere non potuit, quia eos ille a debitis suis eripuit, qui pro nobis

^a sine debito, mortis debitum solvit; ut nos ideo sub jure hostis nostri debita nostra non teneant, quia pro nobis Mediator Dei, & hominum homo Christus ^b Jesus gratuito reddidit quod non debebat. Qui enim pro nobis mortem carnis indebitam reddidit, nos a debita animæ morte liberavit. Ait ergo:

Venit enim princeps mundi hujus, & in me non habet quidquam. Unde curandum nobis est, & cum magnis quotidie fletibus cogitandum, ^c quam rabidus, quam terribilis sua in nobis opera requirens in die nostri exitus princeps hujus mundi veniat, si etiam ad Deum carne

morientem venit, & in illo aliquid quæsit, in quo invenire nihil potuit.

9. Quid itaque nos miseri dicturi, quid acturi sumus, qui innumera mala commisimus? Quid requirenti adversario, & multa sua in nobis inveniendi dicemus, nisi solum quod nobis est certum refugium, & solida spes: quia unum cum illo facti sumus, in quo princeps hujus mundi & suum aliquid requisivit, & invenire minime potuit? quoniam solus est inter mortuos liber. Et a

Ne nos rapiat, Christo per fidem & bona opera ad hæreamus.

Ps. 87. 5. peccati jam servitio veraci libertate solvimur: quia ei qui vere liber est, unimur. Constat enim, nec negare possumus, sed veraciter fatemur, quia princeps hujus mundi habet in nobis multa: sed tamen mortis nostræ tempore jam nos rapere non valet, quia ejus membra effecti sumus, in quo non habet quidquam. Sed quid prodest quod eidem Redemptori nostro per fidem jungimur, si ab eo moribus disjungamur? Ipse etenim dicit: *Non omnis qui dicit mihi, Domine, Domine, intrabit in regnum cælorum*. Recta ergo opera rectæ fidei jungenda sunt. Mala quæ fecimus, per quotidiana lamenta diluamus, transactas nostras nequitias surgentia ab amore Dei & proximi recta opera superent, nulla quæ possumus fratribus impendere bona recusemus. Neque enim aliter Redemptoris nostri membra efficimur, nisi inhærendo Deo, & compatiendo proximo.

Matth. 7. 27.

10. Sed quia ad amorem Dei & proximi plerumque corda audientium plus exempla quam verba excitant, caritati vestræ indicare studeo, quod is qui præsto est filius meus Epiphanius diaconus, Isauria provincia exortus, in vicina factum terra Lycaoniæ solet narrare miraculum.

Christo quam grata sint misericordiarum opera, exemplo Martyrii probatur.

ZZ 2

Ait

^a Duo priores Gemet. sine dubio.

^b Nonnulli, Jesus velut ex debito gratias reddidit.

^c C. Germ, quam rapidus, Carnut. & plerique, quam servus.

a Ait enim quod in ea quidam^a Martyrius nomine, vitæ valde venerabilis monachus fuit, b qui ex suo monasterio visitationis gratia ad aliud monasterium tendebat, cui spiritualis pater præerat. Pergens itaque, leprosum quemdam, quem densis vulneribus elephantinus morbus per membra scædaverat, invenit in via, volentem ad suum hospitium redire, sed præ lassitudine non valentem. In ipso vero itinere se habere perhibebat hospitium, quo idem Martyrius monachus ire festinabat. Vir autem Dei ejusdem leprosi lassitudinem misertus, pallium quo vestiebatur, in terram protinus projecit & expandit, ac desuper leprosum posuit, eumque suo pallio undique constrictum super humerum levavit, secumque revertens detulit. Cumque jam monasterii foribus propiaret, spiritualis pater ejusdem monasterii magnis vocibus clamare cepit: Currite, januas monasterii citius aperite, quia frater Martyrius venit Dominum portans. Statim vero ut Martyrius ad monasterii aditum pervenit, is qui leprosus esse putabatur, de collo ejus exsiliens, & in ea specie apparens, qua recognoscitur ab hominibus solet Redemptor humani generis, Deus & homo Christus Jesus, ad cælum Martyrio aspiciente rediit, eique ascendens dixit: Martyri, tu me non erubuisti super terram, ego te non erubescam super cælos. Qui sanctus vir mox ut est monasterium ingressus, ei pater monasterii dixit: Frater Martyri, ubi est quem portabas? Cui ille respondit, dicens: Ego si scivissem quis esset, pedes illius tenuissem. Tunc idem Martyrius narrabat, quia cum eum portasset, pondus ejus minime sensit. Nec mirum,

quomodo enim pondus sentire poterat, qui portantem portabat? Quia in re pensandum est nobis, quantum fraterna compassio valeat, quantum nos omnipotenti Deo misericordiae viscera conjungent. Inde enim ei, qui est super omnia, propinquamus, unde nos per compassionem proximi, etiam sub nosmetipsos deponimus. In rebus corporalibus nemo alta tangit, nisi qui tenditur: in rebus vero spiritualibus certum est, quia quanto plus per compassionem attrahimur, tanto altis verius appropinquamus. Ecce autem Redemptori generis humani ad ædificationem nostram minime sufficit quod in extremo judicio dicturum se esse perhibuit: *Quamdiu fecistis uni de his fratribus meis minimis, mihi fecistis*: nisi & ante iudicium hoc in se ostenderet quod dixisset, ut videlicet demonstraret, quia quisquis nunc bona opera indigentibus exhibet, ei hæc specialiter impendit, cujus hæc amore exhibuerit. Et tanto plus quisque majorem mercedem recipit, quanto nec eum despiciat, qui amplius despiciendus videtur. Quid enim in humana carne sublimius carne Christi, quæ est super angelos exaltata? Et quid in humana carne abjectius carne leprosi, quæ tumescentibus vulneribus scinditur, & exhalantibus fœtoribus impletur? Sed ecce in specie leprosi apparuit: & is qui est reverendus super omnia, videri despectus infra omnia dedignatus non est. Cur hoc, nisi ut sensu nos tardiores admoneret, quatenus quisquis ei qui in cælo est, festinat assistere, humiliari in terra & compati etiam abjectis & despicabilibus fratribus non recuset? Loqui caritati vestræ sub brevitate decreveram: sed quia


Matt. 25. 45.

^a Male Guitmundus l. 2. de Euch. hunc Martyrium confundit, cum alio Valerie monacho, de quo Dial. l. 1. csp. 12. E. V.

^b 1. Marc. Qui quadam die ex itinere ad monasterium proprium remeabat, cui pater spiritualis præerat Ev.

quia non est in homine via ejus ; qui vivit & regnat cum Patre in
decurrentes sermo retineri non potest, unitate Spiritus sancti Deus, per o-
quem disponit ipse de quo loquimur: omnia secula seculorum . Amen.






Lectio sancti Evangelii secundum Lucam.

Luc. Cap. XVI. §. 19. — 31.

^a **I**N illo tempore: Dixit Iesus discipulis suis: Homo quidam erat dives, qui induebatur purpura & bysso, & epulabatur quotidie splendide. Et erat quidam mendicus, nomine Lazarus, qui jacebat ad januam ejus, ulceribus plenus, cupiens saturari de micis, quae cadebant de mensa divitis, & nemo illi dabat. Sed & canes veniebant, & lingebant ulcera ejus. Factum est autem ut moreretur mendicus, & portaretur ab angelis in sinum Abrahae. Mortuus est autem & dives, & sepultus est in inferno. Elevans autem oculos suos cum esset in tormentis, vidit Abraham a longe, & Lazarum in sinu ejus. Et ipse clamans dixit: Pater Abraham miserere mei, & mitte Lazarum ut intingat extremum digiti sui in aquam, ut refrigeret linguam meam, quia crucior in hac flamma. Et dixit illi Abraham: Fili, recordare quia recepisti bona in vita tua, & Lazarus similiter mala. Nunc autem hic consolatur, tu vero cruciaris. Et in his omnibus inter nos & vos chaos magnum firmatum est: ut hi qui volunt hinc transire ad vos, non possint, neque inde huc transmeare. Et ait: Rogo ergo te pater, ut mittas eum in domum patris mei: habeo enim quinque fratres, ut testetur illis, ne & ipsi veniant in hunc locum tormentorum. Et ait illi Abraham: Habent Moysen & Prophetas; audiant illos. At ille dixit: Non, pater Abraham: sed si quis ex mortuis ierit ad eos, poenitentiam agent. Ait autem illi: Si Moysen & Prophetas non audiunt, neque si quis ex mortuis resurrexerit, credent.

^a Belyac. & Corb. Germ. sic & infra, & inducatur, Sic & 1. Marc.



^a H O M I L I A XL.

^b Habita ad populum in basilica ^b sancti Laurentii martyris,
Dominica secunda post Pentecosten.

In Sacra
Scriptura
prius statu-
enda histo-
riae veritas,
postea quæ-
rendus alle-
goria frui-
tus.

1. **I**N verbis sacri eloquii, fratres carissimi, prius servanda est veritas historiae, & postmodum requirenda spiritualis intelligentia allegoriae. Tunc namque allegoriae fructus suaviter carpitur, cum prius per historiam in veritatis radice solidatur. Sed quia nonnunquam allegoria fidem aedificat, & historia moralitatem: nos qui auctore Deo jam fidelibus loquimur, non ab re credimus, si ipsum loquendi ordinem postponamus: quatenus qui fidem jam firmam tenetis, prius de allegoria aliquid breviter audire debeatis: & quod vobis de moralitate historiae valde est necessarium, hoc in expositionis nostrae ordine servetur extremum: quia ea plerumque solent melius recoli, quæ contingit postmodum audiri.

Leet. Evan-
gelica alle-
goricus sen-
sus. Dives e-
pulo, Judaici
populi ty-
pus.

2. Sensus ergo allegoricos sub brevitate transcurramus, ut ad moralitatis latitudinem citius venire valeamus. *Homo quidam erat dives, qui induebatur purpura & bysso, & epulabatur quotidie splendide.* Quem, fratres carissimi, quem dives ille qui induebatur purpura & bysso, & epulabatur quotidie splendide, nisi Judaicum populum significat: qui cultum vitae exterius habuit, qui acceptae Legis deliciis ad nitorem usus est, non ad utilitatem? Quem vero Lazarus ulceribus plenus, nisi Gentilem populum figuraliter exprimit?

Gentilis, La-
zarus.

Qui dum conversus ad Deum, peccata sua confiteri non erubuit, huic vulnus in cute fuit. In cutis quippe vulnere virus a visceribus trahitur, & foras erumpit. Quid est ergo peccatorum confessio, nisi quædam vulnorum ruptio? Quia peccati virus salubriter aperitur in confessione, quod pestifere latebat in mente. Vulnura etenim cutis in superficie trahunt humorem putredinis. Et confitendo peccata quid aliud agimus, nisi malum quod in nobis latebat, aperimus? Sed Lazarus vulneratus cupiebat saturari de micis, quæ cadebant de mensa divitis, & nemo illi dabat: quia Gentilem quemque ad cognitionem Legis admittere superbus ille populus despiciebat. Qui dum doctrinam Legis non ad caritatem habuit, sed ad elationem, quasi de acceptis opibus tumuit. Et quia ei verba defluebant de scientia, quasi micæ cadebant de mensa. At contra jacentis pauperis vulnera lingebant canes. Nonnunquam solent in sacro eloquio per canes prædicatores intelligi. Canum etenim lingua vulnus dum lingit, curat: quia & doctores sancti dum in confessione peccati nostri nos instruunt, quasi vulnus mentis per linguam tangunt: & quia nos loquendo a peccatis eripiunt, quasi tangendo vulnera ad salutem reducunt. ^c Quia enim canum nomine, prædicatorum lin-

Confessio
peccatorum,
est vulne-
rum ruptio.

Nostri vul-
nera sanat
prædicato-
rum & do-
ctorum lin-
gua.

Pater. in
ps. c. lxi.

^a In Corb. est vigesima prima, in Lateran. undecima, in cod. Reg. Suec. trigesima prima.

^b Hæc non sunt C. Germ. nec aliorum plur. In duobus prioribus Gemet. hæc hom. legitur habita in basil. S. Salvat. secus in

Later. in cod. Reg. Suec. Corb. Germ. &c.

^c Primus Carn. quasi enim . . . signatur, dum.

lingua signatur. Domino per Psal-
mistam dicitur: *Lingua canum tuo-
rum ex inimicis ab ipso*. Ex Judæis
quippe infidelibus sancti prædica-
tores electi sunt, qui in assertionem
veritatis contra fures latronesque ve-
nientes, magnos pro Domino, ut
ita dicam, latratus dederunt. Quo
contra de quorundam reprobatione
dicitur: *Canes muti, non valentes
latrare*. Quia ergo prædicatorum san-
cti peccata damnant, confessionem
vero peccatorum approbant, dicen-
tes: *Confitemini alterutrum peccata
vestra, & orate pro invicem, ut
salvemini*, ulcera Lazari canes lin-
gunt. Sancti etenim doctores dum
Gentilium confessiones accipiunt,
mentium vulnera salutem restituunt.
Unde & Lazarus bene interpretatur
Adjutus: quia ipsi hunc ad ereptionem
juvant, quia ejus vulnera per
linguæ correptionem curant. Potest
etiam per linctionem canum, lata
adulantium lingua signari. Adulan-
tibus etenim, vulnera nostra lin-
gere est: quod plerumque solent e-
tiam ipsa mala quæ nos in nobis
reprehendimus, improbo favore lau-
dare. Contigit vero, ut uterque
moreretur. Dives qui induebatur
purpura & bysso, sepultus est in
inferno: in sinum vero Abraham Laz-
arus ab angelis ductus est. Quid
Abraham sinus, nisi secretam requiem
^a significat patrum? De qua Veritas
dicit: *Multi*, inquit, *venient ab
Oriente & Occidente, & recumbent
cum Abraham & Isaac & Jacob
in regno cælorum: filii autem regni
ejicientur in tenebras exteriores*. Qui
enim purpura & bysso indutus dici-
tur, recte regni filius vocatur. Qui
de longinquo ad videndum Lazarum
oculos levat: quia dum per damna-
tionis suæ supplicia infideles in i-

mo sunt, fideles quosque antè diem
extremi judicii super se in requie
attendunt, quorum post gaudia con-
templari nullatenus possunt. Longe
vero est quod conspiciunt; quia il-
luc per meritum non attingunt.
In lingua autem amplius ardere osten-
ditur, cum dicit: *Mitte Laza-
rum, ut intingat extremum di-
giti sui in aquam*, ^b *ut refrigeret
linguam meam, quia crucior in hac
flamma*. Infidelis populus verba Le-
gis in ore tenuit, quæ opere ser-
vare contempsit. Ibi ergo amplius
ardebit, ubi se ostendit scire quod
facere noluit. Quapropter bene de
doctis & negligentibus per Salomo-
nem dicitur: *Omnis labor hominis
in ore ejus, sed anima illius non
implebitur*: quia quisquis hoc so-
lummodo laborat, ut sciat quid
loqui debeat, ^c ab ipsa refectione
suæ scientiæ mente vacua jejunit.
Ab extremo digiti se tangi deside-
rat: quia æternis suppliciis datus,
optat operatione justorum, vel ul-
tima participari. Cui respondetur,
quod in hac vita bona receperit:
quia omne suum gaudium felicita-
tem transitoriam putavit. Habere
hic etenim possunt & justi bona,
nec tamen hæc in recompensatione
recipere: quia dum meliora, id est
æterna, appetunt, eorum judicio
quælibet bona adfuerint, cum san-
ctis desideriis æstuant, bona mini-
me videntur. Unde David prophe-
ta, qui regni divitiis, ^d multisque
obsequiis fulciebatur, quamvis &
hæc ad necessitatem bona esse con-
spiceret, uni tamen singulariter bo-
no inhiante æstuat, dicens: *Mi-
hi autem adhaerere Deo bonum est*.
Inter hæc vero notandum est, quod
ei dicitur: *Memento fili*. Ecce enim
Abraham filium vocat, quem ta-

Cur ignis in-
ferni præci-
pius ardor
in lingua.
Luc. 16. 24.

Eccles. 6. 7.

Non nocet
hoc in secu-
lo habere
bona; modo
Deo adha-
reamus.

1. Sal. 72. 28.

^a C. Germ. Gemet. Belvac. significat
patris.

^b Belvac. & refrigeret.

^c Duo priores Gemet. ac Bigot. ab ipsa
refectionis suæ scientia.

^d Secundus Carn. multisque honoribus.
Per obsequia intelligit minitros obsequen-
tes ut l. 2. Dial. c. 4. cui alia quoque ob-
sequia atque spatharios prabuit.

men a tormento non liberat: quoniam hujus infidelis populi præcedentes patres fideles, quia multos a sua fide deviasse considerant, eos nulla compassione a tormentis eripiunt, quos tamen per carnem filios recognoscunt. In tormentis autem dives positus, quinque fratres habere se perhibet: quia superbus idem Judaicus populus, qui ex magna jam parte damnatus est, sequaces suos quos super terram reliquit, quinque sensibus corporis deditos novit. Quinario ergo numero, fratres quos reliquerat, exprimit: quia quos ad spiritalem intelligentiam non assurgere in inferno positus gemit, petit ut ad eos Lazarus mittatur. Cui quia Moysen & Prophetas habeant, dicitur. Sed ait: *Quia non credent*, nisi quis ex mortuis resurrexerit. Cui protinus respondetur: *Si Moysen & Prophetas non audiunt, neque si quis ex mortuis resurrexerit, credent ei*. Certe de Moyse Veritas dicit: *Si crederetis Moysi, crederetis utique & mihi. De me enim ille scripsit*. Impletur ergo quod per Abrahamæ responsionem dicitur. Ex mortuis enim Dominus resurrexit, sed Judaicus ille populus, quia Moysi credere noluit: ei etiam, qui resurrexit ex mortuis, credere contempsit. Cumque Moysi verba spiritualiter intelligere contempsit, ad eum de quo Moyses locutus fuerat, non pervenit.

3. Hæc nos, fratres carissimi, pro indagandis allegoriæ mysteriis succincte transcurrisse sufficiat: nunc ad intuendam latius rei gestæ mo-

ralitatem animus recurrat: *Homo quidam erat dives, & induebatur purpura & bysso, & epulabatur quotidie splendide. Et erat quidam mendicus, nomine Lazarus, qui jacebat ante januam divitis, ulceribus plenus*. Nonnulli putant præcepta veteris Testamenti districtiora esse, quam novi: sed hi nimirum improvida consideratione falluntur. In illo enim non tenacia, sed rapina mulctatur. Ibi res injuste sublatæ, restitutione quadrupli puniuntur. Hic autem dives iste non abstulisse aliena reprehenditur, sed propria non dedisse. Nec dicitur, quia vi quempiam oppressit, sed quia in acceptis rebus se extulit. Hinc ergo summopere colligendum est, quæ pœna mulctandus sit qui aliena diripit, si inferni damnatione percutitur qui propria non largitur. Nemo ergo securum se æstimet, dicens: Ecce aliena non rapio, sed concessis licite rebus fruor: quia dives ille non idcirco punitus est, quoniam aliena abstulit: sed quia acceptis rebus semetipsum male dereliquit. Hoc quoque fuit quod hunc inferno tradidit: quia in sua felicitate timidus non fuit, quia accepta dona ad usum arrogantiae inflexit, quia viscera pietatis ignoravit, quia peccata sua redimere etiam cum sibi abundaret pretium, noluit. Et sunt nonnulli qui cultum subtilium pretiosarumque vestium non putant esse peccatum. Quod si videlicet culpa non esset, nequaquam sermo Dei tam vigilanter exprimeret, quod dives qui torquetur apud inferos, bysso & purpura

Non solum qui aliena rapiunt, sed etiam qui sua non tribuunt, æterna pœna digni.

d
e

f

Pretiosarum vestium cultus peccatum quædamque est.

Leet. Evan-
gelicæ sen-
sus moralis.

c

a Hic inter mss. codices dissidium est. Sequimur antiq. Belyac. Corb. C. Germ. & Bigot. in quo tamen (quod ab aliis abest) additur, *novit*, dum quinque libros Moysi carnaliter intellexit. In primo Carnut. reliquit, quinque libros Moysi carnaliter intellexisse quinque sensibus corporis deditos

Tom. V.

novit.

b Belyac. *nisi si quis ex mortuis*.

c Excusi, *pro indicandis*.

d Primus Carn. *si in imis inferni damnatione per*.

e Duo priores Gemet. *rebus utitur*.

f 1. Marc. *malitia reliquit*.

A a a

a pura indutus fuisset. Nemo quippe
a vestimenta præcipua nisi ad inanem gloriam quærit, videlicet, ut honorabilior ceteris esse videatur. Nam quia pro sola inani gloria, vestimentum pretiosius quæritur, res ipsa testatur, quod nemo vult ibi pretiosis vestibus indui, ubi ab aliis non possit videri. Quam culpam possumus melius etiam ex diverso colligere: quia si abjectio vilis indumenti virtus non esset, Evangelista vigilanter de Johanne non diceret: *Erat indutus pilis camelorum*.

Matth. 3. 4.

Cur pauperis nomen in Evangelio profertur, non divitis.

b Sed notandum nobis est magnopere, in ore Veritatis de superbo divite & humili paupere quantus sit ordo narrationis. Ecce enim dicitur: *Homo quidam erat dives*; & protinus subinfertur: *Et erat quidam mendicus nomine Lazarus*. Certe b in populo plus solent nomina divitum, quam pauperum sciri. Quid est ergo quod Dominus de paupere & divite verbum faciens, nomen pauperis dicit, & nomen divitis non dicit, nisi quod Deus humiles novit atque approbat; & superbos ignorat? Unde & quibusdam de miraculorum virtute superbientibus in

Matth. 7. 23.

c sitis: *discedite a me omnes c operarii iniquitatis*. At contra Moyse dicitur: *Novi te ex nomine*. Ait ergo de divite: *Homo quidam*. Ait de paupere: *Egenus, nomine Lazarus*. Ac si aperte dicat: Pauperem humilem scio, superbum divitem nescio. Illum cognitum per approbationem habeo, hunc per iudicium reprobationis ignoro.

Exod. 33. 12.

Deus, pauperem tentando, exercebat ad gloriam: divitem tolerando, expectabat ad pœnam.

4. Pensandum nobis est etiam, Conditor noster quanta omnia consideratione dispensat. Una etenim res non pro una re agitur. Nam

a Ita omnes mss. nostri, quibus vet. edit. concinunt. Recentiores pro, *præcipua*, sumserunt, *pretiosa*.

b Bigot, in publico. Ibid. pro, *sciri* Belyac. & duo priores Gemet. habent, *scire*.

ecce plenus ulceribus mendicus Lazarus ante januam divitis jacet. Qua de re una Dominus duo iudicia explevit. Habuisset enim fortasse aliquam excusationem dives, si Lazarus pauper & ulcerosus ante ejus januam non jacuisset, si remotus fuisset, si ejus inopia non esset oculis importuna. Rursum si longe esset dives ab oculis ulcerosi pauperis, minorem tolerasset in animo tentationem pauper. Sed dum egenum & ulceratum ante januam divitis & deliciis affluentis posuit, in una eademque re & ex visione pauperis non miserenti diviti cumulum damnationis intulit, & rursum ex visione divitis tentatum quotidie pauperem probavit. Quantas namque hunc egenum & vulneribus obsessum tentationes creditis in sua cogitatione tolerasse, cum ipse egeret pane, & non haberet etiam d salutem, atque ante se divitem cerneret salutem & e delicias habere cum voluptate: se dolore & frigore affici, illum gaudere conspiceret, bysso & purpura vestiri: se deprimi vulneribus, illum diffluere acceptis rebus: se egere, illum nolle largiri? Quantus putamus, fratres mei, tunc in corde pauperis tumultus tentationis fuit, cui certe poterat ad pœnam sufficere paupertas, etiamsi sanus fuisset: & rursum suffecisset ægritudo, etiamsi subsidium adesset? Sed ut probaretur amplius pauper, simul hunc & paupertas & ægritudo tabefecit. Atque insuper videbat procedentem divitem obsequentibus cuneis circumfulciri, & se in infirmitate & inopia a nullo visitari. Nam quia nemo ei ad visitandum aderat, testantur canes, qui licenter ejus vulnera

d
e

c Bigot. qui operamini iniquitatem.

d Sic legendum ex mss. Belyac. Corb. C. Germ. Gemet. &c. Ubi, *salutem*, significat, *sanitatem*, quod excusi habent.

e Belyac. *divitias*.

2 nera lingeant. Ex una ergo re omnipotens Deus duo judicia ^a exhibuit, dum Lazarum pauperem ante januam divitis jacere permittit, ut & dives impius damnationis sibi augeret ultionem, & tentatus pauper cresceret ad remunerationem. Conspiciebat ille quotidie cui non miseretur, videbat iste de quo probaretur. Duo inferius corda, sed unus desuper inspector, qui & hunc tentando exercebat ad gloriam, & illum tolerando expectabat ad poenam. Nam sequitur:

Aequitas &
severitas ju-
dicio-
rum
Dei.

5. Factum est autem ut moreretur mendicus, & portaretur ab angelis in sinum Abrahe. Mortuus est autem & dives, & sepultus est in inferno. Qui nimirum dives eum cui in hac vita misereri noluit, in suo jam supplicio positus patronum querit. Nam ecce subjungitur: Qui elevans oculos, cum esset in tormentis, vidit Abraham a longe, & Lazarum in sinu ejus. Et ipse clamans dixit: Pater Abraham miserere mei, & mitte Lazarum ut intingat extremum digiti sui in aquam, ut refrigeret linguam meam, quia crucior in hac flamma. O quanta est subtilitas judiciorum Dei! O quam districte agitur bonorum actuum malorumque retributio! Certe superius dictum fuit, quia in hac vita Lazarus cadentes micæ de mensa divitis quærebat, & nemo illi dabat: nunc de supplicio divitis dicitur, quia de extremo digito Lazari distillari aquam in ore suo concupiscit. Hinc ergo, hinc fratres, colligite quanta sit districtio severitatis Dei. Dives enim iste qui vulnerato pauperi mensæ suæ vel minima dare noluit, in inferno positus, usque ad minima quærenda pervenit. Nam guttam aquæ petivit, qui micæ panis ne-

gavit. Sed notandum valde est quid sit quod dives in igne positus, linguam suam refrigerari petit. Mos quippe est sacri eloqui, ut aliquando aliud dicat, sed ex eodem dicto aliud innuat. Superius autem hunc superbum divitem Dominus non loquacitati vacantem dixerat, sed superflue convivantem. Neque hunc de ^b loquacitate narravit, sed cum elatione & tenacia de edacitate peccasse. Sed quia abundare in conviviis loquacitas solet, is qui male hic convivatus dicitur, apud infernum gravius in lingua ardere perhibetur. Prima namque male convivantibus famulatur culpa loquacitatis, post loquacitatem vero ludendi etiam levitas sequitur. Nam quia edacitatem lusus sequatur, testatur sacra Scriptura, quæ ait: Sedit populus manducare & bibere, & surrexerunt ludere. Sed priusquam ad lufum moveatur corpus, ad jocos ac verba inania movetur lingua. Quid ergo est quod innuitur, quia in tormentis positus dives linguam suam refrigerari postulat, nisi quod is qui convivando magis de loquacitate peccaverat, per retributionis justitiam in lingua atrocius ardebat?

b

Convivia se-
quantur lo-
quacitas &
lufus.

Exod. 32. 6.

6. Sed cum gravi valde est pavore pensandum hoc quod ei per Abraham responsionem dicitur: Fili, recordare quia recepisti bona in vita tua, & Lazarus similiter mala. Nunc autem hic consolatur, tu vero cruciaris. Ista, ^c fratres mei, sententia pavore potius indiget, quam expositione. Nam si qui estis qui in hoc mundo exterioris boni aliquid accepistis, ipsum, ut ita dicam, donum exterius pertimescere debetis: ne vobis pro quorundam vestrorum actuum recompensatione sit datum: ne iudex qui hic bona

De bonis
quæ hic ac-
cipimus
quam me-
tuendum.
De penis.
dist. 3. can.
Cavendum.

c

A a a 2 exte-

^a 1. Marc. exposuit. . . divitis posuit

^b Sic legitur in mss. Editoribus placuit ponere, notavit; pro narravit.

^c Non verba ipsa referuntur a Gratiano loco indicato; sed sensus tantum, & quidem solum ex parte.

exteriora restituit, a retributione boni intimi repellat: ne honor hic vel divitiarum, non adjumentum virtutis, sed remuneratio sint laboris. Ecce enim dum dicitur: *Recepisti bona in vita tua*; indicatur & dives iste boni aliquid habuisse, ex quo in hac vita bona reciperet. Rursumque dum de Lazaro dicitur, quia recepit mala, profecto monstratur & Lazarus habuisse malum aliquod, quod purgaretur. Sed mala Lazari purgavit ignis inopiarum, & bona divitis remuneravit felicitas transeuntis vitæ. Illum paupertas afflixit & terfit, istum abundantia remuneravit & repulit. Quicumque ergo bene in hoc seculo habetis, cum vos bona egisse recolitis, valde de ipsis pertimescite, ne concessa vobis prosperitas eorundem remuneratio sit bonorum. Et cum quoslibet pauperes nonnulla reprehensibilia perpetrare conspiciatis, nolite despiciere, nolite desperare: quia fortasse ^a quod superfluitas tenuissimæ pravitatis inquinat, caminus paupertatis purgat. De vobis omnimodo pertimescite: quia nonnulla etiam male acta, prospera vita secuta est. De illis vero solícite pensate, quia eorum vitam etiam magistra paupertas cruciat, quousque ad rectitudinem perducatur.

Utrum beati aliquo misericordiarum sensu erga reprobos moveantur.

7. Sequitur: *Et in his omnibus inter nos & vos chaos magnum firmatum est; ut hi qui volunt hinc ad vos transire, non possint, neque inde huc transmeare*. Qua in re valde quærendum est, quomodo dicatur, *Hi qui volunt hinc ad vos transire, non possunt*. Quia enim hi qui in inferno sunt, ad beatorum sortem transire cupiant, dubium non est.

^a Excusi, quos superfluitas.

^b In Longip. post, moveantur; additum; etiamsi misereri vellent, jam tunc omnino non possent. Ipsi quippe.

^c Duo priores Gemet. conspiciunt se nullatenus esse repulso.

^d Carnut. iudicis.

Qui vero jam in beatitudinis sorte suscepti sunt, quo pacto dicitur quia transire ad eos qui in inferno cruciantur, volunt? Sed sicut transire reprobi ad electos cupiunt, id est a suppliciorum suorum afflictione migrare: ita ad afflictos atque in tormentis positos transire justorum, est mente ire per misericordiam, eosque velle liberare. Sed qui volunt de beatorum sede ad afflictos atque in tormentis positos transire, non possunt: quia justorum animæ quamvis in suæ naturæ bonitate misericordiam habeant, jam tunc auctoris sui iustitiæ conjunctæ, tanta rectitudine constringuntur, ut nulla ad reprobos compassione ^b moveantur. Ipsi quippe iudici concordant, cui inhærent, & eis quos eripere non possunt, nec ex misericordia condescendunt: quia tantum illos tunc a se videbunt extraneos, quantum ab eo quem diligunt auctore suo ^c conspiciunt esse repulso. Nec iniusti ergo ad beatorum sortem transeunt, quia damnatione perpetua constringuntur: nec iusti transire ad reprobos possunt, quia erecti jam per iustitiam ^d iudicii, eis nullo modo ex aliqua compassione misereantur.

8. Sed postquam ardenti diviti de se spes tollitur, ejus animus ad propinquos quos reliquerat, recurrit: quia reproborum mentem poena sua quandoque inutiliter erudit ad caritatem, ut jam tunc etiam suos spiritaliter diligant, ^e qui hic dum peccata diligerent, nec se amabant.

Unde nunc subditur: *Rogo ergo te, pater, ut mittas eum in domum patris mei: habeo enim quinque fratres, ^f ut testetur illis, ne & ipsi*

Ad poenæ cumulum damnati vident eorum gloriam quos desperaverunt, & de eorum quos dilexerunt periculo torquentur.

^e Primus Carn. quos hic dum nec secum amabant.

^f Belvac. C. Germ. & duo priores Gemet. ut testificetur illis Lazarus. C. Germ. tamen in lectione Evang. habet, ut testetur.

veniant in hunc locum tormentorum. Qua in re notandum est, ardenti diviti quanta ad supplicium cumulantur. Ad pœnam namque suam ei & cognitio servatur & memoria. Cognoscit enim Lazarum quem despexit: fratrum quoque suorum meminit, quos reliquit. Perfecta quippe ei ultio de paupere non esset, si hunc in retributione non recognosceret. Et perfecta pœna in igne non esset, si non hoc ^a quod ipse patitur, etiam in suis, timeret. Ut ergo peccatores in supplicio amplius puniantur, & eorum vident gloriam quos contemserunt, & de illorum etiam pœna torquentur quos inutiliter amaverunt. Credendum vero est, quod ante retributionem extremi iudicii, iniusti in requie quosdam iustos conspiciunt, ut eos videntes in gaudio, non solum de suo supplicio, sed etiam de illorum bono crucientur. Iusti vero in tormentis semper intuentur iniustos, ut hinc eorum gaudium crescat, quia malum conspiciunt quod misericorditer evaserunt: tantoque majores ereptori suo gratias referunt, quanto vident in aliis quod ipsi perpeti, si essent relictî, potuerunt. Nec illam tantæ beatitudinis claritatem apud iustorum animi fuscant spectata pœna reproborum: quia ubi jam compassio miseriæ non erit, minuire proculdubio beatorum lætitiæ non valebit. Quid autem mirum, si dum iusti iniustorum tormenta conspiciunt, hoc eis veniat in obsequium gaudiorum, quando & in pictura niger color substernitur, ut albus vel rubeus clarior videatur? Nam sicut dictum est, tanto bonis sua gaudia excrescunt, quanto eorum oculis damnatorum mala subterjacent, quæ evaserunt. Et quamvis eis sua gaudia ad perfruendum plene sufficiant, mala tamen repro-

borum absque dubio semper aspi-
ciunt: quia qui Creatoris sui clari-
tatem vident, nihil in creatura agi-
tur quod videre non possint.

9. Petenti autem diviti ut Laza-
rus mittatur, ab Abraham protinus
respondetur: *Habent Moysen & Pro-
phetas; audiant illos.* Sed qui Dei
verba despexerat, hæc audire non
posse suos sequaces existimabat. Un-
de & respondit dives: *Non pater-
mi: sed si quis ex mortuis ierit ad
eos,* ^b *credent.* Cui mox veraci sen-
tentia dicitur: *Si Moysen & Pro-
phetas non audiunt, neque si quis ex
mortuis resurrexerit, credent ei,* quia
nimirum qui verba Legis despi-
ciunt, Redemptoris præcepta qui ex
mortuis resurrexit, quanto subti-
liora sunt, tanto hæc difficilius im-
plebunt. Minus est enim quidquid per
Legem dicitur, quam hoc quod per
Dominum jubetur. Illa enim dari
decimas præcipit; Redemptor vero
noster ab his qui perfectionem se-
quuntur, omnia dimitti jubet. Illa
peccata carnis refecat; Redemptor
vero noster illicitas cogitationes et-
iam damnat. *Si ergo Moysen & Pro-
phetas non audiunt, neque si quis
ex mortuis resurrexerit, credent:*
quia hi qui viliora Legis præcepta
implere negligunt, Salvatoris nostri
mandatis altioribus obedire quando
convalescunt? Et nimirum constat,
quia cuius implere dicta renuunt,
ei proculdubio credere recusant. Hæc
nos de ipsa rei gestæ consideratione
dixisse sufficiat.

10. Sed vos, fratres, & requiem
Lazari, & pœnam divitis cogno-
scentes, solerter agite, culparum
vestrarum intercessores quærite, at-
que advocatos vobis in die iudicii
pauperes procurete. Multos etenim
nunc Lazaros habetis; ante januas
vestras jacent, atque his indigent,
quæ vobis jam satiatis quotidie de
men-

Cur qui
Moysen &
Prophetas
non au-
diunt, mor-
tuos resur-
gentes non
sint auditu-
ri.

b

Sancti quo-
que repro-
borum tor-
menta no-
xunt quæ
misericor-
dia Dei eva-
serunt.

Hinc gaudii
fit accessio.

Apud Deum
quærendi
sunt inter-
cessores,
pauperes.

^a Bigot. quod in se.

^b Editi pro, credent, habent, pœnitent.

riam agent; quod in mss. minime legi-
mus.

Ipſi patroni
ſunt quos
rogare de-
beremus.

Vitioſi pau-
peres corri-
piendi, & ta-
men cibari-
di.

Honor pau-
peribus de-
bitus exem-
plo demon-
ſtratur.
Lib. 4. Dia-
log. cap. 15.

menſa cadunt. Verba ſacræ lectionis debent nos inſtruere ad implenda mandata pietatis. Quotidie Lazarum, ſi quærimus, invenimus: quotidie Lazarum, etſi non quærimus, cernimus. Ecce importune ſe pauperes offerunt, rogant nos, qui tunc pro nobis interceſſores venient. Certe nos omnino rogare debuimus, ſed tamen rogamur. Videte ſi negare debemus quod petimur, quando patroni ſunt qui petunt. Nolite ergo miſericordiæ tempora perdere, nolite accepta remedia diſſimulare. Ante ſupplicium cogitate de ſupplicio. Cum quoslibet in hoc mundo abjectos aſpiciſtis; etiam ſi qua reprehendiſſibilia eorum eſſe videantur, nolite deſpicere: quia fortasſe quos morum infirmitas vulnerat, medicina paupertatis curat. Quorum ſi qua ſunt talia quæ debeant jure reprehendi; hæc ſi vultis, ad uſum veſtræ mercedis inſectite, ut ex ipſis eorum vitiis cumulentur vobis incrementa pietatis: quatenus panem pariter detis & verbum; panem refectionis cum verbo correptionis: & duo a vobis alimenta percipiant, qui unum quærebant, dum & exterius cibo, & interius ſatiantur eloquio. Pauper ergo cum reprehendiſſibilis cernitur, moneri debet, deſpici non debet. Si vero reprehendiſſionis nihil habet, ^a venerari ſummopere ſicut interceſſor debet. Sed ecce multos cernimus: quis cujuſſit meriti, neſcimus. Omnes ergo venerandi ſunt, tantoque neceſſe eſt ut omnibus te humiliare debeas, quanto ^b quis eorum ſit Chriſtus ignoras.

11. Rem, fratres, refero, quam bene iſ qui præſto eſt, frater & compresbyter meus Specioſus novit. Eodem tempore quo monaſterium

^a Hoc verbo in paſſiva ſignificatione ſæpe utitur Gregorius, ut lib. 18. Moral. n. 13. lib. 19. num. 36. in fine lib. 22. n. 6. & alibi ſæpe.

^b Corb. quis ſit Chriſti.

^c Omniſſum in excuſis adverbium, ſem-

petii, anus quædam Redemta nomine, in ſanctimoniali habitu conſtituta, in urbe hac juxta beatæ Mariæ ^c ſemper virginis Eccleſiam manebat. Hæc illius Herundinis diſcipula fuerat, quæ magnis virtutibus pollens, ſuper Præneſtinos montes vitam eremiticam duxiſſe ferebatur. Huic duæ in eodem habitu diſcipulæ adhærebant: una nomine Romula, & altera, quæ nunc adhuc ſuper eſt, quam quidem facie ſcio, ſed nomine neſcio. Tres itaque hæ in uno habitaculo commanentes, morum quidem divitiis plenam, ſed tamen rebus pauperem vitam ducebant. Hæc autem, quam præſatus ſum, Romula, aliam quam prædixi condiscipulam ſuam magnis vitæ meritis anteibat. Erat quippe miræ patientiæ, ſummæ obedientiæ, cuſtos oris ſui ad ſilentium, ſtudioſa valde ad continuæ orationis uſum. Sed quia plerumque hi, quos jam perfectos homines æſtimant, adhuc in oculis ſummi opificis aliquid imperfectionis habent: ſicut ſæpe imperiti homines necdum ^d perfecte ſculpta ſigilla conſpicimus, & jam quaſi perfecta laudamus, quæ adhuc artifex conſiderat & limat, laudari jam audit, & tamen ea tundere meliorando non deſinit: hæc quam prædiximus Romula, ea quam Græco vocabulo medici paralyſin vocant, moleſtia corporali percuffa eſt, multiſque annis in lectulo decubans, ^e pene omnium jacebat membrorum officio deſtituta: nec tamen hæc eadem ejus mentem ad impatientiam flagella perduxerant. Nam ipſa ei detrimenta membrorum facta fuerant incrementa virtutum: quia tanto ſollicitius ad uſum orationis ſucceverat, quanto & aliud quodlibet agere

Romulæ
virtutes.

^d Aliter de
perfectione.
Deus judi-
cat, aliter
homines.

^c Detrimenta
membro-
rum, Romu-
læ facta vir-
tutum in-
crementa.

per, revocavimus ex mſſ. C. Germ. Gemet. Bigot. &c.

^d Corb. & duo priores Gemet. perfecta ſculptentis ſigilla.

^e Al. pene omni jacebat membrorum officio. Sic & 1. Marc.

a agerè nequaquam valebat. Nocte ergo quadam eandem Redemtā quam præfatus sum, quæ utraq; discipulas suas ^a filiarum loco nutriebat, vocavit dicens: Mater veni, mater veni. Quæ mox cum alia ejus discipula surrexit, sicut utrisque referentibus, & multis res eadem clarruit, & ego quoque eodem tempore agnovi. Cumque noctis medio, lectulo jacentis assisterent, subito cœlitus lux emissa, omne illius cellulæ spatium implevit: & splendor tantæ claritatis emicuit, ut corda assistentium inæstimabili pavore perstringeret, atque, ut post ipsæ refererebant, omne in eis corpus obrigesceret, & in subito stupore remanerent. Cœpit namque quasi cuiusdam magnæ multitudinis ingredientis sonitus audiri, ostium cellulæ concuti, ac si ingredientium turba premeretur. Atquo, ut dicebant, intrantium multitudinem sentiebant, sed nimietate timoris & luminis, videre nil poterant: quia earum oculos & pavor depreserat, & ipsa tanti luminis claritas reverberabat. Quam lucem protinus miri odoris est fragrantia subsecuta: itaut earum animum, quia lux emissa terruerat, odoris suavitas refoveret. Sed cum vim claritatis illius ferre non possent, cœpit eadem Romula assistentem sibi & tremantem Redemtā, suorum morum magistrā, blanda voce consolari, dicens: noli timere, mater, non morior modo. Cumque hoc illa crebro diceret, paulatim lux quæ fuerat immissa, subtracta est: sed is qui subsecutus est odor remansit. Sicque dies secundus & tertius transiit, ut aspersi fragrantia odoris remane-

ret. Nocte ergo quarta eandem magistrā suam iterum vocavit. Quæ veniente ^b viaticum petiit, & accepit. Necdum vero eadem Redemta & alia ejus discipula a lectulo jacentis abscesserant, & ecce subito in platea ante ejusdem cellulæ ostium duo chori psallentium constiterunt, & sicut ipsæ se dicebant sexus ex vocibus discrevisse, psalmodiæ cantus dicebant viri, & seminæ respondebant. Cumque ante fores cellulæ exhiberentur cœlestes exsequiæ, sancta illa anima carne soluta est. Quæ ad cœlum ducta, quanto chori psallentium altius ascendebant, tanto cœpit psalmodia lenius audiri, quousque & ejusdem psalmodiæ sonitus & odoris suavitas elongata finiretur.

12. Hæc ergo quamdiu vixit in corpore, quis illam haberet in honore? Indigna cunctis, despecta omnibus videbatur. Quis ad illam accedere, quis illam videre dignaretur? Sed latebat in sterquilinio margarita Dei. ^c Sterquilinum, fratres, hanc ipsam corruptibilitatem corporis appello, sterquilinum abjectionem paupertatis nomino. Assumpta est ergo margarita quæ jacebat in sterquilinio, & posita in cœlestis Regis ornamento, jam inter supernos cives emicat, jam inter ignitos illos lapides æterni diadematis coruscat. O vos qui in hoc mundo divites aut esse creditis, aut estis, conferte, si potestis falsas divitias vestras veris divitiis Romulæ. Vos in hujus mundi via omnia amissuri possidetis: illa nihil quæsit in itinere, & omnia invenit in perventione. Vos lætam vitam ducitis, tristem mortem timetis: illa tristem vitam pertulit, ad lætam mortem

Romulæ
mors & cœlestes exsequiæ.

Exhortatio
ad colendos
& sublevandos
pauperes.

^a Ridicule apud Gossanvil. *silvarum locos*; typographico haud dubie lapsu crassissimo; cui tamen in indice expurgatorio denegatus locus.

^b Est, *viaticum*, non semper significet Eucharistiam, quæ ab hac vita profecturis ex Christiano more datur; hic tamen, pro

ipsa est accipiendum. De hoc argumento diximus in notis ad Dialogos lib. 4. c. 15.

^c Abest a Belvac. *sterquilinum, fratres, hanc ipsam corruptibilitatem corporis appello*. Legitur tamen in al. præsertim in Corb. Germ. antiquissimo.

pervenit . Vos ad tempus quæritis obsequium hominum : illa despecta ab hominibus , invenit socios choros angelorum . Discite ergo , fratres , temporalia cuncta despicere : discite honorem transeuntem contemnere , æternam gloriam amare . Honorate quos pauperes videtis , & quos foris conspiciatis despectos seculi , intus arbitramini amicos Dei . Cum his participamini quod habetis , ut hoc quandoque dignentur vobiscum participari quod habent .

2. Cor. 14. dicitur : *In hoc tempore vestra abun-*

dantia illorum inopiam suppleat , ut & illorum abundantia vestræ inopiæ sit supplementum . Pensate quod ipsa per se Veritas dicit : *Quamdiu fecistis uni de his fratribus meis minimis , mihi fecistis .* Ad tribuendum pigri cur estis , quando hoc quod jacenti in terra porrigitis , sedenti in cœlo datis ? Sed hæc omnipotens Deus ^a quæ per me in vestris auribus loquitur , per se in vestris mentibus loquatur : qui vivit & regnat cum Patre in unitate Spiritus sancti Deus , per omnia secula seculorum . Amen ,

Matt. 25. 40.

a

^a 1. Marc. qui.



ORA-

O R A T I O

S. G R E G O R I I

A D P L E B E M,

de Mortalitate ^a.

^a 1. **O**PORTET, fratres carissimi, ut flagella Dei quæ metuere ventura debuimus, saltem præsentia & experta timeamus. ^b Conversionis nobis aditum dolor aperiat, & cordis nostri duritiam ipsa jam quam patimur pœna dissolvat. Ut enim ^{Jer. 4. 10.} Propheta teste prædictum est: *Per-*
^c *venit gladius usque* ^c *ad animam*. Ecce enim cuncta plebs cœlestis iræ mucrone percutitur, & repentina singuli cæde vastantur. Nec languor mortem prævenit, sed & languoris moras, ut cernitis, mors ipsa præcurrit. Percussus quisque ante rapitur, quam ad lamenta pœnitentiæ convertatur. Pensate ergo qualis ad conspectum districti judicis pervenit, ^d cui non vacat flere quod fecit. Habitatores quippe non ex parte subtrahuntur, sed pariter corruunt. Domus vacuæ relinquuntur, filiorum funera parentes aspiciunt, & sui eos ad interitum heredes præcedunt. Unusquisque ergo nostrum ad pœnitentiæ lamenta confugiat, dum flere ante percussionem vacat. Revocemus ante oculos mentis quidquid errando commisimus: & quod nequiter egimus, flendo ^{Psal. 94. 2.} puniamus: *Præveniamus faciem ejus in confessione*; & sicut Propheta admonet: *Levemus corda nostra cum*
^{Thren. 3. 41.} *manibus ad Deum*. Ad Deum quip-

pe corda cum manibus levare, est orationis nostræ studium cum merito bonæ operationis erigere. Dat profecto, dat tremori nostro fiduciam, qui per Prophetam clamat: *No-*
^{Exec. 33. 11.} *lo mortem peccatoris, sed ut convertatur, & vivat*. Nullus autem de iniquitatum suarum immanitate desperet. Vaternosas namque Ninivitarum culpas triduanæ pœnitentiæ absterxit, & conversus latro vitæ præmia etiam in ipsa sententia suæ mortis emeruit. Mutemus igitur corda, & præsumamus nos jam percepisse quod petimus. Citius ad precem judex flectitur, si a pravitate sua petitor corrigatur. Imminente ergo tantæ animadversionis gladio, nos importunis precibus insistamus. Ea namque quæ ingrata esse hominibus importunitas solet, ^e *judicio* veritatis placet: quia pius ac misericors Deus a se vult veniam precibus exigere, qui quantum mereamur, non vult irasci. Hinc etenim per Psalmistam dicitur: *Invoca me* ^{Psal. 49. 15.} *in die tribulationis tue*, ^f *eripiam te, & magnificabis me*. Ipse ergo sibi testis est, quia invocantibus misereri desiderat, qui monet ut invocetur. Proinde, fratres carissimi, contrito corde, & correctis operibus craftina ^g die ab ipso feriæ quartæ diluculo, ^h ad Litaniam septiformem, ^h *juxta*

^a Vid. Johan. Diacon. lib. 1. num. 31. & Paulum Diaconum numer. xi. E. V.

^b Germ. *Conversationis*.

^c Bigot. *usque ad an. nostras*.

^d Duo Bigot. & Utic. *cui non licet*.

^e Excusi, *judici verit*. contra mss. nostrorum fidem ne uno quidem excepto. *Le-*
Tom. V.

gitur etiam in Greg. Turon. *judicio*.

^f Unus Bigot. *eruum te*.

^g Sic restituimus ex Corb. Germ. Bigot. & aliis; necnon ex Greg. Turon.

^h Primus Bigot. *Septiformi letania*... *devota ad lacrymas mente veniamus*. Hic absoluitur Sermo in C. Germ. & Primo Big.

juxta distributionem inferius designatam, devota mente cum lacrymis veniamus. Nullus vestrum ad terrena opera in agros exeat, nullus quodlibet negotium agere præsumat: quatenus ad sanctæ genitricis Domini Ecclesiam convenientes, qui simul omnes peccavimus, simul omnes mala quæ fecimus deploremus: ut districtus judex dum culpas nostras nos punire considerat, ipse a sententia propositæ damnationis parcat. ^a Litania

a

Clericorum exeat ab Ecclesia beati Johannis Baptistæ. Litania virorum, ab Ecclesia beati martyris Marcelli. Litania Monachorum, ab Ecclesia martyrum Johannis & Pauli. Litania ancillarum Dei, ab Ecclesia beatorum martyrum Cosmæ & Damiani. Litania feminarum conjugatarum, ab Ecclesia beati primi martyris Stephani. Litania viduarum, ab Ecclesia beati martyris Vitalis. Litania pauperum & infantium, ab Ecclesia beatæ martyris ^b Cæcilie.

b

^a Personarum & locorum ordo diversus est apud Greg. Turon. l. 10. Hist. cap. 1. & apud Paulum Diac. l. 3. de gestis Langob. c. 25. Lege quæ observavimus ad cap. 42. lib. 1. vitæ S. Greg. auct. Johan. Diac.

^b In excusis legitur post *Cæcilia*, *facta sunt hæc in basil. S. Sabine sub die quarto Kal. Sept. Indictione vi*, quæ unus ha-

bet Colb. codex. Certe in Ind. vi. est manifestus error, hæc enim necessario referenda sunt ad Indict. viii. Nota autem Indictioni vi. quæ est in codice Colb. partem Registri Epistolarum continente, aptari non debet Sermoni sed Epistolæ subsequenti quæ est prima omnium ad Ind. vi. pertinentium.



INDEX HOMILIARUM

I N E V A N G E L I A.

- HOM. I. Dom. II. Adventus :**
 Erunt signa in sole &c. pag. 143.
- HOM. II. Dom. Quinquages.** Assum-
 sit Jesus duodecim discipulos suos
 &c. 147.
- HOM. III. In die Natalis S. Fe-
 licit. Mart.** Loquente Jesu ad tur-
 bas, ecce mater ejus. 151.
- HOM. IV. De Apostolis:** Misit Je-
 sus duodecim discipulos. 154.
- HOM. V. In die Natalis S. Andreae
 Apost.** Ambulans Jesus juxta mare
 Galileæ. 158.
- HOM. VI. Dom. III. Adventus:** Cum
 audisset Johannes in vinculis ope-
 ra Christi. 161.
- HOM. VII. Dom. IV. Adventus :**
 Miserunt Judæi ab Jerosolymis
 Sacerdotes & Levitas. 165.
- HOM. VIII. In die Natalis Domi-
 ni:** Exiit edictum a Cæsare Au-
 gusto. 169.
- HOM. IX. In die Natalis S. Sil-
 vestri:** Homo quidam peregre
 proficiscens. 173.
- HOM. X. In die Epiphaniæ:** Cum
 natus esset Jesus in Bethlehem
 Judæ. 177.
- HOM. XI. In die S. Agnetis:** Si-
 mile est regnum cœlorum thesau-
 ro abscondito in agro. 182.
- HOM. XII. In die S. Agnetis:** Si-
 mile est regnum cœlorum decem
 virginibus. 186.
- HOM. XIII. In die S. Felicis Conf.**
 Sint lumbi vestri præcincti. 191.
- HOM. XIV. Dom. II. post Pascha:**
 Ego sum Pastor bonus. 195.
- HOM. XV. Dom. in Sexagesima:**
 Cum turba plurima conveniret.
 199.
- HOM. XVI. Dom. I. Quadragesi-
 mæ:** Ductus est Jesus in deser-
 tum a Spiritu. 203.
- HOM. XVII. Ad Episcopos in fon-
 te Lateran.** Designavit Dominus Je-
 sus & alios septuaginta duos. 207.
- HOM. XVIII. Dom. in Pass.** Dice-
 bat Jesus turbis Judæorum & prin-
 cipibus Sacerdotum. 217.
- HOM. XIX. Dom. in Septuagesima:**
 Simile est regnum cœlorum ho-
 mini patrifamilias. 222.
- HOM. XX. Sabbato Quat. Temp.**
ante Nat. Christi: Anno xv. Im-
 perii Tiberii Cæsaris. 227.
- HOM. XXI. In die sancto Paschæ:**
 Maria Magdalene & Maria Ja-
 cobi & Salome. 236.
- HOM. XXII. Sabbato post Pascha:**
 Una sabbati Maria Magdalene ve-
 nit mane. 241.
- HOM. XXIII. In crastino Paschæ:**
 Duo ex discipulis Jesu ibant ipsa
 die in castellum. 249.
- HOM. XXIV. Feria quarta Paschæ:**
 Manifestavit se iterum Jesus di-
 scipulis suis. 252.
- HOM. XXV. Feria quinta Paschæ:**
 Maria stabat ad monumentum
 foris plorans. 256.
- HOM. XXVI. In octavis Paschæ:**
 Cum esset sero die illa una sab-
 batorum. 265.
- HOM. XXVII. In die Nat. S. Pan-
 cratii:** Hoc est præceptum meum
 ut diligatis invicem. 272.
- HOM. XXVIII. In die Natalis SS.
 Nerii & Achillei:** Erat quidam
 regulus, cujus filius infirmabatur
 Capharnaum. 278.
- HOM. XXIX. In Ascens. Domini:**
 Recumbentibus undecim discipu-
 lis apparuit illis Jesus. 281.
- HOM. XXX. In die sancto Pente-
 costes:** Si quis diligit me, ser-
 monem meum servabit. 287.
- HOM. XXXI. Sab. Quat. Temp. Se-
 ptembris:** Arborem ficu habebat
 quidam plantatam. 294.
- HOM. XXXII. In die Natalis SS.
 Procelli & Martiniani:** Si quis
 vult

vult post me venire, abneget semetipsum. 299.

HOM. XXXIII. *Feria Sexta Quat. Temp. Septembris*: Rogabat Jesum quidam Phariseus ut manducaret cum illo. 306.

HOM. XXXIV. *Dom. III. post Pent.* Erant appropinquantibus ad Jesum Publicani & peccatores. 313.

HOM. XXXV. *In die Natalis S. Mennæ*, Cum audieritis praelia & seditiones. 324.

HOM. XXXVI. *Dom. II. post Pent.* Homo quidam fecit cenam magnam. 331.

HOM. XXXVII. *In die Natalis S. Sebastiani Mart.* Siquis venit ad me & non odit patrem suum & matrem & uxorem &c. 340.

HOM. XXXVIII. *In basilica B. Clementis Mart.* Loquebatur Jesus principibus Sacerdotum & Phariseis in parabolis. 347.

HOM. XXXIX. *In basilica B. Johannis*: Cum appropinquaret Jesus Jerusalem, videns civitatem fleuit super illam. 357.

HOM. XL. *Dom. II. post Pentecosten.* Homo quidam erat dives. 376.

Oratio de Mortalitate. 379

F I N I S.

